



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>




1944





Montanae Congregationis Benedictino-Bavariae Praefectus

Reverendus Pater O.S. Bened. Abbas Welso



Printed by J. G. Schmitt, L. A. 1878

**HISTORIA
MONASTERII
WESSEFONTANI
ILLUSTRANS**

**HISTORIAM BAVARICAM
UNIVERSALEM & PARTICULAREM
DE PROMPTA**

**EX APPROBATISSIMIS SCRIPTORIBUS
RERUM GERMANICARUM, & MAXIME
BAVARICARUM,**

**AUTHORE
P. COELESTINO LEUTTNER
Benedictino Wessefontano Exempti
Congregationis Benedictino-Bavaricæ Secretarii
Protonotario Apostolico publico in curia Romanâ
immatriculato.**

PERMISSU SUPERIORUM.



**Augustæ Vindelicorum & Friburgi Brisgojæ,
Sumptibus Fratrum Ignatii & Antonii Wagner, Bibliopolarum
MDCCLIII.**



REVERENDISSIMO, PERILLUSTRI
AC
AMPLISSIMO

• DOMINO, DOMINO

B E D Æ,

ANTIQUISSIMI, CELEBERRIMI, AC EXEMPTI
MONASTERII

WESSOFONTANI

ABBATI VIGILANTISSIMO,
EXEMPTÆ CONGREGATIONIS

BENEDICTINO - BAVARICÆ SUB TITULO

SS. ANGELORUM CUSTODUM

PRÆSIDI GENERALI,

ALMÆ, AC ARCHIEPISCOPALIS UNIVERSITATIS
SALISBURGENSIS ASSISTENTI DIGNISSIMO &c, &c

DOMINO,

AC

PATRI SUO

PLURIMUM GRATIOSO.

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

*Reverendissime, Perilluſtris ac
Ampliſſime*

**DOMINE, DOMINE
PRÆSUL,
DOMINE, AC PATER PLURIMUM
GRATIOSE!**



A Num Jubilæum, à fundatione Monasterii Millesimum, ejusque per tot annos post varias revolutiones. & afflictos temporum casus conservationem Divinæ Providentiæ debemus, & sicut contestamur, ita in grati animi monumentum Ejusdem beneficia in compendio per historiam palam facimus, & communicamus. Hanc verò cujus honori inscribamus dedicemusque, illa ipsa sapientissima rerum humanarum gubernatrix satis luculenter nobis, jam ante nihil aliud cogitantibus, indicare visa est, dum hunc ipsum annum Jubilæum altero & novo Jubilæo magis gloriosum reddere voluit, Monasterio nempe sponsæ Tuæ à primordiis millesimum, Tibi verò, *Reverendissime ac Ampliſſime Domine, Domine Præsul,* ejusdem sponſo ab ingressu Religionis quinquagesimum summo omnium nostrum cum solatio clementissime indulgendo. Illam proinde adoramus, & omnia in acceptis referimus: Tibi gratulamur, ac prospera omnia auspicamur, Divinæ denique Directricis annutum ed promptiores sequimur, quò pluribus alijs titulis obstrictos nos esse inveni-

invenimus, & profitemur, cur inscriptionem historię nostrę Welffontanę Tibi sacram debere judicemus. Historiam scribimus Patrum nostrorum, Antecessorum Tuorum, cui jam majori jure inscribamus, quam Patri nostro *Amandissimo*? Historiam Monasterii nostri publicę luci commendamus, a decem sæculis venerabili memoriã dignissimam, cui conlectabimur alii, quàm Seniori nostro, ab experientia, a scientia, a pietate & prudentia nominatissimo, dicam verbò, *BEDAE Venerabili*? Historiam adornamus, quę ob infinita Tua merita in immensum excreveret, si omnia in Tui, qui etiam in nos redundat, honoris præconiã juris publici faceremus; faceremus autem, nisi modestiam Tuam offensam iri meritò timeremus. Nihilominus fiant ista palam: neque enim gratia filiorum memoria turpi oblivione sepeliri patietur, sed Posteris publica luce commendabit suo tempore: interim pauca quædam, eaque palam nota ut hic recenseamus, neque Te contrarium, nos verò devinctos esse existimamus; quę ipsa singularia virtutum Tuarum decora nobis tunc, confratribus, nunc filiis Tuis incitamento fuerunt, ut omnes & singuli unanimi, nullius, nisi Tui ipsius desideratò suffragiò, ad Præfatis & Abbatis dignitatem vocaremus Te (licet invitum, & reluctantem) Te inquit, *Venerabilis BEDA*! Neque credat quisquam hæc verba inopinatò nobis excidisse; nam præfata Superiorum voluntate Tibi nomen hoc impositum esse nullatenus dubitamus, cum tanti nominis mensuram Te implevisse, & virtutibus ac meritis, si non parem, certè æmulum esse videamus. Liceat hinc aliqua ex vita S. Patroni Tui allegare, ut æquiori lance Tua cum ipsius meritis ponderemus. De hoc legimus, cum septennem a parentibus sub magisterio Benedicti Abbatis Cœnobii SS. Apostolorum Petri & Pauli in Anglia nutriendum, traditum fuisse, tantòque ibi profectus fecisse, ut Doctor Clarissimus effulserit, nihilque pluris habuerit, quàm divinas legere, & exponere scripturas; nunquam otio torpuerit, nunquam a studio cessaverit, semper legerit, semper scripserit, semper docuerit, semper oraverit. Prototypon spectavimus, ectypum inspiciamus. Cum teneris jam ab annis pia Te parentum cura D. Benedicti filiis in celeberrimo illo piarum & liberalium artium emporio Salisburgensi committeret, ita illorum spei satisfacisti, & expectationem superasti,

si, ut Musas omnes humaniores, & Stagiritem ipsum in Tui admirationem rapueris, Westofontum verò in Tui susceptionem facilitimum & promptissimum habueris. Tyrocinio dein longè ultra tempus (Bavaria tunc belli tumultibus obnoxia, eamque ob causam plurimis, si non omnibus à Monasterio profugis) extenso probatus satis, ac spiritu Benedictino imbutus, Deo postea per solemnia vota dicatus, denuò altioribus Te studiis in laudata Universitate informari iussus es; quod ea rursus fidelitate, ac solertia præstitisti, ut Doctor Clarissimus reversus quidem, sed unum, alterumve statim post annum sacra Te Themis iterum iterumque evocaverit, sacrisque Canonibus prælegendis in communi studio almæ & exemptæ Congregationis Benedictino-Bavaricæ Professore præficerit, ex cujus eruditissima & solida doctrina plurimi posthac Professores eximii, & Infulata capita prodierunt, ejusmodi doctrinam & natos ex hac honores Tibi in acceptis referentes. Quanta hoc in munere lectione, quanto studio, quanto labore desudaveris, testes sunt omnes, quotquot instructioni Tuae subjecti erant, admirati, quomodo ea omnia tam feliciter peragere potueris, ubi toto pene tempore S. Meditationibus, Lectionibus, Orationi aliisque piis, ac religiosis exercitationibus occupatissimum Te fuisse oculis spectarunt suis, dubii, an pietas doctrinæ, aut doctrina pietati prævaleat. Utrumque in Te respexere semper, & agnovere & Superiores, & Confratres Tui, cum illi Te laboriosissimis officiis præfectum in rerum gerendarum negotiis periculosissimis usi sunt, hi verò tribus interpolatim vicibus ad fasces Prioratus vocaverunt. Nunquam dimittendum, nisi *Reverendissimorum Præsidis*, & Assistentium desiderium, dixissem pene, violentia, eripuisset, & S. denuò Themis, annis jam profectum ad juris Canonici Cathedram vocasset, & Episcopalis Lycei Frisingensis Regentem vindicasset. Quanta hæc iterum munera sedulitate gesseris, nobis tacentibus loquuntur discipuli, Tua institutione ad gradus altiores promoti, fatentur pauperes Tuis consiliis adjuti, loquuntur viduæ à Te defensæ, testantur ædificii forma renovata, supellex aucta, ornatus in Oratorio B. V. sine labe Conceptæ (hæc dum audis, legisve, non poteris non solatio perfundi maximo) per Te coeptus, & maxima ex parte perfectus. Hæc autem omnia non ita occultè, & tacitè

acitè tractari potuerunt, ut non eorum fama in viciniam primum,
 dein ad ulteriores fines perveniret. Quare factum est, ut Salip-
 burgum vocatus, Themidi, quam ibi matrem & nutricem habuisti,
 gratitudinis tesseram solvere, atque Doctoratûs Laureâ ornatis (pri-
 dem ea Tibi debebatur) doctrinæ Tuæ Canonicæ fructus publicè ex-
 ponere & communicare iussus fueris. Expofuisti, communicasti &
 ea quidem approbatione, ut ob doctrinæ soliditatem, pietatis emi-
 nentiam, prudentiæ præstantiam jam magnificos Tibi honores pararet,
 & destinaret Universitas celeberrima, nisi Confratrum Tuorum amor
 & unanims consensus Tua merita Pedito & Infula coronasset, Téque
 suum Patrem & Præfulem salutasset, reluctante quidem, sed non
 prævalente Tua modestia & humilitate. Hic enimverò jam merito-
 rum Tuorum metam attingisse, ad laborum finem pervenisse, quietis
 denique sedem invenisse quisque existimabit: verum hic primum
 majora negotia tum publica, tum privata, & labores partim
 impositi, partim ultrò suscepti totum sibi vendicârunt, propri-
 umque voluerunt Te, *BEDA Venerabilis*! Quæ omnia tamen ita
 feliciter superasti, ut ab oratione, à lectione, à scriptione, à vi-
 giliis, à zelo Divino, à choro non solum non remittere vi-
 sus sis, sed etiam Tuo exemplo ad laudes Divinas præveris, Do-
 mum Dei pretiosa suppellectile exornaris, integras pene noctes in-
 somnes duxeris, jura Monasterii defenderis, & Doctor Clarissimus
 pro Tuo in Musas amore filios Tuos partim ipse instruxeris, partim
 ad alia, Salisburgensia præprimis, emporia miseris, severioribus arti-
 bus excolendos, & nonnisi cum publica approbatione revocandos.
 Quod hic singulari, & ad posteros transmittenda memoria dignum
 censemus, est, quod ea omnia præstiteris etiam iniquissimis tempo-
 ribus, & infestissimis belli tumultibus. Magna profectò hæc nobis,
 quæ ab initio Tui Regiminis præstitisti, sed parva atque humilia
 Tibi fuere, &, quæ aliis laboriosa videbantur, otii literarii & sanctæ
 quietis locò Tu habuisti. Hoc ubi respexere Musæ, invidentes
 Tibi hoc animi solatium, denuo ad sui culturam Te evocarunt,
 dum biennio ab electione vix elapso eadem Musæ Benedictinæ Fri-
 singenses primum, dein Salisburgenses ad Te, *Reverendissime Pater*,
 confugere, in Tuo præsidio spem suam collocantes, sulque augmen-
 tum

tum & ornementum à Te requirentes. Harum exemplo animati Reverendissimi Domini Domini Præsules, sub gloriosis Angelicis auspiciis in Bavaria pugnantes, almæ & exemptæ Congregationis Præsidium Tibi obtulerunt, imposuerunt, & reluctanti pene obtulerunt. In quorum seu honorum seu onerum delatione omnium admirationem longissimè superat id, quòd tria illa Præsidia una simul & semel sustinueris, exemplo ubique inaudito, prius Consul creatus, quam senator electus, ubique Præsides proclamatus, priusquam aut Visitatoris aut Assistentis munere sis unquam defunctus. Incredibile aliis videri poterit, quod nobis spectantibus manifestum est, quantos nempe labores pro Musis excolendis, & conservanda S. Religionis disciplina impenderis? Quot itinera in rebus etiam arduis, parte anni aspera, tempestate aërisque temperie varia peregeris? quos sumptus feceris? quot tædia (quæ in tanta rerum diversitate ejusmodi officia comitari, aut sequi solent) devoraveris? Quot dies, noctesque in rebus diversis perficiendis indefesso studio consumpseris? quorum aliqua quidem nobis perspicua sunt, quamvis plurima incognita. Mirari interim liceat, qua ratione, & quibus viribus unus tot, & tantis negotiis inter varios rerum occurrentium casus etiam septuagenario proximus suffeceris? Suffecisti tamen, perfecisti, & satisfecisti, & ita satisfecisti, ut à Reverendissimo Congregationis Benedictino - Bavaricæ confessu jam bis in Præsidio confirmatus, &, ut veriùs dicam, omnium penè votis postulatus sis. Et licet hæc foris perageres, tantæque, aliena etiam negotia expedires, totus tamen domesticis Monasterii Tibi commissi occupatus esse videbaris, cum disciplinæ regulari toto animo Te impenderes, cum rei œconomicæ mira solertia, & dexteritate invigilares, cum jura Monasterii singulari prudentia vindicares, cum ædificiî molem partim augeres, partim exornares, cum Ecclesiis incorporatis pia liberalitate benefaceres, cum Ecclesiam Matricem auro, argento, & pretiosis ornamentis condecorares *Beda verè Venerabilis.*

De sanctissimo nominis Tui Patrono ulterius scriptores antiqui posterorum memoriæ reliquerunt, eum à Sergio summo in terris Christi Vicario ex Monasterio Romam vocatum esse, eò quòd ejus

(B)

præ-

praesentia in arduis causis fidei Ecclesiae Dei valde utilis esset & necessaria. Hoc equidem de Te, *Reverendissime Pater*, dicere non possumus; diximus autem, & confirmamus, pluribus Te vicibus ex Asceterio non solum evocatum, sed rebus insuper gravissimis applicatum, controversias plures, Tuò arbitrio dirimendas, à viris, dignitate magna fulgentibus, commissas, à Magnatibus & Principibus Tuum Judicium fuisse expetitum. In quibus gerendis Tua prudentia ita enituit, ut *Reverendissimi, Serenissimi*, ac respectivè *Celsissimi Principes & Episcopi Frisingensis ac Salisburgensis* Te dignissimum iudicaverint, quem in Consilium adfiscerent, suumque Consiliarium denominarent; Summa verò sedes negotia satis ardua Tibi committeret. Tacemus, partim, ne modestiae Tuae tuborem offundamus, partim, ne aliorum invidiam excitemus, tacemus plures alios eosque rem publicam concernentes honores & officia, quos Tibi ultrò oblatos esse novimus, Tua tamen humilitate, etiam cum offerentium offensa, declinasti, recusasti. Verum aliqua, quo in Tui perennem nominis honorem cedunt, & palam nota sunt, tacere debita gratitudo non permittit. Annus supra millesimum septingentesimum agebatur quadragesimus octavus, cum Monasteria plura, & inter ista etiam Wessofontanum humillima veneratione suscepere Hospitem Eminentissimum, Purpuratum Cardinalem Angelum Mariam Quirinum, magnum illud Ecclesiae ornamentum, & scientiarum ac omnigenae eruditionis lumen nominatissimum, cujus animum Tuo eruditissimo eloquio suavissima comitate, sapientissimis sermonibus ita Tibi devinxisti, ut ex eo tempore non solum Te gratiosissima manu sua, & literarum commercio frequentissime honoraret, sed & singulari munificentia suum erga Te affectum contestaretur. Testis est magnifica illa ab artificis manu aequè, ac à purissimi argenti pretio Lampas conspicua, quam ad aram Immaculae Conceptionis B. V. Mariae suspendi voluit, Sodalitatis sub Ejusdem titulo erectae Protector potentissimus. Testis est illa S. Benedicti statua ex argento speciosa, ex S. Patris verò ac Patriarchae nostri Reliquiis plurimi aestimanda, quam in Ejusdem altari collocari praecepit Patronus Clementissimus. Testis est liberalissima illa pluribus litteris confirmata promissio, qua proximè S. Benedicto

fratri

fratri S. Sororem Scholasticam id est ejus statum ex eodem are
 confectam jungere, & ad nos dirigere constituit Benefactor Eminen-
 tissimus, cui Deus & annos & vires augeat, atque conservet. Sed
 neque illud silentio prætereundum esse existimavimus, quod Te
 Supremus Ecclesiæ Romanæ Antistes Benedïctus XIV. sæpius jam
 magnificis epistolis, seu Brevibûs Apostolicis honorârit, gratiâque
 Apostolicam Tibi eligendi, & exorandi, copiam fecerit, indulserit.
 SS. Antistitem favoribus nec latum unguem cedere voluisse videtur
 Summorum Principum Clementia, dum B. Virgini sine labe con-
 ceptæ liberalitate Regia pretiosissimas, auro & argento turgentes
 vestes obtulit Poloniæ Princeps Regia Potentissima: dum alia orna-
 menta & subsidia pro exornanda Altaris ejusdem Virginis honoribus
 dicati, fabrica munificentia incredibili ministravit Domus Bava-
 rica Serenissima: dum nuperrimè primùm, præter alia jam prius, &
 sæpius oblata, ornatum integrum à pretio incomparabilem, à phry-
 gia & Ipsius Augustissimæ Imperatricis arte, ac manu Minervæ æ-
 mula, inæstimabilem sacravit liberalitas Regia, Clementissima, qui-
 bus omnibus Deus retribuat, & Domui præcipuè Bavaricæ, tot
 sæculis longa Principum serie conspicuæ, benedicat, atque succe-
 ssione mascula perennem faciat.

Illud denique & Tibi honorî, & nobis solatio ducendum esse
 arbitramur, quod Tu eosdem ex avita stirpe testes habes anni Tui
 jubilæi ab ingressu Religionis quinquagesimi, quos nos à fundatione
 jubilæi millenarii: gratulamur enim nobis, eorum posse Nepotes,
 quorum Proavos in erectione Monasterii fundatores & Dotatores
 colimus, nunc in millenaria ejusdem conservatione venerari in Illu-
 strissima familia quidem Törringana Viros Excellentissimos; Patro-
 nos Gratosissimos, et in Commissario, à Serenissimo Electore cle-
 mentissimè deputato, alterum Thassilonem, Ejusque Germen Sere-
 nissimum Maximilianum Josephum, si non Fundatorem, Protecto-
 rem certè Potentissimum, perpetua serie, ut precamur, etiam ad
 Posterios transferendum.

Nunc autem rursus ad Te, *Beda Venerabilis!* Pater Reveren-
 dissime! nostra se vertit oratio: Et si fortasse Tuæ modestiæ, laudum
 omnium impatienti, hæc nimia videantur, illud Tibi dictum puta:

sic honorabitur quem Rex (Regum) honorari voluerit : nos verò hisce opera Dei manifestari honorificum esse duximus , confidentes & precantes , ut illud Prophetæ Regii , sicut in Patrono Tui nominis adimpletum esse scimus , ita in Te adimpleatur : longitudine dierum replebo eum , & ostendam illi salutare meum. Utrumque , ut diximus , precamur. Et hoc postremum quidem unicam votorum Tuorum metam esse , Tui assidui labores , perpetuæ vigiliæ , constans lectio , ferventissimus Dei zelus , irremissibilis oratio summum nostrum , tum exteriorum cum ædificatione testati sunt. Sed neque huic Tuo pio voto invidemus , minùs improbamus , quin omnes & singuli toto animo immarcescibilem gloriam , meritis Tuis debitam apprecamur & auguramur , sed nonnisi post annos plurimos , Patrono Tuo non coævus solum , verum etiam ut Jubilæo Professionis accedat Jubilæum Primitiarum , & Dignitatis Abbatialis vovemus , & si fortè annos hosce diuturnos nimis ac desiderio Tuo , quo ad patriam cælestem anhelas , longævam moram posituros arbitrèris , cogita Te populo esse necessarium , cogita Monasterii Tui , & reipublicæ literariæ , ac Monasticæ emolumentum id exposcere , cogita Tibi non auferri sed prorogari & prorogando augeri gloriam , tribue hoc filiorum Tuorum votis ac desideriis. Sed tribueres fortasse etiam , qui labores nullos recusas , sed id in Tua potestate non esse contendes : tribue tamen , & concede æquo animo , ut nobis liceat Superis pro Tua diuturna incolumitate , pro constanti valetudine , pro sanitatis ac virium Tuarum integritate , pro felicissimo Regiminis Tui successu supplicare , quod omnes & singuli unitis & continuis precibus fideliter data fide præstabimus , neque , meritis præcipuè Tuis accedentibus , Eosdem difficiles speramus , quibus supplices & grati & Tibi semper erimus

Obstrictissimi filii

P. Bonifacius Wagner
p. t. Prior ac Conventus.

APPROBATIO CENSORIS.

Historiam hanc Monasterii Wess-
fontani publica ac gloriosa luce
dignissimam censeo. August. Vind. 14.
Sept. 1753.

FRANCISCUS JOSEPHUS de HANDL,
SS. Theol. Lic. Rev. & Sereniss. Princ.
& Episc. Aug. Consil. Eccles. Major.
Poen. & Libr. Censor, nec non insig.
Eccl. ad S. Maur. Canon. & Paroch.
Mppr.

Imprimatur. Ex Vicariatu Augustano.

Die 18. Septembris 1753.

NICOLAUS ANTONIUS SEIZ, J. U.
Doctor, SSⁿⁱ Dⁿⁱ Nostri Prælatus
Domest. Ecclesiæ Cathedral. Augusta-
næ Canon. Capit. Ser. & Rev. Princi-
pis Episc. Augustani Vicarius in Spiri-
tual. Generalis.

(B) 3

Præ-



Præfatio ad Lectorem.

1. **B**enedicite Fontes Domino, cantamus meritò cum tribus Hebræis pueris, quos camino ignis ardentis immisit Nabuchodonosor Rex, & incolumes egressos miratus est, verique DEI potentiam agnovit. Benedicant igitur Fontes Wessonis Domino, Regi sæculorum immortalis, qui Monasterium nostrum, olim tenuissimum, & acerbo Fundatoris fato pœne prostratum, in mille jam annos contra atrocissima tempora, & varias vices in hodiernum diem conservavit incolume, dum interim maximæ & opulentissimæ civitates, imò integra regna, ab antiqua gloria deciderunt & collapsa sunt, quacumque opum magnitudine & armorum potentiâ valuissent. Planè brachium DEI fuit, quo tenue inermium agmen, inter tot armatorum ruinas, evasit incolume, & in hunc diem perseverat, non alio certè, quàm divinæ providentiæ & bonitatis præsidio. Rectè igitur non quasi nostrâ potentiâ vel prudentia hucusque steterimus, gloriamur, sed Raphaelis Archangeli monito humiliter paremus: *Benedicite Deum cæli, & coram omnibus viventibus confitemini ei, quia fecit vobiscum misericordiam suam. Etenim sacramentum regis abscondere bonum quidem est: opera autem DEI revelare & confiteri honorificum est.* Tobie 12. v. 6. & 7.

2. Non

2. Non igitur rectè solummodo nos facturos, sed & honorificè, arbitramur, dum stupenda divinæ clementiæ prodigia in conservando Monasterio nostro palam confiteri contendimus, & notam facere potentiam ejus, qui tot inter factorum vicissitudines eruit servos suos, & hucusque incolumes conservavit. Excitat nos publicum inter litteratos silentium de Monasterio nostro, dum aliorum cœnobiorum fata tum propriis monachorum laboribus, tum exteriorum Authorum solertiâ in lucem sunt edita, de nostro ferè nihil. Attigère pauca Brunnerus, Adelzreitterus, Raderus, Ertelius, Hundius, Khammus, Pezius: verùm hæc omnia quid sunt ad historiam mille annorum, cum duas intra horas facillimè legi possint ea, quæ omnes illi Authores de Monasterio nostro scripserunt?

3. Bonum officiùm monasterio præstitit unus, & ferè solus P. Stephanus Leopolder, natu Tegernseensis, professione Wessfontanus, cujus merita folio 388. commemorabimus, dum, ut ibidem narrabitur, plurima Monasterii documenta transcripsit ex veteribus membranis. Hæc aliò pervenerunt, in manus Aventini, Bruschi, & aliorum. Excitet Deus membranarum illarum possessores, ut viris eruditis illas committant cum selectu publicandas, unde plurimum lucis & authoritatis Historiæ, non solius Baviariæ, sed universæ Germaniæ affulgeret. Itaque soli ferè Stephano acquiescimus, exceptis Codicibus duobus Sæculi X. & XI. Christiani, adhuc in membrana superstitibus, quos nobis temporum iniquitas avara & futuri improvida reliquit.

4. Alleviavit nostrum in hac Historia concinnanda laborem insignis bonitas Reverendissimorum Abbatum Thassilonis & Bedæ. Ille mihi novello Sacerdoti, quem prurire in antiquitates eruendas videret, instrumenta archetypa monasterii nostri manu sua ex archivo subministravit: quorum excerpta utinam, tyro adhuc, diligentius adversariis meis intulissem! Interim tamen, dum Frisingæ, dum Salisburgi per annos multos versabar, non omisi, quæcunque ad Monasterium nostrum pertinerent, curiosè ex quibuslibet libris, inscriptionibus, epitaphiis, aliisque documentis conquirere, labore planè

planè non gravi, sed jucundissimo. Reverfus ad Fontes Wessonis, jam viciniùs diversas hausi notitias, archivum mihi apertum est, Reverendissimus Abbas meus BEDA pretiosissimis coëmptis libris inopiam meam sublevavit, industriam acuit, animum ad complendam Monasterii Historiam excitavit.

5. Sanè utcumque Monasterium nostrum, velut inglorium, hucusque jacuerit, quantum ad exterorum notitiam attinet, imò plures Abbates aliunde accersitos habuerit, Ilfingum ex inferiore Quercu, Lantoldum ex Hirsaugia, Udalricum III. ex Ebersperga, Udalricum VI. & Petrum II. ex Tegernseënsi, Leonardum ex Weihenstephanensi, Joannem ex Andecensi, Henricum ex Schyrensi cœnobio; alii è nostris octo ad fundanda, regenda, administranda monasteria vocati sunt. Mecdinus cum duobus sociis monasterio S. Petri in monte Madronæ initium dedit: Guntherus ab Hermanno Episcopo Monasterio SS. Udalrici & Afræ Augustano impositus fuit: Udalricus de Höhenkirchen post tricennale apud nos regimen ad monasterium Ettalense vocatus est: Urbanus Rottenstein à nostro ad Faucense S. Magni cœnobium gubernandum transiit: Georgius Zimmermann Abbas, Casparus Kurbel Administrator, Monasterio Andecensi sunt dati: Joachimus Puechauer ab Archiepiscopo Salisburgensi Monasterio ibidem S. Petri constitutus administrator, mox Abbas, & Universitatis promotor: nostra ætate Lambertus ad Montem S. Georgii in Tyroli, primùm SS. Theologiæ & SS. Canonum Professor, altero anno Abbas postulatus est, singulari œconomix studio, novi ac splendidissimi Templi ædificio, & eruditis in lucem editis libris celebrer. Verùm ex his omnibus sit & omnibus nobis tribuatur soli DEO gloria.

6. Subditæ nobis Hofmarchiæ Wessfontanæ honorem suum subtrahere non possumus, quatuor ex eadem egregios Abbates nati; & primum quidem Wernherum de Greutt, alterum Paulum Ranck, tertium Gregorium Jacob, quartum Georgium Ybelhör, quorum omnium encomia meritorum petenti Historiæ hujus Index faciet satis. Sed nec tacere possumus vicinarum civitatum, quarum

num ecclesiæ secundum sanctiorem curam ad monasterium nostrum pertinent, præclara encomia per viros clarissimos, natos ipsarum civis, comparata. Sola Ordinis Benedictini lumina ex iis orta recensere sufficiet. Landsperga, quæ prior in jus nostrum venit, Monasterio Andecensi Cælestinum Probst, Schyrensi Mariamum Schwab, Lunelacensi Simonem Rebiser, Nideraltachenfi Adalbertum, Ettalensi Placidum, Ottoburano Petrum, egregios Abbates genuit. Weilhemium pridem Monasterio nostro Norbertum ex Dynastis suis natum, & Benedictum Jæger, Andecensi Maurum Rambeck, Ettalensi Romualdum dedit antistites. Si vicinorum quoque gloria non est negligenda, Schongavii natos Cremifanense Austriæ celeberrimum monasterium nominatissimos Abbates Placidum Puechauer, & Erenbertum Schrevogl: oppidum Diessenfense S. Monti Andecensi Maurum Friesenegger, & Georgium Zimmerman, Fontibus nostris Benedictum Schwarz Abbates dedit. Erlinga, vicus ad pedem montis Andecensis situs, insignes Wessofontano nostro cœnobio præfules genuit Bernardum Gering, & Thassilonem Pölzl. Bernrieda ad lacum Vermium iisdem nostris Fontibus Abbates produxit Wolfgangum Dreitterer & Virgilium Dallmayr.

7. Verum hæc hæc hactenus dicta sunt. Qualemcumque meam industriam si litteratis non placituram, venia tamen donandam spero, ab iis maxime, qui vel Diœceses suas, vel monasteria, vel stirpes illustratas cupiunt. Ubique, fateor, ut Lector facile colliget, honorem DEI, cultum Deiparæ, Sanctorum gloriam, patriæ decus, mihi propositum fuisse in metam, & magis quidem, quam monasterii nostri splendorem. Præcipue verò rem gratam me facturum Bollandiani Operis persecutoribus, à SS. Patre Nostro Benedicto XIV. non solum laudatis & æstimatis, sed etiam adjutis. His ego per hanc opellam me subministrasse arbitror qualecunque subsidium, sicut & Baviaræ sanctæ, & Atlantis Mariani, & Vindeliciæ sacræ, Historiæ quoque Germanicæ supplementum. Omnia porro Summæ sedis judicio subjecta volo, quæ scripsi, sicut Protestatio mea docebit statim subnectenda.

(C)

PRO-

PROTESTATIO AUCTORIS.

IN hac Monasterii nostri Wessofontani Historia multa exposui de diversis personis illustribus, tum martyrio tum sanctitaris famâ celebratis, earumque translationibus à sepulchro primo ad aliud institutis: item de miraculis, ac beneficiis eorum intercessione obtentis: demum nonnullis titulum sanctitatis ante plusquam ducentos annos illis tributum, adjunxi. Hæc tamen accipe, prudens lector, ut non tanquam ab Apostolica Sede examinata atque approbata, sed tanquam à suorum Auctorum fide pondus obtineant, atque adeò non aliter quàm humanam historiam. Quapropter Apostolicum sacræ Congregationis S. R. & universalis inquisitionis Decretum anno 1625. editum, & anno 1634. confirmatum, juxta declarationem ejusdem Decreti à SS. D. N. Urbano Papa VIII. anno 1631. factam à me scias inviolatè & integerrimè observari, nec me velle cultum, aut venerationem aliquam per hanc meam Historiam cuiquam arrogare, seu augere inceptam, vel ullum gradum facere ad futuram aliquando cujusquam Beatificationem vel Canonizationem, aut miraculi comprobationem, sed omnia in eo statu relinquo, in quo essent, seclusa hac mea lucubratione, non obstante quocunque longissimi temporis cursu. Hoc profiteor, sicut filium decet Sanctæ Sedis Apostolicæ obedientissimum, & ejusdem autoritate juratum Notarium Publicum, qui in omni mea scriptione & actione ab eadem dirigi cupio, & emendari.



ELEN-

E L E N C H U S

Capitulum totius Historiæ Monasterii Wessofontani.

Sæculi I. Caput I. De Monasterii fundatore, & fundatione.
pag. 1.

§. I. Genus, nativitas, æta, virtutes, & exitus Thassilonis II. Bav. Ducis. pag. 2.

Pag. 2. num. 1. pro Hiltburgam lege Hiltrudem. Pag. 5. lin. penult. in Notis lege: Brunnerus illum refert.

§. II. Thassilo Monasterii Wessofontani Fundator asseritur. pag. 6.
Pag. 10. num. 15. lin. 6. pro Sandowa lege Sandowa.

§. III. Instrumentum Wessofontanum elucidatur. pag. 14.
*Pag. 28. num. 41. lin. 8. dele se Pag. 28. num. 45. lin. 2. post Nideralta-
chii dele Utilonem.*

§. IV. Ecclesiæ Cathedralis & Monasteria à Thassilone tum fundata, tum dotata. pag. 32.

Sæculi I. Caput II. De Abbatibus Wessofontanis. pag. 43.

§. I. Landfridus Abbas Benedictus, plurium Monasteriorum

Fundator, & nostri Archimandrita. pag. 44.

Pag. 47. num. 9. lin. 10. & 11. loco provenit lege provexit.

§. II. Ilfungus, primus Abbas proprius Monasterio nostro datus ab Anno 758. ad 799. pag. 49.

§. III. Adelmarus, Abbas secundus ab Anno 799. ad 830. pag. 52.

§. IV. Reimundus Abbas tertius, ab Anno 831. ad 874. pag. 56.

Sæculi II. Caput I. De reliquis Abbatibus. pag. 57.

§. I. Adelhelmus Abbas IV. ab A. 874. ad 886. Snello Abbas V. ab A. 886. ad 904. Hatto VI. ab A. 904. ad 906. Sigimarus VII. ab Anno 906. pag. 58.

§. II. De Arnolpho Bojorum Duce strenuissimo. pag. 60.

§. III. Benedictus I. Abbas VIII. usque ad A. 943. pag. 62.
Pag. 63. num. 3. lin. 3. pro Moguntino lege Trevirensi.

Sæculi II. Caput II. De SS. Thien-
(62) tone

- tone Abbate IX. & Sociis MM. à
943. ad 955. - - pag. 64.
- §. I. Thientonis Abbatis acta &
facta. - - - pag. 65.
- §. II. Dubia circa ejusdem & so-
ciorum Martyrium elucidantur.
- - - pag. 68.
*Pag. 68. num. 1. lin. ult. lege ado-
lescens.*
- §. III. Documenta vetera, & Au-
thorum testimonia de VII. Mar-
tyribus Wessofontanis. - p. 73.
- Sæculi III. Caput I. De statu Mo-
nasterii post Hungaricam vasa-
tionem. - - - pag. 81.
- §. I. De Colonia Wessofontana in
Madronam montem traducta.
- - - pag. 82.
- §. II. De statu Monasterii apud
Wessonis fontes. - pag. 85.
- §. III. De Præpositis Monasterii
Wessofontani, eorumque vivendi
instituto. - - - pag. 87.
- §. IV. Catalogus Præpositorum
Wessenbrunnensium. - p. 89.
- Sæculi III. Caput II. De Benefa-
ctoribus Ordinis & Monasterii
nostri. - - - pag. 92.
- §. I. Imperatores Ordinis nostri &
Monasterii Benefactores. - p. 92.
- §. II. Episcopi Augustani Ordinis
& Monasterii nostri Benefactores
- - - pag. 92.
- §. III. De aliis Illustribus viris ac
fæminis Monasterii nostri Bene-
factoribus, - - - pag. 98.
*Pag. 98. num. 2. de Diptychis confer
Præfationem Partis II. num. 4.*
- §. IV. De sacris Reliquiis Ecclesiæ
Wessofontanæ ab Imperatore
Henrico III. donatis. - pag. 101.
*Pag. 202. num. 4. in nota (e) lege
Part. II. Instrumentaria.*
- Sæculi IV. Caput I. De restitutio-
ne sacri Ordinis & Abbatiz.
- - - pag. 106.
- §. I. Adalbero ex Præposito octa-
vo Abbas X. ab Anno 1065. ad
Annum 1110. Templi dedicatio-
nem procurat. - - pag. 106.
- §. II. Benefactores in novum Tem-
plum & Monasterium liberales
- - - pag. 108.
- §. III. Incrementa sacre supellec-
tis & Bibliothecæ. - pag. 110.
- §. IV. De obitu Embriconis Epif-
copi, ejusque Successoribus Wi-
golde, Sigisfrido II. & Heriman-
no. - - - pag. 112.
*Pag. 113. num. 3. lin. antepenult.
lege Anno Domini MLXXVII.
Pag. 114. num. 4. linea penult.
lege Hobenstauffius.*
- §. V. De Gunthero Monacho Wef-
sfontano, & obitu Adalberonis
Abbatis nostri. - pag. 115.
- Sæculi IV. Caput II. De Herman-
no Episcopo Pontifici conciliato,
& Abbatibus securis. - pag. 115.
- §. I. Hermannus Episcopus in Mo-
nasterium & Sigihardum Abbate n
XI. ab Anno 1110. ad 1128. be-
neficus. - - - pag. 116.
- §. II. Adalpertus Abbas XII. ab
Anno 1128. ad 1129. - p. 120.

Sæcu-

- Sæculi IV. Caput III. De B. Walthone Abbate XIII. ab A. 1129. ad 1156. & rebus ab eo gestis. pag. 120.
- §. I. De Walthonis genere & Professione. pag. 121.
- §. II. De zelo Divini honoris. p. 122.
- Sæculi IV. Caput IV. De Benefactoribus. pag. 124.
- §. I. De favore summorum Pontificum. pag. 124.
- §. II. De favore Episcoporum. p. 127.
- §. III. De S. Wolffinda Virg. & Martyre. pag. 133.
- §. IV. De favore Imperatorum & Regum. pag. 135.
- §. V. De S. Theobaldo Eremita. pag. 138.
- Pag. 138. lined 11. post verba: Tom. I. adde: exhibet.*
- §. VI. De favore Principum, Dynastarum, Nobilium, & aliorum fidelium. pag. 139.
- §. VII. De SS. Vigilio Episcopo Tridentino, & Gangulpho MM. pag. 142.
- Sæculi IV. Caput V. De Controversiis & inimicis Walthonis. pag. 146.
- §. I. De Controversiis Monasterii causâ à Walthone susceptis. pag. 146.
- §. II. De vindicta Divina in adversarios. pag. 149.
- Sæculi IV. Caput VI. De Walthonis sanctitate. pag. 151.
- §. I. De Walthonis virtutibus. pag. 151.
- §. II. De Walthonis miraculis. pag. 152.
- §. III. De obitu ejusdem & sepulchro. pag. 153.
- §. IV. Analecta de B. Walthone. pag. 156.
- Sæculi IV. Caput VII. De Monachis & Conversis sub Walthone. pag. 159.
- §. I. De Monachis Wessofontanis. pag. 159.
- §. II. De Conversis Wessofontanis. pag. 161.
- Sæculi IV. Caput VIII. De Diemodē Inclusa Wessofontana. pag. 166.
- §. I. Diemodis eruditio & scripta. pag. 166.
- Pag. 170. num. 7. lin. 6. lege: nonnullos, & linea 7. lege: adhibitos.*
- §. II. Diemodis vita, mors, & sepultura. pag. 172.
- Pag. 172. num. 2. lin. antepenult. lege: vimine, pulvinari &c. Pag. 175. num. 9. lin. 6. post recitabitur, adde: infra fol. 254. num. 18.*
- Sæculi IV. Caput IX. De Parthenone Wessofontano. pag. 176.
- §. I. De Venerabili Wulphilde sanctimoniali. pag. 176.
- §. II. De cæteris Sanctimonialibus. pag. 182.
- Sæculi IV. Caput X. De Sanctimonialibus & Conversis virginibus exteris. pag. 184.
- §. I. De B. Herluca. pag. 184.
- §. II. De B. Juditha. pag. 187.
- §. III. De B. Agnete. pag. 188.
- (C 3)* *Pag.*

*Pag. 189. adnotam (c) post fol. 25.
add. Parte I.*

§. IV. De Loco Hepatico. pag. 189.
Sæculi V. Caput I. Norbertus Abbas XIV. ab anno 1156. usque ad annum 1160.

§. I. Norberti vocatio & genus. pag. 193.

§. II. Norberti electio, & calamitates. pag. 194.

§. III. Favor Pontificis. pag. 195.

§. IV. Lites compositæ. pag. 196.

§. V. Prædia Monasterio acquisita. pag. 198.

§. VI. Obitus Norberti. pag. 199.

Sæculi V. Caput II. Lantoldus Abbas XV. ab A. 1160 usque ad 1166.

§. I. Lantoldi vocatio. pag. 200.

§. II. Bona acquisita. pag. 201.

§. III. Monasterii status interior. pag. 203.

§. IV. Obitus Lantoldi. pag. 205.

Sæculi V. Caput III. Conradus & Udalricus Abbates.

§. I. Conradus I. Abbas XVI. ab anno 1166. eodem obiit.

§. II. Udalricus I. Abbas XVII. ab anno 1166. usque ad annum 1171. paupertas alleviata. pag. 206.

§. III. Gravis persecutio. pag. 209.

§. IV. Emolumenta Monasterii. pag. 213.

§. V. Obitus Udalrici. pag. 215.

Sæculi V. Caput IV. Sigibaldus Abbas XVIII. ab anno 1172. ad annum 1200. pag. 216.

§. I. Donationes Guelfonis Ducis. pag. 216.

§. II. Comitibus Wolfartshufani. pag. 218.

§. III. Luitoldi de Hunslein. pag. 219.

§. IV. Aliæ Variorum. pag. 220.

§. V. Parentum Nobilium pro filiabus Sanctimonialibus. pag. 222.

§. VI. Favores summorum Pontificum. pag. 224.

§. VII. Favores Regii. pag. 226.

§. VIII. Negotiationes & tractatus. pag. 228.

§. IX. Controversiæ, & Lites compositæ. pag. 229.

§. X. Obitus Sigibaldi Abbatis. pag. 233.

Sæculi V. Caput V. De Alberto Abb. XIX. ab anno 1200. eodem obiit. pag. 234.

§. I. Alberti zelus pro cultu Divino. pag. 234.

§. II. Favores Pontificum & Episcoporum. pag. 236.

§. III. Obitus Alberti Abbatis. pag. 239.

Pag. 241. lin. 3. dele Landspergenses, & substitue: Reyspacenses; de his enim sermo precessit: postea primum de Landspergensibus cum Parochia monasterio nostro donatis agitur.

Sæculi V. Caput VI. Conradus II. Abbas XX. ab anno 1220. ad annum 1243. pag. 241.

§. I. Conradi Natales. pag. 241.

§. II. Favores Pontificii. pag. 242.

§. III. Favor Episcopi Augustani. pag. 244.

§. IV. Favores Cæsarei. pag. 246.

§. V. Bona comparata. pag. 249.

§. VI.

- §. VI. Status Monasterii circa Monachos. - - - pag. 251.
- §. VII. Monachorum eruditio. p. 253.
- §. VIII. Status clausuræ Virginum. - - - pag. 256.
- §. IX. De Ludovico & Radkisso Monachis. - - - pag. 257.
- §. X. Conradi resignatio. - p. 263.
- Sæculi V. Caput VII. Walchunus Abbas XXI. ab Anno 1243. ad Annum 1254.
- §. I. Walchuni electio. - pag. 265.
- §. II. Favores Pontificii. - pag. 265.
- §. III. Favores Principum. pag. 268.
- §. IV. Monasterii commoda promota. - - - pag. 271.
- §. V. Cura Divini cultûs, & resignatio. - - - pag. 272.
- Sæculi VI. Caput I. De Abbatibus Ottone, Udalrico II. Conrado III. Wernhero I.
- §. I. Otto Abbas XXII. ab Anno 1254. usque ad 1260. - p. 275.
- §. II. Udalricus II. Abbas XXIII. ab Anno 1260. obiit hoc ipso Anno. - - - pag. 276.
- §. III. Conradus III. Abbas XXIV. ab Anno 1260. usque ad 1276. - - - pag. 276.
- §. IV. Wernherus I. Abbas XXV. ab Anno 1276. ad Annum 1281. - - - pag. 278.
- Sæculi VI. Caput II. Udalricus III. Abbas XXVI. ab Anno 1281. ad 1286. - - - pag. 280.
- §. I. Udalrici postulatio. - pag. 280.
- §. II. Ejusdem administratio. p. 281.
- §. III. Ejusdem Regimen Abbatiale. - - - pag. 282.
- §. IV. Ecclesiæ restauratio, & cultus S. Sebastiani. - pag. 283.
- §. V. Pontificum & Cardinalium favores. - - - pag. 286.
- §. VI. Favores Episcopi Augustani. - - - pag. 287.
- §. VII. Indulgentiæ pro Ecclesiâ Vilgertshovenfi. - pag. 289.
- §. VIII. Udalrici resignatio & vocatio ad Abbatiam Eberspergensem. - - - pag. 291.
- §. IX. Interitus Colonia Wessfontanæ in Monte S. Petri Matronensi. - - - pag. 292.
- Sæculi VI. Caput III. De Marquardo & Gebhardo Abbatibus.
- §. I. Marquardus Abbas XXVII. ab Anno 1286. ad Annum 1306. - - - pag. 293.
- §. II. Gebhardus Abbas XXVIII. ab Anno 1307. usque ad incertum. - - - pag. 296.
- Sæculi VI. Caput IV. De Udalrico IV. Abbate XXIX. ab Anno incerto usque ad Annum 1323. - - - pag. 299.
- §. I. Genus, Professio, Dignitas Udalrici. - - - pag. 299.
- §. II. Conciliata fidelium liberalitas. - - - pag. 300.
- §. III. Ruina Udalrici. - pag. 302.
- Sæculi VI. Caput V. Wernherus II. Abbas XXX. ab Anno 1323. ad Annum 1364.
- §. I. Fundamentum regiminis. p. 306.
- §. II. Restauratio ruinarum temporalium. - - - pag. 308.
- §. III. Cultûs Divini & Litterarum cura. - - - pag. 311.
- §. IV.

- §. IV. Defensio & securitas Monasterii. - - pag. 313.
- §. V. Wernerii Abbatis obitus, & epitaphium. - - pag. 315.
- §. VI. Mantissa de Abbatibus Pyrgæ natis. - - pag. 317.
- Sæculi VII. Caput I. De Paulo I. & Udalrico V. Abbatibus.
- §. I. Paulus I. Abbas XXXI. ab Anno 1364. ad Annum 1384. - - pag. 319.
- §. II. Udalricus V. Nobilis de Höchenkirchen. Abbas XXXII. ab Anno 1384. ad Annum 1414. - - pag. 321.
- §. III. Favores Pontificii. - p. 323. *Pag. 324. num. 4. lin. 5. adde, quæ in Bulla immediatè sequuntur post servituro, de qua idem Vicarius congrue sustentari, episcopalia jura solvere, & alia sibi incumben- tia onera valeat supportare.*
- §. IV. Favores Ducum Bavarie - - pag. 325.
- §. V. Varia Jura acquisita, & resignatio. - - pag. 327.
- §. VI. Mantissa ad familiam de Höchenkirchen. - - pag. 330.
- Sæculi VII. Caput II. De Eberhardo, Petro I. Friderico, & Urbano Abbatibus.
- §. I. Eberhardus Abbas XXXIII. ab Anno 1414. ad 1416. p. 331.
- §. II. Petrus I. Abbas XXXIV. ab Anno 1416. ad 1420. - p. 333.
- §. III. Fridericus Abbas XXXV. ab Anno 1420. ad 1432. p. 336.
- §. IV. Urbanus Abbas XXXVI. ab Anno 1432. usque ad 1438. - - pag. 338.
- Sæculi VII. Caput III. De Udalrico VI. Abbate XXXVII. ab Anno 1438. ad 1443. - - pag. 341.
- §. I. Udalrici postulatio - p. 341.
- §. II. Studium Divini cultus. p. 342.
- §. III. Diversa negotia. - p. 344.
- §. IV. Obitus Udalrici Abbatis - - - pag. 345.
- Sæculi VII. Caput IV. De Leonardo I. Abbate XXXVIII. ab Anno 1443. ad 1460.
- §. I. Leonardi electio. - p. 346.
- §. II. Ruinarum temporalium restauratio. - - p. 348.
- §. III. Studium pro domo Dei, disciplina, juribus. - pag. 349.
- §. IV. Negotia externa, & obitus Abbatis. - - pag. 351.
- Sæculi VIII. Caput I. De Paulo II. Abbate XXXIX. ab anno 1460. ad A. 1486.
- §. I. Pauli electio. - pag. 353.
- §. II. Acta pro cultu Divino, & religionis augmento. - pag. 354.
- §. III. Romana privilegia. - pag. 355.
- §. IV. Officia Pauli publica. - pag. 357.
- §. V. Cura pro mortuis. - pag. 358.
- §. VI. Obitus Pauli. - pag. 360.
- §. VII. Sebastianus Pauli germanus - - - pag. 362.
- Sæculi VIII. Caput II. De Joanne & Petro II. Abbatibus.
- §. I. De Joanne Abbate XL. ab anno 1486. ad annum 1493. - pag. 363.
- §. II.


§. II. De Petro II. Abbate XLI. ab anno 1493. ad 1498. pag. 367.
 Sæculi VIII. Caput III. De Henrico Abbate XLII. ab anno 1498. ad annum 1508.
 §. I. Vocatio, administratio, dignitas Abbatialis. pag. 370.
 §. II. Cultus Divinus promotus. pag. 371.
 §. III. Auctæ & firmatæ Monasterii facultates. pag. 373.
 §. IV. Gratia Pontificia, & Regia. pag. 374.
 §. V. Cultus rei Litterariæ. pag. 375.
 §. IV. Obitus & sepultura. pag. 377.
 Sæculi VIII. Caput IV. De Casparo Abbate XLIII. ab anno 1508. usque ad 1525.
 §. I. Caspari electio & confirmatio. pag. 379.
 §. II. Zelus pro cultu Divino & disciplina Monastica. pag. 380.
 §. III. Esus carniū concessus. pag. 382.
 §. IV. Ædificia Caspari Abbatis. pag. 384.
 §. V. Magni Hospites, externa negotia, obitus. pag. 385.
Pag. 386. num. 18. lin. 6. adde: nempe 26. Februarii.
 §. VI. Appendix de Vilgertshovio. pag. 386.
 Sæculi VIII. Caput V. De Wolfango & Benedicto Abbatibus.
 §. I. Wolfgangus I. Abbas XLIV. ab anno 1525. ad 1533. pag. 397.
 §. II. De Stephano Leopolder Monacho, & Chronographo Wessofontano. pag. 388.
 §. III. Benedictus II. Abbas XLV. ab anno 1533. ad 1562. pag. 390.

Sæculi IX. Caput I. De Leonardo II. Abbate XLVI. ab anno 1562. ad 1572.
 §. I. Leonardi natales, mores, professio. pag. 393.
 §. II. Religiosi benè meriti. pag. 394.
 Sæculi IX. Caput II. De Gregorio I. Abbate XLVII. ab anno 1572. ad 1589.
 §. I. Electio Gregorii. pag. 395.
 §. II. Augmentum cultus Divini. pag. 396.
 §. III. Cultus Litterarum. pag. 397.
 §. IV. Acta coartanea. pag. 399.
 §. V. De Wolfango Jacobio Poeta Wessofontano. pag. 401.
 Sæculi IX. Caput III. De Benedicto III. Abbate XLVIII. ab anno 1589. ad 1598.
 §. I. Natales, electio, merita Benedicti. pag. 404.
 §. II. Visitationes nostri Monasterii. pag. 405.
 §. III. Ædificia, & obitus Benedicti. pag. 408.
 Sæculi IX. Caput IV. De Georgio Abbate XLIX.
 §. I. Georgii patria, electio, insignia, cura disciplinæ. pag. 410.
 §. II. Studium Georgii Abbatis ad propagandum cultum Divinum & curam Ecclesiarum. pag. 412.
 §. III. Miraculum S. Bennonis in foemina Wessofontana. pag. 414.
 Sæculi IX. Caput V. De Gregorio II. Abbate L.
 §. I. Gregorii Professio, & Electio. pag. 417.
 §. II. Cultus Divinus promotus. ibid.
 §. III. Cultus Deiparæ Virg. à Gregorio fatus, & propagatus. pag. 418.
 §. IV.

(D)

- §. IV. Studium promovendi scientias, - pag. 421.
- §. V. Acta promiscua Gregorii & comparatio Hofmarchiæ Iffeldorffensis. - pag. 422.
- §. VI. Famis, pestis, belli calamitates à Gregorio toleratæ. pag. 425.
- §. VII. Obitus Gregorii Abbatis. - pag. 429.
- Sæculi IX. Caput VI. De Monachis benèmeritis sub Gregorio II. Abbate.
- §. I. Vita Joachimi Abbatis S. Petri Salisburgi. - pag. 430.
- §. II. P. Thomas Ringmayr Wessofontanus. - pag. 437.
- §. III. Analecta de Gregorio Abbate. - pag. 440.
- Sæculi X. Caput I. De Bernardo Abbate L.
- §. I. Ornatus Templi Wessofontani. - pag. 442.
- §. II. Publicæ devotionis incitamenta. - pag. 445.
- §. III. Studium propagandi scientias. - pag. 448.
- §. IV. Negotia memorabilia, obitus. - pag. 449.
- Sæculi X. Caput II. de Wolfgango II. Abbate LII
- §. I. Studium pro cultu Divino & augmento Monasterii. pag. 453.
- §. II. Cura studiorum. pag. 455.
- §. III. P. Alexander Hueber. pag. 456.
- §. IV. Deipara Thaumaturga Iffeldorffii. - pag. 458.
- Sæculi X. Caput III. De Leonardo III. Abbate LIII.
- §. I. Vocatio & Electio. pag. 460.
- §. II. Cultus Divini studium. pag. 461.
- §. III. Cultus Litterarum. pag. 464.
- §. IV. Ædificia. - pag. 465.
- §. V. Deipara Thaumaturga VII. gertschhofii. - pag. 498.
- §. VI. Acta contemporanea. pag. 472.
- §. VII. Obitus Leonardi. pag. 474.
- Sæculi X. Caput IV. De Virgilio Abbate LIV.
- §. I. Virgilii natales, electio, gubernatio. - pag. 475.
- §. II. Cura studiorum. pag. 476.
- §. III. Ædificia Virgilii, belli calamitates, obitus. - pag. 478.
- §. IV. Ordinis nostri fautores. pag. 479.
- §. V. De Clarissimo D. Benedicto Finsterwalder Wessof. pag. 481.
- Sæculi X. Cap. IV. De Thassilone Abbate LV.
- §. I. Thassilonis vocatio & electio - pag. 483.
- §. II. Thassilonis virtutes. pag. 484.
- §. III. Cura litterarum & publicæ pietatis. - pag. 486.
- §. IV. Obitus Thassilonis. pag. 488.
- §. V. Viri literati. - pag. 489.
- §. VI. De Antiquitate & cultu imaginis B. V. Mariæ in templo Wessofontano propitiæ. - pag. 491.
- §. VII. De origine & cultu celeberrimæ Imaginis Imac. Concept. B. V. Mariæ in templo nostri monasterii propitiæ. - pag. 493.
- Sæculi X. Cap. V. De Beda Abbate LVI.
- §. I. Chronologia Bedæ Abbat. p. 505.
- §. II. Labores literarii confratrum. - pag. 506.
- §. III. Memoria confratrum defunctorum sub Beda Abbate. pag. 509.
- §. IV. Catalogus confratrum viventium. - pag.

SÆC.



SÆCULI PRIMI

WESSOFONTANI

CAPUT PRIMUM

De Monasterii Fundatore & Fundatione.



Quandoquidem Scriptores complures & graves aliam, quam nos, de Monasterii Wessofontani fundatione sententiam tenent: nobis verò à religiosissimo & fortissimo principe Thassilone, quem semper Fundatorem grati agnovimus, hodièque eidem solemniter per annos singulos parentamus, recedere tam iniquum, quam difficile videtur, donec validissimis argumentis aliunde producendis de contrario convincamur; opus est, ut quibus rationibus firmati Thassiloni adhareamus, ingenuè profiteamur. Id ut ordine fiat, primùm Thassilonis genus, nativitatem, acta & fata, virtutes & exitum referemus: deinde, quibus argumentis eum Fundatorem veneremur, docebimus: tertio antiqui de fundam-

A

funda-

fundatione hac documenti auctoritatem & veritatem elucidabimus : denique Ecclesias & Monasteria , quibus Thassilo tum initia tum incrementa dedit , ad perpetuam regis munificentie memoriam & in gratitudinis nostræ monumentum recensebimus.

§. I.

*Genus, Nativitas, Acta & Fata, Virtutes & Exitus
Thassilonis II. Bavariæ Ducis.*

I. **T**hassilo, nobilissima & antiquissima inter Germanas Agilolfingorum stirpe genitus, patrem habuit Utilonem (a) fortissimum eundemque religiosissimum Bojorum Ducem; matrem verò Hiltburgam, Caroli Martelli filiam, Pippini Brevis, postea Francorum Regis, sororem (b) quæ & ipsa de Ecclesiis optimè merita, filium Thassilonem (c) ad omnem pietatem erudit. Nam defuncto Utilone, conjugē Cathedrali Salisburgensium Monasterio liberalem se præbuit, atque ad similem munificentiam exemplo suo filium induxit. (d) Quibus iste artibus ab ineunte ætate se imbuat, præter teneram in Superos pietatem, venandi fuere exercitationes, tanquam bellorum præludia, quæ erat tum propagandorum finium, tum religionis causâ gesturus. Prima Martis rudimenta decimo quarto jam ætatis anno in castris Pippini posuit, cum delecta Bojorum manu primùm ad Ticinensem obsidionem, dein contra Waifarum, turbulentum Aquitanie Ducem, itémque contra Saxones in obsequium regis profectus. (e) Iis in expeditionibus, cum vel præmia meritis suis respondere non cerneret, vel officiorum aliquid fidei suæ debitum desideraret, vel suorum sanguinem in aliena commoda prodigere diutius nollet, valetudinis excusatione usus, in Bavariam rediit. (f) Ea res ægrè Pippinum habuit, qui Thassilonem sororis filium, invadente Bavariam Grifone fratre suo, defenderat, Ducemque constituerat (g): verùm tum quidem ad novas in Aquitania turbas distractus vindicare non poterat. Interea Thassilo uxorem duxit Luitburgam vicini Longobardorum Regis Desiderii filiam, quod conjugium novæ offensæ fomitem præbuit; quippe cum gravissimæ Francos inter & Longobardos inimicitie flagrarent, indeque Dux noster istis æquior quam illis, videretur. (*) Certè virtutis ac fortitudinis gloria, quam sibi Thassilo eo usque pepererat, non exiguum ex eo labem traxit, quod Longobardæ uxoris, Desiderium patrem regno à Francis defectum ægerime forensis iustitiam palam se à Francorum partibus abjunxisset. At per

Stur-

Sturmionem Fuldensem Abbatem, quem Carolus Pippini filius ac Thassilonis quondam commilito miserat, conciliata Francos inter & Bojos amicitia est, sed parum diuturna. (h) Quibus exinde fluctibus involutus fuerit Thassilo, cum Historici omnes copiose narrent; ejusque regni, quod affectare videbatur, exitus Epocham faciat memorabilem, prætere facilius est, quam vulnera refricare. (i) Nos maximi Principis non tam bella, quam in Ecclesiam merita, gratitudinis ergo posterorum memoræ commendanda suscepimus.

2. Thassilo, quidquid ab armis nactus fuerat quietis, id omne ad Bojaræ suæ ornamentum & emolumentum contulit, Religionis, prudentiæ, munificentæ, quæ sunt singularia Principis decora, quotidianis pœne ac amplissimis exemplis intentus. Natum sibi Theodonem filium ipse Romam tulit, ab Adriano Pontifice salutaribus aquis lustrandum. (k) S. Valentini corpus, quod Longobardi Majis Tridentum duxerant, ab eorum rege focero suo impetratum, Passavium transtulit. (l) S. Corbiniani exuvias, Majis conditas, auctoritate sua Frisingensibus reddidit, & sacris ossibus festivo comitatu pompæque occurrit. (m) Beati item Vivilonis Laureacensis Archiepiscopi reliquias Passavium transportavit, ipsamque civitatem Præsulibus cum fundis & prædiis amplissimis tum ipse donavit, tum à patre donatam confirmavit. (†) Ecclesiarum firmitati & populi legibus consulturus ad Concilium Dingolsingæ celebrandum provinciæ Episcopos & Abbates invitavit, plurimæque sacrorum Antistitum consilio deæcni curavit, quæ non ad Religionis solum splendorem, sed & subditorum disciplinam conducere. (n) Tristitia de cœlo signa cum terrefacerent orbem, pluvix caderent venenato liquore corpora in mortem trahentes, flumina sanguineum vasis locis colorem induerent, Episcoporum consiliis obsequens Thassilo, editis per omnem Bojariam præceptis, orationes publicas & jejunia ad placandam Numinis indignationem indixit. (o) Omni superstitioni ac idololatriæ inimicus, Carantanos ab Hunnis gentilibus variè vexatos armis defendit, per S. Virgilium ad veram religionem adduxit, eosdemque, propriis Ducibus jam Catholicis iterum rebelles, bello domuit, atque, quod præcipuè laudi cedere Thassiloni debuit, ut Regum Francorum fidei se permitterent, illis persuasit. (p) Idem religionis propagandæ studium piissimum Ducem impulit, ut Attoni Scarantiæ Abbati amplam in Tyroli solitudinem, Intica vocatam, ad condendum monasterium donaret, ex quo monachi ad vicinam Sclavorum gentem egressi veræ fidei lumen eam illustrarent. (q)

3. In ipsa porro Bavaria quot ille Deo templa, quot religiosi viri ac fœminis cœnobîa condidit, & divinis laudibus resonare fecit! Nemo est omnium, qui Boicæ gentis historiam scripserit vel attigerit, & Thassilonis regiam in Ecclesias liberalitatem tacuerit. Neque nobis ullo modo fas est, tanti principis beneficentiam tacitos præterire: dabimus largum syllabum sacrarum ædium; quibus Thassilo vel primordia, vel magna incrementa dedit. (r) Id solum nunc restat dicere, Thassilonem, adversis demum fatis oppressum, cum filio Theodone monasticam vestem in Laurissensi cœnobio suscepisse, atque in eodem tanto ardore ad Christianæ perfectionis studium se dedisse, ut non fictæ sed heroicæ virtutis documenta oderet luculenta. (s) Inter ea facile maximum fuit, cum Dux olim tam potens famâque inclytus, cui optabile putares, post tantam summæ fortunæ mutationem in solitudine delitescere & verecundiam velificare, generoso mundi sui que contemptu à claustro iterum suo ultro progressus in Concilio Francofurtensi comparuit, veniamque culparum, quas in Pippinum & Carolum Francorum reges commiserat, enixis precibus coram amplissimo confessu postulavit, professus simul, se quoque puro corde remittere, siquid erga se non rectè perpetratum fuisset. Verùm insuper, quidquid jurium aut etiam proprii in ducatu Bojorum haberet, aut habere posset, ultro projecit & abdicavit, filios filiâsque solum (t) Regis misericordiæ commendans. Quæ fortissimi quondam & formidati Ducis demissio Caroli animum effodit, ut Thassiloni vicissim gratuito animo ignosceret, eumque de benevolentia sua certum esse juberet: cujus perpetuò duraturæ pignus chartam triplicem edidit, unam in palatio, alteram in palatii sacello, tertiam ipsi Thassiloni secum in monasterio asservendam. (u) Thassilo hinc prompto animo ad Laurissense cœnobium rediit, in eoque pœnitentiæ ac pietatis operibus exercitatus & meritis plenus, non sine sanctitatis relicta fama, diem supremam lætus obiit. (vv) Epitaphium ejus authores multi, & nostri Codices tale exhibent:

*Thassilo Dux primùm, post Rex, Monachus sed ad imum:
Idibus in ternis decesserat iste Decēbris. (x)*

Ita Principi tam magno ac celebri, quale viventi fatum, tale mortuo epitymbion, infelix nempe & asperum, obtigit. At perseverat hodiernum in diem inextincta adversus defunctum in terris pietas ac gratitudo, & collectæ ex propagato divino cultu, stabilita auctâque tot templis religione, institutis tot psallentium choris, sparsis undique virtutis offici-

nis,

nis, traductis ad veram fidem integris regionibus, extrema vite parte inter poenitentiae gemitus transacta pietatis palmae, quantum humanae laudis Fortunae detraxit invidia, tantum Thassiloni aeternae gloriae pondus afferent in coelo.

(a) Idem Odilo, Otilo, Oatilo antiquis scribitur. Successit Hugiberto anno 738. juxta Clar. Meichelbeckium Tom. 1. Hist. Frising. fol. 33. ubi hanc chronologiam ex professo illustrat. (b) Pippinus Brevis anno 747. Major Domus universa Franciae, & anno 752. Rex. Eckhart Comment. rerum Francia Orient. fol. 479. & 508. Tom. 1. (c) natum juxta plerosque Authores anno 742. (d) Hansiz Germ. sacra Tom. 2. in Prolegom. c. IX. fol. 25. (e) Adlzreitter Parte 1. Annal. Lib. 7. ad ann. 756. (f) Idem ibidem num. 38. colum. 2. (g) Eckhart cit. Comment. fol. 427. (*) id anno 770. anno 28. vita Thassilonis factum asserit Raderus Bavariae S. Volum. I. fol. 84. (h) Adlzreitter eadem. 74. ad ann. 770. (i) Idem l. 6. num. 46. 47. 48. colum. 76. 77. 78. (k) Rader. cit. Volum. fol. 84. (l) Hansiz Germ. S. Tom. 1. fol. 67. d. (m) Meichelbeck Hist. Fris. T. 1. fol. 67. c. (†) Rad. Bav. S. Vol. I. fol. 85. (n) Meichelbeck T. 1. cit. fol. 70. (o) Idem ibidem fol. 86. a. ex Dückero ad annum 786. (p) Hansiz German. Sac. Tom. 2. fol. 93. & preced. (q) Meichelbeck l. ante cit. fol. 84. d. (r) Inferius hoc capite §. IV. (s) inter quae non numeramus nocturnas ejus vigilias, & ab ipso, per ignitas pelves facta excacatione, ductu Angelis praestatas orationes, sicut A.A. quidam referunt. (t) Filios habuit Thassilo, Guntherum, qui ab apro. acifus Cremisaniensi Monasterio originem dedit: deinde Theodonem, de quo Historici omnes: denique Theodebertum cum Theodone attansum nominant Annales Nazariani, seu Laurissenfes S. Nazarii, apud Eckhart Comment. cit. fol. 726. num. 24. Ibidem legitur de Luitburga ex Appendice ad Chronicon Nibelungi, eam sibi ipsi velamen imposuisse. De filiabus Thassilonis ex eadem Appendice intelligimus, unam ex illis Carolum transmississe ad Cala Monasterium, & aliam ad Lauduno Monasterio. (u) Eckhart cit. Comment. f. 725. num. 65. (w) Quantum ad sanitatis famam, lege Raderi Bavariae S. Vol. I. fol. 85. ubi Wion, alique A.A. citantur. Raderus ipse de se proficitur: Thassiloni nomen sanctitatis abrogare non possum, imponere non audeo. Authoribus illis subjungo Vitum Arenbeckium, qui in Chronica Bajuvariorum de Thassilone hac habet: ad cujus rumbam Dominus per merita famuli sui cunctis auxilium ejus implorantibus quamplurima beneficia usque in praesens impertiri non dedignatur. (x) Additur huic disticho à pluribus hic pentameter: conglitur hac fovea, quem pie Christe bea: sed modo primo, modo secundo loco ponitur, & apud cit. Arenbeckium Anecd. T. 3. P. 3. col. 105. etiam metricum corripitur. Cedices nostri hunc versum ignorant. Brunnerus illud refert P. I. Lib. 5. fol. 124. sed emendatiorem.

§. II.

*Thassilo II. Bojariz Dux, Monasterii Wessofontani
Fundator asseritur contra Aventinum.*

4 **T**hassilonem, Utilonis Ducis & Hiltrudis Francæ filium, Monasterii Wessofontani fundatorem fuisse nemo unquam Historicorum negavit; imò omnium veterum vox unanimis affirmavit: donec tandem Aventinus, aliàs Joannes Thurnmayr Abenspergensis Bojus, ac Annalium Bojariz scriptor surrexit, & priscis omnibus bellum indixit, rotundè asserens, Monasterium nostrum origines iisdem debere Fratribus, qui Benedictoburano Monasterio primordia dedere. Lectori Hierarchiam Augustanam à V. C. Cœrbiniæ Khamm diligentissimè conscriptam inspicienti (a) facile asserti fidem extorqueat Authorum agmen, contra antiquissimam traditionem nostram & veterum auctoritatem adductorum. Nam allegantur ibidem

1. Monumenta Benedictoburana.
2. Aventinus Lib. 3. fol. 292.
3. Aubertus Miræus in Originibus Benedictinis fol. 175.
4. Bucelinus parte 2. Germaniz Sacrz fol. 14. verbo *Beuren*.
5. Brannerus Annalium Boicorum lib. 1. fol. 681.
6. Hundius in Metropoli Salisburgensi Tomo 3. fol. 484.

Quibus ultro à nobis adduntur

7. Gasserus Annalium Augustanorum fol. 52. & seq. (b)
8. Velferus Rerum Boicarum Lib. 5. fol. 152.
9. Adlzreitterus Annalium Boicor. Parte 1. Libro 7. columnâ 168.

Equidem Clarissimus Hierarchiz Augustanz Author copiosè exponit argumenta pro Thassilone pugnancia, quæ à Wessofontanis sibi communicata accepit: at nos nec operæ pretium, nec otio abutendum putamus, ut ea hoc loco recoquamus. Antiquitate sola nitimur, cujus testimonia produxisse vel pauca sufficiat, ipsis Aventini natalibus poenè priora.

4. Vitus Arenbeckius, Presbyter ac Sixti Frisingensis Episcopi Capellanus, Chronicam Bajoariorum, eidem Anstuti suo inscriptam, laboriosè composuit, atque ad annum 1493. perduxit. Is igitur apud Bernardum

§. II. Thassilo Fundator asseritur.

7

dum Pezium Tomo 3. Anecdotorum, parte 3. columnâ 96. capite 33. sub titulo : *De fundatione canobii Wesselsprunnensis*, sic exorditur : *Circa annos Domini DCCLIII. Thassilo filius Otilonis Ducis Dux Bajorum &c.* ac deinceps ferme ad litteram recitat antiquissimum nostrum documentum, quod Vir Cl. Gevvoldus in Additionibus ad Hundii Tomum 3. Metropolis fol. 485. recitat, & nos paulò inferiùs ex archetypo referemus. Idem deinde Arenbeckius capite 35. sub titulo : *de pluribus foundationibus Thassilonis*, columnâ 99. dicit : *in Choro Monasterii Weltenburg subscripti versus habentur : Thassilo Dux Bajoria fundator hujus Ecclesia sex struxit in Bajoria Monasteria, Weltenburg, Krensmünster, Lorich, Wesselsprunn, Pfaffenmünster.*

6. Postea verò, imò priore loco, cùm de fundatione Monasterii Benedictoburani agit, eandemque Landfrido, Waldramo, & Elilando adstruit, statim subjungit : *deinde & alia tria grandi manu diligentia Monasteria institunt, primum Chochalense, in quo venerabilis eorum soror Gailswindis pradii sui parte tradita cum virginali debebat contubernio : secundum Schlechderfense, & tertium Scafelense. (c)* Nulla uspiam de monasterio Wessofontano fit mentio.

7. Antiquior Arenbeckio fuit Andreas Presbyter, Ordinis S. Augustini Canonicus Regularis ad S. Magnum in suburbio Ratisbonæ Pedeponsano, qui *Chronicon* suum *Generale* perduxit ad annum 1422. Illud novissimis typis editum Augustæ Vindelicorum & Græcii à Cl. V. P. Bernardo Pezio Tomo 4. Anecdotorum Parte 3. columnâ 441. de Thassilonis foundationibus, post enarratum felicem ejus obitum, hæc refert : *Hic est Thassilo Dux, qui in servitio divino ferventissimus existens inter cetera Monasteria celebra Pollingen Canonicorum Regularium construxit. Item Wesselsprunn, sic dictum à quodam suo venatore dicto Wesso, qui fontem ibidem a terra bullientem à se repertum ostendit &c.* Demum annectit versus Weltenburgensis Chori, quos supra numero 5. recitavimus.

8. Superiùs autem de Landfrido & ipsius fratribus agens Andreas Presbyter, eorum fundationes sic explicat : *in Buren &c. canobium incomparabile structuris & picturis construxerunt. Deinde & alia tria grandi manu diligentia monasteria institunt : primum Chochalense, secundum Schlechderfense, tertium Scafelense.* Hæc solum Andreas Presbyter, quin vel verbulo mentionem ingerat de fundato vel dotato etiam Monasterio Wessofontano. (d)

9. His duobus testibus accedant alii duo, itidem Aventino antiquiores. Primus est R. D. Sebastianus Ranck, Parochus olim in Peuren prope Greiffenbergam, Pauli, hoc nomine secundi, Abbatis nostri frater germanus, qui vixit anno 1460. & in *Colleganeo* suo *Monasteriorum* adhuc inedito (e) non alia præter Burense monasteria Landfrido & fratribus tribuit, quàm Cochalense, Schlechdorffense, Staffelseense; Thassiloni verò soli Wessofontanum.

10. Alter Anonymus Monasterii nostri Monachus, vir industrius & boni judicii, etiam videatur multa ex Andrea Ratisbonensi descripsisse, frequenter tamen crifes suas adjicit, & fusiùs plurima ac novis documentis aucta proponit, quin etiam alio ordine, quàm Andreas Ratisbonensis, & Sebastianus Ranckius, utitur, ut Codicem à se unde unde compilatum, jure suum fecisse dici possit. Hic iisdem ferè verbis, quibus Andreas Presbyter, post fundatum Burense Monasterium, Landfrido, Waldramo, & Elilando etiam adscribit *Cochalense*, in quo venerabilis eorum soror nomine *Gailswindis* &c. cum virginali degeret contubernio. Secundum *Slechdorffense*. Tertium *Staffelsee*. De Wessofontano tacet, atque initio statim originem ejusdem Thassiloni acceptam refert. Titulum operi suo hic Anonymus talem præfigit: *Chronica foundationum plurimum Episcopatum atque Monasteriorum tam in Bavaria, quàm extra Bavarorum provinciam situatorum. Et primo de origine & vita devotissimi necnon illustrissimi principis Thassilonis ducis Bavariæ, & regis (ut scripta testantur) Longobardorum, Plurimorum monasteriorum fundatore deditissimo, & Ecclesiarum restauratore diligentissimo, defensore viduarum & orphanorum judice strenuissimo &c. (f)*

11. Verùm cum Sebastianus Ranckius fuerit Wessofontani Abbatis frater, & Anonymus iste Monasterii nostri Asceta, partiumque studio aliquid dedisse, censeri possint, quamvis immeritò, cum neminem ante se viderint, qui contrarium affirmaret; ideo documenta producemus haud paulo antiquiora. Atque honoris quidem causà lectorem ablegamus ad Dissertationem Isagogicam in Tomum primum Thesauri Anecdotorum novissimi, ubi V. C. P. Bernardus Pezsius exhibet *veterrimis litteris exaratum quoddam de fundatione Canobii Wessofontani fragmentum ex Codice S. Emmerami*, quod curiosus Lector ibidem fol. XVIII. si dignetur inquirere, agnoscet ex ipso stylo antiquitatem, atque ex ibidem sequentibus intelliget, eruditissimum Pezium ab opinione nostra circa Thassilonem fundatorem minimè fuisse alienum, neque ullatenus dubitasse.

12. Eidem fragmento Emmeramiano non solum consonat, sed etiam emendatius ac copiosius foundationem Wessofontanam enarrat membrana Codici nostro antiquissimo Evangeliorum præfixa, seriùs quidem exarata, sed ab initio jam annexa. Codex ipse novem sæculis antiquior, imò Monasterio nostro cœvus videtur, si cum characteribus sæculi nonum præcedentibus conferatur, sicut patebit ex Chronici Gottvvicensis Tomi I. Capite 2. (g) Character verò Instrumenti seu Historiæ Foundationis, quod exhibemus, prævio Evangeliorum & vacanti folio mandatus, sæculi undecimi proprius est, saltem medium ejus attingens, imò præveniens. Istud verò venerandæ antiquitatis monumentum, quod Hundius in Metropoli, (h) Corbinianus Khamm in Hierarchia Augustana, (i) Vitus Arenbeckius (k) & alii, variè tamen mutatum, transcripsere, Lectori nunc de littera ad litteram ob oculos ponimus. Est autem hujusmodi:

Anno DNI. dcc. liii. Thassilo filius Otilonis ducis ac Hiltrude sororis Pipini patris magni Karoli. sub imperio eiusdem magni Karoli. dux Baiarum. in marchia ducatus tunc regni Baiorum. in saltu foresti qui Rotwalt dicitur inter duo flumina aprariam et licum venationi operam dabat aprorum. Et dum forte per noctem iuxta fluvium qui ex eius nomine Theßlespach dicitur sub tentorio dormiret. vidit in somnis. iuxta fontem eiusdem foresti. per. IIIF^{or} partes contra scitentem se asstare. et exinde ad meridianum scalam ad celos porrectam. et angelos domini ascendentes et descendentes per illam. sanctum autem apostolorum principem innixum scale. et laudentem eam. que in officio dedicationis communio cantari consuevit. Et venatorem Thassilonis al. et Tharingeri. alter wezzo dicebantur. Quorum wezzo fonsent qui hodie fons wezzonis dicitur a se repertum in. 4. modo e terra bullientem ostendit. Ibi rex monasterium eiusdem nominis cooperante sibi Bonifacio edificavit. et possessionibus amplificavit. Vbi primus abbas Ilfungs Altabensis monachus. qui post XL. annos quibus religiose presuit II. idus M. A. I. diem obiit. et in meridionali plaga ecclesie sepultus est. Ottilo prius. rex. postea Bavaaria in provincia yodatta dux. alaba monasterium ex suo fundavit alodio. et sepultus est cum uxore in Osterhouen. quod nichilominus monasterium sub regula S. Benedicti egregie satis dux ipse construxerat.

13. Non nescimus, tuis laborare sphalmatis hoc instrumentum; quæ tamen explicare non est huius loci: paulò inferius lectori satisfacere conabimur. Fundatorem monasterii nostri nunc inquirimus, de cuius honoris possessione num per authores suprà numero 4. in contrarium adductos Thassilo possit deijci, videre operæ pretium est. Atque ut ordi-

ne procedamus, ante omnia consideremus, quæ Khammus allegat, ætiquissima documenta *Benedictoburana*. Eadem sibi communicata exhibet Vir CL. P. Bernardus Pezsius Tom. 3. Anecdotorum, Parte 3. columnâ 597. & seqq. qualia & nos possidemus à Stephano Leopolder descripta, & *Benedictoburanis* omnino, paucis orthographiæ erroribus exceptis, conformia. Ad illa, ne nimium longi simus, lectorem ablegamus, cum Thesaurus Anecdotorum in omnium eruditorum manibus jam sit: facile videbit, quantum documenta illa non tam contra fundatorem nostrum pro Landfrido & fratribus, quam contra ipsum Aventinum pugnent.

14. Itaque citato Pezii loco columnâ 599. & 600. narratur fundatio Monasterii *Buren*: deinde alterius in loco *Mathi*, qui nunc dicitur *Chochalon*: hinc tertii in *Schlechdorffensi* loco: demum quarti in *Staphalastagna* loco. Mox cap. 2. describitur *Iter fratrum Fundatorum ad S. Bonifacium Archiepiscopum Moguntinum*, eorumque ad eundem hæc oratio: nos peccatores & indigni habemus adificatas Ecclesias &c. in loco *Burn* unam &c. aliamque in loco *Cochalon*, &c. tertiam in *Schlechdorffensi* loco: quartam in *Staphalastagna* loco sitas cum consensu *Theßlonis Ducis*, ac *Wicinperii Augustensis civitatis Episcopi*. Has volumus & enixe flagitamus, ut à vestra almitate benedictionem mereamur accipere. Nulla vel uno verbulo de *Wessofontano* Monasterio uspiam hucusque apparuit mentio.

15. Denique columnâ 602. *Landfridus* venerandus Abbas, postquam omnia rite ordinavit, id est, singulis locis monachos instituit, imprimis in *Buronensi* loco quinquaginta Monachos servitores *S. Benedicti* constituit: in *Schlechdorffensi* Monasterio viginti quinque Monachos instituit: in *Staphalastagna* Monasterio viginti quinque Monachos instituit, in *Wezzesprunnen* viginti quinque Monachos ordinavit: in *Sandau* viginti quinque Monachos instituit: in *Cochalensi* Monasterio viginti quinque *Sandemoniales*: in *Pollinga* Monasterio *Sancti Salvatoris* viginti quinque *Sandemoniales* instituit &c. Subjungit deinde scriptor visitationem in singulis Monasteriis à Landfrido institutam, Dominicâ die in *Buren*, feriâ 2. in *Cochel*, feriâ 3. in *Schlechdorff*, feriâ 4. in *Staffelsee*, feriâ 5. in *Wessobrunn*, feriâ 6. in *Sandau*, atque, ab hinc revertente domum, *Pollingæ*, & addit: sic rexit Pater *Landfridus* Monasteria supradicta per viginti quinque annos &c. Et de *Landfridi* fratre successore: *Iste Pater Waldrammus* acceptis locis supradictis impendit illis curam &c. Ubi notari meretur expressa priorum quatuor Monasteriorum fundatio, trium verò reliquorum sola gubernatio: sic rexit *Landfridus*, & post eum *Waldrammus* acceptis locis impendit curam.

16. Videre hæc eadem documenta Benedictoburana Andreas Ratisbonensis, & Vitus Azenbeckius, cum pane ad verbum exscripserint; (1) nec tamen credidère, omnia ea Monasteria, quæ à Landfrido Coenobiarcho seu Archimandrita suèrè visitata & monachis instructa, quos tres laudatissimi germani ex diversis aggregaverant provinciis, centum quinquaginta, ut ibidem columnâ 601. videre est, ab eodem Landfrido ejusque fratribus fuisse fundata; nihil enim de fundatione Pollingæ, Sandavii, Wessobrunnæ legitur, sed solum de istorum Monasteriorum provisione & visitatione. Potuère cætera, sicut Wessfontanum à Thassilone, ita ab aliis Nobilibus aut melioris fortunæ hominibus fundamenta & dotem accepisse: quæ deinde tum à Thassilone, tum aliis fundatoribus ob celebritatem nominis ac virtutis fuerint Landfridi curæ commendata, ut ea Monachis instrueret, & gubernaret, cum præsertim nullum aliud in Licatis monasterium exstaret, unde antistes illis peteretur. Instrumenti porro hujus Benedictoburani tametsi veneremur antiquitatem, desideramus tamen puritatem; attendere enim Aventinus debuisset diversos in eo errores cum temporum ratione pugnantes, quos prudentibus facere manifestos superfluum, cum per se pateant: neque in rem nostram necessarium est.

17. Quod nos pridem taciti observavimus, id publicum tandem fecit vir copiosæ eruditionis P. Agnellus Candler Eremita Augustinianus in opere suo critico, cui titulus: *Arnolphus male Malus cognominatus, seu iusta Defensio &c.* (m). Ibi Author in recensione Monasteriorum sub Arnolpho Duce existentium de nostro Wessfontano hæc habet, quæ juvat exscribere, cum sciamus rariùs jam inveniri hanc Agnelli Apologiam.

„ WESSENBRUNN seu WESSOFONTANUM Ordinis S. Benedicti Asceterium in Augustana Diocesi per Landfridum ejusque fratres Benedictoburanos Fundatores ædificatum, à Thassilone postea ampliatum Aventinus (ed) adstruit, fortè Chronicon Benedictoburense secutus, ubi tamen (ee) aliud non asseritur, quàm Landfridum in Wozzesprunen 25. Monachos ordinasse, ejusque Monasterii curam habuisse, illud statim temporibus visitando, id quod traditioni & documentis Wessfontanis ac Chiemseensibus minùs repugnat; in his quippe legitur (ef), Thassilonem Ducem in loco, ubi venationibus deditus sub tentorio pernoctaverat, atque haud procul inde alter venatorum ejus (non filius, quod eruditissimo Mabillonio (eg) excidit) Wesso nomine fontem in crucis modum è terra scaturientem detexerat,

„rat, anno 753. prima Monasterii fundamenta jecisse: quo stante po-
 „tuit Landfridus Benedictoburenſis Abbas novo domicilio de inquilin
 „his providiſſe, ejusque curam, dum anno 758. Hſungus proprius Ab-
 „bas ex inferiore Alſaha hic conſtitueretur, quin etiam deinceps Viſi-
 „tatoris officium geſſiſſe.

(ed) *Annal. pag. 291.* (ee) *Cap. 3.* (ef) *Aphel Gemeld. in addit. ad Monop.*
& Wening Topogr. Bavar. Part. I. (eg) *in Itiner. Germ.*

18. Haſtenus de *Monumentis Benedictoburanis*, quæ prima ante alios
 authores ſuperius numero 4. adductos nobis Thaffilonem ereptura vido-
 bantur. Cæterorum deinceps teſtimonia facile labefactantur hoc uno,
 quod omnes unum authorem & ducem ſequantur Aventinum, hunc
 Hundius, & Hundium alii, qui Aventinum vel non videre, vel negle-
 xere. Vellerus, tamenſi nullum authorem laudet, eſſe eundem Aven-
 tinum ſecutus eſt, quem in rebus patriæ ſaltem ſuæ Boicæ fidelem cen-
 ſuit, in Vindeliciſ tamen ſæpius reſutavit. Gaſſerus autem, homo he-
 terodoxus, non tam antiquitate nixus, quàm Aventini autoritate,
 quam iſte apud novatores ſibi conciliavit ſacrorum hominum rituûmque
 contemptu, talia ſcribit, quæ manifeſte temporum & locorum, imò &
 perſonarum rationi repugnant. (h)

19. Itaque omnis Teſtium phalanx, quos poſterior hæc ætas pro
 Landfrido contra Thaffilonem excitavit, unius Aventini autoritate ni-
 titur, magno profeſſo veritatis columine! Aventinus cùm ex itineribus
 & exteris ſcholis, pro ingenii ſui felicitate, non parùm eruditionis col-
 legiſſet, famâque propterea principibus etiam innotefcere cœpiſſet, ma-
 jorem juſto licentiam ſibi arrogavit, ſive omnes, qui ſe præceſſerant,
 rerum Boicarum ſcriptores ruditatis damnandi, ſive documenta vetera
 vitiandi aut ſuo lubitu interpretandi, ſive novas opiniones architectandi,
 & aſſerta ſua ceu oracula credulis & novitatum avidis obrudendi. Et
 ſtyli quidem gratia, eatenus nova, fidem apud multos conciliavit, qui
 tamen ſæpe non tantum latinicitatis, quantum affectationis habet, minus
 autem prudentiæ & veracitatis. Nemini ignotum, quantum ille à litte-
 ratis vapulet, quòtque convincatur errorum. Hundius, Vellerus, Ra-
 derus, Adelzreiterus, Meichelbeckius, & noviffimè Illuſt. D. Wilhel-
 mus, ut obvios nominem, integros heliorum faſces ex Aventino colle-
 ctorum exhibent. (i) Taceo, quoties ſibiſmet ipſe contradicat. Et
 quantum quidem ad præſentem de Thaffilone quaſtionem attinet, faci-
 le Aventini teſtimonio caruiſſimus, niſi ipſe nobis non invitatus illud
 obtru-

obtruderet. Hundius id recitat, in Metropoli hisce verbis: **THIER-HAUBTEN.** *Monasterium Ord. S. Benedicti infra Augustam Vindelicorum tribus miliaribus, non procul à Lico ad rivum Ach situm, fundatum ac inchoatum in beatorum SS. Petri & Pauli Apostolorum, & potius Duce Bavariae Thassilone anno Domini 750. quo fere tempore idem Dux Wesserspernden eiusdem Ordinis Abbatiam, inter Amperam & Lycum Fluvios EREXIT, &c. ac laudat Hundius auctorem his additis: Johan. Avent. lib. 4. Annalium fol. 378. (p)*

20. Caterùm inficias ire non possumus, non carere difficultatibus suis Thassiloni assertam Monasterii nostri foundationem. Tot hujus Ducis venationes, quibus ortum cœnobii debere dicuntur, apud nonnullos Catholicos, & plures Heterodoxos, agrè inveniant fidem, ibi maxime, ubi cœlestia visa occurrunt. Sunt, qui ex Ekteris Foundationibus jussu Thassilonis pro Cremisfanensi Monasterio conscriptis, colligere vellent, nullum ante Cremisanum à Thassilone cœnobium fuisse fundatum. Ac demum Princeps pœne puer, & nuperrimè ad clavum adnotus, tantis foundationibus vix par existimari potest. Verùm hæc, quancunque sunt, objectiones, ex instrumenti nostri, quod antiquissimum habemus, elucidatione, pro viribus elidentur.

- (a) Hier. Augustana Parte 3. Regul. fol. 375. (b) Eadem Hierarchia citatur folio 437. num. 2. (c) Apud Pez. Anecdor. Tom. 3. cap. 23. columnâ 79. (d) Vide num. 7. citatum Andreæ Ratisb. colum. 432. & 433. (e) Listeri D. 4. id est, pag. 16. (f) Anonymus iste vixit circa finem Seculi XV. (g) Lib. 1. cap. 2. fol. 34. Chron. Gottwic. (h) Metrop. Tom. 3. fol. 285. in Additione 1. (i) Parte 3. Regulari fol. 376. num. 5. (k) Tom. 3. Anecdor. Pez. Parte 3. Cap. 33. colum. 96. (l) Andreas Presb. Tom. 4. Anecd. Part. 3. col. 441. d. 442. a. Item col. 432. c. d. 433. a. (m) Edita Monachii typis Jo. Jac. Vötter 1735. Sect. 6. fol. 124. (n) Hier. Aug. P. 3. fol. 437. num. 2. (o) Hundius in Bayrisch. Stammen-Buch frequentissime, & per tres Tomos Metrop. in Indicibus V. Aventinus. Vide caterorum quoque Indices, & maxime Wilsen edit. Norimb. (p) Hund. p. 3. Metrop. fol. 410.

§. III.

Elucidatio Instrumenti Wessofontani circa Thassilonem Fundatorem & alia.

Cum id solum inter tot Authorem contra nos testimonia hæcenus à nobis pro Thassilone actum sit, ut, quoniam omnes illi unum ducem habuere Aventinum, hic verò sola documenta Benedictoburana, atque hæc jam eidem ipsi non favere ostendimus, solam antiquitatem pro muro quæreremus: idèd, sicut antiquissimum Instrumentum nostrum superius (a) produximus, ita id ipsum nunc elucidare, proba à spuris scernere, & quæ initio, ubi Thassilonis virtutes maxime exposuimus, circa illius historiam omissa fuerant, supplere constituimus. Juvèrit ergo dictum Documentum per partes considerare & explicare.

Anno Domini septingentesimo quinquagesimo tertio.

21. Hæc ipsa *annorum Domini* computatio meritò suspecta haberetur, cum plerique contendant, octavo illo sæculo nondum hanc annorum computationem in usum fuisse; si nempe Instrumento huic tantam antiquitatem adstruere vellemus. Verùm jam antea (b) facti sumus, unde citi ad minimum sæculi illud esse. Sunt, qui Chronologiæ hujus usum multo antiquiorem asserant, & Chronicon Gottvicense affert testimonium Baturici Episcopi de libro scripto *anno octingentesimo vigesimo tertio dominice incarnationis* (c) ex Abbatia S. Emmerami: unde hæc ex parte nihil Instrumenti nostri authoritati decedit.

Thassilo filius Otilonis Ducis ac Hiltrude sororis Pippini patris Magni Caroli.

22. Nihil in his verbis controversum reperias. Otilonis Ducis annos regiminis sufficiat recensere, & Hiltrudæ fata. Otilo regimen post Hugibertum auspicatus est anno DCCXXXVII. Anno dein DCCXLI. ineunte Hiltrudam Francam, Caroli Martelli ex Rotrude prima uxore filiam, Carolomanni & Pippini sororem, uxorem duxit, ex qua suscepit Thassilonem nostrum anno DCCXLII. Hæc res Carolomannum & Pippinum inexpectato Hymenæo irritatos in Bavariam contra Otilonem traxit: qui ultra Oenum profugus incitis conditionibus iterum pacem à fratri-

fratribus uxoris suæ impetravit : sunt tamen, qui dicant, eodem fere tempore Grifonem contra Carolomannum & Pippinum in Saxoniam Ottilonis consilio irrupisse. Verum cum Ottilo anno DCCXLVII. obiisset, Grifo nec Saxonibus nec Francis fidens in Bavariam ruit, Hiltrudam & Thassilonem in potestatem redigit, Bojorum quorundam amicitia nixus. Anno 748. Pippinus pro Bavaria & sorore sollicitus Grifonem armis obruit & capit, Thassilonem Bavariæ Ducem pro Ottilone patre constituit. Ab illo anno Thassilo regiminis sui annos computare coepit. Qui Ottilonem Osterhovæ vel Nideraltachii monachum factum putant, & Annales nostri, qui eum anno demum 765. obiisse dicunt, (d) non considerant BREVES NOTITIAS Donationum Salisburgensis Ecclesiæ, quæ Ottilonem ante Hiltrudam obiisse indicant. (e)

23. Cæterum parcius à nobis laudatus relinqui non debet Ottilo, plurimum Ecclesiarum ac Monasteriorum & ipse fundator, & fundandorum Thassiloni nostro magnificus author. Audiatur Velferus: " Princeps Uttilo Altachiam utrumque condidit. Uttilonis item opus Man-
" seum ad lacum, Niderburgum, Pfaffenmunster, & quæ quorundam
" sententia, Osterhova. Uttilonis etiam ope monasterium ad Iseniscum
" annem Josephus Episcopus, Erimberti in Frisingensi Ecclesia succe-
" sor condidit. (f) ", Eundem Uttilonem Cathedralis Ecclesia Passaviensis fundatorem (g) Salisburgensis augmentatorem (h) Frisingensis notatorem (i) Eustadiana authorem laudat. (k) De tempore obitus Uttilonis superius aliquid diximus. (l) Verum quis certum quidpiam statuatur, Historicis diversa sentientibus, & suas singulis sententias antiquitatis testimonio roborantibus? Videantur Clarissimi PP. Carolus Meichelbeckius, (m) Marcus Hansizius, (n) & Placidus Haidenius. (o) *Nos nostrum inter eos tantas componere lites.* Uttilonis in Ecclesias munificentiam gratæ posteritati commendasse sufficiat.

24. Etiam Hiltrudis Thassilonis mater encomio suo dignissima est. Eam inter Benefactores Salisburgensis Ecclesiæ superius jam (p) laudavimus. Majorem verò in laudem eidem cedunt, quæ doctissimus Eckhardus de eadem adstruere nititur, nempe Hiltrudem hanc, seu Chiltrudem, eandem esse cum S. Gertrude, quæ in Monasterio Carleburgensi ad Moenum infra Neustadium, proci declinandi causâ, olim delinquerit, & ductu S. Bonifacii ac sociorum ejus id Monasterium fundaverit: sed fraude novercæ suæ Sonichildis, quæ Grifonem filium hereditate à Martello exclusum dolébat, ultra Rhenum deducta Uttiloni Duci nupsit, ac eo defuncto in Franconiam redierit, & vitæ sanctitate clau-

merit. (q) . Quibus ut nihil addimus, ita nec ademptum quid Hiltrudi nostræ velimus, præcipue cum idem solertissimus & accuratissimus Author alio loco (r) sic concludat : *de Chiltrude supra pluribus egimus, eamque esse illam Gertrudem, quæ Caroloburgi aliquando latuit, & pro Sancta à posteris habetur, suspicari sumus, nec sententiam mutamus.* Annum, quo Chiltrudis obierit, assignat Eckhartus septingentesimum quinquagesimum quartum, quod penes ipsum relinquimus. Quantum ad ultima Instrumenti nostri verba attinet, Pippinum nempe Caroli Magni patrem fuisse, nemo est, qui neget.

Sub imperio ejusdem magni Caroli Dux Bajorum.

25. Hæc verba cum anno 753. nulla prorsus ratione conveniunt; nam sive ea de Carolo Martello intelligas Pippini patre, ille jam pridem & vivis decesserat, (i) neque Magni præconium ullibi, quod sciam, eidem tribuitur. Si de Carolo Pippini filio, cui Magni nomen hodieum adhæret, interpreteris, is neque Imperator tunc, imò ne Rex quidem fuerat, sed Thassiloni coæternus, & undecim primum annos natus. Dicendum est igitur, scriptorem anticipatò tribuere Carolo dignitatem imperii diu post obtenti, vel imperii nomine regnum Francicum intelligere, quod Carolus, à morte Pippini patris anno 768. 8. Cal. Octobris, tanquam Rex Francorum, Bavariam quoque sibi subiectam habuerit, donec tandem & Imperator evasit. Itaque noster iste undecimi sæculi scriptor ea, quæ scribit, non uni anno 753. vult, illigata, sed omnia Thassilonis acta & facta complectitur. Verè etenim *sub regno & imperio* ac potestate Caroli Thassilo vixit, & dux Bojorum fuit. Imò, cum in Concilio Francofurtenfi anno 794. præsentem se stiterit, omnique suo in Bavariam jure se palam abdicarit, (t) nec, etsi certa dies, certus tamen annus mortis ejus statui possit, potuit sub Caroli jam Imperatoris imperio adhuc & ultra superstes esse.

In Marchia Ducatus tunc Regni Bajorum.

26. Marchiæ nomen teutonicum est, & limites provinciarum olim indicavit: unde & Marchionum nomen, & munus. Legimus in Chronico Göttyvicensi Marchiam Bojorum (u) quæ versùs Anassum fluvium & Orientem porrigitur. Pari modo hæc intelligenda est Marchia Bojorum versùs Lycum fluvium & Occidentem vergens. Pari enim ratione, sicut olim Anassus Hunnis aliisque barbaris, ita Lycus Algojis & Alemanis frænum injiciebat. Quod autem scriptor noster, *tunc*, anno nimirum

rum 753. *regnum* fuisse dicat, iterum anticipatò locutus & omnia Thassilonis tempora complexus fuisse credi debet, sicuti paulò antè diximus. Nam siue vixerit tunc Utילו, qui regnum ob Hiltrudem Francam affectaverat, jam ille, ut supra diximus (w) à Carolomanno & Pippino dominus erat, & contentus Ducis nomine vivebat : siue obièrit, jam anno 748. filius ejus Thassilo à Pippino contra Grifonem defensus & Dux appellatus, fidem Francis servabat, imò publicè juratam (x) quatuordecim annos natus testabatur sexennio toto Francicis expeditionibus ipse præsens : unde anno 753. ne minima quidem de regno Bojorum cogitatio, nisi iterum dicas, scriptorem hunc vel ad Utilonis priora tempora respexisse, vel secuturas Thassilonis molitiones anticipasse : Id quod non raro in veterum historiis usuvenire nôrunt eruditi.

In saltu foresti, qui Rotwalt dicitur.

27. Sicuti Gothorum ævo multa linguæ Gothicæ vocabula in Italiam, ita vicissim crebris Germanorum expeditionibus plura verba Germanica ab Italis sunt assumpta; & Italica à Germanis. Forestum certè Italis id hodie sonat, quod jam dudum Germanis; vasta nimirum & opportuna venationibus silva significabat : ejusmodi in Bavaria nostra sunt Forestum Eberspergensè, Geisensfeldensè, aliæque. Apud Wessonis Fontes meridiem versùs Foresti nomine appellatur omnis illa regio, quæ inter duos amnes ejusdem nominis, Rottas, est sita, unde idem Forestum etiam Rotwalt, id est, *silva inter Rottas*, antiquitus dicebatur. Utraque Rotta in ditione Wessofontana oritur : alia orientalis in Amperam flumen supra ostium Ambronis lacus illabitur : occidentalis altera à dextra Lyci fluminis ripa, postquam villæ Rottensi, quam aluit, nomen dedit, infra castrum Lechspersgensè, Lyco miscetur. Utraque Monasterio nostro lacum facit, orientalis Zellensem, occidentalis Engelsriedensem. Posset quis opinari ab his duobus amnibus nomen traxisse veterem illum Bojariz pagum Rotagovve, in quo legitur ab Hucberto Duce donata Ecclesiæ Salisburgensi *villa Savarstedi* (y) cujus nominis loco facillè Sivertstatt seu hodiernum Seiberstetten, & *monasterium Hakiparbi* posset intelligi, cujus situm se ignorare fatetur Agnellus supra laudatus. (z) Certè villa *Seiberstetten* in dextra Lyci ripa jacet, sed duabus horis infra Rottæ occidentalis ostium, ubi pagus Rotagoviensis jam desisse videtur. Verùm & Salisburgensis Ecclesiæ à Lycatiis longinquitas, & Chronicon Gottwicense facit, ut hunc Bavariæ pagum Rotagovve non ab utraque hac Ambrolycatiæ Rotta, sed ab alio orientalis Bavariæ amne denominari credamus. (*) Nam in Mappa, quam Chronicon Gott-

vicinse exhibet, clarè indicatur alia Rotta, ad cùjus dexteram ripam in amœno colle hodieum spectatur & floret Monasterium S. Viti cùs Rottam O. S. Bened. prope Novum Forum, Diocesis & Congregationis Salisburgensis. Subit non vana suspicio, propinquò eidem loco stetisse olim Monasterium Sconinberg seu Schzenberg ad S. Vitum, quod nomen in dicta Mappa exprimitur. In eadem vicinia Monasterium Hukberti stetisse credibile est. *Saverstedt* autem in illo pago non reperitur: sed infra S. Viti Monasterium invenio *Scovenava*, inter Rotam & Villam amnes, cùjus mentionem Capitulare Ludovici Pii Imperatoris in Concilio Aquisgranensi anno 817. stabilitum injicit. (A) Monasterium hoc in bello Ottocari Regis Bohemiz contra Duces Bavariz circa annum 1266. cum pluribus aliis templis ad Oenum, Villam, & Rottam sitis, interiisse, nec unquam deinceps caput erexisse arbitror. (B) Pari fato, vel etiam citiùs, aut Hungarica illuvione, quarum plures Bavoriam sæculo decimo inundârunt, aut tandem bello, quod Manegoldus Episcopus Passaviensis cum Rapathone Palatino Bavariz, familiæ de Ortenberg, gessit, Monasterium *Saverstedt*, si eadem in regione, ut suspicabar superiùs, situm fuit, intercidisse crediderim: nihil enim de eo superest, nisi nominis quoddam vestigium, quod apparet in Literis Hartvvici Episcopi Ratisbonensis Monasterio Alpacensi concessis, ubi inter Ministeriales ad æstimanda quædam prædia missos nominantur Eberan de *Saverstetten*, & Adalarus de *Scheffan*, in quod nomen degenerare potuit *Scovenava*. Ita denum Monasteriorum nomina in sedibus Nobilium aliquamdiu servata fuisse viderentur. (C) Ego autem in tanta obscuritate, ubi quid neques quid affirmes, non videas, malim istud *Saverstedt* Lyco assitum ab Hugiberro Duce Ecclesiæ Salisburgensi donatum credere, qui Dux antea quidem Oetingam aliâque ultra Oenum loca, post Grimoaldi verò mortem, Frisingam & totam Bavoriam usque ad Lycum possidebat. Loci situs amœnus, solitarius, & Sublacensi eremo similis, condendo Monasterio aptissimus, incolarum de coenobio ibidem olim posito, & Sanctimonialibus in ejus Ecclesia sepultis antiqua persuasio, Marci Velseri Aventino consentientis autoritas, silentibus licet tabulis Benedictoburanis, nondum me permittunt, Lyco hunc locum abjudicare: cum & antiquum nomen nullo alio, nisi hoc loco, hodie conservetur. (D)

Inter duo flumina Aprariam & Lycum.

28. Apraria fortè ab aprorum frequentia (Ampera, Ambria, Ambra etiam appellata) apud Ectalsense Monasterium ortum accipit, & nomen dat antiquo Bojariz pago Ammergow, ubi geminos vicos alluit, supe-

superioris nempe & inferioris Ammergau nomine vocatos. De hoc flumine & pago Chronicon Gottwicense hæc habet : Pagus Ducatus Bavariz ad fluvium *Ampriam* vel *Ammeram* prope fontes ejusdem, ad confinia Tyrolensia usque ad lacum nominatum *der Staffelsee*, & cœnobium *Raitenbuech*. Habuit pagus iste proprios Comites, de *Amergow* sive *Ambergow* dictos, à quibus Welforum prosapia originem traxit. Situm est in eo Villa & Monasterium Ambirgow, quod ab Etichone fundatum, & ab ejusdem filio Henrico in *Altenmunster* ad fluvium *Ilum* translatum fuit. (E) De Monasterio Ambirgow videatur Fortunatus Hueber in Historia Hohenwartensi, & Agnellus Candler in Arnulpho defenso. (F) De Lyco flumine quæ loqueremur, occupavit Duumvir Augustanus. (G)

Venationi operam dabat aptorum.

29. Non antiquis solum illis temporibus regio hæc Ambræ fluvio & Ambroni lacui à sinistra incumbens aprorum venationi apta habebatur, sed hodie quoque Serenissimis Bavariz Principibus laboriosa à negotiis publicis otia facit. Veteribus autem multo frequentiore fuisse Aprorum venationem, complura documenta monstrant. De Gunthero Thasilonis filio Annales Cremifanenses ita loquuntur : (H) „ Silvas juveni-
 „ li cupidine pererrabat & nemora, bellis, quò stimulabat impetus, ve-
 „ natione prælurus. Hæc enim verissima pugnae imago & simulacrum.
 „ Ardore investigandi ferarum cubilia longius à comitibus divulsus in
 „ aprum incidit eximie magnitudinis. Nil territus solitudine regius ju-
 „ venis impigrè ruentem excepit, & totis connixus viribus venabulum
 „ intorsit. Furore percita fera ultimas iras collegit, & interfectorem
 „ suum fulmineo dente prostravit. „ Luctu commotus Pater filio Mausola-
 „ rum condidit, quo non potuisset illustrius, hodie dum florentissimum
 Monasterium Cremifanense.

*Et dum fortè per noctem juxta fluvium, qui ex ejus nomine
 Thessilespace dicitur, sub tentorio dormiret.*

30. Rivus iste Forestum, hodie proprio nomine sic dictum, à Monasterio & circumfictis villis dividit, ac juxta viam, quæ Weillhemium ducit, in vallem delabitur usque ad lacum Zellensem, quem præteriens Rottæ orientali ex eodem lacu prorumpenti junctus Ambræ primum, de-
 in Ambroni lacui miscetur. Hodie nomen *Thessilespace* seu *riveri Thessilonis*
 C 2

penè totum amisit, & retentis paucis literis *Slipach* vel *Schlupach* communiter appellatur. Cæterum Foresti nomine citerior quoque regio, in qua Monasterium Wessofontanum situm est, veniebat, & silva hæc aprorum ferax usquè in montem & silvam Dieffensem continuabatur.

Vidit in somnis juxta fontem ejusdem foresti per quatuor partes contra scatem se astare, & exinde ad meridianum scalam ad cælos porrectam, & Angelos Domini ascendentes & descendentes per illam: sanctum autem Apostolorum Principem innixum scalæ, & canentem eam, quæ in officio dedicationis communio cantari consuevit.

31. In Dedicatione Dissertationis de natura & proprietatibus Angelorum auctore Cl. P. Georgio Stengelio S. J. Ingolstadtii editæ, & à F. Thoma Ringmayr Professo Wessofontano Defendente, Gregorio Pontano Monasterii Wessobrunnensis Abbati dedicatæ somnium Thassilonis ita describitur: “ Ibi pariter & oculis cernere rerum colores desit, & „ animo admirabiles imagines videre cœpit. Inter cætera rerum simu- „ lacra etiam hoc ejus animo observatum est. Quasi in Paradiso jace- „ ret, ita quatuor intervallis conspexit fontem in quatuor mundi partes „ lætissimè excurrentem. Dum hilarem aquarum fugam quæ quæ profe- „ quitur, ecce tibi meridiem versùs scalas conspiciatur à terra, immo ab „ aqua ad nubes usque porrectas. Scalas impleverant pulcherrimi ju- „ venes ultro citroque commeantes. Dixisses redivivum Jacobum An- „ gelos suos dequò intuentem. Cæterum ad summum scalarum caput „ Thassilo Principem Apostolum Petrum umbilico tenus vidit è nube ex- „ tantem atque prospectantem. Enimverò visus est sibi etiam limpidis- „ simè audire eundem eantantem: *Domus mea domus orationis vocabitur; in „ ea omnis, qui petit, accipit; & qui querit, invenit; & pulsanti aperietur;* „ cæteraque, quæ in officio Dedicationis cantari ab Ecclesia consueve- „ runt. “ Quæ in Instrumento nostro de scala in cælos porrecta, de Angelis, de S. Petro narrantur, intra somni limites dicta interim acci- „ pimus, neque ad cœlestes ac divinas apparitiones attollimus: quamquam „ ne tales quidem Duci religiosissimis parentibus nato, nec nisi ad omnem „ pietatem educato abrogare audeamus; non enim tam incredibile videri „ Christiano debet, juvenem pium cœlestibus monitis ad opera pietatis per „ somnum excitari, quàm sceleratissimos quandoque immisiss seu somniis, „ seu oblatiis signis, seu Prophetis legatis ad frugem revocari. Talibus ve- „ rò exemplis plenæ sunt Sacræ utriusque testamenti litteræ, quarum ora- „ cula se contemnere nemo, nisi Christianum nomen erubescat, de se con- „ fitebi-

stebitur. Neque curæ nobis est, neque ipsi Scriptori fuisse credimus, splendidam originem Monasterio nostro affingere; id quod de monachis novi quidam Aristarchi criminantur. His ego, sive inter Catholicos Criticis, sive inter extraneos Momis, insignes A catholicos Scriptores oppono, qui integros de cœnobiorum cunabulis, actis, & satis Tomos scripserunt, ac illorum memoriam posteris commendârunt. Inspiciant ejusmodi severi Catones MONASTICON ANGLICANUM, heterodoxorum industriâ vastis tribus voluminibus conscriptum: (I) evolvant THURINGIAM SACRAM ab eruditis Saxonibus hoc primum sæculo editam: (K) nã videbunt, eos nec immensi pro re Catholica laboris piguisse, nec ingenuæ mirabilium rerum narrationis puduisse.

32. At verò tot Cœnobiorum foundationes, occasione venationum factæ, humanam fidem videntur excedere. Nempe miracula displicent, quæ intercurrisse narrantur. Monasteriorum Thierhauptani, Pollingani, Cremifanensis, sicut & Wessofontani, foundationes origines suas ad Thassilonis venationes & miracula referunt. De nostri quidem Monasterii natalibus abunde satisfactum arbitror. Quantum ad Thierhauptanum attinet, quod Aventinus anno 750. fundatum asserit, quid mirum, si Princeps Christianus octavum ætatis annum vix emensus, & in venationis ardore avulsus à sociis, voto condendi Monasterii se obstringat, ut viarum erroribus evolvatur? Quantum ad Pollingani foundationem, nihil in ea somni vel apparitionis intervenit, nec insperata defossæ Crucis inventio miraculo protinus adscribi debet, cum cervi dictamnum suum, aliæque animalia salubres sibi radices quærere & effodere non ignorent indito naturæ impulsu? Cremifanensis fundatio nullam miraculi umbram habet, cum à Thassilone jam adulto, & filio per aprum occiso justas exequias debente sit suscepta, ac trium Episcoporum plurimque Abbatum testimonio roborata: præterea non paucis Historiographorum monumentis confirmata. (L) Præterea in Cremifanii foundationem ita se effudit Thassilo, ut hanc unam posteritatis memoriâ dignam existimaverit, atque ita in Instrumento Donationis de Wessofontano, Thierhauptano, Pollingano, aliisque tacuerit, ceu nullum aliud præter Cremifanensem fundasset. Ac præfectò primævæ cæterorum tenuitatis argumenta hodie dum exstant, si hæc cum Cremifanensis Monasterii splendore comparentur, cui illud Maronis Ecclogâ 1. accommodare meritò valeas:

*Verùm hac tantum alias inter caput extulit urbes,
Quantum lenta solent inter viburna cupressi.*

Illā nempe Principi adolescenti, Bojariagbellis attritā, ad clavum admoto, debentur: postremum hoc Duci adalto & potenti. (M)

33. Interim, si qualiacunque miracula foundationibus adjuncta extenuare voluisse videar, sit venia calamo. Credantur illa, vel non credantur: nihil tamen exhinc foundationum veritati, ætati, vel auctori meritò detrahatur, cū hæc omnia Historici antiquiores ferè omnes adstruant. Illuc me quorundam impudentia compulit, qui Ethnicis libentius miracula tribuunt, quàm Christo, & cū hæc nobis invideant, dæmoni potius quàm Deo adjudicare non verentur: qualis ille Alpinus Præco, à Bidermanno egregiè confutatus, (N) quem non pudet Apollonii, Æsculapii, Herculis, Octavii, Adriani, Vespasiani veneficia Miraculis Apostolorum & Ecclesiæ Christianæ opponere: quasi in hac Evangelii luce, quam jactant, non vidissent illud: *Signa autem eos, qui crediderint, hæc sequentur* &c. Marci c. 16. v. 15. & alterum Isaïæ c. 59. v. 1. *Ecce non est abbreviata manus Domini, ut salvare nequeant.* Hæc nobis pro scuto essent, si vel mordicus superius memoratā tanquam miracula tueremur. Nondum enim talia illo Tassilonis ævo necessaria esse desierant, cū Aribo, quartus Frisingensium Episcopus testetur, sub adventum S. Corbiniani Noricos *gentem adhuc rudem & nuper ad Christianitatem conversam, novitiamque fuisse.* (O) Atque hæc prolixius tractata valere etiam velim ad enodandas quasdam Wessofontanæ Foundationis difficultates, superius §. II. Numero 20. objectas.

Et Venatorum Thassilonis alter Tharingeri, alter Wezzo dicebantur.

34. Neutrum nomen vanitatis esse suspectum debet; antiquitatis enim testimoniis firmanter. Et quantum ad Tharingerum attinet, non solum Illustrissimæ Familiæ hujus documenta domestica id probant, ex quibus Hundius & Khammus (P) desumpserunt, & ex quibus nos didicimus, Tharingerum hunc prænomine Albicum, uxorem ejus Hiltam de Almbuisse appellatos; sed & vetus est Monasterii nostri documentum, quo *termini ad territorium Wescinesbrunnense pertinentes* describuntur. Ex eo, quod sæculo decimo vel undecimo videtur æquale, opinio non improbabilis oritur, jam dudum in hac vicinia Taringanum nomen inclaruisse, imò & sedem habuisse, aut certè fixum diversorium sibi assignatum, in quo, quo-

quoties Ducibus in extrema hac Norici parte venari placuisset, Taringerus venatoriæ rei præfectus versaretur. Instrumentum porro nostrum sic sonat : *Incipientes termini de Bibarbach, & sic tendunt ad Lanchuuate, & inde recto itinere per silvaticam plateam usque in campum Bellesuungensem. Campus autem bellesuungensis cum suis terminis ad territorium nostrum pertinet usque in rivum Michlenbach, de Michlenbach ad vicum Taringeri vadunt, de vico Taringeri ad rivum Balthereszella Hengestisbach.* Quis verò, vel quo loco vicus Taringeri? Seeveldiam divinare non audeo, cum Hundius illam anno primùm 1355. vel circa ad Taringanos venisse asserat, atque ipsa loci longinquitas non patiatur inter ditionis nostræ terminos numerari: qui rivo Michlenbach decurrente in Rotam flumen, quod Raistingam perfluit, horæ spatio ascendunt ad ejusdem Rotæ originem prope Balthereszellam. An igitur Raistingæ vicum Taringeri fuisse putabimus? Commodior locus, cui hoc nomen conveniat, cum non occurrat, lectoris judicio relinquimus. Verosimile tamen videri non immerito posset, Taringeros olim in vicino consedisse, cum ipsorum nomine vicus & limitum nostrorum terminus vocaretur. Certè Thörringani posterioribus sæculis circa annum supradictum Seeveldiam possidere coeperunt, & adhuc possident, à qua arce celebris inter cæteras illius illustrissimæ Stirpis Linea nomen retinet, sicut aliæ de Tengling, Jettenbach, Tyßling, Medling, Stain, Berchtenstain. Videatur Hundius in Stematographia Bavarica. Accessit stemmati Linea Taringorum de Auu, ubi egregiam hæc sedem possidet infra fontem Aventi fluminis. Idem verò Hundius, præter alias hujus sanguinis prærogativas hæreditariam Venationum Præfecturam disertis verbis eidem asserit,

35. Quantum ad Wessonem attinet, non minori, quàm Tharingerum, dignitate fulsisse existimamus. Et non absimile vero censendum est, in regione hac silvestri ac aprorum feraci ultra Rottam seu Raistingæ, quod credibilis, seu Seeveldiæ Tharingerum; cis Rottam verò ad caput *silvatica platea* Wessonem consedisse. Rudera quædam veteris arcis non procul à Monasterio nostro versus Aquilonem seu Dießam suo tempore extitisse Hundius testatur, & adhuc supersunt loci vestigia. Wessoni vel nepotes vel hæredes alios ibidem successisse & sedem habuisse, constat ex antiquo documento Weichenstephanensi, in quo inter alios testes nobiles legitur *Adilbertus de Wessinsprunnen*, cum Reinboto Abbas emissit prædium ab *Henrico de Haimenbusen*. Præfuit Reinboto
ab

ab anno 1174. usque ad annum 1182. (T) Arcem denique ante ultimam ruinam à nobilibus Greuteris de Greut fuisse infessam, perquam credibile est, cùm hæc Familia multis annis apud Monasterium nostrum floruerit, uti manifestum fiet sub Abbate Wernero II. de Greutt, qui præesse cœpit anno 1323. & locus destructæ arcis adhuc vocatur Hoh-Greut. Verùm de Wessone mox plura.

Quorum Wezzo fontem, qui hodie fons Wezzonis dicitur, à se repertum in crucis mado è terra bullientem ostendit.

36. Cùm igitur Wessof, sicut adstruere conati sumus, hac regione habitaret, ideòque citerioris Foresti seu silvæ ad aquilonarem plagam sitæ intimam notitiam haberet; Thassiloni somnium de viso sibi fonte narranti, promptè hunc fontem ostendere potuit; qui & ab ipso Wessone, si non inventore, certè indice, deinceps appellatus est *Fons Wessonis*, idémque nomen Monasterio nostro semper adhæsit. Quare nihil moramur illum, qui, hoc sæculo ineunte, *Jessnesbrunn* vocatum asseruit, ut Wessonis nomen aboleret. Nam præter alia decimi & posteriorum sæculorum documenta, hujus nominis antiquitatem testatur Capitulare Ludovici Pii Imperatoris, ubi in Conventu Aquisgrani habito inter Monasteria, quæ imperio nec MILITIAM, nec DONA, sed solas ORATIONES debent, nostrum quoque recensetur hoc vobabulo: *Wizzenbrunnico*. Celebratus est Conventus iste anno octingentesimo decimo septimo, nempe post fundatum Monasterium nostrum sexagesimo quarto. (U)

37. Non dissimulandus est hoc loco alius quorundam error opinantium, quòd ipse Wessof fuerit Tharingerus: cùm Documentum hoc nostrum disertè dicat: *alter Taringeri, alter Wezzo dicebantur*. Ignoscendum hoc iis, qui solo narratu non inspectis litterarum monumentis, id opinionis imbiberunt: sicut & venia danda doctissimo nostro Mabillozio, qui Tomo I. Analectorum *Wessonem* etiam *filium Thassilonis* scripsit, perperam nempe desuper informatus, cùm periniquo tempore Germaniam perlustraret. Hæc in nullius invidiam dicimus, sed studio veritatis, qua nihil charius veram, non à fabulis emendicatam, gloriam diligentibus. Cùm igitur Wessonis, à quo nomen accepimus, non solum posteritas, sed etiam antiqua sedes interierit, gratulamur nobis non modò in hæc usque tempora conservatam, sed etiam summis dignitatibus magnificentissimè illustratam Tharingeri posteritatem, in qua sanguis ille pro-

progenitoris relictus vivit, qui oculatus testis & admirator aderat, cùm Thassiloni fontem Wesso ostenderet.

38. Oportunè, dum hæc scripseram, certa relatione accepi, Comitibus Taringanis de Seevelt ad avorum ferè memoriam paruisse Raistingam, & anno primùm 1643. ab hac familia certis pactis in jus Monasterii Dieffenſis transiſſe. Verè igitur usque ad prædictum annum vocari Raistinga vicus Taringeri potuit, tunc nempe, cùm Töringeris subesset: verùm non videmus, quomodo Raistinga ante veteres Seeveldios potuerit sic vocari, nisi etiam ante mille aut certè octingentos annos usque ad annum 1196. (quo primum nobilem Weichardum Dapiferum de Seeveld Hundius Parte I. Stemmaturum profert) Taringeris paruerit, aut sedem ibidem habuisse hæc familia uspiam ostendatur. Gratis certè vicus Taringeri in documento nostro non nominatur, nec sine causa Taringer quidam in antiquo Dipticho seu factorum nostrorum catalogo memoratur, ut in Parte II. hujus Historiæ videre est *Pag. 47. & 48. Nota (o)* Non dubito, quin in Illustriſſimæ Gentis tabulario certiora lateant argumenta.

39. Tempus jam est, ut ad propositum revertamur. Quod Documentum nostrum docet, *in crucis modum* bulliſſe fontem istum Wessonis, ejus asserti fidem hodiernum oculi faciunt; unus enim fontis rivus in medio à septentrione meridiem versùs, alius à dextris, tertius à sinistris in unum confluentes, atque ex colle jam conjuncti in piscinam descendentes, crucis figuram exhibent. Utut in Annalibus nostris adversa fata & calamitates sterilitatis ac siccitatis sæpiùs memorentur, nunquam tamen hi fontes, Divino nobis beneficio dati, exaruisse leguntur, sed in hodiernum diem tam copiosas effundunt aquas, ut non solum omnibus Monasterii necessitatibus, commodisque, sed etiam accolis ubertim sufficiant, imò & plura earum impetu molendina versentur. Illud memoriâ dignissimum, quòd aquam ex hoc fonte allatam Beatus Waltho Abbas benedictione sua in meracissimum vinum converterit. Antiqua Fontis veneratione commotus Benedictus eo nomine tertius Abbas, qui ab anno 1589. usque in annum 1598. præfuit, horum fontium decòri & firmitati faxeis marginibus providit. De Walthone & Benedicto Abbatibus suo loco plura dicentur.

Ibi Rex Monasterium ejusdem nominis cooperante sibi Bonifacio adificavit, & possessionibus ampliavit.

40. Quæretur fortasse, quandonam & ubi terrarum Thassilo ex Duce Rex fuerit factus? Neutiquam enim credibile videtur, quod Vitus Arenbeckius (W) scribit; debellato nempe ad preces Adriani Papæ Desiderio, ultimo Longobardorum Rege, Thassilonem Caroli Magni precibus devictum

victum atque contra Longobardos profectum, cum prosperè gessisset omnia, ab ipso Carolo Magno in Regem Longobardorum fuisse præfectum. Nimiùm enim genio Thassilonis repugnat, ut gener contra socerum bella gereret. Neque chronologia id patitur. An potius Longobardorum Regis nomen idè sibi arrogavit Thassilo, vel à Boiis sibi adulantibus datum toleravit, quòd socer Desiderius aliquam Longobardiæ portionem in finibus Tyrolis eidem gubernandam concesserit? Et hoc quidem opinari tolerabilius. Nam licèt Longobardi Bojariam antehac mutilaverint, Majas occupaverint, atque inde S. Valentini corpus Tridentum detulerint, mutatus tamen est postea rerum status, & Desiderius genero suo Thassiloni partem ditionis cessit, qua etiam opportunitate plus Thassilo S. Valentini Tridento Passavium transtulit. Videatur Caroli Meichelbeck Historia Frisingensis. (X) Cæterum denuò nomen *Regis* anticipat hoc loco Scriptor noster, cum utique Thassilo anno 753. Pippino fidelis fuerit, neque conjugii Longobardiæ jam conjunctus.

41. Quòd verò cooperante Bonifacio Thassilo Monasterium nostrum ædificasse in Instrumento asseritur, novam difficultatem excitat. Eckhartus martyrium S. Bonifacii anno 754. accidisse affirmat: (Y) quomodo igitur priore anno in Bojaria fuisse, & cōoperari potuit? Clarissimus P. Meichelbeckius lucem haud paulò majorem affert extricando huic nodo; ait enim, quòd idem S. Bonifacius, anno 753. subrogato sibi in sedem Moguntinam Lullo, in Frisiam redire animo constituerit, in qua anno 755. martyrio sit coronatus. Potuit ergo, cum hæc agigaret consilia, Bojariam suam revisere, Diocesium à se institutarum statum inspicere, Thassiloni adolescenti Utilonis patris exemplar inculcare; & si non ad culmen perductæ Ecclesiæ nostræ, primo certè lapidi ac templi fundamentis benedicere, indèque, Lullo sibi Moguntia substituto, iter in Frisiam adornare, ubi ex calculo Meichelbeckii post biennium mortem pro Christo sustineret. (Z) Et fortasse hæc omnia expediri poterant, etiam usque ad anni 754. ætatem, si præsertim, juxta documentum S. Emmerami, Thassilonis venatio contigit anno 752. in autumnò videlicet, vel hyeme insequentis anni initiis. Hacratione etiam consecrare Bonifacius potuit non quidem majorem S. Petri Ecclesiam, sed aliam tumultuario opere excitatam in honorem Deiparæ, de qua Codex noster (aa) sic loquitur: *Il fungus cum aliquibus fratribus eligitur primus Abbas ex Monasterio S. Mauritti Altabense per Thassilonem Ducem & Fundatorem; & sic epofitus fuit in Capellam S. Maria V. qua vocatur usque bodie das alt Münster, ibique compleverunt orando & psallendo horas canonicas usque ad restorationem majoris Ecclesiæ.* Hæc omnia scriptor noster ad annum 758. Ulud nemo inficias

scias ibit, Landfrido Abbati & fundatori Benedictoburano, propagatione Institutū Monastici tunc maximè florenti, fuisse commendatum à Thassilone novellum nostrum Monasterium, ab eoque quosdam è suis monachos huc missos; donec Illungus ex inferiore Quercu vocaretur, laboris parte eum levaturus. Certè Landfridum per 25. annos tam in nostro, quàm aliis monasteriis mensura Capitula celebrasse, perantiqua documenta testantur. (bb) Atque his omnibus consideratis salva etiam manet Eckharti sententia, quam solidissimis argumentis tuetur, S. Bonifacium anno 754. ad Superos transiisse.

42. Additur in Instrumento: & possessionibus ampliavit. Quibus illis? Cœpimus, occasione Tharinganæ Gentis, veteres territorii Wessofontani limites recitare. Addimus nunc cætera: *de Hengestibach ad Bilslein. de Bilslein usque ad plateam Suuabessnetta. de Suuabessnetta ad Sbarawaresbach. de Sbarawaresbach ad Rotam flumen. Eodem autem flumine decurrente ad prædictum rivum Bibarbach tendunt.* Ne hujus quidem fragmenti nomina singula hodie in usu sunt. Hoc tantum animadverto, limites territorii à foresto meridiano iterum tendi ad occidentem versùs Lycum fluvium, in quem altera seu occidentalis Rotta defluit, atque hinc ad Bibarbach, unde deinde initium sumitur ad Lanchuuatè, & cætera: ita ut Monasterium nostrum quasi in centro positum circumquaque unius horæ seu semimilliaris spatium possideret; & tale quidem, quod densis ubique silvis oblitum nihil ferè ad vitæ humanæ usum suppeditaret, nisi labore manuum per primos inquilinos monachos excoleretur: donec benedicente Domino mancipia quoque per fidelium pietatem adjicerentur. Verùm primævam hanc tenuitatem alio quoque dono ampliâsse cœnobium Dux pientissimus legitur hisce verbis: (cc) „Notum sit omnibus Christi fidelibus, quòd Tazzilo rex Bauarorum tradidit villam Risbach, in qua „sepulta est Sancta Wolfstindis virgo & martyr, ad Wezzinsbrunnen ad „altare S. Petri omnes census prædii nomine routi & locorum ad idem „pertinentium, id est, pecorum, tritici, mulcii, panum, altilium, „ovorum, lini, ac omnium ad censum pertinentium, fratribus ibidem „Deo & S. Petro servientibus. Qui rex primitus congregationem Wezzinsbrunnensem cum præditiis suis in Augustensi regione sitis Deo & S. „Petro Apostolo constituit. §. Festum Sanctæ Wolfstinde Virginis „& Martyris semper celebratur quarto nonas Septembris cum duodecim lectionibus, ut patet in Calendario antiquissimo Abbatis Benedicti, quod idem conscripsit.” De hoc documento frequentior deinceps redibit sermo.

Ubi primus Abbas Ilfungus Altabensis Monachus, qui post quadraginta & unum annos, quibus religiose præsuit, secundo Idus Maji diem obiit, & in meridionali plaga Ecclesiæ sepultus est.

43. Hunc articulum inferius in actis Ilfungi magis elucidabimus: hoc tantum hic insinuasse sit satis; quod hic ipse obiit dies Ilfungo per instrumentum hoc assignatus, diligenter insertus inveniatur paulo ante laudato antiquissimo Benedicti Abbatis Calendario. Id quoque, quod in meridionali Ecclesiæ plaga sepultus dicatur Ilfungus Abbas, idem paulo post declarabitur, ubi de eodem ex instituto agemus.

*Otilo prius rex, postea Bajoaria in provinciam redacta dux
Altaha monasterium ex suo fundavit alodio.*

44. Bajoariam, Grimoaldo Duce interfecto, à Carolo Martello: à filiis hujus Pippino & Carolomanno, Otilone duce fugato, Francis subiectam fuisse, copiose Historici docent, (dd) cum iste Franciæ, filius verò ejus Thassilo Longobardæ uxoris thalamo, uterque potentia magnitudine freti, parumque gratos pro auxilio variis bellis præstito Francos rati, jugum eorum excutere frustra niterentur. Illud quoque dubio caret, S. Pirminii suasu Monasterium Nideraltahense ab Otilone fuisse fundatum. (cc)

Et sepultus est Utilo cum uxore in Osterboven.

45. Id confirmant plures Authores de Utilone & Hiltrude. (ff) Alii Nideraltachii Utilonem monachum factum obiisse & sepultum fuisse Utilonem existimant. (gg) Marcus autem Velsperus novam quorundam opinionem affert, ad annum 765. ita scribens: *proximo anno Utilo satis concessit. Sunt qui Osterbove fecerant cum uxore conditum, & monumenta monstrantur. Alii Gengenbachii extra Boicam obiisse produnt. Ego illis credo, qui in monachum tonsus, Altachium inferius incoluisse, & ibi sepultum scribunt. (hh)* Quisque desuper, quod vero similis videbitur, sentiat: quo anno obierit Utilo, satis inter Authores controversum. Superius aliquid in aliam sententiam diximus: verum cum Clarissimus Meichelbeckius aliud ex Documentis Frisingensibus doceat, quam ex *Brëuibz Notitiis* Salzburgenfis Ecclesiæ me deprehendisse putabam, nihil ausum decernere. Quantum porro ad Hiltrudem attinet, accuratissimi Eckharti divinationem itidem alio loco expo-

expofuimus, quod ut Hiltrudi honorificum, ita nobis, ut pugnemus, non neceffarium est, libenter manum dantibus antiquæ, licubi inventa fuerit, veritati.

Quod nihilominus Monasterium, nimirum Osterhovense, sub regula S. Benedicti egregiè satis Dux ipse, Utilo, construxerat.

46. Ea potuisset esse causa Utiloni, ut in loco suis impendiis fundato tumulum quoque optaret, de quo paulò antè. Foundationem hanc Aventinus & Brunnerus Utiloni tribuunt: (ii) de sepultura variz. sententiz, ut ex Velfero audivimus: nos Osterhovæ, ubi lapides sepulcrales extare dicuntur, nihil abrogatum volumus. Quòd sub regula S. Benedicti constructum hoc cœnobiaum fuerit, ab Hungaris autem desolatum, tutò creditur Aventino: sed, quòd idem anno 765. intereiderit, apud Hundium asserenti fides haberi difficile potest, cum nihil tunc turbarum ab Hungaris motum legatur, sed serius, anno nimirum 798. & 790. ut testatur Eckhardus (kk) & Chronicon Nideraltahense. (ll) Primam Osterhovii regulam fuisse, quam S. Benedictus dictavit, dubitare non licet, cum S. Bonifacius eam ipsam Fuldensibus suis sequendam tradiderit, eandemque jam non solum Cœnobia illo tempore condita, sed etiam Cathedrales Ecclesiæ Salisburgensis, Eustettensis, Frisingensis fuerint secutæ.

47. Hactenus Instrumentum nostrum elucidasse, Ducemque Thassilonem nobis Fundatorem vindicasse contenti, Ingenue fatemur, in Calendario Benedicti Abbatis antiquissimo, quod Necrologii simul usum Majoribus nostris præbuit, ad diem 3. Idus Decembris hæc verba inveniri: *Thassilo Dux, qui Congregationem istam perfecit, obiit.* Si horum verborum sensus esse à quoquam propugnetur, rem eò usque imperfectam à Thassilone fuisse perfectam; quæritur, quis facere cœperit? Nec Cœnobiarcha ille Landfridus, nec alius quispiam in toto illo Calendario invenitur, cui id laudis tribuatur. Credimus ergo, id ideò dici, quòd proprium Abbatem Thassilo dederit Monasterio ex inferiore Quercu adscitum, cum illud prius à solo Landfrido gubernaretur: quòdque idem Dux præter territorium superius numero 34. & 42. assignatum, quod parum sufficere 25. Monachorum sustentationi videbatur, Reyspacensem quoque dotem adjecerit, de qua ibidem diximus. Atque ita verè Thassilo hanc Congregationem perfecit. Cæterum negare nec volumus, nec possumus, quòd, nisi majore testium autoritate niteremur, & soli verita-

ti literæ studeremus, præstaret utique, ultro in illorum Authorum sententiam ire, qui contra Thassilonem nobis Landfridum & fratres ejus tribuunt Fundatores. Certè ex majori antiquitate Monasterii major quæque splendor nobis accederet; decimum enim sæculum jam tredecim annis superasse gloriaremur.

48. Quæ Thassiloni aliàs è fabulosis membranis vel codicibus adscribuntur, nobis assumere nolumus, uti & miracula, siqua foundationibus afficta leguntur, scribingentium fidei relinquimus, quibus placuit rebus antiquitate sacæ tuis colorem non necessarium inducere. Rem ipsam, quæ vel oculis cernitur, vel in monumentis hodie domo extantibus, & verè antiquitati testimonium perhibentibus, quæque difficile negari vel ab altero authore verum firmumque fundamentum accipere potest, attendimus: non illa, omni veterum testimonio destituta, exempli causâ, titulum Regis Longobardorum Thassiloni attributum; ejusdem per ignitas pelves jussu Caroli M. excæcationem: jam in monachum tonsio in templo Laurissenfi præstita ab Angelis obsequia, ipsi Carolo visâ: denique peregrini habitu quæsitum in clauistro latibulum, ac seram tandem, in mortis articulo ac foribus æternitatis, generis & conditionis suæ factam Monachis revelationem: hæc, inquam, & alia ejusdem farinæ cum oculatoribus Historiographis inter apocrypha collocamus.

- (a) *Nam. 12.* (b) *cod. num. 12.* (c) *Chronicon Gottwic. Tomi I. lib. 1. cap. 1. post fol. 32.* (d) *Codicis List. G. insigniti pag. 52.* (e) *Cap. 9. fol. 25.* (f) *Rer. Boic. Lib. 5. f. 151.* (g) *Hansiz Tom. 1. Germania Sacra fol. 132. bis verbis: Ottilo Dux, Ecclesiæ Pataviensis & monasteriorum complurium fundator.* (h) *Idem Hansiz Tom. 2. Germ. Sac. fol. 14. 22. 24.* (i) *Vid. Histor. Frising. P. Caroli Meichelbeck Tomi I. parte II. fol. 3. num. XI.* (k) *Falckenstein Antiquitatum Nordgau. Parte I. cap. 1. §. IX.* (l) *num. 22.* (m) *Hist. Frising. Tom. 1. Parte 1. fol. 48. 49.* (n) *German. Sac. Tom. 1. fol. 134. num. 4. & Tom. 2. fol. 78. num. III.* (o) *Chron. Nideralt. fol. 9. & 10.* (p) *§. 1. num. 1. in Notis (d).* (q) *Eckhart Tom. I. Rerum Francicar. fol. 385. & seqq.* (r) *Lib. 14. Rer. Franc. num. 23. fol. 546.* (s) *Eckhart Lib. 22. R. F. num. 17. fol. 385.* (t) *Suprà §. I. num. 3. Notâ (t) ex Eckharto.* (u) *Vid. Index Geographicus, & Mappa folio 527. præfixa G. H. q.* (w) *§. 3. num. 22.* (x) *Meichelsb. Hist. Frising. Tom. 1. P. 1. cap. 3. §. 2. fol. 52.* (y) *Hansiz Germ. S. Tom. 2. fol. 14. num. IV.* (z) *in citata Defens. Armat.*

Arnulphi Mali fol. 29. (*) Vide Mappam Chronici Gottwicensis Tom. 1. fol. 527. G. o. p. de Rotagowe. (A) Eckhart Rer. Francic. Tom. 2. Lib. 28. fol. 143. (B) Hund. Metrop. Tom. 2. fol. 111. de bello Manegoldi & Ottocari. (C) Idem ibidem fol. 114. (D) Velferus Rerum Boicar. Lib. 5. fol. 152. (E) Chron. Gottwic. Tom. 1. Lib. IV. §. XX. fol. 542. (F) Fortun. Hueber sub titulo: Unsterbliche Gedächtnuß it. Ingolstadt 1670. fol. 241. & Agnell. fol. 91. num. 5. (G) Marcus Velferus Rerum Augustanarum Vindelicarum libros octo scripsit. Endter Bibliop. Norimberg. novos edidit anno 1682. Vide ibi à pag. 183. & Indicem: LYCUS, LYCATES. (H) Simon Rettenbacher Annal. Cremisan. Lib. I. cap. 8. fol. 22. (I) Editum secundò Londini anno 1682. per Hegerum Dodsworth, & Gulielmum Dugdale. (K) Editum Francofurti ex officina Weidmanniana anno MDCCXXXVII. (L) Annal. Cremisan. Lib. I. à fol. 24. ubi Thassilo dicit: statui quoque & Ego - - ut monasterium ædificarem. Testes Episcopus, Comes, Abbates lege. fol. 27. ibidem. (M) Vide eod. fol. 27. Dscem amplissimam. (N) in Agonisticis Dilinge editis anno 1626, Lib. 2. num. 9. 10. 11. 16. &c. (O) Hist. Frising. Tom. 1. P. 1. Dissertatio 2. Prolegom. fol. XII. (P) Hund. in Stemmatographia Bavarie. P. 2. Verbo Pörring. Kham in Hier. August. Parte Regulari. (Q) Hund. Metrop. Tom. 3. fol. 425. (R) Balthereszella, hodie Paterzell, ex quo loco decem plus minus abhinc annis magna pars agri, aquarum vi suffossa, in lacum Zellensem repente delapsa est. (S) Hund. Stemmatographia Bavar. Lib. 2. fol. 317. (T) apud Hund. Tom. 3. Metrop. fol. 471. Instrum. Cunctorum &c. (U) Eckhart. Rer. Franc. Tom. 2. Lib. 28. fol. 143. (W) Chronic. Bajuvariorum Lib. 2. cap. 37. in Anecd. Pezii Tom. 3. P. 3. col. 102. (X) Hist. Frisingem. in Actis Aribonis §. 4. fol. 65. Conferatur Eckhart. Rer. Franc. Tom. 1. fol. 580. & 610. (Y) Rer. Franc. Tom. 1. fol. 540. num. XIX. (Z) Hist. Fris. T. 1. fol. 56. (aa) Codex E. fol. 162. (bb) Codex noster G. fol. 7. & Tom. 3. Anecdor. Pezii Ratis 3. colum. 602. (cc) Codex MS. D. fol. 36. (dd) in multis Eckhartus Tom. 1. Rer. Franc. fol. 350. ad annum 725. & fol. 456. ad ann. 743. (ee) Chron. Nideralt. Haidenii fol. 1. & Hund. Metrop. Salisb. Tom. 2. fol. 1. (ff) Hund. Metrop. Tom. 3. (ex Aventini Annalium fol. 514.) Verbo: Österthoven fol. 6. (gg) Chron. Nideralt. fol. 10. (hh) Rer. Boic. Lib. 5. fol. 154. (ii) Aventinus apud Adelzreitter P. 1. Lib. 20. col. 546. Brunner. P. 1. Lib. 5. col. 170. (kk) Tom. 1. R. Franc. fol. 728. (ll) fol. 20. & 25.

§. IV.

*Ecclesiæ Cathedrales, & Monasteria, quibus Thassilo
vel initium, vel incrementum dedit.*

I. Salisburgensis Ecclesia.

Vixdum prætextam posuerat Thassilo cum jam benefacere locis DEO dicatis coepit, ac præprimis Ecclesiæ Salisburgensi, à qua non ignorabat primariam illatz in Bojariam veræ Fidei scaturiginem promanasse. Magnus extat Donationum catalogus, quibus munificentiam suam testatus est. Ut compendio utamur, tradidit in pago Tonagoe (a) villam Puechensem cum plusquam triginta colonis, aliâque juxta Danubium sitam cum vineis. In pago Vilsgovienfi circa Villam fluvium in loco Riuti seu Reut (b) donavit colonos duos. In pago Salzburgovienfi dedit villulam *campi Romani* nomine vocatam cum triginta tributariis. Adjecit salinas, servos, cellas. Hæc, sicut alia plura, contulit Thassilo de possessionibus sibi propriis: tum etiam Liberis Bajoariis amplam facultatem dedit, sua quoque Salisburgensi Ecclesiæ conferendi: quæ, ne proximior sim, apud Hansizium Tomo secundo Germaniæ factæ legi possunt. (c) Prima Thassiloni ad munificentiam dux fuit Hiltrudis mater, ut apud eundem ex libello Donationum refertur. (d) Unde ex vero Scriptores Boici testantur, asserente eodem Hansizio, vix ullo sæculo majores in Boica factas ad divinum cultum accessiones, quam Utilone, ejusque filio Thassilone Ducibus. (e) Certè quanta tum ipse Thassilo de facultatibus suis Ecclesiæ Salisburgensi donaverit, tum à subditis suis donari clementer concesserit, describere volenti plures vix paginæ sufficerent. Satis esto, ejus egregium propagandæ Christianæ Fidelis Zelum commendasse, quo incensus rebellem sæpius Carantanorum gentem armis ita domuit, ut nihil deinceps seditionis fuerit motum, & Carinthiæ accessu aucta hodie gloriatur Metropolis. (f)

(a) Pagus antiquis Germania Scripturibus non vicum (etiam Dorff) indicabat, sed integrum terræ districtum pluribus villis ac vicis constantem: trahébantque plerumque nomen à flumine, atq; hic Tonagoe à Danubio, Flusgao à Valsa, & alibi Isanagao ab Isena, Rotagore à Rota. (b) Loci istius censum Monasterio nostro à Thass-

Thaßfilone donatum fuisse, superius diximus §. III. num. 42. in fine. (c) Fol. 14. & 15. (d) Hansfiz ibidem fol. 85. n. XXI. (e) idem T. 1. Germ. Sac. fol. 134. n. V. (f) idem ibid. fol. 93. n. XXXVII.

2. Frisingensis Ecclesia.

Hæc etiam Cathedralis Ecclesia incrementum non modicum Thaßfiloni debet, ut videre est apud Clar. Meichelbeckium (a) in Parte Instrumentaria, ubi tum illius liberalitate de propriis tradita, tum à subditis ex ipsius licentia complura donata inveniuntur. Singularis est illius *Traditio* de Campo Gelau quod dicitur India, qua territorium per amplum circa Inticam seu Inchingam in Tirolî Attoni Abbati Scarantiensi, & per eum, postea Episcopum, Ecclesiæ Frisingensi concessit *propter incredulam generationem Sclavorum ad tramitem veritatis deducendam*. Inchinga porro, quæ antiquis *India & Intica* appellabatur, oppidum est hodierni Comitatus Tyrolis, qua parte Carinthiam respicit, & hodie dum ad Frisingensem Ecclesiam spectat. (b) Grande & alterum Thaßfiloni beneficium hæc Ecclesia in acceptis refert, quod ipsius voluntate & assensu Frisinga receperit Sacras Exuvias S. Corbiniani primi Episcopi & Fundatoris sui, quas ipse Dux è Majensi castro reportatas triumphabundus excepit. (c)

(a) *Hist. Frising. Tom. I. Parte 2. f. 30. &c.* (b) *Ibidem fol. 38. num. XXII.*
(c) *Ibidem Parte I. fol. 65. 66.*

3. Passaviensis Ecclesia.

Satis prædicatur Thaßfilonis cum Utilone patre effusa in hanc Ecclesiam liberalitas in Diplomate Arnolphi Imperatoris (a) „laudante traditiones, quas fecerant ob ejusdem sanctæ Pataviensis Ecclesiæ restorationem vel amplificationem, ad eandem Sedem areas & mercatum cum integro thelonio suo, ac mancipia utriusque sexûs, molendina, piscationes & vineas, & quidquid in eadem urbe vel circa eam visi sunt in proprium possidere, nihil extra dimittentes, sed omnia in omnibus sancto Stephano (b) sanctoque Valentino jure perenni tenenda tradentes. „ Hansfizius ex Andrea Ratishonensi testatur (c) *Thaßfilonem Pataviam civitatem instaurasse & renovasse: Episcopatus Sedem, quæ apud Laureacum erat, ibi constituisse, nempe Utilonis coepta perfecisse & stabilisse. Magno suo in eandem Ecclesiam merito Sacras Divi Valentini ejus-*

E

ni ejus-

si ejusdem civitatis olim Episcopi Reliquias Thassilo Dux Tridento in Ecclesiam Pataviensem non sine maxima veneratione reportari jussit. (d)

- (a) *Hund. Metrop. Salisb. Tom. I. fol. 349.* (b) *tanquam Ecclesia Passaviensis Patreno.* (c) *Tom. I. German. sac. fol. 138.* (d) *Meichelbeck Hist. Frif. Tom. I. P. I. fol. 65.*

4. Altahæ inferioris Monasterium.

Antiquissimum hoc Monasterium nomen traxit ab antiqua Quercu, in qua veteres Boij supersticiosum cultum Illidi exhibebant. *Inferior* dicitur ad distinctionem à *superiori* Altaha juxta situm inferiore ad ripam Danubii. Constructum fuit suasu S. Pirminii (a) Episcopi Metensis vel Meldensis, & deinde fundatum ac dotatum ab Utilone Duce, Thassilonis nostri genitore, anno 731. Utilonis munificentiam æmulatus Thassilo plurima prædia huic Monasterio dedit, (b) unde & Haidenius eundem vocat alterum & munificentissimum Fundatorem. (c) Quanti hoc Monasterium, monasticæ disciplinæ vigore jam tunc celeberrimum, æstimaverit Thassilo, satis patet ex eo, quod magnificentissimè à se fundato Monasterio Cremifanensi Fatericum ex inferiori Quercu, (d) sicut Wessofontano Illungum, Abbatem præfecerit.

- (a) *Metensis Hundio Tom. 2. Metrop. Meldensis P. Placido Haiden in Chron. Nideralt. edito Ratisbonæ anno 1732. fol. 1.* (b) *Hund. cir. T. 2. fol. 1.* (c) *Chronis. cir. fol. 13.* (d) *Restenbacher Annal. Cremifan. lib. 1. cap. 8. fol. 23.*

5. Avv, seu Augiense Monasterium.

Inter Monasteria à Thassilone aut fundata aut dotata hoc etiam numeratur; inter dona enim Salisburgensi Ecclesiæ à Duce collata recensetur etiam Cella, quæ vocatur Auve, constructa à Balduino & Rhodberto Presbyteris cum licentia Thassilonis Ducis super ripam Eni fluminis: qui & sex prædia de villa Alcauoë tradidit una cum hac Cella ad Ecclesiam S. Petri Salisburgi. (a) Monasterium hoc Hungarorum illuvione perditum novos fundatores nactum est Comites Medlingenses Chunonem & uxorem ejus Adelheidem. Illum anno 1020. sepultum lapis sepulcro impositus perhibet, (b) Hartwicum primum Canonorum ibidem Præpositum Hundius exhibet ad annum 1068. (c) Qui Conradi Archiepiscopi,

lupi, & Cathedralis Capituli Salisburgensis exemplum fervidè secuti hodiernum S. Augustini regulam sequuntur.

- (a) *Hanziz. T. 2. Germ. Sac. fol. 16. num. XII.* (b) *Agnellus fol. 93.* (c) *Metrop. Salisb. Tom. 2. fol. 132.*

6. Benedictoburanum Monasterium.

Nulli Boicorum Monasteriorum splendore secundum (a), à Landfrido, Waldramo, & Elilando fratribus fundatum, Thassilo quoque nobis dotavit, ut gemini nostri Manuscripti Codices testantur, primus Sebastiani Ranek Presbyteri, alter Anonymi Monachi, quorum verba recitasse sufficiat: *Tunc, dedicatâ nimirum Ecclesiâ Benedictoburanâ, dedit Thassilo Dux, cum presentium tamen testimonio, sancto Benedicto Muniflat, Oeltingen, singulas cum singulis ecclesiis & molendinis. Idem dedit XX. Mansus Rothbach &c. cum pertinentiis suis: & alii sui suorumque momeana.* (b) Et hæc certè in gratiam Landfridi donata, qui curâ verè paternâ Monasterium nostrum pluribus annis, etiam Illungo jam præfule, cum aliis Lycatiæ Monasteriis tanquam Archimandrita gubernavit.

- (a) *Elogium à P. Agnello datum in Arnulpho defenso fol. 94.* (b) *in Eibro Anonymi MS. sub Titulo: Chronica Foundationum &c. & Sebast. Ranck in Collezura Monasteriorum pag. D. 4. aversâ.*

7. Chiemsee Virorum Monasterium.

Monasterium in insula majore lacus Chiemensis jam Thassilonis ævo stetit extra controversiam est positum: quis primus illud crexerit, haud satis liquet. (a) A Thassilone fundatum rotundè asserit Aventinus: dotatum ab eodem palàm hodierni inquilini fatentur & ostentant. Ab Otione duce donatam sibi insulam illustravit Dabda Græcus, S. Virgillii comes & adjutor, Episcopus nempe *regionarius*, dum scholam publicam in eadem aperuit. Dabda successit Lupus, ordinatus de Javavensi Sede, quæ à S. Ruperti tempore penes Benedictinos erat. Et quoniam Dabda agmina discipulorum habuit quamplurima, major ex his coetus accrevit, sæculo renunciare volentium: quorum sustentationi haud dubiè Thassilo providit, utpote Otione jam mortuo Bavarie Dux. Anno 782. constructa est Basilica & Monasterium, cui Luicfridus Abbas anno 804. præfuisse

convincitur. (b) Hungarorum postea irruptione fuisse vastatum, nemo facile negaverit. Theodmarus dein Archiepiscopus ab Arnolpho Rege anno 891. Fridericus successor ab Ottone Imperatore anno 969. eam *Abbasiam* obtinuere. (c) Inde, sicut aliis pluribus locis factum est à Monachis per Hungaros pridem fugatis transiit, Salisburgenfium Canonico-rum exemplo, ad regulam S. Augustini, Præposito primo Beato Hartmanno, qui postea ad Episcopatum Brixinensem translatus est. (d) De-mum etiam Episcopatus Chiemensis ab Eberhardo II. Archiepiscopo fuit institutus anno 1215. (e) Quæ omnia, tamquam pulcherrimi *fructus ma-nuum* Thassilonis, commemorata sunt.

(a) *Agnellus fol. 95.* (b) *Hansiz Tom. 2. Germ. S. fol. 80.* (c) *Hund. Metrop. Tom. 2. fol. 235. & 236.* (d) *Idem ibid. fol. 239.* (e) *Hansiz l. c. fol. 322.*

8. Chiemsee Virginum Monasterium.

Monasterium istud Sanctimonialium sub Divi Benedicti regula, non Canonissarum ad leges S. Augustini, militantium (quod Agnello, & ante ipsum in *Relationibus Curiosis Bavaria* Ertelio excidit) in alia minore, hominum tamen cultu frequentiore, ejusdem lacus insula priori vicina sitam, hodieum egregiè floret, & omnium consensu, Thassilonis pietati foundationem suam refert acceptam, (a) qui quod eo tempore regem se ferret, & regii sanguinis aliquot Abbatissæ hîc tenuerint clavum, ideo regii Parthenonis titulo hoc Monasterium gaudet, & noviter electæ Antistitæ, dum solemniter ei ab Episcopo impenditur benedictio, regia corona imponitur. (b) Henricus IV. in Diplomate suo Thassilonem & Fundatorem & Regem vocat. (c) Nihil moror Adelzreitteri crisin, qua Gossenses & Chiemseenses Virgines pervicaciæ arguit, quod *tametsi res suas in commune haberent*, Conradi Archiepiscopi regulam Augustinianam suaderitis voto non obsecundârint. Inhæserè videlicet regulæ semel susceptæ, & illæ quidem sub Admontensium, hæ verò Seonensium spiritali cura perseverant. (d)

(a) *Agnell. pag. 96. l. m. 1.* (b) *Idem ibid.* (c) *Hund. Tom. 2. Metrop. fol. 241.* (d) *Part. 1. L. 20. n. 5. col. 530. apud Adelzreist.*

9. Cremifanense Monasterium.

Absque ulla controversia à Thassilone Bavarie Duce fuit datum, magnisque accessionibus per Imperatores Carolinos auctum, cum, ut erat

erat primis Hungarorum irruptionibus obvium, ab iisdem vastatum per annos plusquam centenos in ruinis jacuisset, S. Henrici Imperatoris & Bavariz Ducis pietate, & S. Gothardi Althahensis Abbatis operâ denuò restitutum, ad eximium splendorem emerfit. (a) quem hodie maximis virtutis, doctrinæ, fortunarum incrementis auctum summa cum gloria conservat. Idem, ne originis primæ oblitum videretur, non solum S. Godehardum, sed alios quoque natione Bojos Abbates elegit, quorum Placidus Buechauer & Erenbertus Screvogl, uterque Schongavii natus, uterque electus Abbas, magnis laudibus à Simone Rettenbacher celebrantur. (b)

(a) *Rettenb. Annal. Cremif. Lib. 1. c. 8. 9. & seq. Item L. 2. c. 5. f. 131.*

(b) *Idem ibid. L. 3. c. 13. num. 56, & 57.*

10. S. Emmerami Principalis Ecclesia.

Monasterium hoc celeberrimum & antiquissimum incrementa quædam Thassiloni nostro debere narratur ab Hundio, cujus verba (a) recito: *De licentia Thassilonis, Ducis Bavarie, aliqua traditiones ad Casam constructam, in honore S. Petri & S. Haimmerani sunt factæ; inter alias una, anno Ducatus ejus XIII. ex quo constat Ecclesiam fuisse ante Carolum Magnum constructam. Et quibusdam interpolitis addit: Anno 752. Sympertus Ratisbonensis Episcopus Monasterium S. Haimmerani jussu & sumptibus Caroli Magni Imperatoris magnifice incepit. Quod, dissimulatis antichronismis, sic intelligendum, quod S. Emmerami Ecclesia ex tenuibus principiis, ut magna ferè omnia solent, ad majorem splendorem à Carolo M. fuerit perducta, tamquam primorum Ratisbonæ Præsulum propria Sedes. Quàm additci post Thassilonem huic Ecclesiæ fuerint alii Bavariz Duces & Electores, largiter explicat (b) in Dedicatione Ratisbonæ Politicæ ad Serenissimum Carolum Albertum, postea Imperatorem, ANSELMUS Abbas, qui sopitam diu Principis dignitatem, Abbatibus S. Emmerami dudum propriam, hoc sæculo suscitavit: cujus virtutum & honoris hæredi Deus omnem felicitatem!*

(a) *Metrop. Tom. 2. fol. 360.* (b) *Ratisb. Politica edita 1729. Ratisbonæ.*

11. Ensdorffense Monasterium.

Superioris hodie Palatinatus Asceterium ad Vilsam fluvium pro Monachis Benedictinis à Thassilone Bojorum Duce fundatum Arenbeckius

(a) & Hündius tradunt : (b) ille quidem in Chronico Bavariz, *ille* verò in Stemmatalogia his verbis : *Otto IV. Palatinus de Wittelspach fundat in Nordgoja Ensдорffium pro Benedictinis (istud verò Monasterium ipse solùm restauravit & renovavit ; jam enim pridem fundatum fuerat à Thassilone Duce secundum Vitum , & Aventinum) & in Bavaria superiore Lundersdorffium pro Augustinianis.* Ac præterea in Manuscriptis Aventini post mortem ejus inventis ad annum 1605. additur : *Monasterium Ensдорff anno Christi MCXXI. readificari ceptum est ; cujus fundator Otto Palatinus de Wittelspach &c.* (c) Liceat ergo Ottonem verum Ensдорffii fundatorem , sed secundum , dicere , utpote qui destructum readificavit ; Thassilonem verò nostrum *primi* fundatoris nomine honorare , cui istud antiqua suffragia tribuunt.

(a) *Chron. Bav. L. 2. c. 35. apud Pez. T. 3. Anecd. part. 3. colum. 99.* (b) *Stemmatalog. Part. 1. Tit. Scheyren &c. fol. 135.* (c) *Hist. Ensдорff. sub Tit. Mundi Miraculum S. Otto &c. edit. Ambergæ 1730.*

12. Garfense Monasterium.

Hodie Archidiaconalis Ecclesia cum Collegio Canonicorum Regularium Ord. S. Augustini ad ripam Oeni fluminis, olim Cella à Bosone Clerico ex licentia Thassilonis in honorem S. Petri Apostoli ædificata, ac à memorato Duce Salisburgensi Episcopo cum pluribus aliis prædiis donata est : (a) unde idem piissimus Dux à Rettenbachero (b) & Fortunato Hueber (c) ejusdem Monasterii Dotator dicitur. (d)

(a) *Hansiz T. 2. Germ. S. fol. 14. num. VI.* (b) *Lib. 1. Annal. Cremif. fol. 55.* (c) *Chron. Hohempart. fol. 164.* (d) *Confer. Hand. T. 2. Metrop. fol. 128.*

13. Inchingense Monasterium.

Inica olim vocatum in campo Gelan , & hodierno Comitatu Tyrolis situm, ubi Dravus fluvijs inter asperrima montium juga exoritur. Erat is locus cœtusque inaccessus & inhospitus, spatiosus tamen , & culturæ habilis , si colonorum industria accederet. Hunc locum Thassilo Attoni Abbati S. Petri Scarantiæ donavit, ad construendum in eo cœnobium, ut Monachorum operâ infideles Sclavi è vicino ad veram Religionem traduci possent. (a) Hodie ibidem assitum Municipium temporali Frisingensium Episcoporum dominio adhuc subjacet , sub Diocœsi tamen Brixinensi :

nensi : & Ecclesia jam sub Ottone I. Imperatore à Monachis ad Canonicos sæculares tranſiit. (b)

(a) *Hist. Friſ. T. 1. parte 1. fol. 64.* (b) *Ibid. fol. 106.*

14. Mannſeeſe Monasterium.

Situm eſt hoc ad lacum cognominem , & ab Utilone Duce Thaßilonis patre fundatum anno Domini 748. (a) Chronicon Lunelacenſe à Viro pererudito ac ſolerte concinnatum, & anno 1748. editum, de Thaßilone noſtro ſic loquitur : „ Princeps hic religioſiſſimus anno 767. ut Codex traditionum. refert ; vel anno 771. ut Chronologia Abbatum habet , Opportuno Abbati noſtro ampliſſimam donationum paternarum , conceſſit confirmationem , quas cum multis adauxerit Redditibus , Cenſibus , ac prædiis , jure optimo Fundatoris ſecundi , vel Dotatoris nomen promeruit. „ (b) Loco ab Hungaris vaſtato Henricus Sanctus Benedictinas Leges reſtituit , ſub quibus etiamnum militat. (c)

(a) *Agnellus fol. 105. Rad. Bav. S. Tomo I. fol. 59.* (b) *Chron. Mannſee. ſeu Lunelac. pag. 8.* (c) *Agnellus l. c. ex Hund. & Gerwoldo in Metrop.*

15. Mattſeeſe Collegium.

Collegiata hæc ſæcularium Canonorum Eccleſia ſub patrocinio S. Michaëlis Archangeli , Monasterium olim fuit , quod Dux Thaßilo ſecundus ille cœnobiorum parens (a) fundavit. Quibus agitata poſtea fatiſ fuerit , ac demum hodiernam in faciem reſtitutum , ex Hundio & Gerwoldo ſolenter colligit Arnulphi Mali Defenſor. (b)

(a) *Agnellus fol. 105.* (b) *Idem ead. fol. Conſer. Arenbeck. L. 2. r. 35. Tom. 3. Anecdor. Pez f. 99. & Raderi Bav. S. Tom. I. fol. 85. Item Hanſiz. tom. 2. Germ. S. in Corollaris num. CVI. fol. 967.*

16. Münchmünſterienſe Monasterium.

Ordinis S. Benedicti quondam hoc cœnobium fuit , ad Danubium haud procul Vohburgo in Dioceſi Ratiſbonenſi ſitum , ac S. Petri honoribus dicatum. Thaßilonem noſtrum illud jaçtat authorem & fundatorem :

rem: (a) qua de re Gevvoldus antiquos versus recitat. (b) Seu Hungarorum, seu Arnulphi Mali sevitiâ vastatum & ad incitas redactum quâs à fundamentis denuo excitavit Dietpoldus Marchio Vohburgensis, adnitente etiam & promovente S. Ottone Episcopo Bambergensi, (c) & commendante illud Summo Pontifici Innocentio S. Conrado I. Salisburgensium Archiepiscopo. (d) Primus à restauratione Abbas fuit Richardus, ab Erbone Prifingensi Abbate concessus. Alium invenio Hartvicum: item Conradum, & Guntherum. (e) Sed quid hæc multis? Monachis deficientibus sub initia decimi sexti sæculi Administratores dati sunt, & hoc cœnobium Collegio S. J. Ingolstadtensi anno 1598. attributum. (f)

(a) *Agnellus fol. 103.* (b) *T. 2. Metrop. f. 517.* (c) *Hist. Ensдорф. fol. 79.* (d) *Hund. T. 2. f. 523. num. V.* (e) *apud eund. in Bullis Pontificiis: Guntherum inter testes fol. 243. in fine.* (f) *Agnell. f. 109.*

17. Neresheimense Monasterium.

Celeberrimum in Rhoetia Benedictinorum Cœnobium sub patrocinio SS. Udalrici & Afræ hodie floret. Illud primitus fundatum fuit à Thassilone Bojorum Duce circa annum à Christo nato septingentesimum septuagesimum septimum. Proventibus deinde auctum est à Comitibus Dilinganis & Kyburgensibus, quorum Hubaldus I. S. Udalrici Episcopi Pater in eodem Monasterio à morte, quam anno 908. obiit, sepeliri voluit. Post populationem Hungaricam restauravit illud anno 1095. Hartmannus Comes de Dilingen, novâque Monachorum coloniam ex Zvâlfaltensi Monasterio introduxit. (*)

(*) *Hierarch. August. Part. 3. Regul. fol. 302. & seqq.*

18. Pfaffenmünstrense Monasterium.

Monasterium fuit inferioris Bavariz duarum serè horarum itinere Stralbingâ disitum, Divo Tiburtio sacrum, S. Pirminii hortatu ab Utilone Duce fundatum, à Thassilone filio ita amplificatum, ut à Vito Arenbeckio (a) etiam ipsa fundatio eidem tribuatur, ex verbis in Choro Weltenburgensi olim descriptis: *Thassilo Dux Bajoria Fundator hujus Ecclesia seæ struxit in Bajoria Monasteria, Wittenburg, Kremsmünster, Lorich, Wessersbrunn, Pfaffenmünster.* (b) Hungarica prædatione vastatum novas colonos ex Meten accepit Clericos, & demum Wilhelmi Bavariz Ducis

cis pietate Straubingam translatum, tanquam Insignis Ecclesia Collegiata sub titulo SS. Jacobi & Tiburtii hodieum floret (c)

- (a) *Chron. Bajoar. l. 2. c. 35. fol. 98. in T. 3. Anecd. Pez.* (b) *Cum quinque tantum, non sex, hic referantur, supple ex Hund. Metrop. T. 3. f. 102. m. Addit. Polling.* (c) *Agnell. fol. 115. Vide largius Hund. cit. loc.*

19. Pollingense Monasterium.

Celeberrimum istud Canonicorum Regularium S. Augustini Monasterium Thassilone Fundatore hodieum gloriatur, maxime propter Crucifixi Salvatoris imaginem, quæ in summa ubique veneratione habetur. Neque fidem abrogamus vel Aventino, vel Documentis quibuscunque afferentibus, à Venerabili Landfrido Benedictoburani Monasterii Fundatore positas hinc initio fuisse Sanctimonialia Benedictinas. Post supremam illam Hungarorum illuviem, de qua jam sæpius; S. Henricum illud è ruinis erexisse, pariter fide dignissimum, atque Ordini Canonicorum Regularium tunc temporis evalescenti tradidisse.

Vitus Arenb. L. 2. Chron. Bav. c. 35. f. 98. Item Hund. & Gervold. Tom. 3. Metrop. fol. 115. Demum & Hierarch. Aug. P. 3. Regul. f. 436. & Agn. fol. 115. ex quorum postremis minus lucis accipies.

20. Schefftlariense Monasterium.

Olim Benedictini, hodie Præmonstratensis Ordinis, supra Monachium ad Isaram situm, ab Adalgarto & Odalgero in honorem S. Dionysii fundatum, jam Thassilonis Ducis tempore vigeat; (a) *cujus ope & favore cum constructum fuerit Aventino teste* (b) rectè illi Benefactoris nomen tribuitur. (c)

- (a) *Meichelbeck Hist. Fris. T. 1. P. 1. fol. 78.* (b) *apud Hund. T. 3. Metrop. fol. 290.* (c) *Annal. Cremif. lib. 1. f. 55. & Chron. Hohenwartense fol. 162.*

21. Schlierseense Monasterium.

Ecclēsia deinde Collegiata Canonicorum sæcularium ad lacum cognominem sita fuit, cujus jura ac redditus ad principem Divæ Virginis ædem Monachii spectabilem cum ipso Sacerdotum collegio anno 1497. translati sunt. Fuit initio monasterium Ordinis S. Benedicti à Nobilissimis quinque fratribus fundatum, quos Hundius non sine fundamento

F

Wal.

Waldecensis familiæ surculos fuisse existimat. (a) Primus illis Abbas præfuit Perhcozus : (b) sunt authores, qui illud à Thassilone nostro datum referunt. (c)

(a) *Hund. Metr. T. 3. fol. 323.* (b) *Hist. Frising. T. 1. P. 1. f. 78. & 79.* (c) *Fort. Hueber f. 162. & Restenbach. Annal. Cremif. L. 1. f. 55.*

22. Thierhauptense Monasterium.

Superioris Bavariz Monasterium, sub regula S. Benedicti à Thassilone nostro fuisse fundatum, antiquissima traditio est, cum Dux in veneratione feram persequens, viarumque errore abductus, edito condendi pro servis DEI cœnobii voto, incolumis evasisset; unde hodieum cervæ caput sagittâ transfixum insignia Monasterii exhibent. Aventinus Lotharium Imperatorem hujus loci Institutorem salutatur : (a) alibi verò Thassilonem disertè prædicat Fundatorem. (b) Quid demum Gassero Acatholico credas, qui altiores etiam ejus Monasterii origines se putat invenisse, & asserit, quod nec Aventinus est ausus. (c) Demum diversi Historiographi saniores secuti sententiam foundationis laudem tribuunt Thassiloni. (d)

(a) *Annal. L. 4. pag. 378. apud Agnell. fol. 122.* (b) *apud Hund. T. 3. Metrop. f. 410.* (c) *Agnell. fol. 121. citans Hier. Aug. P. I. pag. 79.* (d) *Hier. Aug. P. 3. Reg. f. 353. Arenbeck T. 3. Anecd. Pez. part. 3. col. 99. Agnell. fol. 121.*

23. Weltenburgense Monasterium.

Thassilonem nostrum cœnobii hujus Fundatorem fuisse existimatum, adducta superius Chori Weltenburgensis inscriptio convincit. (a) Variis jactatum fati, Canonicis traditum, & à Chunone Ratisbonensi Episcopo Benedictinis denuò restitutum floruit usque ad sæculum 16. quo iterum variis tum Abbatibus tum Administratoribus paruit. Demum Cyriacus Empel ex Eberspergensis Monasterio, & Melchior Abbates industriâ & vigilantia ad hodiernum vigorem illud erexerunt. (b) Nostra ætate à fundamentis novum cum templo marmoreo surrexit.

(a) *Hoc §. num. 18.* (b) *Hund. Tom. 3. Metrop. fol. 484.*

24. Wessofontanum Monasterium.

Germanis antiquioribus Wezzinesbrunnen, Wesselsbrunn, hodie Wesssenbrunn & Wessobrunn appellari solet. Hujus Fundatorem Thassilonem Utilonis filium ex perpetua Majorum traditione, & Historico-

rum

corum auctoritate non minùs, quàm antiquis Documentis adstruere conati sumus. Neque alium nobis confutandum suscepimus, nisi eum, præter quem nemo alius antiquorum Thassiloni Fundatoris Wessofontani nomen honorémque negavit. Nulla nobis contentio cum aliis plurimis, qui unum Ducem habuère Aventinum. Si consilium etiam nostrum fuisset, multorum advocacy testium evincere, — plura cœnobia Thassilonis ope fuisse fundata vel dotata, præter ea, quæ hæcenus enumeravimus; non defuissent nonnulla, ut S. Nicolai prope Passavium (a) Nidernburgense (b) S. Pantaleonis (c) Lorchense (d) singula à quibusdam Fundatori nostro asserta. Non placuit vel novis vel nimium credulis Authoribus fidem tribuere: maximè cùm, quantum ad Thassilonem attinet, aliunde satis ipsius eniteat pietas, alienæ haud indiga laudis. Nihil igitur superest, quàm ut Landfrido tot Monasteriorum cis Lycum sitorum tum fundatori, tum moderatori debitas laudes & gratias dicamus.

- (a) *Avenbeck T. 3. Anecd. Pez f. 98. Andreas Ratisb. T. 4. Anecd. f. 442.* (b) *Arenb. l. c. f. 99.* (c) *Idem ibidem. Vocatum etiam S. Crucis, & S. Dei Genitricis apud Agnellum f. 110. ex Avent. Annal. lib. 3. p. 291.* (d) *Alibi Lorich, & Lorich apud Arenb. & Andream, quorum prior etiam Atel, Prenried, Rott Thassiloni adscribit.*



SÆCULI PRIMI WESSOFONTANI CAPUT SECUNDUM.

De primis Abbatibus Wessofontanis.

Postquam Thassiloni, Duci Bavariz, Fundatoris gloriam vindicavimus, ad Monasterii nostri Gubernatores transimus, quos inter primus & per triennium solus fuit Landfridus, Benedictoburani quidem, Schechdorfensis, aliorumque Fundator, plurium verò præterea, ac nostri, vigilantissimas Gubernator, & Archimandrita. De eo ex antiquis documentis sic loquitur Stephanus noster: *quo tempore, cùm fundasset Cœnobium nostrum Thassilo, Landfridus primus Abbas & Fundator Monasterii Benedictenpeuren ex commissione Thassilonis Fundatoris Wessofontani.*

sesprunensis Cænobii suscepit in commendam Ecclesiam nostram : (a) cujus proin optimè de nobis meriti præclara gesta , gratitudinis ergo , compendio prædicamus , post eum ad Abbates proprios transituri.

(a) *MS. nostrum litt. E. insignitum fol. 2.*

§. I.

Landfridus Abbas Benedictoburanus , idémque plurium Monasteriorum ac nostri Archimandrita.

1. **S**icut pulchrior est, Poëta teste, pulchro veniens in corpore virtus, ita hæc longè clarius elucescit in hominibus dignitate generèque conspicuis : his enim cùm inter potentix & facultatum copias innumera occurrant sectandæ vanitatis illibia , tanto mirabilior eorum virtus est mortalium cæterorum oculis , cùm viderint ab illis ea contemni , quibus isti se felices putarent. Landfridi , ejusque fratrum Waldrami , Elilandi , & Gailsuindis sororis genus nobilissimum erat , quocumque illud fonte derives. Ajunt nonnulli, eos fuisse filios cujusdam Waltherii Comitæ du Bliantz ex provincia Galliæ , qui cum Carolo Martello in Bavariam venerit , istisque circa Alpes & Loysam dominiis bellicæ virtutis ergo donatus fuerit. (a) Verùm non honorificentior solùm , sed & certior videtur illorum sententia ; qui asserunt , Principes hos ex Agilolfingica stirpe Theodoberti Baviaræ Ducis filios , nepotes verò illius fuisse Theodonis , qui primus S. Rupertum Bojorum Apostolum excepit. Theodobertus præmaturè moriens filios fratri Theodobaldo commendavit : quos Patruus haud dubiè contra omnes injurias fuerat defensurus , nisi & ipso factis erepto Grimoaldus eorum bona vi facta sibi vindicasset. (b) Hi ergo ditione Antorfensi satis quidem ampla , sed generis dignitati impare , & Comitum titulo contenti esse compellebantur , cùm omnis Athesina provincia , ceu patri & patruo à Theodone avo destinata hæreditas eisdem & Gailsuindæ sorori deberetur,

2. Poterat profectò Garibaldus vindicem DEI manum effugere , si S. Corbiniani monitis parauisset , ac non potiùs Piltrudis uxoris lenocinò captus sanctissimum Præsulem fugâ sibi consulere compulisset. Ita conjugium male cœptum pejori fine in caput Grimoaldi recidit. Hic quia multis à Sancto hortamentis correptus dimittere noluit Piltrudem , uxorem antehac defuncti fratris sui Theodberti , cujus filii erant Landfridus & fratres , gemini sceleris reus , incestus nempe in fratris conjugē , & rapinæ in filiorum ejus spoliatione , divinâ urgente Nemese , ex in-

idiis

sidiis obrutus vitam amisit. Non deerant nempe, qui & oppressorum principum injuriâ & incestuosi thalami turpitudine moverentur, ac obsequium se Deo præstare, illatam innocentibus vim ulciscendo, existimarent.

3. Erant porrò Landfridus & fratres ad omnem pietatem cerei, & Christianis legibus optimè formari: & licèt in aulam Francorum regiam suscepti, utpote quos sanguinis affinitate tangebant, (c) deliciis & honoribus abundabant, non tamen eorum elanguit in palatio pietas. Landfridum fratribus authorem fuisse palatii modesto obtentu deferendi, antiqui versus testantur: (d)

*Hic teneris annis divino tactus amore
Ardenti studio post Sponsi unguenta cucurrit;
Ac primus fratres Principis subduxit ab aula
Germanos Walthram, Cundbrámque ex nomine dictos.*

Accessere ad virtutis incitamentum S. Bonifacii Germanorum Apostoli doctrinæ, quas ardens illius zelus, quoties Româ in Bavariam transiret, piissimis fratribus suggererat. Intellecto igitur infausto patris Grimoaldi fato, magis commoti sunt ipsius calamitoso exitu, quàm antea fuerant propriarum jacturâ fortunarum. Eorum, qui ex insidiis intulerant mortem, subditorum scelus, velut suum, deplorabant: atque ita, ut cognati Ducis necem, cum æternæ salutis manifesto junctam periculo, in semetipsis vindicare statuerent. (e)

4. Itaque, licèt inimici cædes viam sternere occupando principatui videretur, considerantes tamen, quàm instabile fortunæ donum esset quantacumque mundi potentia, idque tum præcoci patris morte, tum Grimoaldi interitu miserando, ac propriis demum jacturis edocti, omnia potius relinquenda unanimi consilio decreverunt, quæ posset fortuna rapere, quàm periculo se committere amittendi æternum mansura.

§. Adhibitis igitur Sanctissimi Præsulis Bonifacii consiliis, coeperunt omnem operam opesque impendere ad construendum S. Patriarchæ Benedicto cœnobium, cujus regulam videbant in Cathedrali Frisingæ Monasterio observari. Jámque aream designaverant, cum columbarum ligni assulas aliò transferentium indicio alium, ut fertur, locum eligere jussi sunt. (f) Paruère, eoque loco, quo hodie Benedictoburanum Monasterium consistit, structuram piissimi fratres perfecere.

6. Verùm hoc uno non contenti aliud quoque ad caput Cochalenfis lacûs pro viris construxerunt in loco, qui jam tunc Schlechdorf nominabatur, eandem Divi Benedicti regulam secuturis: aliud item ad ejusdem lacûs ostium, Cochalon (hodie Kochel) vocatum, pro Virginiibus Deo devotis: quartum denique ad lacum alium, quem veteres Staphalastagna dixêre, hodie Staffelsee, itidem pro monachis, prout Benedictoburana & nostra documenta testantur. (g) Gailsuindem Landfridi sororem Cochalensi Monasterio præfuisse, iisdem habemus testibus. Waldramum & Elilandum Schlechdorfense & Staffelseense gubernâsse, nobis perquam credibile videtur. Nam Landfridus natu maximus, tantorûmque operum dux, tum Benedictoburani cœnobii inter cætera principis & quinquaginta monachorum gubernatione, tum cæterorum frequenti visitatione satis occupabatur. Accessit in laboris augmentum, quòd viso Landfridi & Fratrum zelo, cùm succedentibus annis augeri religiosæ eorum familiæ coepissent, alii quoque illustres & potentes, seu viri seu scemina, exemplo stimulati Monasteria ædificaverint, & à se fundata Landfrido commendaverint tum colonis implenda, tum etiã gubernanda, donec proprii singulis Antistites darentur. Talia, dubitare non possumus, quin fuerint Pollinganum, Sandaviense, Wessofontanum, cùm tabulæ testentur: ac fortè etiam Siverstattenfense, si Aventino fides, quo excepto nullam de illo noticiam habemus, nisi quam suprà subobscuram indicavimus. (h)

7. Erat profectò jucundum Deo & Angelis, hominibus verò tam proficuum, quàm pulchrum spectabulum, videre, à nobilissimis & principibus viris abjurari sæculi pompas, easdémque à plurimis eorum sequacibus generoso pede calcari. Resonabant ad cœlum usque chori cantantium monachorum & virginum: latè se diffundebat fama virtutum, & boni exempli suavissimus odor. In hunc tracti cucurrisse inveniuntur illustres viri, ac præprimis Engildio Comes, qui ultro venit, & *rebus ac armis exutus novum hominem induit*; neque vacuus comparere voluit, sed ex diversis villis prædia quadraginta S. Benedicto donavit. Sed & Grammanus quidam divino ad id faciendum monitu instinctus videtur, ut repentino gravatus morbo statueret mundo renunciare. Vix statuit, sanus è strato surrexit. Quoniam verò consilium exsequi cunctatus est, denuò infirmatus culpam suam agnovit; venit, & *medullitus abjectis vanitatibus illecebris vestem cum voto penitentiae accepit*, dato insuper prædio suo *trium mansuam* in villa *Antfranga* seu *Amfranga*. Vix triginta dies sancti propositi tenax vixerat, cùm se à S. Benedicto ad feliciorẽ vitam vocari palam confessus animam Deo reddidit. (i)

8. Nos

8. Nos certè illud singulare beneficium Landfrido debemus, quòd Monasterium nostrum anno 753. à Thassilone coeptum in curam suam suscepit, & non minùs, ac propria sua, singulis mensibus indefessus custos laborioso itinere visitàrit, selectos è suis inquilinos huic loco dederit, ad divinum cultum & circumstiz plebis ædificationem animàrit. Hoc enim sibi ipse imperaverat, ut *die Dominica capitulum faceret* in coenobio S. Benedicti, ferià secunda in Cochalensi, tertià in Schlechdorfensi, quarta in Staffelseensi, quintà in Wessofontano, sextà in Sandaviensi, ac Sabato demum in Pollingano. Atque hunc visitationis laborem hisce monasteriis, quoties per majora negotia aut valetudinem licuit, Landfridus impendit per annos viginti quinque, ut nostra documenta loquuntur. (k) Non poterat majus quidpiam Thassilo ab occupatissimo Landfrido postulare: nec vicissim ingenuus religiosissimi Ducis animus ferebat, ut non eximium gratitudinis monumentum vigilantissimo Archimandritæ rependeret, (l) quod supra descripsimus.

9. Cùm demum tot Monasteriis per triginta annos vigilem curam Landfridus impendisset, advenit dies mercedis & quietis capiendæ, quæ erat dies sexta Idus Quintiles, seu decima mensis Julii, sicut antiquissimi versus testantur his verbis, apud Pezium relatis:

*Idibus in sextis cùm Julius æstuat arvis,
Ad Dominum rediit, qui dedit esse sibi. (m)*

Quantas porrò fas sit coronas in cœlis meritum Landfridum credere, prònum est, fuisse plurimas, & splendidissimas; non enim centuplum solum, dum omnia reliquit, promeruit, qui tot alios relinquere opes, honores, voluptates docuit, & exemplo suo ad egregiam sanctitatem provenit. Neque fratres solum suos & sororem, sed plures quoque consanguineos & affines, præter innumeros alios ad idem institutum allexit, ut ex iisdem versibus patet:

*Hic consanguineos plures; turbàmque nepotum
Celsa supernorum duxit ad regna polorum.
Quantas hic traxit Monachorum denique turbas,
Difficile dictu est, arctæ ad consortia vitæ. (n)*

10. Translato igitur ad Superos Landfrido, Waldramus quoque & Elilandus, qui etiam Elyandus & Gundramus vocatur, (†) paternâ curâ suis aliisque claustris per annos multos invigilabant. Nec fratribus cedebat Gailsuindis soror, utpote cujus exemplum secuta Gisila Regina Cothalensi cœnobio se abscondit: imò sunt, qui & Luitburgam Thassilonis nostri conjugem, illo exauthorato, eodem sese recepisse dicant. (o) Waldramus per triginta octo, Elilandus verò etiam quadraginta sex annis præfuisse leguntur: (p) quæ singulorum longævitas sicuti creditu difficilis videatur; non unum, sed plura Monasteria inter se divisa eodem tempore eos gubernâsse, ac demum in Benedictoburano sibi successisse existimet: atque ita facili sibi persuadebit, tres fratres in diversis locis gubernantes conjunctim centum & quatuordecim annos regendo implēsse. Atque ita Landfrido Abbati Benedictoburano, Archimandritæ nostro, inferiore meritis calamo grata laudum encomia solvimus: memoria verò illius, uti nunquam ex monumentis, ita nec animis nostris unquam evanescet.

- (a) *Ex Speculo Vincentii & Garibaldo quodam apud Hund. Tom. 2. Metrop. fol. 39.*
 (b) *Hund. ibidem, & Car. Meichelb. Hist. Frif. fol. 19.* (c) *juxta versum veterem: Eximius Landfrid contingens stemmata Regum. Pez Anecd. T. 3. P. 3. fol. 606. §. II. v. 2.* (d) *Ibidem.* (e) *Horum exemplum secutus videtur Eberhardus Comes de Marca, qui ut pœnam effusi sanguinis sibi ipsi irrogaret, monachus factus auctor fuit cœnobii Vallis S. Georgii in Thuringia fundandi. Thuringia Sacra fol. 468. & ille Bernardus Pœnitens in Aët. SS. Bolland. die 19. Aprilis fol. 674. & 676. num. 5. ad finem.* (f) *MS. Wessofontanum Trisbemi Sermon. & Homiliis junctum fol. 22.* (g) *Pez Anecd. T. 3. P. 3. col. 601. & MS. nostrum C. fol. 4.* (h) *De Wessofontano nullum dubium: nec de Pollingano. De Siverstätt vid. Caput I. §. 3. n. 27.* (i) *MS. Wessof. supra lit. f. citatum fol. 23. & 24. & Seb. Ranc in Collectura Monast. fol. E. 1. De Ampheringa seu Amfranga vid. Hund. T. 2. Metrop. fol. 296.* (k) *MS. C. fol. 7. & nostro quidem non per quinque tantum annos, donec Ilfungs A. 758. intraret, sed ulterius etiam, ut Agnellus putat fol. 124. Arnulph. defens. (l) §. IV. Num. 6.* (m) *Pez loco cit. f. 607. §. IV.* (n) *Ibidem f. 606. §. II.* (o) *Meichelb. Hist. Frif. fol. 87. ex Mausoleo S. Emmerami.* (p) *MS. C. fol. 7. & 8. (†) Vide versus hoc §. num. 3. ubi Gundhram pro Elilando ponitur.*

§. II.

*Ilfungus, primus Abbas proprius Monasterio
Wessofontano datus.*

1. **I**lfungus ex Monasterio Inferioris Quercûs, à Thassilone Fundatore nostro petitus, & Fontibus Wessonis præfectus, illius Eberswindi discipulus fuit, quem S. Pirminius ex Augia Divite evocatum Nideraltahensi cœnobio primum Abbatem dederat. (a) Sunt, qui cum ex illustri Comitum quondam Mœringensium familia natum velint, unde Ilfengi, Patritii hodie Augustani, sanguinem trahant. (b) Certè Lexicon Universale teutonicum Christophori Iselini asserit, Ilfungum quemdam, Lupoldum nomine, circa annum 785. fuisse Abbatem Wessofontanum. (c) At nostris Chronicis eo quidem anno Ilfungus jam præfuit, sed Lupoldi nomen eo tempore non invenimus: nisi sæculo decimo duodecimo quemdam Lupoldum (d) ex Monasterio Hirsaugiensi, nobis Luitoldum vel Lantoldum. (e)

2. Delatus itaque ad Fontes nostros Ilfungus primam S. Mariæ Virginis Ecclesiam, parvam licèt, jam dedicatam invenit, in eaque tamdiu divina cum suis peregit Officia, donec major Divi Petri Ecclesia perficeretur. Minorem illam Deiparæ à S. Bonifacio fuisse consecratam, superius insinuavimus: (f) hanc alteram quis sacris ritibus initiârit, non ita promptum est definire. De S. Wicterpo, qui Benedictoburanam legitur consecrâsse, (g) non possumus affirmare, cum anno 755. obiisse scribatur: nec de S. Tossone, aliòve id temporis Episcopo Augustano; cum Diocesis hæc Caroli Magni primum favore per S. Sympertum, sororis ejus Symphorianæ filium, fuerit ultra Lycum in citeriorem hanc Vindeliciam extenta. Fortasse autem, cum Sabiona, unde Sedes Episcopalis deinde Brixinam est translata, à Longobardis fuisset occupata, & Boico dominatui crepta, Augustani seu Neoburgenses Præsules interim in hac regione sacra administrabant. Etenim S. Bonifacius, cum in Bavaria quatuor Episcopatus institueret, Salisburgensem, Pataviensem, Frisingensem, & Ratisbonensem, Sabionæ rationem non habuit, eò quòd Longobardicum imperium respiceret. (h) Atque ita potuit S. Tosso, qui ab anno 755. usque ad 768. juxta priorem Hierarchiæ Augustanæ calculum præfuit, (i) majorem nostram S. Petri Ecclesiam consecrare. Admodum tamen perplexa est Augustanorum Præsulum Chronologia, nequè Clarissimus P. Corbinianus Khammus fixum aliquid, certumve relinquit.

G

Haud

Haud diu ultra annum Domini 758. dilatam fuisse dedicationem credimus, cum Thassilo-Dux potentiâ floreret, & primus Abbas Ilfungen negotium propagandæ religionis causâ urgeret.

3. Incidit in ætatem Ilfongi celeberrima illa Synodus Dingoltingæ in Diocesi Ratisbonensi auctore Thassilone coacta anno 772. cui inter alios Episcopos provinciales etiam interfuit Alimus Sabionensis: (k) unde Velferus rectè ratiocinatur, Sabionam in Thassilonis potestatem bonâ societati (Desiderii Longobardorum regis) gratiâ tum concessisse, & Boicæ rursus contributam fuisse. (l) Aderant ergo Episcopi quinque, quorum primus Manno Nuvvenpurgensis seu Neoburgensis ad Danubium, (m) secundus Alimus Sabionensis, tertius Virgilius Salisburgensis, quartus Wisericus Passaviensis, quintus Symbertus Ratisbonensis, sextus Heres seu Aribio Frisingensis. Abbates comparuerunt tredecim, ordine hoc positi: Opportunus Manseensis, Wolfpertus Nideraltahensis, Adalbertus Tegernseensis (n) Atto Scarantiensis (o) Uto Illmünstrensis, (p) Landfridus Benedictoburanus, Albune innominati adhuc loci, Ruothardus Isnenensis, Ernestus Oberaltahensis, Reginbertus Mosburgensis, Volckhanhardus loci hæctenus ignoti, Perchhoz Schlierseensis, Sigido Wetenburgensis. Aventinus temerè nonnullis Monasteriis Abbates suos assignat, & nobis quidem Ruothardum quemdam obtrudit, sed perperam; cum in nullo catalogo nomen hoc reperiamus, nisi demum post annum 955. & Hungaricam stragem Præpositum quemdam hoc nomine vocatum, qui huic Synodo per Chronologiam interesse non potuit. Clarissimus P. Carolus Meichelbeck in Historia Frisingensi rem egregiam præstitit, ex coævis monumentis plerosque Abbates comobiis suis adstruens. (q) Eodem duce Perchhozum assignavimus monasterio Schlierseensi per Instrumentum, anno quidem 779. conditum, in quo illius electio refertur: quæ tamen pluribus ante instrumentum annis fieri potuit, ac fortè jam anno 760. quem Aventinus apud Hundiam assignat. (r) Si dein illi *Albunc*, ut apud Gewoldum legitur, (s) paucis mutatis litteris substituamus *Ilfunc* seu Ilfungen Wessofontanum, cum aliunde acta Synodi corrupta ad nos pervenisse eruditi judicent; solus supererit Volckhanhardus Osterhovensi, Chiemenfi, aut alteri cuidam præficiendus, ab Utilone vel Thassilone fundato. Neque solo hoc foundationis titulo Ilfungen nostrum Synodo interfuisse decebat, sed præterea, ut Reyspachium à Thassilone nobis donatum & Dingoltingæ vicinum ipse inspiceret.

4. Nam terminos quidem Monasterio à Thassilone initio statim assignatos suprâ descripsimus: (t) dotemque auctam, Ilfungen cum fociis quibusdam superveniente, docuimus, per adjectionem villæ Rispacensis, (†) in

in cuius loci templo S. Wulfindis Virgo & Martyr sepulta quiescebat, &que Festum illius usque ad sæculi duodecimi finem die secundâ Septembris solemniter celebrabamus. . Hac munificentia nondum exhaustus Fundator homines quoque alios censum daturus, alios tributa pensuros adjunxit, quorum catalogos recenset gemmatus noster & antiquissimus Evangeliorum Codex. Et erat certe plura daturus, si fidei Francis jurata tenax perstitisset. Ejus violata reum cum ipsi Bojariz proceres accusarent, in eam calamitatem incidit, quam omnes pæne Rerum Germanicarum Scriptores referunt. (n)

§. Quam acerbum hoc Fundatoris nostri fatum Ilfungo totique Monasterio acciderit, pronum est intelligere, rebus Bavariz tunc admodum dubiis, & posterioris fortunæ incertis. Verum Caroli Imperatoris sapientia effecit, ut Bavaria in Provinciæ formam redacta à Comitibus deinceps regeretur, qui tamen Misso seu Legato regio obedire sunt iussu. (w) Præterea Carolus Boicas Leges confirmavit, & Provinciæ quieti providit. (x) Atque ita Bavaria si minus dignitatis, plus tamen quietis obtinuit; Francorum enim armis sæpius adversum Hungaros fuit defensa. (y) Abbas porro noster Ilfungus, Thassilonis exauktioni adhuc superstes per annos undecim, diem suum obiit pridie Idus Maii, id est, decimo quarto ejus Mensis, anno Domini 799. præfecturæ suæ quadragesimo primo. Tumulum accepit in meridionali plaga majoris Ecclesiæ S. Petri: quo fere loco cæteri Abbates usque ad sæculum decimum sextum sepeliri solebant. In Calendario antiquissimo Benedicti I. Abbatis mors ejus pridie Idus Majas his verbis annuntiatur: *Obiit Ilfungus primus hujus Conobii Abbas.* (z)

- (a) *Chron. Nidwald.* fol. 8. (b) *Khamm Hier. August. Part. 1. Cathedr.* fol. 226. num. 28. (c) *Artic. Ilfung.* (d) *Triebem. Chron. Hirsang. T. 1.* fol. 274. edit. S. Galli. (e) *MS. E.* fol. 10. (f) §. III. *Capitis I.* (g) *Codex MS. Anonymi f. 23.* (h) *Hund. T. 1. Metrop.* fol. 460. ex *Svaris Rebus Mogunt.* (i) *Hierarch. Aug. P. I. Cathedr.* fol. 93. (k) apud *Hundium in Addit. Gerold.* De Collaudatione &c. (l) *Ibid. in Addit. lit. l. marg.* (m) *De Episcopis Neuburgensibus consularum Annotatio P. Khamm in Hier. Aug. P. I. Cath.* fol. 68: & 69. (n) *Vocatur Albertus etiam Vid. Pez Anecd. T. 3. P. 3. col. 475.* (o) *Hist. Frising. fol. 60. Tom. 1. P. I. Atto iste Ariboni in Episcopatu Frising. successit. Ibid. fol. 84.* (p) *Monasterium hoc ad Ibmum Fluv. ab Alberto & Oskario Tegernseensis cenobii authoribus fundatum, Utonem seu Ottonem illorum sororium primum Abbatem habuit. Vid. Agnellus fol. 102. & 103.* (q) *Hist. Fris. T. 1. P. 1. fol. 70. & 71.* (r) *Metrop. Tom. 3. fol. 323. Instrumentum citatum de Perikhezo vid. in Hist. Fris. Tom. 1. P. 1. fol. 79.* (s) *T. 1. Metrop. f. 450. in Rubrica*

Rubrica de Collaudatione &c. (t) *Cap. I. §. III.* (u) & *not. cod. C. I. §. I.* (w) *Eckhart Rev. Franc. Tom. 1. Lib. 25. f. 726. 727.* (x) *Idem ibid.* (y) *Idem ibid. fol. 743. & deinceps sapius.* (z) *MS. D. fol. 13.* (†) *Suprà §. III. Cap. I. num. 42.*

§. III.

Adelmarus, Abbas secundus.

1. **S**UCCESSEIT ILLUS anno Domini 799. mense Junio. . Eo Monasterium nostrum gubernante Reibachi, loco non procul Dingolsingâ sito, in Dioecesi Ratisbonensi, hodiernâque Terrarchia Landshutana, coacta fuit Synodus ab Arnone Archiepiscopo Salisburgensi, cujus epistolam encyclicam, ad Episcopos Provinciales datam Clarissimus Pezsius exhibet. (a) Hujus Synodi Statuta Falckensteinus ex Duckero recitat, (b) & in Germania sacra Hansizius, (c) qui huic Synodo assignat annum 798. vel sequentis initium: Pezsius autem circiter 802. (d) Atque hoc verosimilius esse etiam Meichelbeckius arbitratur, (e) qui eodem loco recenset Episcopos & Abbates, qui interfuere, ex antiquissimo Instrumento Frisingensi: illis Hansizius ex Duckero adjungit Simbertum Augustensem, imò Nivvenburgensem Episcopum, ut in Bulla Leonis III. Papæ legere est. (f) Coepit Leo præesse anno 796. Unde patet, nondum Dioecesi Augustanam ultra Lycum illo tempore fuisse extentam, cum Simbertus, postea Augustensis Episcopus, hic Nivvenburgensis vocetur, Metropoli Salisburgensi, non Moguntinæ subiectus, ut hodie Augustanus. (g) Inter Abbates, qui interfuere huic Synodo, Adelmarus noster nec apud Meichelbeckium, nec apud Hansizium numeratur. (h) Verum interfuerit ille, nec ne, discutere, nostrum non arbitramur. Reibachium, cujus Prætura hodie Dingolsingana unita est, præterire nolimus, utpote quod à Duce Thassilone Monasterio nostro in dotem olim clementissimè donatum fuit. De eo dicendi locus nobis sæpius dabitur, & nunc etiam magis, postquam Plur. Rev. & Clarissimus Vir D. Joannes Evangelista Laiminger, familiaris olim meus, Protonotarius Apostolicus, & Reibachii Parochus 3. Martii anno 1752. humanissimis literis me, de S. Wollfinde Virgine & Martyre ibidem sepulta inquirentem, requisivit, ut ipsum de rebus ad eandem Divam pertinentibus (utpote cujus ne nomen quidem Reispachii notum est) redderem certiorē. Amico veteri satisfacere tam æquum, quam jucundum erit.

2. Propius ad nos attinet Monasterii nostri translatio ab Episcopatu Brixinenſi ad Auguſtanum, ut antè inſinuavimus. Id factum eſt per S. Sympertum : qui cùm Amberto Auſtraſiæ Moſellaniæ Duce & Symphoria-na Caroli Magni ſorore natus eſſet, (i) maximo in honore apud avuncu-lum Imperatorem fuit. Hic anno Domini 800. Imperator factus (k) li-beratiorem etiam Symperto ſe præbuit, effecitque, ut Episcopatus Neo-burgenſis, conſentiente ſummo Pontifice, uniretur Auguſtano. Mona-ſterium noſtrum, aliæque alpiſus viciniore ad Brixinenſem ſeu Sabionen-ſem Dioceſin pertinebant, ſicut de Pollingano Mabillonius aſſerit, (l) & de noſtro, tamquam eidem vicino, dubitare vix licet, cùm in anti-quiſſimo Calendario noſtro SS. Ingenuinus Epiſcopus & Caſſianus Mar-tyr, hodieſum illius Dioceſeos Patroni, reperiuntur. Neque documen-tum ullum reperimus, quo vel Neoburgenſi, vel Friſingenſi Dioceſi fue-rimus accenſiti. (m)

3. Singularem verò commemorationem dignum eſt Concilium Aquisgra-nenſe, anno D. 817. tertio Ludovici Pii Imperatoris annò celebratum. Præſuit ei, quantum ad monachos attinet, S. Benedictus Anianæ Abbas, ſtatutique ſunt articuli 72. ab omnibus regni Francorum cœnobiiſ uniformiter & perpetuò obſervandi. Plerosque relatos explicatòsque videre eſt apud Mabillonium (n) & Haſſtenum (o) cum tota fere Concilii illius Hiſtoria. Quod propius Bavariam noſtram reſpicit, eſt Conſtitutum pe-culiare Imperatoris de Monafteriis primæ claſſis, *qua dona & militiam face-re poſſent* : ſecundæ, *qua ſola dona ſine militia* : tertię, *qua nec dona nec mili-tiam, ſed ſolas orationes pro ſalute Imperatoris & filiorum ejus, & ſtabilitate imperii.* Sub quorum prima claſſe ex Bayariciſ *Mauſcenſe* & *Tegernſcenſe* referuntur: ſub ſecunda *Altabenſe* ſuperius, ut puto ; nam inferius tam dona, quam militiam dediffe, patet ex Epiſtola Caroli Magni Imperatoris ad Fulradum ejus Abbatem, quæ videri poteſt apud Pezium : (p) item *Cremſanenſe*, *Maſſenſe*, *Benedictoburanum* : ſub tertia claſſe *Mettenſe* & *Welfoſenſe*. (q)

4. Fatetur Mabillonius, ea, quæ ipſe refert Concilii hujus acta, à Sirmondo ex mendoso Codice fuiſſe eruta, præcipuè circa nomina Mo-naſteriorum. Aliqua horum Mabillonio incognita declarat Clar. Eckhar-tus, (r) qui Monafterium Clehewang, Mabillonio ignotum, Elchevvang, ſeu *Elwangenſe* interpretatur. *Frabelimanc* (quod itidem in Alemannia, & confinio Elwangenſis Dominiſ ſitum) Mabillonio, & Eckharto Feuch-tvvanga eſt, olim Abbatia, ſed Hungarorum irruptione vaſtata, & à Goz-berto demum Abbate Tegernſcenſi reſtaurata ac monachis inſtructa, Wi-gone Tegernſcenſi eorum Decanum, id eſt, Priorem agente. De loci hujus ſitu videri poteſt Hübneri Lexicon Univerſale (s) & Mappa Geogra-

phica Matthæi Seutteri. (r) Quid Wigo ad emolumentum hujus Monasterii conferre conatus sit, monstrant ejusdem epistolæ ad Henricum Bavariz Ducem, & Adelhaidem Augustam. Gozbertus in Necrologio Augiensi recensetur tamquam Abbas Fiutwangenensis. (u) Successu temporis Monasterium istud ob longinquum loci ab origine sua situm & bellorum turbas intercidit, & in Collegium Canonorum mutatum fuit: unde proverbium ortum de vicinioribus ejusmodi Eustadio Collegiis: Herrenriedense *doctissimum*, Anspacense *nobilissimum*, Feuchtwangense *inquietissimum*. (w) fortè propter multos labores Apostolicos. Hæc olim, cum Catholica his locis floreret Religio, Dioecesi Augustanæ insertam fuisse Feuchtwangam docet Stengelius in Mantissa cap. V. & apparet ex fiducia, qua Decanus Wigo Luitolphum, seu Liutoldum Episcopum Augustanum sæpius invocavit. (x) - Gözbertum Abbatem paucis commendat Clariss. P. Nonnosus Pämer Prior Tegernseensis:

Ergo sic inter proprios labores,
Quos tibi summos tua sponsa gignit,
Pro peregrinis etiam laboras,

Optime Princeps?

Idem enim Abbas Monasterium Tegernseense ædificiis, librisque ornavit, & per dictum Wigonem Monasterium Feuchtenwangense erexit. (y)

§. Inter Bavariz Monasteria in dicto Concilio recensita numeratur *Altensburg*, quod Mabillonius & Eckhartus interpretantur *Altomünster*: cur autem non potiùs *Weltenburg*, quod jam tunc suos Abbates habuit? De *Altomünster* nec in Dingolfingana Synodo quisquam comparuit: & S. Altone mortuo brevi desolatum legitur. (z) Favet huic opinioni major inter *Altenburgi* & *Weltenburgi* nomina similitudo. Deinde pro *Creansa* securè legitur *Cremsa*, seu *Cremisanense* monasterium: nec obstat, quòd hodie non sit in Bavaria: fuit autem Concilii hujus tempore, & usque ad Fridericum Ænobrabum Imperatorem. *Berch*, incertæ originis monasterium, à Willtrude Bertholdi Bavariz Ducis superstite Vidua anno 976. non primùm fundatum, sed restauratum fuisse (A) videtur. De hoc monasterio copiosè scribit Falckensteinus. (B) Monasterium *Scovenarwa* in Mappa Germaniz Chronici Gottwicensis exhibitæ inter Rotam & Vilsam fluviis invenitur, de quo superiùs jam diximus. (C) *Moseburch* malim ego *Moseburg* seu *Mospurgense* monasterium putare, quàm *Salzburgense*: illud ad Ilaram situm, olim amplissimum, dein ab Arnulpho Imperatore Waldoni Episcopo Frisingensi commissum, demum à Co-

à Cowone Chorepiscopo, sub quo jam *Abbatia* nomine veniebat, permutatione facta cessum fuit Dracolfo, qui illud omnino deprædatus est. (D) Cætera Monasteria, apud Mabillonium & Eckhartum recitata, lectoris divinationi relinquo.

6. Cæterum de Adelmari gestis nihil nobis scripto relictum est. Cum verò, omiſſis aliis pluribus Bavariz Monasteriis Wessofontanum in Concilio Aquisgranensi recenseatur, dubitare non possumus, quin eidem Abbas noster interfuerit, ad uniformem sacri Ordinis disciplinam studium suum contulerit, S. Benedicti Anianensis consilii acquieverit, & reversus in patriam saluberrima Statuta monachis suis inculcavit. Præfuit Adelmarius triginta ferè & duobus annis: diem obitus ejus invidit nobis antiquitas; mortis annus assignatur octingentesimus trigessimus primus. (E)

- (a) *Tom. 6. Anecd. col. 74. n. IV.* (b) *Antiq. Nordg. Parte. 1. c. 3. §. 4. fol. 26, col. 1. & 2.* (c) *Tom. 2. fol. 110. a. Verum tam Hanfizius l. c. quam Meichelbeckius parum ingenue ea posteris tradita arbitrantur. Hist. Fris. T. 1. P. 1. f. 94.* (d) *cit. loc. in margine.* (e) *T. 1. Hist. Fris. P. 1. fol. 94.* (f) *Tom. 2. Germ. S. fol. 106.* (g) *Idem ibid. f. 107. c.* (h) *Hist. Fris. T. 1. part. 1. f. 94. Hanfiz l. c. fol. 110.* (i) *Hier. August. P. I. Cathed. fol. 99.* (k) *Eckhart. Rev. Franc. T. 2. fol. 3.* (l) *Annal. Bened. Tom. 2. fol. 165.* (m) *Vid. Hanfiz. Tom. 2. Germ. S. fol. 7. ubi Sympertus dicitur Autoritate Leonis Papæ & consensu Caroli Imperatoris utramque Parochiam (Diæcesin) Alemannorum & Noricorum (id est, Bojorum) ex utraque parte Lyci fluminis coadunasse. Vid. Hier. Aug. Cathedr. f. 68. & 69. ubi in Annotatione ex instituto banc rem tractat. Item ibidem fol. 100. num. 9. marg.* (n) *Tom. 2. Annal. Bened. fol. 426, & c. num. LI.* (o) *Post Disquis. Monast. Vide & nonnullos in Chron. Nideralt. fol. 35. ad annum 817.* (p) *Tom. 6. Anecdor. col. 73. n. VIII.* (q) *Mabill. Ann. Bened. T. 2. f. 438.* (r) *Tom. 2. R. Franc. f. 143.* (s) *Artic. Seuchterwang! & brevius in Zeitungen Lexico cod. art.* (t) *Q. bc.* (u) *apud Mabill. & Eckhart. cit. locis.* (w) *Falkenstein Antiquit. Nordg. P. 2. fol. 286. §. III.* (x) *Per. T. 6. Anecd. P. I. à colum. 112. Epistol. 4. 6. 11. & 12.* (y) *In Serie Principum & Abbatum Tegernseensium fol. 32. typis Monasterii edita anno 1746.* (z) *Hund. Metrop. Tom. 2. fol. 82. d. & 83. a.* (A) *Agnell. in Arnulpho defenso fol. 93.* (B) *Antiq. Nordg. P. II. c. 4. sect. 2.* (C) *Cap. n. §. 3. num. 27.* (D) *Hist. Fris. T. 1. P. 1. fol. 145, 158. 160. & 161.* (E) *MS. E. pag. 3.*

§. IV. . .

Reimundus, Abbas tertius.

1. **D**E Reimundo Annales nostri hæc pauca referunt : *Anno Domini 831. Reimundus Abbas tertius successit, & præfuit quadraginta tribus annis. Ac obiit sub anno salutis 873. tempore Adriani Papæ secundi & Ludovici secundi Imperatoris Romanorum.* Eodem anno Adrianus etiam Papa est mortuus, & Joannes ejus nominis octavus successit. Ludovicus verò Imperator ejus nominis secundus est intelligendus, filius Lotharii, nepos Ludovici Pii : successit patri anno 855. & imperavit usque ad annum 875. Raymündum nostrum monachorum suffragiis electum fuisse credimus, cum recens tunc fuërit Ludovici Pii Decretum pro eligendi libertate. Alias enim non liberis eligentium votis, sed Imperatorum arbitrio monasteriis Abbates dabantur, ideóque palatia Cæsarum Candidatis tam civilium & militarium, quàm Ecclesiasticarum dignitatum redundabant, ex quibus Principes, quem aut virtute aut doctrinâ præstantiorem, vel sanguine propinquiorem, vel ab obsequiis præstitis chariorem habebant, non ad Abbacias solum, sed & Sedes Episcopales deligebant : donec Ludovicus Pius in Concilio illo Aquisgranensi declaravit, *se assensum Ordini Ecclesiastico præbuisse, ut Episcopi per electionem Cleri & populi, secundum Statuta Canonum, de propria Diocesi, remota personarum & munerum acceptatione, ob visa meritum & sapientia donum eligantur.* (a) Idem Imperator etiam *Monachis ex seipsis Abbatem eligendi licentiam concessit.* (b) Verùm utraque hæc constitutio non diu post Ludovici Pii tempora iterum fuit neglecta, & prior consuetudo re-tenta ad sæculum usque undecimum & ultra : cujus rei paulò inferiùs exemplum videbimus.

2. Cum porrò de Actis Reimundi Abbatis nihil constet, Episcopos Augustanos, qui primum hoc Monasterii nostri Sæculum illustrarunt, recensere operæ pretium erit. Desumo illos ex antiquo Catalogo Wessofontano, quem Stephanus Leopolder anno 1525. ex antiquiore quodam descripsit, sed suis quoque, ut mihi videtur, appendicibus interpolavit. Primus fuit S. WICTERPUS, qui ab anno 736. sedit, & anno 753. sub ipsa monasterii nostri primordia decessit. Dicitur tamen in eodem Calendario Ecclesiam nostram consecrassè ; quod facere & S. Bonifacio adjutor esse potuisset, vocatus è vicino nobis Hepatico, quo loco sanctissimè obiit. At jam consecrationem S. Bonifacio tribuere cœpimus. (c) De S. Wicterpo alibi nobis redibit sermo. (d) S. Wicterpo successit S. THOSSO anno 753. & præfuit annis 12. Hic fuerat S. Magni socius,

& à

& à Waltenhofensi Paroecia ad Augustanam cathedram evocatus. Thofoni post ingentem hiatum (quo tempore Sedem vacasse Scriptor autumat propter guerram inter Gotfridum Ducem Suevorum & Odilonem Ducem Noricorum, errore tamen manifesto) primum anno octingentesimo quarto juxta Catalogum, sed melius juxta Khammum anno 788. successit S. SYMBERTUS, qui primus Dioecesin Augustanam ultra Lycum extendit, ut supra diximus. (c). De sanctissimo hoc Præsule, in vita & post fata miraculis claro videatur Hierarchia Augustana. Præfuit juxta Catalogum triginta annis. S. Symberti vices anno 840. suscepit HANTO ex nobilissima stirpe Comitum Andecensium, qui præfuit annis septem. Demum claudit hoc sæculum WALTHERUS Episcopus, qui electus an. 847. sedit annis decem. Catalogum hunc antiquitatis causa adhibui, quem in Historia nostra non sequor, sed Clarissimi P. Corbiniani Khamm vestigiis insisto: qui tamen ipse non dissimulat, anxie se hujus sæculi Pontificum seriem texere, Gaffero, Bruschio, Stengelio, Bucelino diversa sentientibus. Fortè tamen hic ipse Catalogus cuidam ulterius inquirere volenti serviet, cum, excepto hiatu illo, rotundè cuivis Episcopo annos suos assignet.

(a) Eckhart T. 2. R. Franc. f. 134. ex Cap. 2. (b) Idem ibidem ex cap. 4. (c) Cap. I. §. 3. num. 41. (d) Sac. V. sub B. Walthone. (e) Cap. II. §. II. num. 2.



SÆCULUM SECUNDUM WESSOFONTANUM

Ab anno Christi 853. usque ad annum 953.

C A P U T I.

QUæ adhuc de Reimundo Abbate tertio scribenda superessent, ea jam §. III. præcedente absolvimus. Præfuit enim ille viginti etiam annis ab initio hujus Sæculi, demum anno 873. defunctus. Quare ad reliquorum Abbatum nomina & sacræ gubernationis tempora transimus.

§. I.

ADELHELMUS Abbas quartus. SNELLO Abbas quintus. HATTO Abbas sextus. Sigimarus Abbas SEPTIMUS.

1. **ADELHELMUS** Abbas anno 873. Reimundo successit, sive fratrum suffragiis, sive Imperatoris favore. Proximo anno, nempe Christi 874. ad superos abiit Adalgerus Episcopus Augustanus, cui defuncto subrogatus est S. Nidgarius seu Neodegarius, antea monachus & Abbas Ottoburanus. Hic paucis annis, quibus præfuit, plurimum profuit doctrinæ, effusæque in Ecclesias & egenos liberalitate. Quarto autem præsulatus anno migravit ad cælos. Illi successit Lanto anno 878. qui Ecclesiam S. Magni collapsam erexit, ejusdemque Divi Vitæ Ermanricæ Elvacensi Monacho conscribendam demandavit. Lantonem anno 883. excepit Udalmannus Episcopus, seditque annis septem, quo gubernante anno 886. Abbas noster Adelhelmus obiit, cum per duodecim annos Monasterium nostrum rexisset.

2. De Adelhelmo Anonymus quidam sub initium Sæculi decimi sexti annotavit, eum ab aliquibus dictum fuisse ADILMANNUM, atque id nomen in veteri Capella Beatissimæ Virginis Wessofontana se vidisse. (a) Falckensteinus de inclyto stemmate Adelmanorum de Adelmansfelden scribens antiquius illud esse asserit, quam Bucelinus docuerit: hic enim ejus stemmatis originem ducit ab anno 1236. ipse verò producit ADELMANNUM quemdam, Moguntiae S. Albani Abbatem, qui anno 1093. vixerit. Quo jure Falckensteinus, eodem alius stemmatis hujus antiquitatem auxerit, ADILMANNUM nostrum seu Adelhelmmum Abbatem ab anno 874. huic illustrissimo stemmati asserendo. Quod quam nobis honorificum foret, tam non volumus esse sententiæ pertinaces. In honorem tamen clarissimi sanguinis hanc animadvertionem nostram latere nolumus. (b)

3. **SNELLO** Abbas Adelhelmo successit anno 886. sub cujus initia, nimirum anno 890. defuncto Udalmano Episcopo Augustano successit Witgarius. Hic post tres annos mortuus sacros sacros S. Adalberoni reliquit, qui in monasterio Elvacensi monasticam vitam professus, inde ad informandum Ludovicum Arnulphi Imperatoris filium evocatus, denuò ad monasterii sui Abbatiam gerendam revocatus, pro generis sui splendore (erat enim ex Comitibus Witislingæ & Kyburgi oriundus) & in-

signi

signi virtutis ac sapientiae merito ad Episcopatum Augustanum promotus est, uberrimo Dioeceseos emolumento. Elogium ejus amplissimum legitur apud Khammum; (c) nullum verò potest esse magnificentius, quàm quòd S. Udalicum, cognatum suum adolescentem, ad virtutem verbo & exemplo ipse instruxerit, & Episcopatus paulò post se tanta cum gloria gerendo aptaverit.

4. De Snellonis actis nihil nobis innotuit. In Catalogo perveteri Librorum Bibliothecae nostrae, circa Saeculi duodecimi finem conscripto, invenio *Misale Snellonis*. Num id ipse manu sua conscripserit, vel aliunde monasterio comparaverit, aut secum ad religionem veniens apportaverit, non ausim statuere. Ceterum obiit Snello anno 904. die decimâ quartâ Calendas Aprilis, postquam annis octodecim gubernavit.

5. HATTO, post Snellonem ad clavum promotus, duobus tantum annis & aliquid ultra monasterio praefuit, ærumnis fortè confectus. Hujus enim tempore, ut Chronicon nostrum loquitur, combusserunt Hunni Bavariam. Ad rem doctissimus Eckhartus scribit: non diu post hac, anno nempe 907. Bajuarii cum Hungaris congressi magnam stragem patiuntur. In ipso praelio fortissimus Luitboldus dux occumbit, cui filius ejus Arnulfus, teste consinnatore Reginonis, in Ducatu succedit. (d) Eodem in praelio cecidia Uto Frisingensis Episcopus, Meichelbeckio teste. (e) Chronicon etiam Nideraltahense conqueritur, Aaronis Abbatis tempore, si non anno 907. certè 910. vel 912. vastata fuisse Orienti propiora Bojarum Monasteria, ad Superiorem & Inferiorem Quercum, Mettenense, Osterhovensè, & alia. (f) Quis tunc terror, & trepidatio patriam universam concusserit, conjicere facilius est, quàm explicare. Sine dubio Reyspachium quoque nostrum non exigua passum est detrimenta. Inter turbines illos ne dies quidem emortalis de Hattone est annocatus.

6. Hattoni atrocissima illa tempestate SIGIMARUS successit anno nonagesimo septimo. Non additur, quamdiu praefuerit. Sola dies obitus invenitur, sexta Idus Novembris. Anno 909. à terrenis ad coelestia transit S. Adalbero Episcopus Augustanus post sexdecim regiminis annos, & Hiltinum successorem accepit, qui per annos quindecim sedit. De Sigimari nostri actis nil venit ad posteros. Cum igitur incertus sit annus, quo iste decesserit, & quo Benedictus Abbas successerit, operæ pretium putavimus, de famoso illo Bojorum Duce Arnolpho, quem plures *Mah* nomine appellant, circa hoc ipsum tempus dominante, pauca, & compendio dicere.

(a) *MS. D. paginâ insertâ post fol. 22.* (b) *Vid. Falckenstein Antiquitat. Nordg. Parte 2. Cap. I. §. 3.* (c) *Hierarch. August. Cathed. fol. 120.* (d) *Tom. 2. Rev. Franc. fol. 818.* (e) *Hist. Frising. Tom. 1. Part. 1. fol. 156.* (f) *fol. 58.*

§. II.

De Arnolpho Bojorum Duce strenuissimo.

1. **M**entionem jam fecimus de Hungaris Bajoariam dirè invadentibus, & Luitboldo Duce Bojorum in pugna interempto. Tantæ calamitati remedium sperabatur ex Arnolpho Duce, quem Luitboldo patri successisse diximus. Quòd Arnolphus Ducis & nomen & dignitatem palam gesserit, patet ex titulo, quem anno nongentesimo octavo diplomati præfixit: *Arnolphus divinâ ordinante providentiâ Dux Bajoariorum & etiam adjacentium regionum.* (a) Nec animus Duci defuit, nec spes concepta patriam fefellit. Nam anno 912. ut Hermannus Contractus testatur, (b) celebrem ex Hungaris victoriam reportavit. Cum enim illi vastatâ miserè Suevia per Bavariam iter relegerent, Arnolphus Dux, & cum eo Erchangerus, Perchtoldus, Adalricus Comites ad Oenum fluvium cum numerofo exercitu, ex Bojis Alemannisque collecto occurrerunt, eosque strage tam luculenta prostraverunt, ut ex omni numero haud plures, quàm triginta, evasisse memorentur. (c) Breve verò Bojis hoc gaudium fuit: cum Arnolphus biennio post Henrici Saxoniz, Burchardi Sueviz, Gisilberti Lotharingiz Ducis exempla secutus, Conrado novo Francorum Regi bellum intulit: illis verò victas manus dantibus, quod ipse dignitatis patriæ tenax facere noluit, fugâ se recipere in alpes Noricas & Carantanas coactus fuit.

2. Ibi dum latet, anno 916. Alchemii in Rhætia coacto Episcoporum Concilio Aventinus Arnolphum è fidelium coetu proscriptum fuisse nullo nominato teste asserit. Verùm Ekkehardus junior, sæculi undecimi scriptor, omisso Arnolpho, tres alios nominat propter injurias Salomoni Constantiensis Episcopo illatas condemnatos. Arnolphus dein Salisburgo reversus in patriam, novumque bellum in Conradum molitus, Ratisbonæ se communicavit: sed à Rege obsessus, ejusque potentia territus cum uxore & liberis in Hungariam elapsus est. Audita demum Conradi morte, quæ anno 918. contigit, certiorque factus de Henrico Aucupe in Regem electo, anno sequente in patriam rediit, à primoribus Bojorum titulum Regis accepit, operâ inter Optimates divisâ mures urbis Ratisbonæ exstruxit, & munita turri roboravit. Henricum Regem aded non timuit, ut potius ipse Rex, incertam belli aleam experiri nolens, Arnolphum ad colloquium evocârit, maximis pròmissis amicum fecerit, facultatèque Bojariz Episcopos constituendi eidem concesserit.

3. Ar-

3. Arnolphus jam Ducis titulo contentus obligatam semel Henrico fidem ad obitum usque inconcussam servavit. Nam & proximo anno pro Rege exercitum in Bohemiam duxit, gentemque tumultuantem ad ejusdem obsequium compulit. Paria officia Henrico Arnolphus præstitit anno 928. quo iterum Bohemos armis invasit, penitusque debellavit, & eorum regem ad annuum tributum Henrico pendendum coëgit. Arnolphus verò Dux, qui ad sustinendos bellorum sumptus Ecclesiarum quoque facultates impendere sibi fas esse existimaverat, querelis sacrorum hominum commotus anno 932. Conventum cum Episcopis Dingolfingæ celebravit, & juxta Henrici præceptum Ecclesiæ præ cæteris Frisingensi erepta in Tirolis bona restituit, negotio desuper Bertholdo fratri commisso: unde rectè collegit Brunnerus, teste Hansizio, (d) Arnolphum Ducem *juniorum deinceps animum etiam adversus cæteras Ecclesias in-
dixisse.*

4. Quis verò fieri potuisse existimet, ut omnibus satisfaceret? Habemus vetustum in membrana catalogum, quo recensentur *prædia Westesbrunnensi Ecclesiæ subacta*, diversis septendecim locis, & quidem *ad München hobe decem, ad Sitten sex hobe, ad Scalswangsch hobe sex*: alibi tantum *hoba una* vel *dimidia*. Quantum ex his omnibus restitutum fuerit, non legimus. Sittensia quidem & Scalswangensia possidemus, sed neutro loco tot prædia supersunt, quot ibi numerantur. Pro Monacensibus ea fortè restituta censi possint, quæ sæculo undecimo *ad Prunnen, Gutzingen, Mosabe, Sentzingen*, & in illa *Prepositura trans fluvium Isaram* possedimus. (e)

5. Anno dehinc 935. Arnolphum nostrum, à Veronensi Episcopo & Milone Comite invitatum, coronæ Longobardicæ spes in Italiam vocavit. Expeditionis socius Duci fuit Udelbertus Archiepiscopus Salisburgensis: (f) & Verona quidem statim Arnolpho paruit; verum is, quorundam è suis intellecta per insidias strage, fraudem veritus in Bavariam redire consultius duxit. Anno 936. Henrico Regi successit Otto ejusdem filius, qui cum Aquisgrani à Moguntino publicè inauguraretur, Arnolphus noster equestri ordini & eligendis locandisque castris præfuit, fidem suam Cæsari, modestiam imperio probavit, nihil, ut antea, turbarum machinatus. Anno proximè sequenti diem suum obiit Arnolphus Dux & Ratisbonæ in templo S. Emmerami honorificè sepultus est.

6. Apage feræ illas fabulas, quæ ferantur de iis, quæ mortem Arnolphi secuta sint, nullo autore synchrono aut ejus ævi suppare nixæ, qualia

qualia ad febricentium somnia sunt releganda. Hoc potius laudis eidem dandum, quòd ipsa illius, quæ tantopere vapulat, ad Hungaros fuga ex aliqua parte Bavariz fuerit salutaris. Nam eo dominante gens illa in Alemanniam quidam, aliisque Germaniz provincias ferro, rapinis, & igne deserviit: in Bariam non venit, quamdiu Arnolphus vixit à strage illa, quam Hungaris anno 912. apud Oenum fluvium intulit. Vix vero efflârât animam, eorum crevit audacia; eodem quippe anno 937. quo *Arnolphus Norisorum Dux obiit*, subdit Hermannus Contractus: *Hungari per Bajeariam Alemanniamque & orientalem Franciam pradis, gladio, igneque furando vagabantur.* (g) Atque hæc de Arnolpho fortissimo Duce, fatorum victore, hodiernæ Serenissimæ Domûs Bavaricæ Progenitore, nec leviter assentando, nec sæviùs accusando, referenda, & lectoris æquò iudicio subijcenda censuimus. Omnia verò ex antiquis Authoribus desumpta largiùs exhibet *Iusta defensio* ab Agnello Candler Monachii edita. (h)

(a) *Hand. T. 1. Metrop. f. 131. in Addit.* (b) *apud Pistorium Tom. 1. fol. 255.*

(c) *Agnell. in Iusta defensione fol. 5. n. 2.* (d) *Tom. 2. Germ. S. fol. 146.*

num. 2. (e) *MS. D. fol. 36.* (f) *loco Hansiz. ante citato fol. eod. num. 3.*

(g) *apud Pistorium Tom. 1. fol. 258. ad ann. 937.* (h) *Secl. 2. à fol. 5. usque ad fol. 13.*

§. III.

BENEDICTUS I. Abbas octavus.

1. **H**unc denique Abbatem ex gremio monasterii nostri ad regimen promotum affirmare possumus, cùm à Stephano nostro Leopoldero dissertis verbis dicatur *presbyter & monachus nostre Congregationis.* (a) Alius Codex ita de Benedicto loquitur: *hic fuit optimus scriptor, ut patet in suo Calendario, quem manu sua scripsit, ubi plures donationes nobilium & ignobilium personarum habentur.* (b) Alludit Anonymus Wessofontanus initio sæculi decimi sexti de Benedicto nostro sic loquens: *singularis scriptor extitit, ut apud nos Calendarii antiqui littera monstrabit.* (c) Die quinto Idus Novembris in eodem Calendario annuntiatur Benedicti obitus his verbis: *Benedictus Abbas & Monachus nostre Congregationis, qui istum librum scripsit, obiit.* (d) Calendarium istud in autographo, quod iniquo illo Aventini, Bruschi, & aliorum ævo ablatum credimus, non amplius superest: ejus ecgraphum habemus à Stephano Leopolder ineunte sæculo XVI. exaratum. Præfiguntur in eo singulis mensibus duo versus hexametri, ex quibus & Poëtices illo ævo usitatæ, & Mathematices per-

ritum

ritum fuisse Benedictum patet ; præter insignem Orthographiæ elegantiam.

2. Mabillonius scribit , (e) Adalberonem S. Udalrici ex sorore nepotem *cuidam doctissimo magistro Benedicto monacho* , ut in Grammatica aliisque disciplinis erudiretur , fuisse commendatum. In Actis autem Sanctorum , (f) ubi vitam S. Udalrici recenset , de Benedicto magistro in Notis interrogat : *quis iste Benedictus ? nondum addiscere potui. An Benedictus Abbas Wessprunensis in Bavaria ante medium seculum decimum ?* Si vir iste doctissimus & modestissimus diutius apud nos dimorari , & illa , quæ superius de Benedicto protulimus , in chartario nostro videre potuisset , (g) fortasse non interrogasset aut divinasset tantum , sed agnovisset & vulgasset , quisnam esset ille , cui tanquam *doctissimo magistro Benedicto monacho* Adalberonem , suum ex sorore nepotem , S. Udalricus commendavit , ut in Grammatica aliisque disciplinis erudiretur. Nempe Benedictus Abbas noster is verosimillimè fuit , qui egregium & illustrissimum adolescentem ad pietatem & artes optimas erudit , eaque operâ sanctum Adalberonis avunculum ita sibi devinxit , ut cœnobium nostrum amore foveret , beneficiis cumulare. Chronologia certè nihil refragari videtur , cum Benedictus ab anno circiter 933. usque ad annum 943. præfuerit , adeoque Adalberonem pluribus annis erudire potuerit , donec Byrtilone Abbate defuncto Adalbero ad Abbatiam Ottoburanam anno 941. promoveretur. (h) Imò , si verum est , quod P. Corbinianus Khamm , tam senio , quàm eruditione venerabilis asserit , Adalberonem juniorem , sicut seniore , *jurasse in legem S. Benedicti* , (i) quis inconsultæ temeritatis arguat suspicantem , eum ad ejusdem sanctissimi Patris regulam in Monasteriis nostro fuisse formatum , si non etiam eandem professum ?

3. Quantum ad Benedictum Abbatem nostrum attinet , tametsi apud fontes nostros Religioni juratum fuisse , certum habeam , antea tamen quàm Abbas fieret , in alterutro Moguntino S. Mathiæ , vel S. Maximini cœnobio litteris & scientiis eruditum existimo. Florebant illo sæculo ambo hæc monasteria maximis doctoribus , præcipuè Florberto & Eberhardo , de quibus Mabillonius , (k) & aliis multò pluribus , quos Reverendissimus Honthémus in Historia Trevirensi Dogmatica Pragmatica per ordinem recenset. (l) Confirmat me in ea de Benedicto nostro sententia id , quod ex ipso ejusdem Calendario , de quo superius , eruo : cur enim in eo tot Sanctos Trevirensium Præsules memorasset , nisi rerum Trevirensium noticiam propius ipse hausisset ? Recensentur verò in Januario Celsus , in Aprili Abrunculus , in Majo Maximinus & Modoaldus , in

Octo-

Octobri Severinus, quorum nulla est cum Augustiana Diocesi connexio, cum simus Provinciæ Moguntinæ, non Trevirensis.

4. Denique Benedicto Abbati pro Adalberonis instructione largum à S. Udalrico didactum fuisse persolutum arbitror, dum decimas quasdam Monasterio attribuisse legitur in Bulla Innocentii II. Pontificis anno 1141. datâ, his verbis: *super decimis à Fratribus nostris Wolfgango Ratisbonensi & UDALRICO Augustensi Episcopis Ecclesia vestra concessis, nullatenus liceat vos ausu temerario fatigare.* (m) Obiit Benedictus, ut supra diximus, anno Domini 943. die quintâ Idus Novembris, id est, ejusdem mensis die nonâ.

(a) *MS. C. fol. 56.* (b) *MS. E. fol. 4.* (c) *MS. D. inter fol. 22. & 23.* (d) *MS. D. fol. 19.* (e) *Tom. 3. Annal. Bened. fol. 381. num. 71.* (f) *Idem Sac. V. fol. 425.* (g) *Vid. etiam Indices tam in Actis, quam Annalibus Mabill. art. Benedictus.* (h) *Hier. Aug. P. I. Cathed. fol. 122. num. 14.* (i) *Hier. Aug. P. 3. Regulari fol. 346. num. 86. Confer. cum nota preced.* (k) *Tom. 3. Annal. fol. 250.* (l) *Hist. Trevir. Dissertatione ad Sac. 10. f. 250. & 251.* (m) *MS. D. fol. 51.*

CAPUT SECUNDUM.

De SS. Thientone & focii Martyribus, eorûmque residuis in hodiernum diem monumentis.

TAmetsi Authores diversi de Thientone Abbate nostro, sociisque ejus scripserunt, plura tamen desiderârunt, quàm vel à nobis, vel ab aliis, ad quos meliora nostra documenta pervenisse suspicamur, potuerint obtinere, orbi catholico ad pietatis incitamentum enarranda. Maximè verò Religiosissimi ac Eruditissimi Hagiographi Antverpienses tomo primo Aprilis (a) sollicitè inquirunt de Sanctorum nostrorum Actis, iterûmque tomo septimo Junii inter tres, quos ex omnibus tomo I. Aprilis die 3. prætermisiss etiamnum memorandos recensent, Thientonem quoque collocant, & tacitè documenta requirunt. (b) Sicut igitur Clarissimis Viris gratias debemus amplissimas pro constanti in Sanctos nostros studio, ita quidquid nobis de illorum memoria reliquum est, promptissimè communicamus, tamquam iis Scriptoribus, quorum operâ Martyrum nostrorum gloria latius per orbem, quàm hac meâ scriptiunculâ propagetur. Imò secundum istud Monasteriî nostri seculum non meliore cerâ obsignare nos posse censemus, quàm pretio:

pretioso Martyrum istorum sanguine, quem pro Catholica fide tam fortes athletæ, quàm innocentes victimæ profuderunt.

(a) *Ad diem 3. fel. 298. inter prætermisiss.* (b) *Tam 3. Parte II. In Ephemeridibus ad diem 3. April.*

§. I.

Thientonis Abbatis acta & fata brevi historia referuntur.

1. **N**ONUS Monasterii Wessofontani Abbas Thiento fuit. Insidit ille in tempora profectò iniquissima, quibus tum hostium furores, tum Principum vi exhaustæ facultates monachorum numerum ad paucitatem redeigere. Quo admirabilior Thientonis nostri constantia videri debet, quem non piguit inter rei familiaris angustias, interque minantes hostium gladios coeptum pietatis iter proseguere, neque in mentem venit, vitam suam securitati mandare. Habebat secum in cœnobio novem, nec plures monachos. Cum his divinam voluntatem fortissimo animo præstolabatur, paratus, si cœlo sic foret libitum, sanguinem pro Christi lege profunderet.

2. Et jam optata suscipiendæ pro Christo mortis videbatur occasio appropinquare, cum Snelbardus, Abbas Benedictoburanis obtrusus, Hungarorum, alpius-victimiorum vastandum furor se subtrahens, deserto grege suo ad nostrum se monasterium inexpectatus hospes recepisset. Is jam anno 18. hujus sæculi, non liberis monachorum suffragiis electus, sed imperatoria pœrestate missus, ejus non faciem modò, sed & nomen Benedictoburani nosciant, donec repente illius adventum cognoscerent, & nomen simul. Erat tunc inter eos quidam magnæ gravitatis Presbyter & Monachus, Adalungus nomine, qui, quid de novo Abbate sentiret, requisitus, vaticinando dixit: „Scitote, fratres, in adventu Snelbarði monastice discipline maiorem habiturum finem: hoc enim nominis illius celeritas præsignat, quod acceleraverit ruina monastici hujus statûs. Quod me incredulitate putatis, hoc vobis signum erit, me scilicet hodie a carnis carcere transiitum.“ Quod & factum est. Cunctis namque in Ecclesia coadunatis cum apparatu Processionis pro susceptione solita novi Abbatis, idem beatus vir oratione præmissa expansis in modum crucis manibus ante altare S. Benedicti corruens spiritum reddidit 18. Calendas Decembris, & sic advancantis ruinæ, quam prædixerat, tremendum in semetipso exemplum præbuit. Hæc ex Chronico Benedictoburano; ubi post pauca subiicitur:

jicitur: *Abbas Snelbardus jam pridem, quia intrusus fuerat, adventantibus lapidis (Hungaris) in Wessinibran conebitum fugerat, ubi & vigesimo octavo sui regiminis anno dormitione preventus pausat.* (a) Contigit hæc Snelbardi mors anno Domini 946, si verum est, quod anno 914. intrusus nomen Abbatis gesserit viginti octo annis. Adeatur Hundius. (b) apud quem, quid de insigni illo S. Benedicti Monasterio deinceps usque ad annum Millesimum Trigessimum, quo verum depono Abbatem accepit, actum sit, inveniri potest.

3. Tuti tunc erant Wessonis Fontes, donec elapsis novem annis proximior arderet Ucalegon. Obierat anno 954. in coenobio Werdenſi, quod ipse nuperrime sibi, pluribusque incolis Benedictinam Regulam professis fundaverat, S. Rasso Comes Andecensis, singulari Dei providentiâ, velut alter Loth, communi ereptus incendio. Proximo enim anno insuli in Bavariam Hungari ferro omnia igneque vastabant, divinis præsertim ædibus & hominibus sacris infesti. Jamque ad Ambronem lacum progressi situm in Amperæ fluminis insula monasterium Werdenſe furori suo victimam designabant. Tres monachi, vix rumore prævis moniti, ægrè se fugâ cum sacrarum reliquiarum thesauro in castrum Andecensē receperunt. Horum nomina ne perirent, cavit Conradus de Hornstein monachus Madronensis, quo teste primus Eusebius, alter Adalbertus, tertius Adelherus vocabantur. (c)

4. In eo rerum turbine, cum jam crematarum ædium fumus oculos, fugientium lamenta aures ferirent propinquius, nostri, nequid vel timidè vel temerè agerent, qui animosiores erant, e coenobio quidem emigrant, in propinquo tamen monte, qui nunc à S. Cruce nomen habet, mortem fortiter expectant. Tres ex omni numero, melioribus sese temporibus servaturi, bonâ Thientonis Abbatis veniâ, longius se in fugam dedere. Involant igitur, velut Harpyiæ in epulas, rabie concitati hostes in monasterium: quod ubi vacuum inquisitionis, multoque magis prædæ, quæ avariciam satiare, inane invenerunt, sanguinem pro auro sitire cœperunt, & undique conquisitos ac repertos denique monachos cum Abbate crudelissimè contrucidârunt. Spectatur hodie dum prægrande saxum, quod innocentibus victimis pro ara, fortissimis athletis pro arena fuisse traditur. Nec diu morata est divina Nemesis, sed latronibus impietatis ac tyrannidis suæ poenam infixit eodem anno die decima mensis Augusti, cum auspice S. Udalrico, duce Ottone Imperatore in campo Lycio omnes ad interfectionem cæsi sunt. (d)

¶ Postquam evanescere hostes, omnique eorum metus, immani clade restinctas, subsedit, non desuere pii agricola, qui reperta fortuito martyrum corpora miserati & immania vulnera intuiti colligerent, & eodem, quo cæsi fuerant, loco qualicunque sepulcro mandarent. In rei gestæ monumentum sanctæ Crucis columna ibidem defixa solo est, à qua deinceps totus ille clivus acceptum nomen hodieque servat. Quo deinceps tempore hæc martyr exuvie ad monasterium inde deportatæ fuerint, non satis liquet. Fortasse, quamprimum Divi Benedicti leges denuò fuerunt apud fontes Wessonis resuscitatæ: qua de re nobis singularis disceptatio paulò inferius orietur. Hoc certum, sub Abbate Conrado de Menchingen, qui ab anno 1220. usque ad annum 1243. præfuit, jam in veteri S. Mariæ Capella sepultam fuisse Beatam Diemodem, inter cuius ossa & SS. Martyrum reliquias tenuis solum paries inventus est. (e) Anno deinde 1471. Paulus H. Abbas renovavit eandem Deipara Capellam, Choro novo & ampliori, tribus altaribus, organo, & campanellis instruxit: anno verò 1483. ad maiorem SS. Martyrum venerationem Indulgentias Romæ à quindecim Cardinalibus & Episcopis obtinuit pro visitantibus Capellam, in qua jacent septem corpora martyrum temporis 3. Ulrici ab Ungaris martirizatorum, ut sonat diploma.

6. Translatis ad monasterium corporibus remansit in loco martyrii Capella lignea, incertum, quo tempore ædificata. Ejus mentionem facit Stephanus Leopolder, monachus & historiographus Wessofontanus, qui vixit usque ad annum 1527. & ultra. Verum Benedictus Schwarz, Abbas ejus nominis tertius, ampliori honore martyrii locum prosequendum ratus, sacellum amplius ex lapidibus à fundamentis excitavit anno Domini 1594. Quam deinde successor ejus Georgius Ybelhor Abbas Wessofontanus, annuente Henrico de Knöringen Episcopo Augustano, per Sebastianum Breuning Episcopum Adramitenum ac Suffraganeum in honorem S. Crucis consecrari curavit. Ab eo tempore publicæ ad illud sacellum supplicationes statis diebus instituuntur. Lapis etiam, super quo caesos diximus martyres nostros, ad posterorum memoriam relictus & è pavimento sacelli tribus ferè palmis eminens in veneratione habetur: & æditur sæpe ab agris, Martyrum patrociniò famitatem flagitantibus, nec raro obtinentibus. Pueros præsertim eholicæ doloribus cruciatos invenisse illuc levamen, feminas quoque sterilitate afflictas prolem accepisse, vivis nuperrimè testibus est comprobatum.

(a) Paulus Ruck in *Collectura Monasteriorum* fol. E. 2. (b) Hund. Tom. 2. *Metrop.* fol. 139. & 140. Item f. 145. & 146. (c) Hund. Tom. 3. *Metrop.* f. 229.

§ 224. (d) *præter Authores Bavaros & exteros leg. Ceterum, Thiento & Hieronimo August. parte I. Cathedr. à fol. 133. num. 38. 39. 40. & ceteris. (e) ibi sequ. §. II. num. ult.*

§. II.

Quibusdam dubiis lux affertur. Et præsens Beatorum Martyrum honor explicatur.

Quoniam post hæc simpliciter enarrata erudito lectori dubia quedam oboriri possunt, ideo questionibus nonnullis respondendum ad lucem afferendam putamus. Hoc fiet primum enodandi, quas suspicamur oggeri posse difficultates: deinde proferendo vetera & nova in rem propositam Authorum testimonia: quod si fecerimus, satisfactum à nobis muneri nostro putabimus.

1. Utrum Thiento, Abbas Wessofontanus, in monasterio nostro solemnem etiam votorum professionem emiseric, an verò aliunde fuerit accitus, controversum videtur. Dubio huic ansam præbuere Chronica nostra, in quorum nullo asseritur, eum fuisse monachum *nostræ Congregationis*: quod tamen de præcessore ejus Benedicto disertè affirmatur. Præterea Hermannus Contractus ad annum 933, asseverat, eodem apud S. Gallum factum esse Abbatem Thieponem, quo nominis rectius appellari Thientonem nostrum Mabillonius arbitratur: & antiquissimus noster Abbatum catalogus in membrana exaratus non Thiento, sed Thieto scribit. Addit Hermannus, Thietonem præfuisse ad S. Gallum annis fere decem. (a) Jodocus Mezlerus de Viris illustribus S. Galli de Thietone habet, eum S. Galli abbatiam adiisse anno 933. quinto Calendas Novembres feriâ secundâ & post quatuor annos totum monasterium cum templo conflagrasse: ipsum tandem senio (credo & labore) fessum post novem regiminis annos Abbatia se abdicasse. (b) Quæ abdicatio incidit in finem anni 944. vel principium anni sequentis: quo ipso anno Thiento apud nos Abbas est factus. Poruit S. Udalricus apud S. Gallum educatus Thietonem à teneris, forte condiscipulum, nosse: & quia Monasterio nostro Benedicti Abbatis morte viduato, ob memoriam Adalberonis nepotis sui, considerare voluit, eundem huc evocare, ut in tenui monasterio minus laboris, plus quietis inveniret, præcipuum postquam eodem anno 943. Hungari à Bojis cæsi quietem patriæ indulissent, ut idem Hermannus Contractus testatur. Sive autem Thieto ad nos adulescentes in tyrocinium venerit, sive emeritus ad S. Gallum Abbas nos

non hic fasces acceperit, utrumvis nobis in gloriam & solatium cedit, eam viri, seu Thiento seu Thieto vocetur, Sacris Reliquiis ac patrocinio semper & merito gavisoris.

2. Verum alia questio oritur, utrum revera inter septem nostros Martyres etiam Thiento fuerit? Codex antiquior à Stephano Leopoldo anno 1498. absolutus, tantum *septem fratres* refert sine ulla Abbatis memoria. Neque Thientonis ulla sit mentio in Calendario Benedicti Abbatis. Accedit, quod author quidam, quem ipse legi, sed nunc reperire nulla contentione possum, disertè affirmet, caecos apud nos septem fratres fuisse, Abbatem verò ipsum, quem ille non nominat, fugà se subduxisse. In promptu est ad hanc dubitationem responsio; cum primò ipse Stephanus, majorum reor & populi persuasione edoctus, in duobus alia Codicibus in seculum decimum sextum productis multoque emendatioribus, enarratà fratrum caede statim adjungat: *inter quos, ut sic creditur, Thiento Abbas unus extitit.* Horum Codicum unus ad monasterium nostrum pertinet, alter ad Tegerasense, & hic & ille à Stephano scriptus: Tegerasensis autem omnium absolutissimus, à Clarissimo Bernardo Pezio laudatus, cujus egraphum ante triginta & plures annos à nostris inde exscriptum nuperrimè feliciter ad manus meas pervenit. Ex Stephani ergò nostri verbis nulla illo tempore suspicio de fuga Abbatis, sed pia de martyrio fides & opinio fuit. Accedit alia ratio: quod tres illi monachi, de quibus supra, ad tutiora, & quidem in montem S. Petri Madronensem sese recipientes, novamque monasterium, Comitibus Andeconsis opè erigentes, non Thientonem, sed Meccinum sibi Abbatem elegerint, numquam utique id commissuri, si cum ipsis fugissent, & novam sedem elegisset. Denique ut omne dubium tollatur, Historicus ille, quisquis sit, in errorem delapsus est, quod fugam Snelberdi ad nos, de qua superius, per incuriam Thientoni nostro imputaverit, homo certè obscurus, & cum fugam asserat, nomen verò fugientis ignoret, inter gregarios numerandus. De Thientone nostro, abicunque profectus fuerit, Abbas certè noster, dubitandi causam non invenimus, cum tot præclara posteritatis testimonia in tertium jam sæculum ejusdem martyrio suffragentur, sequenti §. recitanda.

3. Dies obitus & martyrii nullo nostrorum codicum proditur. Plurique Authores patrii taceant. Exteri diem tertiam Aprilis assignant, non alia, quod sciam autoritate, quam Hugonis Menardi. Hunc secuti Hagiographi Belgæ Tomo I. Aprilis Thientonem die 3. ejusdem mensis inter prætermittos sic enunciant: „Thiento Abbas Wessbrunnensis, cum

39 sex fratribus in Khreitzberg ab Hungaris anno DCCCCLV. martyri-
 39 zatus refertur cum titulo *Beati Tom. 3. Metropolis Salisburgensis* anno
 39 1620. editæ ab Hundio & Gewoldo pagina 486. non indicato die ne-
 39 cis. Menardus ad tertium Aprilis eum referens in Martyrologio Be-
 49 nedictino, anno 1629. excusò, in *Bavaria*, inquit, *B. Thientonis Abba-*
 39 *sir & Martyris*. At Bucellius dein suo Menologio cum titulo Sancti
 39 eundem inscripsit citata Bavaria Sancta *Matthæi Raderi &c.* „ Et ite-
 39 rum Tomo VII. Justii in Ephemeridibus ad diem 3. Aprilis inter præter-
 missos ponunt: „ Thiento Abbas Wesseprunnenfis in Bavaria ab Hun-
 49 garis 10. sæculo martyrizatus. „ Plerique fere posteriores in eandem
 diem conspirant. Unde ergo hæc diem assignandi causam Hugo desum-
 psit? Non aliam luculentiorẽ video, quàm litteras illas Cardinalium,
 quibus Capellam Beatæ Virginis visitantibus certas Indulgentias imper-
 tuntur. Litteras hæc *die tertia Aprilis* datas paulò post inter Testimonia
 recitabimus. Ceterum credere malim, non in Aprilem, sed sæpius in-
 cidisse Martyrum cædem, & paucis ante S. Laurentii festum diebus, cum
 Hungari Augustam Vindelicorum temerè obsidentes vicina quæque ex-
 currente vastarent. Memoriam tamen Martyrum die 3. Aprilis recolendi
 causam sufficientem præbent prædictæ Cardinalium litteræ, tanquam
 antiquissimæ martyrii & publici honoris testes.

4. Quæret fortasse aliquis, quo jure venerandi nostri Martyres fre-
 quenter hodie *Beati* vel etiam *Sancti* vocentur. Nihil ego melius ad ex-
 cusationem responderi posse existimo, quàm quòd & *Martyrum* & *Beato-*
rum titulum pluribus, quàm centum annis, ante sapientissimas Urbanæ
 Octavi Papæ hac super re Constitutiones jam obtinuerint, uti epitaphium
 plumbeæ tabellæ insculptum, & Diploma Indulgentiarum à Cardinalibus
 concessarum, quod postea producemus, testatur. Præterea in odium
 Fidelis exlòs nemo negaverit, & Brunnerus ipse exoptat scripto mandatas
 fuisse orriberrimas illa tempestate Sacerdotum & monachorum necis: eò-
 que nomine solos fere Wessobrunnenses, qui Thientonis seu Thyemo-
 nis sui memoriam conservârunt, commendat. Coluntur ab Ecclesia
 complures Sancti, tanquam Martyres, licet non odio fidei, sed vel præ-
 dæ cupidine, vel ob castitatis constantiam, vel in odium justitiæ, vel ob
 concionandi fervorem occisi, mutilati, in exilium ejecti sunt. Summa
 martyrii palma est, quæ mori, quàm fidem catholicam negare malenti
 offertur. Hinc epitaphium illud martyribus nostris ante annos jam fere
 quingentos conscriptum jam eos *Beatos* vocat: *Hic jacent VII. corpora Bea-*
torum &c. Verùm nòs hæc ipsa dicentes protestamur, & palàm inficia-
 mur, eo nos animo quidquam dixisse aut dicere voluisse, ut canoniza-
 tioni

tionem vel alteri Sanctorum honori procurando struatur via, insistentes per omnia decretis Urbani VIII. Papæ, & S. Congregationis annis 1629, 1631. & 1634. edicis: sicut & initio jam protestati sumus.

5. Superest, ut hodiernum sepulcrum, quo conditi quiescunt Martyres, statum prodamus. Satis explicavimus veteres eorum tumulos, primum in monte Crucis & loco martyrii, alterum in Capella S. Mariæ Virginis, quæ etiam Basilica & Ecclesia quandoque vocabatur. Antiquissimam hanc Capellam primum monasterii nostri templum fuisse, donec major S. Petri ecclesia erigeretur, primo Sæculo diximus. Stetit hæc Capella annos nongentos quinquaginta quatuor, nempe ab anno 753. usque ad annum 1707. cum ob veteris cenobii angustias & ruinas necessarium fuit, novum & priore capacius monasterium struere, diruto veteri: cuius etiam vetusta hæc & veneranda Capella subjacuit, una cum cæteris destruenda. Anno igitur 1707. Reverendissimus Abbas Thassilo, anno superiore electus, petiit & obtenta Serenissimi Episcopi Augustani licentia, negotium aggressus est. Dies erat octava Novembris: presente D. Abbate, P. Priore, & uno Conventuali admota à fabris est manus. In medio Capellæ sub lapide quodam statim inventa sunt septem corpora cum lamella plumbea his verbis inscripta: *Hic jacent VII. corpora Beatorum, qui tempore S. Ulrici ab Ungaris martyrizati sunt.* Proximè illis, tenui solùm pariete interjecto, inventa sunt etiam ossa beatæ Diemudis, quæ eam fodiendo quærentur, priusquam paterent oculis, omnibus assistantibus suum quemdam odorem afflaverunt. Ossa Virginis ordine naturali composita jacebant, & juxta illa duæ tabellæ, una lapidea, altera plumbea. Posterioris epigraphæ hæc erat: *III. Cal. April obijt pie memorie Diemut inclusa, quæ suis manibus Bibliothecam S. Petro hic fecit.* Tam ordinata Diemudis, quàm permixta martyrum ossa toto biennio in honorifico Sacrarum loco asservabantur.

6. Anno demum 1709. die 7. Novembris veneranda ossa stannois arcis decenter & reverenter inclusa sunt, quarum uni corpora martyrum, alteri Diemudis exuvie sunt immixtæ. Quantum ad Martyres, erant ossa quædam proceræ staturæ indicia: quinque capita vix non ex toto illata cum multis dentibus etiamnum fixis supremum in arca locum occupante duo reliqua capita jam diffracta cæteris ossibus permixta jacent. Ossa, tota adhuc alba & decora, modica stædine mutescunt. Arce igitur sic inclusa inter primam & secundam pomeridianam reposita fuisse in columna juxta aram S. Crucis à parte dextra septentrionali, palmæ altitudine è terra prominente arcæ & operculo munita. Similiter actum est cum ossibus

libus Diemudis, quæ horâ quartâ pomeridianâ ad laevis sinistram seu Meridionale seposita sunt, sed paulò profundius, quàm martyres, terræ immissa. Hæc omnia fiebant absque ulla solemnitate, Reverendissimo solum Abbate cum aliquot Conventualibus & nonnullis familiaribus præsentibus, præsertim à Serenissimo Ordinario translationem hanc concedente descriptis verbis cautela hæc præscribatur.

7. Verùm cum humilius, quàm Martyrum dignitas & Virginis merita exigent, utrorumque ossa cubare viderentur, & ne honestior ejusque viri tumulam æquare; Reverendissimus Abbas eadem donuò alium in locum transferri jussit, ut ornatior illis tumulus pararetur. Anno 1712. die 16. Augusti reliquæ Martyrum in Capitulum, destructæ jam Capellæ Marianæ proximum atque olim annexum, reverenter asservanda deferuntur. Interim in columnâ, sub cujus pede jacuerant Martyres, collocanda Thientonis statua adornatur, & ferreæ crates in fastigium superne coeuntes, auro & argento discriminatim obductæ parantur: lamina quoque nova hujus translationis testis epigraphæ suâ instruitur, sacris ossibus adjungenda. Eadem cura, sed paulò ferius, Venerabilis Diemudis reliquiis adhibita, de qua nobis loco suo redibit sermo.

8. Dum hæc parantur, annus fere transit. Die igitur 1. Julii anno 1713. corpora BB. Thientonis & sex Sociorum martyrum reposita sunt pristino templi majoris loco, quem diximus: unico tantum osse, quod semoris fuisse videtur, excepto, duarum palmarum longitudine, quod Abbas Thassilo reservatum Reverendissimo D. Quirino Millon Abbati Torgernseensi præclarissime de nobis merito, acque id ipsum ardentissime flagitanti donavit. Ordo ultimæ hujus translationis hic erat. Ex capitulo, ubi interim fuerant asservata, in urna stannea ossa sacra deferbantur à RR. PP. Priore & Suppriori, præcedente Venerabili Convenco, & subsequente D. Thassilone Abbate, omnibus cucullatis. Dum finirentur Litanie Laurentianæ singulis sabbatis publicè recitari solite, in altari S. Crucis interea arca Martyrum collocabatur. Postea juventuti, quæ ad preces convenerat, paucis explicabatur, quid rerum agatur: addita exhortatione, ut gestorum memores perseverarent. Cohibenda fuit quorundam seu religioso ardentia, seu religio præcox, qui sacras corollas aræ applicare, ejusque contactu quædam consecrare gestiebant. Siquid factum, præter voluntatem Superiorum fuit, quibus propositum & cautum erat, nequæ solemnitas, aut concursus fieret, sed ut omnia ex Serenissimi Episcopi Augustani auctoritate peragerentur. Atque ita sine ulla in publicam pompam aut festivitate arca cum sacris corporibus pristinum in locum demissa.

demissa est, hisque, quæ supra diximus, ornamentis aucta: ubi in hodiernum diem delitescit. Novæ laminæ cum antiqua sacris corporibus adjectæ hæc est inscriptio: *Beatus Thientone hujus loci Abbas nonus una cum sex monachis in Greizberg anno 955. in odium fidei occisus; deinde in Capellam B. V. translatus est: at verò anno 1707. 5. Aprilis à Thassilone, Abbate quinquagesimo quinto, omnium horum corpora inventa, atque hæc 1709. 7. Novembr. deposita sunt.*

His omnibus ita gestis qui ab initio usque ad finem interfuerit, nemo ampliùs è Religiosis superest, præter Reverendissimum DD. Bedam, modernum Abbatem, immediatum Thassilonis successorem: qui cum hæc fierent, accuratè omnia in Ephemerides suas retulit, mihiq; communicavit, ut ad Beatorum Martyrum gloriam publicarem, & posteritatis memoriæ commendarem.

§. III.

Documenta vetera, & testimonia Authorum de septem Martyribus Wessofontanis, & Thientone Abbate.

I.

Epitaphium vetustissimum.

INventis anno 1707. ut diximus, septem Martyrum corporibus adjuncta fuit tabella plumbea cum hac epigraphe: *Hic jacent septem corpora Beatorum, qui tempore S. Ulrici ab Ungaris martirizati sunt.* Cum ergo Paulus II. Abbas Capellam S. Mariæ renovans & pro ea Indulgentias Româ impetrans nullam faciat mentionem de corporibus à se in ea reconditis, neque Stephanus Leopolder; imò credibile non appareat, corpora eousque in Monte S. Crucis permanisse: multò autem vero similis sit, jam initio sæculi decimi tertiæ Diemudem iis confepultam fuisse; ideò confidenter hoc testimonium primo loco posuimus. (a)

(a) Ex Stephano Leop. & Ephemerid. Reverendiss. Bedæ ad an. cit.

II.

Litteræ Cardinalium. (b)

ROdericus Portuensis, Oliverius Sabiniensis, Joannes Albanensis, Episcopi: Stephanus titulo S. Mariæ in Transtiberim, Joannes titulo

K

S. Præ-

S. Praxedis, Philibertus tit. SS. Joannis & Pauli, Georgius tit. SS. Petri & Marcellini, Joannes tit. S. Marcelli, Jeronymus tit. S. Grisogoni, Gabriel tit. SS. Sergii & Bachi, Ferricus tit. S. Vitalis, presbyteri: Franciscus S. Eustachii, Franciscus S. Mariæ novæ, Theodorus S. Theodori, & Raphaël S. Georgii, Diaconi: miseratione divina sacrosanctæ Romanæ Ecclesiæ Cardinales, universis & singulis Christi fidelibus, præsentibus litteras inspecturis, salutem in Domino sempiternam. Quanto frequentius fidelium mentes ad opera devotionis inducimus, tanto salubrius eorum animarum saluti providemus. Cupientes igitur, ut Capella Beatæ Mariæ Virginis sita in ambiu monasterii S. Petri in Wessesbrunn Augustensis Diocesis, in qua, ut accepimus, jacent septem corpora martyrum tempore S. Ulrici ab Ungaris martirizatorum, congruis frequentetur honoribus & à Christi fidelibus veneretur, ac in suis structuris & edificiis debite reparatur, conservetur, & manuteneatur, necnon libris, calicibus, luminaribus, ac aliis ornamentis ecclesiasticis decenter muniatur, in ea quoque cultus augeatur divinus, & ut Christi fideles ipsi eo libentius devotionis causâ confluant ad eandem, & ad reparationem ac alia opera præmissa manus promptius porrigant adjutrices, quod ex hoc ibidem dono cœlestis gratiæ uberiùs conspexerint se resectos, de omnipotentis Dei misericordia ac beatorum Petri & Pauli Apostolorum ejus autoritate confisi, omnibus & singulis utriusque sexus Christi fidelibus verè poenitentibus & confessis, qui dictam Capellam in Annunciationis, Assumptionis, Nativitatis, & Purificationis B. Mariæ V. & dictæ Capellæ dedicationis festivitibus à primis Vesperis usque ad secundas Vesperas inclusivè, devotè visitaverint annuatim, & ad reparationem ac alia opera præmissa manus porrexerint adjutrices, ut præfertur, Nos Cardinales præfati, videlicet quilibet nostrum, pro singulis festivitibus prædictis, quibus id fecerint, centum dies de injunctis eis poenitentiis misericorditer in Domino relaxamus, presentibus perpetuis futuris temporibus duraturis, in quorum omnium & singulorum fidem, presentes litteras fieri, nostrorumque sigillorum jussimus & fecimus appensione communiri. Dat. Romæ in domibus nostris sub anno à nativitate Domini millesimo quadringentesimo octuagesimo tertio, die tertia mensis Aprilis, Pontificatus Sanctissimi in Christo Patris & Domini nostri Sixti Divinæ Providentiæ Papæ Quarti anno Duodecimo.

P. de Perreria.

(b) Ex Archivo, ubi integra servantur.

III. Ste-

III.

Stephani Leopolder Codex primus. (c)

ANno Domini DCCCCXLIII. successit Thiento abbas nonus, & pre-
fuit XIII. annis temporibus Ottonis primi Imperatoris Romanorum,
& sancti Udalrici August. Episcopi. Sub hoc Abbate defecit vita ceno-
bialis propter incursum Hunorum. Nam anno Domini 955. qui fuit an-
nus Ottonis primi 20. & S. Udalrici Episc. Aug. 33. & abbatis hujus Thien-
tonis ultimus, Hungari intraverunt provinciam Bavarorum & Suevo-
rum, ac Augustam civitatem obsederunt &c. Sub his rebus Coronam
martyrii per decollationem ab Hungaris sumpserunt septem fratres mo-
nachi hujus loci, effundentes sanguinem eorum effluenter pro Christi
nomine, non longè à Cenobio in loco, qui vulgariter usque hodie vo-
catur Kreutzperg, ubi adhuc in memoriam habetur capella lingnea. Ip-
si autem sancti martyres nunc requiescunt in uno sepulcro consepulti in
capella S. Marie V. annexa Capitulo, & nominatur vulgariter *Das ab-
münster*.

(c) *Insignitus litt. C. fol. 57. finitus anno 1496.*

IV.

Ejusdem Codex secundus. (d)

HOc alterum Stephani testimonium per omnia convenit cum priore,
excepto, quòd in hoc Codice post verba: *septem fratres monachi hu-
jus loci*, statim addat: *inter quibus, ut pie creditur, Abbas Thiento unus extit.*
Et hic Codex recentior est primo, quippe deductus usque ad annum 1525.
Posset hic adjungi tertius ejusdem Stephani Codex, omnium absolutissi-
mus: verùm de Thientone & sociis eadem ad verbum habet, quæ secun-
dus iste primùm fecitatus.

(d) *Insignitus litt. E. fol. 5. finitus anno 1525.*

V.

Joannis Aventini. (e)

Hic, teste P. Agnello Candler Augustiniano Eremita, Annalium Boi-
corum pag. 482. jam circa annum 907. septem sacerdotes hinc (apud
Wessonis fontes) barbaro furori victimas cecidisse commemorat.

(e) *Vide Agnelli Justam Defensionem fol. 124.*

K 2

VI. Be-

VI.

Benedicti III. Abbatis Wessofontani,

Qui Sacellum seu Ecclesiam S. Crucis in ejusdem nominis monte, tamquam martyrii loco, novum erexit. In ejusdem Sacelli latere orientali lapis insertus parieti hanc epigraphen habet litteris Romanis scriptam: *Anno MDXCV. post Christum natum Benedictus Schwarz Abbas 46. hujus Sacelli in honorem 7. BB. Fratrum ab Ungaris martyrisatorum extructi primus fundator extitit.*

VII.

Christophori Gevvoldi. (f)

Hic in additionibus ad Hundii Metropoliū Tomo tertio in Catalogo Abbatum ita habet: *IX. Beatus Thiento electus est anno 942. presuit 13. annis. Tunc in Khreizberg cum 6. fratribus ab Hungaris martyrizatus est anno 955.*
(f) Fol. 486.

VIII.

Matthæi Raderi Soc. Jesu. (g)

Ex tabulis MSS. Wessenbrunensis cœnobii hæc transcripsisse se crediditissimus hic Author profitetur, post narrata Walthonis Abbatis Acta de Thientone subjungens: „Thiento Abbas nonus hujus loci, anno 10. CCCCXLIII. electus temporibus Ottonis primi & S. Udalrici Episcopi Augustensis, martyrii coronam etiam cum aliis sex fratribus suis per decollationem capitis ab Ungaris eo tempore provinciam Bojariam mirè vexantibus & devastantibus, adeptus est, in loco non procul à cœnobio distito, qui lingua vulgari, ut antea, *Creuzberg* appellatur, (h) quo in loco sepultura omnes simul traditi sunt. In hujus facti signum erigebatur paulatim à Christi fidelibus capella lignea, quam ante novem annos R. Dn. Benedictus Abbas hujus nominis III. piæ memoriæ deposuit, (i) zelo divino permotus, & novam de lateribus extruxit, quam proinde noster modernus Reuerendus in Christo pater & Dn. Georgius abbas XLVII. cujus regimen Deus Opt. Max. fortunare semper velit, ante tres annos consecrari à Revendissimi Episcopi Augustani R. Dn. Suffraganeo summo opere sollicitavit, &

æ. cona

„ consecrari in honorem S. Crucis fecit. Ipsi autem SS. Martyres ab eo
 „ loco translati (k) requiescunt modo in uno monumento in basilica B.
 „ Mariæ Virginis prope majorem Ecclesiam SS. Petri & Pauli Aposto-
 „ lorum conseculti.

„ Et quemadmodum supradictus S. Walther, & reliqui septem Mar-
 „ tyres hactenus usque nondum fuerunt in sanctorum numerum relati,
 „ ita & majores nostri & antecessores nihil de illis in choro peregerunt,
 „ nisi quod pia corda fecerunt, illorum vitæ sanctitatem & sanguinis pro
 „ Christi amore effusionem summis suspiriis procul dubio sæpe sæpius
 „ recordando. „

(g) Bav. Sanctæ Volum. 2. fol. 261. (h) *perperam apud Rader. Wessobrunn.*
 (i) *male II. ibid. (k) circa ann. 1220.*

IX.

(1) :Andreas Brunneri S. J. (1)

Princeps iste Author Annalium Boicorum fuit, qui rejectis antiquio-
 ram nævis germanæ fide incessit. Hæc ejus ad annum 955. verba:
 „ nullum pœne sacratum hominum contubernium est, quod non ad
 „ illius temporis memoriam ingemiscat: etiam qui annales monstrare
 „ nullos possunt, famâ velut per manus traditâ, excidia sua incendiâ
 „ quæ majorum lacrymis extincta memoriter recitant, & adhuc ever-
 „ soribus fortunarum suarum convicium faciunt. Enimverò nihilo mi-
 „ tius in sacros viros, quàm eorum fortunas sævitum esse, certum est;
 „ sed eorum nomina, quos barbarus ens abstulit, nobis incomperata,
 „ fidelioribus chartis cœlum inscripsit. Soli ferè Wessobrunnenses Ab-
 „ batis sui Thyentonis an Thyemonis nomen memoriæ consecrarunt,
 „ qui cum sex Instituti sui sociis in monte Crucis ultima passus sacros
 „ Wessonis fontes affuso sanguine suo celebriores fecit, certè sanctio-
 „ res. „

(1) *Colum. 127. P. 2. Lib. 2.*

X.

Hugonis Menardi Ord. S. Bened. (m)

Menardus, testibus Bollandianis, ad tertium Aprilis Thientonem refe-
 rens in Martyrologio Benedictino anno 1629. excuso inquit: In
Bavaria B. Thientoni, Abbatis, & Martyris.

(m) *Bolland. 3. April. f. 236.*

K 3

XI. Ga-

XI.

Gabrielis Bucelini Benedictini Weingartenfis. (n)

Hic die tertia Aprilis in Menologio Benedictino his verbis Thientonem enunciat: „ In Bavaria S. Thientonis Abbatis & Martyris. Fuit hic „ nonus cœnobii Wessenbrunnensis in Bavaria Abbas, cui annis tredecim „ religiosè & utiliter præfuit. Vngaris autem gentilibus Bavariam popu- „ lantibus & sacra omnia pessumdantibus, optimus hic Abbas cum sex „ monachis comprehensus, & crudeliter interfectus, A. C. 955. ad tri- „ umphos Martyrum laureatus admitti meruit.

(n) fol. 246.

XII.

Joannis Adlzreitter Cancellarii. (o)

„ **P**rotriverunt Barbari universas totius gentis opes, & dire sacra, pro- „ fana, ipsosque homines Deo dicatos habuerunt. Nisi altum lit- „ terarum silentium interfectorum nomina suppressisset, esset, unde ma- „ gnum historiæ decus accederet. Vix ullius sit mentio præterquam „ Thiemonis (qui aliis dicitur Thiento) Wessenbrunnensis Præfulis, „ qui una cum senis cœnobii sui Sodalibus in monte Crucis à barbaris „ occisis, gloriosissime suam constantiam celo probaverunt.

(o) *Annal. Boic. P. 1. L. 14. col. 338.*

XIII.

Joannis Mabillonii Ord. S. Bened. (p)

„ **I**n Bajoaria extinctus est hoc anno Benedictus Vessebrunnensis Ab- „ bas: cujus loco electus est Thiento, rectius Thieto, qui post an- „ nos tredecim ab Hungaris cum sex è fratribus cæsus est. Post hæc „ locum in solitudinem redactum occuparunt Canonici ad annum mille- „ simum sexagesimum quintum, quo Albero seu Adalbero Præpositus „ abjecto Canonicorum habitu monasticum induit, Abbâsque ibidem „ factus est.

(p) *Annal. Bened. Tom. 3. Lib. 44. fol. 465. n. L.*

XIV. Cor-

XIV.

Corbiniani Khamm Ord. S. Bened. (a)

- » **E**odem anno 1065. Monasterium Wessofontanum post Thientonis
 » Abbatis noni martyrium cum sex suis monachis perpeßum, à Ca-
 » nonicis occupatum, atque integro sæculo à Præpositis sæcularibus ad-
 » ministratum, Embrico Episcopus Monachis Benedictinis restituit.

XV.

Ejusdem. (b)

- » **A**nno 955. Thiento Abbas Wessofontanus nonus cum sex monaste-
 » rii sui Religiosis ob constantem Fidei confessionem à ferocenti-
 » bus Hunnis trucidatus est.

XVI.

Ejusdem. (c)

- IX. **B**. Thiento Martyr, electus nongentesimo quadragesimo tertio, an-
 no regiminis decimo tertio in Creizberg cum sex fratribus ab
 Hungaris martyrio coronatur anno 955. Post Thientonis martyrium
 monasterium administrârunt sex sæculares Præpositi &c.

(a) *Hierarchie Augustane Part. I. Cathedr. fol. 182. num. 39.* (b) *cit. Hierarch.*
Parte III. Regulari fol. 380. num. 15. (c) *Ibidem fol. 383. num. 28. in Ca-*
talogo Abbatum.

XVII.

Martyrologii Andecensis. (a)

- » **D**ie tertia Aprilis. Apud Wessonis fontes in Bavaria Beati Thien-
 » tonis Abbatis, qui cum illi monasterio per 13. annos laudabiliter
 » præfuisset, ab infidelibus Hunnis martyrio est affectus. Passi sunt etiam
 » cum eo sex ipsius monachi, quorum corpora in Ecclesiam Deiparæ
 » translata ac sepulta sunt.

XVIII.

XVIII.

Lamberti Grienmelt Ord. S. Bened. (b)

„**H**unni anno 948. ab Henrico Imperatoris (Ottonis) fratre, adju-
 „vante Beato Rassone comite Andecensi, ad internecionem cæsi,
 „anno 955. denuò eadem suam ulturi, Austriam, Bavariam, Aleman-
 „niam inundabant, quæ illuvio Wessonis quoque Fontes obruit, cum
 „præfset Thiento Abbas, quem cum sex monachis primùm minis à
 „Christo idola traducere nequicquam tentârunt: ob constantiam fidei
 „dehinc variè tortos & per omnia constantiores inventos ad montem
 „monasterio vicinum (qui hodie Crucis nomine vocatur) raptârunt,
 „ubi latâ sententia super ingenti saxo Diis immolare, aut colla subjicere
 „ferro jubebantur: hi primum abnuentes ad alterum promptissimos se
 „præbentes, per strictos acinaces animas suas ad cœlos transmisere.
 „Saxum illud hodiedum visitur: cui superædificatum est elegans Sa-
 „cellum. Sixtus IV. Monasterio Bullam concessit, viginti duorum Car-
 „dinalium nominibus & sigillis munitum, qua omnibus horum Marty-
 „rum reliquias veneraturis & invisuris amplas Indulgentias elargitur.
 „Nec beneficia & miracula defuere, dum sub moderno Abbate Thassi-
 „lone, cum ob novi Monasterii structuram Sanctorum corpora anno
 „1707. die 5. Aprilis in majorem Monasterii Ecclesiam transferrentur,
 „suavissimus ac cælestis odor præsentis afflavit.

- (a) *Quod exscribit Lambertus Grienmelt in Anno Sancto Benedictino Augusta Vindelicorum & Dilingæ anno 1721. teutonice edito ad diem 4. Aprilis, fol. 122.*
 (b) *Fuit iste sacerdos & monachus Andecensis: qua hic à nostris diversa asseruntur, lucem meliorem accipient ex Litteris Cardinalium superius pro Testimonia II. allatis, & ex Ephemeridibus paulò antè S. II. num. 5. & seq. adductis.*

XIX.

Ignatii Brentani Ord. S. Bened. (c)

„**T**hiento Abbas Wesseprunnenfis Ordinis Divi Benedicti cum sex
 „monachis in Khreitzberg ab Hungaris martyrizatur.

- (c) *Fuit Monasteriû Bantbenfis sacerdos, ediditque ann. 1727. Epitomen Chronologicam Mundi Christiani, in qua hæc ad Sæculi 10. annum 55.*

XX. Ca-

XX.

Caroli Meichelbeckii Ord. S. Bened. (d)

„ **H**Æc (nempe vastitatem per Hungaros illatam) accidisse anno Christi
 „ 955. scriptores Boici communius tradunt: ad quem ipsum an-
 „ num Wessofontani Ascetæ referunt martyrium B. Thientonis Abbatis
 „ sui, cum sex sui cœnobii Sodalibus furore Barbarorum crudeliter inter-
 „ empti, qui omnes in vicino monte, à S. Cruce dicto (Creuzberg)
 „ sepulturæ fuere traditi. Hungari interim, condignis suppliciis dudum
 „ maturi, eodem adhuc anno in campo Lycio, ope potissimum S. Udal-
 „ richi, internecone deleti, promeritas barbaræ immanitatis, à tot an-
 „ nis exercitæ, poenas dederunt.

(d) *Chronici Benedictobur. Parte I. cap. 3. fol. 28.*



SÆCULUM TERTIUM

WESSOFONTANUM,

Ab Anno 953. usque ad Annum 1053.

CAPUT PRIMUM.

NE Beatorum Thientonis & Sociorum Acta divideremus, horum
 felicibus laureis prius sæculum coronavimus, & glorioso sangui-
 ne obsignavimus. Ingredimur nunc tertium sæculum, quo apud
 Wessons Fontes vitæ monastica & Abbatis nomen cessasse ab Hi-
 storiciis dicitur. Videbatur itaque calamo indictum silentium, cum ni-
 hil dicendum superesset, quod ad Benedictinum Ordinem, vel Mona-
 sterii vastati historiam pertineret. Verùm attentius inquirentes, inve-
 nimus non omnino sterile arvom, quod stylo colendum susceperemus.
 Excisa apud Fontes Wessons vitæ monasticæ forma alibi per nostros re-
 floruit: Fontibus ipsis, ne penitus exarescerent, S. Udalricus Episcopus
 Augustanus invigilavit. S. Henricus Imperator favit: S. Wolfgangus
 Ratis-

L

Ratisbonensis Antistes dotavit, vel dotem confirmavit: S. Leo IX. Summus Pontifex ad priorem spiritum excitavit: Benefactores ad erigendum denuo Monasterium opes suas liberaliter contulerunt. De his nunc per ordinem dicturi, sæculi hujus caliginem solari conabimur, donec Lucifer illucescat, & pristinus Monasterio nostro splendor restituatur.

§. I.

De colonia Wessofontana in Madronam montem traducta.

1. **T**hientone & sex sociis in odium fidei trucidatis, monachis aliis fugâ dilapsis, crederes radicitus evulsû germen Wessofontanum, nomine solo apud Fontem relicto. Verum divina Providentiæ bonitas fecit, ut divinus cultus hoc loco ducentis abhinc annis cœptus non omnino desineret, sed hic equidem collapsus in cineres, alibi recens oriretur. Tres monachos Wessofontanos, qui, ut dicitur (a) ad meliora tempora se reservaturi, fugam capessiverant, per avia & devia, vicinarum nempe Alpium vales & juga, ad Oonum usque fluvium, qua se ex Tirolî in Bavariam effundit, bona fortuna perduxit. Ejus citiore ripa descendentes, hi tres montem invenêre peramicum, & ut videbatur, monasterio condendo peropportunum. Sciscitanti ergo ab accolis, quis loci dominus esset, cum Andecensium Comitum juri obnoxium intellexêre, quibus aperte consilio suo, præstoque auxilio, eodem statim adjutores habuêre. Cellas ergo sibi & tumultuariû sacellum moliti, quod Divo Petro ad exemplum Wessofontani Monasterij sacrum volebant, montem habitare coeperunt, aliorumque fidelium ope adjuti rem eò deduxerunt, ut spes affulgeret, legitimam cum tempore Abbatiam erigendi.

2. Interea Meccinus cæteris duobus, quos fugæ socios à Wessonis fontibus adduxerat, Abbatis vice præerat, donec fratrum agmen numerosius accresceret. (b) Ipso hoc sæculo Arnolphus Comes, vel ut Aventinus alibi loquitur, Arnulphi Andecensis filii Poppo, Bertholdus, Otto, & Gebhardus legitimum monasterium fundârunt, (c) cui Frisingenses Episcopi postea Advocatos dederunt vicinos Comites Falckensteinios: qui egregiè officio suo functi, benefactores etiam esse coeperunt. Certè Sigibotto I. ejus nominis Comes Falckensteinus novum in Ecclesia S. Petri Madronensis altare ædificavit, & anno 1139. dedicari fecit ab O-

tone

sonie Magno, Episcopo Frisingensi. (d) Sibotto autem (sive Sigibotto II. Alberto Frisingensi Episcopo monasterium S. Petri commendavit ad Abbatiam dignitatem promovendum, ut litteræ Alberti anno 1163. testantur, (e) in quibus promittit, si forte Monasterium, quod Cellam vocat S. Petri, incrementum acceperit majoris monachorum conventus, liberam habeant monachi deliberationem in eligendo sibi Abbate vel Priore &c. Dignæ sunt hæc litteræ, quæ à Benedictino legantur, vel propter solos testes. Nolumus autem his immorari diutius, & ad exitum ejus Monasterii proponendum festinamus. (f)

3. Acceptæ Sigibottonis Comitissæ commendatione statim ab Alberto Episcopo ex Clero Frisingensi Præpositi sunt constituti super Cellam S. Petri, qui temporalium bonorum eidem S. Apostolo assignatorum curam haberent, & monasterium ita procurarent, ut monachi honestissime ali, & sine sollicitudine Deo servire possent. Devotio erga eundem locum, à Majoribus Andecensibus, ex quibus aut matrem habebat aut aviam, ab incunabilis suscepta, Conradum Hornsteinium incitavit, ut in monte S. Petri monasticam amplecteretur; Majores enim suos Hornsteinios ab Andecensibus, jam in sedes varias, ut Damascum, Wolfratshusum, & ut videtur, Falckensteinium, aliisque loca divisiss, arcis Andecensis Protectores atque custodes sciebat, ipse in eodem castro educatus. In dotis partem Librum Missalem, re alia nulla, quam Andecensis Sanctuarii monumentis, pretiosum, ad S. Petrum attulit, atque ibidem religiosè in Fratris Conversi gradu ad annum usque millesimum ducentesimum nonagesimum sextum vixit: cùm repentinus belli turbo à Tirolensium Comitum duce, Comite de Sürberg, contra Rudolphum Palatinum, Adolphi Imperatoris socii sui jussu, in illos, tamquam rebelles Imperio judicatos, missum excitatus, totum S. Petri monasterium evertit, Monachos disjecit, bona dissipavit. Conradus, ultimus stragis testis, ad Montem Andecensem fugit, prædictumque Librum cum SS. Reliquiarum & veterum documentorum thesauro reportavit. (g)

4. Ab illo tempore cessavit in loco Regula S. Benedicti, postquam inter prospera & adversa forte variâ per annos trecentos & quadraginta viguisset. Præpositi, qui se in illo belli turbine alio receperant, ad montem sic redire, non ut cœnobiticam normam reducerent, sed divina solum incolis & accolis ministrarent. Hodie mons iste sub cura Parochi Flinspacensis quiescit. Præpositi dignitas plerumque uni ex Cathedralibus Frisingensis Ecclesiæ Canonicis confertur. Ipsam verò S. Petri Ecclesiam in monte sitam ab annis jam septuaginta & pluribus Sa-

cerdos quidam ex Instituto Clericorum in commune viventium administrant. (h)

§. Corolarii loco addendum censeo, quodd, dum apud Hundium & Meichelbeckium (i) Conradus Hornsteinus asserit, Meccinum nostrum tempore Arnulphi impii fugisse, illud asseruerit ex errore ejus & priorum duorum sæculorum ferè communi: quod queritur Clarissimus Brunnerus, nempe post Hungarorum à S. Stephano Rege & Gisela S. Henrici sorore, Stephani conjuge, factam conversionem, mirabilem eam quibusdam Scriptoribus infedis religionem, ut maluerint Arnulpho Duci semper Christiano, quàm infidelibus paulò ante Hungaris vastatæ Bojariæ calumniam inferre: quam tamen præter alios veteres & novos satis refellit Scriptor undecimi sæculi pæne Synchronus, dum post illatas patriæ ab aliis quibusdam calamitates statim subjungit: *post hæc & alia gloriosus Dux noster Arnulphus, virtute ex alto indutus, fortitudine clarus & victoria cunctis, quia de progenie Imperatorum & Regum est ortus, & per ipsum populus Christianus de severenti gladio paganorum est redemptus, & in libertatem vite translatus.* (k) Quam ad rem etiam nos sæculo præcedente aliqua diximus. (l)

6. Neque verò Chronologia fert, ut initia Madronensis cœnobii ad Arnulphi Ducis tempora retrahantur, præsertim si vel Arnulphus Comes Andecensis vel filii ejus fuere fundatores, cum Arnulphus Dux anno 937. jam obierit, illi verò Comites circa medium undecimi sæculi floruerint, ut apud Hundium in eorum Genealogia videre est; (m) quos ego tametsi primos & præcipuos Fundatores negare non ausim, Majores tamen eorum, anno 955. vel proximo, fuisse fugientis Meccini & sociorum receptores & in condenda cella adjutores, firmiter teneo. Chronica certe nostra nusquam indicant, ante annum illum vel Abbatem vel Monachos de nobis illos fugisse, cum perpetua eousque reperiatur Abbatum series: imò asylum etiam apud nos Stelbardus ille quaesierit & invenit. (n)

- (a) Sæc. II. cap. 2. §. 1. num. 4. (b) Vid. infra notam (i) (c) Hund. Geneal. Bav. Part. 1. fol. 74. & 77. (d) Idem in Metrop. Tom. II. fol. 98. (e) Id. ibid. fol. 97. & 98. (f) Meichelb. Hist. Fris. Tom. I. fol. 298. (g) Hist. Andec. sub tit. *Samuel auf Erden* fol. 33. Adlegend. Annal. Boic. Parte I. Lib. XXV. col. 662. & 663. 4. (h) Hund. Tom. III. Metrop. fol. 96. 97. &c. (i) Id. ibid. fol. 223. & 224. Meichelb. Hist. Fris. Tom. I. fol. 298. (k) Ratisbona Monastica Ratisb. edita an. 1752. fol. 232. (l) Sæc. II. Wessof. Cap. I. §. 2. (m) Hund. Stammen Buch Part. 1. fol. 24. Metrop. Tom. 3. fol. 69. (n) Sæc. II. cap. 2. §. 1. num. 2.

§. II.

*De statu Monasterii apud Wessonis Fontes post illatam
ab Hungaris vastitatem.*

r. **D**ICTA ex vastati cœnobii reliquiis trium monachorum coloniâ ad montem Madronum, suscitandi è ruinis monasterii curam suscepisse S. Udalricum Episcopum Augustanum, dubitare nos perspicuus in sacrum ordinem nostrum amor non sinit, auctus etiam ipsa calamitate Monasterii nostri, quod eidem Romam proficiscenti semel iterumque hospitium præbuerat: à cuius Abbate Benedicto dilectissimum nepotem suum Adalbertum liberalibus artibus excultum meminisset. (a) Credimus igitur, Præpositum saltem ab illo fuisse datum (cùm Abbatis dignitatem ob inopiam locus non ferret) cuius curâ per hostium furias dispersa colligerentur, & honori divino ac incolarum pietati consulere-
tur. Idem fatum pluribus id ævi cœnobiis obtigit, non solo Gentilium furore, sed etiam Christianorum cupiditate: sicut eodem sæculo legimus, in Trevirensi S. Maximini monasterio, cuius tunc facultatibus sæculares principes tamquam Abbates incubabant, monachos fuisse sub Ogone Præposito Benedictino, donec idem Ottonis Magni Imperatoris favore anno 948. verus Abbas fieret. (b) Omisissis verò exteris exemplis domestica videamus: intelligemus non ita in solitudinem redacta fuisse monasteria, ut non aliquæ monachorum reliquæ hinc inde superessent. In monasterio Benedictoburano Berthricus & Sintpertus presbyteri & monachi ab anno facili supererant, & Ecclesiæ desolatæ per novennium curam gerebant, donec Wolfholdus opulentus Presbyter eandem suis impendiis restaurandam suscepit. (c) Cremifanense quoque monasterium Hungarica feritate vastatum non adeo colonis vacuum fuit, ut non aliquos saltem monachos haberet: qui S. Godehardum, Imperatoris auctoritate cum Abbatis dignitate ad se venientem promptissimè exceperunt. (d) Et Campidonense monasterium ab anno 920. ter incensum & in solitudinem redactum duos ex illa calamitate superstites monachos habuit, Amandum & Felicem, quorum precibus & S. Udalrici Episcopi Augustani commendatione commotus Ernestus Sueviæ Dux illud restauravit, cœnobitas dispersos collegit, novamque ejus confirmationem ab Ottone I. Imperatore obtinuit. (e)

(a) *Superius* Sac. II. cap. 1. §. 3. num. 2. (b) *Hist. Trevir. Diplom. Tom. I. fol. 278.* (c) *Chron. Benedictobur. Parte I. cap. 3. fol. 28.* (d) *Chron. Nideralt. fol. 62. c.* (e) *Stengelius Abbas in Monasteriologia Augusta 1619. edita.*

2. Antiquum habemus catalogum medio fere sæculo duodecimo in membrana exaratum, in quo hæc leguntur: *Tbiets XIII. sub hoc defectis vita temibialis, & Prepositi pro Abbatis numero edẽ præfuerunt.* Neque additur, quod recentiores quidam codices habent, hosce Præpositos cum Canonici Monasterium nostrum insedisse. Præpositos ergo tantum à S. Udalrico institutos fuisse arbitramur, eosque curasse tam divinum cultum, tam possessionum ruinas restaurasse: *Præpositos*, inquam; *pro Abbatibus*, cum conventus deesset. Neque audiendus est Stephanus noster, qui alicubi scribit, Canonicos Regulares Ordinis S. Augustini sub Præpositis istis adfuisse, cum palam sit, illam Regulam nondum eo ævo in Bavaria uspiam fuisse inventam, quam B. Gerhohus posterioribus annis & sequente sæculo frustra in his partibus utit sollicitè, requisivit. Credam potius, S. Udalricum vel ex Clero suo Augustano posuisse Præpositos, vel aliunde ex Monasterio quodam Benedictino post Hungaricam cladem superstite eos accivisse.

3. Quid si ex Monasterio S. Maximini acciti sunt? Erat illud eo sæculo celeberrimum tam doctrinâ, quàm disciplinâ monasticâ, ut sub Abbate Benedicto I. diximus, ipsum Benedictum nostrum ex eodem ad nos venisse suspicati. (a) Ex eodem S. Wolfgangus Ratisbonensis Episcopus anno 975. Ramvoldum primò Præpositum, dein Abbatem, S. Emmrami Monasterio dedit. Ex eodem Poppo Advocatus anno 978. ad restorationem Tegernseensis Monasterii Hartvvicum monachum adduxit, & Abbatem fieri procuravit. (b) Si Præpositorum nostrorum nomina considerentur, non absudant ea à Catalogo S. Maximini Trevirensi, quem anno 945. ex veteri membrana recitat Reverendissimus Monthemius. (c) In eo enim inter septuaginta monachos recensetur vigesimus primus Ruthardus, qui faciliè, sicut de Benedicto Abbate nostro fulmus opinati, ab eodem S. Udalrico anno 955. inde vocari & Præpositus constitui potuit. De Gunthero quoque Præposito nostro conjici potest, eundem esse, qui in eodem S. Maximini Catalogo quadragesimus septimus numeratur. Sigimarus, quem 1012. Abbatem post se Cremisensem reliquit ex Monasterio suo Nideraltahensi S. Godehardus, non sine causa credi potest, Ruthardo Præposito nostro successisse, eo nomine; quod primus Abbas noster Illungus ex eodem cœnobio fuerit à Thassilone fundatore evocatus. Sic de cæteris quoque Præpositis conscribi posset. Verùm sicut pro hac sententia de Præpositis Benedictinis pertinacius pugnare noluit, ita de eorundem Instituto vivendi differere non otiosum putamus. (d)

(a) *Suprà Sæc. II. cap. I. §. 3. num. 3.* (b) *Bern. Pertz Anecd. Tom. 3. P. 3. col. 502.* (c) *Tom. 1. Hist. Trevir. fol. 279.* (d) *Chron. Niderals.*

S. III.

*De Præpositis Monasterii Wessofontani, eorumque
vivendi instituto.*

Certum est, monasterio nostro, post Thientonem Abbatem, monachosque tum caelos tum fugatos, octonos per ordinem fuisse præpositos loci administratos, ut expressè antiquus ille Catalogus paulo ante citatus (a) testatur: tantum de eorundem vivendi instituto, & succedendi ordine controversia esse posset. Illud nunc elucidandum suscipio: istud in alium locum differo. Donec lux alicunde major oriatur, lubens interim do, eos vel Clericos fuisse S. Udalrico probatos & ab eo in Monasterii nostri subsidium missos, ita ut soli res nostras curarent, & pro restauratione vires intenderent: vel etiam si socios vel discipulos habuere, sicut Nideraltahæ & Benedictoburæ, eis juxta canonica Concilii Aquisgranensis decreta communem vitam duxisse. (b) Verum æquè certum est, plures illius ævi Canonicos seu in Cathedralibus Ecclesiis, seu foraneis Collegiis ac Aquisgranensi quidem Regula in ad apicem adhaesisse, ut non proprias etiam leges ex observatis aliorum bonis consuetudinibus sibi concinnare, & non paucas ex S. Benedicti regula seligere solerent.

(a) *S. præced. num. 2.* (b) *Consule Eckhart Franc. Orient. Tom. 2. fol. 128. 136.*

2. Validum hujusrei argumentum præbet vir eruditissimus Reinhardus Duellius Ord. S. Augustini Canonicus Regularis ad S. Hippolytum in Austria, qui (c) ex antiquis documentis docet, sæculo decimo, quo apud nos Præpositi esse cœperunt, vix ulli notum fuisse discrimen inter Canonicum secularem & regularem; quod utrique communiter viverent, isti solum proprietati renunciarent. Paulo post, qui Regulares audiebant, esu carniū abstinere cœperunt, & ubi carnes comedebant, parcè, nec nisi bis in hebdomada, his vescobantur: utebantur communi refectorio, communi dormitoribus: Juniores senioribus permixti quiescebant. Toto die & in mensa servabatur silentium: post Nonam refecti loquebantur, & latine quidem. Siquis turbulentum se gessit, primum à mensa, à choro, à colloquio excludebatur: non correctus, tamquam membrum premortuum refecandus judicabatur. Pauperibus hospitium petentibus pedes lavabantur. His rigoribus, Benedictinæ Regulæ tam gemellis atque conformibus, quidam eorum non contenti eò processere fervoris, ut inter collegas suas normam vivendi Benedictinam miris modis

dis celebrarent, exoptarent, & canonice, quam susceperant, disciplinæ palam præferrent. Nec defuere, qui arctioris avidi disciplinæ habitum monasticum induerent, cujus rei exempla mox plura referemus.

(c) *Parnass. Boic.*

3. Quare Arno, Asceta & Canonicus Reicherspergensis, ne plures ab Instituto Canonico ad monasticum transirent, necessarium duxit circa annum 1150. librum scribere, *Scutum Canonicorum Regularium* appellatum, quo scrupulum illum collegis suis eximeret. Meminerat enim Godehardum, qui postea Episcopus Hildesheimensis est factus, ex Præposito Nideraltahensi cum pluribus Canonicis mutatum fuisse in monachum, & Abbatem primò Nideraltahensem, inde Tegernseensem, Cremisaneensem, Hersfeldensem. (d) Noverat, Wolfholdum Præpositum Benedictoburanum, post duodecim annorum regimen, monachum induisse, eoque habitu per septennium gesto Benedictinum obiisse. (e) Viderat & Reginbertum ultimum ejusdem Monasterii Rectorem sæcularem, abjecto priore habitu monasticum suscepisse, ac sub Gotehelmo Abbate ex Tegernseensibus accito, Decanum seu Priorem per quindecim annos egisse. (f) Viderat anno millesimo duodecimo ipsam, antea cathedrallem Augustæ, S. Afræ Ecclesiam, migrantibus ad novum S. Mariæ templum Canonicis, mutatam fuisse in monasterium Benedictinum, cui primus Abbas, agente Brunone Episcopo, præfuit Reginbaldus. (g) Nec ignorabat, eodem ferè tempore dimissos Eberspergæ Canonicos, & in eorum locum introductos Benedictinos, qui eundem Reginbaldum habere primum in eodem loco Abbatem. (h) Nec nesciebat, in Canonicorum locum ab Episcopis positos fuisse monachos, uti à S. Wulfgango Weltenburgi, ab alijs alibi. (i)

(d) *Chron. Nideralt. à fol. 60.* (e) *Chron. Ebur. à fol. 29.* (f) *Idem Chron. f. 37. & 38.* (g) *Hier. Aug. P. III. Reg. fol. 4.* (h) *Hund. Metr. T. II. fol. 275. 281.* (i) *Idem T. III. fol. 480. 482.*

4. Rigoris potro illius, quo Cantuarii nonnulli monastici amolabantur, præter amorem DEI & disciplinæ studium, causas etiam alias divinare, arduum non reor. Considerabant fortè plerique, monasticis se possessionibus insedisse; sustentari bonis, quæ Fundatores S. Benedicto, ejusque Ordini attribuerant. Fortè ipsa solitudinis dulcedo, & contemplationis quies, majoris observantiæ incitamentum erat. Fortè animadverterant, assuetam monasticæ vitæ consuetudini plebem veteres suspirare mores & vestes. Fortè jam inclinati ad amplectendam S. Benedicti Regulam per exercitationes illas præludebant futuro Instituto: sicut

out de S. Adelheide Vilicensi legimus, quæ cum canonicam vitam relinquere & monasticas leges amplecti cogitaret, integro anno vires suas occultâ carniû abstinentiâ periclitabatur. (k)

(k) *Bell. Tom. I. Febr. à fol. 715.*

4. His de Præpositorum & Canonicorum conditione generatim præmissis, quid de Præpositis Wessofontanis sentiri, dicere possit aut debeat, videamus. Aio, si non omnes, certè plures istorum aut Benedictinos fuisse, aut S. Benedicto addictissimos, ad restaurandam Monasticam normam semper aspirasse. Nec difficile fuit; primum statim Præpositum ad id consilii permoveeri, tum Divi Udalrici monitis, tum aspectu recenti adhuc sanguine manantium corporum Thientonis & sociorum: ut quorum gauderet exuviis meritisque, eorum etiam accenderetur exemplis ad S. Benedicti Regulam amplectendam. Eò impelli potuere Præpositi nostri eo etiam fine, ut Monasterii possessiones, Benedictinæ Regulæ affectis olim attributæ, promptius ab illius ævi Episcopis confirmarentur, imò & augerentur. Certè cum Præpositus noster ad S. Wolfgangum Episcopum Ratisbonensem, qui ab anno 968. usque ad annum 994. sederat, venisset, ut Confirmationem peteret Ecclesiæ Reyspacensis in illius Diocesis sitæ; facilius utique Præpositus Benedictinus ab Episcopo Benedictino obtinuit, ut possessio Benedictinis à Fundatore concessa non solum confirmaretur, sed etiam novis juribus augeretur. Tamen porro primæ S. Wolfgangi litteræ non reperiuntur, luculentum tamen testimonium ejus liberalitatis perhibet Innocentius ejus nominis secundus Pontifex in Bulla anno 1141. concessa Walthoni Abbati, in qua, sub eodem Walthone proponenda, hæc legantur: *Porro super decimis à fratribus nostris Wolfgango Ratisponensi, & Udalrico Augustensi Episcopis, Ecclesiæ vestre concessis, successoribus suis nullatenus liceat, vos ausu temerario fatigare, aut aliquam vobis inferre molestiam.*

§. IV.

Catalogus Præpositorum Wessenbrunnensium.

PRæpositorum nostrorum Catalogum nuspiam reperire integrum potui, neque seriem eorum æquali ordine positam. Sequor igitur indiculum antiquissimum, in quo quidem duo illorum omitti sunt, facile tamen ex Codicibus sæculi decimi quinti & sexti suppleantur.

Præpositus Primus.

Ruthardus, seu, ut apud Hundium vocatur, Richardus successisse dicitur circa annum Domini nongentesimum quinquagesimum sextum: ex quo firmatur opinio nostra, Thientonem cum Sociis non Aprili mense, sed adultiore jam anno fuisse cæsum; cum tardius fuerit constitutus alius Monasterii Rector. Stephanus noster, antiquo quodam Calendario deceptus, scripserat, Ruthardum ex Undenstorfio fuisse ad nos vocatum, sed ipse meliora monitus, scripta expunxit: cum Monasterium illud post centum & septuaginta demum annos ab Ottone Comite Palatino de stirpe Wittelsbachia fundatum fuerit. (a) Nos Ruthardum istum ex Monasterio S. Maximini vocatum interea credimus, donec certiora doceamur. (b) Præpositus iste obiisse notatur nonis Maii.

(a) *Hund. Metr. T. III. fol. 437.* (b) *ut supra §. II. num. 3.*

Præpositus Secundus.

Sigimarus memoratur in veteri illa membrana. Hunc ex monasterio Nideraltahensi, quod illo tempore maxime florebat, ad nos vocatum, ac deinde in Cremifanensi præfectura S. Godehardo successisse, coniecimus. (c) Alius est iste ab illo Sigimaro, quem nos cum Hundio Abbatem septimum anno 906. electum diximus, & Codices nostri recentiores in eundem conspirant. (d)

(c) *supra §. II. n. 3.* (d) *Cod. C. fol. 56. Cod. E. fol. 4.*

Præpositus Tertius.

Germanus nomine & natione, qui unde venerit, aut quid gesserit, nullibi expressum invenio.

Præpositus Quartus.

Guntherus in Codicibus nostris, ab Hundio Gunthardus vocatur. Guntherum in Catalogo S. Maximini ad annum 941. invenimus: Gunthardum verò in Catalogo Monachorum Nideraltahensium, qui sub S. Godehardo Abbate vixerunt. Fuit planè Cœnobium istud fecundissimum Abbatum seminarium, ex quo illa ætate Sigimarus Cremifanensis, Richerius Cassinensis, Wenceslaus Leonensis, Meginhardus Preunau-giensis, ad exteris insulas fuerunt evocati. (e)

(e) *Chron. Niderals. fol. 61.*

Præ-

Præpositus Quintus.

Hartmannus, non utique Sanctissimus ille Brixentum Episcopus, qui quidem Præpositi munere Passavii ad S. Nicolaum, Salisburgi in Cathedrali Collegio, in Chiemensi item insula, & Claustro Neuburgi in Austria functus, sed primum centesimo post restauratam apud nos S. Benedicti Regulam est defunctus. (f) De Hartmanni nostri actis Codices silent.

(f) *Rad. Bav. S. Vol. II. fol. 262.*

Præpositus Sextus

Anselmus vocatur. Nihil aliud de eo legimus præter diem mortis, quam subiit tertio Idus Februarii. Incidisse tamen in ejus Præposituram potuit Wessenbrunnensium & Tegernseensium arctior quidam nexus, & fortè coepta Benedictinæ Regulæ observatio; ex eodem enim Tegernseensi plantario paulò antè Augustani S. Afræ monachi, & Benedictoburani colonias acceperant. Cozvo sanè calamo scriptum possidemus Catalogum, antiquissimo Evangeliorum volumini inscriptum, hoc titulo: *Hæc sunt nomina Tegrinseensium fratrum viventium*, & sic incipit: *Domnus Abbas Herirandus*. Is anno 1042. electus post annos quatuor præesse desit. In fine Catalogi additur: *item Gothelmus Abbas, Oudalricus presbyter, Rihpoldus diaconus*: Gothelmus iste ex eodem Tegernseensi monasterio assumptus, jam tum Benedictoburani felicitimè præerat. (g)

(g) *ut supra §. III. num. 3.*

Præpositus Septimus.

Sintpertus optimè de monasterio meritis summam curam ad ejusdem & Ordinis Benedictini incrementum contulit; eo enim præposituram gerente, anno sæculi undecimi quinquagesimo primo Henricus ejus nominis tertius Imperator attulit Jerosolymis corpus unius SS. Infantum ab Herode caesorum, & Ecclesiæ Wessofontanæ Sanctuario donavit: spectabiles itidem Reliquias de corpore S. Maximini Trevirensis Episcopi. Anno deinde proximo S. Leo IX. ab eodem Henrico Summus Pontifex designatus, Augustâ Vindelicorum in Italiam transit, Romæ à Clero & populo legitimè eligendus: is ex via, quæ per territorium nostrum & prope cænobii muros ducit, apud Sintpertum divertit, eumque pro suo in Ordinem nostrum studio hortatus est, nulli ut studio parceret, donec Abbatialis dignitas & monasticæ disciplinæ vigor Monasterio redderetur.

Anno deinde 1057. jam novum Altare S. Petro Apostolo sacrum ab Henrico II. Episcopo Augustano vigesima secunda die Octobris consecrari Sintpertus curavit, & restituendo templo omnes curas impendit. Hujus Altaris dedicationem statim secutæ sunt largæ fidelium donationes, & quidem ipso illo die Vir nobilis, Volchmarus nomine, coram testibus ancillam suam Sophiam S. Petro donavit. Sintpertus Praepositus meritis plenus obliisse invenitur Calendis Januariis, anno circiter 1020. vel etiam festius. Atque hæc per compendium de Sintpetro Praeposito dicta sunt. De altaris dedicatione, de Sacris Reliquiis, de donationibus infra redibit sermo, ubi de Benefactoribus agetur.

CAPUT SECUNDUM.

De Benefactoribus Ordinis & Monasterii nostri.

LAudemus viros gloriosos & parentes nostros in generatione sua, ac munificentiae perpetuis monumentis: atque eos nunc quidem, qui ab anno 956. usque ad 1055. & ultra Sacro Ordini & Monasterio nostro favorunt, Imperatores, Episcopos, Duces, ac Dynastas: unde facilius Lector Religionis post diluvium illud Hungaricum incrementa comprehendat, minusque miretur nostras de Praepositis Wessofontanis opiniones: licet nos ipsos, tabularia nostra scrutatos, permulta antiquitatis documenta deficiant. Caesarum animus in Ordinem nostrum pronissimus ex eorum gestis compendio enarrandis haud difficulter intelligetur.

§. I.

Imperatores Ordinis nostri & Monasterii Benefactores.

I. **O**TTO I. non de monasterio solum nostro, cui caesis in campo Lycio Hungaris respirandi facultatem dedit, sed & de Ordine Divi Benedicti universo optimè meritus est. Nihil erat, quod ab eo S. Udalricus peteret, & non impetraret, quem tanta veneratione Imperator prosequeretur, ut Sanctum hunc Episcopum Romæ jam tertio revertentem & Ravennæ se invisentem excipiens, altero calceo nondum pedi induto accederet, & in ejus amplexus rueret. (a). Adelzreitterus affirmat, ipsique Benedictoburani fatentur, tum S. Udalricum, tum Ottonem Imperatorem de Monasterio suo fuisse optimè meritos. (b) Admira-

miratione digna sunt, quæ idem Imperator Monasterio S. Maximini, Abbatum sæcularium vi oppresso, beneficia & privilegia tribuit. (c)

(a) *Hist. Fris. Tom. I. Part. I. fol. 176.* (b) *Ibidem fol. 178.* (c) *Histor. Trev. Diplom. Tom. I. à fol. 276. num. CLV. & seqq.*

2. Otto II. qui patri anno 973. successit, Ecclesiarum insignis fautor, Cathedrali primùm Frisingensi multa donavit; (d) restaurando verò monasterio Tegernseensi Abbatem è S. Maximino Hartwicum dedit, amplissimam bonorum restitutionem adjecit, Privilegiis singularibus monasterium cumulavit, illudque in protectionem ac defensionem Imperialem suscepit. (e) Nec mirum, aded prono in Ordinem nostrum animo fuisse Ottonem, qui se ope S. Wolfgangi Ratisbonensis Episcopi gravi periculo liberatum meminerat; perditus enim fuisset, nisi beatus ille Præsul Ottonis exercitum per flumen rapidissimum prodigiosè traduxisset, hoste idem vadum frustra attentante. (f)

(d) *Hist. Fris. T. I. P. I. fol. 179.* (e) *Ibidem fol. 184.* (f) *Chronicon Lualacense anno MDGCXLVIII. impensis Gastelianis editum fol. 101.*

3. Otto III. quàm addictus Divo Benedicto fuerit, ex eo patet, quòd S. Adalberti Polonorum Apostoli Benedictini Gnesnæ sepultum corpus nudis pedibus adierit, eam Ecclesiam in Archiepiscopalem erexerit, ac eidem Gaudentium itidem Benedictinum, occisi Adalberti fratrem, Archiepiscopum dederit. A S. Romualdo admonitus, ut positâ purpurâ monachum indueret, spondit quidem, sed distulit, sequenti anno 1002. veneno extinctus. (g) Eidem tamen Imperatori hodiernum S. Pauli Monasterium Romæ vigorem suum debet; cum enim summus Pontifex & alii complures Ottoni suassent, ut in locum monachorum Canonicos introduceret, apparuit Imperatori S. Paulus Apostolus, & cujuslibet Instituti homines, si à norma deviassent, non ejiciendos, sed emendandos esse, dixit. (h)

(g) *Hist. Fris. T. I. P. I. fol. 195. & 196.* (h) *Acta SS. Boll. 29. Junii fol. 466. num. 179.*

4. S. Henricus II. totus quantus in profectum & ornamentum Ordinis nostri incubuit. Præcipuum ejus opus, quantum ad Ordinis nostri incrementum pertinet, fuit Parthenon S. Pauli Ratisbonæ pro Virginibus Benedictinis fundatus, cui Brigidam sororem suam præfecit Antistitam. Harum virginum exemplo incitatæ superioris ibidem, & inferioris Monasteriorum nobiles inquilinæ eandem Divi Benedicti regulam habitumque susceperunt, ut de priori seu superiori patet apud Pezium, (i) de in-

feriori verò apud Hundium. (k) Ipsemet obedientiam ex regula Richardo Virodunensi Abbati professus, sed ex eadem obedientia ad imperium gerendum iussus reverti, paruit. (l) A S. Wolfgango educatus, eundem & mortuum sibi faventem habuit, dum ex eo sibi apparente saluberrimum illud : *post sex* : audivit. Idem jam dudum aureum Imperii pomum, à summo Pontifice sibi donatum, mox ad Cluniacense monasterium misit : coronam cæsaream S. Petro Romæ obtulit. Herniæ cum periculum pateretur, S. Erentrudis ope Salisburgi liberatus est : sicut Imperator à S. Benedicto Cassini à calculo. Monasterio Weihestephanensi prope Frisingam sito Insulam Danubii in Austria Sächsonogangam donavit. (m) Ottonis Magni exemplo, qui monasterio S. Emmerami vicum Helfendorfsensem, locum martyrii ejus, donaverat, & ejusdem cœnobii exemptionem ac libertatem defenderat, Henricus Hofmarchiam Ayterhofensem, ab adversariis acerrimè impugnatam, sed cælitus vindicatam, confirmavit. (n) Pari in Ordinem nostrum amore Chunegundis castissima illius conjunx ferebatur, quæ Henrico superstes pro corona regia in Parthenone Confugiensi à se fundato velata Christo S. Benedicti regulam ad obitum usque servavit.

- (i) *Anecd. Tom. 6. P. II. fol. 129. num. 12. ad ann. 1379.* (k) *Metrop. Tom. 2. f. 591. lin. 1.* (l) *Ab. SS. Boll. 14. Julii fol. 742. num. 146.* (m) *Hist. Fris. T. I. P. I. f. 212.* (n) *Ratisbona Monast. fol. 217. de Ottone, & fol. 239. de S. Henr.*

5. Conradus II. dictus Salicus, à pietate exorsus imperium, Benedictinos Cassinenses à Pandolfo Capuano Principe vexatos defendit, eundemque principatu priavit. (o) Quod propius ad nos attinet, monasterium Tegernseense potentum injuriâ profanatum pristino vigori restituit : mox dehinc ex eodem Ellingerum & Gothelmmum successivè Monasterio Benedictoburano Abbatès dedit clarissimos, qui illud jam diu per sæculares Rectores gubernatum ad normam S. Benedicti reformarunt. (p) Ex eodem inclyto S. Quirini monasterio novam ad fontes Wessonis coloniam fuisse deductam, nobis perquam verosimile videtur. (q)

- (o) *Foresti Mappamondo Tom. 2. cap. 16. fol. 393. edit. Veneta de anno 1710.*
 (p) *Chron. Benedictobur. Part. I. fol. 35.* (q) *preced. cap. §. 4. sub Præposito VI.*

6. Conrado anno 1039. defuncto successit Henricus III. Imperator, in Ordinem nostrum & Wessonis Fontes beneficentissimus. Ut de aliis taceamus, Benedictoburano Monasterio complura bona, ab aliis diu perperam possessa, restituit, atque illud, annitente etiam Welfone duce, in

in singularem tutelam suam suscepit. (r) Nostrium verò monasterium jam antea, anno nimirum 1051. insignibus Sanctorum Reliquiis donavit, ut supra diximus (s) & suo loco iterum dicturi sumus.

(r) *Chron. Bbur. P. I. c. 7. fol. 73.* (s) *supra §. IV. sub Præposito VII.*

§. II.

Episcopi Augustani Ordinis & Monasterii nostri Benefactores.

1. **S.** Udalricum annus à nongentesimo septuagesimus tertius terris eroptum cælo intulit. Nimum longi essemus, si, quem ille sacri Ordinis nostri amorem à teneris imbibit, in omni vita exercuit, atque in finem usque servavit, explicare vellemus. Ejus memoriã apud nos in perpetua benedictione immortalem servant complura monumenta: Adalbero ejusdem nepos à Benedicto Abbate nostro litteris & artibus liberalibus instructus: cæsi in campo Lycio Hungari & vindicatus fratrum nostrorum innocuus sanguis: monasterium vigilantissimis Præpositis commendatum, restaurari cœptum, decimis auctum: fons in Foresto & Parocia nostra ipsius precibus excitatus: terna ejus ex itinere Romano ad Monasterium nostrum diversio: hæc talia sunt, quæ sanctissimi Præsulis gratam memoriã animis nostris elabi numquam patientur. Sanè à Fontibus nostris ad alia quoque Westfontanæ ditionis loca cultus S. Udalrici diffusus est; nam à tempore omnem hominum memoriã excedente in Ecclesia S. Leonardi Forestana singularis Divo Udalrico ara est dedicata, jamque à trecentis annis festiva ipsius dies publica supplicatione, solemni Officio, & panegyrico celebratur. In Ecclesia quoque Viltershovensì, Landspergam inter & monasterium nostrum sita, quam Egilolfus nobilis laicus nobis donavit, primarius à septingentis ferè annis Patronus fuerat, & adhuc, post Dolorosam ac Thaumaturgam Deiparam, talis colitur, solemni Officio, & panegyrico, magnoque populi concursu S. Udalricus; cui etiam quadraginta abhinc annis magnifica Ara erecta spectatur.

2. S. Udalrici successor fuit Henricus, qui, cùm esset ultimus stemmatis sui surculus & bonorum hæres, omnia sua totumque Comitatum Geisenhusanum Cathedrali Ecclesiæ Augustanæ transcripsit, procul dubio Monasteriis quoque plura præstiturus, si vivere fata dedissent: verum gesto per novem annos præsulatu obiit seu cæsus seu captivus in Calabria, quò Ottonem II. Imperatorem contra Græcos fuerat secutus. (a)

(a) *Hierarch. August. Cath. f. 148.*

3. Hen-

3. Henrico successit Eutyches, Germanis Ethico, de Welfonum gente. Hujus Episcopi suasu Henricus Altorffii Comes ex eodem sanguine, ad restaurandum S. Altonis Monasterium, ministrorum avaritiâ oppressum, monachos Ammergovieneses in illud transtulit: qui tamen labente tempore Altorffium sunt traducti, avitam Welfonum sedem: in eorum verò locum Sanctimoniales Altorffenses in Bavariam translatae sunt; quibus injuriâ temporum ad paucitatem reductis successit Ordo S. Birgittæ. (b)

(b) *Agnell, Defens. Arnulphi f. 90. num. 4. & 5. Hund. Tom. 2. Metrop. & Hier. Aug. Cathed. fol. 151.*

4. Luitolphus, aliàs Luitholdus Episcopus anno 993. Romam profectus effecit, ut à Joanne XV. Pontifice S. Udalricus noster omnium primus solemnissimo ritu in Sanctorum numerum referretur. (c) Ejusdem Luitoldi beneficentiam in monasterium Feuchtwangenense Ordinis nostri testatur fiducia Wigonis Decani, qua opem illius sæpius imploravit, & obtinuit, contra inimicos etiam ab illo defensus, uti docent epistolæ Wigonis ad eundem datæ. (d) Gosbertus Tegernseensis Abbas, ex S. Emmeramo accitus, Monasterii Feuchtwangensis restorationem susceperat, Wigone interim Decano eidem præposito: verum longinquitas loci tam Episcopi studia, quàm Abbatis consilia labentibus annis pessum dedit.

(c) *Hier. Aug. Cathed. f. 154. num. 5. 8. & 9. (d) Pez. Anecd. Tom. 6. P. I. Epistolæ 4. 5. 6. 11. 12. colum. 112.*

5. Gebhardus Luitolphi successor de Comitum Ammerthalensium sanguine genitus, cum antea Cathedralis Ecclesiæ Augustanæ Canonicus, dehinc & Præpositus fuisset, Elvaci monachum induit, ac demum Abbas evaluit. Verum Luitolpho mortuo, statim à Canonicis ad capiendos Episcopatus Augustani fasces fuit evocatus, maximo Ecclesiæ emolumento. Ipse olim S. Udalrici Sacellanus Synodo Ingelheimensi interfuit, cum ille monastico habitu comparens præsulatu se abdicare, & Alberonem nepotem sibi subrogari contenderet. Ipse S. Udalrici jam defuncti primus vitam conscripsit. Tantus pontifex, de quo Ecclesia Augustana & Ordo noster plurima sibi emolumenta promittebat, post regiminis quadriennium morte decessit anno millesimo. (e)

(e) *Hier. Aug. Cath. fol. 156. &c.*

6. Sigfridus eodem anno, quo decessor obiit, electus, septennio praeuit, magni animi vir. Ottoni III. Imperatori acceptissimus, ideoque multis reipublicae curis involutus. Multa sperabatur universae Ecclesiae praestiturus, nisi immatura mors consilia abruptisset. (f)

(f) Hier. cit. fol. 159. num. 1. 2. & 16.

7. Bruno S. Henrici Imperatoris frater non minus sanctimoniam, quam sanguine clarus laudatur in Epitaphio apud S. Mauritium Augustae sibi posito. Jam puer à S. Wolfgango vaticinè Episcopus vocabatur. Constitutus Augustae Praesul, multis ab Augusto fratre privilegiis donatus, inter quos Episcopatus Augustanus ad S. R. Imperii Principatum est elevatus. Conciliis Francofordiensi & Bambergensi, Synodo item Seligenstadeni per Moguntinum convocatae interfuit. Ab Henrico fratre dignitatis aemulatione initio alienus, citò resipuit, Schongavii eidem supplices veniam petiit, & multis cumulatam favoribus impetravit. SS. Udalrici & Afræ Monasterium, cui ipse Reginbaldum è S. Gallo Abbatem, monachos è Tegernseensi coenobio dedit, ita diligebat, ut Divi Mauricii Collegiatam Ecclesiam, Henrici fratris jussu à se aedificandam, poene neglexisse videretur, ab eodem jam mortuo propterea castigatus. Monasterium Thierhauptanum ut è ruinis denuò surgeret, Bruno fuit auctor, dum Gebhardum ex Andecensium stirpe Ratisbonensem Episcopum, aliosque benefactores eidem conciliavit. Obiit Ratisbonae in Comitibus 23. Aprilis, & Augustae ad S. Mauritium est sepultus anno 1029. Plura ejus acta exhibet Hierarchia Augustana. (g)

(g) P. I. Cathed. à fol. 162.

8. Successit Brunoni Eberhardus Conradi II. voluntate, etiam ipse Ordini Benedictino addictissimus, in Monasterium SS. Udalrici & Afræ beneficus, in Parthenonem S. Stephani, tunc regulæ S. Benedicti addictum, poene profusus: Benedictoburanum quoque monasterii revocationem ad S. Ordinem nostrum suo voto & suasu promovit. Obiit anno post millesimum quadragesimo septimo. (h)

(h) Ibid. à fol. 163.

9. Henricus ejus nominis II. Episcopus ab Henrico III. Imperatore designatus, ingentis animi & prudentiae laude clarissimus, Caesari ab intimis consiliis, & Cancellarius fuit: demum Henrici IV. quinquennis in solio locati tutor & instructor, Imperium cum Agnete vidua dexterrimè gubernavit. Aemulorum suspicionibus & calumniis acerba passus totum se ad ecclesiarum sibi subjectarum curam dedit: & Templum quidem Ca-

thedrale venustis porticibus expolivit, S. Leonem IX. Pontificem ex Moguntino Concilio Augustam deduxit, S. Udalrici miraculis passim clariscentis festivitatem die 4. Julii solemniter celebrari jussit anno 1059. & ad ejus templum ampliandum quinquaginta libras argenti contulit: in area Monasterii SS. Udalrici & Afræ Sacellum S. Agnetis anno 1050. erectum ipse consecravit: (i) & septimo post anno novum S. Petri altare in Monasterio nostro dedicavit, qua de re legitimum instrumentum inferius producemus. (k)

(i) *Hierarch. Aug. P. I. Cath. à fol. 172.* (k) *§. seq. num. 7.*

§. III.

De aliis Illustribus Viris ac Fæminis Monasterii nostri Benefactoribus.

1. **P**rimo quidem loco nominandus esset S. Wolfgangus Ratisbonensis Episcopus, qui monasterii nostri antiquissimas circa Reyspachium possessiones non solum confirmavit, sed etiam decimis adjectis auxit. Nominandi essent Illustrissimi Comites Andecenses, quorum beneficio fugitivi nostri tres monachi sedem stabilem in monte Madronensi acceperunt. Nominandus demum esset S. Leo IX. Summus Pontifex, qui ut ubique, ita apud nos eximium suum in restauranda religione studium comprobavit. Verum quis illorum laudes satis cantaverit? pleni sunt omnes libri. Ne igitur nimium divagemur, abditos hactenus & nunquam in lucem productos benefactores, quos in Diptychis & Instrumentis nostris invenire potuimus, nominare contenti erimus.

2. Diptychorum nomine veniebat duplex tabella, fibulis quibusdam connexa, quæ in formam libri claudabatur & aperiebatur. In uno diptychi latere vivorum, in altero mortuorum, bene de Ecclesia meritum, nomina scribebantur, quæ deinde, in signum communicationis, ad missam recitabantur. Erat autem magnum dedecus ac poena illis, qui de hac tabula delebantur, ut in hæreticos, schismaticos, & excommunicatos fieri consueverat. (1) Nos duo perantiqua, quæ ad finem sæculi decimi & initium ac medium undecimi pertinent, Diptycha possidemus, ex quibus præter sola nomina nihil disci queat, quam bene de nobis meritos & in communionem bonorum operum ac orationum receptos fuisse: cæterum donantium conditio frequenter, donum ipsum
vd

vel beneficium semper silentio præteritur; immò nomina non pauca, olim inserta, medicatò erasa & extincta deprehenduntur.

(1) *Dominici Macri Hieroglyphicon V. Diptychum.*

3. In primo quidem Diptycho supremum locum occupat *Egilolfus Patruus noster*, & *uxor ejus Berehta*: forsitan ille est, qui in Calendario Benedicti Abbatis ad diem 14. Octobris defunctus annuntiatur his verbis: *Egilolf laicus obiit, qui dedit dimidiam Ecclesiam & dimidium pradium ad Vilgundenheuen.* Post eum, locò paulò inferiore caractere alio & ut videtur antiquiore descripti sunt fere sexaginta tum viri, tum foeminae: inter quos *Willmans diaconus*, *Hadewin & uxor ejus Ribhart &c. &c.* Hoc agmen claudunt septemdecim testes, qui fortè aderant, cum illi omnes simul munera sua S. Petro offerrent. Hos inter testes nominantur *Danchoff archipresbyter. Heimo presbyter. Adenay presbyter.*

4. In altero Diptycho, in quod ex antiquioribus tabulis plerumque nomina congesta videntur, ponuntur ex Venerabili Clero *Heriman, Welfgis, Walrile, Adalprech, Ludwig, Waltarib, Albric presbyteri: Nartpreht diaconus: Werinbarte subdiaconus.* Ex laicis verò *Ougo occisus & Aemhile mater ejus. Konrad, Poppo, & Waltarib fratres. Welfhart dux, item Welfhart miles ejus. Taringer. Landfrid. Ellinrat. & post alios duos Walterat. Snelbarr. Gatzpreht. Imma. Wiberat. Mathild. Humilitas.* Hæc nomina interpretari vel quorum hominum fuerint, divinare nolumus, sed aliorum conjecturæ relinquimus. Deus omnibus promissam elemosynæ mercedem largiatur.

5. Majus lumen nobis afferunt pauca, quæ superant, Instrumenta, eaque non diplomatis in morem singularibus chartis mandata, vel sigillis munita, sed vetustissimò Evangeliorum libro circa idem tempus inscripta, ubicunque locus scripturæ vacuus inveniebatur. Ibi primo loco invenitur donatio Düringi nobilis Presbyteri, qui Albaratam ancillam suam cum fratre suo Cuntherio S. Petro Apostolo tradidit, sicut ex subjuncto brevi instrumento patet:

„ Omnibus litterarum sophismate peritis notum sit, quod Dürinch nobilis presbyter Albaratam ancillam suam cum fratre suo Cuntherio per manum Ratolfi ad Wescinesbrunen ad altare sancti Petri Apostoli tradidit. Isti sunt testes. Otto. Heinrich. Rontpreht. Adalgoz. Englpreht. Roudarich.

6. Aliam mancipiorum suorum donationem fecit Wazila mulier libera, sicut instrumentum testibus firmatum docet :

„ Notum sit omnibus Christi fidelibus, quod quedam mulier nomine
 „ Wazila propriam ancillam nomine Gopa cum tribus pueris ejusdem
 „ ancille presente & annuente Werinhero, cujus ancilla quondam fuit
 „ eadem Wazila, tradidit Ecclesie beati Petri ad Wezzinesbrunnio, ea
 „ conditione, ut unumquodque eorumdem mancipiorum singulis annis
 „ quinque denarios de capite suo fratribus in predicto loco Domino ser-
 „ vientibus persolvat. Isti sunt testes. Razzo. Oudalrich. Amalpreht. „

7. Denique tertia invenitur donatio Uolchmari nobilis viri, cujus Instrumentum eo libentius apponimus, quo perfectius in illo notæ temporis in annum 1057. convenire deprehenduntur : eodemque prima post Hungaricam vastitatem facta apud Westonis fontes Altaris Dedicatio confirmatur.

„ Omnes Christi fideles noverint. quod quidam nobilis vir nomine
 „ Volchmar tradidit ancillam suam nomine Sophiam ad Wescinesbrun-
 „ nen ad altare sancti Petri apostoli cum jure summorum. qui ibidem
 „ servi sunt ejusdem apostoli. pro dilectione ipsius Sophie. ut & ipse
 „ gratiam Dei sanctique Petri apostoli acquireret.

„ Hi sunt testes nobiles per aures tracti. Hartman. Adalpreht. Pe-
 „ reuuart. Routpreht. Durinch. Megingoz. Weriant manuliber.

„ Isti sunt testes servi S. Petri Apostoli. Ecgolf. Hartman. Walt-
 „ frit. Liutpolt. Engilman. Adalman. Purchart.

„ Anno dominice Incarnationis Mill. I. v. xi. Indiæ. x. fer. II. II.
 „ luna xx. xi. Kal. Nov. in dedicatione Altaris ejusdem. Anno Henrici
 „ regis IIII. traditio facta est. (*)

(*) Conferatur hoc instrumentum cum altero, sub eodem Rege anno 1056. dato, in Hist. Trev. Diplom. T. I. Diplom. 258. fol. 494.

§. IV.

De Sacris Reliquiis Ecclesiæ Wessofontanæ ab Imperatore Henrico III. donatis.

1. **P**ost terrenas facultates, quas varii Benefactores Monasterio nostro ad monachorum sustentationem contulerunt, sacrationes nunc thesauros explicatiùs pandere æquum est. Laudavimus Henricum III. Imperatorem, qui Hierosolymis attulit corpus unius sanctorum infantum ab Herode cæsum, & spectabiles insuper reliquias de corpore S. Maximini Trevirensis Archiepiscopi Sanctuario Ecclesiæ nostræ intulit: (a) de utrisque largiùs nunc agemus.

2. Stephanus Leopolder, postquam de septem Martyrum corporibus testimonium ex tabula plumbea quadrata recitasset, ex alia antiqua tabula illas quoque recitat & posteritati commendat his verbis:

(b) *Contenta in alia tabula rotunda, in cujus medietate est imago Henrici Imperatoris, cum tali titulo, ut sequitur.*

Henricus Dei gratia Romanorum Imperator.

In aliis duabus lineis sic continetur.

Anno Domini MLI. allatum est de Hierosolyma ab Henrico Imperatore corpus unius parvuli de S. Innocentibus.

In altero latere plumbi sic continetur.

Hic facit de corpore sancti Maximini Trevirensis, brachium dextrum, cum ulna, coxa cum tibia, femur, mandibula, digitus annularis.

(a) *Hoc Sec. cap. I. §. IV. Propos. 2. (b) Que hic cursivis litteris ponuntur, Stephanus minio scripsit.*

3. De huius preiosis Reliquiis pauca ad Sanctorum honorem supersunt dicenda. Corpus beati & innocentis illius parvuli fuit in sacrario nostro usque ad initium sæculi XVI. & fortè ultra: anno tamen nonagesimo jam non inveniebatur, nisi, ut Joachimus Puchauer tunc Sacrifex

postea Abbas S. Petri Salisburgi, anpotavit, *in arcula oblonga obarvas cras integrum de Innocentibus.* (c) Deinde Serenissimis Bavariz Ducibus, de monasterio nostro semper, & præsertim illo tempore, optimè meritis donatum est omne reliquum corpusculum, remanente nobis in memoriam possessi olim thesauri unò illo crusculo; quod Gregorius Pontanus, anno 1607. electus Abbas argenteæ clavæ, sic tamen ut visui pateat, inclusit: eandem clavam argenteus parvulus palmaris staturæ manu tenet, imò manum eadem quasi nixus fulcit. Cæteræ corpusculi partes in Hierophylacio Palatii Electoralis Monachii asservantur, & cum quibusdam aliorum aliunde advektorum Innocentium reliquiis in festo SS. Innocentium tum in templo Societatis Jesu, tum alternatim in aliis, nisi memoria me fallat, annuatim publicæ venerationi, ex Sacello aulico ad tempus translataz, exponuntur.

(c) *Index Reliquiarum fol. 1.*

4. De S. Maximino multum requisivi, quo tempore, vel à quibus allataz fuerint tam insignes sanctissimi Præfulis Reliquiæ. Cum nihil aliud indagare potuerim, acquiescendum arbitror plumbeæ huic tabulæ effigie Cæsaris insignitæ, in cujus priore facie disertè annus altat' S. Innocentis, & Imperator Henricus assignatur. Et quoniam in eadem tabella, non in alia separatim, sed aversâ tantum, *in altero latere plumbi*, Reliquiæ S. Maximini notantur, ab eodem Imperatore utrasque tam S. Maximini, quam S. Innocentis, liceat existimare: quatenus aliter suspicatus sum superius in Benedicto I. Abbate, (d) interim hoc notasse sufficiat, quod S. Maximini Festum in Calendario Abbatis Benedicti duodecim lectionibus celebrandum, minioque scriptum, indicatur: verum nec hoc majori antiquitati patrocinator, uti ad idem Calendarium præfando docerimus. (e) Præterea aliz ejusdem sancti reliquiæ indicantur in supra dicto Joachimi sacristæ catalogo his verbis: *in arcula quadam eburnea - - - particula digiti S. Thomæ Apostoli, S. Maximini, S. Gangolfi Episcopi, &c.*

(d) *Sac. II. cap. I. §. III. n. 3. Confer. Sac. III. cap. I. §. II. n. 2. (e) Part. III. Diplomatica.*

5. Sanctus iste ad Sedem Trevirensensem assumptus est 13. Augusti, anno 332. Interfuit Concilio Sardicensi anno 347. Decessit 12. Decembris anno 349. Colitur 29. Maii. (f) Quo eodem die etiam nos Wessofoniani eundem colimus sub ritu Festi duplis, & Officium quidem canonicum ex Communi Pontificis & Confessoris usque ad annum 1743. celebravimus: modernus autem Reverendissimus Præsul BEDA proprias de hoc Divo Lectiones Treviris per amicum obtinuit. Ipsa festivitas die

die memoratæ ejus reliquiæ in ara principe publico cultui exponuntur, quas duobus brachiis ex puro argento fabricatis inclusit, & ut pelluciderent, chrystallo obduxit Gregorius Pontanus Abbas ante centum & plures annos, cùm prius brachiis ligneis clauderentur. Aliquantis post allatum hoc donum annis in gratitudinis tesseram Archiepiscopo Trevirensi tunc sedenti insignem Codicem elegantissima devotæ Diemodis nostræ manu in membrana exaratum obtulimus. Fuit is Liber Missalis cum Gradualibus & Sequentiis, ut Catalogus testatur. (g)

(f) *Hist. Trevir. Honthemii Tom. I. post Dissert. præviam fol. LVIII.* (g) *Producendus Sec. IV. in Walthone.*

6. Quoniam verò Sanctus iste Archiepiscopus in patria nostra & vicina paucis est notus, non inutile ad promovendum ipsius honorem visum est, Lectionibus in officio divinis de eo recitari solitis, gestorum ejus epitomen dare.

Lectio V.

Maximinus Pictavis in Aquitania clarissimis Senatorii ordinis parentibus natus, S. Agritii primi Trevirorum Archiepiscopi fama ac sanctitate tractus, ejus sese disciplinæ ad omnem virtutem formandum subjecit, adeoque profecit, ut per illum sacris initiatus sit, ac subinde Agritius, angelico edoctus ministerio, eundem sibi successorem delegerit. A morte Agritii summa omnium voluntate comprobatus susceptum munus tanta virtute & constantia religionis orthodoxæ defendendæ administravit, ut nullis Arianorum tum inyalescentium minis, blanditiisque cesserit, sed illibatam Trevirensi in Diocesi fidem inter suos tuitus, profugorum quoque asylum & tutela fuerit.

Lectio VI.

Athanasius enim gravissimam in Oriente ab Arianis persecutionem passus, treviros sese recepit, ubi humanissimè acceptus habitusque celeberrimum illud Fidei Symbolum contra Arianos scripisse fertur. Maximinus verò eundem adversus hostiles machinationes fidelissimè defendit: & quamvis ipse gravia à Constantio Imperatore, fascinatione Arianorum deluso, pateretur, in tuenda tamen religionis sinceritate constanter persistit, ac Sardicensi Concilio cum Euphrate Colonienfi, aliisque Galliarum Episcopis interfuit, ac pro Athanasio contra Arianos pri-

mas omnium sententiam tulit: verum Euphratem postea Photinianâ eorum ruptum hæresi in Synodo Ariminensi, quæ Maximino potissimum agente instituta erat, cum aliis Galliarum Episcopis sede movit, acerrimus contra omnem impietatem orthodoxæ fidei defensor.

Lectio VII.

Sub hæc in Oriente apud Constantium Magnentii tyranni legatione cum S. Servatio defunctus, Romam Apostolorum limina salutaturus adiit, ac deinde Pictavos, ex patria paulò post plenus dierum & meritum ad patriam coelestem abiturus, cujus sacræ reliquiæ iussu S. Paulini successoris, & miraculosa Divi ope, ex Aquitania non sine crebris ubique locorum prodigiis deportatæ & in æde S. Joannis Evangelistæ, nunc ab hoc thesauro illic recondito S. Maximini dicta, depositæ, septuaginta dæmoniacis ipsa depositionis die præsentem opem attulerunt;

Lectio VIII.

Hujus Viri in omni sanctitate potentis quam pretiosa sint merita, Deus testatum voluit; quando quingentesimo & ultra à sepultura anno corpus sacratissimi viri non modo, ut aliis quibusdam sanctis, à tabe illibatum, sed adeò undequaque flexile, & amictu pontificali tam integro à Ratbodo sanctæ memoriæ Præsule fuit repertum, acsi ipso primùm die ex hac vita decessisset.

Oratio.

Deus, qui hodiernam diem sacratissimam nobis in Beati Maximini Confessoris tui atque Pontificis solemnitate consecrasti: adesto propitius Ecclesiæ tuæ precibus, & præsta: ut cujus gloriamur meritis, Ejus intercessionibus indulgentiam, & remissionem peccatorum consequi mereamur. Per Dominum.

Cætera omnia de communi Confessoris Pontificis primo loco recitantur.

7. Dum in Lectionibus nunc recitatis lector intelligit, S. Maximini corpus per quingentos & plures annos usque ad Ratbodi Archiepiscopi tempora ita incorruptum fuisse repertum, ut omnino flexile fuerit, vestimen-

stimentis etiam integris ; non judicare debet, nulla hinc ossa potuisse avelli, & ab Henrico III. Imperatore Monasterio nostro donari. Verum ad hoc dubium tollendum necesse est Chronologiam inspicere, juxta quam S. Maximinus obiit anno Christi 349. Ratbodus verò Archiepiscopus fuit electus anno 883. idémque juxta Browerum S. Maximini corpus integrum invenit anno 898. adeoque quingentis & quinquaginta ferè annis post ejusdem Divi sepulturam. Corpus tunc erat flexile & incorruptum, ac per annos aliquot in elevato tumulo publicè expositum : anno verò 942. à Rutgero Archiepiscopo per miraculum monito cum aliis Sanctis terræ denuo & communi aliorum cadaverum fato commissum. (h) Ab eo tempore usque ad annum 1051. fluxerunt centum & novem anni, ut adeò per alternas inventiones, elevationes, expositiones, iteratasque defossiones sacrum corpus ad ossa usque consumptum fuisse, mirari nemo debeat, quod ipsius sepulti secunda voluntate factum esse perspicuum est, Deo etiam latius propagari ejus nomen & cultum volente.

(h) *Acta SS. Boll. ad 29. Maji fol. 33. col. 1. n. 34.*

8. Sigehardus enim, Monachus S. Maximini, miracula ejus & inventionem describens, de corporis integritate sic ait : *Quid mirum, divine virtutis omnipotentiam, quamdiu voluit, prestare potuisse charo suo post mortem corporis donum istud incorruptionis ?* Et paulò post refert apparitionem ipsius S. Maximini, jubentis corpus suum, hætenus elevatum, denuò terræ mandari. (i) Notkerus, qui ejusdem inventionis tempore vixit, in Martyrologio suo ad diem 29. Maji vestimenta Sancti ad suum usque ævum incorrupta mansisse scribit, nihil jam de corporis integritate commemorans. Anno igitur Domini 1051. sub Archiepiscopo Eberhardo has accepit Divi Maximini reliquias Henricus Imperator, eodem anno de Ecclesia & monasterio optimè meritis, cum eidem restituit curtem *Pribinam*, & ceteras possessiones & ecclesias firmavit ; & quidem, ut fatetur, ob amorem DEI, & ob interveniendum spiritualis Patris nostri, domni videlicet Leonis sanctæ Romane Ecclesiæ summi Pontificis, & circa finem Diplomatis dicit Imperator se curasse, ut Maximiniani Apostolica defensionis auxilium habere valeant, & Leonis Papa privilegium obtinere meruisse. (k) Gratitude ergo exhibendæ causâ donatas ab illis Henrico reliquias credo, tempore, quo datum est Diploma, nempe anno 1051. die 12. Cal. Februarias, & eodem anno jam adulto ab Imperatore ad Fontes nostros allatas.

(i) *In iisdem Actis l. c.* (k) *Tom. I. Hist. Trev. fol. 389. & seq.*

9. Hodiedum Treviris in Ecclesia S. Maximini singulis annis statuta die confertæ multitudini, è longinquo etiam confluenti, ostendi solent reliquias

reliquiæ plurimæ, inter quas caput S. Maximini Archiepiscopi, magna pars pallii S. Maximino è Roma directi, de crinibus B. Maximini, duo baculi SS. Maximini & Martini, quorum usum habuerunt petentes limina Apostolorum Petri & Pauli. (l) Nos de Reliquiis S. Maximini insignes habemus; at non omnes, quæ superius recensitæ sunt, sicut patet ex Catalogo SS. Reliquiarum jam citato. (m) Quemadmodum enim in eodem tantum crus pueri de SS. Innocentibus, ita brachia solum duo & coxa seu os femoris de corpore S. Maximini memorantur. (n) Et hæc nobis sufficiunt, Deum ter Opt. Max. obsecrantibus, ut pretiosam hanc possessionem velit esse perpetuam.

- (l) *Act. SS. die cit. fol. 34. num. 6. ubi non S. Martinus Turonensis, sed Moguntinus Episcopus est intelligendus, sicut supra in Lect. VI. non Euphrates, sed anonymus ejus decessor. Vid. ibid. ad cap. I. Vita Notas h. & i. (m) hoc §. num. 3. (n) his verbis: in brachio dextro deargentato integrum os ex dextro brachio S. Maximini Ep. in sinistro brachio duo integra ossa S. Maximini, alterum ex brachio dextro, alterum ex coxa ipsius.*



SÆCULI QUARTI WESSOFONTANI

CAPUT I.

De Restitutione Sacri Ordinis Benedictini,
& primis post eam Abbatibus.

§. I.

*Adalbero ex Præposito VIII. Abbas X., templi
dedicationem procurat.*

1. **O**rdimur hoc sæculum ab anno 1065. duodecim annis seriùs, tum ob Epocham restituti-Ordinis, & dignitatis Abbatialis: tum quòd Præpositos una serie ponere, & singulorum acta uno obtutu spectanda Lectori exhibere congruum videretur. Itaque Adalbero, Præpositus antea octavus, cum satis jam monasticis legibus imbu-

imbutus esset, ac novi templi fabricam perfecisset, spiritualem ipse stru-
cturam molitur, habitum Canonicum deponit, tractisque in sui seque-
lam sodalibus vestem monasticam induit, S. Benedicti Regulam cum toto
Collegio palam professus. Templo Monasterii sub autumnum numeris
omnibus absoluto, atque ad Dedicationem adornato Embriconem Au-
gustanum Episcopum Adalbero invitat & obsecrat, ut illud omnipotentis
DEI nomini & honori dedicare dignaretur.

2. Dedicationis tempus & ordinem descriptum invenimus in anti-
quissimo Plenario seu Evangeliorum libro his verbis cœvo calamo exa-
ratis.

*Anno Dominica Incarnationis millesimo sexagesimo quinto, indictione tertia,
Regnante autem Heinrico rege, Heinrici imperatoris filio, secundo Kalendas Decem-
bris Hac ecclesia a venerando Embricio presule augustensi, in honore S. & individue
trinitatis, S. Crucis, S. Mariæ matris domini, S. Michæelis, S. Johannis Bapti-
stæ, S. PETRI A. S. Pauli, S. Andrea, S. Marci evangelistæ, & omnium
Apostolorum, S. Stephani protomartyris, Laurentii, Pancrati, Alexandri, Ge-
orgii, Mauricii, Marii, Quirini, Hemmerammi, & Castorii martyrum, S. Mar-
tini, Oudalrici, Willibaldi, & Leudegarii, Syri, & Sauini episcoporum, S. Bene-
dicti Confessoris, S. Scolasticæ, Margareta, & Waldburge virginum consecrata
est. Continentur etiam hic reliquæ S. Mariæ matris domini salvatoris, S. Johannis
Baptistæ, S. Petri Apostoli, S. Marci evangelistæ, S. Stephani protomartyris, Pan-
cratii, Alexandri, Georgii, Mauricii, Marii, Quirini, Hemmerammi, & Ca-
storii martyrum, S. Martini, Oudalrici, Syri & Sauini episcoporum.*

3. Et hæc quidem erat totius Ecclesiæ Wessofontanæ Dedicatio.
Factus est inde transitus ad altaria singula, his verbis annotata :

Ad S. Petrum.

*In honore S. & individue trinitatis, S. Mariæ matris domini. S. Michæelis,
S. Johannis Baptistæ, S. PETRI APOSTOLI, Pauli, Andrea, Marci
Evangelistæ, & omnium Apostolorum, S. Stephani, Pancrati, Mauricii, Marii,
& Castorii martyrum, S. Martini & S. Oudalrici confessorum.*

Ad S. Crucem.

*In honorem S. Crucis, S. Georgii, Alexandri & Castorii martyrum, Syri &
Sauini episcoporum; S. Margareta, S. Waldburge virginum.*

Ad S. Mariam.

In honore domini, S. Maria matris ejusdem, S. Stephani protomartyris, Laurentii, Quirini, Hemmerammi martyrum, S. Martini & S. Leudegarii episcoporum.

Ad S. Michabelem.

In honore S. Michabelis, Georgii Martyris, S. Oudalrici & Willibaldi episcoporum.

4. Peracta templi & altarium consecratione Embrico Episcopus Adalberonem, abdicatione Præpositi titulo, Abbatem creavit, monasticumque S. Benedicti institutum, perpetuis deinceps temporibus apud Westonis Fontes observandum, sua auctoritate confirmavit, quod sequentibus sæculis sæpius à summis Pontificibus stabilitum & roboratum invenitur.

§. II.

Benefactores in novum templum & monasterium liberales.

1. Solemnis templi dedicatio, & monastici ordinis restitutio protinus fidelium liberalitatem, benedicente Domino, excitavit. Longum esset hoc loco recensere singulos: ex uno tantum Codice (a) collecti sufficiant, qui Adalberone præfule sese munificos exhibuerunt.

2. Prima fuisse legitur Hademouta vidua, quæ S. Petro prædium suum, quod in vico Peyssenbergenſi possederat, liberaliter pro remedio animæ suæ & parentum suorum donavit, & cum omnibus redditibus suis in proprietatem Fratrum tranſtulit. Subſcribuntur testes nobiles: Hartmannus de Rosa, Pernhart de Wileheim, Fridericus de Lönne, Routpertus de Tagidinespach, & alii. Hujus Hademoutæ obitus annotatur die tertio Kalend. Martii. (b)

3. Gemino dono monasterium auxit Otwinus vir nobilis; nam in primis tradidit S. Petro prædium suum ad Rubes per manus Ratoldi de Morlibach, cujus donationis hi testes: Perthold de Srouphen, Wolfram de Baren, Engilmar & Danchmar frater ejus de Sibichenhusen. Adjecit Otwinus tertiam partem Ecclesiæ, quam habuit ad Horſthaningin, in honorem S. Martini dedicatæ. Traditionem firmabant iidem testes.

4. Nobilis quædam fœmina, nomine Hazecha pro remedio animæ suæ & viri sui Pertholdi tradidit prædium suum ad Pergen. Hujus traditionis

donis *testes nobiles* memorantur Engildie de *Harewin*, Chuno de *Seneld*, Chuno de *Holzbusin*, Reginhart & Weriant de *Eglingen*, alique plures. Et Hazecha quidem obiisse legitur quarto Nonas Augusti; Pertholdus autem, nobilis ejus maritus, in Necrologio Benedicti Abbatis pridie Nonas Januarii sic annunciat: *Perchtold nobilis laicus obiit, qui dedit 1. mansum Perga.*

5. Eodem die, quo Hazecha, alia quoque nobilis foemina Bertha super altare S. Petri tradidit prædium quoddam ad *Galtprunnen*, pro anima sua, & mariti sui Friderici. *Testes* fuere iidem, qui in priore Hazechæ donatione invocati. In Necrologio antè citato ad diem 3. Nonas Januarias inscriptus reperitur his verbis: *Fridericus nobilis laicus obiit, qui dedit partem prædii Galtprunnen.* (c)

6. Nobilis quidam vir, nomine Richere (seu Richerius) cum uxore sua Gisila tradidit S. Petro in præbendam Fratrum prædium quoddam in *Ephenbusen* per manus Adalberonis de *Morlibach*. *Testes* erant Adalpertus de *Rota*, Fridericus de *Linowe*, Rudolf de *Owelsebat*, ipse Richere, & filius ejus Conradus.

7. *Harnit homo liber* cum uxore sua Dietbirga prædium, quod habuit in villa *Hausen*, tradidit ad altare S. Petri pro remedio animæ suæ, uxoris & omnium parentum suorum. *Testes* donationis fuere, Egilolf de *Machtolfingen*, Luipolt de *Walde*, Marchwardus de *Owingen*, Hartwicus de *Ostnangen*, & alii tres. Obiit Hartnidus in Octava natæ Deiparæ, & sic ad 17. Kal. Octobris in dicto Necrologio annunciat: *Hartnidus laicus obiit, qui dedit prædium ad Hausen.*

8. Bertha nobilis foemina, uxor Adalperti de Otingen ministri Ducis, prædia, quæ habebat ad *Pozinbusen* & *Varoltshusen*, & ad *Mabelberch*, dedit ad altare S. Petri per manus nobilis hominis Hugonis de *Reimunseshusen*, pro commutatione prædiorum, quæ apud *Gunzilhofen* & *Pachman* antea ad eundem S. Petrum pertinerant. *Testes* Reginolt de *Penningen*, & Henricus de *Ruta*.

9. Beatrix, foemina nobilis, mansum unum in villa *Vßingen* situm, quem propriâ pecuniâ emerat, per manum Pertholdi de *Stoufen* ad altare S. Petri tradidit. *Testes* fuere Adelpertus de *Rota* & Hartwicus de *Bafinbusin*, & Conradus filius ejus.

10. Ludewicus, Ministerialis Heinrici Ducis, per manum ejusdem Domini sui, dedit dimidium mansum ad *Boule* S. Petro, ea tamen conditione, ut si unquam deveniret in beneficium Laicorum, proximus ejus hæres eundem sibi recipiat. Traditionis & adjunctæ conditionis testes fuere Gozzolt de *Steinbach* & Richere. (d)

(a) *Cod. D. à fol. 36.* (b) *Ibid.* (c) *Ibid. fol. 37.* (d) *Ibid. fol. 38.*

§. III.

Incrementa S. Supellestilis, & Bibliothecæ.

1. **I**ngens discrimen erat inter antiquos Sacrariorum apparatus, & hodiernos. Tardis progressibus crescebat supellex ecclesiastica, & indumenta Sacerdoti ac ministris necessaria non uno eodémque sumptu parabantur, sed alia ex aliis, prout offerentium ferebat devotio, colligebantur, partim à fidelibus cõempta, partim à devotis artefacta vel oblata. Hinc illa diversitas & inæqualitas, quæ in veteribus paramentorum sacrorum recensitionibus deprehenditur. Id patebit ex gemino catalogo mox referendo, in quo eadem operâ perpiciet lector, non quàm pretiosa, sed quàm celeri incremento sacra supellex nobis post solitudinem tam diuturnam succreverit.

2. Antiquior catalogus ita sonat: *Casula septem. Alba undecim. Stola duodecim. Fanones undecim. Dalmatica due. Subtilia duo. Calices cum patenis quatuor. Corporalia quinque. Manusergia duo. Pallia quindecim. Cortina quatuor. Capse novem. Corona tres. Cruces tres. Turibulum unum.* Alter verò catalogus progressu temporis jam auctior apparet, eodem Adalberone Abbate seu prece seu pretio comparatus; jam enim numerantur in eo *Casula undecim. Alba centum & tredecim. Stola viginti. Dalmatica quatuor. Subtilia quatuor. Pallia tredecim. Calices quinque. Tapetes undecim. Dorsalia novem. Velamina octo. Cruces quinque. Thuribula quinque. Candelabra decem. Vexilla sex.*

3. Obscuriora in his catalogis nomina, hodièque magnam partem inusitata ex Hierolexico Macri & novissimo Chronico Benedictoburano (a) sic poterunt explicari: *Fanones* hodie manipuli sunt: *pallia*, quibus operitur calix; *subtilia* pro superpelliceis: *cortina*, *velum*, *velamen* sumebantur pro antependio altaris: *capse* erant vasa olei ad sacramenta & lampades: *corona* fuerunt ornamenta, quæ ad templi splendorem tribus ca-

tenis:

tenis, instar hodiernarum lampadum, suspendebantur; *dorsalia* sunt tapetes in choro post dorfa psallentium pendula.

4. Ad incrementum Bibliothecæ, credimus, non solum Abbatem Adalberonem propriis monasterii sumptibus, & Benefactorum liberalitatem concurrisse, sed etiam ipsorum Monachorum operâ manûque liberos complures fuisse descriptos. Sequentes libri sub Adalberone Bibliothecam nostram auxerunt, quorum catalogum ex antiquo Plenario recitamus.

Liber Genesis. Actus Apostolorum. Epistola Canonica. Apocalypsis in uno volumine.

Libri Regum. Expositio Ecclesiastes. (b)

Job. Tobias. Judith. in uno volumine.

Libri Machabeorum.

Libri Prophetarum.

Collectarium unum.

Epistola Pauli.

Psalterium unum.

Omelie due de quadraginta XXI. (c)

1. *Liber S. Martini.*

Canones Apostolorum.

Expositio Psalterii.

Liber Smaragdus.

Passionarium Apostolorum.

Prognosticum futuri seculi.

Isidorus.

Dialogus. (d)

Missalia tria.

Missale. Graduale. Lectionarium. in uno volumine.

Lectionaria cum evangeliiis duo.

Plenaria duo.

Gradualia quatuor.

Matutinales libri duo.

Officiale unum.

Sequentionarius unus.

Libri baptismales cum commendatione anime duo.

5. Satis utique curta hæc librorum supellex fuisset, nisi insignis manus Diemodis nostræ, aliorumque sub Abbate Walthone Monachorum solertia plurimis voluminibus eandem locupletassent. Tametsi porro libri pro quotidiana monachorum lectione pauci admodum hoc Catalogo

go recenscantur, pro choro tamen & divinis officiis copiosè sufficiebant, licèt non sine molestia & dura necessitate singulas ferè partes ex diversis libris recitandi.

- (a) *Quare apud Macros in VV. Capsaces, Corona & Staupus, Dorsale: in Chron. B. Burano de reliquis fol. i s. post medium.* (b) *Lege: Ecclesiastis, vel Ecclesiastæ.* (c) *Quid hæc significant, aliis divinandum relinquo.* (d) *Cujus? an S. Gregorii M. an Justini, aut alterius?*

§. IV.

De obitu Embriconis Episcopi: item de Episcopis Wigoldo, Sigifrido II. & Herimanno Augustanis.

1. **A**nno Domini 1077. maximum monasterio nostro luctum indixit obitus præclarissimi Episcopi Augustani Embricii seu Embriconis. Hic vir, hic est, in quo clarissima generis nobilitas cum virtute certabat, sed virtus splendorem sanguinis superabat. Natus is fuerat ex Comitibus de Leiningen, antiquo consanguinitatis vinculo cognatis cum gente Dagsbergica, ex qua nuperrimè Bruno Dagsbergius, postea sub nomine Leonis IX. Pontifex maximus, vitæ sanctitate, miraculorum gloria, gestorum magnitudine universam Ecclesiam, ac præcipuè Germaniam nostram illustravit. Embrico noster, antehac Metropolitane Ecclesiæ Moguntinæ Præpositus, ab Henrico IV. Imperatore constitutus Episcopus Augustanus, Cassero Heterodoxo teste (a) tanquam vir Pontificiæ gravitatis, modestiæ, & prudentiæ singularis, aliisque animi dotibus spectatissimus commendatur, de cujus in sacrum Ordinem nostrum amore nos ipsi testes locupletissimi sumus: cætera illius gesta scire desiderantem ad Hierarchiam Augustanam ablegamus.

2. Ut de maximis in Monasterium nostrum Wessofontanum Embriconis meritis loquamur, vix ille ad clavum admotus, nil sibi potius aut prius agendum censuit, quàm noscere vultum gregis sui. Quare cùm inter alias Ecclesias, quarum statum seu visu, seu narratu cognoverat, nostram nuperrimè restaurari cœptam, nondum verò pristino Instituto restitutam intellexisset, ipse cohortatus est inquilinos & Adalberonem Præpositum, ut opus maturarent, omnèque, quo opus esset, auxilium adpromisit. Et verò fideliter promissis stetit; anno enim 1064. in festo Purificationis B. Virginis Mariæ Episcopatum adeptus, annum alterum amenus non est, sed anno proximo in festo S. Andreæ Ecclesiam nostram dedi-

dedicavit, ut supra diximus, & ea præstitit, quæ à viro Clarissimo, Hierarchiæ Augustanæ authore, his verbis recitantur: anno 1065. Monasterium Wessofontanum, post Thientonis Abbatis martyrium anno 955. cum sex suis Monachis perpeßum, à Canonicis occupatum, atque integro sæculo à *Præpositis secularibus* administratum, Embrico Episcopus Monachis Benedictinis restituit, Alberone VII. & ultimo *Præposito* cucullum Benedictinum assumente, & primum Abbatem adhuc 46. annis agente. „ (b)

3. Parum verò est, Ecclesiam cum quatuor altaribus ab Embricone *dedicatam*, & ab eodem Ordini Benedictino *restitutam* fuisse. Adjecit idem Episcopus insignes Divorum Reliquias; plerasque enim earum, quas supra in templi & singulorum altarium consecratione recensuimus, dubitare non possumus, quin ab eodem donatæ allatæque fuerint; exceptis ad summum iis *S. Emmerami, S. Quirini, S. Castorii*, aliorumque paucorum, quæ ex Ratisbonensi Divi Emmerami, & Tegernseensi Monasteriis potuerunt nobis liberaliter obvenire. Devotionem porrò & gratitudinem erga tantum Episcopum Chronographus noster hisce verbis testatur: (c) *Anno Domini M. L. VII. Gloriosus & Venerandus Embrico, Episcopus Augustensis, plenus bonis operibus, in Domino obdormivis tertio Kalendas Augusti, nempe trigésimo Julii.*

4. Vix tantum Embriconis mors, quantum defuncti memoria vulnus nobis inflixit: cum enim vivo illo Monasterium nostrum, & Diocesis universa placida quiete gauderet, Episcopo sic res moderante, ut & summo Pontifici placeret, & Imperatorem Henricum non offenderet, imo pacem inter utrumque conciliare niteretur: repente atrocissima tempestas ipsam sedem Augustanam concussit, dum uno eodemque anno 1077. duo simul Episcopi, alius à Romano Pontifice, alius ab Imperatore constitutus, præessent: illum, Wigoldum nomine, Gregorius VII. per Cardinalem Ostiensem miserat, hunc Sigefridum II. Henricus IV. objecerat. Eodem dein anno, in Comitibus Triburiensibus Henrico Imperatore exauthorato, Rudolphus è Sueviæ Duce Imperator creatus anno sequente Henricum æmulo resistere apud prælio vincit. At victus quidem, animum vincendi non abiecit, sed Bojorum, Francorum & Bohemorum auxiliis nixus tam acriter anno 1079. cum Rudolpho dimicavit, ut neutri integræ victoriæ laus posset vindicari. Eò ventum, ut Rudolphus tertia adversus Henricum pugna manum amitteret, & paulò post fatis concederet. Eo defuncto Germaniæ Proceres contra Henricum quartum eligunt Hermannum Lucelburgium in Imperatorem, qui Wel-

fons

fone suffultus militem ducit contra Fridericum Hohenstauffium, ab Henrico creatum Sueviæ Ducem, & vincit, Henrico interim factionem suam instaurante, iterum verò Gregorii VII. sententiâ excommunicato. In hoc turbine Wigoldus à Sigefrido Archiepiscopo Moguntino Episcopus consecratur, & ad Fauces Julias se recipit, dum amulus Sigefridus Augustæ sedet. Proximo igitur anno Welfo Augustam expugnat, & Wigoldum in sede sua collocat, Sigefrido vix evadente. Verum eodem anno Fridericus Hohenstauffius Augustam subjicit, & expulso Wigoldo, Sigefridum II. denuò intrudit.

5. Quod ubi Welfo inaudit, armata manu Augustam civitatem anno 1084. iterum in potestatem redigit, atque, ut impotens sui est victoria, hostiliter agit, maximè in ades-Canonicorum lævions. Interim & Imperii proceres, alii pro Pontificis, alii pro Cæsaris parte digladiantur, Episcopi, Principes, Abbates. Neque ipsi Romæ licuit esse pacatæ, ubi Henricus Imperator Gregorium VII. Pontificatu exuit, eique Guibertum quemdam sub nomine Clementis III. substituit. At Guiscardus Calabriæ Dux Henricum Româ ejicit: qui Italiâ quoque relicta in Germaniam & rectâ Augustam properat, ubi advenientem Welfo per quatuordecim dies Lyci fluminis transitu prohibet: dum verò, missis Zaringio copiis, se ipse debilitat, Henricus denuò Augustam recipit, Wigoldum capit, Sigefridum restituit. Proximo anno 1085. Quedlinburgi in Comitibus coram Hermanno Imperatore celebratis Sigefridus Episcopus denique consecratur, verum invalida brevi hæc consecratio declaratur. Quare affectus tædio Hermannus post biennium Imperio se abdicat.

6. Welfo tametî sedis & authoritatis Pontificiæ tuendæ studio tantis bellis fuerit intricatus, fuere tamen & aliæ causæ, quæ ipsius in Henricum & Augustanos odium incenderent: ille Welfonem Baviaræ Ducatu moverat, hi eundem advocatum recusabant. Quare iratus Dux, denuò Augustam opprimit, neque sacræ Palmarum hebdomadæ reverentiâ tactus, prædis grassatur, Sigefridum captum ad arcem suam Ravenspurgensem ducit: Wigoldus contra Augustam revertitur, & Welfonem in Augustanæ provinciæ Advocatum suscipit, nullâ Augustensium gratiâ. At verò cùm videret urbem misere afflictam ac pene dirutam, ad Fauces Julias iterum se recipit, ac paulò post moritur 1088. Sigefrido adhuc in vinculis gemente tres apparuere alius ex alio Episcopi, Wernherus Canonicus, Ekenhardus Divitis Augiæ, Conradus Campidonæ Abbates: verum omnes, prius in tumulto, quàm Episcopali sede collocati. Itaque Sigefridus magno pretio è captivitate redemptus, eandem occupare permittitur.

missus octennio post Wigoldi decessum verus Episcopus à summa Sede tandem agnitus, & priora etiam ejus acta probata sunt, ipse demum in Ecclesiam Augustanam beneficis obiit 1096. (d)

7. Quis tunc animus Adalberoni, totique Monasterio nostro fuerit facile quisque divinabit: & fortasse non nemini in mentem venit illud Poetæ: *nescit, cui Domino pareat unda maris.* Hinc Ecclesiastica fulmina terrebant, inde facultatum rapinæ & militum terror urgebant, & proximus cuique ardebat Ucalegon. Spes erat in venturo semper, & fallebat. Accessere stupenda prodigia tanquam Divinæ iræ in principes populós, quæ interpretes, quæ Khammus in Hierarchia Augustana enarrat, & Chronographus noster non omittit. (e) Successit Sigifrido Episcopo Hermannus Comes Wittelspachius, Henrici IV. Imperatoris gratiâ promotus, ejusque partibus pertinaciter adherens, Cæsarianos & legitimi Pontificis adversarios fovit, amicos persecutus est: neque vivo Adalberone nostro resipuit, imò hunc novo vulnere afflixit, ut mox explicabimus.

(a) Gasser. *Annal. August.* fol. 105. apud Khamm *Hier. Aug. P. I.* fol. 170. (b) *Hier. Aug. P. I.* f. 182. (c) *Cod. D.* fol. 32. (d) *Hierarch. Aug. P. I.* fol. 190. (e) *Ibid.* fol. 197.

§. V.

Guntherus Monachus Wessofontanus, Abbas Monasterii S. Udalrici obtrusus, & obitus Adalberonis Abbatis nostri.

2. Cùm jam antè Henricus Imperator Monachis SS. Udalrici & Afræ ex Monasterio Gottwicensi Hartmannum Abbatem obtrusisset, immemor beneficii, quo S. Afræ precibus manifesto captivitatis periculo ereptus fuit, cùm Boicis copiis Augusta obsideretur; nihilo mitior Hermannus Episcopus, cùm vix ad clavum fuisset admotus, alium eisdem Abbatem ex Monasterio Fuldensi imposuit, Berengarium nomine, virum quidem eximii ingenii & prudentiæ, verùm quietis amantem, quam se inter turbas illius temporis invenire posse desperans post clavum undecim annis gubernatum ad Monasterium suum rediit, & vitæ reliquias in quiete literaria transegit. (a) Hæc anno 1107. Hermannus Episcopus ex Monasterio nostro abreptum substituit Guntherum Monachum, quem Bruschius & alii Chronographi Abbatem Wessofontanum perpetuam dicunt, nam omnia Chronica nostra Guntherum Abbatem nesci-

unt. Facile divinare est, quo animo Guntherus istud oneris, quod duobus aliis molestissimum fuisse, ipsorum fuga monstravit, subierit. Verum Imperatori & Hermanno resistere non aliud erat, quam utriusque iram in cervices suas provocare, & Monasterio nostro nuper è ruinis suscitato interitum novum accersere. Paruit ergo Guntherus, venit, ad clavum sedit, sed invictis remigibus: quos ubi ab archithalasso alienos vidit, non hominis quidem, sed exteri jugi impatientiâ; vasa collegit, & se ad monasterium nostrum recepit, eò etiam laudabilior, quo citius aliis dignitate se abdicavit, unico tantum biennio Abbas. Vidit nempe vehementiores ventos, qui successoribus sub tali Imperatore & Episcopo imminerent, præcipuè B. Eginoni, ob Apostolicum zelum exilium querere compulsio. Guntherus noster anno 1109. ad quietem Monasticam rediit, & post paucos annos ad æternam.

9. Proximo à reditu Guntheri anno, seu recepta ove lætus, seu, quas tempora illa ferebant, ærumnarum satur Adalbero Abbas noster grandævus obiit, tertio Augusti anno 1110. postquam præfuit annos quadraginta sex non integros: dignus, qui post commune diluvium, quo Ecclesia & Imperium jactabantur, columbam cum pacis olea videret: verum ea felicitas Sigehardo successori servabatur. Interea Adalberonis obitus antiquissimo Benedicti Abbatis calendario inscriptus reperitur his verbis: *III. Nonas Augusti Adalbero Abbas istius loci & reparator cenobialis vite obiit.* Alibi ejus obitus sic annuntiatur: *Anno Domini MCXI. tempore Paschalis Pape II. & Henrici V. Imperatoris Romanorum Adalbero Abbas istius loci & reparator cenobialis vite obiit 3. Nonas Augusti in Inventionem S. Stephani protomartyris.* (b)

(a) Hier. Aug. P. III. Reg. fol. 31. 32. (b) MS. D. fol. 42.

C A P U T II.

De Hermanno Episcopo Pontifici conciliato:
item de Abbatibus Sigihardo & Adelperto.

§. I.

De Hermannii Episcopi conciliatione, & Sigihardo Abbate XI.

1. **C**ùm Adalberoni, ut diximus, successisset Sigihardus, ex Monacho Wessofontano electus Abbas, ipsi etiam aliquamdiu degustandæ erant acerbæ schismatis reliquæ: neque licuit proferre fructus, cùm acerbitas temporum, ceu noxia pruina, ipsi floribus

bus pestem minaretur. Annus demum post millesimum centesimum vigesimus secundus, veris jucunditatem induxit. Hermannus Episcopus tot pertasus turbarum, ac seria meditatione perpendens communem bonorum omnium luctum, animosque perplexo timore prostratos (*omne caput languidum, & omnis cor marens*) in se rediit, & heroico ausu laboriosum iter ipse Romam ad Callistum II. summum Pontificem suscepit. Ab eodem receptus in gratiam & communionem, litteras Apostolicas retulit, quibus Clero & populo Augustano commendatur, tanquam Pater ipsorum & Magister & animarum Episcopus, cui deinceps reverentiam & obedientiam humiliter impenderent omnes. Permovit Callistum Præfulis tam repentina mutatio, & Romam petendi ardor, ut ipse initio litterarum indicat: *Dilectus frater noster Hermannus Episcopus vester ad Sedem Apostolicam cum multo labore & fatigatione sui pervenit: & S. R. E. Matrem suam humilitate debita & obedientia recognovit, quem nos paterna dilectione suscepimus, & tanquam obedientem filium nobiscum diligenter habuimus.* Litteræ Apostolicæ datæ sunt Laterani II. Calendas Aprilis, id est, trigesimo primo Martii, ex quo patet hyemante adhuc coelo iter ab Hermanno susceptum, eumque Romam delatum, aliquamdiu cum Pontifice commoratum fuisse, ut in fide Sedis Apostolicæ firmaretur Episcopus, quàm sanguine illustris, tam magnæ deinceps utilitati futurus & exemplo.

2. Nec vana spes Pontificis fuit. Cum enim Hermannus Romanum iter latere Henricum Imperatorem nequaquam posset, commotus & ipse exemplo Præfulis, antea sibi fidelissimi, saniora consilia cepit, & in concilio Wormatiensi anno 1122. ius Episcoporum & Abbatum instituendorum in manus Lamperti de Fagnano Episcopi Osthensis prompta humilitate dimisit, ac tabulis scriptis solemne Sacramentum edidit, quo fidem suam summo Pontifici publicè adpromisit. (a) Hermannus verò noster non solum huic Sacramento propria manu subscripsit, sed & veram animi mutationem multis deinceps egregiis documentis manifestavit; nam & possessiones varias Canonicis Augustanis debitas restituit, ac ipsam civitatem, superioribus diffidiis dirutam, suis & civium sumptibus reparare allaboravit, Religiosorum etiam ordinum fautor ac benefactor egregius. (b)

3. Nos ipsi beneficentiæ Hermannus testes sumus perpetui. Licet silvestris hæc olim circa Wessonis fontes regio pedetentim fuerit excisa, repurgata, & è ferarum latibulis ad humanæ vitæ societatem exulta, nondum tamen ii, quibus colendos agros concesseramus, opportunam habebant Ecclesiam, unde sacra peterent; nam partim Rottam, partim

Tætzenschwangam erat excurrendum Parochi auxilio indigentibus; neque enim monachis fas erat sacerdotis cujusquam muneri se ingerere. Sigihardus Abbas noster, Hermanni Episcopi perfecta pietate arixus, novam S. Joannis Baptiste honoribus Ecclesiam erexit, quam Episcopus promptissime omnibus Parochiarum aliarum juribus munivit, plebemque propriam attribuit: in cujus rei testimonium ipsas Hermanni litteras recitamus, hoc tenore conscriptas.

4. In nomine sancte & individue Trinitatis. Hermannus Dei gratia Augustensis Episcopus. Cum omnium sit Christi fidelium divinum pro modulo suo ordinare & ampliare cultum & servitium, maxime nostrum est & omnium eorum, qui nostri ordinis & nominis sunt, ut hoc facere studeant, quantum Deo inspirante & adjuvante sciunt & possunt. Unde & nos hac habita consideratione, nec non pro dilecti Fratris nostri Sigihardi Wessinprunnensis Abbatis humili petitione, Ecclesiam quamdam novam in loco suo, ipso patrans constrictam & in honore sancti Joannis Baptiste dedicatam, baptismalem esse volumus, & hoc ex officii nostri auctoritate firmamus, & inviolabiliter constituimus, attribuentes & atterminantes eidem baptismali Ecclesie populum & decimas totius circumjacentis ville, dividendas fratrum necessitati, & ipsius Ecclesie sacerdoti, videlicet, ut due partes earum ad fratrum sustentacionem nostra dispensacione pertineant, tertia sacerdoti remaneat. Nihil nobis de nostra parte retinentes, nihil penitus excipientes, preter decimas unius mansi, que dande sunt pauperibus in hospitale. Preterea eidem Ecclesie assignamus & attulamus decimas de quibusdam Ducis Henrici, ipso consentiente, novalibus juxta apposis, cultis & colendis, cum universis colonis & habitatoribus eorundem novalium tam futuris quam presentibus, ea videlicet lege & condicione, ut in supradicta Ecclesia infantes eorum baptisentur, mortui sepeliantur, synodus Archidiaconi celebretur, cui etiam servitium ex Ecclesie decimis inpretermisere persolvatur. Ut autem hec ejusdem Ecclesie justitia & terminus permaneat semper immobilis & inconvulsus, hoc privilegium conscribi, & sigilli nostri impressione insigniri precepimus. Insuper etiam decimaciones illas, quas Ecclesia S. Petri Apostoli antiquo jure obtinuit, easdem & nos eidem Ecclesie pro S. Petri Apostoli veneracione integre permitimus, & nequis temerarius aliquid horum sacrilega manu infringere presumat, sub anathemate prohibemus, & omnimodis interdicimus. Hujus concessionis & atterminacionis & confirmacionis testes sunt Conradus Vicedomius. Hiltprecht illius regionis Archidiaconus. Sigibot.

„ gibotto. Uto. Werinherus Archidiaconus. Hermannus Custos Ecclesie.
 „ Hiltiprecht Wilsnstaigensis Prepositus & Capellanus Rudiger notarius.
 „ Acta sunt hec vero Anno Dominice Incarnacionis M. C. XXVIII. In-
 „ ditione VI. II. Kal. Martii regnante Lotario rege., Notæ Chrono-
 logiæ in hoc diplomate probatissimæ sunt. Testium nomina singulatim
 inquirere curiositatis est magis, quàm utilitatis, minimè verò necessita-
 tis. Parochiam Wessofontanam ab illo tempore usque ad medium sæculi
 Christiani decimi sexti administrârunt Presbyteri sæculares, deinceps us-
 que in hodiernum diem Religiosi Wessofontani, duobus exceptis, qui
 ex alijs Monasteriis fuerant vocati.

5. Eodem ferè tempore Conradus liber homo de Holzhausen Ec-
 clesiam Holzhusanam, & allam Riederaugiensem, sui antea juris, Mo-
 nasterio nostro donavit cum prædiis illic sitis: ac propterea tanquam
 benefactor in veteri Calendario nostro commemoratur his verbis: *pridie
 nonas Februarii Konradus laicus obiit, qui dedit Ecclesiam ad Holzhusen & Riede-
 raue.* Hac donatione non contentus, prædium aliud in Riederau nobis
 destinaverat, & jam ejusdem partem unam in manus Waltheri de Ige-
 lingen, alteram in manus Udalscalci de Meisähe delegaverat, ut ipsi tra-
 derent loco, cui ipse tradi rogasset. Illi ergo morem gerentes Conrado
 prædium illud delegaverunt S. Petro, & Conventui nostro, ea conditione
 addita, ut ipse prædium Widenbacense Sigihardi Abbatis voluntate accipe-
 ret, tamdiu possidendum, quamdiu ipse & filius ejus viveret, quem de con-
 iuge paris secum nobilitatis susciperet. Hanc traditionem ex manibus Udal-
 scalci & Waltheri manibus nomine Ecclesie nostræ suscepere Henricus Bava-
 riæ Dux, & Werinhardus de Stauffen advocatus noster, coram testibus.
 Postmodum verò Conradus penitentia ductus in controversiam vocavit
 traditionem: lite verò sæpius coram Henrico Duce & Werinhardo ad-
 vocato ventilata, Conrado loco prædii Widenbacensis concessum est
 prædium Achsfelsangense ad dies vitæ suæ, quo accepto etiam acquie-
 vit: quòd fortè istud pinguius fuerit illo priore. (c)

6. Sigihardus Abbas, postquam octodecim annis feliciter utiliterque
 præfuisset, anno tandem 1128. benè meritis decessit, hoc elogio in ta-
 bulis nostris ornatus: *Anno Domini MCXXVIII. obiit bene memorie Sigihardus
 Abbas & pater istius lœd VIII. Idus Julii in die Sanctorum Martyrum Kiliani &
 sociorum ejus.* (d) in Calendario autem sæpe memorato eadem quidem be-
 ne memorie & Patris elogia Sigihardo tribuuntur, verùm obitus ipsis no-
 mis Julii ac pridie Kiliani assignatur. Forte alter dies mortis, alter se-
 pulcræ fuit.

(2) Vid. Hier. Aug. fol. 199. 200. Part. I. Cashed. (b) Ibidem. (c) Codex
 D. fol. 44. (d) Idem Cod. f. 46.

§. II.

De Adelperto Abbate XII.

Adelpertus eodem anno, quo Sigihardus decessit, sacros fasces capeffivit, haud diu quidem gerendos, eo tamen præconio insignes, quòd litem triginta jam annis decessores suos fatigantem tertius ipse feliciter composuerit. Res ita se habet. Welfo dux Bojorum prædium quoddam Erpftingæ situm & Monasterii nostri jam antea proprium, consentiente Pabone ejusdem loci advocato violenta manu sibi vendicavit & Conrado cuidam Ministeriali Augustano jure proprietatis tradidit, nihil moratus nostri Abbatis vel Monachorum protestationes. Verùm hæc injuria per Adalberonem & Sigihardum Abbates tam apud Reges quàm Duces multis quidem querimoniis ventilata fuit, omni tamen opera cum oleo perdita; nam Conradus ille usque ad obitum suum injustæ possessionis pertinax mansit. Sapientior & æquior patre filius, nomine non moribus genitori similis, divinòque tactus instinctu compositionem iniit, judicibus Henrico Duce & Werinhardo advocato: coram quibus in locum Erpftingensis prædii Monasterio nostro tradidit dimidium mansum in vico Winckeleni situm cum quinque talentis pecuniz. Tractatum hunc firmavere testes *Dux ipse Henricus & frater ejus Welfo, Weinhardus & filius ejus Weruberus. Gebhardus de Hustenburch. Sigebois de Poulo.* (c) Tamen si modico, ut patet, vel nullo Monasterii lucro hæc compositio facta sit, pacem tamen successoribus hoc pacto paravit Adelpertus Abbas, & majoribus impensis viam præclussit, hoc uno etiam præconio commendandus. Vix integrum regiminis annum hic Abbas expleverat, cum ad æterna vocatus est 1129. 3. Nonas Augusti in inventione S. Stephani, ita quidem Acta ejusdem (f) asserunt; verùm in Calendario ad diem illum non Adelpertum, sed Adalberonem obiisse invenio, de quo jam initio hujus sæculi.

(c) *Cod. D. fol. 47. (f) Idem Cod. fol. 46.*

CAPUT III.

De Sancto Walthone Abbate decimo tertio.

Magni hujus Antistitis acta scripturi, cum servabimus ordinem; quem major claritas videtur exigere. Procedemus itaque differendo primum de Walthonis genere, & professione: dein de studio ejusdem in promovendo divino cultu: de conciliatio favore

vore summorum Pontificum, Episcoporum, Imperatorum, & Ducum: de liberalitate aliorum Dynastarum, Nobilium, & cujusvis conditionis Fidelium: de Controversiis pro monasterii defensione susceptis: de ulatione divina in Adversarios: de Walthonis miraculis: ac demum de beato ejusdem obitu, & sanctitatis vestigiis in hodiernum usque diem relictis: ultimo demum loco de monachis & sanctimonialibus illius disciplinæ exculcis.

§. I.

Walthonis genus & professio.

1. **G**ENUS quidem Walthonis nullibi assignatur: nobili tamen sanguine natum inde conjicias, tum quod nobilissimi viri & juvenes, virgines & viduæ ejusdem magisterio efformandos sese subjecerint: (a) tum quod posterioribus etiam sæculis usque ad decimum quintum ferè non nisi nobiles ad Monasterium nostrum suscipi consueverint. (b) Planè à restitutione Ordinis Benedictini, sicut in Cathedralibus Ecclesiis, in monasterio nostro viguisse inveniuntur nomina Præpositi, Camerarii, Cellerarii, Eleemosynarii, qualia hodiè officia non in cathedralibus solum Ecclesiis, sed etiam in Principalibus Ordinis nostri monasteriis inveniuntur. (c)

a. Quantum ad Professionis locum attinet, in quo prima vota vorit Walcho, duo Codices nostri à Stephano Leopolder conscripti eum diserte. *Congregationis nostræ*, nempe monasterii Wessofontani, *Presbyterum & Monachum fuisse* affirmant: quibus adstipulatur ecgraphum Codicis Tegernsensis: solus Codex tertius, quem possidemus, rem silentio præterit, tamquam certam & nulli dubiam: illo præsertim tempore, quo recens instaurata monastici ordinis disciplina sic vigeret, ut nulla appareret necessitas aliunde Abbatem postulandi. (d) Quare licet apud Mahillonium in *Analectis* (e) inveniatur inscriptus Necrologio Divitis Augiæ his verbis: *sexto Kalendas Januarii Walcho Abbas*, quo ipso die Walcho noster obiit; (f) ex eo tamen arguendum non est, Walthonem nostrum fuisse aliquando monachum Augiensem, cum ne societatem quidem cum illo Monasterio habuerimus: (g) sed ob virtutis famam latè diffusam locum in Augiensi Necrologio meruisse.

(a) *Cuiusmodi sunt Norbertus de Weilheim, & eius pater Werinhardus, Wulfbildis Giselæ, Gisela de Seefeld, aliaque infra memoranda.* (b) *Id patebit ex Catalogo sequentium Abbasum.* (c) *MS. D. fol. 36. Præpositi, Camerarii, Cellerarii.*

Q

Cellerarii nomina, & fol. 48. etiam Eleemosynarius commemoratur. (d) *MS. D. fol. 47.* Anno dominice incarnationis MCXXX. &c. electus fuit venerandus & religiosus Presb. & monachus nre Congregationis Walto in Abbatem &c. *Iisdem fere verbis utitur MS. E. fol. 8. & Codex Tegern. fol. 7. MS. C. fol. 82. sic habet:* electus fuit V. & devotissimus pr Walto in Abbatem & pastorem &c. (e) *Veterum Analeth. Tom. IV. fol. 645.* (f) *Ita Calendar. Abb. Benedicti ad eund. diem, cum elogio alibi producendo:* (g) *Vid. Nomina Monasteriorum, cum quibus societatem habuit sæculo IX. Augiense, cit. Analeth. tom. 4. fol. 642. ubi nec monasterium Buxbrunno, nec Rabigaudum Abbatem pro nostris agnosco. Walto Abbas fol. 643. nominatus Schwarzenabensis Abbas fuit, tribus fere sæculis ante Walthonem nostrum.*

§. II.

Zelus Walthonis in promovendo cultu divino.

I. **T**ametſi Walto Ecclesiam acceperit nuperrimè e fundamentis excitam, & altaribus exornatam, Sanctorum Reliquiis & libris ad officia divina necessariis instructam, quiescere tamen, urgente Divini honoris zelo non potuit, quin ampliora eidem incrementa adjiceret. Quare statim admovit manus ad ædificandum novum sacellum in honorem S. Jacobi Apostoli: & alteram in honorem S. Michaelis Archangeli, & omnium angelorum: illud quidem in ipsa Ecclesia Monasterii publica: istud verò, quod adhuc superest, in loco altiori prope hodiernum odeum musicum versus septemtrionem. Et tamen affirmare nequeam, quo tempore illud S. Jacobi destructum fuerit, credibile tamen apparet, Udalricum Moser ex Eberspergenſi Monasterio postulatam Abbatem id fecisse, cum anno circiter 1283. toti Ecclesie, longo squalore obſitæ, novam formam induceret: cætum tamen est: sacellum S. Michaelis in usum sanctimonialium noſtrarum fuiſſe constructum, quarum clauſtrum ab hoc sacello usque ad Ecclesiam Parochialem S. Joannis se extendebat. (a)

Postquam ambo dicta sacella ad colophonem perducta fuerunt, cura erat Walthoni, ut Episcopum Augustanum ad easdem Deo consecrandas exoraret. Erat is tunc Waltharius, Comes Palatinus de Tubingen, anno 1134. unanimi Canonicorum consensu electus. Venit igitur, ut erat rerum sacrarum studiosissimus, ad Fontes Wessonis, & pridie Kalendas Decembres, nimirum in Fæſto S. Andreæ Apostoli, anniversario Dedi-

Dedicationis, ab Embricone Episcopo petactæ, die, utrumque sacellum consecravit. Quanta ex illo tempore Episcopi in Walthonem benevolentia, hujus in illum devotio & reverentia fuerit, aliis locis docuimus.

3. Nondum satis se promovisse decorem Domûs Dei arbitratus Waltho novum sacellum in Ecclesia monasterii ædificavit, & in honorem S. Nicolai Myrensis Episcopi dedicari voluit. Singulari in hunc Divinum affectu accensus videtur ob insignem abstinenciam, cujus laude ille fulgebat, quâque virtutem ipse Waltho unicè colebat. Neque vanè quis suspicetur, prænuntiata divinis Abbati nostro mortem fuisse, ideoque voluisse Sancto illi honorem præstare vivus, in cujus sacelli vestibulo quiescere desiderabat defunctus.

4. Paulò post & aliud sacellum ædificavit in honorem Deiparæ ad cælos assumptæ, licet eadem jam in veteri Ecclesia cultum haberet: tanti tamen fuit Walthoni, ut in novo etiam templo coleretur, ubi majorem à frequentiore populo venerationem acciperet. (b)

f. Hæc duo sacella à Walthone recens ædificata consecravit Otto I. cognomento Magnus, Episcopus Frisingensis S. Leopoldi Marchionis Austriæ filius, Leopoldi & Henrici, exauthorato Henrico superbo, Bavariz Ducum frater. Ut Otto Frisingensis in Diocesi nostra Augustana hæc sacella consecrare posset, Clarissimus Meichelbeckius (c) facultatem eidem à Walthero Episcopo concessam verè judicat, Quæ verò causa Ottonem impulerit, ut ad regionem & monasterium istud nostrum diverteret, ubi vicinus Schongavii Welfo esset, & Welfonis soror Wulfilda in Parthenone nostro monacha degeret, ex Historia Frisingensi colligi potest. Ottonis fratres Leopoldus & Henricus in causa erant: quorum ille Baviariâ non contentus, in qua sibi Welfonem obstruere videbat, ad Lycum copias in Welfonem duxit, & reversus Frisingenses mirè affixit: iste verò, quòd eosdem Welfoni favere suspicaretur, & civitatem & agrum eorum misere vastavit, contemptui ab utroque habitu Ottonis Episcopi germanitate & reverentia. Nihil ergo mirum, si Otto, qui fratrum in subditos suos injurias ferre non poterat, ad tempus secessit, seu Welfonis placandi, seu quietis captandæ, seu tollendarum per Wulfildis apud fratrem preces simulatum gratiâ. Fortè ipse Waltho tacite hanc facultatem pro Ottone à Wrlthario Episcopo obtinuit, ut sub honorifico Dedicationis obtentu tamquam rogatus huc declinasse videretur. Quamdiu Otto hac in regione moratus sit, ex tempore Dedicationum

stelligas; nam pridie Calendas Julii dedicata est ab eo Capella S. Nicolii: altera verò Virginis assumptæ, pridie Idus ejusdem Julii anno 1143. et Codices nostri duo testantur, in quibus quidem Indictio IV. assignatur, cùm VI. fuerit: Weihenstephanenses tamen, & ipse Meichelbeckius ad annum hunc millesimum centesimum quadragesimum tertium ante dedicationem refert. (d)

a) *Ita sentire me cogit persicus à templo S. Petri usque ad Ecclesiam Parochialem extensa, sed primam currente hoc Sæculo dejecta, cujus indicia adhuc supersunt.*

(b) *De veteri Capella B. V. Mariæ dictum est in Sæc. I. & iterum sub B. Thientone. (c) Tom. I. P. II. Hist. Fris. f. 326. (d) Ibidem. Codices nostri C. fol. 86. D. fol. 54. eundem annum asserunt, sed Indictionem IV. assignant.*

CAPUT IV.

De Benefactoribus Monasterii.

§. I.

De favore summorum Pontificum.

Innocentius II. qui anno Domini 1130. S. Petri sedem obtinuit, Pontificum Diploma dedit, quod integrum recitari dignum videtur. (a)

„ Innocentius Episcopus servus servorum Dei. Dilectis filiis Walthoni Wezzensbrunnensi Abbati, ejusque Fratribus tam presentibus, quam futuris regulariter substituendis in perpetuum. Ad hoc universalis Ecclesie cura nobis à providore omnium bonorum DEO commissa est, ut religiosas personas, & earum diligamus Ecclesias, & ne pravorum hominum infestationibus rerum suarum detrimenta sustineant, Apostolicæ defensionis moderamine nos convenit providere. Eapropter dilecti in Domino filii, vestris justis postulationibus paterna benignitate annuimus, & Wezzinbrunnense Monasterium, in quo divino mancipati estis obsequio, sub B. Petri & nostra protectione suscipimus, & presentis scripti privilegio communimus. Statuentes, ut ordo Monasticus, qui secundum Beati Benedicti regulam in eodem Monasterio

„ insti-

1. Insuper esse cognoscitur, perpetuis futuris temporibus ibidem int
 2. violabiliter observetur. Præterea quascunque possessiones, quæcunque
 3. bona idem Monasterium in præsentiarum iuste & canonicè possidet,
 4. aut in futurum concessione Pontificum, largitione Regum vel Principum,
 5. oblatione, seu aliis iustis modis DEO propitio poterit
 6. adipisci, firma vobis vestrisque successoribus & illibata permaneant.
 7. In quibus hæc propriis nominibus duximus exprimenda. Duas partes
 8. videlicet decimæ in Risbach, sicut à Venerabili fratre nostro Hein-
 9. rico Ratisponensi Episcopo vobis rationabiliter concessæ sunt, & scrip-
 10. to suo firmatæ. Prædia videlicet hæc, Achselfwang, Panzingin, Bi-
 11. berbach, Waltenberg, Wolmutsahe, Guttingen, Gezines, Izenes.
 12. Saneimus etiam, ut nullus ipsius loci Advocatiam sibi usurpare, vel
 13. ab aliquo recipere audeat, nisi quem Abbas & fratres secundum DEI
 14. timorem & ipsius Monasterii utilitatem communiter provideant eli-
 15. gendum. In Ecclesiis quoque, quæ juris vestri Monasterii esse noscun-
 16. tur, quemadmodum in generalibus Conciliis statutum est, assensu &
 17. consilio vestro presbyteri statuantur. Porro super decimis à fratribus
 18. nostris Wolfango Ratisponensi, & Udalrico Augustensi Episcopis
 19. Ecclesiæ vestræ concessis, successoribus suis nullatenus liceat vos ausu
 20. temerario fatigare, aut aliquam vobis inferre molestiam. De fun-
 21. do quoque vestri Monasterii, seu etiam denariis, ab aliis laboribus
 22. vestris, quos propriis manibus vestris, sumptibusve colligitis, juxta
 23. quod à nobis in generalibus est statutum Conciliis, à vobis exigi de-
 24. cimas, auctoritate Apostolica prohibemus. Nulli etiam fratrum vestro-
 25. rum fas sit, post factam in eodem Monasterio professionem, absque Ab-
 26. batis vel fratrum licentia, inde discedere, vel ad alia loca transire, dis-
 27. cedentem vero nullus Episcoporum aut Abbatum suscipere audeat vel
 28. retinere. Ad hæc præfati Decreto sancimus, ut nulli Episcoporum li-
 29. centia pateat, Angarias vel alias exactiones Monasticæ quieti & utilitati
 30. contrarias, vobis vel Ecclesiæ vestræ imponere. Porro sepulturam ipsius
 31. loci omnino liberam esse decernimus, ut eorum, qui se illic sepeliri
 32. deliberaverint, devotioni & extremæ voluntati, nisi excommunicati sint,
 33. nullus obstat. Nulli ergo Regum, Ducum, Marchionum, vel alio-
 34. rum hominum fas sit, præfatum Monasterium super hac nostra con-
 35. stitutione temerè perturbare, aut ejus possessiones auferre, vel abla-
 36. tas retinere, vel minuere, aut quibuslibet vexationibus infestare, sed
 37. omnia integra conserventur, vestris usibus omnimodis profutura. Si-
 38. quis autem hujus nostri decreti paginam sciens contra eam temerè veni-
 39. re temptaverit, secundò tertioque commonitus, nisi reatum suum con-
 40. grue emendaverit, indignationem omnipotentis DEI & Beatorum



Petri

„ Petri & Pauli Apostolorum ejus incurrat & excommunicationi subiacat.
 „ Conservantes verò hæc eorundem Apostolorum benedictionem & gra-
 „ tiam consequantur. Amen.

Locus sigilli plumbei
 cum lemate in limbo:
*Adjuva nos Deus salu-
 ris noster.*

Ego Innocentius
 Catholicæ Ecclesiæ Epi- Monogramma
 scopus.

✠ Ego Gerhardus presb. Card.
 tit. S. Crucis in Jerusalem.

✠ Ego Ivo presb. Card. S. Laurentij
 tit. in Damaso.

Datum Laterani per manum Baronis Capellani & scriptoris XII. Kal. De-
 cembriis. Indictione V. Incarnationis Dominicæ anno MCXLI. Pontifica-
 tûs verò domini Innocentij Papæ secundi anno XII.

Non indiget Pontificia hæc Bulla explicationis, cum aperti sint fa-
 vores, quibus monasterium nostrum locupletare, & contra omnes mo-
 lestias firmare Innocentius II. voluit. Quædam verò in decursu evol-
 ventur: ac propterea integram Bullam posui, ut quoties opus fuerit,
 ad eam recurrere Lector queat. Circa notas Chronologicas hujus Bullæ
 scrupulus oriri posset ob indictionem, quæ pro anno 1141. Romanis non
 erat quinta sed quarta, si nempe à Calendis Januarii indictionem inci-
 pias: verum Græca est hæc indictio, quæ incipere solebat à Calendis
 Septembris: cum ergo Bulla sit data 12. Kal. Decembres, jam tunc cur-
 rebat Indictio V. qua usos fuisse Pontifices quosdam, etiam post Grego-
 rium Magnum, & Zachariam, eruditi testantur. Videatur Præfatio
 Chronici Benedictoburani numero XXXII.

2. Cum deinde anno 1148. Eugenius III. ex S. Bernardi discipulo
 Papa publicos Sanctorum honores Divo Henrico Imperatori & olim Ba-
 variarum Duci solemniter decerneret, Waltho noster, non immemor be-
 neficiorum ab illo Cæsare acceptorum, Romam profectus est, omnium
 gerendorum spectator, & gestorum auditor futurus. Inter quæ, refe-
 rente ipso, illud in Annales nostros memorabile est relatam, Cardina-
 lium quemdam, qui se vehementius S. Henrici honoribus sacris oppo-
 fuerat, repentina cæcitate percussam; expiato demum multis lachrymis
 errore luminis fuisse restitutum. (b) Hac occasione Waltho Pontifici Eu-
 genio

genio supplex commendatorias ad Waltherum Augustanum Episcopum litteris obtinuit, quibus iste decimas Pergenſes & Pözenhufanas nobis confirmare jubetur. Epistolam Pontificiam Walthero scriptam in tabulario nostro non inveniri, mirum non est, utpote Episcopo traditam, ideoque Augustæ requirendam.

Anno proximo, nimirum 1149. Waltherus & summi Pontificis & Walthonis voluntatem implevit, dum litteris benevolentiae plenis dictas decimas confirmavit, testatus, id se *juxta mandatum & intercessionem* Pontificis facere. Ex quo colligimus, ita captum Walthonis affatu fuisse Eugenium, sicut Henricum Episcopum Ratisponensem; ut illum Pontifex non mandato solum suo pro praesenti necessitate fulcire, sed etiam pro futuris intercessionibus suis juvare & commendare dignaretur. Verum non opus erat multo apud Waltherum Episcopum nostrum ariete, qui animum ejus expugnaret: ultro nobis ac Walthoni addictissimus fuit. Causas alibi videbimus, ubi de Episcoporum agetur favoribus, quos ille non tam sibi, quam nobis proficuos, multâ sua molestia, exceubiis, & sudoribus comparavit.

- (a) *Desumpta est hae Bulla ex egrapho Stephani Leopolder. Origine in Archivis servata.* (b) *Cod. D. fol. 62. his verbis: unus Cardinalium se vehementer opponens visum perdidit, sed factum postmodum promovens illuminatus est.*

§. II.

Favores Episcoporum.

I. PRIMUS inter Benefactores, quos monasterio nostro conciliavit Waltho, recenseri meretur Waltherus, seu, juxta Codices nostros, *Waltharius*. Natus is erat illustrissimo Comitum Palatinorum Tobingensium sanguine, & unanimi Canonicorum calculo in Episcopum Augustanum electus anno 1134. die 19. Aprilis. Tam tenero Waltherus in Walthonem amore ferebatur, ut eum non alio, quam filii nomine, salutaret. Tertio suscepti Episcopatus anno ad Fontes Wessonis invictus ipse venit, celebraturus nobiscum festum Dedicationis Ecclesiae nostrae, quod tunc temporis die 30. Novembris in festo S. Andreae agebatur. Eadem occasione usus, duas Capellas recens aedificatas, non suffraganeo consecrandas commisit, sed ipsemet utramque hoc ipso festo, ad quod venerat, dedicavit; illam in honorem S. Jacobi Apostoli, hanc

in honorem S. Michaelis Archangeli. Exinde semper Monasterio addi-
 ctissimus, non solum ipse Walthonis precibus libenter assensit, sed à
 summo etiam Pontifice Eugenio III. sibi commendatum benignè votis
 dampnavit: licet similitates quædam inter Gueliones, Patronos nostros,
 & Comites Tubinganos, cognatos suos, absterre Episcopum, & red-
 dere nobis difficiliorem potuissent. Verum offensionis cujusvis immem-
 or Waltherus, juxta Bullam Papæ duas partes decimarum in Pergen
 & Pözenhausen Monasterio confirmavit, die 14. Maji anno 1149. Op-
 portet pretium est datas à Walthero litteras ponere, quæ sic habent: „Wal-
 „therus Augustensis Ecclesiæ Episcopus dilecto in Christo filio Waltho-
 „ni Abbati Wessinsbrunnensis Ecclesiæ, ejusque successoribus in perpe-
 „tuum. Venerabilium cura locorum nos admonet, de ipsorum quie-
 „te & utilitate sollicitè providere, & pro eorum præcipue, pro qui-
 „bus apostolicæ sedis altitudo dignatur intercedere. Quam ob rem
 „Dilecte in Domino fili, Waltho Abba, juxta mandatum & interces-
 „sionem Venerandi Patris nostri & Domini Papæ Eugenii, tuis ratio-
 „nabilibus petitionibus clementer annuimus, & Wessinsbrunnensem
 „Ecclesiam, cui auctore Deo præesse dinosceris, passiva communi-
 „one juxta mandatum Domini Papæ, ut dictum est, concedentes & con-
 „firmantes eidem Ecclesiæ partes duas decimarum in Perge, & de Eccle-
 „sia in Pözenhusen, quas tempore prædecessoris nostri bonæ memoriæ
 „Hermanni Episcopi eadem Ecclesia possedisse noscitur. Nulli ergo
 „Episcopo successori nostro, nulli omnino horum fas sit, prædictam
 „Ecclesiam perturbare, aut decimas inde auferre, vel ablatas retine-
 „re vel minuere. Sed integræ conserventur vestris ac pauperum usibus
 „omnimodè profuturæ. Siquis igitur huic nostræ constitutioni temerè
 „contraire temptaverit, secundo tertiove commo-
 „tionem suam congrua satisfactione correxerit, potestatis honorisque
 „sui dignitate careat, reumque se divino judicio existere de perpetrata
 „iniquitate, cognoscat, atque à sacratissimo corpore ac sanguine
 „Dei & Domini Redemptoris nostri JESU CHRISTI alienus fiat, atque in
 „extremo examine districtæ ultioni subiacet. Cunctis autem eidem
 „Ecclesiæ sua jura servantes gratia & pax Domini nostri JESU CHRISTI,
 „quatenus & hic fructum bonæ actionis percipiant, & ante districtum
 „judicem præmia æternæ pacis inveniant. Hujus rei testes. Ru-
 „digerus Archidiaconus, Conradus Archipresbyter, Rupertus Præ-
 „positus S. Petri, Johannes Medicus. Actum anno Dominicæ incar-
 „nationis MCXLVIII. indictione XII. quartodecimo Kalendas Junii,
 „præsidente Eugenio Papa III. regnante Conrado Romanorum Re-
 „ge III.

Cæterum, quemadmodum Episcopus *Authore Deo* Walthonem monasterio nostro præfectum agnovit, ita credimus, pro veteri amborum amicitia tales inter utrumque, cum noster Augustam venisset, sermones fuisse, quibus mundi hujus adversa, & illam, quæ tunc erat, temporum acerbiter deplorarent. Nec dubitaverim, quin Walthonis sanctitas atque eloquentia magnum pondus addiderit, ut Waltherus tot bellis ac injuriis exagitatus conceptum diu consilium palam exsequeretur. Proximo enim anno 1150. Episcopus dignitati suæ renunciavit, Pontificios honores & labores deposuit, relictis omnibus ad Seligenstadiense Ordinis nostri cœnobium fugit, ac monachum induit, triennio post felicissima morte defunctus, anno 1153. die 3. Septembris secundum Hierarchiæ Augustanæ authorem, secundum verò Chronographum nostrum anno 1154. die 4. Februarii. De Waltheri electione Chronographus noster sic scribit: *Anno 1133. (aliis est trigessimus quartus) decimo quarto Calendas Aprilis eligitur Waltharius Augustensis Episcopus, & sedit annis 19. Hic fuit maximus Benefactor nostri cœnobii, & Walthonis Abbatis. Sic ille.*

Alter ex Augustanis Episcopis Monasterii nostri Benefactor fuit Conradus de Lützstein, Waltheri successor. Cum enim Walthonis vigilantia monasterio comparata fuissent decimæ in Marchdorff, easdem Conradus anno 1154. libentissimè confirmavit, dignissimus, cui Deus feliciora dedisset tempora. Verum felicior fuit dimisso Episcopatu, quam accepto, dum se Conradus honore & onere abdicavit, & in monasterio S. Udalrici Augustæ monasticam vestem suscepit, mortuus anno 1167. & ibidem sepultus.

Tertium monasterii nostri fautorem veneramus Hartwicum, Episcopum Ratisbonensem, Engelberti Carinthiæ Ducis filium, sacri Ordinis nostri amatorem egregium; nam is monasterio Prüelensi prope Ratisbonam, magnis calamitatibus afflicto, levamen attulit: Monasterium Mallerstorffense, Prisingense, & illud S. Jacobi Scotorum Ratisbonæ consecravit, die 3. Martii anno 1126. pie defunctus & in templo S. Emmerami religiosè sepultus. (a) Atque ut in nos quoque beneficium monstrems, idem teste Henrico in Episcopatu successore, *decimas antiquas, nominatim de Hartwarskirchen, dum eandem Ecclesiam titularem dedicaret, ad matricem Ecclesiam de Risbach (quæ pridem juris erat Wessofontani) sub jure anathematis terminavit.*

Quartus fuit ejusdem Sedis Episcopus Henricus, Comes de Wolfratshausen, qui licet inquietum regiminis haberet initium, ipse bell-

R

cosus,

cosus, atque Henrici superbi Bavariz Ducis juratus hostis, respuit tamen, & non solum damna à se S. Emmerami Ecclesiz illata pro viribus restauravit, sed & ipse cucullam ibidem monasticam induit. Is, cum Waltho noster supplex Ratisbonam venisset, illum humanissime excepit, & non contentus decimas Reisbacenses & Hawartskirchenses monasterio nostro confirmare, etiam Engilmarispergenes, proprio nutu adjecit: id quod luculentiùs docent litteræ Episcopales, quas per extensum recitamus:

„ In Nomine Domini nostri JESU Christi feliciter in perpetuum
 „ Amen. Notum sit omnibus Christi fidelibus tam futuris, quam præ-
 „ sentibus, qualiter ego Henricus Dei gratia licet indignus Ratisbonen-
 „ sis Episcopus ob Patrocinium S. Michaelis Archangeli, & meritum S.
 „ Wolfindis Virginis scilicet & Martyris, tradidi Ecclesiz de Risbach om-
 „ nes decimas ad eam antiquitus pertinentes. In quo facto secuti sumus
 „ auctoritatem Venerabilis prædecessoris nostri Hartwici Episcopi, qui
 „ decimas antiquas nominatim de Havartiskirchen, dum eandem Eccle-
 „ siam titularem dedicaret, ad matricem Ecclesiam de Risbach sub jure
 „ anathematis terminavit. Veniens autem ad nos Venerabilis Abbas
 „ Wessinbrunnensis Walto sua imitabili humilitate & deprecabili postu-
 „ latione obtinuit in Conventu totius Capituli nostri, ut ei traderemus
 „ & allegaremus omnia jam facta vel adhuc facienda in eodem terri-
 „ torio novalia. Recognovimus etiam audita à quibusdam nostris ve-
 „ racibus legatis legitimo quodam concambio ejusdem liberi prædii no-
 „ bilium virorum, quod adhuc in potestate Ratisbonensis Ecclesiz esse
 „ cognoscitur, decimas illas Episcopales concambitas fuisse. Igitur,
 „ sicut nos audivimus, sic & credidimus. Præterea, quia recognovimus,
 „ nos specialiter debitores debere esse prædictæ Wessinbrunnensi Ecclesiz,
 „ ex propria benevolentia nostra contulimus ei Ecclesiam illam de En-
 „ gilmarisperge cum omni suo jure. Quapropter præcipimus omnibus
 „ subditis nostris, nunc viventibus, & post nos futuris consulimus, ut
 „ jam prænominatum Wezzinbrunnense cœnobium cum omni pace &
 „ quiete permittatur possidere duas partes decimæ tam mansorum inte-
 „ grorum, quàm dimidiorum, & tam agrorum ad cultores agri perti-
 „ nentium, quàm novalium, sicut diximus, factorum, vel adhuc fa-
 „ ciendorum in territorio de Risbach & Hawartiskirchen, & Engilma-
 „ risperge, absque aliis capellis. Huic facto & assertioni interfuerunt
 „ cari fratres nostri & Domini Abbas S. Emmerami, & Abbas de Biburck,
 „ & de Madilhartsdorff, & de Alta, & de Ensdorff, & de Mainse.
 „ Complacuit etiam majoribus chori nostri Canonicis, & fratribus præ-
 „ dicta

„ dicta allegatio, scilicet Engilberto Præposito, & Altmanno presby-
 „ tero, & Heinricho Vicario nostro in pago Danubico, & Gotefrido Ar-
 „ chipresbytero in pago Nórico, & Wolfhero Ecclesiæ sancti Petri
 „ Thesaurario, imò & omnibus melioribus totius Episcopatus nostri sa-
 „ cerdotibus. Quapropter quod fecimus, nequis successorum destruat,
 „ autoritate DEI & SS. Apostolorum Petri & Pauli, & Domini nostri
 „ Papæ Innocentii sub vinculo anathematis interdicimus. Signum Do-
 „ mini Heinrici Ratisbonensis Episcopi. Anno ab Incarnatione Domini
 „ (L.S.) Millesimo Centesimo. Tricesimo Nono. Indictione II. Anno
 „ Regni Domini Chunradi, Serenissimi Regis Romanorum secundo.
 „ Actum Ratisbonæ in DEI nomine feliciter. Amen.

Diploma istud animadversionibus suis dignum videtur multis ex cau-
 sis. Inprimis indicatur *Reispacensis Ecclesiæ patronus fuisse S. Michael Archang-
 gelus*, quæ causa fuisse potest Walthoni, ut tertio statim regiminis sui
 anno ædificaret huic Archangelo proprium sacellum, ut supra diximus:
 atque ita cultus S. Michaelis, sub cujus patrocinio antiquam illam Reispa-
 ci possessionem à prima Monasterii fundatione tenebamus, apud nos
 quoque propagaretur una cum benefacti memoria. Præcipua dein at-
 tentione dignum est meritum *sanctæ Wolfscindis Virginis & Martyris*. Verùm
 quia singulari tractatione res digna est, eam tantisper differimus, & Hen-
 ricianum diplomâ quo ad cætera consideramus.

Tertiò consideranda est brevis descriptio morum Beati Walthonis
 nostri, ex quibus mera humilitas, reverentia & efficax ad persuaden-
 dam impetrandumque tum vocis tum gestus modestia promicabat: *Ve-
 niens autem ad nos Venerabilis Abbas Wezzinsbrunnensis Walto, sua imitabili hu-
 militate & deprecabili postulatione obtinuit in conventu totius capituli nostri, ut ei
 traderemus & allegaremus omnia jam facta vel adhuc facienda in eodem territorio
 revalia.*

Præterea Episcopus jus suum in illas decimas senum testimonio &
 Legatorum Autoritate confirmat, testatus, legitimo quodam *concam-
 bio* cujusdam liberi prædii nobilium virorum, quod adhucdum in potestate
 Ratisbonensis Ecclesiæ esse cognoscebatur, decimas illas Episcopales *con-
 cambitas* fuisse, & viâ permutationis ad se pervenisse. Nobiles illos vi-
 ros non alios fuisse existimo, quàm Equites de Warth, è quibus Eckol-
 fus 1143. Albertus 1165, aliique illo & priore sæculo vixisse leguntur (b).
 Dein Episcopus singularem causam affert, qua moveretur ad annuen-
 dum Walthonis precibus: *præterea recognovimus*, inquit, *nos specialiter*

dabitores debere esse prædictæ Wessinsbrunnensi Ecclesiæ. Quam tamen causam non explicat. Videtur autem illa fuisse, quòd, cùm Henrici ex fratre Ottonis nepos, itidem vocatus Otto, in obsidione illa castri Wolfratshusani à Welfone captus & Rauenspurgum abductus fuisset, conciliantibus Walthone & Wulfilde Welfonis sorore, quæ sanctimonialem apud nos induit, denuò fuerit libertati restitutus. Quapropter decimis illis Reispacensibus & Havvartskirchensibus etiam Engilmarispergenses adiecit, monasterio nostro cum omni jure suo donavit, tertia earum parte sacerdotibus locorum curatoribus relicta.

Demum enumerat testes, qui concessioni interfuerunt, ex quorum autoritate & copia vix non adducor, ut credam, Synodalem quasi conventum illum fuisse. Interfuit Abbas S. Emmerami Engelfridus, cui ob Ecclesiæ suæ antiquitatem & sanctitatem primus inter Præsules locus compete-
 bat. Interfuit S. Eberhardus, ex Canonico Bambergensi monachus Priflingensis, dein Abbas Biburgensis, ac demum Archi-Episcopus Salisburgensis. Aderat etiam Eppo Abbas Mallerstorfensis, (c) idem ipse, qui S. Eberhardo Biburgensi Archi-Episcopatum prædixisse legitur, & propter alias virtutes apud Mallerstorfenses instar Beati habetur & pingitur. Aduit Gotbaldus Superioris Quercus, qui eodem anno ab Innocentio II. Papa protectionis Pontificiæ litteras novus Abbas obtinuerat (d). Aduit Dietwinus ex monasterio S. Michaelis ad Bambergam accitus Albas Ensдорffensis (e). Denique Beatus Conradus Lunælacensis Abbas, qui pro defensione Ecclesiæ sibi creditæ ab impiis trucidatus Martyr occubuit (f). Post Abbates enumerat viros insignes in dignitatibus Cathedralis Ecclesiæ constitutos Engilbertum Præpositum, Altmannum Presbyterum, Henricum Vicarium suum in *Pago Danubio*, Gotefridum Archipresbyterum in *Pago Norico*, Woltherum Ecclesiæ S. Petri Thesaurarium.

Cæterum notæ etiam Chronicæ in eundem annum accuratè consentiunt, sola dies dati Diplomatis desideratur. At satis est, promptissimum Henrici Episcopi animum, & in Monasterium nostrum benignitatem perspexisse. Eundem Episcopum ante mortem Monasticam vitam quidam amplexum asserunt, alii in habitu ordinis mori aut sepeliri, more plurium illo ævo Illustrum virorum, voluisse: certum est, in Ecclesia S. Emmerami Ratisbonæ tumulum accepisse. (g).

(a) *Ratisb. Monast. f. 268.* (b) *Hund. Stammen-Buch Parte II. fol. 350.*
 (c) *Idem Metrop. Tom. II. fol. 460. 461. 463.* Vid. *Bolland. Acta SS. 22.*

Janit fol. 263. ubi non solum hoc vaticinium, sed & mira Ebbonis visio refertur, (d) Hist. Oberaltabensis f. 134. (e) Hist. Emsdorffensis fol. 324. (f) Hund. tom. 2. Met. fol. 500. Videatur & Chron. Lunelacense à fol. 117. Monasterium hoc Episcopis Ratisbonensibus tunc subiectum erat, licet in Diocesi Salisb. situm, sed Chunois Episcopi Ratisb. operâ liberatum. (g) Ratisb. Monast. Vide ibi Notam b.

§. III.

De S. Wolsfinde Reispacensi.

1. **N**ULLIBI locorum S. Wolskindis nomen exstat, quantum sciam, nisi in diplomate Henrici Episcopi Ratisbonensis, & antiquis Codicibus nostris, licet æquissimè nobilis hæc gemma locum tum in Actis sanctorum Bollandianis, tum in Raderi Bavaria sancta locum sibi vendicaret. Verùm nec iste in Bavaria saltem pia, nec illa ad diem II. Septembris, saltem inter Prætermissos, de ea quidquam memorant. Nec mirum: ipsi enim Reyspacenses ignorant, ubi pretiosum hoc cimelium apud se delitescat. Virum Clarissimum Joannem Evangelistam Layminger, bodiurnum Parochum, familiarem olim meum, datis 28. Aprilis anno elapso litteris humanissimè rogavi, dignaretur me de reliquiis cujuscunque cultûs certiorum facere: in expedito fuit plena bonæ voluntatis epistola, qua deplorat, facta inquisitione neminem etiã senum quidpiam auditu accepisse de illa sancta Virgine: id solum sciri, quod hodierna magnifica Ecclesia ædificata, & multis beneficiis additis quasi recens fundata fuerit à nobilissimis heroibus de & in Warth, quorum Castrum gentilitium, à quo nomen trahunt, desolat, tum licet, hodiernum intra Parochiæ Reyspacensis limites situm inveniatur. Heroum istorum cadavera sedentium specie adhuc in crypta conspiciuntur. multique alii præterea lapides sepulcrales in templo, de quibus Hundius mentionem facit. (h) Petit à me majorem Divæ hujus Martyris noticiam vir zelosissimus, an videlicet reverà digni olim fuerint Reyspacenses tantum thesaurum possidere. Dum ego rem differo, ipsemet ex Ratisbonensi Diocesi ad me in extremo Bavariæ limite commorantem iter suscepit, suumque in inquirendo laborem, sed irritum, explicavit. Obvia quædam in chartam conjecta communicavi, eumque, hujus historiz editionem patienter expectaret; rogavi.

2. Atqui certissimum est, S. Wolskindem Reispaci olim quiescisse, aut certè singularem Patronam fuisse, prout patet ex adducto Episcopi Hen-

rici diplomate, quo docemur S. Michaelis patrocinium ibidem invocandi fiduciam, *meritum* verò S. *Wolffindis Virginis & Martyris* etiam obtinendi spem firmiorem præbuisse, ut par erat credere, promptiorem ad Sanctorum proprios cineres opem à rogantibus posse obtineri. Certius sepultæ in illo loco testimonium perhibet documentum perantiquum, quod in Codice nostro (i) sic habet: „Notum sit omnibus Christi fidelibus, „ quod Tazzilo rex Bauarorum tradidit villam Risbach, in qua sepulta „ est sancta Wolffindis Virgo & Martyr, ad Wezzinsbrunnen ad altare „ S. Petri. omnes census predii nomine Routi & locorum ad idem pertinentium, id est, pecorum &c. fratribus ibidem DEO & S. Petro servientibus. „ Ac paulò post subjungitur. Festum S. Wolffindis Virginis & Martyris semper celebratur 4. Nonas Septembris cum duodecim Lectionibus, ut patet in Calendario antiquissimo Abbatis Benedicti, qui idem conscripsit.

3. Calendarii hujus fides tanta est, ut major esse non possit, quantum ad Sanctos in eo recitatos & secundum ritum majorem vel minorem officio colendos pertinet; talis enim ritus sæculo illo decimo, quo Benedictus vivebat, servabatur: & nos de Calendario illo jam in eodem Benedicto egimus. (k) Demortui verò fratres, Benefactores, Presbyteri, Monachi, Conversi, eidem Calendario inscripti, quo præcisè sæculo, minùs anno, obierint, ut indicemus, præstare non possumus, nisi ubi in Actis eorum beneficia, aliæque notis Chronicis insigniuntur. De Wolffinda Virgine sic in Calendario paucis verbis inter Priscum Martyrem, Ægidium Abbatem & Verenam Virginem, uno eodémque die, Calendis nempe Septembris, nominatos, & Antonium Martyrem 3. Nonas colendos, sic ad 2. Nonas scriptum invenimus:

4. *Nonas Wolffinde Virginis x 11. Lectionum*, nempe juxta Breviarium monasticum hodièdum usitatum, & juxta S. Benedicti Regulam ab antiquo ordinatum. Et statim eodem die defunctus distincto caractere commemoratur: *Adalpero moni nostre congregationis obiit*. Videtur is mihi idem esse, qui ob suum in sacrilegos Mystras zelum diversa exilia circa Lycum mutans à Paulo Bernriedensi *benedictæ memorie* monachus dicitur. (l)

Satis nunc demonstratur videretur, S. Wolffindam Reispaci cultam, Reispaci tumulatam, apud Wessonis fontes etiam festum ejus celebratum imò hanc sanctam ex antiquissimis unam Bojariis in veneratione fuisse. Superest, ut, quia de antiquitate constat, de loci celebritate, illo

illo quæm ævo habuit, pauca dicamus. Ad hunc locum Arno Archiepiscopus Salisburgensis circa annum Domini 802. synodum celebrandam indixit, ejus rei testis superest *Arnonis Archiepiscopi Salisburgensis epistola Encyclica de celebranda synodo in Rispach*. (m) At jam triennio ante alia synodus Reispaci celebrata invenitur, Arnone Archiepiscopo Salisburgensi, Walderico Episcopo Passaviensi, Adalvino Episcopo, aliisque presentibus: (n) ex quibus loci celebritas, & ut ad Concilium plurium Episcoporum & Abbatum aptus esset, amplitudo colligi potest.

Quantum ad dominium loci utrumque, Reispacum Thassalonis ævo ad Duces Bavariz pertinebat, ut patet, cum ille decimas donaverit ludis deinde equestribus inductis, Principum favore ad Warthios transiit, quorum unus jam anno 968. (o) eosdem ludos frequentavit, aliæque usque ad annum 1284. unde colligi facile potest, quàm pronum fuerit, nos de possessione tam longè dislita periclitari. Succurrit S. Wolfgangus, & decimas nobis confirmavit: Hartvicus Episcopus auxit Haberskirchio, Henricus Engilmarisbergâ. Ad sæculi nihilominus duodecimi finem translata est possessio Reispaci ad Warthios, ab his vendita eorum creditoribus: denique anno 1583. Warthii tum debitis onerati, tum principum gratiâ nescio quam ob causam (divinare licet) exuti, venditis omnibus in Palatinatum Neoburgensem emigrârunt. (p) Hucusque decimæ illæ tum ad Serenissimos Bavariz Electores, tum ad varios Nobiles pertinent. Atque ita, dum decimarum illarum possessio nobis crepta est, etiam S. Wolffindis cultus apud nos jam pridem desit: memoria tamen in monumentis, devotio in mentibus servatur.

(h). In *Stemmatographia Bav.* (*Stammen-Buch*) supra cit. fol. 350. (i) *Codex D.* fol. 36. (k) *Sec. II. C. I. §. III. de Benedicto I. Abbate*. (l) *Acta SS. Boll. in Vita S. Gregorii PP. VII. Vide infra Cap. VII. §. I. de Monachis Walthæmis discipulis*. (m) *Pez. tom. VI. Anecd. P. I. col. 74. num. IX.* (n) *Hansz tom. I. Germ. S. fol. 145.* (o) *Hand. Stammen-Buch fol. 350.* (p) *Idem ibidem fol. 355.*

§. IV.

Favores Regum & Imperatorum.

1. **T**Res Imperatores vivo Walthone sceptrâ tenuere. In iis primus Lotharius, eo nomine secundus, ex Duce Saxoniz evectus ad thronum, saluberrimam legem de Subadvocatis Ecclesiarum abrogan-

rogandis tulit, nobis quoque profuturam, si mos eidem gestus esset, nec inolita consuetudo prævaluisset.

2. Excepit Lotharium Conradus ex Sueviæ Duce Imperator ejus nominis tertius. Ad hunc in Comitibus Norimbergensibus versantem Waltho noster profectus, bonorum à Gifala de Seeveld, Hoholdi Comitibus de Pappenheim mariti olim sui vidua, Monasterio nostro legatorum causam egit. Ludovicus enim Comes de Oetingen, Gifalæ nostræ avunculus, Mechilde sorore sua, Matre Gifalæ, consentiente, ea prædia, præsertim Biberbacense, sibi vindicare totis viribus contenderat, jamque se in possessionem immiserat. Et Mechildis quidem, tanquam mater, citius filiæ & Walthoni cesserat: Ludovicus autem prædium controversum jam etiam Blanckstetteni Monasterio vendiderat. Actum erat de prædio, nisi Walthonis precibus & conspicua virtute commotus Rex certis conditionibus litem pro Monasterio decidisset, & perpetuam prædii possessionem nobis confirmasset. Controversia hæc (a) inferius largius explicabitur.

3. Anno 1152. Fridericus I. Sueviæ Dux, Wulfildis nostræ ex sorore nepos, Rex Romanorum creatus est, cui hoc elogium Chronographus noster textit: *erat autem vir armis strenuus, acer animo, exercitatus in bellis, corpore robustus, in consiliis providus, in negotiis peragendis virilis, affabilis mansuetus, superbis resistens, ingenio subtilis, memoria excellentissimus, facie satis eleganti, barba & capillo rufa.* (b) Anno dein, eodem Chronographo teste, *Millesimo, censefimo, quinquagesimo quinto Fridericus primus Imperator Romanorum ab Adriano Papa IV. Imperiali Benedictione sublimatur.* Verum priusquam ipse Romam perveniat, iter ejus ex Germania breviter enarrandum est. E Saxonia in Bojariam redux in campis Lycatibus ad Augustam Vindelicorum copias recensuit. Inde progressus Bittengoviam haud procul Schongavio Welfonis palatio venit, &, quia Henricum Leonem cum Welfone Leonis patruo sibi comites expeditionis voluit, aliquantisper substitit & supplicibus aures dedit.

4. Inter alios supplices Waltho noster apparuit, à Welfone Wulfildis nostræ germano fratre jam commendatus, propositisque querelis ob injurias Subadvocatorum clementer à Friderico exauditus, insigne Diploma retulit, quo non solum gravissimè Advocatis interdicat, ne sibi seundum substituunt, sed etiam liberam Advocati eligendi facultatem Abbatibus & Conventui concessit; præterea omnia servitia hucusque Imperatoribus debita remisit: denique omnibus, qui feuda ab imperio posside-

rent,

rent, libertatem tribuit, iisdem renuntiandi ac monasterio donandi, dummodo quinquaginta manfos non excederent.

§. Operæ pretium existimamus, diploma hoc oculis exhibere, ut, in quanto apud Fridericum tum Walthonis, tum Welfonis & Leonis virtus pretio fuerit, quisque intelligat.

„ In Nomine Sanctæ & Individuæ Trinitatis Amen. Fridericus DEI
 „ favente clementia Romanorum Imperator semper Augustus. Notum
 „ sit omnibus tam futuris quam præsentibus Christi Fidelibus, quod sicut
 „ temporibus antecessorum nostrorum Regum seu Imperatorum Henrici,
 „ Lutharii, nec non Divæ reoordationis Conradi Augusti violentia Ad-
 „ vocatorum ab Ecclesiis remota est justitia distante, ita, quod nulla
 „ Ecclesia Subadvocatum habere debeat, sic nostris quoque temporibus
 „ judicium curiæ nostræ de removendis Subadvocatis sententiam protu-
 „ lit, usque adeò, quod si quis principalis Advocatus Subadvocatum
 „ sibi constituat vel patiatur, ejusdem Advocatiæ beneficium amittat. No-
 „ strorum igitur antecessorum auctoritatem servantes statuimus, ut in Ab-
 „ batia Wezzinesbrunensi, cujus Advocatus Henricus Dux Saxoniz esse di-
 „ gnoscitur, Subadvocatus nullus unquam constituatur. Et si qui hæte-
 „ nus ibidem Subadvocati esse videntur, omnino removeantur, dece-
 „ dente verò memorato Duce Henrico, liberam facultatem habeat Ab-
 „ bas, sive conventus ejusdem Cœnobii, quemcunque voluerint, sibi
 „ substituendi Advocatum. Præterea quæcunque servitia ab eadem Ab-
 „ batia nostris successoribus seu nobis jure persolvenda noscuntur, amo-
 „ re DEI omnipotentis omniumque sanctorum in perpetuum remittimus,
 „ & ab eodem debito eam penitus Imperiali Authoritate absolvimus,
 „ firmiter statuentes, ut à nullo successorum nostrorum Regum seu Im-
 „ peratorum hæc nostra institutio immoretur. Insuper Imperatoria au-
 „ thoritate concedimus & statuimus, ut quicumque de bonis ejusdem
 „ Ecclesiæ ab Imperio inbeneficiatis eidem Ecclesiæ remittere, & jus be-
 „ neficii abnegare Divinæ pietatis intuitu voluerint, abnegent & Eccle-
 „ siæ remittant, quousque eadem Ecclesia quinquaginta manfos & non
 „ amplius, de ipsius bonis ab Imperio inbeneficiatis ad usum & proprie-
 „ tatem suam recipiat. Et ut hæc omnia rata & inconcussa permaneant,
 „ præsentem paginam sigilli nostri impressione signari præcepimus. Te-
 „ stes autem hujus rei subscribi fecimus, quorum nomina hæc sunt:
 „ Chounradus Augustensis Episcopus. Welfo Dux. Bercitholdus Dux de
 „ Zaringen. Hugo Comes de Tübingen. Gotfridus Comes de Zolren.

S

„ Got.

„Gottfridus Comes de Rumesperich. Adelbertus Comes de Le-
„vvenstain.

Signum Domini Friderici (Monogramma) Romanorum Imperatoris
iavictissimi.

Duodecimo Kal. Octobris. Actum Bittengovve. Anno Dominicæ
Incarnationis M.C.L.V. Indictione tertia. Regnante Friderico Romano-
rum Imperatore Augusto. Anno vetè Regni. quarto. Imperii ejus
primo.

In hoc Diplomate notæ Chronicæ omnes ad linguam conveniunt.
Monogramma Imperatoris, à Stephano nostro expictum convenit cum
illo, quod Abbas Gottvvicensis in Chronici sui Tom. I. (c) Bittengovvâ
Fridericus per fines Brixinensium & vallem Tridentinam legiones exposuit
in agro Veronensi; eaque deinceps gessit, quo fusè describit Adlzreitte-
rus. (d) Nobis sufficit demonstrasse, quantum apud Imperatores gratia
Walthe valuerit, quantaque emolumenta monasterio impetrârit.

(a) Cap. V. §. I. De Controversiis. (b) Códex D. fol. 64. & 65. (c) Lib. II.
post fol. 358. (d) Part. I. Lib. XXI. à colum. 560. &c.

§ V.

Embolismus

De S. Theobaldo, & villa Bittengovve.

Locus Bittengovve, in quo recitatum antè diploma Friderici I. Im-
peratoris editum ac Walthoni Abbati concessum est, occasionem
præbet quæstioni, ubinam locus ille situs fuisse putari debeat. No-
stris documentis variè scribitur, Bittengau, Peittingauve, Peyttingen,
vicus seu municipium hodiedum satis spectabile horæ spatio à Schonga-
vio oppido, Welfonis olim domicillò, dissitum; situm inter Amperara
& Lycum fluvios, medio meridiem versùs inter monasterium nostrum
& Steingaden se spatio. Num hic datum illud diploma putabimus? an
verò illo in loco, qui dicitur Pitingum, in Teutonicorum videlicet Regno?
Alius is est planè, nominatus in vita S. Theobaldi Presbyteri & Eremitæ
(e). De quo Jamottus ait Pitingen aut Pitange esse pagum prope Luxem-
bur-

burgum in Diocesi Trevirensi, eumque exhibent tabulæ supra fluvium Prumiam, tribus leucis à Treviris. (f) De eodem loco scribit Honthemius: *Bettinga*, Bettingen vicus est Toparchiæ & arce nobilis in Eifliensi agro. A Lothario Imperatore Fulcardo cuidam concessa est anno 844. Item Hübnerus (g) *Pittingen / Herrschaft / Schloß und Steden / 2. Witten von Luxemburg*. Atque illuc è Saxonia via ducere, Fridericum Regem viz potuit, nisi nimis ambagibus: Augusta verò recta & expedita est via Brinam & Tridentum petentibus. Ergo Boicum hoc Bittengovve curti vel villa regia olim fuisse putanda est: quo in loco alibi quoque Welfo Imperatori occurrisse, filiumque suum Imperatori ad bellum in Italiam eunti comitem dedisse memoratur. Alia ex parte, cum Luxemburgum ipsum ad Diocesin Trevirensen pertineat, (h) nimium vicinus hic locus videri debuit S. Theobaldo, parentes & patriam remis velisque fugienti, quam ut tuto latere se posse existimaret. Adde, quod nostrum Bittengovve, utpote à patria remotius, commodius ipsi latibulum præbuerit, & propius iter Vicentiam, ac inde vel Romam, vel Compostellam, vel in Palæstinam, quippe Alpibus vicinum, neque ut alia villæ regie adeò frequentatum; his enim tantum Reges illuc divertisse legimus. Porro inter villas régias quidem nec Pitingum, nec Bittengovve legimus, quas Reverendissimus Abbas Gottyvicensis longo ordine recenset. (i) Hæc tamen placuit eruditæ discussioni subicere ad iudicandum, an non olim S. ille Theobaldus hospes in Bavaria nostra confederit, & Sanctis Bavarie nostræ hinc adscribi mereatur.

(c) *Apud Bekand, 30. Jun. tom. V. fol. 593.* (f) *Hist. Trevir. T. I. ad annum 844.* (g) *In Zeitungs-Lexico, artic. Pittingen.* (h) *Vid. Reverendiss. Honthem. Tom. II. Hist. Trevir. fol. 555. ubi Luxemburgum disertè numerat inter partes Archidiocesis Trevirensis.* (i) *Tom. I. Chronici Gottyvicensis.*

§. VI.

Favores & dona Ducum, Dynastarum, Nobilium.

1. **C**Horum inter potentiores primus ducit Welfo Dux Henrici superbi frater. Nam in primis laudi cedit huic heroi, quod ministris & clientibus suis liberam facultatem concesserit, de prædiis suis Walthoni & monasterio donandi, quod vellent. Hujus pietatis exemplum apparuit primum, cum *jussu & licencia* hujus Ducis prædium quoddam in Loudevviginisperge (sic enim Landsperga tunc vocabatur) ab Adelhei-

da de Hunfoln monasterio nostro concessum & traditum est. Eadem libertate Touno Ducis Welfonis famulus cum fratre suo Conrado de Stochheim duo prædia in Peckstetten & Ramungen S. Petro in Wezzinsbrunnen obtulerunt. Hermannus de Sandorf, itidem Welfonis famulus, prædium suum in Holzburg situm S. Petro donavit.

2. Verùm nec ipse Dux clientibus suis in S. Petrum liberalitate & munificentia cessit, imò exemplum præbuit. Ministerialium quidam ejus Rizzarius nomine, in beneficium à Duce acceperat duo prædia in Pirschvvald. Hæc Rizzario sine liberis defuncto in potestatem Ducis redierunt, qui opportunitatem hæc nactus eadem monasterio nostro tradidit cum eorum cultoribus Eberhardo Wolf & filiis ejus, in perpetuum possidentibus. Erat tunc Religiosissimus Dux in propectu ad expeditionem Jerusalemitanam cum Cæsare Conrado aliisque Principibus suscipiendam: nostra ex parte tradita sunt ipsi decem talenta. Delegatio hæc facta est anno 1147. apud Ratisbonam in loco, qui Stetten vocatur, coram amplissimis testibus, inter quos præcipue exstabant Fridericus Sueviæ Dux postea Imperator ejus nominis primus, & Comes Rudolphus de Phullendorff, Welfonis Ducis nepos ex Wulfhilde sorore, sanctimoniali nostra.

3. Et quoniam Wulfhildem tenere idem diligebat, idem Welfo tum pro remedio animæ suæ, tum amore sororis divino apud nos servitio mancipatæ monasterio nostro tradidit prædium Cheffingen, ejus cum pars aliqua in beneficium concessa fuisset Conrado cuidam Zundin cognominato, statuit, ut eadem pars post Conradi obitum S. Petro cederet, nec ullus liberorum ejus posset eam sibi vendicare. Addidit aliud prædium in Nidervend cum Gishero servo, uxore, & liberis ejus, monasterio nostro deinceps servituris. Unde merito generosissimum hunc Duce inter insignes Benefactores numeramus.

4. Guelfonem imitati sunt vsri alii nobilissimi, ut Bernhardus de Wilhelm, nobilis homo, imò Dominus, & Werinhardus nobilis de Stauffen, Ecclesiæ nostræ Advocatus: quorum ille propter Northbertum filium, iste propter Richinsam sororem datis prædiis monasterium locupletarunt, inferius recensendis, ubi de monachis & sanctimonialibus Wessofontanis agetur.

5. Hartmannus de Villiburgeriet homo nobilis, mutuo acceptis à monasterio viginti talentis, nisi ea post quinquennium redderet, prædia sua, quæ possidebat in Villiburgeriet, Apfeldorf, & Pernbach delegavit,

vit, & conditione non expleta, in proprietatem nobis tradidit. De loco VVilliburgeriet, ubi hódiedum S. Vigili Episcopi Tridentini & Martyris Ecclesia vísitur, largior postea sermo redibit ad ejusdem Sancti honorem, & illustrium quarundam familiarum gloriam.

6. Udalscalcus clarissimi generis de Wielenpach, peregrinationem transmarinam aggressus, pro felici itinere & animæ suæ subsidio S. Petro duo prædia obtulit, unum in Aiche, alterum in Plintencelle. Obitus hujus in Calendario veteri his verbis annuntiatur: *III. Idus Majas in festo S. Gangolfi Martyris Oudalscalcus laicus obiit, de Walseshoven, qui dedit duo prædia ad Plintimcelli, & ad Aiche, utrimque duas curtes.* Udalricus item miles, id est, nobilis de Müllhausen & uxor ejus Hemma duo prædia in Müllhausen & Waltershoven S. Petro liberaliter donaverunt. Similiter Hiltpirandus de Morenvvís & Irmingarda conjux duo prædia in Marhbach & Sandolshausen S. Petro tradiderunt: & Irmingarda hæc pridie Nonas Octobris defuncta legitur. Per horum parentum filiam Adelhaidam alio prædio in Partenkirchen aucti fuimus, cum illa Parthenoni nostro se manciparet.

7. Amalbertus nobilis homo de Lechhausen aliorum nobilium libertatem superavit: prædium enim unum ibidem situm monasterio nostro donavit cum omni jure & cum centum sexaginta mancipiis. Adjecit & aliud prædium in Wolmotshahe, ac omne præterea jus, quod sibi antea in eadem Ecclesiam competeat. Udalricus de Sandau, minister Henrici Saxonie Ducis, peregrinationem transmarinam suscipiens, prædium quoddam in Hausen perpetuo nobis donavit, siue hæres ei nasceretur, siue sine liberis moreretur. Denique Werinherus vir nobilis prædium suum in Pasinhusin situm, consentiente sorore illius & dimidii tantum mansi pretium sibi paciscente, S. Petro tradidit. Verum ob hanc traditionem, quæ paulò post orta sit lis, alibi referemus. (a)

8. Non legniores viris fuere matronæ Nobiles & devotæ. Luikardis de Ravenspurg, soror bonæ memoriæ Gebazonis (b) in ministerio Henrici Ducis duo prædia super Ekke ad altare S. Petri tradidit, accepta à Walthone & fratribus 14. talentorum pecuniâ, quam nisi intra quinquennii terminum redderet, in proprietatem monasterii prædia transirent. Pecuniâ non solutâ prædiorum plenam possessionem accepimus. Hæc ipsa Luickardis duos filios Henricum & Albrandum apud nos divino servitio, & cum illis alia duo prædia tradidit, de quibus infra. Fuit & anonyma quædam matrona, quæ salutis suæ studio prædium quoddam Müllhausen

num S. Petro donavit ad perpetuum fratrum usum æque solatium, quomodo monasterio denique vindicatum sit, alibi docebitur. Non ambigo, plures alios utriusque sexus fideles in nos fuisse beneficos: verum hæc ex documentis nostris narrasse sit satis.

(a) *Cap. V. §. 1. n. 5.* (b) *Quis iste Gebezo? an Gebhardus Pauli Bernriedensis alumnus? Vid. Boll. 18. April. in Visa B. Herluca.*

§. VII.

Appendix

De SS. Vigilio Ep. M. & Gangulpho M.

1. **E**cclésiæ Parochiali S. Joannis Baptistæ in Rott subjecta est tanquam filia Ecclesiæ S. Vigili in Wilpurgried, qui locus communiter nunc *Ried* vocatur, vel ad *S. Vigilium*, quod frequentius est, & magis hunc locum indicat, cum aliud *Ried* situm sit infra Rottam: nostrum verò supra, Lycum inter & Rottam fluvios. Ante ducentos & amplius annos inter alias Ecclesias monasterio nostro incorporatas sic legitur: *Ad S. Vigilium in Wilpurgried. Ecclesiæ ac summum altare dedicata sunt in honore S. Trinitatis, S. Mariæ Virg. & omn. Sanctorum. Specialiter verò in honore S. Vigili Episcopi & Martyris: & SS. Joannis & Pauli Martyrum. Dedicatio celebratur semper proximâ Dominicâ post Festum S. Georgii martyris. Additur ibidem, quoties fieri sit solita statio, seu supplicatio ad S. Vigilium, & assignantur dies sanctorum, infra signatorum: nempe in die Conceptionis S. Mariæ Virginis: quod hodie non fit ob celebrem cultum Immaculatæ Matris in ipso templo Wessofontano post erectam sub ejusdem titulo sodalitatem, & ædificatam *Pulchra Mariæ* à Serenissimo Baviaræ Electore Maximiliano Emanuele splendidissimam Capellam. In die SS. Innocentium. S. Georgii militis. S. Marci. SS. Joannis & Pauli & Vigili Episcopi & Martyris. Loco festi Conceptionis fit statio feria secundâ Paschatis: & accurrunt talibus festis non soli Rottenses, sed etiam Wessofontani, & Apfeldorffenses. Cæterum quoniam SS. Joannis & Pauli nomina vulgo notiora sunt, jam ferè, præter primæ dedicationis ordinem, major horum, quàm S. Vigili, licet Episcopi & Martyris, ratio haberi videtur: vocantur enim illi *Wetter-Herren* seu tempestatum Domini, quo nomine majorem apud agricolas auctoritatem habent, magis de messium suarum securitate, quàm animarum segete, quam Vigilius copiosè intulit, sollicitos. (†)*

2. Fuit

2. Fuit locus iste jam ante celebrer ob arcem Nobilium de Willipurgried, ex quibus memoratur primus Hartmannus suprâ memoratus, (a) & in monasterium nostrum beneficus. Idem testis fuit in traditione prædiorum, quæ Gissla de Seveld monasterio nostro legavit: (b) item donationis Nortberti viri nobilis ad monasterium Benedictoburanum. (c) Nobilibus, ut videtur, extinctis aut aliò migrantibus (jam enim venditum nobis fuerat prædium) frequentari tamen locus non desit; nundinæ enim solennes magno concursu celebrabantur in Festo S. Vigili, quæ tandem translatae sunt Weilhemiûm, eodem die deinceps aperiendæ, eo civibus imposito onere, ut viam publicam ab oppido suo usque ad pagum Rottensem sterni curarent. Verùm ibidem jam nulla S. Vigili, sola SS. Joannis & Pauli memoria.

3. Propius nunc ad ipsum S. Vigiliûm accedendo fatemur, in antiquo Benedicti Abbatis Calendario, quod anno 940. circiter scriptum ab illo fuit, ad 26. Junii solos SS. Joannem & Paulum Martyres nominari, omisso S. Vigilio. Videntur tamen sæculo demum XI. aut XII. cùm Germani Ierosolymas vel pietatis vel militiæ causa peterent, ex via per vallem Tridentinam profectos hanc in S. Vigiliûm religionem hausisse nobiles viri, fortè ex Nobilibus de Rott; quorum aliquis castrum sibi in loco isto solitario & arci gentilitiæ opposito fixerit, atque, obtentis, quas poterat, ejusdem reliquiis, eundem clivum à S. Vigilio Vigilburgeriete vocaverit. Talis nominum mutatio in stemmatibus multis, ut in Andecensi & Schyrensi, frequens illis temporibus fuit, & adhuc est, dum stirpe multiplicata alii ad arces alias transferunt, indèque appellari voluerunt. Sic Otto Wolfratshufanus, B. Agnetis pater, (d) dictus est comes de Daninga. (e)

4. In altari principe hujus Riedensis Ecclesiæ positæ videntur tres è ligno statuae pictæ & deauratae. Medius sedet S. Vigilius Episcopus, tres in sinu lapides gestans; Martyrii testes. Ab utroque ejus latere spectantur SS. Joannes & Paulus Martyres, sed stantes & Vigilio sublimiores. Quantum ad Vigili lapides attinet, affulsit nobis lux aliqua, semper creditum fuisse, quòd S. Vigilius pro fide fuerit lapidatus. Nam anno Domini 1719. cùm ætas esset stercissima, & à Thassilone Abbate p. m. S. Vigili Ecclesia, cujus pavementum tam humidum atque depresso erat, ut gradibus ad descensum in eam opus esset, reparanda & fidelium usui magis accommodanda videretur, sublimiori pavimento, & ipsa testudine, ac templi muris altius eductis; ejusmodi ædificium feliciter cœptum est. Jam fabri eò devenerant, ut suggestibus opus esset ad altitudinem

tius emergendum : hinc trabes infingendæ muro erant ; qui cum cavus esse ex parte Epistolæ seu meridiana videretur, visa est res inquisitione digna. Aperta est muri cavitas & apparuit fornix ex instituto paratus, & coctis lateribus in fundo stratus : inventus est autem plenus lapidibus peregrinis, & prægrandibus, quos inter plures erant quinque & sex pondus habentes, mineralibus mixti, rotundi nonnulli, aliqui velut majorum lapidum fragmenta, nonnulli corticem habentes è topho destillantē, peregrini in his partibus. Ea verò curâ dispositi fuerant, ut semel erutos eodem ordine recondere ars nulla, nec fornix capere posset, quapropter & aliqui tunc variè distracti : fuerant autem octoginta-sex adhuc anno 1750. inventi, ex quibus postremi in Archivio servati, reliqui octoginta priore loco repositi. Neque causa excogitari alia potest, hos lapides singulari fornice recondendi, nisi ob religionem aliquam, quæ alia divinari non valet, nisi memoria martyris pro fide lapidati, cujus causâ ex loco martyrii lapides isti in has oras devertæ sint.

g. Quamvis Pincius evincere velit, S. Vigilium calonibus, (f) caltamenti ferrati genere, ora obtusum occubuisse, non tamen negat, fuisse inter barbaros, qui & saxa in eum jacerent ; lapides tamen, Martyrii ejus insignia, frequentius existimari, plura sunt argumenta, quæ suadeant. Nam in primis ipsa vita à Papebrochio edita (g) clarè sic habet : *Illi autem, infideles, tumore diabolico inflati, magno imbre lapidum sanctorum Dei percussunt, sancti capitis effusa compage, cerebrumque dispersa.* Accedit Florus Lugdunensis in additamentis ad Martyrologium Bedæ : *Hic, S. Vigilius, cum quoddam Idololum in quodam loco confregisset, in ejusdem idoli basi residens, & verbum divinum predicant, ab incolis loci illius imbre lapidum obruitur, & sic martyrii gloria coronatur.* Denique hodiernum Martyrologium Romanum sic enunciat : *apud Tridentum S. Vigilii Episcopi : qui cum reliquias idololatriæ penitus extirpare conaretur, à feris & barbaris hominibus lapidum imbre percussus, Martyrium implevit.* (h) Vitæ S. Vigilii compendium hoc est à Papebrochio concinnatum. Athenis imbutus litteris Tridenti Episcopus acclamatur anno ætatis vigesimo : ordinatur ab Episcopo Aquileiensi : miraculis claret : (i) agrestibus adhuc ethnicis prædicat etiam Brixie & Veronæ, cum consensu antistitum Diocesæsanorum : Anagninis prædicatores mittit, quibus Martyrio sublati, ipse eis succedit, barbarosque convertit : Rendendam valem adhuc paganam aditurus populo Tridentino ultimam impertitur Communionem : invocato Deo idolum evertit, & à concitata turba saxi obruitur : socii Tridentum referunt corpus, formidatum demonibus : (k) quod honorificè excipiunt ciyes. Collectus ejus sanguinis Salodium deferitur ; Acta ejus Romam missa Imperator in vexillo suspendens

spendens victoriam ex hostibus reportat. Hæc omnia in margine Papebrochius. Addo, antiquam observationem esse, quod dæmoniaci nostram hanc S. Vigili Ecclesiam accedentes mirè sæviant, nec nisi vi facta illam ingredi valeant. Et hæc tum in dæmones, tum in morbos omnes potestas, alizque Vigili prærogativæ, dignæ videbantur, quas divini eodem in loco verbi præconibus suggererem, æquè ac illæ SS. Joannis & Pauli, futuras ad excitandam in Catholica plebe tum impetrandi fiduciam, tum industriam imitandi.

6. Hæc de S. Vigilio cùm scripisssem occasione Hartmanni de Wilburgried paulò antè memorati, (1) proximus ab illo benefactor Udalscalcus de Waleshoven, in die S. Gangolfi martyris defunctus, memoriam sancti hujus mihi refricuit, quem loco vicinum veneror, ejusque honori aliquid addere posse delector. Sicut enim decuit S. Vigili meminisse ad Bavariz nostræ gloriam, ita justum arbitror, tot aliis Germaniz Diocæsisbus certatim honoratum, inter Diocæsis quoque Augustanæ Patronos dudum clarescentem non præterire. Ejus quidem hodie nomen, extra hanc Lyci viciniam, paucis est cognitum: vulgus Gangwolfum vocat, & multi eum cum S. Wolfgango Episcopo Ratisbonensî confundunt: imò & Finckius in amplissima Bavariz mappa locum vocat *S. Wolfgang*. Verùm ipsæ sancti statua non Episcopum, sed militem & martyrem fuisse ostendunt. Locus est in Suevia *Sancti-Gangwolf*, vel simpliciter *Gangwolsen* nominatus, quem nos ex Boica hac Lyci fluminis ripa & vico nostro Mundrachingano, curæ nostræ spiritali subiecto, in ripa adversa conspiciamus, paucis ædibus frequentem. In antiqua ibi Ecclesia, cujus curam gerit Parochus inferioris Dießæ, colitur S. Gangulphus: ara templi Deiparam Virginem exhibet: tabernaculo insitit bipalmaris statua Divina exhibens habitu Romano, quo Martyres communiter pingi solent. Verùm altera statua in latere templi conspicua Gangulphum militari habitu & æreo thorace indutum exhibet, altera manu gerentem scutum, in quo depicta cernitur simplex aquila, seu generis, seu militaris dignitatis insigne. Festum ejus in loco celebratur mense Majo, circa diem hujus mensis undecimum, quo etiam è vicinia publicæ supplicationes instituuntur: annua quoque à Landspergensibus. Utrum proprius festivitatis cardo hîc figatur 11. ut multis in locis & ab ipso Bollandando; an 13. Maji, ut in quibusdam locis & martyrologiis apud Bollandum? affirmare non possum. Certum est, in antiquo nostro Benedicti L. Abbatis Calendario ad III. Iduß Maji fieri commemorationem *Gangolfi martyris*: & passim tunc notum fuisse hunc Sanctum, diemque ejus festivam, patet ex Codice nostro donationum litterâ D. insignito,

in quo Udalscalcus supra nominatus vocatur : *Dominus Udalscalcus clarissimi Generis de Wielenpach* (plures enim sedes habuisse convincitur) & statim subditur: *Obiit idem Udalscalcus preclarus vir in die sancti Gangolphi martyris.* Vixit sanctus Gangolphus tempore Pippini Majoris - Domus Franciæ, patris Caroli Magni postea Imperatoris, militiamque sub eodem secutus est. Si diversa Pippini bella diversis locis gesta considerentur, non sola Campania : vel Aquitania, sed & Germania illi pro arena fuit. Unde & Gangolphi memoria his in partibus facile sic inclaruit, ut audito ejus martyrio & id consecutis miraculis Ecclesia fuerit eidem ædificata. Ne ultra propositum excurram, lectorem ad Acta Sanctorum à Bollando excerpta remitto, ubi fusè tam gesta, quàm miracula hujus Divi enarrata reperiet. (m) Cæterum novissimè audiui, traditionis instar in vico S. Gangolphi haberi, quòd statua ipsius in altari posita, sæpius furto subducta, semper mirabili modo ad aram denuo fuerit reversa.

(†) Quia habent potestatem claudere cælum nubibus & aperire portas ejus, quia linguæ eorum claves cæli factæ sunt. *Antiph. ad Magnif. in 2. Vesp. 26. Junii.* (a) §. VI. præc. num. 5. (b) *Codex D fol. 53.* (c) *Chron. Benedictoburanum P. II. num. LXXVII. Addatur Conradus de Williburgeriete sub Lantoldo Abbate testis donationis post ann. 1163. Codex D. fol. 75.* (d) *Infrà Cap. X. §. III.* (e) *Boll. 18. April. in Vita B. Herluca.* (f) *Idem 26. Junii fol. 167. col. 2. nota a.* (g) *Ibid. col. 1. num. 9. ex MS. S. Maximini Trevir.* (h) *Hæc omnia Boll. dicto die f. 163.* (i) *Languores ægrotantium curans & oppressos à dæmonibus crucis impressione liberans. In Vita num. 2.* (k) *Nam eo Tridentum appropinquans demones clamabant: ecce vir sanctus, Christi martyr Vigilius cum triumpho revertitur, qui nos expellit à propriis sedibus. In Vita num. 10.* (l) *præced. §. VI. num. 6.* (m) *Boll. die XL Maji fol. 642. &c.*

CAPUT V.

De Walthonis Controversiis.

§. I.

De Controversiis monasterii causâ à Walthone susceptis.

1. **R**ECTÈ dixit Satyricus : *nulla fere causa est, in qua non femina litem moveris.* Donaverat monasterio VVerinherus, de quo suprâ, prædium suum in Pösenhausen, consentiente sorore, nec sibi quidquam reservante præter agri partem; de cætero juri suo, siquid haberet, palam renunciante. Non diu tenuit promissa fides; nam illa sive

lici-

Reigandi libidine, sive avaritia impellente, paulò post & fratrem suum, & VValthonem in jus vocavit, cum jam per annum integrum, & quod excurrit, prædium quietè possedissemus. Verùm B. VValtho, ut erat mansuetissimus, maluit de jure suo aliquid cedere, quàm longis litium ambagibus suam suorumque quietem perturbare, eo præsertim tempore, quo Bavaria & tota ferè Germania intestinis bellis ardebat. Igitur oblato denariorum Augustensium talento saminæ os obstruxit, firmamque nobis prædii possessionem fecit coram gravissimis testibus, inter quos Henricus de Stauffen, Deginhardus de Seeveld, Hiltprandus de Morenvvais, Ortholfus de Pfetten memorantur.

2. Gravior fuit contentio de facultatibus Gisalæ. Fuit hæc filia nobilis viri de Seeveld, & Mechtildæ ex Comitibus de Oettingen oriundæ. Matrimonio juncta Hoholdo de Pappenheim; eum virum citò amisisset, tota se Deo consecratura in Parthenonem VVessofontanum se recepit, prædiæque sua Biberbach, Brünnen, Hoinran, Rinnenbach, Tangrebin, VVolmutsch, Guttingen, monasterio nostro pleno jure transcripsit, ea conditione, ut prædia, quæ à marito Hoholdo ei obveniant, Advocatum semper haberent eum, qui Pappenhemiorum natus maximus esset: nec eorum quidpiam alteri liceret vendere, nisi qui eadem de stirpe prodiisset. Confirmata est hæc donatio testibus amplissimis, Henrico de Stauffen, Hartmanno de VVilburgried, Geroldo de Seeveld, aliisque. Postmodum Gisalæ mater Mechtilda, legationem hanc irritam factura, prædium Biberbach in suum jus vindicare laborabat. Verùm B. VValtho, ut matronam nobilem ac potentem compesceret, decem illi talenta & caballum præstantis formæ obtulit: quibus donis delinita juri suo renunciavit, ac prædium illud per manum filiæ ad altare & Petri, pro more illius ævi tradidit, coram testibus VVolstrigilone de Pergeu, Henrico Stauffio, Gottebaldo de Rott, Henrico de Isingen, Sigibothone de Bittengovve.

3. At ne sic quidem quiescere Walthoni licuit. Nam Ludovicus Comes de Oettingen, Mechtildæ frater, Gisalæ nostræ avunculus, prædium Biberbacense violenter sibi vindicatum, *instinctu Episcopi Eustasii, monachis Planckstettensibus accepto centum talentorum pretio vendidit.* Ita Stephanus. Verùm bona fide hunc Episcopum egisse, neque de violentia nobis illata novisse, zelus ipsius pro sacro nostro ordine demonstrat: ipse enim est, qui restorationem monasterii Heidenheimensis diu jam collapsi apud summam sedem urgebat: ipse Sootos Benedictinos Ratisbonæ evocavit: ipse monasterii Mallerstorffensis Fundationem

Loth. II. confirmatæ subscriptis: ipse cum fratre Ernesto Comite de Hirsperg monasterium Plancksteten anno 1129. fundavit. (2) Nobis itaque iusta possessione deturbatis nihil erat reliquum, quàm ut Conrado Romanorum Regi injuriam quereremur. Quare Walther Norimbergam, ubi tum Rex Comitia celebrabat, profectus, etsi ad vincendum sibi testium auctoritatem sufficere posse arbitrabatur, ipsius tamen Regis consilio transactionem cum Ludovico Oetingano fecit ea lege, ut Wessofontani pro prædio iterum sibi restituendo Plancksteten sibus quadraginta talenta solverent, cætera illis Ludovicus redderet, & juri suo in illud prædium deinceps renuntiaret. Ludovicus conditione acceptâ jurejurando id se præstiturum affirmavit, ac, nisi intra anni terminum id efficeret, Regiæ Majestati centum talentorum multam se debiturum spondit. Acta sunt hæc, & firmata auctoritate Regis, maximorumque testium, quos inter Gebhardus Comes de Sulzbach, Poppo Comes de Andechs, Conradus & Arnoldus Comites de Dachau nominantur, anno 1142. Interea sive fato ereptus, sive avaritiâ retardatus Ludovicus, promisso suo stare aut nequit, aut noluit. Quarto primùm post anno filius ejus Ludovicus publicè & seriò prædii Biberbacensis jure se abdicavit, omnemque nobis ulterioris infestationis metum abstulit. Inter postremæ hujus abdicationis testes primus est Welfo Dux, Bernardus de Weilheim, Bertholdus de Berge, Dieto de Ravenspurg.

4. Wigulæus Hundius Stemmatographiæ parte 1. f. 332. inter stirpes extinctas Seeveldianam recenset, & in ea sanctimoniam nostram Gisalæ: quo loco suspectam facit Matthæi Marescalci de Biberbach fidem, quia Gisalæ maritum nominat Hoholdum, matrem Mechtildam, & lectorem ad Wessonis fontes remittit. De matris nomine non contendimus: Hoholdum Gisalæ maritum fuisse monumenta nostra disertè testantur, coræva planè, & quibus antiquitate paria ne Christophorus quidem Iselinus, author solers, & eruditus, in Lexico suo Universalis producit. Eadem à Stephano Leopolder monacho descripta inveniuntur. (b) Præterea Hundius MS. quoddam Wessofontanum citat, quo prædia illa Gisalæ nunc Planckstetenensis cœnobii esse dicuntur: erat autem contentio de solo Biberbacensi, quod fortè permutatione aut venditione alienatum est. Cætera verò in Baviaræ sinu pleraque circa amnem Vermium sita, ut Brunnen, Guttingen, Wolmutsch (Hoinran & Tangrebin nondum indagavi) ad Seeveldios Dynastas Boicos pertinuisse ex locorum & arcis Seeveldicæ propinquitate colligere est. Ab illis per Gisalæ ad nos translata, quibus modis denuo avulsa fuerint, ignoramus.

f. Alia

§. Alia pia femina Tättenschvvangensis prædium suum Müllhusanum monasterio nostro obtulerat. Quo comperto mox Adalbertus Parochus, adscitis in iurgii societatem aliis sui furfuris hominibus, litem acerbam nobis movit, specie tenus solummodò formidandam, quia non tam jure subnixam, quam accusantium vi ac multitudine & feminae donantis infirmitate, utpote quam facile nimis dejici à proposito posse putabat. Obtendebat enim avarus Pastor, cum femina Parochiae sit Tättenschvvangensis, non alteri, nisi eidem Ecclesiae, donare eam aliquid posse. Quare Walther, qui hominis genium nec blanditiis, nec rationibus ullis pervium noverat, Waltheri Episcopi Augustani tribunal adiit, & plurimorum tam laicorum quam Ecclesiasticorum arbitrio causam suam victoriæ securus subjecit: claræque fuit lata sententia; cum is, qui inferiori donat ecclesiae, superiori donasse videatur, nec propterea majori fiat injuria, ita, qui nobiliori ecclesiae quidquam transcribit, eum ab inferiore non posse impediri. (c)

(a) *Falkenst. P. I. Antiquit. Nordgau. fol. 130. Episcopus iste erat Gebhardus Comes de Hirschberg: praesuit ab anno 1125. usque ad 1149. (b) Codice D. fol. 53. & 54. (c) Adalbertus iste erat tunc temporis apud Rote & apud Taidisvvanck parochianus, ut idem Codex habet fol. 59. sed sedebat Rotta, & communiter Adalbertus de Rote ab authoribus vocatur.*

§. II.

Vindicta divina in Adversarios Walthonis.

NON est nobis animus, ea, quæ natura exigente homini obvenire possunt, in miracula vertere, & mortem viri jam emarcti, poenam calitûs inflictam interpretari. Quare mortem à Ludovico seniore Oetingæ Comite, durante ipsum inter & Walthonem controversia, obitam, nisi historia nostra disertè narraret, nequidem prodidissimus. Verùm Ludovicum filium, qui, mortuo illustrissimo parente, promptus Biberbacense prædium reddidit, illaudatum præterire non potuimus. Credimus etiam, hac filii pietate quamcunque patris in reddendo illo moram ac tergiversationem facile coram divino tribunali fuisse excusatam ac expiatam. DEUS hanc antiquissimam & illustrissimam Domum, sincerè Catholicam, ad sanctæ Ecclesiæ suæ gloriam in finem mundi felicissimam conservet.

2. Aliud de Adalberto suprà memorato sentire cogimur. Diximus, cum ob fæminæ Tättenschvvangensis donationem S. Petro factam, mota nobis lite, coram Episcopo causâ cecidisse.

Fuit hæc sententia in Adalberti corde defixus aculeus, quo vulneratus acerbiora monasterio minabatur. At verò DEUS, qui justos remunerari, injustos punire solet, quocunque placuerit tempore, paulò post Adalbertum è vivis sustulit, utinam actâ scelerum pœnitentiâ morte justorum! At contrarium ex vita S. Herluçæ intelligimus, quam Paulus Bernriedensis cœtanens & Herluçæ familiaris scripsit. Refert enim mirabilem piz hujus Virginis visionem capite 24. apud Bollandum ad diem 18. Aprilis fol. 554. Quam ego ex gestis Gregorii VII. ab eodem Paulo scriptis recensebo,

Beata Herluca inter socias virgines & viduas quadam die ex more sedebat, & operi manuum juxta consuetudinem suam diligenter incumbat: cum ecce subito per fenestram prospiciens miserabiliter lamentari cœpit, & vociferari, dicens: vœ! vœ! melius homini illi erat, si natus non fuisset. Cùmque nimis attonita quædam illustris fæmina nomine Hadevviga, interrogâset eam, quidnam vidisset, unde tantum commota fuisset; mortuus est, inquit, infelix Presbyter ille de Rota, & anima ejus ab Angelis Sabana sublata portatur ad inferna. Vidi enim eos pratercuntes cum exultatione, & animam comitantem cum ejulatione. In vita Herluçæ: vœ, vœ, vœ, quod unquam creatus est homo. Anima Adelberti Presbyteri de Rota cum magna demonum violentia ducitur ad supplicia. Pergit Paulus in Gregorio: illâ (nimirum Hadevvigâ viduâ) optante, hoc verum non esse: Mittatur, inquit Herluca, qui veritatem inquirat. Missus nuntius familiam lugentem invenit, & eadẽ horâ comperit mortuum, quâ beata virgo spiritum ejus viderat à malignis spiritibus asportatum. Hactenus Paulus; cujus verba citato Bollandi loco pagina 555. colum. i. inveniuntur. Visio hæc Herluçæ ostensa est, cùm Heptatici (nimirum in Epfach) trans-Lycum moraretur, priusquam inde à rusticis expulsa Bernriedam migraret. *Discite justitiam metiri, & non temerè divos.*



CAPUT

CAPUT VI.

De Walthonis Sanctitate.

§. I.

De Walthonis virtutibus.

Quantæ in DEum Religionis fuerit Waltho, opera testantur, quæ ille unus ad augendam fidelium pietatem architectatus est. Nam ipse, ut suprà diximus (a), propriam S. Jacobo Apostolo capellam in templo erexit, eamque anno 1137. à Walthario Episcopo consecrari curavit: quam ego, sicut alias, quarum sola hodie nomina supersunt, ab Udalrico Moser Abbate circa annum 1282. commoditatis causâ destructam fuisse suspicor, cum ecclesiam nostram pæne totam restauraret, altarique publico, ac S. Sebastiani cryptâ augeret. Alteram adhuc superstitem capellam ædificavit in honorem S. Michaelis Archangeli, quæ Sanctimonialibus nostris pro Ecclesia servivit, & hodie dum Missa solemnis ac Vesperæ in vigilia & festo S. Michaelis in eadem celebrantur, ex fundatione Conradi Pozzonis, de qua sequenti sæculo differemus. E regione hujus capellæ anno 1143. construxit Waltho aliam in honorem Deiparæ ad cœlos assumptæ: & illam S. Nicolai; in qua sibi tumulum elegit: utramque hanc posteriorem dedicavit Otto Frisingensis Episcopus, & historiographus celeberrimus: sicut suprà diximus. (b)

Fiduciam Walthonis in DEum abunde probant miracula, quæ vivus patravit; de quibus luculentius agemus §. II. sequente. Hæc eadem virtus in beato Abbate resplenduit: cum tot adversa forti animo pertulit, & imperterritus tot adversariis obviam ivit, tanquam certus divini auxilii, & victoriæ securus. (c)

S. Regulæ observantiam & Religiosæ disciplinæ zelum loquuntur tot illustres viri ac feminae: adolescentes & virgines, qui sanctitatis ejus odore attracti divinas leges & cælestem vivendi normam ipso docente discere voluerunt, plerique summo sanguine domoque opulenta nati, Christum tamen honoribus & divitiis præferentes, omniâque mundi commoda & voluptates generoso contemptu calcantes. (d)

Waltho-

Walthonis humilitatem non solum ex Henrici Episcopi Ratisbonensis diplomate colligimus, de quo jam superius (e), sed ex eo etiam, quod electa sibi ad S. Nicolaum sepulturâ, non loco honorifico, sed in ipso introitu ejus capellæ voluerit sepeliri, & ingredientium pedibus conculcari.

Vigilantiam pro monasterii emolumentis & indefessum laborem indicant tot itinera non exiguis impensis suscepta, Romanum (f), Ratisbonense (g), Norimbergenſe (h), Augustanum (i) aliâque complura, quæ scripta non sunt.

Largitatem in pauperes laudat Chronographus noster, cum eum appellat *plenum operibus misericordie*: indubium nobis est, domum eleemosynariam, de qua alibi redibit mentio, à Walthone fuisse ædificatam, institutamque.

Hospitalitas illi fuit tam copiosa, ut Episcopi quoque ad eum venire non dedignarentur, & ipse Dux Guelfo sæpius præsens adfuerit: quam virtutem Deus etiam miraculo comprobavit, ut §. seq. audiemus. Constantiam ejus ac patientiam in rebus adversis testantur tot impugnationes, ac lites intentatæ, magno semper animo expugnatæ.

Vixisse eum in magna abstinentia, nihilque sibi indulxisse, commissas autem oves verbo & exemplo diligentissimè pavisse Chronographus noster disertè scribit: qui si diligentius Abbatis tam sancti vitam, quàm paratâ nobis ab eo facultates litteris mandâſſet, plura de Walthone magna & mirabilia narrari possent. Verba scriptoris hæc sunt: *vixit idem venerandus & sanctus Pater in magna abstinentia ceterarumque virtutum exercitio, & oves sibi commissas verbo & exemplo diligentissimè pavit.*

(a) Cap. III. §. II. num. 1. (b) *ibid.* num. 4. (c) *Vide* Cap. V. §. I. & II. (d) *Eos sequens.* Cap. VII. & IX. videbimus. (e) Cap. IV. §. II. (f) *ad Eugenium PP. III.* (g) *ad Henricum Ep. pro Reyspach.* (h) *ad Conradum R. pro Riberbach.* (i) *contra Adalbertum de Rote.*

§. II.

Walthonis Miracula.

Aquam à Walthone in vinum fuisse conversam Authores plures commemorant, & Hundius quidem sic (k) habet: *Beatus Baldo Abbas creatus est anno 1129. præfuit annis 26. qui aquam in vinum vertit facta cru-*

et, & alia plura miracula fecit. Codex verò MS. monasterii Andecensis à Radero citatus rem his verbis narrat (l): *In Bavaria partibus monasteria, quod dicitur Wessesbrunthen, S. Petro Apostolo dedicata ibidem fuit Abbas quidam Waltho nomine, qui in vita sua aquam mutavit in vinum in vitro existenti magno. Nihil isti memorant, qua occasione vel causa memoratum miraculum Waltho perpetrârit.* Verùm Raderus, loco citato ex tabulis Wessofontanis, Carolus Stengelius Commentario rerum Augustanarum, Corbinianus Khamm Hierarchiæ Augustanæ parte 1. sic fere illud enarrant. *Waltho, cum sui regiminis tempore monasterium adeo vini penuriâ laborâset, quod sacerdotes minime sacra facere possent, misit tandem ad se accersitum famulum, cum vitro amplo & albo & nodulis ceruleis affabrè ornato ad fontem pro aqua apportanda, quam ubi signo sanctæ crucis signâset, & benedixisset, mox aquam vinum factam famulus gustavit, & Presbyteris ad Missas celebrandas tradidit.* (m) Habemus itaque tres Historicos; qui in gratiam sacerdotum, ut sacrificare possent, factam aquæ metamorphosin referunt. At verò non semel, sed iterato id contigisse, ex tribus MMSS. Codicibus, quos Stephanus Leopolder circa annum 1500. scripsit, manifestè colligimus; sic enim inquit: *quodam tempore, cum Waltho in mensa sua honorabiles haberet hospites, deficiente vino vitrum non parva capacitatis Cellario porrexisset, jubens, ut in eo hospitibus afferret vinum. Quo respondente, nihil superesse vini, cuidam famulo vitrum porrigens dixit: in nomine Domini affer aquam de fonte. Qua allata, cum desuper signum sanctæ crucis fecisset, in optimum vinum conversa est. Quod convivæ cùm gustâssent, cum magno gaudio biberunt, Deoque Opt. Max. gratias magnificè egerunt.* (n) Adeoque in hospitum quoque favorem benedicienti Walthoni unda paruit & in vinum migravit. Alia à vivo patrata miracula non exstant; dubitare tamen non possumus, pluribus eum claruisse, eùm ad mortui sepulcrum tam frequens protinus supplicum accursus fuerit, quemadmodum infra narrabimus. De cætero id vitrum, in quo prodigium contigit, servatur in sacris usque in hodiernum diem inter Reliquias, ut scribit Stephanus, & nos cum illo.

(k) *Hand. Metrop. tom. VII. fol. 486. in fin.* (l) *Bavar. S. Volum. II. fol. 270.*

(m) *ibidem fol. 273.* (n) *Ira Codex D. fol. 68. & alii duo huic conformes.*

§. III.

Obitus Walthonis, & gloria sepulturæ.

A Nnus Domini 1157. dies Decembris vigesimus septimus sancto Joanni Apostolo & Evangelistæ sacer, Walthonem terris ereptum placidâ morte ad coelos transtulit, postquam monasterio præfuisset annos viginti

iginti septem, & tres dies. Ita dicendum suadet attentæ Chronologiæ ratio; licet Hundius, perperam informatus, aliud asserat: patebit res consideranti. Sepultus est Waltho ex diuturna jam designatione & ultima voluntate in sacello S. Nicolai, quod ipse consecrari curaverat ab Ottone Frisingensi, tertio decimo ante mortem anno, Christi 1143. Tumulari autem voluit ex humilitate in ipso capellæ hujus à se ædificatæ ingressu, omnium vestigiis calcandas. Insculptum fuit marmori ejus epiphium, & juxta sacelli ostium parieti insertum: quod tamen, teste copoldero, ob antiquitatem & negligentiam successorum sic obliteratum est, ut nullâ potueris industriâ reparari. Sacellum ipsum, ut superius indicavimus, æstructum fuisse videtur ab Udalrico Abbate circa annum 1282. Necessum est igitur, jam antea Walthonis corpus ex eo translatum fuisse ad locum honoratiorem. De hac translatione Stephanus noster scribit: *scitur hic devotus Pater in vita & post obitum multis claruisse miraculis: quapropter ne tam sanctæ Reliquiæ vulgi tererentur pedibus, de eo loco ejus levatum est sanctum corpus, & in sepulcro elevato retro altare omnium sanctorum honorabilius conditum.* Hucusque Stephanus de sepultura, & translatione, qua relatus subjicit: *in cujus sepulcri lateribus, picturis apposisis ostenditur, quibus idem sanctus Pater post obitum miraculis claruerit.* Utinam diem & consulem, quo hæc facta sunt, scriptor nuntiasset! Utinam saltem Henricus, Casparus, Wolfgangus, Abbates cæteroque vigilantissimi, sub quibus Stephanus vixit, curassent servari, vel tandem in ectypo ad posteros mitti miraculorum tabulas in utroque sepulcri latere positas, quas author ipse vidit, nec tam citò interituras, prævidit! Verùm temporum illorum acerbissimi potius condolendum, quàm Præsulibus in restauranda varia tam temporalium quàm spiritualium ruina occupatissimis irascendum.

Satis est ad Walthonis gloriam per quadringentos, & sexaginta jam annos sub ipso altari ferreis perspicuisque clathris circumdatum ab omnibus spectari & honorari sepulcrum ejus, duobus è terra pedibus exstans, iam imposito lapide, qui sancti Abbatis effigiem, licet sine radiis, exhibet. Præcipuè cum à tot sæculis nemo Episcoporum reclamaverit, ipsarumque silentio approbatus fuerit sepulcri honor, imò etiam auctus idies, cum circa annum 1620. quo Raderus Bavariam sanctam molietur, sic ad eundem à monachis nostris scriptum legatur: *corpus ejus agno honore levatum, & in medio Ecclesiæ majoris, ubi nunc ara Crucifixi, retro altare omnium Sanctorum translatum est, & sepulcrum magno lapide obductum, circa quem octo magna candelæ adhuc (adeoque à longo jam tempore) habentur, & festis singulis diebus videntur accense.* Mox de miraculo aquæ in vitum mutatæ subjicit: *in cujus rei memoriam posteris recolendam vitrum adhuc, alia sacra vasa monasterii, in sacristia reservantur.*

Et

Et profectò admiratione dignissimum est, quòd vitrum istud, res tam fragilis, inter tot manus non ejusdem dexteritatis, inter tot casus adversos vel ad ipsius monasterii interitum suffecturos, in sexcentos ferme annos servari illæsum ac integrum potuerit. Ex illo in cœna Domini ad mandatum, & in festo S. Joannis Evangelistæ bibitur: imò & advenis porrigitur, præcipuè Lauinganis, qui cum summa reverentia per ordinem accedunt, & oblationem in honorem Walthonis singuli faciunt.

Sanctitatis famam auget, quòd inter alias reliquias, quarum catalogum sesquicentum annis antiquiorem habemus, sic legitur: *S. Epimachi Martyris, S. Gordiani, dens Walthonis Abbatis, reliquia Dorothea Virginis & Martyris.* Quis auderet ejus dentem inter tantorum sanctorum ipsana recensere, nisi de antiqua sancti nominis possessione certus esset?

Non erat ejus ævi consuetudo, protinus apud summam sedem pro viri cujusdam sancti canonizatione supplicare. Ex actis sanctorum Bollandianis sæpenumero discimus, contentas fuisse Ecclesias ejusmodi beatorum cultrices anniversario pro defunctis celebrando. Verùm Albertus Abbas noster majus aliquid ausus est, cùm anno Christi 1200. regiminis sui primo, constituit, ut festum S. Joannis Evangelistæ, quo Waltho è vivis decessit, inter summa haberetur: præterea jussit in ejusdem octava duodecim lectiones recitari, cùm antea tres solummodo legerentur. Insuper duos ingentes magno pretio tapetes comparavit, in quibus acuphyrgiâ artificiosissimè depicta erat Apocalypsis S. Joannis, intextis versibus autore Ludovico monacho exornata. Cùm alia causa non pateat, cur Albertus S. Joanni tantos honores tribuerit, credere par est, diem Walthonis anniversarium majore S. Joannis solemnitate illum honorare voluisse.

Cæterùm Walthoni à Radero, Stengelio, Khammio, Gewoldo, Bucelino, Menardo, titulus Beati constanter tribuitur: Stephano Leopolder *venerandus, Religiosus, Deo Dilectus, Beatus*, & multis locis etiam *sanctus* nominatur. Antiquissimum Calendarium Benedicti Abbatis nostri, cui statim ab obitu inscriptus est, & 27. Decembris habet: *obiit pia memoria Waltho Abbas nostra Congregationis*; qui titulus nulli cæterorum Præsulum tributus fuit.

§. IV.

Analekta de B. Walther

Diximus, B. Waltherum primò sepultum in introitu capellæ S. Nicolai, atque inde translatum *ad altare omnium sanctorum in medio Ecclesiæ*, quod Stephani nostri ævo non aliud fuit & adhuc est, quam altare S. Crucis, sub quo hodieum piissimi hujus Abbatis tumba spectatur. Eminent super hoc altare ingens crucifixi Servatoris effigies, aspectu ipso sacrum horrorem incutiens, grandibus oculis, capillo per humeros ad pectus ferè demisso, coronâ non spinèâ, sed ut regiæ solent, aurèâ & radiatâ redimitum caput. Crucis truncus non dedolatus & planus, ut plerumque solet, sed nodosus & asper. Antiquissimum cultum hanc iconem habuisse, traditione accepimus, & adhuc devotorum nec pietas nec munera defunt.

Bernardus Abbas centum ferè abhinc annis cùm templum ferè totum renovaret, huic etiam iconi vetustate labem trahenti, deterfa ætatis fuliginè, novam formam vivis coloribus induxit, carie exesam ferro firmavit, atque hanc epigraphen vernaculo idiomate averfæ parti affixit, quam latine sic reddimus : „Anno millesimo sexcentesimo sexagesimo secundo antiquissima hæc & sancta effigies de novo elevata & renovata est per Reverendissimum in Christo DD. Bernardum Venerabilis Ecclesiæ & Monasterii Wessobrunnensis Vigilantissimum Abbatem. Hæc imago pridem in hoc loco ab immemorabili tempore quievit. Omnia ad majorem Dei gloriam. Amen.

Antiqua traditio est, Waltherum urgente vini pesturiâ ad hanc crucifixi Domini effigiem confugisse, Christoque supplicasse vitro aquâ de Wessonis Fontibus pleno super aram posito, & mox aquam in vinum fuisse conversam. Extant icones æri incisæ Crucifixi effigiem, Waltherum coram ara vitrum manu tenentem & eruce signantem exhibentes. Vitrum ipsum vase & operculo ligneo, holoserico rubro intus suffulto, ad Thassilonis usque Abbatis LV. ævum servabatur, donec anno 1712. Ægidius Praitensacher Vicarius in Geretshausen ingentem calicem fieri curavit, elegantem sanè, argenteum, deauratum. In operculo exhibetur ara Crucifixi Wessofontana: in aræ medio vitrum: ante aram genuflexus Walther: ex argento omnia. Ipsa calicis cupa tribus scutis tres per ambitum epigraphas continet. Primum scutum fert Thassilonis Abbatis insignia, in quorum limbo circum legitur: *Sigillum Thassilonis Abbatis Wessob.*

Wessobrunnensi. Extra insignia hæc est, oblatus calicis tempus indicans epigraphæ: *tempore Thassilonis Wessobrunnensium Abbas LV. anno MDCCXII.*

Secundi scuti hæc est inscriptio:

Divo VValthoni
stellæ
post gloriosam miraculis vitam
coelo insertæ,
Abbati
Wessobrunnensis Monasterii XIII.
ejus Nominis I.
zelosissimo Disciplinæ assertori,
Magno illius cœnobii Archimandritæ,
exiguum munus,
& unâ se
dicat, dedicat

*Ægidius Praitenaicher,
Vicarius in Geretshausen.*

Tertium scutum hanc epigraphen præfert:

Qui repetunt bibulam per pocula crebra salutem,
Nil in se bibuli sæpe salutis habent.
Sanctius in vitro certam bibet ille salutem,
qui recolit vitrum VValtho bibendo tuum.

Infra cupam nodus manubrii in tres divisus facies exhibet primâ hoc lemma:

Hic potâsse juvat.

Secundâ verò hoc distichum:

Hoc vitrum VValtho te consecrante stupebat,
Ut sese in verum verterit unda merum.

Tertiâ demum:

O vitrum tantis etiamnum nobile miris,
Quis volet inde suam non satiare sitim?

U ;

Hagio-

Hagiographi Antuerpienses, qui ultra centum jam annos sibi succedunt, in eruendis & vulgandis ad incredibilem Ecclesiæ utilitatem actis sanctorum Authore Bollando occupati, Acta Walthonis desiderant: quorum votis utinam hac scriptiuncula satisfacere possemus! Interim gratulamur illis egregium laboris sui fructum, Bullam Benedicti XIV. Pontificis, quæ nuperrimè & laudati sunt, & deinceps plurimum juvabuntur. Bucelinum miror, obitum Walthonis 28. Aprilis assignantem, licet ipse Raderum alleget, apud quem ex nostris documentis legere debuerat, Walthonem obiisse *ipso festo* S. Joannis Evangelistæ.

Maximas Bollandi assiduis debebimus gratias, si studio nostro contenti, locum inter sanctos & beatos Walthoni dandum censuerint. Quod fieri posset ad festum S. Michaelis Archangeli, cujus honori proprium sacellum ipse Walthero erexit.

Tres tomi Septembris, quos possideo, tam paucos hætenus dies continent, ut facile ad diem 29. videre possimus Walthonem non solum, sed & Thientonem sociosque Martyres, ac tandem etiam Diomedem, inter prætermittos saltem, amplius memoratam.

Fuit Walthero noster pridem sub altari sepultus. Fuerunt circa tumbam depicta miracula ab eo patrata, tempore Stephani Leopolder circa annum 1498. Afferunt & octo magnæ candelæ singulis festis circa sepulcrum accensæ anno 1600. Non video causam, cur venerationis tam antiquæ signa & luculenta vestigia protererentur. Raderus Deus mercedem dabit, qui dictatæ à se iconi Walthonis pereleganti hoc ejusdem elogium subjecit:

Ter binæ fontis quondam rubuere metretæ,

Appositæ Domino cùm sitiêre dapes.

Vitrea VValthoni pariter quoque paruit unda,

Cujus ad Imperium mox liquor erubuit.

Ante tamen, pressit domini vestigia VValtho

Expressitque sua religione Deum.

Omnia parenti parent: fluit æs, riget unda;

Stat cœlum, medio nox hebet atra die.

CAPUT VII.

§. I.

De Monachis à Walthone ad Divinum servitium instructis.

Cum scriptores nostri id maximè agendum sibi duxerint, ut monasterii Benefactores posterorum memoriæ commendarent, cæteroquin de prædiis ex eorum hæreditate collatis magis, quàm virtutibus recensendis solliciti, manifestum est multa intercidisse nomina monachorum, virtute, ingenioque illustrium. Quæ cum singula eruere è momentis nequeamus, sufficiat eos, quos possumus, fuscitare, & ad posterorum memoriam commendare.

Primus quem noverimus Walthonis disciplinæ se subjecisse, fuit Norbertus Bernhaldi Domini ac Dynastæ de Weilheim filius, Cathedralium Ecclesiarum Augustanæ & Frisingensis Canonicus, qui abjecta summæ dignitatum spe jugum monasticum est amplexus, atque ut Walthoni Abbati, ita universis fratribus se probavit, ut eum vivo adhuc Walthoni jam successorem animo designarent, illoque mortuo sine hæsitatione eligerent. Quæ Norbertus jam Abbas monasterio nostro præstiterit, inferius referemus. Cæterum Religionem ingressio Bernhardus pater dotis loco adjecit, monasterioque in perpetuum tradidit prædium Aulungense, quod à Pennone de Riffenstein, cui pro 8. talentis hæctenus fuerat impignoratum, redemit.

2. HENRICUS & ALBRANDUS germani fratres, filii nobilis matronæ Luitkardis de Ravenstein, Norberti exemplum secuti & Walthonis disciplinam eodem die, quo ab Ottone Frisingensi sacellum assumptæ in cælo Deiparæ dedicabatur, amplexi sunt. Mater monasterio duo prædia Niderhovensæ, & Walchoupetensæ per manum Dieterici de Rotæ amore filiorum donavit.

3. SIGIBOTO Nobilis du Hunfolgen à Welfone Duce Walthoni commendatus, & benevolè susceptus ad monasterium conversionis sociæ traxit Adelhaidem Henrici fratris sui viduam, ejusdemque filiam virginem,

nem, cujus nomen intercudit, quæ dulce Christi jugum in Parthenone Wessofontano lubentes subierunt.

4. Alius HENRICUS, alter Bernhardi de Weilheim filius, Norberti superius memorati frater, consentiente patre & fratribus suis sæculo apud nos renuntians prædium unum Partenkirchense, & alterum Hettinigenſe monasterio legitimâ donatione obtulit.

5. Hos omnes prævenerat ADELBERTUS de Rote nobilis adoleſcens, qui cum fratre suo Reinberto caſtri Rotenſis domino contulit noſtræ S. Petri Eccleſiæ prædia in Sliten, Ruſſian, Adalbrechtsniete, & Buch. Animadvertet Lector, longè hunc Adelbertum de Rote alium eſſe ab illo Adalberto de Rota, de quo tanquam plebano Rotenſi largior ſuperius mentio facta eſt. Adalbertus monachus noſter in antiquo Calendario obiſſe legitur die 15. Cal. Julias.

6. Præter hos non ſolùm plures genere nobiles, ſed etiam doctrina & vitæ ſanctitate inſignes fuiſſe, qui ad rem divinam, monaſticam, literariam, æconomicam in monaſterio tunc peramplò, imò & geminò, procurandam expediti eſſent.

7. Ex iſtorum numero cenſendus eſt fuiſſe Adalbero ille, de quo Paulus Bernriedenſis in vita Gregorii VII. hæc refert: (a) *Dilectus DEO & hominibus, benedictæ memoria Adalbero monachus, & ipſe contumelias & terrores ab adverſariis Gregorii noſtri propter obedientiam Decretorum ejus paſſus, Herlucam vidiffe referebat de quodam Nicolaua, qui carnalibus deſideriis inſerviens Eccleſiam illam contaminaverat, qua eſt in loco, qui dicitur Bata. In illa namque conſinia, hoc eſt, in conſinio Noricorum & Alamannorum, quos Lycus fluvius diſterminat, non procul diſtabant manſiones ejusdem venerandi ſenis, & Beata Herluce Virginis, multùmque ſe invicem in Chriſto diligebant, quia excellentem DEI gratiam in ſe mutuò recognoſcebant. Nempe cum ſancto ſanctus eris, & cum innocente innocens eris. Relatio illa Adalberonis erat miſerabilis interitus Adalberti Presbyteri & Parochi Rotenſis, quem retulimus, cùm de vindicato calitus Walthone ſermo fuiſſet.* (b) Wessofontanum Monachum dixi, tum quòd aliud noſtri ordinis monaſterium in vicino non eſſet, Andecenſi & Ettalenſi nondum condito, Sandavienſi & Siverſtattenſi jam pridem extinctis: tum quòd opportuna fugæ receptacula offerrent vaſtæ regiones & ſilvæ; ex parte Noricæ Hepratico oppoſitæ; ubi & lateret, & facilem, ſi perſecutio urgeret, tranſitum fugitivus in Sueviam inveniret, Welfonis ibidem Schongaviæ dominantis præſidio ſecurus: demum, unde

de ad monasterium ex intervallo aurâ secundâ se reciperet. Oportet hunc Adalberonem vel sermone vel seriptione dissolutos mores infectatum esse severiùs pro zelo suo, ac propterea curis & exilii incommodis fatigatum demum benè meritum succubuisse.

(a) *Apud Boll. 25. Maij fol. 141. col. 2. num. 106.* (b) *Superius Cap. V. §. II.*

§. II.

De conversis fratribus Wessofontanis.

PAulus Bernriedensis in vita S. Gregorii laudat progressum Religionis quadratz. Fuit hæc per Apostolicam Gregorii VII. institutionem in his religionibus inchoata & feliciter multiplicata quatuor Religiosorum classibus, primâ videlicet attonorum Christi servorum, secundâ fideliter illis serviendum Fratrum barbarorum: tertiâ *Virginum singulari devotione* jugiter inclusarum, & quartâ aliarum virginum & viduarum regulari moderatione introitus & exitus suos custodientium. (c) Primam Sacerdotes & Clerici, alteram Fratres conversi, *barbati etiam & illiterati* vocati, ac religionis habitu induti conficiebant. Tertiam sanctimoniales in claustræ seu solitariam, ut Diemodis nostra, seu communem inter se vitam ducentes, ut Wulfildis, Gisila, alizque. Quartam virgines & viduæ modesto habitu in sæculo castè viventes, ut Hadevvigis, Herluca, Juditha. Secundæ classi adscribebantur à S. Wilhelmo alii, oblatorum nomine, sæculari habitu utentes, quorum ministerio in multis uti rationabiliter S. Abbas consuevit, in his maxime, quæ in medio sæcularium, quò barbatos mittere vel monachos non licebat, peragenda videbantur: (d) Alii item, qui confraternitate gaudebant ob singularia in monasterium merita & familiares & quasi domestici habebantur, suffragiis monachorum etiam post mortem iuvandi. (e) Horum memoria fit in statutis nostris per Visitatores Provinciæ Moguntinæ relictis sub rubrica: *pro Confratribus & sororibus non religiosis.* (f) Ibi indicatur non solum, quid pro singulis in divinis Officiis pro iis fiat, sed etiam quid ex parte ipsorum nos mutuò desideremus. Spondentur enim præter communis officia etiam pecuniaria, si aliquis talium bona sua in vita aut in morte monasterio obtulerit, aut alias beneficis vel multum proficuis fuerit, aut recommendatur, qui nempe commendare monasterium, ejus famam tueri, commoda promovere laboraverit.

2. Plures ex horum classe inscripti inveniuntur Calendario Benedicti Abbatis, sicut pridie Idus Januariæ Dietericus, quarto Nonas Februariæ Kounradus, 17. Calendas Majas Helinprecht Conversus. Istos non fuisse claustrales, patet ex eo, quod claustralibus addi consueverit hæc clausula: *nostra congregationis*; non item quæ exteris: distinctio patet inter Conversas; non enim additur in Ita, in Hadevvica, & aliis feminis Conversis, sed solum iis, quæ in claustro vixerunt, uti ad 12. Calend. Jun. Merigart Conversa n. c. & ad 8. Cal. Julias Susanna Conversa nostræ Congreg.

3. Inter cæteros ejusmodi Conversos in sæculari habitu foris commorantes, & procurandis monasterii commodis intentos, facile clarissimus fuit Werinhardus de Stauffen. Antiquum & Illustrissimum hoc genus magno labore describit Hundius, & quidem de documentis Wessob. fontanis: in quibus tamen Werinhardum hunc non allegat, sed filium ejus Henricum, nepotem verò Werinhardum, & Mechtildem filiam. Non vidit autem, jam ante filium Henricum commemorari ejusdem patrem Werinhardum, hunc ipsum, de quo nobis sermo. Hujus donatio pro sorore sua Richinfa ad monasterium nostrum recepta his verbis à Stéphano nostro ex veteri traditionum libro recitatur: „ omnium fidelium memoriæ commendamus, quomodo Werinhardus nobilis de Stauffen, Ecclesiæ Wezzinsbrunnensis Advocatus, pro dilectione sororis suæ Richinfe, quam ipse spirituali vitæ in eodem loco tradiderat, nec non pro redemptione animæ tam suæ, quam parentum suorum, prædia quæ ad Hohenmos & Durchhossen justè possederat, cum manibus uxoris suæ & fratris sui ad altare S. Petri tradiderit cum mancipiis eisdem possessionibus attributis, fratrum ibidem DEO servientium usibus perpetuò profutura. „ Sicut in Hundio nulla Werinhardi, vel uxoris memoria, ita nec apud nos posteriorum istorum nomina.

4. Werinhardum nostrum fuisse virum timentem Deum & Christianæ æquitatis studiosum, ex donatione tam liberali patet. Neque obscure colligimus, cum Advocati munere paulò post se abdicasse, memorem Cæsareorum mandatorum de abrogandis Subadvocatis; quibus monasteria mirè gravabantur. (g) Par enim est credere, ipsum Werinhardum fuisse majoris Principis Subadvocatum, sicut ex diplomate Friderici I. Imperatoris colligitur, Henricum Saxonie Ducem tunc Advocatum fuisse, cum tamen Henricus de Stauffen eodem officio abuteretur. Atque utinam iste patris vestigia secutus aut renuntiasset muneri, aut modestius illud gessisset. Querelas post istius mortem exortas, de quibus Hundius aliquid

aliquid tangit, (h) alibi fufius referemus. Ejusmodi negotio tempeftivè fe extricavit Werinhardus pater, ex Advocato factus Conversus & familiaris nofter. Vix dubitem, quin, Richinſæ ſororis exemplo & hortatu, mundanæ vanitatis horrorem conceperit, totumque ſe Dei ſervitio confecravit. Ejus memoria in ſæpè nominato Benedicte Abbatis Calendario nobis commendatur die octava Calendas Apriles; id eſt, ipſo feſto Annunciationis Beatiffimæ Virginis, his verbis: *Obiit Werinhardus converſus & Advocatus.* Aliorum ejusmodi Converſorum nomina jam recitavimus, alia in eodem Calendario inveniuntur: quæ à nobis adduci ſuperfluum eſt, cum acta nesciamus.

5. Uauſ tamen nobis relinquitur memorandus Henricus Anachoreta, de quo ſollicitè inſiſſit, & elegantiffimè; quæ potuit, ſcripſit in Bavaria ſancta Raderus. (i) At jam non opus eſt illius teſtimonio, poſtquam hoc primum anno certiffima hætenus ſcripſit eruditiffimus quidam Canonicus Regularis Beyrbergenſis. Non prodidit iſte nomen ſuum: propterea, licet illum noverim, coætaneum meum, in ſcholis monaſticeſibus olim celeberrimum, ac ſicut tunc latinæ ac græcæ, ita nunc gallicæ & italicæ linguæ peritiſſimum, parco tamen viri modetiſſimi verecundiæ. Edidit ille libellum de Icone Deiparæ Thaumaturgæ apud S. Henricum ad lacum Vermium, in eoque de ſancto iſto ita luculenter ſcripſit, ut nemo ante ipſum luculentius.

6. Viſitur ad lacum jam dictum ſilveſtri loco Eccleſia ab antiquo S. Henrici nomen adepta, nec aliter niſi ab ipſo denominatur. Huc ille relictæ ſæculo profugit, ſolitudinem elegit, Deiparæ Filium de cruce depoſitum gremio geſtantis effigiem ſculptam detulit, ſacello repoſuit, ex tuguriolo ſuo quotidie inviſit, & tenerrimè coluit, imitatus in hoc, ut ait Author, ſanctum Patrem ſuum Benedictum, monachorum & eremitarum Patriarcham, cujus legibus ſeſe addixerat. (†) Ibi vitam miræ aſtèritate duxit, ac mortuus ſepulturam elegit. Ligneo ſacello ſucceſſu lapideum, ac denique ſpectabilis eccleſia, quæ ſemper S. Henrici vocabatur. Tanta erat virtutum ejus exiſtimatio.

7. Sepulcrum ejus ſuccedentibus annis ſic oblivioni traditum fuit, ne mo ut veſtigium ejus noſſet. Caſus, imò divina providentia prodidit: Ut omnia conſumit ætas, ita ſedilia templi cum tempore tum carie exefa; tum humore putria hinc inde ſic corruerant, ut reparationem flagitarent. Conſultum igitur perennitati latur, ligno firmiori nova ſedilia fabricabantur: at, plerique jam ſtructis, uno loco fallebat operas repetitus

labor, dum, quod fecerant, per noctem denuò contractum inveniebatur. Subiit prudentiores cogitatio, latere in illo loco S. Henricum, & repertus est. Quare Everardus Præpositus, qui anno 1419. præfesse Beyrbergenſi Collegio cœpit, (k) æternitati ſepulcræ conſulturus, tumbam S. Henrico erexit, quam à me non viſam author meus ſimilem ferè dicit illi, quam Raderus de S. Henrico Bauzanenſi exhibet, (l) acceam deinde accuratè, qualis eſt hodie, deſcribit. Vereor, ut latino ſermone germanicam deſcriptionem aſſequar.

8. Divi iſtud Henrici monumentum in juſtam altitudinem aſurgit, amplum illud, & grandi lapide in cinericium colorem declinante operatum, cui procerâ viri formâ inſculpta cernitur effigies, S. Henricum eremitica veſte indutum exhibens: caput mitellâ tectum, & inſuper jubare ſeu rotundo diademate cinctum in ſignum ſanctitatis: brachia ſupra pectus decuſſata: barba, ut ſilvicolæ, promiſſa: manu dextera crucem præfert, ſiniſtrâ corollam Marianam cum cruce dependula. Summo limbo lapidis inſculptum legitur: B. HENRICUS. A dextris ſpectantur inſignia monaſterii Beyrbergenſis, nempe claves & gladius, illæ Petri, iſte Pauli, tanquam loci Patronorum, inſcriptis ſupernè litteris: C. B. puto, Collegium Beyrbergenſe. Inſimo lapidi inſculpta eſt arbor & fiber, quibus eccleſiæ S. Henrici ſitus indicatur, ut arbor ſilveſtrem locum, fibra aquaticum animal proximum lacum indicaret. In ſiniſtro latere Everardi Præpoſiti ſcutum eſt, vir cum ſciplione inſima parte crucem exhibente. Subjicitur ichnographia veteris monaſterii cum aliis ædificiis, ſupernè poſitis litteris: E. B. quod interpretor: *Eccleſia, vel Eberhardus Beyrbergenſis*. Subſcriptio lapidis hæc eſt: *Hic cippus ab Adm. Rev. D. D. Everardo Præſule Beyrbergenſi poſitus B. Henrici corpus ornat*. In inſimo limbo inter flores, qui totum lapidem cingunt, hæ litteræ ſpectantur: P. H. quas interpreta-
tur Author: *Patronus Henricus*. Quatuor ſepulcri angulos circumdant par-
is ferè altitudinis crates ferreæ eleganter fabricatæ ad ſervandam à ple-
bis injuria ſepulcræ integritatem.

9. Cæterum Pius II. Pont. Max. anno 1463. multis hanc eccleſiam indulgentiis locupletavit, quæ in Bulla vocatur *Baſilica juxta lacum ſita Wegman vocitata, quæ ab antiquis temporibus alio nomine S. Henrici cognoscitur*. Verum centum triginta novem annis major antiquitas huic eccleſiæ afferitur, dum in eadem Bulla dicitur: *Venerabili Patre ac Domino Friderico Auguſtenſis Eccleſiæ Epifcipo renovata*, anno nimirum Domini 1324. (m) quæ præfuit Fridericus ejus nominis I. Speth de Tûrnegg electus anno 1307. mortuus anno 1330. Si tunc renovata tantum fuit, ergo jam diu antè è
lapi-

lapidibus ædificata, & haud multò post S. Henrici obitum è lignea in lapideam commutata fuisse censi potest.

10. Viventis Henrici in Deiparam spectata pietas non minùs, quàm factæ ipsius defuncti exuvie citò traxère Christianam plebem, atque ita quidein, ut Henricus omnem honorem Dolorosæ Matri cessisse videretur mortuus, à qua tantos favores & solatia solitudinis acceperat vivus. Factum est ergo, ut cultus Deiparæ memoriam Henrici pæne opprimeret, nisi solo eam nomine nuncupata ab ipso Ecclesia in hodiernum diem conservaret. Hoc ipsum, & mirabilis illa sepulcri ejus revelatio (n) ex ejus miraculis superest, præter quæ aliud nullum exhibent vetera documenta. Quare & nobis jam silendum, eùm cæteta omnia, quæ author meus mirabilia scribit, ad Deiparam spectent.

11. Curam Parthenii cultûs in hac Ecclesia ducentos & ampliùs abhinc annos suscepère & adhuc exercent RR. DD. Canonici Beyrbergeneses, eorûmque Reverendissimus Præpositus à Serenissimis Bavariz Ducibus perpetuus Ecclesiæ S. Henrici sacellanus dudum appellatus est, licet monasterium illud, dimidio milliari distitum, ad diocesiin Frisingensem, S. Henrici verò Ecclesia ad Augustanam pertineat, ut patet ex Bulla Pii II. PP. & Parochiali Ecclesiæ Iffeldorffensi tamquam matrici filia sit subjecta. Sanctum ergo Henricum ut Conversis nostris jungerem, non me induxit persuasio, ipsum in clauistro nostro aliquando vixisse; bonorum verò operum communionem nobis conjunctum fuisse, indicare videbantur antiquissimo Calendario nostro inscripta hæc verba: *sexto Idus Martias*, id est, decimo die Martii, *Heinrich Conversus obiit*. Denique S. Henricus eo jure nunc noster est, quòd ipsius Ecclesia circa cultum Marianum quidem curetur potissimè à Beyrbergenesibus, circa regimen autem animarum subit rectori Ecclesiæ Iffeldorffensis, quæ nobis à Serenissimo Alexandro Sigismundo Episcopo Augustano dudum concessa, sub moderno Serenissimo DD. Josepho Episcopo primum Pastorem Religiosum ex monasterio nostro Wessofontano accepit.

- (c) *Bell. 25. Majif. 141. col. 2. n. 108.* (d) *Trish. Chron. Hirsaug. Tom. I. f. 229.*
 (e) *Id. ibid. f. 296.* (f) *Collectiorem hanc statutorum circa an. 1594. reliquit Joach. Puechaner noster, pñst Abbas S. Petri Salisb.* (g) *Vid. Diploma Friderici Imp. supra c. 4. §. 4.* (h) *Stammens-Buch P. II. fol. 301.* (i) *Bav. S. Volum. III. f. 143.* (†) *Author fol. 11. & 12.* (k) *Hund. Metr. tom. 2. f. 252.* (l) *Vid. Bav. S. Volum. II. f. 347.* (m) *Typographus ponit annum 1224.*

Verum tunc non *Fridericus*, sed *Sigefridus III de Rechberg Episcopus fuit*. *Fridericus autem sedis ab anno 1307. usque ad 1330. Vid. Hier. Aug. P. I. Cap. thed. f. 235. & 257. (n) Vide supra num. 7. hoc §.*

CAPUT VIII.

De Diemode inclusa Wessofontana.

§. I.

Diemodis inclusæ labores litterarii.

1. **V**irgo hæc variis bibliothecis quondam notissima, diu tamen in lucem publicam non emerfit, donec clarissimus Bernardus Peziz ejus nomen & copiosa scripta produxit. (a) Eum statim secuti sunt THURINGIÆ SACRÆ Authores, licet à Catholicis sacris alieni, candido tamen stylo omnium monasteriorum cujuscunque ordinis acta & fata enarrantes, quæ colligere magno labore sumptuque iis fletisse, nemo non qui legit, intelligit. In descriptione monasterii Gosceensis Henricum Petrarum (b) allegant, *Monachis decus servatarum in germania litterarum vindicantem* his verbis: *quando assidue sollicitique libros ex maxime distitis regionibus conquiverant, conquestos iterum descripserunt, descriptos magna cura conservarunt, & pro virili quavis occasione Bibliothecas locupletiores reddiderunt.* (c) Postea ad Gosceensem Bibliothecam progressus, & ex Pezio exteras quoque monachorum in hac re operas recensens, etiam libros commemorat, quos *Monialis Diemuda descripsit*, (d) ut adeo virgo hæc jam Saxonibus & Thuringis ferè sit notior, quàm Bojis.

2. Erit igitur operæ pretium omnia Lectori communicare, quæcunque de inclyta hac Calligrapha ubivis scripta invenimus. Scriptor quidam noster anonymus, quem ego Joannem Rosmark fuisse ex causis alibi pandendis suspicor, de Diemude in Collectaneo de viris illustribus ita scribit: „Diemudis Sanctimonialis Virgo olim hujus monasterii nostri „Wessoprund devotissima: fuit enim monasterium nostrum olim duplex vel in duo divisum, monachorum scilicet & monialium. Locus „monachorum fuit, ubi nunc est: monialium verò eo loco, ubi nunc „est Ecclesia parochialis. (e) Fuit hæc Virgo arte scribendi peritissima, „licet

„ licet enim nullum inveniat composuisse opus, (f) scripsit tamen
 „ manu propria multa volumina charactere optimo & legibili, tam ad
 „ divinum cultum, quam ad Bibliothecam publicam monasterii perti-
 „ nentia: quæ quodam Indice à se scripto (g) in quodam Plenario no-
 tantur: nam in eodem Indice notantur sequentes libri ad divinum cul-
 tum pertinentes &c.

3. Divisionem hinc expressam in libros alios ad cultum divinum, ali-
 os ad Bibliothecam publicam pertinentes author Collectanei invenit suop-
 te ingenio: Catalogum verò suis verbis, & clarioribus quidem interpo-
 lavit. Ego qui antiquiorem Ludovici monachi eodem ferè sæculo scrip-
 tum ob oculos habeo, eundem in gratiam antiquitatis ex Ludovico re-
 citabo, Anonymi interpolationibus majoris claritatis gratia adjectis. Ita-
 que sic Index in *Plenario*, qui est Evangeliorum liber, à Ludovico con-
 scriptus sonat:

Isti sunt libri, quos scripsit, & S. Petro tradidit

Diemot ancilla Dei.

Liber Missalis cum sequentiis.

Alius Missalis, qui datus est Episcopo Trevirensi.

Missalis cum Evangeliiis.

Alius Missalis cum Baptisterio integro.

Missalis cum Epistolis & Evangeliiis.

Missalis sine Epistolis & Evangeliiis.

Alius sine Epistolis & Evangeliiis.

Officialis Liber.

Alius cum Baptisterio, qui datus est Episcopo Augustano.

Liber cum Evangeliiis & Lectionibus.

Liber cum Evangeliiis.

Liber cum Epistolis.

Graduale cum sequentiis.

Matutinale duo volumina.

Cæremoniarium unum.

„ Prædicta volumina (pergit Anonymus) scripsit, ut dictum est, ad or-
 „ natum & utilitatem divini cultus: sequentibus verò Bibliothecam or-
 „ navit, de quibus tantum ea adhuc in nostrâ Bibliotheca habentur,
 „ quæ hic Paragrapho signata sunt; nam reliqua aut incendio mo-
 „ nasterii, quod, ut fertur, bis conflagravit, (h) aut negligentia & ig-
 „ navia sequentium monachorum perierunt & amissa sunt. Notantur
 etiam

etiam in præfato Indice libri sequentes ad Bibliothecam pertinen-
tes :

Bibliotheca in duobus voluminibus.

Alia in tribus voluminibus , quæ data est in pretio
predii ad Bisinberc.

Moralia S. Gregorii in sex voluminibus.

Gregorius ad Recharedum.

Gregorius super Ezechielem.

Homiliæ SS. Patrum in 3. voluminibus.

Origenes super vetus testamentum.

Origenes super Cantica.

Augustinus super Psalterium in 3. volum.

August. super Epistolam & Evangelium S. Joannis.

Epistolæ S. Augustini in uno volumine.

Augustinus de variis, ubi agit de sermone

Domini in monte. de opere monachorum. de

Agone Christi. Corona victoriæ non promittitur,

nisi quis certaverit. de adorando Deo. de

Professione viduicatis. de Bonâ conjugati.

de Virginitate.

Augustinus contra definitiones.

Enchiridion.

Tripartita Historia, duo volumina.

Ecclesiastica Historia.

Epistolæ Hieronymi & Augustini: aliorumque.

Hieronymus de laude Virginitatis.

Epistolæ Hieronymi.

Quinquaginta sermones S. Augustini, in quo

etiam continetur vita sancti Sylvestri. Hierony-

mus contra Vigilantiam. Hieronymus de con-

solatione mortuorum, Vita S. Basilii, & S. Joannis

Eleemosynarii.

Pascasius de corpore & sanguine Domini. Con-

flictus Landfranci contra Beringerum de sacra-

mento Evcharistiæ.

In eodem. Passiones Martyrum Dionysii,

Mauritii, Alexandri, & Stephani.

Joan. Chrysostomus de lapsu &c. unum volum.

Hieronymus de Hebraicis Quæstionibus.

Confes

Confessionum libri S. Augustini.

Canones unum volumen.

Glossa per a. b. c. compolita de ignotis nominibus.

Plenarium unum.

Liber Prophetarum.

4. Addit anonymus de suo & concludit: *Hec sunt volumina à prefata Ancilla DEI (i) Diemode propria manu exarata in laudem Dei & Sanctorum Apostolorum Petri & Pauli patronorum hujus monasterii Wessobrontani. Quamquam tempore floruerit, nusquam invenire potui, eam in omnibus voluminibus à se scriptis ex humilitate (ut pie creditur) tam nomen proprium, quam tempus, quo ea finierit, ponere neglexit.* Dubium hujus anonymi, quo tempore Diemodis vixerit, clarissimus Pezios ex Catalogo Abbatum Wessobrunnensium, quem à Stephano Leopolder Monacho Wessobrontano descriptum, ab eoque monasterio Tegernseensi cum superiorum facultate traditum, ibidem invenerat, solvere existimavit, dum ibidem scriptum invenit, quod tempore Gregorii Papa VII. claruerit inter ceteras sanctas virgines Diemut Virgo & Monialis S. Petri in Wessobrunn. Amplissime sumendum hoc tempus est, & in seculum usque duodecimum extendendum, in quo nondum omnino soluta erat quadratura seu quadriga illa virorum, à Gregorio VII. inchoata in defensionem Ecclesie, sed defunctis ejus capitibus nova identidem succedebant, viri, inquam, Apostolici diversae Religionis & ordinis, quales erant Udalricus Episcopus Passaviensis anno 1124. Theodoricus ex Abbate S. Georgii Episcopus Metensis, 1118. electus; Waltharius Ravennatis Episcopus, 1144. defunctus; ex venerabili clero Paulus Berenstensis, & alii multi pro disciplina Ecclesiastica & Gregorii VII. legibus viriliter decertantes, donec tandem causa justa tot fulcris firmata triumpharet.

5. Vixit magna parte seculi 12. beata Herluca, ut infra ex Bollandio dicemus, Eptatici habitans, loco unum tantum milliare à monasterio nostro & Fonte Wessonis distito, per annos circiter triginta sex, donec à rusticis inde pūta Berenriedani (latinijs Beronicen) ad Pratum se reciperet, ubi non diu supervixit, anno circiter 1142. Priorem ætatem ultra Danubium in Suevia transegerat, ubi S. Wilhelmi Hirsaugiensis Abbatis jam senis discipula fuit. Si ergo Codici illi Tegernseensi, ut Pezio & nobis certum est, adhibenda sit fides testanti, mutuas inter Diemodem nostram & Herlucam epistolas fuisse scriptas, Eptaticum à Diemode, ac Eptatico ad Diemodem scriptæ fuerint necesse est; unico enim milliarium distabant; atque adeo, non vivo etiamnum Gregorio VII. sed diu post,

commercium epistolare habuisse, cùm Eptatius Herluca viveret, quatinus ultra Lycum, sed in ipsa ferè fluminis ripa, ideoque Diemodi vicinior. Quodsi dicas, Bernriedæ posthac versanti Herluce communicasse Diemodem, ulterius extendes Calligraphæ nostræ ætatem, & 60. ferè annos ultra mortem Gregorii Papæ: accedit, quod & vicinior sit Eptatius Fonti Wessonis, quam Lacui Vermium, cui affixa est Bernrieda. Ex mutuis igitur his epistolis, & scribendarum occasione ac tempore, Diemodis ætas colligitur, quæ licet Gregorii Papæ anno 1086. defuncti ætate nata jam, imò & Monachæ esse potuerit, non tamen cum Herluca, adhuc ultra Danubium commorante, commutare epistolas. Verùm hæc de ætate Diemodis nostræ disputata jam satis.

6. Operum Diemodis manu exaratorum considerationi nonnihil dandum est. Virgo tenella & à prima ætate intra claustrum mutos versata, tenui, ut ossa docent, debiliq; corpusculo victu tenuiore, vigiliis emaciata, in oratione frequens, tantum nobis vastorum voluminum thesaurum reliquit, quantum vix ulla Ecclesia unius vel viri manu scriptum poterit ostentare. Clarissimus P. Bernardus Pezsius Diemodis effigiem supra sepulchrum in templo nostro aspiciens quo animo fuerit, his verbis fatetur: *quam*, inquit, cùm attentius contueremur, si, „ mûlque elegantissimos Diemodis Codices, quos paulo ante in Bibliop- „ theca plerosque adhuc superstites inspectavimus, ad animum referre- „ mus, vix lachrymas ambo continuimus, ut quos ne unius quidem Vir- „ ginis labores hactenus æquasse vehementer puduerit. Qui animo- „ rum nostrorum æstus multò acrius efferbuit, dum nostri temporis „ Monialium labores cum Diemodis aliarumque præclararum nostri Ordinis „ Virginum monumentis componeremus. Nempe pretiosæ nugæ nobis „ visæ sunt illarum occupationes ad harum opera, ex quibus non ligna „ & saxa, vestes & metalla ad paullulum temporis acciperent splendo- „ rem, sed literaria sequentium sæculorum Respublica universq; Ec- „ clesia egregiè proficerent.

7. Parcius de Bibliotheca nostra Mabillonius scribit: dum ait: *In Bibliotheca non multi supersunt codices antiqui. Addit tamen: plerisque ante annos quingentos descripsit Diemodh. sanctimonialis: quo nomine existit sæculo decimo apud Saxones Demodh Abbatisa Winerhusiensis (x).* Fatemur, multos desiderari codices; plures autem adhuc servari gloriamur. Et quantum quidem ad libros divinis officiis servientes attinet, tametsi nonnulli ad operienda nova volumina viderimus adhibita, postquam typographia invaluit, certum tamen est, quosdam honorarii & gratitudinis causâ Episcopis, ut

ut Treverensi & Augustano, alios alijs benefactoribus fuisse donatos; erant enim tanto in pretio, ut pro unico volumine opulensum prædium donaretur, velut patet in prædio Peissenbergenfi. Et cum copia ejusmodi sacrorum librorum nobis esset, dubitari vix potest, quin aliquæ exemplo S. Wilhelmi Hirsburgiensis, ad alia monasteria exiliora & recedens fundata, ad usum divini cultus transmissa sint. Quantum verò ad reliquos, dico, quod Pezsius, plerasque adhuc superstites esse; licet negare nolum, Principum quoque gratiæ posterioribus annis quosdam datos, non sine fructu: illud dolendum, non paucos benevolè commodatos non amplius ad arcem cum columba rediisse; qua super res suspirare magis licet, quàm querelas movere. Quàm verò bono usui nunc essent! quanta lux historiarum affunderetur! quantopere illustrarentur Principum stemmata, Episcoporum gesta, mediævi Geographia! quam confunderentur heterodoxi, obtrusâ sibi antiquissima S. Scripturæ sinceritatè! & necdum de ortu progressûque monasteriorum dixi. At jam tempus est de venerabilis Diemodis nostræ virtutis differere.

(a) Tom. I. Anecd. Dissert. Isag. fol. XX. num. 37. (b) De monasteriis Germania, not. p. 4. (c) Thuring. sac. fol. 623. (d) ibid. fol. 624. col. 2. notâ c. (e) nunc à Capella S. Michaelis ad Eccl. Parochialem pertingens. (f) Amnebas cum Herbica litteras ignoravit hic scriptor. (g) Non ipsa, sed Ludovicus monachus Catalogum hunc scripsit. (h) In documentis adhuc residuis nulla uspiam incendi-memio fit, nisi uno-camera in pistrino, initio sec. 16. (i) Eundem simul Ludovicus monachus saculo jam 12. Diemodi tribuerat. (k) Tom. 4. Vet. Analect. fol. 77.

§. II.

Diemodis inclusa encomia virtutum.

1. **Q**uamquam de genere, patriæ Diemodis nihil certi statuere liceat; quîn tamen annos multos in monasterio nostro vixerit, multitudo librorum ab ipsa scriptorum dubitare non finit; da enim virum, qui tot vasta volumina paucorum annorum labore conscribat. Quodd inclusa vixerit, tam verus Calendarium, quam plumbea tabella in tumulo reperta testantur: fuit ergo de ordine Inclusorum, eorumque regulas ex S. Benedicti consilio observavit, norma monasticâ & anachoreticâ severiores. Eas latine legere licet apud Raderum, (a) germanicè apud Fortunatam Hueber. (b) Instituti austeritas in viris admirabilis

mirabilior videti debet in feminis: quales tamen multas Bavaria nostra undecimo & sequente sæculo numeravit. In monasterio S. Emmerami S. Aurelia, in Altachensi Salome & Juditha, in Hochenwarthenfi S. Riehild's, in Admontensi Ven. Agnes Wolfratshausia, Diemodem nostram propositi tam austeri vel ducem vel sociam habuere. Neque enim sterilis fuit inclusarum solitudo, sed *germinavit & floruit sicut lilium*. Nam & Humbertus Viroduni antea inclusus demum cœnobiticæ vitæ se dedit, & Tulli Abbas S. Apri est factus: & Beata Rothildis ibidem inclusa, mater plurimarum ancillarum Christi postea facta est Buxeriæ, ubi multiplex deinde ex diversis mundi lateribus sancti fervoris se agmen infudit. (c) & B. Agnes Wolfratshausia ad Montes inclusa nobile deinde Hohenburgi monasterium reformavit, ac disciplinæ rigorem exemplo & doctrinâ induxit. (d)

2. Quidquid de Diemode alius dixerit, unam certè ducem eam habuere omnes sanctimoniales Wessofontanz; non enim uspiam ante Diemodem, quæ nominetur, ullam in monasterio nostro legimus virginem vel mulierem Deo servisse: imò vero simillimum est, Diemodis exemplo excitatas alias ad Clausuram, mitiorem licet & ex aliarum societate tolerabiliorem, properasse, maximè Walthone Præsule, sub quo prima de Parthenone fit mentio. De similibus sermo nobis alibi. De Diemode nobis nunc dicendum. Perpetua illa solitudo, nec liberioris auri, nisi per fenestellam, captatio, vel ferreis veterum Anachoretarum thoracibus graviora videri Virgini adolescentulæ potuerunt. Preces plurimæ solitariis ejusmodi in singulos dies indictæ magnam sibi diel. modisque partem vindicârunt. Quidquid laboris inclusæ & scriptionibus fatigatæ incumberet, tribus tamen per hebdomadem diebus rigidum servandum erat jejunium, ac ab omni cibo abstinendum, aqua & pane exceptis: carne & vino perpetuò interdictis, cibus non alius nisi quadragesimalis, & unicus quidem: lautitias exhibebat pomum, si adesset. Focus aspera hyeme non alius, nisi candela, cujus ardore simul frigus temperaret: pro vestimento tunicam simplicem, hyeme cum sacerdotis licentia pelliceam gerere, lecto in tumuli formam elevato cubare, operimento foliis vel vimine pulvinari cannis palustribus farto cubare, jubebantur. Atque hæc omnia Diemodis non patienti solum sed læto etiam animo tolerabat.

3. Geminum tamen illa solatium ex hac solitudine capiebat, ac primò quidem opportunitatem vacandi divini sponsi sui amoribus per altissimam contemplationem, cui materiam subministrabant sacra Scriptura, &

& SS. Patrum commentationes, quas dum scribebat, ipsa scribendi solertia attentionem, attentio intelligentiam pariebat, divinis haud dubie illustrationibus adjutam: ut adeò nihil attenderet molestias & macerationes corporis, cum animus cœlesti illustratione mulceretur. Alterum solatium fuit facultas loquendi, angustiis quidem trium horarum spatiis circumscripta, à Nona videlicet Canonica usque ad Vesperas: his utebatur tum ad capiendas Abbatis sui doctrinas, ad fratrum & sororum consolationem, & in divino servitio confirmationem: tum ad exterorum quoque salutem, quorum non pauci ejus alloquio & exhortatione excitari ad pietatem cupiebant, nec sine dolore, quamquam non sine fructu, ab ipsa recedebant, cum statutum tempus poneret.

4. Foras quoque zelum suum extendebat Diemodis, tum rogata, tum propria charitate impulsâ: & quod ore non poterat, per epistolas præstabat. Exemplum unum ex Codice Tegernseensi, cujus apographum apud nos est, rem totam elucidabit. Ad his verbis describitur: *Exstant adhuc epistolæ suæ valde in monasterio Beronicensi per ipsam (Diemodem videlicet) ad Herlucam Virginem sanctam missæ, & iterum ipsius Herluca vice versa transmissæ, quibus se mutuo recreârunt exhortationibus charitativis, in Domino exhortando se confortantes. Quo cœli nectare redundaverint hæ epistolæ, illæ intelligent animæ, quas cœlestis sponsus introduxit in interiora celaria sua: nobis divinare licet, non comprehendere.*

5. Sæpius jam nominavi virum, qui in suo per Bavariam itinere, quo Benedicinas maximè antiquitates inquirebat, ad S. Quirini Tegerano Lacui assitum monasterium pervenit, ibique ex Codice decimi sexti sæculi de mutuis inter Diemodem nostram & Herlucam epistolis narratam primùm historiam invenit: (e) delatus inde Benedicto-Buram, humanissimèque exceptus, persuaderi sibi passus non est, ut ad Ettalense monasterium, ubi Placidus Abbas præstantissimus idemque eruditissimus illustre nobilium adolescentulorum Gymnasium condiderat, diverteretur; sed epistolarum Diemodis & Herluçæ desiderio Beronicam festinavit, præciosum in illis thesaurum inventurus, nisi adversa fata, Suecorum irruptione, quævis pulcherrima possessoribus eripuissent. Itaque fortunæ imputanda est tam nobilis gemmæ amissio, quam possessam olim fuisse negare nemo, nisi impudentissimus posset.

6. Non ambiit famam vel grande nomen Diemodis nostrâ, quæ nec ipsis codicibus tanto à se, tamque diuturno labore exaratis nomen suum uspiam seu præfixit seu subjunxit, ne annum quidem, quo scriptum aliquod

aliquod vel coeperit vel finiverit, quod aliis inferioris ordinis scriptoribus postea familiare fuit, atque adeo humilitas ipsius in indaganda tam præstantis Calligraphæ ætate laborem nobis facessivit. Verum, quod ipsa declinavit, ne *secundum nomen suum*, quod humilitatem nobis significat, esset & *Laus sua*, idem maximè obtinuit, per Mabillonium ad Gallos, per Pezium ad Saxonos & Thuringos, imò Germanos omnes & Italos, propagata Virginis famâ.

7. Addidit, imo pridem occupavit posterorum encomia ipse Deus, ancillæ suæ merita statim ab ipsius obitu fidelium venerationi commendans; nam inprimis quanta fuerit virtutis ejus exultatio, colligi potest ex sepultura, quam accepit in medio antiquissimi sacelli Beatissimæ Virginis, prope sepulchrum SS. Martyrum Thientonis & sociorum, tenui muro inter utrosque intercedente, cum tabula plumbea, quæ non solum præclara Virginis merita in Bibliothecam nostram, sed etiam pietatem & poenitentiae professionem prædicat. Est autem tale plumbo inscriptum encomium:

*III. Kal. Aprilis obiit pie memorie Diemut
inclusa, quæ suis manibus Bibliothecam S. Petro
hic fecit.*

Cui adjecta est anno 1709. die 7. Novembris, quo ossa Virginis ex illo veteti sacello in templum S. Petri translata sunt, alia tabula, hanc epigraphen ferens: *Beata Diemut hujus loci monialis inclusa, quæ proprio eoque insigni charactere integram Bibliothecam conscripsit, anno 1707. 5. Aprilis in capella B. V. M. inventa, atque 1709. 7. Novemb. à Thassilone Abbate LV. hic translata est.*

8. Magnum de Diemodis sanctitate præjudicium suggerit Ludovicus monachus ejusdem sæculi scriptor & monachus, dum eam *ancillam DEI* vocat his verbis: *Isti sunt libri, quos scripsit, & S. Petro tradidit Diemut ancilla DEI.* (f) Cujus vestigia premenis Anonymus in collectaneo viro- rum illustrium anno 1513. conscribi cœpto catalogum librorum Diemodis concludens ita scribit: *hæc sunt volumina à prefata ancilla DEI Diemode propria manu exarata &c.* Cum ergo stylo summorum Pontificum, qui appellatur *servus DEI*, is censeatur, pro cuius beatificatione proximè agi & supplicari valeat (sicut non alio sensu modernus sanctissimus Benedictus XIV. Innocentium XI. *servum DEI* vocat.) eodem gradu tituloque dignam Diemodem jam antiquitas duobus hæc testimoniis censuit.

9. Acce-

9. Accedit, quòd circa annum Domini 1227, *Conradus Pozzo, humilis confrater S. Petri in Wezzinsprunnen* (qualem se ipse vocat) Abbate Conrado consentiente instituerit, ut singulis annis in anniversario beata Diemodis &c. in capella sancta Maria V. ubi corpusculum pramissa Diemodis est humatum, maior Vigilia, & missa defunctorum in mane cum universo conventu solemniter celebretur. Instrumentum integrum suo loco recitabitur. Interim de corpore Diemudis addere quædam liceat. Diximus suprâ (g) tenui illam corpore fuisse, & nunc ex Conrado audivimus, ubi corpusculum ejus requieverit. Audiamus & vivum testem, qui vidit atque ita descripsit: *prope illa, nimirum Thientonis & sociorum ossa, inventa sunt ossa, tenui muro distincta, pia monialis Diemut, omnibus adstantibus suavem quemdam odorem afflantia, etiam priusquam terra fuerit penitus effossa jacebant ordine naturali, prout cadavera jacerent naturaliter solent. Et paulò post, ubi translatio eorum describitur: sunt hac ossa pleraque integra: caput ferme nihil laesum: habent fixi, plurimi dentes: sunt tenera.* Ita Ephemerides Reverendissimi DD. Bedæ, hodie Abbatis, qui translationi hujus Virginis, sicut & septem Martyrum ipse interfuit, atque hæc, ut præsens vidit, ita posteritati scripta reliquit. Cæterum in Nécrologio vetustissimo ad diem tertium Calendas Apriles annuntiatur: *Obiit bone memorie Diemuth inclusa.*

Consideranda lectori relinquo, quæ apud Hagiographos Antverpienses reperio. Guilielmus Cuperus ad probandum B. Gothalmi cultum, his utitur argumentis: I. honorificâ sepulturâ. II. quod à scriptore vitæ jam anno 1362. passim appelletur Beatus. III. quod VIII. cal. Aug. Vesperæ defunctorum, & postridie Missa de Requiem ad ejus tumulum dici hodie dum soleat. *Requiem* quoque cantabatur annuè pro Beato Bertholdo Abbate Garstensi, & Beato Pippino, ut videre est apud Bollandum. (h) Idem honor exhibebatur initio SS. Martyribus Hydruntinis. Demum *bone memorie* elogium in favorem quoque S. Gauzelini Tulensis Episcopi allegatur. (i) Ex his faciliè intelligat Lector, quid de Diemode nostra sentiri, sperarique, faventibus superis, possit. At nos jam manum de tabula, omnia de Thientone, Walthone, Diemode nostris hætenus dicta, summæ sedis judicio humillimè subicientes.

- (a) *Volum. 3. Bav. S. fol. 117.* (b) *Unsterbliche Gedächtnuß u. seu H.ß. Hobenruarth. f. 379.* (c) *Boll. tom. 3. sept. die 7. comment. prævis num. 44. fol. 138. col. 1.* (d) *Bucelin. German. sacra sub verbo: Hobenburg.* (e) *Pez. Tom. I. Anecd. Dissert. Isagog. fol. XX. num. 37.* (f) *hoc cap. §. 1. num. 3.* (g) *Ibid. num. 6.* (h) *Boll. 27. Julii fol. 470.* (i) *Idem Tom. 3. Septemb. die 7. Comment. prævis num. 44.*

CAPUT.

CAPUT IX.

De Sanctimonialibus Wessofontanis.

§. I.

Venerabilis Wulfbildis, Sanctimonialis Wessofontana.

1. **Q**uamquam nostra non esse putanda sunt majorum decora, & quæcunque non fecimus ipsi, duobus tamen modis in gloriam vertuntur posteris vel imitatione, vel ambitu gloriæ altioris & inferioris contemptu. Wulfhildis Wellicæ stirpis insignis surculus, Henrici nigri Baviaræ Ducis & Wulfhildæ Ducissæ Saxoniarum ex Witekindi sanguine filia, Welfonis & Henrici Superbi soror, Henrici Leonis amita per fratrem Henricum, Friderici I. Imperatoris Matertera per Juditham sororem, uxor Rudolphi Comitis Brigantini, Rudolphi junioris mater, & per Icham ejus filiam propagatrix utriusque Augustissimæ Domus Austriacæ & Bavaricæ fuit.

2. Defuncto marito, & filio Rudolpho jam tum proprias in Bavaria possessiones adeptæ, ad Welfonem fratrem Schongavii residentem se contulit. Dum viduitatem consortio solatur fraterno, capiendisque consiliis ad bene transigendas vitæ reliquias occupatur, Walthonis ad eam famæ pervenit de utriusque sexus per ipsum propagata disciplina. Accedente divini Numinis radio nihil morata est facultates ex locupleti matrimonio sibi relictas, nihil splendorem vestium, pretiosa cimelia, amicorum dona: Walthonem ipsa supplex adiit, ultima inter sorores suscipi flagitans, suscepta amplo palatio clausi Parthenonis angustias prætulit: atque ita majoris in mundo honoris contemptu cœlestem gloriam humili sui abjectione occupare contendit.

3. Erat ipsa Wulfbildis satis pretiosa à decoribus animi & virtutibus jam in seculo spectatis: afferebat vestimenta serica, holoserica, gemmas, & margaritas, non ut illis ipsa fulgeret, sed divini cultus splendor augeretur, & ornamenta vanitatis in instrumenta religionis verterentur. Attulerat semetipsam, futura reliquis omnibus humilitatis exemplum, in afflictione solatium, penuriæ levamen, omnibus vera mater. Talem illam agnovère etiam religiosi fratres, quibus in infirmitate fomenta, in morbis medicamenta parabat: talem & exteri sunt experti, quos consi-

liis

liis juit, precibus commendavit, inter discordes pacem conciliavit. Exemplum jam supra dedimus, cum de Ottone Frisingensi Episcopo ageremus. (a) Aliud item, cum de Ottone Wolfratshulio, & ejusdem patruo Henrico (b) Episcopo Ratisbonensi ageremus: & hunc quidem non solum placavit Wulfildis nostra Welfoni fratri, sed etiam monasterio nostro beneficium fecit.

4. Talis cum esset Wulfildis, & quavis dote pretiosior, sicut certis argumentis vel ex solo ipsius epitaphio docebimus: Guelfo tamen, ductus sororis amore, dotis loco prædia in usum fratrum delegavit, sicut codices nostri his verbis testantur: *Novimus omnes veritatis assertores, quod Dux Welfo tum pro remedio anime sue, tum etiam ductus dilectione sororis sue domine Wulfildis monasterio S. Petri tradidit predium, quod dicitur Cheffing, (c) & post pauca: Insuper predictus Dux Welfo tradidit eidem monasterio predium cum quodam servo, & conjuge & liberis eiusdem servi Gifhero nomine, situm in loco qui dicitur Niderwend. (d) Brevius Codex tertius hæc enarrat: Welfo Dux dedit duo predia pro remedio anime sue, & specialiter ex affectu dilectæ sororis sue Wulfildis, Monialis S. Petri: scilicet Cheffing & Niderwend. (e)*

5. Ne nimium longi simus, dictorum hætenus rationem in compendio damus, recitantes epitaphium Wulfildis (f), quod cævus Poëta Ludovicus monachus, & ipse, ut videtur, defunctæ beneficiis affectus composuisse videtur.

Epitaphium Wulfhildis Ducissæ Bojaræ, & monialis S. Petri. *Ex Chronico Welfofontano.*

In nihil orbe vago raperis terrena propago:

Vita tibi brevis est, conditio gravis est.

In limum limus, in terram terra redimus:

Hoc ad summa redit, quod Deus inde dedit.

Si bene nôsse voles, jacet hic Altorfia proles,

Wulfhildis, veterum dulce genus procërum.

Mater honestatis sua reddit debita fatis,

Tam re quàm specie fæmina justitiæ,

Quæ sit Welfonis veteris germana, Leonis

Amita Saxonici sit Ducis & Norici.

Z

Et

Et quod adhuc potius, matertera Cæsaris hujus:
 Ast reliquas dotes nec numerare potes.
 Tantus apex humilis fueras soror hujus ovilis:
 Non tibi sed nobis optima mater obis.
 Quæ jam concivis justorum mortua vivis,
 Sit tibi vera quies, & sine nocte dies.



Celsior ipse polo, de quo sunt omnia solo,
 Sum cui stat fixum, naturâ semper id ipsum,
 Colla superba teris, modicos extollere quæris.

Obiit Religiosa & devota Wulfhild Ducissa apud S. Petrum in Wessinsbrunnen VIII. Idus Maji. *Ita Codex Wessof. pag. 28. 29.*

6. Et quoniam suprà diximus, ex Wulfildis utero utramque Augustissimam Domum, Austriacam & Bavaricam in hodiernum usque diem descendere, propositâ stemmatis arbore id demonstrabimus, & quaecunque pro plurimis ab utraque collatis in nos beneficiis monumentum gratitudinis referemus.

Posteritas Venerab. Wulfildis.

Wulfildis è Welfonum stirpe, Henrici Nigri Bavariz Ducis filia: Henrici Superbi & Welfonis Senioris soror: Henrici Leonis Bay. & Saxon. Ducis Amita: Friderici I. Enobarbi Imp. per Juditham Sororem matertera: Rudolphi Senioris Comitis Brigantini & Pfullendorffii uxor, ex qua natus est

Rudolphus ultimus Brigantiz, & Pfullendorffii Comes genuit Itham, Alberto Habsburgico, & Elisabetham Hugoni Tubingano, nuptas.

Itha Alberto seu Adalberto C. Habsburgico, Landgravio Alsatiz nupta, peperit Rudolphum, C. Habsburgi, Rudolphi Imp. avum.

Rudol-

Rudolphus Com. Habsp. Landgrav. Alsatiæ, ex Agnete Godefridi Com. Hohenstauffii filia pater Alberti Prudentis.

Albertus Prudens Com. Habsburgi ex Hæylwiga Kyburgi Comitissa genuit Rudolphum I. Imp.

Rudolphus I. Imp. ex Anna Comitissa Hochbergica genuit Albertum I. Imp. & Mechtildem uxorem Ludovici Severi.

Albertus I. Imp. ex Elisabetha Ducis Carinthiæ filia genuit Fridericum *Pulchrum* Ludovici *Bavariæ* æmulum, & Albertum *Sapientem*.

Mechtildis Rudolphi I. Rom. Imp. filia, uxor Ludovici *Severi*, peperit Ludovicum *Bavarum* Rom. Imp. filiasque Mechtildem & Agnetem.

Albertus *Sapiens* ex Joanna Comitissa de Pfirzt genuit Leopoldum *Pium*, Rudolphum *Ingeniosum*, &c.

Ludovicus *Bayarus* Rom. Imp. elect: 1314. ex Beatrice Polona pater Stephani, Agnetis Sanctimonialis Angeranzæ, & plurium, obiit 1347.

Leopoldus *Pius* ex Viride Ducissa Mediolanensi genuit Ernestum *Ferream*, Leopoldum *Crassum* &c. Sempaci oecubuit anno 1386.

Stephanus *Fibularius* ex Elisabetha Sicula pater Stephani, Friderici & Joannis. Obiit A. C. 1377.

Ernestus *Ferveus* ex secunda Coniuge Cymburga Masoviæ Ducissa genuit Fridericum III. Imperatorem, & Albertum *Mitem*. Obiit A. C. 1420.

Joannes Dux Baviaræ ex Catharina Goritiensi pater Ernesti D. B. & Sophiæ Wencésiao Bohemiarum Regi nuptæ: item Wilhelmi. Obiit A. C. 1397.

Fridericus III. Imp. ex Leonora Lusitana genuit Maximilianum I. Imp. & Chunegundam uxorem Alberti *Sapientis* Bay. Ducis.

Ernestus ex Elisabetha Mediolanensi pater Alberti III. Beatricis, & Elisabethæ, variis Principibus nuptarum. Obiit 1438.

Maximilianus I. Imp. ex Maria

Albertus III. *Pius* ex Anna Bruns-

Z 2

Bur-

Burgunda genuit Philippum I. Regem Hispaniarum, Margaretham &c.

Philippus Hispan. Rex ex Ioanna Ferdinandi *Catholici* R. Hisp. hærede unica genuit Carolum V. & Ferdinandum I. ambos Romanorum Imperatores.

Ferdinandus I. Imp. ex Anna Uladislai Hung. & Bohem. R. filia genuit Maximilianum II. Imp. Annam ux. Alberti Bav. D. & Carolum Archiducem, propagatorem stirpis.

Carolus Archidux Austriae, Styriae & Carinthiae Dominus, solus propagavit stemma, susceptis ex Maria Bavara Ferdinando II. Imp. Anna Polon. Regina, &c.

Ferdinandus II. Imp. ex Maria Anna Bavariae Ducissa genuit Ferdinandum III. Rom. Imp. Ob. 15. Febr. 1637.

Ferdinandus III. Imp. ex Maria Anna Hispanica genuit Ferdinandum IV. Hung. & Bohem. R. Mariam Annam Philippi R. Hisp. uxorem, & Leopoldum Imp.

Leopoldus Rom. Imp. ex Eleonora Magdalena Philippi Wilhelmi Elect. Palatini filia suscepit Josephum I. & Carolum VI. ambos Imperatores.

vicensi pater Alberti IV. Barbara Sanctimonialis, Elisabetha, Margaritha. Ob. A. C. 1460.

Albertus IV. *Sapiens* ex Kunegunde Friderici III. Imp. filia pater Wilhelmi IV. & Ernesti Archi-Episcopi Salisburg. Sibylla, Sabina, Susanna. Obiit 1508.

Wilhelmus IV. *Conflans*, Catholicae fidei in Bavaria conservator, ex Jacoba Baadensi pater Alberti V. & Mechthildis Philiberto Baad. nupta.

Albertus V. *Magnanimus* ex Anna Maximiliani II. Imp. sorore pater Wilhelmi V. Mariae Carolo Austriaco nupta, & Ernesti Electoris Colonienfis.

Wilhelmus *Religiosus* vulgo V. ex Renata Lotharinga genuit Maximilianum Electorem, & Mariam Annam Ferdinandi II. Imp. uxorem.

Maximilianus I. ex auctoritate Friderico Palatino, S. R. I. Elector & Archidapifer, ex Maria Anna Ferd. III. Imp. sorore pater Ferdinandi Mariae &c.

Ferdinandus Maria Bav. Elector, ex Henrietta Adelaide pater Maximiliani Emmanuelis, Josephi Clementis Elect. & Archiepiscopi Colonienfis &c.

Josephus I. Imp. natus 26. julii 1678. Rex Rom. 24. Jan. 1690. Imperator 5. Maji 1705. ex Wilhelmina Amalia Hannoverana pater Mariæ Amaliæ Imperatricis, &c.

Maria Amalia Josepha Anna Theresia Cordula, Cæsarum & Regum filia, nata 22. octob. 1701. desponsata Carolo Alberto Bav. Electori ac Imperatori 5. Oct. 1722. Imperatrix facta 24. Januar. 1742. coronata 8. Martii eodem anno: Mater Columbæ Maximiliani Josephi &c.

Maximilianus Emmanuel Elector, ex Maria Antonia Leopoldi Imp. filia pater Josephi Ferdinandi desig-nati R. Hispan. Postea ex Cune-gunde Theresia Polona Caroli VII. Imp. &c. Obiit. 1746.

Carolus Albertus Rom. Imp. VII. natus 6. Aug. 1697. Elector 26. Febr. 1726. Rom. Imperator electus 24. Januarii 1742. coronatus 12. Febr. eod. anno: ex Maria Amalia Josephi I. Rom. Imp. filia pater Maxi-miliani Josephi, & plurium filiarum. Quievit 20. Januarii 1745.

Maximilianus Josephus, S. R. I. Elector & Archidapifer, utriusque Bavariz & Superioris Palatinatus Dux &c. natus 28. Martii 1727. Columba olivifera, Princeps Pacis, cui Deus natos vatorum & longam felicitatem! Conjux serenissima Maria Anna Augustissimi Regis Poloniz, & Saxoniz Electoris filia, quæ benedicente Deo fiat sicut *vitis abundans Psalm. 127. v. 3. & videat filios filiorum, v. 4. ibid.*

Maria Antonia Walburga Augustissimi Imperatoris Caroli VII. Filia, nupta Principi Regis Poloniz & Saxoniz. *Fiant filii tui sicut novella olivarum. Psalm. 127. v. 4.*

Hæc est illa Austriacæ & Bavaricæ Domus per Wulfsidem nostram conjunctio. Nunc verb. postquam mænis Saxonica quoque Augusta Domus cum Bavarica nêku coahuit, aliud antiquius inter ambas vinculum per Wulfsidem deprehendimus. Fuit enim Wulfsidis nostra Henrici Nigri Bavariz Ducis ex Wulfside Saxonica matre filia: fuit Juditha Henrici Aucupis Imperatoris itidem Saxonis filia, nupta dein Arnulpho male MALO cognominato, hodierni Bavarici stemmatis indubitato

propagatori. Donec illa Genealogia latius explicetur, sufficiant interim hæc, quæ de Venerabili Wulfilde ex propriis Monasterii nostri documentis eruimus, aliis scriptoribus in historiæ majus lumen adscitis (g). Cæteri, ut Raderus in Bavaria Sancta, Stengelius in Commentario rerum Augustanarum, Brunnerus, Khammus, illam ignorant. Primus ejus mentionem facit clarissimus Bern. Pez (h) ex Codice Tegernseensi primos epitaphii versus delibans. Læti ergo hanc nobis relictam Spartam accepimus, & Wulfildis egregia merita primi in lucem vulgavimus.

- (a) Cap. 3. §. 2. (b) Cap. 4. §. 2. (c) Cod. D. fol. 60. (d) Ibid. fol. 61.
 (e) Cod. C. pag. 88. (f) Eod. Cod. C. p. 88. 89. (g) *Maxime Pistorio*
Rer. German. Scriptorum Tomo III. in Chron. Constant. fol. 721. &c. (h) Pez.
Tom. I. Anecd. Dissert. Isagog. fol. XIII.

§. II.

De cæteris Sanctimonialibus.

1. **V**ix triennio præfuerat Waltho, cum vitæ ejus sanctitas, & gubernandi sagacitas plurimum oculos animosque in admirationem traxit, ut felices se reputarent, qui vel ipsi eidem se crederent, vel suos ejus curæ commendarent. Ante alios vir nobilissimus Werinhardus de Stauffen, advocatus noster, sororem suam RICHINSAM claustro virginum mancipavit: & in dotis vicem per manus uxoris suæ & fratris S. Petro donavit duo prædia ad Hohenmos & Durchholsen cum mancipiis ad ea spectantibus, & donationem tredecim testibus firmavit. Richinsa, aliquot annis in Parthenone piè traductis obiisse legitur 14. Cal. Julias. (a)

2. **GISALA** de Seeveld, Genitoris Anonymi de Seeveld & Mechtildis de Oetingen filia, Hoholdo de Pappenheim nupta fuerat; eò verò faris amisso, ex testamento prædium Biberbacense accepit, prædiis aliis jure sanguinis jam ante dotata. Mundi pertæsa ad monasterium nostrum confugit, & prædia suæ proprietatis Biberbach, Brumen cum Heintram, Rinnenbach, Tangrebin, Wolmsfasse, Gutsingen S. Petra, nec non fratribus in *Wessinsbrunn* Deo militantibus tradidit, Advocatia illorum Pappenheimiis, defuncti

functi mariti consanguineis, relicta. Quæ lites desuper ortæ sunt, eas supra retulimus: (b) interea quod Hundius scire desiderat, certum est, avunculum seu matris fratrem fuisse huic Gisalæ Ludovicum de Oetingen, ac proin matrem Gisalæ, seu Mechtildis illa seu alio nomine fuerit vocata, natam ex Comitibus de Oetingen: ut adeò hac saltem in parte Matthæo Mareschallo de Biberbach Canonico Augustano fides haberi possit & debeat. Cæterum Gisalæ, cum pluribus apud nos annis Deo servivisset, felix obitus contigit 7. Idus majas, seu die nono ejusdem mensis, veteri Calendario teste.

3. *ADELHEIDA* Henrici Hunsfolgii uxor, conjuge consentiente & continentia propositum amplectente, Parthenoni nostro se ultrò inclussit. Prædium, quod ipsa proprium Landspergæ possederat, consensu Welfonis Ducis Henricus conjux, & filius Udalricus monasterio S. Petri Wessofontano delegarunt.

4. In ejusdem fortis felicitatem venit *ANONYMA*, ejusdem Henrici & Adelhaidis filia, patris & matris exemplum secuta. Donationem verò Landspergensis prædii, ut firmitatem perpetuam haberet, confirmarunt testes *Udalricus Parochianus* (seu Parochus) *de Hunseln*, *Hiltiprandus de Morenwels*, & miles ejus *Hugo*, *Dioto senior & junior de Wala*, *Weriandus de Rûchilingen*, *Arnoldus de Vindingen* cum aliis multis (c).

5. *MACHTILDIS* de Weilheim, filia Bernardi Domini Weilheimensis, soror Norberti Monachi ac postea Abbatis, & Henrici, de quibus supra, fratrum exemplis accensa ad Parthenonem nostrum suspiravit, & ut columba ad Cœlesti Sponsi amores evolavit: piissimus parens in dotem divo Petro & fratribus Wessofontanis prædium Forchaimense transcripsit. (d)

6. *ADALHEIDA* Hiltiprandi de Morenwels filia, quem paulò ante inter testes vidimus, (e) ad idem columbarium salutis avida se recepit, in cuius gratiam pater prædium Bartenkirchense monasterio nostro tradidit (f). Superfunt aliæ, quarum singulis peculiarem tractatum debemus: quamquam hæc solæ sufficiant ad docendum, quanta vis fuerit in odore famæ & exempli, quem Walthonis sanctitas omnibus afflasset.

(a) *Cod. D. f. 48.* (b) *Cop. V: §. I. num. 2.* (c) *Cod. D. fol. 57.* (d) *Idem fol. 62.* (e) *Supra num. 4.* (f) *Cod. D. fol. 62.*

CAPUT X.

De devotis Virginibus extra claustrum.

§. I.

B. Herluca conversa.

1. **N**ata est in Suevia, non sine præfagiis futuræ pietatis: at annos pubertatis adorsa, cum mundi vanitates sectari coepisset, semel iterumque morbo tentata, quorum alter altero erat pertinacior, ac nondum præsentium deliciarum pertæsa, utriusque oculi cæcitate percussa est. Altero eorum per S. Cyriacum reddito, seriò tandem resipuit, atque sancti primùm Wilhelmi Hirsaugienſis, dein Theocarii S. Georgii in Sylva Hercinia Abbatis doctrinâ ad omnem pietatem se dedit: ita, ut etiam divinis visionibus frueretur. Longum esset, imò hoc loco superfluum, omnia narrare, quæ Paulus Bernriedensis diffusè recenset. Eorum tantum aliqua recensabo, quæ Heptaticâ tum fecit, tum à DEO recepit.

2. Cum Rutherto & Hadviga nobilissimis conjugibus, quorum elemosynis aliquamdiu jam foras & nutrica fuerat, cum in Heptaticum venisset, & S. Laurentii Ecclesiam intrasset, tanta spiritus dulcedine fuit affecta, ut nutritores suos potius, quam locum deserere mallet, imò decerneret. Invitis ergo patronis remansit in loco, sancti etiam Wicterpi ibidem tumultuati gratiâ: amissâ licet omni spe, alimenti ab iis quidquam desinere recipiendi. Non hoc pertinaciæ imputandum est: dudum enim à S. Wilhelmo illo monita fuerat, ut in quocunque loco divinam magis experiretur dulcedinem, ibidem quam maximè se stabiliret. Mansit autem Heptatici annis plus minus triginta sex.

3. Et profectò speranti in DEO nihil defuit; quamvis enim initio cum rerum inoplia consisteretur, apparuit tamen hæsitanti S. Wicterpus, eamque consolatus dixit: *mate hîc mecum filia, & ego quidquid te offenderet, removebo.* Nec diu morata in loco, ducem, sociam & exemplar sancti propositi Doudam accepit magnæ virtutis viduam, Sigibodi Raltenbuchensis Eremitæ neptem. Huic iuncta parum jam de corporis alimentoangebatur,

tur, cum deliciis cœlestibus pasceretur. Hanc Herluca magistram in omnibus sequebatur, quamquam ipsa mox aliarum magistra futura: cujus disciplinæ testimonium Juditha fuit, Rutberti memorati & Hadevvigis filia, à sæculi vanitate ad Deum conversa & sanctissime defuncta, ut suo loco videbimus.

4. Zelus Herluce in omne genus hominum redundabat. Viros illustres ad cœlibem in cōjugio vitam induxit, ut Rutbertum Comitem Palatinum: puellas ad propositum castitatis, ut Juditham ejusdem Comitissæ filiam: imò & sacerdotes male famæ ad vitæ integritatem & poenitentiam. ut Richardum Eptatici presbyterum: Virgines sacras ad sanctitatis fastigium excitabat, ipsa quoque mutuos ad virtutem stimulos promptè excipiens, quod docent mutue inter ipsam & Diemodem nostram epistolæ, de quibus supra egimus. (a) Nam quamvis Paulus Bernriedensis Herlucam alicubi litterarum planè rudem dicat, illud de initio conversionis ejus intelligendum; vix enim fieri potuit, ut Virgo inter Dynastas & Matronas, Virginisque nobiles pluribus annis versata litterarum rudis maneret, stimulante etiam sacros libros legendi desiderio: scribendi autem facultate si caruisset, non deerant pii Sacerdotes & Religiosi, ut Sigibotus, Adalbero monachus, Paulus Bernriedensis, qui responsa ex ejus ore suscepta chartisque mandata ad Diemodem remitterent.

5. Quibus verò visionibus Herlucam dignatus sit Deus, dictu difficile est. Christum sanguine manantem cum vidisset, notensque iterum videre sic vulneratum, intellexit ex S. Wicterpo, à sacrilego sacerdote, cujus Missas ipsa attenderet, Christum has plagas accepisse. Interitum Adalberti de Rote eidem Herluce ostensum fuisse, jam ante diximus. Juditha à se conversæ cœlestem gloriam vidit, parèmq; illi futuram Agnetem Wolfratshusianam intellexit, ut postea referemus. Nemo sanctorum illi familiarior, quam S. Laurentius Martyr, & S. Wicterpus Episcopus. Ille quidem magnâ cœlitum cœtervâ stipatus in Ecclesia Deiparæ, ejusdemque S. Levitæ apparuit, orantemque ibi Herlucam de Baldeberti patris sui è purgantibus flammis liberatione certiorē fecit. Idem S. Levita Herluce ad communionem accedenti plerumque vel apparuit, vel etiam dux ad divinum epulum fuit. Idem Sanctus in spiritu Romam perducta Herluce, quidquid in eadem urbe templorum est, ostendit.

6. Tantis cum virtutibus, exemplis, apparitionibus inclaresceret Herluca, necesse fuit, quia placebat DEO, ut eam tentatio probaret. Rusticorum furore repente Eptatico fuit expulsa: nec fugam uspiam tutiorem invenit, quam Beronicæ apud Paulum suum: sed nec ibidem dæmonis furorem evadens, cum ad matutinas in Ecclesiam preces properaret, in rivulum molarem ab illo detrusa fuit. Benè igitur purgata per aquas tribulationis ad coelestem sponsi divini thalamum transiit, & honorificè in templo Beronicensi sepulta est. Dies Herluæ emortualis communiter assignatur, qui S. Wicterpi, nempe decima octava Aprilis seu, quæ eadem decima quarta ostendit Majas: non alia quidem de causa, quam quòd Herluca, incerto aliquando die ponenda, optimè illi Sancto jungeretur, quem sanctitatis magistrum de coelis habuerat. Eisdem diei Herluæ obitum adscribunt Rosvveidus, aliique complures apud Bollandum.

7. Sepulchrum ejus varia fata subit. Ex Hundo scribit Godefridus Henichenius, quòd Herluca Beronicam venerit, ibidem vixerit, & moriens sepeliri voluerit, *cujus tumba adhuc conspicitur in medio Ecclesia.* (b) Verùm contigit, ut succedentibus annis corpus transferretur; nam Bernardus Pezius, quem Epistolarum Herluæ & Diemodis nostræ desiderium illos traxerat, de tumulo Herluæ percontatus, hoc responsi à Reverendissimo Præposito Joanne accepit: *Sanctissima DEI ancilla lipsana cum Fundatorum ossibus ad epistolare principis ara cornu in Ecclesia tumulatis ita confusa esse, ut non facile discerni possint.* Fuit tamen postea ex ejusdem Ecclesiæ Canonicis vir religiosus atque sollicitus, qui secundâ DD. Mansueti Præpositi sui voluntate novam curam Herluæ & Fundatorum exuvii impenderet. Duas tumbas, unam ad dextrum, alteram ad sinistram summi altaris latus, remotius tamen positas aggressus, invenit ambas lateritio muro septas, singulas quernâ tabulâ & desuper operculo coementitio testas. Uni tumbæ inscriptæ erant hæ litteræ: O. F. alteri: O. H. nempe *Ossa Fundatorum, & Ossa Herluæ* indicantes. Non jam commixta inveniebantur utrorumque inter se ossa, sed & Fundatorum & Herluæ separata, multo tamen coemeto per tabulas ætate luxatas delapso sordidata. Virigitur optimus ossa cum coemeto extraxit, ab adhærente calce purgavit, & lavit, ac locis quæque suis demud reposuit, sua Herluæ, sua Fundatorum loculo restituit: parietes deinde instaurari curavit, novas & firmiores quercu tabulas superinduxit, iterumque coemeto texit. Duret, longumque ferat ævum hic labor, donec Deo ter O. M. placeat beatæ hujus Virginis Reliquias altius honorare, ad gloriam suam, & patriæ munimentum!

Atque

Atque hæc est moderna SS. Reliquiarum Herluca conditio. In Necrologio nostro *Herluca* non invenimus: verum 15. cal. Febr. *Helica* & 8. Idus Majas *Helica conversa* obiisse legitur: si alterutra ex his *Herluca* fuit, alteram hanc putabimus, quia *Conversam*.

8. Satis jam est Benedictino Wessofontano hæc dixisse de *Herluca*, quæ Wilhelmum Hirsaugiensem, & Theocarium Sanc-Georgianum magistros habuit, & familiari cum Diemode inclusa Wessofontana litterarum commercio usa est. Superest, ut utramque nobis Patronam tum prece tum imitatione conciliemus.

(a) *Suprà Cap. VIII. §. II.* (b) *Die 18. April. fol. 548. col. 2. num. 5.*

§. II.

De B. Juditha Conversa.

1. **R**Adero, & Adelzreittero istam Bojaræ gemmam silentio præter-euntibus, Brunnerus eam aureo suo stylo cœni annulo inclusit & illustravit. Juditha Nobilissimorum parentum Rudberti & Hadevvigis filia, cœni virtutis exempla in parentibus domestica & quotidiana intueretur, tamen ut fert conscia nobilitatis & opulentia splendor, mundo magis se ostentare, quam DEO adolescentula gestiebat. Nee tamen evasit hæc damula vel jacula orationis vel laqueos sermonis, quibus *Herluca* hanc prædam Christo vindicaret, qui non alio cibo meliore pascitur, quam animarum salute. Frequens in auribus Judithæ *Herluca* nunc blandimentis utebatur, nunc promissis, quibus locupletior esset evasura, si immaculatam se custodiret ab hoc sæculo, & nuberet Christo: nondum tamen assensum extorsit libertatem amanti. Septuagesimæ tempus erat, quo, ut hodie omnes, ita tunc plerique Alleluja cantare desinerent. Contigit, egressis omnibus solam cum *Herluca* Juditham in Ecclesia remanere; cum subito cœlestis chorus resonare, & lætum illam Pascharis tesseram Alleluja mellifluis vocibus decantare: quarum dulcore capta Juditha matrem etiam in voluptatis partem vocavit. At illa indignam se professæ, filiam redire ad templum jussit, & cœlesti musicâ ad satiem perfrui.

2. Hujus harmoniæ suavitate (verbis Brunneri loquor) una cum *Herluca* persusa illico nupturire Juditha desit, imò sanctius cepit: ita enim mentem auditus occupa-

occupavit Hymen, ut & Herluca in omnibus parituram se sponderit, & apud parentes antè non acquieverit, quam sacro Flammæo manibus Udalrici Batavensis Episcopi apud Raistrimbushenses tunc latitantis obnupta Christo desponderetur; ad cujus amplexum illa statim anno admissa est. Egria cum decumberes, & in vicina sponda Luikardis Herluca neptis cum morte luctaretur, jocosam licet illi Juditha intendis, quasi parùm urbanè faceret, quod in æternitatis stadio contingere metam, prior laboraret; argumenta insuper dixit, cur sibi primas jure deposceret; qua contubernalis ejus non insacundè refutavit. Juditha paulò post defuncta tumulum in Wessobrunnensi monasterio accepit, (a) sine pompa communi cespitè contecta, digna, qua in auro cubaret. Sed triumphus, quem Herluca de celo ostendit, sepulchri tenuitatem compensavit; cujus ea suis majestas, ut Herluca sciscitaretur, an omnino mortalium ulli sperare paria fas esset. Juditha Agnetem nominavit, Ottonis Daningensis Comitissæ filiam, Admontensi cœnobio tunc clausam, eadem meritam, eademque præmia laturam. Verùm de hac Agnete paulò post plura dicemus.

3. Quantum ad sepulturam Judithæ pertinet, non videtur ea fuisse communis & ignobilis cespes, cum cæmeterium nuperrimè conditum fuerit, Episcopi primùm, deia Pontificis autoritate erectum, atque summos infimosque in eo tumulandi prærogativâ donatum, ut in eadem Ecclesia & infantes baptizentur, & mortui sepeliantur. Hermannii Episcopi litteras confirmat & ampliat Innocentius II. Papa, his verbis: *Sepulturam ipsius loci omnino liberam esse decernimus, ut eorum, qui se illic sepeliri deliberaverint, devotioni & extreme voluntati, nisi excommunicati sint, nullus obstat.* Neque tam parca fuit Nobilium illius ævi manus, quin honorifico monumento vel epitaphio suorum memoriam posteris commendarent. Necrologio certè nostro antiquissimo inscriptæ inveniuntur 8. Cal. April. Ita seu Juditha conversa: item 15. Cal. Septembris Luikard conversa: & Judithæ mater, Rutberti uxor, Nonis Martii Hadovvic conversa.

(a) *Brunn. Annal. Boic. P. III. Lib. 2. col. 70.*

S. III.

B. Agnes Admontensis.

Nobilissima hæc Virgo cum in Parthenone Admontensi prima sanctitatis fundamenta jecerit, qua ratione ad Bojos, imò & Welfo-
fontanos pertineat, curiosior quisquam interrogabit. Cur ad Bo-
jos

jos pertineat, explicat idem Brunnerus, quia nempe hoc quoque lilium in *Borjorum* agro crevit: aut enim omnes me conjectura fallunt, aut Otto hic (de *Danunga* vocatus) *Wolfratshuforum* comitum sanguis fuit, quibus etiam *Danunga* vicus paruit. (b) Et verò in pervetustis tabulis donationum ejus monasterii (Admontensis videlicet) *Ottonem Wolfratshufum Agnetem filiam cum insigni dote illic collocavisse*. (c) Agnetem nobis vendicandi causa sunt duo Henrici comites *Wolfratshufani*, senior quidem Episcopus *Ratisbonensis*, qui nobis decimas *Reispacenses* & *Habartskirchen*ses, adjectis *Engelmaris*pergensibus confirmavit: junior verò *Ottonis Advocati Tegernsseensis* filius: de quo *Necrologium nostrum*: *sexto Nonas Maji Henricus Comes de Wolfratshausen obiit, qui dedit mansum ad Reifingen*. Memores ergo beneficiorum ab illustrissima hac familia acceptorum, id quidem non recoquimus, quod paulò antè de Agnetis cum *Juditha* gloriæ æqualitate diximus: omittere tamen non possumus, quòd eadem *Agnes*, *Bucelino* teste, ob probatæ virtutis testimonium à *Friderico I. Ahenobarbo Imperatore* electa sit, ut coloniz ex *Admontano* monasterio ductæ ad reformandum *Hohenburgense* monasterium præflect, & inventas ibi virgines ad strictiorem vivendi normam reduceret: quod & feliciter tamdiu præstitit, donec ad prænuntiata à *Juditha* gloriam plena meritis evolveret. (d)

(b) *Brun. loc. cit. vide Notam a. §. præced.* (c) *Hand. Stammen-Buch fol. 25.*
 (d) *Bucel. Germ. sacra P. II. fol. 3. col. 1. Verbo: Admont. Virginum.*

§. IV.

De loco Heptatico.

Nomen hujus loci Græcæ originis est ab *heptà*, seu *ἑπτὰ*, quod Latinis *septem* sonat. Vocis hujus etymologiam indicavit *S. Wicterpus* Episcopus, cum *S. Magnus* ad eum venisset, inquires: *bene vocatur iste locus Eptaticus, quia in medio constat inter monasterium S. Afræ, quod est Augustæ, & Cellam suam, sive Fauces Julias, id est, oppidum Füssen: nempe & hoc S. Magni monasterium, & S. Afræ Cathedralis olim Ecclesia Augustana, uterque locus septem milliaribus nostris germanicis ab Eptatico distant. Unde etiam antiquitas loci patet, cujus nomen Wicterpus non ipse excogitavit, sed jam pridem inditum reperit. Quàm frequens fuerit tam Lyci ripa, quàm omnis ager Augustanus, ejusmodi raribus, & coloniis Gentilium Romanorum, abunde docet eruditissimus Vellerus in antiquis agri Augustani monumentis. In Eptatico Romanos olim castrum*

castrum Noricis oppositum habuisse, nuperrimè; triennio abhinc videlicet, apertè patuit, dum vetus S. Laurentii sacellum ampliatum atque à fundamentis renovatum fuit. Jacuit sub ipsa janua profundissimè defossam saxum quadratum, in quo Romanis litteris inventa inscriptio, non integra quidem, sed cujus pars deest, & æquali saxo inscripta fuisse videtur, quod tamen reperiri non potuit. Inscripção parò illa sic habet:

TICLTI
VEHE
RIBMIL
GEM
SA
GISEDA

Inventa simul fuit mōneta ex cuprò cum sequente inscripção. Prima parte hæc leguntur litteræ in limbo: DRUSVS CÆSAR TI AUG F. DIVS AVG. In medio cernitur facies velut Imperatoris. Altera parte hæc in limbo: TRIBVNVS POTE . . . R. PONTIF. In medio. S. C.

2. Intus pròpe januam in pariete inventa fuère duo vascula testacea, viridi colore tincta, utrumque cum rostro testaceo: quasi usum præbuisent urceolorum: at quartam partem maiora, quam hodie in sacris nostris adhibentur: opinio tamen est, vasa hæc S. Wicterpo sacrificanti serviisse, postea etiam abscondendis sanctorum reliquiis fuisse adhibita. Clavis item antiqua ex ferro est reperta, incertum, cui usui. Haud procul sacello versus Lycum duobus locis deprehensa sunt ex quadris lapidibus fundamenta arcis, in quæ ipse descendit: novissimè etiam alia eorundem fundamentorum pars, quæ clivus vicum respicit. Ex lapidis igitur Inscripção, ex moneta Romana, & hisce fundamentis convincitur, locum aliquando Romanorum fuisse: illis verò ejectis Christianæ familiæ cessasse, ex qua natus sit S. Wicterpus, cujus etiam hæreditas fuerit & religiosa quies à negotiis officii sui.

3. Sacellum ipsum, servato altari principe S. Laurentii, sub quo postremum quieverat corpus S. Wicterpi, & aræ Beatæ Virginis, sub qua illud ab obitu Divi fuerat positum, in restauratione nupera in maiorem amplitudinem fuit extentum, ut plurimam ad divina venientium capax fieret: felix certè locus, in quo S. Wicterpus, dum viveret, & S. Magnus, quoties ad illum venit, sacrificarunt: in quo SS. Laurentius & Wicterpus seculo duodecimo toties apparere visibiles, & Beatæ Her-
lucæ

luce ad virtutem duces fuere: in quo matronæ, virginisque Dei servitio devotæ habitârunt, & dæmonis insidias vincere didicerunt: in quo per quadringentos ferè annos S. Wîsterpi exuviz sunt custoditz, donec ad sedem ipsius Augustanam fuerint translatz.

4. Nunc ipse hodlernus Eptatici situs est describendus. Ex parte litoris Norici supra ripam situs est vicus exiguus Hirsowa olim, hodie Hirschau vocatus: in quo Sigibotto ille Heptatici pius sacerdos, turbatum vitandatum causa, habitare elegerat, sæpiusque Paulum Bernriedensem hospicio exceperat, quoties iste è Boica ad Herlucam transiret: quæ & ejus adventum sæpius præsentire solebat. (a) Exinde navi superato Lyco, statim in edito spectatur vicus Eptaticus, nunc *Elsach*, truncate veteri nomine, appellatus. Inter vicum hunc & Ecclesiam S. Laurentii agri versus Lycum hodie interjacent olim arbutta in silvam ferè excrecentia, ita ut ex vico ad S. Laurentii sacellum prospectus intercluderetur: demum assurgens clivus sterilis Lyco flumini incumbit. Ibi arx olim stetit, cujus supersunt rudera: ibi hodie sacellum, olim arci proximum: ibi vicum versus, in valle puteus, adhuc aquis scaturiens, qui olim castri inquilinis serviebat, & adhuc in religione habetur; & tunc præsertim hinc aqua petitur, cum noxi vermes plantis interitum minantur: fiduciam præbente S. Magni merito, cujus *combatta* seu baculus hodie ad exterminandas hortorum & agrorum pestes longè latèque cum luculento fructu circumfertur.

5. Fama quidem à majoribus per nepotes tradita est, & quasi in præverbium inter loci colonos versatur, castrum & sacellum S. Laurentii olim in Boico littore stetisse, Lyci verò illuvione ad Suevicum fuisse trajecta, iterumque à Suevia reditura olim in Noricum. Vix autem, nisi iræ divinæ singulari flagello id fiet, cum agri, inter Heptacensem vicum, & S. Laurentii sacellum siti, loco longè altiore sint, quàm Lyci fluentum: & vicus ipse, agris licèt elatior, elatiorem post se montem habeat.

6. Ex his etiam Caroli Stengeliî lritus in inquirendo loco labor ex imperiti hominis narratione intelligetur. Dicebat hic, nullam S. Mariæ & S. Laurentii Ecclesiam hic exstare, inire tamen unius horæ non longè à Lyco flumine superesse hujus tituli sacellum. Verùm id, à nostro longe diversum, Finckius in magna Bojariz mappa propè Altenstadium, infra Schengavium tamen, collocat, ultra horæ spatium ab Heptatico, Parochiæ Niderhovensis: nec ibi sancta Maria in tituli societatem venit,

sed

sed locus ipse non alio, quam S. Laurentii nomine appellatur. Nostrium autem sacellum, nequidem quarta horæ parte à vico Epsacensi distat, & singuli pæne coloni & domibus suis illuc prospiciunt: & quamvis nomen à solo S. Laurentio habeat, ara tamen beatissimæ virginis, tanquam vetus S. Wicterpi sepulchrum, in honore habetur. Placuit hæc explicare, qua potui, claritate, nequis mappæ cujusdam novæ, aut extere historię auctoritate moveatur ad aliud sentiendum: equidem inter Reichlingam, Hirsaugiam, & Rauchenlechspergam Eptaticus jacet: sed illa omnia in ripa Lyci Norica: Eptaticus autem & vicus, & castri rudera, & S. Laurentii sacellum in littore Suevico conspiciuntur: sicut ipse sapius vidi, qui unicâ horâ hinc absum.

7. Ecclesia S. Laurentii, diruto castro proxima, olim primum & Parochiale templum fuisse ex eo convincitur, quod anniversariæ dedicationis ejus festum in hodiernum usque diem summa solemnitate celebratur in festo S. Ottmari Abbatis, nempe die 16. Novembris: quo etiam fit sollemnis Agape, seu panum distributio copiosa in pauperes, cum in dedicatione ipsius modernæ Parochialis Ecclesiæ in medio pagi sitz omitatur. Nempe successu primùm temporis accrevere ausique sunt coloni, arcis ipsius possessoribus subditi, quos angustum S. Laurentii templum non ampliùs caperet. Præterea ipsum S. Wicterpi festum solemniter ad S. Laurentium annuatim celebratur divinis officiis, & operum cessatione, à quatuor pagi colonis, qui Celsissimi Episcopi & Cathedralis Augustanæ Ecclesiæ dominio subiecti sunt: verùm non die 18. Aprilis, sed decem diebus antè, nimirum octavo ejusdem mensis.

8. Si ab origine, quibus dominis Eptaticus locus paruerit, inquiremus, ex dictis patet, à primis Imperatorum post Augustum temporibus Romanorum coloniam & prælidium fuisse: iis deinde Alemannorum prævalente potentia ejectis, paruisse nobilibus dynastis, è quorum sanguine natus S. Wicterpus locum in hæreditatem acceptum legaverit Ecclesiæ suæ Augustanæ: postea successisse collegium templariorum, quod tempore Clementis Papæ V. circa annum Domini 1311. destructum fuit. Hoc tempore (ait Martinus Abbas S. Magni electus anno 1614) *pagus iste ad monasterium Staingadiamum et d. Pramonstratenfis pertinet*, (b) & ejusdem turæ adhuc subest. Hæc omnia debeo zelosissimis loci Parochiis D. Michaeli Gassner, & post eum D. Eustachio Enzenberger, Canonis Pramonstratenfis, ex eodem celeberrimo monasterio Staingadensi, quod ab annis jam ferè ducentis sacros pastores Heptatico subministrat.

(a) *Bell. 28. April. fol. 556. col. 1. num. 40.* (b) *Vit. & Mirac. S. Magni fol. 90.*



SÆCULUM QUINTUM *WESSOFONTANUM.*

Ab anno 1153. ad annum 1253.

CAPUT I.

Norbertus Abbas XIV.

§. I.

Norberti vocatio & genus.

1. **N**obilissimo Dynastarum Weilheimensium sanguine oriundus, patrem habuit Bernhardum, virum sancte egregium, qui stirpis suæ gloriam virtute superans haud ægrè tulit, ternas suarum prolium, spem generis, relictis opibus, valedixisse mundo, Deique servitiis ultro se mancipasse. Norbertus natus maximus, gemino canonicatu insignis, Augustano, ut Hierarchia testatur, (a) & Frisingensi, sicut insignia & nomen in ambitu Cathedralis Ecclesiæ Frisingensis descripta hodieum produnt, ambobus honores cum proventibus sponte deferuit, & monachus esse sub disciplina Walthonis maluit. Ejus exemplum hoc ipso in monasterio secuti sunt Henricus frater, & Mechthildis soror, quibus non exiguo utique solatio fuit, fratrem nunc habere Abbatem. Prædia per ipsos monasterio collata in actis Walthonis recensuimus.

2. Hundius in stemmatographia Bavariz (b) inter illustriores hujus sanguinis viros, recenset præter nostros Bernardum, Bertholdi Comitis Andecensis ministerialem anno 1143. quem eundem Norberti patrem arbitramur. Gebhardum militem de Weilheim, qui aliquot prædiis monasterium nostrum locupletavit, & superfuit 1266. Henricum Canonicum Frisingensem, & ibidem S. Viti Præpositum 1309. Henricum de
B b Weil-

Weilheim Advocatum Haybachensem, qui eidem Ecclesiæ præsentandi super parochiam Hausensem ultro donavit, 1249. Eberhardum denique Ecclesiæ Augustanæ Canonicum 1248.

Insignia gentis erant tres arcus Iridis, cæruleus, ruber, & viridis in campo albo. Sepulturam sibi elegere majores in monasterio Pollingano in sacello S. Ursulæ.

Potentia istorum Dynastarum ex eo colligitur, quod nobiles quoque ministros & feudatarios habuerint, qui extincto circa annum 1331. Weilheimensium stemmate à Ludovico Bavaro Imperatore liberi sunt renuntiati, & pars eorum adhuc florēt, pars ad obscuritatem decidit: lucem tamen aliquam retinuerunt Ramungi de Hugolsing, ex quibus Petrus Ramungus monachus & Prior apud nos fuit, Udalricus verò Ramungus Ducis Bavarie consiliarius, & Dingolsingz præfectus ævo Hundii floruit. De reliquis familiis inquirere, alienum à nostro instituto est. Ut de Norberto Abbate addam, legitur ille in Chronico Benedictoburano, antequam fieret monachus, primus traditionis cujusdam testis his verbis: *Norbertus filius Domini Bernhardi de Weilheim.* (c)

(a) *Parte I. Cathed. fol. 584.* (b) *Stammenbuch Part. I. Art. Weilheim. f. 367.* (c) *Part. II. Instrum. 32. fol. 13.*

§. II.

Norberti Electio, Calamitates.

3. **N**orbertus inter monachos sub S. Walthonis disciplina talem se Abbatii fratribusque probavit, ut maxima quævis monasterio bona prudens quisque ex ejus virtute proventura auguraretur. Quare cum Waltho extremam sibi diem imminere cerneret, suosque cœnobitas ad concordiam charitatēque ultimo sermone exhortaretur, factum est, ut ipso adhuc vivente in vigilia vel in ipso festo nativitatis Dominicæ eligeretur, & Walthoni successor designaretur Norbertus. Ita conjicere & affirmare nos jubet chronologiæ ratio; nam Waltho decessit anno 1156. die 27. Decembris, eodēque anno electus dicitur Norbertus; qui dein præfuisse asseritur annos quatuor & octo dies, obiisseque anno 1160. in die circumcissionis Domini, id est, Calendis Januarii.

4. Porro singulari Numinis providentia factum esse arbitror, ut turbulentissimis temporibus Abbas daretur tam virtute ac fortitudine, quam generis pristinaeque dignitatis splendore spectabilis. Ingens enim rerum mutatio ipso anno, quo regimen adfit, Bavariam affligerat, Ducumque auctoritatem minuerat; nam Fridericus Enobarbus Imperator Henrico Leoni Saxoniae Duci Bojaricum quidem principatum restituerat, contra verò Marchionatum Austriae, qui eò usque ad Bavariam pertinuit, ab eadem avulsit, & peculiarem Ducatum fecit. Aceffis ita Ducum nostrorum opibus, necesse fuit, minui quoque subditorum fortunas ac libertatem, à quibus pendenda multa in subsidium principum variis de hinc bellis & litibus involutorum, donec major serenitas allucesceret.

5. Præterea anno 1157. sub finem Martii, quo tempore divinae Passionis mysteria ab Ecclesiæ colebantur, tam densa nix cœlo decidit, frigusque prorsus insolitum terram aeremque constrinxit, ut magna hominum multitudo contractis ex frigoris vehementia morbis contabefacta perierit. Extremum frigus excepit extrema siccitas ac solis æstus, qui maximam veris & æstatis partem perduravit. Calendis verò Julii horrenda grando agrorum fructus pessumdedit, ventorumque tantus furor invaluit, ut non solum segetes consumeret, arborésque stirpitibus evelleret, sed etiam ædificia multa, & castrorum munimenta humi prosterneret, ac variis in Ecclesiis turres cum campanis dejectas confringeret. Verum inter tantas calamitates nec Deus, nec animus Norbertum deseruit, sed amaris dulcia miscuit; ad quæ jam referenda accingimur (d).

(d) *Codex D. f. 70.*

§. III.

Favor Pontificis Romani.

6. Videns temporum iniquitatem Norbertus, primum sibi rebusque monasterii robur à Petra apostolica petendum putavit. Quare primis statim regiminis sui exordiis confirmationem omnium bonorum, & Pontificiam protectionem ab Adriano Quarto ejus nominis Papa petivit & obtinuit; mense quarto, postquam cœnobii gubernationem accepit, nam Chronologus noster Bullam anno 1157. datam annotat. Ejus tenorem adjicio (e):

Adrianus Episcopus servus servorum Dei, dilectis filiis Norberto Abbati S. Petri in Wizzinsbrunnen, ejusque fratribus salutem & Apostolicam Benedictionem.

B b a

Que

Quoties à viris Ecclesiasticis Apostolica protectionis præsidium imploratur, animus nos decet libenti concedere, & potentiam vota debita charitate complere. Eapropter dilecti in Domino filii, vestris iustis postulacionibus grato concurrentes assensu, personas vestras, & ipsum monasterium, in quo divino mancipati estis obsequio, & omnia bona ipsius, quæ impresenciarum iuste, & legitime possidet, vel in futurum, Deo propitio, rationabiliter poterit adipisci, sub beati Petri, & nostra protectione suscipimus, & presentis scripti patrocinio communimus. Statuentes, ut nulli omnino hominum liceat personas vestras, seu prædictum monasterium, vel bona ejus temere perturbare, aut quibuslibet vexare molestiis. Siquis autem hæc attentare præsumserit, indignationem Omnipotentis Dei, & beatorum Petri & Pauli Apostolorum ejus, se noverit incursum. Datum Laterani septima Calendas Apriles. Est ergo hæc Bulla Romæ scripta vigesima sextâ Martii, postridie Annuntiationis Beęparę, feria terciâ hebdomadę sanctę, cum Pascha celebraretur die 31. Martii.

(C) Cod. D. f. 70.

§. IV.

Lites compositæ.

7. **Q**uantis controversiis agitata fuerit Gisle de Seeveld monialis nostrę hæreditas, ad satiem sub regimine S. Walthonis audivimus. Plena tandem quies Norberti temporibus est reservata. Nam Ludovicus, Ludovici Comitis de Oertingen filius, extincto patre, qui tantas nobis lites intenderat, divino haud dubie instinctu Biberacensi prædio sponte se abdicavit, omnisque metum ac suspicionem ulterioris infestationis, ac exactionis penitus sustulit. Abdicationis hujus testis gravissimus fuit ipse Dux Guelfo, Henrici Leonis patruus, ac Superbi frater: Bernardus de Weilheim, Norberti Abbatis pater: Bernardus junior, Abbatis frater ac Weilheimensis Domini hæres: Eginô de Muffe: Bertholdus de Perge: Dicto de Raverspurg, Guelfonis minister, alisque octo. Qua ratione succedentibus annis prædium istud à monasterio dimissum vel avulsam fuerit, nondum mihi compertum est.

8. Aliam controversiam Norberto motam ex monumentis Staingadensibus eruimus. Dux Guelfo tradiderat monasterio prædium quoddam in Morenweis, acceptâ à nobis pecuniâ decem talentorum: cujus traditionis testes fuerant Hermannus & Henricus, germani fratres de
Ba

Ramungen, Weilheimensis Dynastæ ministri, aliique plures (f). Interea Hildebrandus quidam Guelfonis minister dictum prædium ab ipso Duce jure beneficii se accepisse asseverabat, quamvis Guelfo id negaret, ac toto capite abnueret. Igitur Dux prædium Hildebrandi unguibus ereptum cœnobio asseruit. Pupugit Hildebrandum Ducis sententia, atque ita exacerbavit, ut eum in ipsum Ducem non auderet, omne calamitarum genus in Norbertum, ejusque monachos, ubicunque posset, tum ipse, tum per amicos suos effunderet, per summum nefas se à nobis possessione sua dejectum conquestus. Norbertus Abbas, jurium quidem monasterii studiosissimus, amantior tamen quietis ac famæ, cujus odore bono hactenus monasterium floruerat, de remedio cogitandum esse censuit, malens aliquid facultatum, quàm boni nominis perdere. Hildebrandum summa humanitate cum ejusdem amicis vocavit Schongavium, ubi præsentem Duce lis componeretur. Ibi audiente Guelfone Norbertus pro quietâ prædii possessione Hildebrando sex talenta se persolutorum spondit, si cederet. Non ausus est resistere, Ducem reveritus, & petitionis æquitatem perspicuens, homo aliqui pervicax, juri suo cuiusque renunciavit. Dux igitur ipse, vel cœnobii misertus vel erroris sui memor, tria pro nobis talenta persolvit; tria reliqua Norbertus dedit: atque ita controversiam omnem extinxit. Testes rei gestæ adstiterunt Hermannus de Ramungen, Dieto de Ravenspurg, Hildebrandus de Morenweis, alius à litigatore ac monasterii fautor, utpote qui Adelhaidam filiam in cœnobio nostro habebat monialem: & Conradus Zunde de Langenriet cum aliis tribus.

9. Quod Conradus de Lützstein Episcopus Augustanus tempore Walthonis jam anno 1154. prædium Marchdorffense monasterio nostro sua auctoritate confirmaverit, superius me commemorasse arbitror. Verùm ratione decimarum vel ex illo prædio reddendarum, vel jam antè ad nos pertinentium, orta est quarto post anno controversia. Quare Norbertus Augustam se contulit litis arbitrum Conradum Episcopum imploravit, qui favorabilem pro nobis sententiam tulit, monasterioque securitatem restituit, testibus Hezilone Abbate S. Udalrici, Norberto Abbate Wessebrunnensi, Sigefrido Ecclesiæ Cathedralis Præposito: Hermannò Plebano, Pertholdo Cellerario, Rudigero, Friderico, VVernhero Diaconis, anno salutis 1158 (g).

(f) *Cod. D. fol. 21.* (g) *Idem Codex D. fol. 22.*

§. V.

Prædia monasterio acquisita.

Quatuor præcipua in monasterio nostro officia V. Valchonis tempore fuerant vel antiquitus jam reperta, vel recens instituta. Primum gerebat Præpositus, alterum Cellerarius, tertium Camerarius, quartum Eleemosynarius. Hujus postremi munus erat, providere pauperibus, quorum sustentationi jam ante à Valchone Abbate constructa erat domus propria, quam eleemosynariam vocabant. In ea tum qui transibant pauperes tam vitæ subsidia, quam vitæ capiebant: tum alii perpetuò alebantur, & ex Christi ac S. Petri facultatibus sustentati, Deo in simplicitate cordis serviebant. Ne autem credas, sordidam mendicabulorum stationem fuisse hanc domum, testantur Chronica nostra, nobiles quoque viros in domo hac eleemosynaria extremos vitæ dies transigere exoptasse; eos præcipuè, qui disciplinæ quidem rigorem inter monachos ferre non audebant, in familiam tamen nostram suscepti ad felicem obitum piis exercitiis & divinorum officiorum frequentatione suaviter se componere cupiebant.

11. Inter eos homo liber Bertholdus, & filius ejusdem Rudbertus prædium quoddam apud Wolfgrueb cum omnibus ad id pertinentibus, vel deinceps adnascituris, ad usum domûs eleemosynariæ perpetuò transcripserunt ac tradiderunt, ea lege, ut uterque deinceps in eadem domo sustentaretur. Et pactum istud ac traditionem confirmarunt testes, Gozbertus de Schlitten ex familia S. Petri, credo à servitiis Abbatis, vel alius monasterii minister: Ludovicus Nasili, Otto magnus, alique multi.

12. Bertholdi ac Rutberti exemplum secutus est alius liber homo de Wolfgrueb, prædiumque *Golgelberg* appellatum, quod in eadem villa hæreditario jure possederat, eo acto tradidit, ut ejusdem usus pertineret ad domum eleemosynariam, ipsèque in eadem usque ad vitæ suæ terminum sustentaretur. Res tota iterum confirmata testibus, Udaltico de Bellinschwang, Henrico de Grute, Weriando de Richilingen, Wilchardo & Bernardo de Schalinschwang. Hæc de Domo eleemosynaria sub Norberto Abbate, quam non dubito à proximis quoque ejusdem successoribus cultam fuisse & conservatam, donec temporum iniquitas eandem sustulit, aut pauperum multitudo aliud iisdem succurrendi consiliûm suggessit. Cæterum Grutenfes Nobiles, sicut & Richilingenses sæpius deinceps occurrent,

Obitus Norberti.

13. **C**hronicon nostrum Norberti decessum his verbis exprimit: *Anno Domini 1160. obiit venerandus & nobilis Dominus Norbertus Abbas S. Petri in Wessinsbrunnen in die circumcissionis Domini.* Verum ut supra (h) insinuavimus, scribendus est annus 1161. nisi unicum præcedentis anni diem pro integro anno computatum fuisse permittamus. Ejusmodi contentiones chronologicæ cum in singulorum ferè Abbatum annis recensendis occurrant, consultò deinceps à nobis omittentur, nisi ipsa Præsumpta acta aliud suaserint. Cæterum in vetustissimo Benedicti Abbatis Calendario, cui plerorumque ferè Abbatum nomina sunt inscripta, Norbertus non invenitur. Neque sepulture locus ullibi indicatur. Crediderim tamen, eundem in ecclesia potius Wessofontana aut aliquo ejusdem facello sepultum, quam in capellam S. Ursulæ Pollinganam deportatum, gentis suæ tumulos auxisse: quippe qui post amplissimas dignitates claustrum elegerit, generis splendori renuntiârit, Walthoni magistro & Abbati suo ut amore conjunctissimus fuit, ita & sepulcro sociari maluerit, quam inter marmores majorum suorum monumenta nomen suum celebrari. Et fortasse Walthonis exemplo, qui sub omnium pedibus sepeliri voluit, ipse tumulum suum omnino nesciri optavit.

14. Cæterum Norbertus propagandæ Religionis zelum satis ostendit, dum vivus adhuc ex Hirsaugiensi cœnobio ad servandum disciplinæ rigorem monachos S. Wilhelmi, celeberrimi tunc archimandritæ, doctrinis imbutos vocavit. Credo enim, nullius id autoritate fieri potuisse, nisi Norberti, cum neque Cæsar bellis implicitus id negotiū sibi sumeret, neque Dux novus Henricus Leo in componendis Bojarum primū recuperatæ rebus occupatus, neque Conradus Episcopus, multis pro Cathedrali ecclesia sua curis impeditus. Neque opinari fas puto, intra quadriennii spatium à Walthonis morte dilapsū, ita defluere disciplinam potuisse, ut Norberto mortuo ipsi monachi neminem inter se pedo dignum invenerint, ut accersendus esset alienigena cum colonia peregrina: nisi fortè ipsorum humilitas dignitatem declinare, aliūque ad religionis vigorem conservandum postulare persuaferit.

(h) *Sæculi IV. Cap. VI. §. III.*

CAPUT II.

Lantoldus Abbas XV.

§. I.

Lantoldi vocatio.

1. **S**cribitur hujus Abbatis nomen etiam Lupoldus, & pſerumque Luitoldus aut Luitboldus: verum nos Lantoldum appellare maluimus, quia ipse se talem in æreo monumento voluit nominari, ut infra (a) videbimus. De quo Abbate tamen chronica nostra altissimè ſileant, qui genus, unde domo fuerit, adeoque nullum nobis dubium relinquere videantur, quia apud Wessonis fontes per solemnia religionis vota se Deo consecravit, cedendum tamen est hac in parte authoritati magni Trithemii, credendumque, Lantoldum ex monasterio Hirsaugiensi fuisse ad Boios vocatum. Nam ille in chronico Hirsaugiensi de monachis ad S. Wilhelmi disciplinam formatis, atque ad exterarum Abbatias vocatis disſerens ita scribit (b): *Ad monasterium verò in Besselborn Augustensi Diœcesi Lupoldus Abbas cum sex monachis de isto cenobio, Hirsaugiensi missus est, vir tam in eruditione scripturarum illustris, quàm experientia rerum commendabilis; moribus nihilo minus & vite merito valde reverendus, qui monasterium sibi commissum ad observantiam regule summa cum diligentia restituit, & in temporalium provisione notabiliter satis ampliavit.* Hæc Trithemius. Neque indecorum nobis videri debet alia ex provincia petitiu[m] nobis Abbatem; nam neque is aliunde S. Regule observantiam didicit, nisi ex institutione S. Wilhelmi (c), qui nobili in Bavaria genere natus (sunt, qui Schyrensiu[m] stirpe velint) adolescens à parentibus Deo oblatus, inque monasterio S. Emmerami educatus, ac demum ibidem professus, sub S. Ramvoldi Abbatis disciplina crevit in virum sanctitate ac sapientia maximum. Inde, cum monasterii sui Priorem ageret, solemnī legatione Hirsaugiam petitus, multisque precibus obtentus ac pervictus celeberrimam illam Reformationem exorsus est, eamque in filios ac nepotes propagavit, ex quibus nos Lantoldum non tam ut externu[m] subsidium, quàm fructu[m] ex arbore Bava-
ra nobis debitum, ac à Suevia nobis restitutum accepimus.

2. Annales nostri Lantoldum præfuisse narrant (d) *tempore totius tribulationis (e), laboris & persecutionis*, credo, ob atrocissimu[m] schisma, quod inter Alexandru[m] III. Pontificem, & Fridericu[m] I. Imperatorem
exor-

exortum est, ac per viginti fere annos Ecclesiam, Imperiumque miserabiliter perturbavit. Interim Lantoldum tum Northeri decedentis suavitum propriæ virtutis merito à monachis fuisse electum arbitror, nec diu post obitum decessoris inauguratum 1161. Monachorum porro nomina, quos auctore Trithemio senos ex Hirsaugia secum adduxisse dicitur, ignota sunt. Lantoldus regimen aggressus cedere quidem temporibus debuit, sed non succubuit: cœnobii enim detrimenta fortunæ vi inflata commodis non exiguis compensavit.

(a) *Hujus Cap. §. III. num. 9.* (b) *Chron. Hirsaug. fol. 274.* (c) *Trithem. ibid. fol. 220.* (d) *Cod. D. fol. 73.* (e) *Cod. C. fol. 101.*

§. II.

Bona monasterio acquisita.

3. **P**RETERITIS IIS PRÆDIIS, quæ Lantoldus variis colonis pro annuo censu locavit, illi nunc laudabuntur, qui spontanea liberalitate monasterio augmentum dederunt. Engilramus de Hohenstein, strenuus miles, ac olim Engelberti marchionis Crayburgensis minister, monasterio nostro per manus filiorum suorum delegavit ac tradidit mansum in Udußoldingen, perpetuis temporibus monachorum usui servitutum. Testes delegationis erant Herrandus & filius ejus Wolfherus: Gotescalcus, & alii octo (f).

4. Otto verò Ducis Guelfonis minister, gemina donatione de monasterio nostro bene meritus est, dicet eam suis conditionibus circumscripterit. Nam inprimis S. Petro tradidit prædium in Nidernhoven per manum sororis suæ, quæ tam proprio, quam fratris nomine omni juri, quod in illud prædium utrique competebar, legitime renunciavit. Interim tamen acceperunt à Lantoldo Abbate curtem quandam forestensem, quæ *Lupi* dicebatur, per modum concambli, quæ fruerentur ad dies vite, nisi citius illam Deo inspirante monasterio restituerent. Rem gestam testimonio suo roborârunt Henricus parochus de Jesenwang, Conradus, Henricus, Wernerus de *Grusa*, Conradus de *Wilburgsd.* Conradus Man, aliique multi de familia.

5. Præterea idem Otto quatuor S. Petro mancipia donavit, nempe filium & filiam, aliūque marem ac fæminam: quorum duos postremos, facta traditione, ad dies vitæ in obsequio suo futuros recepit, si non antea servituti fratrum eos remitteret. Inter testes primus erat Henrici Advocati nostri præpositus, & præter eum alii undecim.

6. Vir Nobilis Walchunus de Stainbach, animæ suæ parentūque defunctorum subsidium præstiturus, monasterio nostro prædium, quod habebat in Pfaffenhoven, tradidit, idēque mox iterum à Lantoldo Abbate beneficii loco recepit, in usus suos, donec viveret, convertendum; à morte verò ipsius ad S. Petri Ecclesiā reversurum: interea jussus est annuatim denarium monasterio solvere in accepti beneficii testimonium. Testes intererant Adalbertus de *Ludenhusen*, Fridericus de *Issingen*, Henricus & Wernerus fratres germani de *Gruse*, Geroldus & Sifridus Ducis Guelfonis villici, Udalricus caprarius, aliique septem.

7. Walchuni exemplum æmulatus est frater ejus Hartnidus de Stainbach, pari nobilitate ac pietate insignis. Is aliud prædium suum, quod in Pfaffenhoven possederat, monasterio donavit in remedium animæ tam suæ, quàm parentum ac propinquorum, præcipuè fratris sui Hartmänni, ejus eadem die celebrabantur exequiæ, corpusque in cœnobio nostro terræ mandabatur. Donationem Hartnidus fecit per manum Walchuni fratris, testibus iisdem, qui hujus donationi ante memoratæ adfuerant. Hartnidus porro, auspiciato bonæ mortis omine, diem supremam obiit pridie S. Barbaræ Virginis & Martyris, sicut antiquissimum nostrum Necrologium testatur.

8. Liberaliorem se exhibuit vir Nobilis Udalricus de *Antorff*. Amiserat ille, nescio, an legitimo bello, an ex insidiis, alienā occisos perfidiâ fratres, & intersectorum cadavera apud Wessonis fontes sepulcro mandaverat. Motus igitur fraterna pietate, eodem die, quo eorum manes placaverat, ad majus defunctorum solarium parentūque suorum adjumentum, ut plures eis apud Deum suffragatores conciliaret, duo nobis prædia donavit, alterum in Maruta, in Haga alterum, solo sibi Advocati jure in eadem prædia reservato. Testes fuere Udalricus, Bernardus, Arnoldus de Antorff, aliique tum Suevi, tum Bavari. Atque his quidē donationibus auctas viderat Lantoldus monasterii facultates externas: nunc ad interiorem cœnobii statum convertatur.

(f) *Codex D. fol. 74. ubi & cætera hic recensita inveniantur.*

§. III.

Monasterii status interior.

9. **D**ubitari non potest, quin disciplina monastica sub Lantoldo non modo nihil antiqui vigoris amiserit, sed etiam incrementa sumperit, legibus præsertim Hirsaugiensibus omnia ad sanctissimam vivendi normam redigentibus. Neque scriptas solum habebant S. Wilhelmi constitutiones Wessofontani, verum etiam in ipso Lantoldo ac sex ejusdem sociis, egregio virorum delectu, viva earundem exempla præ oculis habebant. Accessit Lantoldi insignis zelus pro splendore domus DEI; licet enim Ecclesiam à Walthone acceperit quatuor novis ornatam sacellis, ad amplius tamen illius decus ac munimentum roboream templi januam in duas se valvas pandentem construxit, eamque fuis ære cardinibus solidavit. In medio ærea S. Petri imago effulgebat, & coram ea genuflexus Lantoldus, cujus ex ore hæc verba æreis fusa litteris ad S. Apostolum dirigebantur: *Sancte Petre*. Hic præterea versus in ære legabatur, sed divisus, ideoque perperam à descriptore collectus; sic enim legendus erat:

Lantoldi memores sint omnes ista legentes.

10. Superest, ut Parthenonem quoque Wessofontanum paululum inspiciamus. Tantum abest, ut is ex iniquitate temporum quidpiam detrimenti cepit, ut potius numero & pietate auctum existimem. Audivimus, plures illustres virgines ac viduas in eundem à S. Walthone susceptas; neque omnia earundem nomina per litteras ad nos pervenire; pleræque earum, nisi valide fallar, sub Lantoldo adhuc supererant; aliarum quoque accessu auctum fuisse sacrum gynæceum necesse est. Illud expeditione Henrici Advocati facile colligitur, qui à Lantoldo Abbate & conventu Wessofontano curtem in Paringen sive Pergen (qui vicus est hodie Landspergensis præturæ) sibi concedi postulavit eo pacto, ut duodecim sorores monachas cum duobus sacerdotibus ex monasterio nostro evocatas ibi deinceps aleret, omnem domus suæ decimam novæ coloniz adjecturus. Cautum tamen est, ut si intra biennium operi meditato coronidem non imponeret, curtis ipsa ad usum fratrum sine contradictione reverteretur. (g) Actum est negotium coram testibus Die-

terico de *Rieden*, Sigibothone *Krugio*, Conrado de *Grute*, Sigefrido de *Meglingen*, Adalberto Dapifero, aliisque duobus. An propositum suum executus fuerit Henricus, incertum est; dum enim Stephanus noster scribit: & ita factum est: obscurum relinquitur, an hoc de instituto novo monasterio sit intelligendum, an verò de prædio re infecta ad cœnobium nostrum reverso. Quidquid id est, satis lucullenter colligitur, numerosum fuisse parthenonem, ex quo duodecim moniales postulavit Henricus, non utique illum evacuaturus, sed plures inquilinas relicturus, quam adu-cturus. Quod si dimidiam partem petivit, saltem viginti-quatuor moniales fuisse colliges, numerum utique satis spectabilem, si temporum illorum acerbicatem consideres. Majora incrementa parthenius iste cœtus accepit sub Sigibaldo Abbate XVIII. de quo plura inferius.

II. Præter disciplinæ vigorem studia quoque litterarum egregiè promovit Lantoldus, sancti nimirum Wilhelmi consuetudinem æmulatus, qui teste Trithemio maximam litterarum curam habuit, ac propterea octo scriptores constituit in rescribendis SS. voluminibus & SS. Patrum libris perpetuò occupatos: hos libros distribuit monachis suis ad aliorum cœnobiorum regimina evocatis, tanta liberalitate, ut pauci admodum codices Hirsaugiæ remanerent. Lantoldus igitur, si post sexagesimum à S. Wilhelmi obitu annum volumina, quæ afferret, non habuit, certè inter comites suos monachos unum alterumve adduxisse credendus est, qui calami elegantiam scribendique arte floreret. Existimarem, si Chronologia pateretur, Ludovicum monachum inter eos unum & fortè principem fuisse. Certè Wulfhildis nostra sub Norberto & Lantoldo superstes esse faciliè potuit, & longius etiam, ut Ludovicus iste Epitaphium ejus concinnasse potuerit. A Lantoldi hujus tempore fluxisse credo consuetudinem, discrimen faciendi inter fratres litteratos & illiteratos seu barbatos, cujus vestigium sub Conrado Abbate vigesimo adhuc videbimus.

(g) Codex D. fol. 74. Contigit hoc 1163.



s. IV.

§. IV.

Lantoldi obitus.

Lantoldi è vivis excessus in Chronico vetere his verbis describitur; *Anno Domini 1165. obiit venerandus Dominus & Pater Luitoldus Abbas in Wessinsbrunnen in Vigilia Conceptionis Beata Maria Virginis.* Si Stephanus noster, ex cujus Chronico hæc decerpimus, ex cœvis Lantoldo documentis verba ista exscripsit, argumento sunt, eo jam tempore cultam celebratamque apud nos fuisse Conceptionem Deiparæ. Hoc porro, quod attulimus, totum Abbatis hujus funebre elogium est, quin de loco sepulture aliqua fiat mentio. Præfuit quinque annis ferè integris, die septima Decembris extinctus. Scribitur alicubi, sex annis tenuisse clavum: verum eum annorum numerum nec præcedentium, nec subsequentium Abbatum Chronotaxis patitur. Cæterum varietas nominis, cum Lantoldum seipse in templi valvis, Chronologus noster Luitoldum, Trichemiûs Lupoldum appellârit, neminem turbabit, nisi qui propiâ seu locorum seu hominum Teutonicorum nomina, contra omnem historiorum consuetudinem, ad unius ejusdemque libellæ voluerit examen vocare.

CAPUT III.

De Conrado I. & Udalrico I. Abbatibus.

§. I.

Conradus I. Abbas XVI.

Documento fuit hic Abbas hominibus, quam fragili cuncta mortalia nitantur pede; vix enim adeptus Præfulis dignitatem, eandem unâ cum vita, mortis imperio posuit. Decrescente anno, 1165. suffectus in Lantoldi locum, crescere in eximias spes videbatur: verum renascente anno 1166. priusquam aliquid decerneret, decrevit in tumulum, quadragesimo post electionem die circa festum S.

Antonii Abbatis, quod agitur 17. Januarii communi omnium luctu extinctus. Habebamus quidem jam antea Præsules microbios & parùm diuturnos, Hattone biennio, Adalbertum anno tantùm unico imperantem; at verò Conradus iste quadraginta dierum, jejunandi, non gubernandi tempus invenisse visus, præfagio cuidam fuit, octo etiam dierum Antistitem Fontibus imminere, Udalricum nempe secundum, anno 1260. electum, & septimanâ vix elapsâ defunctum. Verùm nos jam ad Udalricum I. convertimur.

§. II.

Udalricus I. Abbas XVII.

Alleviata monasterii paupertas.

1. **D**ifficillimum præfatus sui exordium Udalricus invenit. Nam cùm Principum auxilio nudum esset cœnobium, quibus bello implicitis non vacabat Ecclesiarum tutelam attendere, & præterea diuturna terræ sterilitas, sævities grandinum, pecorum lues facultates nostras vehementer affixisset, Udalricus cœnobium pene ad incitas redactum, & magna æris alieni mole gravatum deprehendit. Plurima vidit à decessoribus suis non decocta quidem, sed per temporum iniquitatem vel alienata vel oppignorata. Jam tunc Welfonis Ducis ministeriales Henricus & Hermannus de *Ramungen* duas curtes Peckstettenses in pignore tredecim marcarum à nobis acceperant. Henticus Advocatus tres curtes Weilenses pro mutuo triginta talentorum ære per aliquot jam annos possidebat. Stozzardus, civis Schongaviensis, duas magni pretii cruces aureas, & cappam, vestimenti Ecclesiastici genus, pro viginti talentis impignoratas asservabat. Nobili foemina Cunigundæ de Erringen marcz decem, aliæ decem Udalrico sacerdoti *Sandaviensi*, totidémque Luitoldo de *Mantichingen*, nullo quidem pignore, sed accepta datâque fide debebantur. Tam erat intricata rei familiaris ratio, ut qui nos hoc Labyrintho extricaret, Ariadnæo filo, & plusquam humano ferè ingenio indigeret.

2. Collatis igitur Abbas & Fratres consiliis in eam descendere sententiam, ut ex duobus malis minus eligendum, unâque grandi summâ
mutuâ

mutuò acceptâ tam diversis debitis occurrendum esse censuerint, velut Alexander, nodum tam implexum uno ictu dissoluturi. Verûmerit fortasse, qui remedium sic excogitatum ipso vulnere pestilentius iudicet, si conditiones attendat, quibus æs istud alienum susceptum est. Udalricus vir tum opibus propriis locuples, tum officio potens erat, in quo nostri fiduciam suam reponebant; commissam enim illi sciebant summæ Augustanz sedis œconomicam curam. Ab illo accepere centum marcas examinati argenti, præsentem Advocato Henrico, aliisque testibus multis: quas ille eo pacto mutuas dedit, ut ipsi & uxori ejus Machtildi quotannis à monasterio plaustra decem (a) onerata vino, in domo propria Augustæ, & quidem ad festum S. Andreæ persolverentur: ex qua conditione patet, quantos proventus illa ætate protulerint vineæ nostræ, cum tanta copia in censum annuum offerri potuerit. Præterea impignoravimus Udalrico prædia nostra Perghoven, Marbach, Plintenzell, quorum fructus in ipsius usum cederent, si qua annorum sterilitas, aliæve calamitas vinum nobis adimeret, creditori pendendum. Quod si verò fruges etiam prædiorum sæva grandine perderentur, ut ne frumentum quidem pro vino, posset recipere creditor, promissimus, in locum illorum fructuum decem argenti libras nos ad idem S. Andreæ festum persoluturos. Si denique neque vinum, neque ex prædiis frumentum, nec pro frumento pecunia dicto die fuerit persoluta, jam ex tunc liberam prædiorum possessionem, omniumque ex iis fructuum perceptionem, donec viveret, Udalrico concessimus. Præterea conventum est, ut si ipse Udalricus è vivis decederet, septem vini plaustra monasterio permanerent salva; tria tantummodò uxori supersiti mitterentur: contra verò, si prior ipsa obierit, tria nobis plaustra remanerent, septem reliqua ad superviventem Udalricum deberentur. Postremò pacti fuimus, ut si nos factæ conventionis aliquando posnituerit, totam commodati nobis argenti summam in Nativitate S. Joannis Baptistæ numeratâ pecuniâ solveremus, atque ita omnes præmissæ conventiones in irritum revocarentur. In hac conventionē comprehensum non fuit aliud quoddam prædium, cellæ nomine nuncupatum, quod Udalricus & uxor ejus, datâ nobis summâ quadraginta talentorum Augustanz monetæ, utendum acceperant, eo pacto ut ipse in testimonium jurisdictionis nostræ sex denarios pro censu annuatim persolveret: post ipsius verò, & uxoris mortem prædium ipsum cum universis mobilibus ibidem repertis in monasterii potestatem reverteretur.

3. Rebus ita compositis, acceptâque pecuniâ, ad extinguenda debita, redimendâque pignora Udalricus Abbas processit. Primum Henrico Advocato in redemptionem Wilensis prædii triginta, in redemptionem

nem verò prædii Aulungenfis octo marcas persolvit, utpote cùm pro eodem jam dudum alias octo solvissemus. Quatuor eidem Advocato marcas dedit Abbas, ut Fratribus in gerendo hoc negotio procedendi libertatem permetteret, nec ipse se unquam immisceret. De residuo argento quadraginta & octo marcae, tam ad redimendam Ecclesiæ nostræ fidem, quàm ad recuperanda pignora singulis creditoribus sunt persolutæ; decem verò postremæ ad cœmendum pro monasterio frumentum expensæ. Atque ita jam ferè nemini eramus debitores, nisi soli Udalrico, sedis Augustanæ œconomo.

4. Eodem ferè tempore Udalricus aliorum quoque fores pulsavit, & misericordiæ subsidia petiit. Documento est epistola ejus, quam initio ferè regiminis ad cœnobii Tegernsensis conventum dedit. Eam Pezius (b) recitat hæc verbis conceptam:

„ Sanctissimis in Christo Patribus, Dominis & fratribus Decano,
 „ Præposito & universo Tegernsensis Ecclesiæ Capitulo, V. Wessinbrun-
 „ nensium Fratrum DEI gratia, minister humilis, cum toto grege S. Pe-
 „ tri devotas orationes cum obsequio. Universitatem vestram, Deus
 „ scit, ita pleno mentis affectu colimus, sicut quibus plenariè debito
 „ Fratrum charitatis astricti sumus, quorum pax, & gaudium tam in
 „ spiritualibus, tam in temporalibus nostra sunt, & esse debent in Domi-
 „ no. Tribulationem, qua manus Domini tetigit nos, scitis jam & au-
 „ distis, quam in spiritu contriti cordis & humiliati, beatæ, in vobis
 „ habitanti illi, quæ nunquam excidit, charitati conquerimur. Hoc igi-
 „ tur à vobis omnibus in subsidio ruinarum domus nostræ flagitamus, ut
 „ quoniam Ecclesia grandis fidelium, DEO jubente, convenire debeat
 „ apud vos, collectam nobis petere concedatis, & ipsi ad eam promo-
 „ vendam nos misericorditer adjuvetis, ut Pater misericordiarum Deus
 „ centuplicato vobis fructu & hic & in futuro restituat, & nos fideliter
 „ in perpetuum mereri debeamus.

Nullus dubito, quin inde etiam inopiz levamen Conradus acceperit, tanquam ab illis, qui, ut aliàs diximus, (c) monasterio nostro post illatam ab Hungaris vastitatem, vel fraternitate nobiscum conjuncti fuerant, vel etiam S. Ordinis apud Fontes nostros denuo restaurandi sive adjutores sive authores fuère.

(a) *Codex habet*: decem carradas. (b) *Tun. 6. Anecd. P. 2. fol. 21. col. 1. num. XLIV.* (c) *Sæc. III. Cap. I. §. IV. sub Præposito sexto.*

§. III.

Gravis in Udalricum Abbatem persecutio.

1. **U**Dalricus iste oeconomus, cujus nomen auspiciatum nobis videri debuit, gravissimæ calamitatis occasio fuit; nam dum illius ope temporaneas difficultates paululum alleviavimus, in damna spiritualia devoluti sumus. Nuperrimè Conradus de Lyzlstein Episcopus Augustanus Welfonis (a) assecla, in bello, quod inter Ducem hunc, & Palatinum Tubinganum exarserat, profligato multisque cædibus afflicto Welfone, rerum humanarum turbarumque pertæsus, dignitate se abdicârat, & in S. Udalrici cœnobio Augustæ monachum induerat. (b) Viduatæ Ecclesiæ de Pastore provisiuri Canonici postulârunt Hartvvicum de Lierheim ejusdem monasterii Priorem, qui plures jam annos à Conrado decessore administrator adhibitus, cathedræ collegio dexteritatem prudentiâque suam præclarè præbaverat. (c) Is clavo admotus non jam occidentem, sed orientem solem adoravit, non adulatione, non animi levitate, sed Ecclesiæ suæ studio, cujus opes Imperatorum Ducumque dissidiis admodum viderat imminutas. Non igitur jam Welfonis nuperrimè devicti, sed Friderici Cæsaris partem, familiâque coluit: & hic aculeus in oculo Welfonis fuit. Speraverat iste, Dux aliòquin æquissimus, & fortissimus, meritòque Germaniæ Achilles appellatus, speraverat, inquam, extincta Schvvabeckianorum Comitum stirpe, qui eò usque Augustanæ Ecclesiæ fuerant Advocati, in eorum officium se successurum. (d) Verùm Hartvvicus Duces Sueviæ elegit Advocatos, e quorum sanguine Fridericus Imperator descendit; qui, cum iniquo esset in Welfones animo, haud dubiè neglectis propinguis suis Hartvvico fuerat irasciturus. Welfo igitur repulsæ impatiens ocellare iracundiam suam non ita poterat, quin aliorum oculos animosque feriret; præcipuè cum jactatis hincinde querimoniis Hartvvicum ejusque asseclas schismatici Cæsaris partibus favere causaretur contra Pontificem, cui ipse cum omni familia pro avito Religionis studio semper fuisset addictissimus.

6. Mirum non est, perculos fuisse quorundam animos, cum servandæ in summam sedem pietatis leges audirent ab Episcopo violatas. Non deerant, qui crimini ducerent ac reformidarent, quamcunque cum Hartvvico societatem inire. Et planè Udalrico Abbati nostro pessimè vertit, quòd Episcopale ærarium, ut obtendebatur, in rei domesticæ subsidium

nuper vocasset; cum tamen Udalricus ille, creditor noster, non tam Episcopo, quam Ecclesie, vel Capitulo Augustano serviret, tamquam *Augustensis sedis* (domus, seu summæ ædis) *Villicus major* ac oconomus. Quidquid id est, fuere duo ex monachis nostris; Carolus & Henricus, sive Welfonis instinctu, quod verosimillimum, sive intempestivo scrupulo incitati, qui non tam verâ ducti poenitentia, quam eandem in Abbatis invidiam & Welfonis gratiam simulantes, Romam current, veniam à summo Pontifice petaturi criminis, quod Abbatem schismatico Episcopo adhaerentem essent secuti. Ut simulatam fuisse eorum poenitentiam suspicari audeam, argumento mihi est Welfonis epistola, quam secum isti ad Pontificem detulerunt. Ab illo itaque absoluti, domumque remissi geminum diploma reportavere, quorum primo ipsi ad monasterium recipi, altero Abbas in perpetuum excludi jubebatur: operæ pretium est utramque Bullam apponere.

Bulla prima

pro receptione Caroli & Henrici.

Alexander Episcopus, servus servorum Dei. Dilectis filiis Capitulo S. Petri in Wessinsbrunn salutem & Apostolicam benedictionem. Ex relatione Henrici & Caroli fratrum vestrorum, & ex litteris dilecti filii, nobilis viri, Ducis Welfonis, manifestè nobis innotuit, quod iidem fratres vestri ei, qui apud vos Abbatis locum tenebat, adhaerere minime dubitaverunt, cum idem Abbas schismaticus sit, & schismaticam foveat pravitatem. Unde quia prefati monachi, sicut ex eorum confessione & ex litteris prefati Ducis accepimus, recesserunt ab ipso, & ad devotionem nostram & unitatem Catholicam redierunt, nos eos, ad nos sicut videtur, prompta devotione conversos, paterna charitate recepimus, ipsosque secundum morem Ecclesie absolvi fecimus, & absolutos cum gratia ad ecclesiam vestram duximus remittendos. Mandamus itaque discretioni vestra atque precipimus, quatenus prædictos Monachos sicut absolutos recipiatis, & faciatis absolutos haberi, quia dignum est & conveniens, ut à DEI fidelibus sicut absoluti debeant recipi, quos Apostolica sedes iudicat absolutos. Datum Anagnia secundo Calendas Octobris.

Bulla

Bulla secunda

pro exclusione Udalrici Abbatis.

Alexander Episcopus, servus servorum DEI. Dilectis filiis Capitulo St. Petri in Weßinsbrunn salutem & Apostolicam benedictionem. Retulerunt nobis Henricus & Carolus Monachi vestri, quod cum quondam Abbas vester pro suis excessibus per vos ejectus fuisset, postmodum vos ab obedientia sua, spontanea voluntate prorsus absolvit; sed Augustensis Episcopus, qui Schismaticus est, ei administrationem monasterii restituere modis omnibus elaborat. Quoniam igitur, cum idem Abbas Schismaticus sit, sicut dicitur, & Schismaticam foreat pravitatem, sustinere nolumus, nec debemus, ut ad monasterium, praesertim per Schismaticum, revertatur: per Apostolica vobis scripta precipiendo mandamus, quatenus si idem Abbas Schismaticus est, & vos absolvit ab obedientia sua, ipsam ulterius sicut Abbatem recipere nullatenus presumatis. Datum Anagnina secundo Calendas Octobris.

Ex altera hac Bulla apparet, jam ante adornatam eorundem Pontificis accusationem, exagitatum vel à suis vel à Gueffone fuisse Abbatem, ut ad tempus Augustam se reciperet Episcopi opem imploraturus, atque ita per qualemcunque absentiam monachos absolvisse ab obedientia videretur: aut certe si verè absolvit, id non de toto conventu, sed de dysscolis solum intelligendum est, quorum importunitas extorquere Abbati vel invito iniquam absolutionem potuit, quam ego nil aliud reputandam arbitror, nisi calumniam impactam Abbati tunc quidem calamitoso, ceteroquin optimo, ut reliqua ejus acta monstrabunt.

7. Interea dum Henricus & Carolus per nobile fratrum, utro citroque profecti revertuntur in patriam, & Abbatis condemnatio solis ferè accusatoribus æqua, plerisque cæteris miserabilis ac justo asperior nec nisi subreptitis-obtenta videtur: dum nonnulli patris optimi monasterioque saluberrimè consulenti causam defendere, aut excusare parati in medium prodeunt, ipsam sententiae executionem eò usque protrahi contingit, donec plurimis ipsius innocentia magis magisque patefceret, utpote qui non cum Episcopo, sed solo ipsius Ecclesiae oeconomio negotium habuisset, non voluntate, sed necessitate adaectus. Non est dubium, re ad Episcopum, nondum planè Schismatis convictum, delatà, cujus fama & autoritas eandem Bullà gravissimè vulnerabatur, ipsum quoque Ab-

batis causam, quem innocentem noverat, sibi tuendam suscepisse: unde Pontifex veriora edoctus mitigare utique & laxare sententiam fuerit permotus. Certè ipse Guelfo Dux noster, paulo post conciliatus Cæsari, Tusciam ab eodem donatam accepit, ipsiusque autoritate contra Hægonem Tubinganum defensus fuit, sicut apud Adelzreitterum, novissimum Bojariz Historiographum, benevolus Lector inveniet. (e) Udalricus noster Abbatis dignitatem nunquam deposuit, monasterium multis bonis cumulavit, ipsum denique Guelfonem sibi & Ecclesie nostræ beneficium habuit, in sextum usque annum feliciter præfuit, nec nisi morte compulsus è loco in tumulum decessit. Ita omnis turbo, in Abbatem excitatus, veritatis luce dispulsus evanuit, & acerba vexatio, quæ perditum ire Udalricum credebatur, in monasterii commodum versa adeo nobis poenitenda non fuit, ut etiam exoptanda fuisse videatur.

8. Hæc, quæ de persecutione in Udalricum I. Abbatem excitata domitæque hucusque dixi, nullibi in Chronicis nostris hoc loco ac tempore relata inveniuntur, sed in omnibus manuscriptis tribuuntur Alexandro non tertio, qui ab anno 1160. usque ad annum 1181. præfuit, sed Alexandro quarto, qui sedit ab anno 1254. usque ad annum 1261. Non miretur Lector, hæc à me Alexandro tertio fuisse adscripta, cum quarto adscribi non possint sine errore gravissimo. Nam in primis in priore Bulla superius relata expressè nominatur Guelfo Dux: atqui sub Alexandro IV. diu jam apud Bavaros extincta erat Guelfonum stirps & memoria, cum ab anno 1180. jam præessent Bavariz Duces gentis Wittelspachiz, ac sub dicto Pontifice quartus ejusdem sanguinis Ludovicus severus ab anno 1253. Bojis præsideret usque ad annum 1294. Quomodo igitur Guelfo Pontifici post centum ferè annos electo scribere potuit? Præterea Augustanz Ecclesie præfuit sub Alexandro IV. Hartmannus ab anno 1252. ad annum usque 1286. Episcopus laudatissimus, nulla unquam ab ullo Historicorum Schismatis cujusdem suspicione notatus. Quomodo ergo Schismaticus iste Schismaticum Abbatem defendere potuit? Denique eodem anno, quo Alexander IV. sedere cœpit, electus est apud nos Abbas Otto, & præfuit sex annis, de quo nihil legitur, quod Schismatis illi labem aspergeret: licet tunc inter Episcopos Albertum Frisingensem ac Ottonem Passaviensem ex una, ac Henricum Bavariz inferioris Ducem ex altera parte res fuissent admodum turbatæ: sed nihil hæc ad superiorem Bavariam, triennalis tamen sacrorum interdictio conciliatis cum Duce Episcopis anno 1255. penitus fuit sublata. Omnia ergo, quæ dixi de Udalrico I. Abbate, melius Alexandri III. Papæ, Hartvvici Episcopi Augustani, Guelfonis Ducis, Friderici Barbarossæ tempo-

temporibus congruunt. Atque ita necum sentiet, quisquis ætatis illius Chronologiam ac historiam accuratius examinaria.

(a) *Hierarch. Aug. P. I. f. 222.* (b) *Ibid. f. 220.* (c) *Ibid. f. 223.* (d) *Ibid. f. 224.* (e) *P. I. Annal. Lib. 22. Col. 14. & 29.*

§. IV.

Emolumenta monasterio acquisita, aliâque negotia.

9. **D**ona fidelium monasterio nostro collata possunt esse argumento, tam Abbatis famam per memoratos turbines stetisse inconcussam, quam regularem disciplinam egregiè floruisse; hoc enim odore trahi benefactorum liberalitas solet, & cœlestis benedictio conciliari, quæ certè dilabitur & fugit, ubi virtus & debita summæ sedis devotio incipit exulare. Primus igitur memoratur Egilolfus de *Iginspach*, homo liber, qui super altare S. Petri Deo & fratribus solemnem donationem fecit unius mansi in *Iginspach*, testibus Henrico advocato, Adalberto de *Ludenhufen*, Henrico & Friderico de *Ißingen*, & aliis quatuor.

10. Henricus de *Menzingen*, nobilis vir, prædium suum, quod in eodem pago habebat, in manum *Altumi*, liberi hominis, consignavit, post mortem suam trahendum ad altare S. Petri. Ipse Henricus, cum hac ratione animæ suæ de æternitatis solatio providisset, ad castra, sacramque militiam profectus est, ac in prælio cæsus occubuit. Cujus morte compertâ *Altumus*, uti rogatus fuerat, prædium solemniter super S. Petri altare obtulit pro anima tam Henrici, quam parentum & propinquorum ejus. Testes aderant Henricus advocatus, *Bertholdus Comes de Tirol*, *Dietericus* & *Sibotho Cruge* cum aliis tribus.

11. *Wizimannus* quidam, spectabilis vir de *Prideriching*, pro remedio animæ suæ curtem unam in *Mahelberg* Deo & fratribus ad altare S. Petri festiva donatione tradidit coram testibus *Goteschalco de Perga*; *Adalberto* advocati nostri pincerna; *Adalberto Musal*; *Conrado* & *Henrico* fratribus de *Grute* cum aliis tribus. Animadvertite, Lector, *Henrici de Stauffen* Advocati nostri potentiam ac magnificentiam, qui proprium pincernam similisque ministros more Principum habuit: sed mirari defines, cum audieris, tantopere illum, & maximè de monasterii nostri facultatibus, locupletatum.

12. Rudolphus liber homo de *Thale* duo in eodem loco armenta & pingua prata, pratis nostris contermina, tradidit usui fratrum, ecclesie Wessobrunneni in perpetuum profutura. Testes donationis fuerunt Bertholdus de *Tranbing*, Luitoldus de *Thale*, Conradus *Mann*, Luitthalmus & Geroldus Hagestalt cum aliis quatuor.

13. Foeminarum quoque liberalitas Udalrico Abbati non desuit. Nam Matrona nobilis Gerbirga de *Westendorff* per manum Godefridi Comitissæ de *Rumesparg* (†) tradidit, ac S. Petro mancipavit militem quemdam Adalberonem, & sorores ejus cum uno manso in *Westendorff*, sic tamen pacta, ut prædictus miles, quoad viveret, manso illo frueretur, post ejus verò excessum ad Ecclesie nostræ possessionem mansus revertetur. Actum coram testibus Conrado & Ruperto de *Martinsried*, Tatone de *Lodern*, Adalberto de *Retenbach*, & aliis quinque.

14. Denique & ipse Dux Welfo, ex irato jam in liberalem mutatus, suam Udalrico Abbati benevolentiam & munificentiam ostendit. Nam Udalrici de *Pfetten* ministri sui sororium, cujus nomen non proditur, cum dimidio manso in *Nidernhofen* S. Petro & fratribus in perpetuum tradidit, sic tamen, ut primum post illius sororij mortem plena possessio ad monasterium perveniret. Henricus & Hermannus de *Ramungen*, Marquardus de *Pyckland*, & alii tres adstiterunt traditioni testes.

15. Albero filius Arnoldi de *Vindingen* beneficium Schwabhusanum, quod ex paterna hæreditate possederat, Udalrico Abbati totum resignavit: qui illud ipsum Henrico de *Grute*, ministeriali Wessofontano, tradidit ea conditione possidendum, ut, etiamsi Henricus filios fortasse relinqueret, tamen post ipsius obitum S. Petro & fratribus protinus restitueretur. Ad evitandam omnem fraudem, vitandumque fallendæ conventionis periculum Henricus datâ loco juramenti manu in Abbatis manum solemniter fidem promissit anno 1170. præsentibus de conventu quibusdam fratribus, & testibus aliis per aurem tractis, quorum hæc sunt nomina: Ortolphus de *Praitensee*, Engelbertus de *Frucines*, Hartmannus *Suzel*, Henricus de *Schwabhausen* & frater ejus: ex monachis verò Luitoldus, & Udalricus, cognomento *Cecur*.

16. Præterea prædium Penninriedense Abbas Udalricus Sigibotoni de *Tattenhofen* eo pacto concessit, ut ille, quoad viveret, usu fructuum potiretur, & armentum vaccarum in loco constitueret: post ejus verò ex-

ect-

cessum ille cum rebus omnibus ibidem repertis ad Ecclesiam S. Petri reverteretur. Ita convenit coram testibus Henrico de *Greut*, Udalrico de *Erphingen*, & aliis tribus.

17. Prædium quoque in Leibines, quod Lantoldus Abbas Conrado Henrici Advocati Præposito ad dies vitæ concesserat, ejusdem Præpositi morte jam liberatum Udalricus Abbas in monasterii proprietatem recepit. Ex quibus omnibus satis manifestum est, quàm liberaliter Deus piissimo huic, & solertissimo Abbati difficillima regiminis sui exordia & persecutiones cœlesti benedictione compensârit. *Nemo speravit in Domino, & confusus est (g).*

(f) Godefridus iste cum Henrico patre, Bertholdo fratre, & Irmengarde sorore fundavit Imperiale monasterium Urfinense nostri Ord. Hierarch. Aug. P. III. Regulari fol 363. (g) Omnia hæc predis Codex D. 2 fol. 80.

§. V.

Obitus Udalrici Primi.

SEquens elogium Chronologus noster Abbati optimè merito tribuit: *Anno Domini 1172. obiit venerandus Pater & Abbas Udalricus primus, in die Circumcisionis Domini, & plura bona obtinuit monasterio in absolvendis prædictis & vitalibus, ex sterilitate annorum subtrahis.* Hæc Stephanus. Præfuit verò Udalricus annis sex ferme integris, utpote anno 1166. mense Januario electus. Videtur septimo ante obitum die resignasse, vivusque cum fratrum consensu Sigibaldum sibi successorem designasse, certè exoptasse; nam iste anno 1200. secundo Januarii in octava S. Stephani decessit, postquam 28. annos, & octo dies præfuisset: ergo jam 1171. in festo S. Stephani electus fuit, quo die Udalricus adhuc erat in vivis. Electionum verò sic festinatarum, quarum exempla jam plura vidimus, non reor aliam fuisse causam, quàm ut monasterii commodo consulereetur & quieti, ne scilicet in vacuam sedem potestate Imperatoria, quod non rarò tunc accidit, iavitis monachis, alienigena posset Abbas intrudi.



CAPUT IV.

Sigibaldus Abbas XVIII.

Abbatum omnium post S. Walthonem facile præstantissimus cepessit, ut paulò ante dictum est, sacros fasces anno Domini 1171. in festo S. Stephani protomartyris, eosque felicissimè gessit summa suâ gloriâ & monasterii emolumento per annos octo & viginti. Cujus præclara gesta in certa capita digeremus.

§. I.

Fidelium donationes, ac imprimis Guelfonis Ducis.

1. **P**rimus inter benefactores, quorum liberalitatem expertus est Sigibaldus, fuit Dux Guelfo. Habebat ille inter ministeriales suos Marquardum de *Pyckland*, cui ad dies vitæ beneficii loco possidendas concesserat duas curtis in *Pirschwald*. Defunctus est Marquardus sine hærede legitimo, qui in bona succederet: ad Ducem igitur vacuata possessore prædia redierunt. Opportuna Sigibaldo & fratribus visa est hæc occasio, Guelfoni supplicandi, ut pro eximia sua in cælitibus pietate ambas curtis S. Petro transferiberet, ideò maxime utiles futuras, quòd sitæ essent in medio prædiorum jam ante ad monasterium pertinentium. Nec difficiles Ducis aures Sigibaldus invenit: Nam accedente etiam Henrici Leonis voluntate, ita Deo & S. Petro tradere memoratas curtis consensit, ut ipse eas usque ad vitæ suæ terminum possideret, post illius excessum in proprietate monasterii, tanquam perpetuum liberalitatis suæ mnemosynon, nostræque erga ipsius manes gratitudinis excitamentum futuras.

2. Anno 1175. Guelfo Dux, magnificentiæ suæ spectaculum edicturus ad celebrandam secum Pentecostes festivitatem, Principum Imperii, Nobilium Vassallorum, & ministerialium splendidam multitudinem invitavit in locum, qui Gunzile, seu, ut moderni historici interpretantur, *Cencio legionum* antiquitus dicebatur. In comitatu Möringano haud longè Augusta Vindelicorum quidam fuisse situm autumant, campum propatulum & amplum, in quo sub dio ingenti hominum turbæ parari convivium posset. Alii in ipsa civitate Augusta situm fuisse hunc locum affirmant.

mānt. Mihi suspitionem facit author Hierarchiæ, qui *Gunzilach seu Heptaticus* unum eundemque fuisse locum videtur innuere. At verò Heptaticus non est alius, nisi hodiernus Sueviæ pagus Epfach, medio fere inter Schongaviam & Landspergam itinere ad Lycum situs, olim S. Wiſſerpi patrimonium, & Episcopi facti à turba refugium, S. Herluæ incolatu celebris, pluriùmque illustrium scæminarum sanctitate inclytus; &, ut paulo post videbimus, Sigibaldi etiam tempore frequentatus; neque incommodus Guelſoni Pentecosten celebraturo, qui ab arce sua Schongavienſi horulæ fere spatio huc defluere secundo Lyco poterat (a).

3. Verùm quiscunque fuerit locus ille, eo delatus Dux, præſente Magnatū copiâ, ſolemne prædiorum Pirschwaldenſium donationem fecit, eamque gravissimis teſtibus firmavit: quos, olim animis tam discordes, ad unum confluisse festum, & invitante quidam Guelſone, quivis mirabitur, qui Germaniæ historiā vel extremis labris gustavit: Eorum nomina à Chronographis nostris hoc ordine recententur: Hugo Comes de *Tübingen*, & filius ejus Rudolphus. Ottocarus Marchio Styriæ. Otto Comes Palatinus de *Wittelsbach*. Dietboldus Marchio, frater Bertholdi Marchionis de *Vohburg*. Eginus Comes de *Vainga*. Eginus Comes de *Ura*. Perchtoldus Comes de *Levenſtein*. Henricus Comes de *Ramſperg*. Perchtoldus Marchio *Iſtria*. Conradus Dux *Dachoviensis*. Henricus Comes de *Pliga*. Henricus de *Stauffen* Advocatus noster. Pillungus de *Tettenried*. Udalricus de *Seewald*. Udalſcalcus de *ſſfeldorf*. Bernardus de *Weilheim*. Otto de *Aſchberg*. Aderant teſtes utriusque Ducis minifteriales, alique permulti numero triginta duo.

4. Crederes, tanta donatione recreatum Sigibaldum nihil aliud, niſi quas quantasque gratias pro beneficio ageret, cogitaſſe. At illius animum major pro monaſterii commoſo ſollicitudo effudit. Egit gratias pro ſumma ſua ſacundia copioſiſſimas. At qua erat in Deum ipſumque Ducem confidentiâ, opportunam protinus occaſionem quaſivit, donationis ſecuritati ac perpetuitati conſulendi. Conſiderabat enim, *mandum eſſe in maligno poſitum*, neque humanæ fidei magnas inædificari arces poſſe; non immerito metuens, ne, ſi Guelſo ad obitum uſque ſuum prædia illa poſſideret: quilibet legitimorum ejus hæredum materiam ſibi opportunaſſe putaret, in ſuum jus vendicandi, quod à juſti poſſeſſoris exceſſu relictum videbatur. Alio igitur loco, quem hiftoricus noster non prædicat, bonam horam alloquendi Ducem aucupatus, profunda non minùs animi demiffione, quàm eximio germanoque candore rogavit, dignaretur

Guelfo duas curtes Pirschwaldenses, sicut eas liberaliter delegaverat, ita jam nunc monasterio liberè possidendas transmittere, accepto in earum vicem quinque talentorum pretio, aliisque duabus curtibus in Pekteten: super quibus scilicet Abbas nullam ex parte hæredum à Ducis obitu quæstionem oborituram noverat. Annuat æquissimus ac mitissimus Dux: suscepit quinque talenta cum curtibus nominatis, ad dies vitæ possidendis, & post ipsius obitum in jus Ecclesiæ nostræ transcuris. Hujus pactionis testes adhibiti sunt ex ministerialibus Guelfonis Ortholfus de *Peysenberg*, Dieto de *Ravensburg*, Bertholdus de *Furt*, & Werinherus ejusdem filius. Præterea Fridericus de *Waldburg* cum Henrico fratre, & Henricus *Gasser*. Viri Nobiles Pillungus de *Tettenried*, & Udalricus de *Antersf.* Insuper Henricus comes de *Ramispurg*, ac ejusdem ministeriales Conradus de *Ladern*, & Rudigerus de *Pforzheim*. Accesserunt ministeriales Ecclesiæ Augustanæ Albericus de *Thalboven*, Gerboldus de *Socke*, & Udalricus de *Hopsen*. Atque ita lætus ad suos Sigibaldus reversus est, & cum fratribus suis jucundissimo nuncio recreatis largiffimas Deo gratias reddidit.

(a) De hoc loco sæpius egimus, præcipue Sæc. IV. Cap. X. §. IV.

§. II.

Donatio Comitis Wolfratshufani.

1. Illustrissima fuit Wolfratshufianorum Comitum prosapia, quippe ex Comitum Andecensium radice descendens, vario deinceps nexu cum Schyrensi & Wittelspachia stirpe, sicut jam antè, conjunctâ. Henricus comes de Wolfratshufen, Ottonis tertii frater, secundi filius, primi nepos, majorum suorum exemplo, qui ordinem S. Benedicti singulari prosequerantur amore, Wessofontanis favendi pèculiarem habebat causam, & quasi hæreditariam, sicut alibi diximus (b).

6. Opportunam illi præstandæ beneficentiæ occasionem præbuit vicina villæ Raistingensis. Habebat in ea mansum, quem Luitoldo de Hurlach, Ecclesiæ Augustanæ ministeriali, in vitalitium concesserat, acceptis ad ipso jam antea duodecim argenti marcis. Hunc mansum Comes religiosus tradidit ad altare S. Petri Fratribus Wessobrunnenis cœnobii post fata sua servitutum. Paulò post è vivis excessit Henricus: Luitoldus mansum à se possessum jam reddere monasterio tenebatur, nec recusabat: duodecim tantum marcarum, Comiti olim datarum, jactu-

ram

ram dolebat. Sigibaldus igitur Abbas querimoniam pensans æquitatem, Luitoldo mansum illum in beneficium censuale ad dies vite concessit, ea conditione, ut Luitoldus singulis annis quinquaginta nummos, ad festum verò S. Andreæ, quo tunc temporis Ecclesiæ nostræ dedicatio celebrabatur, sexaginta nummos monasterio in censum daret, quo semel omisso simul & beneficium esset amissurus: post obitum verò illius nemo filiorum sibi mansum vendicare præsumeret, sed ille integer ad monasterium reverteretur.

(b) *Vid. Sac. IV. Cap. X. §. III. de B. Agnete Wolfratshusia.*

§. III.

Donatio Luitoldi de Hunsoln.

Hunsolgorum familiam inter nobilissimas olim fuisse, diversis constat monumentis. Ex eadem S. Walcho Sigibothonem inter monachos, Adelhaidem verò Henrici de Hunsoln uxorem unā cum filia inter Sanctimoniales Wessofontanas adscripserat. In majorum igitur suorum memoriam ac animæ suæ solatium Nobilis Clericus Luitoldus de Hunsoln, cujus parentes Henricum & Adelhaidem, antè memoratos, fuisse meritò suspicamur, prædium quoddam in Hunsolgen S. Petro solemnī delegatione donavit. Fratrem is habebat Hessonem, eundemque rerum suarum advocatum: per hujus manum Luitoldus prædictum prædium tradidit in manus viri nobilis Ottonis de Iglingen, ut ipse illud legitima donatione Ecclesiæ nostræ consignaret. Res gesta est magna solemnitate, virorumque illustrissimorum ac numerosæ plebis præsentia in Epsach seu *Eptatico*, cujus loci celebritas jam superius insinuata majus ex hoc actu argumentum accipit. Nam definito consilio illuc indicta est dies, qua Luitoldus factā populi concione Ottonem de Igling rei gerendæ admonuit, jamque & Fratres Wessobrunnenses S. Petri Apostolorum Principis Reliquias eò deportaverant. Otto igitur prædictum prædium publicè S. Petro donavit, defendendumque ac monasterio conservandum commendavit Henrico de Stauffen Advocato nostro. Eadem donatio solemniter à nostris recepta, ac testibus confirmata est, quorum præcipui Marchio Dominus Bertholdus de *Andechs*, Henricus de *Stauffen*, Udalscalcus pater, & Bertholdus filius de *Isseldorff*, Bernardus de *Weilheim*, Hartnidus de *Stainbach*, Henricus & Bertholdus de *Fagen*; quibus alii novem obscurioris nominis accesserunt. Videtur planè ex hoc ipso summorum testium conventu celeberrimus Eptatici locus fuisse, magnis

Ec 2

que festivitatibus & consiliis agitandis opportunus; qui tamen, teste Martino Abbate Faucensi, postea Templariis Equitibus traditus, iisque extinctis varios passus dominos, ad pagi vilitatem decidit, demum toparchiæ nomine sub tutela Bojarie Principum monasterio Staingadensi subjectus, sub cuius cura tam temporalis, quam spiritali hodieum con- quiescit.

§. IV.

Donationes aliæ variorum.

7. **A**NNO 1181. sub Friderico Barbarossa Henricus Comes de Tirol pro remedio animæ suæ, fratrisque sui Bertholdi donavit S. Petro liberaliter vineam territorii Rufiani in loco, qui *sub desso* vocabatur, eamque sine omni censu possidendam tradidit: pro censu verò seu pensione inde solvenda designavit aliam suam vineam in propinquo sitam, ex qua census ille penderetur, ut nos omni onere liberaret. Donationem firmaverunt testes nobiles ac ingenui Hezil, Henricus, Albertus: præterea Henricus & Marquardus ex ministerio Comitis. Hac donatione non contentus Henricus Comes alium adjecit agrum prope castrum proprio nomine *Tirol* appellatum, eumque iterum omni censu liberum voluit, alio ejusdem territorii fundo in ejus locum substituto, ut nobis omni molestia exemptis ipse Comes ex proprio onus allevaret.

8. Witalo liber homo, & uxor ejus Hilta S. Petro, ejusque Fratribus Wessofontanis delegaverant dimidiam hubam in Prunnen pro remedio animarum suarum, parentum & propinquorum. Eodem porro tempore alius æquè pius ac religiosus vir, nomine Rudolphus, & uxor ejus Perthas, situm in eadem Prunnen villa dimidium mansum habebant: insisterunt igitur apud Sigibaldum, ut dimidia illa huba, à Witalone donata, beneficii loco ipsis concederetur ea conditione, ut ipsi prædium suum S. Petro delegarent, & hoc, sicut hubam prædictam, beneficii loco acciperent: utraque verò, tam huba, quam prædium post ipsorum excessum in proprietatem Fratrum reverterentur.

9. Herimannus de Prandenberg homo nobilis, Hierosolymam profecturus, ut Deum sibi propitium redderet, animæque suæ de salubri remedio provideret, tradidit ad altare S. Petri prædium Prandenbergen- se fratribus perpetuò fruendum, si de itinere suscepto non esset reversus, vel post reditum suum nullos liberos suscepturus. Abiit Herman-
nus,

nus, & in via seu contracto morbo, seu itineris labore fractus decessit quarto die Maji, in festo S. Floriani Martyris.

10. Sigifridus de Schongau, minister Henrici Leonis Bavariz Ducis, hubam unam in Nidernhoven ad altare S. Petri obtulit, in perpetuum utilitatibus fratrum servituram. Mansum istum seu hubam Sigibaldus in beneficium concessit Sibottoni *Voloni*. Verum, nescio qua de causa, Sigifridus donator concessioni huic reclamavit, timens fortasse, ne malè consultum esset monasterio. Quare ne benefactor offenderetur, & alter spe suæ frustratus contristaretur, Sibottoni promissus est alius mansus in Obenanc, & prædium à Sigifrido donatum ad monasterium rediit.

11. Alius ejusdem Ducis Henrici minister, Henricus de Selewe, cum gravi detineretur infirmitate, nec procul abesse excessum suum adverteret, consulturus animæ suæ saluti, suæque in divum Petrum ac coenobium nostrum devotionis monumentum relicturus, Henricum & Conradum filios suos ad monasterium misit, ac per eorum manus ad altare sancti Apostolorum Principis in alimoniam fratrum Deo servientium pro se parentibusque defunctis tradidit hubam unam in Raistingen coram copiosis testibus, eodem die, quo Ebersriedense prædium magna nobis solemnitate tradebatur, ut mox narrabimus.

12. Decefferat è vivis vir & genere & opibus potens Gebhardus de Chuzinghoven, & quam pridem sibi elegerat vivus, sepulturam mortuus in monasterio nostro acceperat, spectabili nobilium numero assistente. Principes exequiarum erant filii ejusdem Hilteprandus, Gebhardus, & Henricus. Et posteriores quidem duo, natu minores, Deo & S. Petro pro anima patris sui, omniumque majorum ac propinquorum prædium in Eberhersried solemniter tradiderunt, fratribus Wessofontanis perpetuo serviturum. Fratrum juniorum pietatem æmulatus est natu maximus Hilteprandus, qui & ipse prædium suum in Hettenhausen eodem die, quo pater tumulo inferebatur, in ejusdem animæ solatium, & omnium de familia defunctorum S. Petro donavit.

13. Memoratu digna est alia conventio eodem tempore inita, quæ prædicti fratres germani petierunt, nosque obligatos esse voluerunt, ut ubicunque terrarum in orbe Romano, id est, intra Imperii limites, quisquam illorum trium vitâ defungeretur, nostro, si opus fuerit, studio ac labore ad monasterium sepeliendi deferrentur. Assensimus eorum pie petitioni, & plenam eisdem germanis fraternitatem, meritorum nempe

communione & Christianæ charitatis obsequia, vivis mortuisque ad-
diximus, ac fideliter conventis pactisque nos staturos promissimus.

14. His omnibus annecti meretur Henricus quidam de Menzingen, liberalioris genere claræque familiæ. Is singulari ductus religione semetipsum lege tributaria S. Petro, & Ecclesiæ Wessofontanæ tradidit, votoque obligavit, per singulos annos in festo S. Petri quinque nummos persolvendi. Similes sui ipsius traditiones & annuas redemptiones ea tempestate tum in Germania, tum aliis regnis fuisse usitatas colligimus exemplo Waltheri de Birbach, ex equite Nobilissimo conversi Cisterciensis, & B. Marini, Fratris S. Petri Damiani, qui tali pacto Deiparæ Virgini se mancipasse leguntur. Ludovicus item Baviaræ Dux filium Ludovicum S. Leonardo in Inckhofen Thaumaturgo devovit, sequæ ipsum huic Divo mancipem fecit, ac annuatim redemit certâ pecuniæ summâ ad aram illius persolutâ. (c)

(c) Anno 1403. *Traß. de S. Leonardo Auth. Martino Abb. Fürßensfeld. edit. Monachii 1652.*

S. V.

Donationes factæ pro filiabus Nobilium in Partbenonem Wessofontanum susceptis.

15. **N**umerosum fuisse monialium nostrarum claustrum, jam supra monstravimus. Et sanè Sigibaldo Abbate majora sumpsit incrementa, non sine magno monasterii commodo. Adalbertus vir nobilis de Mammendorff filiam suam, cujus nomen non consignatum est posteris, S. Petro in Monialem consecraverat. Tactus ergo religione, ut & DEO obsequium & animæ suæ auxilium præstaret, pro se majoribusque suis prædium in Prandenberg fratribus Wessofontanis donavit. Donationem confirmârunt testes amplissimi Bertholdus Comes de Andechs, ejusdemque filii duo, Poppo, & Bertholdus, cum aliis multis.

16. Nobilis jam dudum, & copiosa erat Horpachiorum gens, hodieque floret in Bavaria, inter Equestres sacri Romani Imperii familias. Apud Hundium donationes quædam per Horpachios cœnobii factæ inveniu-

veniuntur, aliâque de illis monimenta (d). Quantum ad nos attinet, Werinhardus de Horpach cum Bertha uxore sua, ac filiis Conrado & Udalrico curtem unam cum omnibus ad se pertinentibus in Marchilchofen (e) S. Petro donavit in redemptionem animæ suæ ac suorum omnium, præcipuè in gratiam dilectæ filiæ suæ Gertrudis, quæ apud Wessonis fontes S. Religionis habitum susceperat, & devotam in monialium nostrarum clausura vitam agebat. Traditionis hujus testes erant plurimi peregrinis plerique nominibus: ex quo colligimus, Horpachiorum gentem non in vicinia nostra, sed potius in inferiore Bavaria, & diocesi Ratisbonensi vel Passaviensi sedem habuisse. Recensentur in tabulis Gertrudis fratres Kunrad & Ulrich de Horpach: testesque alii copiosi.

17. Liberaliorem sese nobis, sanctoque Petro addictiorem exhibuit mulier illustrissima Gertrudis de Liechtenstein, Henrici Comitis de Tirol ministerialis, quæ non solum geminas filias Irmengarden & Willibirgam Christo Domino in Parthenone nostro sponsas obtulit, sed splendidam quoque dotem monasterio adjecit. Tradidit enim S. Petro curtem admodum nobis utilem ac frugiferam in superiore Lannen (f) integrè, sicut ipsa hæreditario jure possederat, monasterio possidendam: id est, tradidit vineam, pratum, tantumque agri, quantum triduo arari potest. Donatio hæc facta est auctoritate & consensu ipsius Henrici Comitis, & quidem per ipsummet manum ad altare S. Apostolorum Principis oblata, qui etiam è vestigio totius curtis Advocatiam ac defensionem in se suscepit. Et ne difficultas ulla desuper oriretur, annuit etiam Gertrudæ maritus, Conradus de Liechtenstein, ejusque filii Rudolphus, Conradus, Wezilo, Rolandus, Ortolfus. Ex quo videas veterum in superos pietatem, ita unanimem, nec proprii lucri vel detrimenti memorem, sed gaudentem obsequium præstare DEO, & beatæ æternitati providere.

(d) *Stammen-Buch P. I. fol. 239. 339. 352. &c.* (e) *Cod. D. fol. 100:*
(f) *olim Lounon.*



§. VI.

Romanorum Pontificum in Sigibaldum favores.

18. **V**idens Sigibaldus, variis per hominum quorundam seu vim, seu fraudulentiam periculis bona Ecclesiastica subiacere, ut quantum piorum fidelium liberalitas afferat, tantum improborum invidia vel avaritia suffurari contendat, Pontificio favore defendendum esse cœnobium suum judicavit. Recordabatur Pontificiæ bonitatis, quam Innocentius II. S. Walthoni exhibuerat: neque reformidabat Alexandro III. supplicare, paræmque benevolentiam petere, licet non ignoraret, quanta severitate idem Pontifex decessorem suum Udalricum Abbatem fulminasset. Verum si jam aliunde nôset placatum Pontificem, seu propria virtute, conscientiaque securitate, ut potuit, ac cœlesti præsidio, ut debuit, fretus, supplices Romam litteras dedit, & haud difficulter obtinuit insignem Bullam, Innocentianæ, quæ S. Walthoni data est, per omnia ferè similem, nisi quod in hac plura Ecclesiæ nostræ bona commemorantur. Quare omissa Bullæ integra serie, eam partem solummodo ponimus, qua Pontifex bona confirmata recenset: „duas videlicet partes omnis tam minoris quàm majoris decimæ in Risbach, sicut „à diebus bonæ memoriæ Wolfgangi Ratisbonensis Episcopi Ecclesia vestra tenuisse cognoscitur: cum decima in Birsenvvalda, & Ecclesia „Baptismali in ipso monasterii domate constituta, quam in manu & cura „Abbatis & Fratrum ejusdem loci, sicut usque nunc fuisse dignoscitur, stare decernimus. Decimas in Tadinesvanc, Tatinhoven, Mülhusen, Buccineshoven, Pflugdorff, singulas cum suis appendiciis. Decimas in Phetine, Kaltenberg, Geltendorff, Pözinhusen, Gerenshusen, Ramesavve, Perge, Menbrechtiscella, Hoancella, Morenvvis, „Albrechtishoven, Reinbertishoven, cum suis appendiciis. Decimam „Perghoven cum suis appendiciis: decimam Menzingen, decimam Raistingen, & duas partes decimæ Novalium in Mosse. De præfatis „Ecclesiis, quæ in fundo monasterii sitæ sunt, sicut in generalibus Conciliis statutum est, præsentationes substituendorum sacerdotum Abbatibus & Fratrum esse debere sancimus. Aschelesvanc (g), Penzingen, Biberbach, Rota, Liebrechtisried, Wolemutes; Gezines cum omnibus veteribus & novis mansis, qui iusta & legitima ad Ecclesiam vestram donatione venerunt. Post Bullam & sigillum subscriptus est Pontifex & plures Cardinales, ut sequitur: „Ego Alexander Catho- „licæ

„ licæ Ecclesiæ Episcopus : Ego Hubaldus Osthienſis Episcopus : Ego
 „ Theodinus Portuenſis , & S. Rufinæ Episcopus : Ego Beneredus Præ-
 „ nestinenſis Episcopus : Ego Hugo Presbyter Cardinalis titulo S. Cle-
 „ mentis : Ego Matthæus Presbyter Cardinalis titulo S. Marcelli : Ego
 „ Gratianus Diaconus Cardinalis titulo SS. Cosmæ & Damiani : Ego
 „ Matthias S. Mariæ novæ Diaconus Cardinalis. „ Subscriptio demum
 sic clauditur : „ Datum Signiæ per manum Alberti sanctæ Romanæ
 „ Ecclesiæ Presbyteri Cardinalis & Cancellarii, decimo quarto Calendas
 „ Octobris, indictione duodecima, Incarnationis Dominicæ millesimo
 „ centesimo septuagesimo nono, Pontificatûs verò Domini Alexandri
 „ Papæ tertii anno vigesimo.

19. Sub S. Walthonis regimine jam intelleximus, parochiam Reipacensem in Diœcesi Ratisboanensi sitam monasterio ab ipsis ferè Thassilonis temporibus traditam, à S. Wolſango, Henrico, Hartvvico Episcopis fuisse nobis assertam, à Pontificibus Innocentio II. sicut nunc ab Alexandro III. confirmatam. Verùm locorum longinquitas effecit, ut labente tempore quæta quoque possessio laberetur, variis concussa turbinibus, quorumcunque demum fraude vel potentia. Ac quamdiu quidem Alexander III. vixit, sine turbatione illam possedimus : verùm ubi iste oculos in mortem clausit, pluresque successerunt unius tantùm vel paucorum annorum Pontifices, æmulis liberior aura nos infestandi adspiravit, dum nobis non æquè prompta occasio res nostras defendendi suppetebat. Nam ab Alexandri tertii morte vix decem elapsis annis jam quintum Roma videbat Pontificem Cœlestinum III. Itaque cuiusque per litteras supplicasset Abbas, vel impeditum gravioribus negotiis, præsertim ob schisma, quod tunc maximè inter Pontifices & Cæsarem invaluerat, vel jam mortuum missi Abbatis nuntii Papam inveniebant. Sigibaldus ergo tum popularium inimicorum insolentiâ commotus, tum denique certum negotio finem facturum, ad Cœlestinum Papam ipse profectus est Romam, nullas viarum molestias, nullas æris expensas moratus. Auditus & exauditus est ab illo pro sua reverentia & humilitate. Verùm quam Pontifex aperuerat favoris venam, æmuli penitus obstruxerunt. Nam corrupta fuit ipsa Bulla, quam adhuc originariam habemus, & funditus erasa sunt tam parochiæ quàm diœcesis nomina : proditur tamen in fine, quænam hæc fuerit; nam disertè *assensus Ratisbonensis Episcopi* requiritur. In apographo etiam annus Domini cum anno Pontificatûs non convenit. Quare non solum curam animarum & tertiam decimam partem non obtinuimus, sed cum tempore reliquas quoque duas amisimus. Juvat tamen Bullam utcunque corruptam recitare.

„ *Cælestinus Episcopus servus servorum Dei*

„ Dilectis Filiis Abbati & Capitulo in Wessinsbrun salutem & Apostoli-
 „ cam Benedictionem. Cum tu, fili Abbas, in nostra esses præsentia
 „ constitutus, humili nobis relatione monstrâsti, quodd (h) monasterium
 „ tuum quandam Ecclesiam (*Rispach dictam possideat in Ratisbonensi*) diocæ-
 „ si, de qua duæ partes decimæ ad præbendam fratrum tuorum perti-
 „ neht, tertia debetur Clerico, qui nunc in eadem Ecclesia noscitur in-
 „ stitutus: ac nobis humiliter supplicâsti, ut mortuo Clerico, qui nunc
 „ in eadem deservit Ecclesia, illam tertiam partem, & curam anima-
 „ rum ipsius Ecclesiæ ad sustentationem tuam & fratrum tuorum vobis
 „ concedere deberemus: maximè, cum occasione Clericorum in illis
 „ duabus partibus sustineatis annis singulis non modicam læsionem. Nos
 „ igitur vestris justis postulationibus annuentes, si cum assensu venera-
 „ bilis fratris nostri Ratisbonensis Episcopi, in cujus diocæsi prædicta con-
 „ sistit Ecclesia, id fieri poterit, eandem partem decimæ & curam animarum
 „ ad sustentationem vestram auctoritate præsentium duximus conceden-
 „ dam. Datum Laterani septimo Calendas Decembris, Pontificatus
 „ nostri anno quarto, Dominicæ verò Incarnationis millesimo centesi-
 „ mo nonagesimo tertio. „ Ulteriùs hac de causâ disceptare, jam ope-
 „ ræ pretium non videmus: parochia à S. Wolsfango ante septingentos,
 „ agri verò à Thassilone Fundatore ante mille annos nobis traditi, nunc à
 „ monasterio nostro penitus avulsæ cernuntur, & deplorantur.

(g) *Achsfelswanc cessit Dießensibus pro Issingen, alia pro aliis, ut hodie paucæ super-
 sint, plura ignorentur.* (h) *Quæ dein parenthesi clauduntur, erasa sunt.*

§. VII.

Favores Regii.

20. **H**Aud multum Sigibaldo cum Friderico Ænobarbo Imperatore ne-
 gotii fuit, quem diris pridem devotum ac Pontifici infestum no-
 verat. Coactus tamen inimicorum acerbitate Henricum Ro-
 manorum Regem, Imperatoris filium, in auxilium vocavit, ac mona-
 sterio præsidium ab eo flagitavit. Exauctoratus jam erat anno 1180. Henri-
 cus Leo Bavariz Dux, ei que suffectus ab Imperatore Otto Magnus, Comes
 Wittelsbachius: cui post triennium fatis erepto Ludovicus filius succes-
 sit pæne adolescens. Causæ, cur neglecto Henrico Stauffio, Sigibaldus
 Ludovicum Bavariz Ducem habere advocatum voluerit, intelliguntur
 ex

ex his, quæ in Walthone diximus, ubi de favoribus Imperatorum agebatur; (1) & amplius patebunt ex tractatibus, & controversiis, quas tum ante, tum post Henrici advocati obitum suscepimus. Henricus igitur Rex, cum Augustæ Vindelicorum moraretur, diploma edidit, quo villæ Panzinganæ Advocatiam Ludovico Duci tamdiu gerendam commendavit, quamdiu Regi & Abbati placuisset. Editum est anno 1183. quem Indictio indicat. En ipsum diploma.

Henricus Dei gratiâ Romanorum Rex, & semper Augustus

„ Universis Imperii fidelibus, quibus hæc litteræ ostensæ fuerint, grati-
 „ am suam & omne bonum. Significandum duximus Universitati
 „ vestræ, quod nos de fide & honestate dilecti consanguinei nostri
 „ Ludovici Ducis Bavarie præsumentes, ad petitionem Abbatis de Wes-
 „ sisbrunnen, commisimus ei villam Panzingen & ejus Advocatiam fi-
 „ deliter defendendam & procurandam, ipsiusque procuracionem ac
 „ defensionem habendam, quò dum nostræ, & Abbatis dictæ Ecclesiæ
 „ placuerit voluntati. Statuentes & firmiter præcipientes, ut nullus sit,
 „ qui contra hanc commissionem nostram venire audeat, vel ausu teme-
 „ rario impedire. Ad hujus etiam facti nostri perennem memoriam præ-
 „ sens scriptum sigillo nostro jussimus insigniri. Datum apud Augustam
 „ sexto Idus Octobris, Indictione prima.

§ 1. Sub S. Walthone satis intelleximus, quantis illi laboribus cu-
 nisque steterit, prædium Biberbacense, contra Ludovici Comitis Oetting-
 ani injurias defendendum. Jam eandem prædam Ludovici quoque
 posterius captabant, nec obscuris argumentis cupiditatem suam prodebant.
 Sigibaldus ergo, viciniorem Biberbach defensorem quærere cupiens, de-
 nuo. à Rege obtinuit, ut is prædictum prædium Hermannî Lupi præsidio
 commendaret. Quis iste Hermannus fuerit, nondum comperi. virum
 potentem, & monasterio amicum fuisse crediderim, cui tuto committi
 posse facultates nostras existimaverit Sigibaldus. Regium diploma tale est.

Henricus Dei gratiâ Romanorum Rex, & semper Augustus

„ Fideli suo Hermannî-Lupo gratiam suam & omne bonum. Mandam-
 „ mus tibi & firmiter præcipimus, ut allodium in Biberbach, quod
 „ monasterium in Wessisbrunnen multo jam tempore in quietâ habuit
 „ possessione, ad opus præfati monasterii nostra autoritate protegas &
 „ defendas, nec sustineas in allodio illo aliquam jam prædicto monasterio

„ inferri injuriam. Si verò Comes Ludovicus sive alius quicumque in-
 „ vadere præsumperit, tu illud usque ad reditum nostrum in nostra con-
 „ serves protectione.

Credidit Sigibaldus, accitis ejusmodi potentioribus Advocatis monasterio esse consultum, expertus nempe, quàm liberè possessiones nostras velut suas tractaret, sibi que vendicare videretur Henricus Stauffius: quàmque difficilis ad Imperatores esset accessus & impedita facultas contra ejusmodi Advocatos movendi querimoniam. Audiit, quantas ærumnas alia quædam monasteria ab Advocatis passa essent: sensit ipse, quàm benevolo in Ecclesiasticos animo fuisset Otto Magnus, & nunc esset Ludovicus ejus filius. Ut nihil aliud dicam, Catholicæ Religionis vigorem per universam Bavariam à sectariorum toxico conservatum, & cum eo tot Ecclesias ac cœnobia, Serenissimæ huic domui debemus.

(i) Sæc. IV. Cap. IV. §. IV.

§. VIII.

Variae negotiationes, & tractatus.

22. **P**Aulo post, quàm Sigibaldus in Abbatem electus est, supplicem se stitit Henricus, parochus Geretshusanus. Pözenhusii & Pergæ cura ei demandata fuisse videtur, quarum Ecclesiarum decimæ ad monasterium nostrum pertinent. Non difficilis in ejus preces Sigibaldus concessit ei tertiam decimationis partem ex omnibus rebus, quæ ad Ecclesiam Pözenhusanam pertinebant, usque ad vitæ terminum percipiendam. De Ecclesia verò Pergenfi addixit eidem sacerdoti duas decimæ partes, ac molendinum quoddam Geretshusii situm cum tribus agris. Erant hæc utique supra id, quod pro congrua presbyteri sustentatione dari vel postulari posset. Quare ne aliquis successorum Henrici sibi quidpiam de his vendicare posse, sacerdos ipse mancipem se Abbati fecit, memoratâsque decimas certa pecuniæ summâ beneficii loco accepit. Et necessaria planè erat cautela hæc; (k) jam enim B. Walthonis tempore Henricus iste mansum unum & dimidium cum molendino acceperat: sed quoniam convictus fuerat pluribus annis censum non dedisse, publico judicio accepta perdiderat. Adfuere negotio tam gravi testes, quotquot ferè fuerant in vicinia sacerdotes: Conradus sacerdos de Sandau, qui locus jam tunc ex Virginum cœnobia solum parochiæ nomen retinebat:

Raport,

Rapotto sacerdos de Stoffen : Sigifridus Decanus de Rotta, postea Episcopus Augustanus : Conradus sacerdos de Apfeldorff : Conradus sacerdos de Hagenheim : Conradus sacerdos de Thueningen : Magnus sacerdos de Reihlingen, & alii quinque sacerdotes. Ex laicis verò nobiles aderant Conradus, Wernerus, & Henricus de Greutt, ministeriales Wessofontani, Werianus de Reichlingen; & plures alii. Animadvertendum tamen, Pergensis Ecclesie redditus admodò tenues semper fuisse, ut sacerdos ibidem sustentari nunquam potuerit, sed necesse sit in hanc diem, ut illius cura alteri sacerdoti vicino, beneficiato vel parochi, à monasterio commendetur. Talis erat tunc temporis Pözenhusanus iste, tales postea etiam Illingani, talis hodie beneficiatus Landspergenſis.

23. Aliud negotium in Tirolì peregit Gerungus vineis nostris præpositus. Accepit iste à Gisilberto quodam campum in *Lauizaro*, eique pro illo concessit alium campum in *Rudindil*. Permutatio hæc peracta est anno 1175. præsentè *Gerungo* Præposito, & *Joanne* ejus advocato. Chartam scripsit *Albertus in vice Hecil Concillarii*.

(k) *Codex D. fol. 86. & Codex C. fol. 116.*

§. IX.

Controversiæ, ac lites monasterio motæ, quas Sigibaldus Abbas laboriosè, & feliciter sustulit.

24. **M**ulier quædam Itta nomine prædium quoddam in Arnoldesrit à monasterio nostro acceperat, ad terminum vitæ suæ possidendum. Verùm inquieta & rixosa mulier tot controversias continuò excitabat, ut concessionis suæ Sigibaldum poeniteret. Ut igitur jurgiis tandem se expediret Abbas, præsertim cum foemina gerendis, ex quibus ne victoria quidem honorifica reportatur; præsentè pecunia, quæ faciliè muliebres oculos fascinat, eam induxit, ut sponte loco cederet, & conventionem antea factam rescindi pateretur. Acta sunt hæc Augustæ Vindelicorum prope Collegium Canonicorum S. Mauricii, atque eodem protinus loco Conradus de Attingen, Wernerii filius, prædictum prædium, conferente Abbate, pro numerato ære pacificè possidendum suscepit, ea conditione adjectâ, ut singulis annis metretam frumenti pro tributo nobis persolveret. Testes fuere *Huduntus* de Choro S. Mau-

Ff 3

Mau-

Mauritii Canonicus, pluresque alii Attingenses : ex ministerialibus Wessofontanis Henricus & Wernerus de Greutt, Gozmar de *Crucibereb* : unde patet antiquitas nominis, propter martyres nostros, huic monti inditi, nempe à cruce in illorum memoriam hic defixa.

25. Difficilior nobis cum Henrico de Stauffen, veterano jam advocato nostro controversia fuit. Timidè agendum cum homine potente, & salvà illius reverentiâ, urgendum erat monasterii jus ; atque ideo quoque cautius tractandum negotium, quòd advocato huic per temporum iniquitatem aut essemus, aut aliquando fuisset obnoxii. Ob superiorum annorum sterilitatem in arcto quondam positi, neminem habebamus, à quo propinquiùs peteremus auxilium, nisi eundem Henricum. Ab eo quatuordecim argenti talenta accepimus, & in pignus eidem concessimus curtem unam in Wile, quoad viveret, possidendam ; ad monasterium tamen reversuram, quàm primùm, redemptis antea reliquis prædiis, quæ fuerant impignorata, opes nobis sufficerent ad redimendum quoque prædium Wilense. Alioquin si non antè Henrici mortem redimeretur, cautum esse voluimus, ut post illius facta nullus hæredum reposcendæ à nobis pecuniæ haberet potestatem, sed prædium liberè & gratis omnino ad monasterii possessionem rediret.

26. Liberaliter hoc indultum fuit Henrico, ut, cum ultimum pignus fuisset Wilense prædium, illius redemptionem cæterorum postremam esse pateremur, atque hoc ipso diuturniorem ipsi possessionem darem ; nobis verò difficiliorem redderemus solutionem. Indultum fuit tamen, ut videlicet quoad cætera prædia nostra, quæ ille quocunque titulo videbatur possidere, mitiorem eum ac in vota monasterii proniorem redderemus. Capiebat ille fructum ex prædiis diversis, quæ seu pignoris nomine, seu aliis titulis pro temporum ratione à nobis acceperat : nominatim in Pergen, Scheffolting, Talmutsried, Gezines, Avelunges. Pro his prædiis cavebatur, ut nisi Wessofontani illa priùs redimerent, aut eadem Henricus ultrò pro Dei amore sancto Petro restitueret, certè post Henrici mortem sine ulla contentione monasterii propria agnoscerentur, atque ad ejus dominium reverterentur. His pactis admodum contentus Henricus sponte se nobis liberalem exhibuit, & quidquid in descensu saltùs regalis, qui tunc Scharniza dicebatur, proprium possidebat, præcipuè in loco Litun, illud omne monasterio tradidit, post mortem suam liberè possidendum. Hæc omnia pro monasterii securitate facta & actitata sunt Landspèrgæ anno Domini 1176. Friderici Imperatoris vigesimo quinto, Indictione decima quarta : octavo Idus Aprilis. Testes

stes gestæ rei aderant Burchardus de Dieffen, Otto de Iglingen, Gebhardus & filii ejus de Kuzinghoven, cum pluribus aliis.

27. Pacificè hæc, licèt timidè cautèque acta, in annum usque decimum sextum vim habuère & securitatem: cùm repentinus turbo omnia poenè subvertit. Anno supra millesimum centesimum nonagesimo secundo grandævus noster Advocatus Henricus de Stauffen diem supremam obiit, ejusque exequiæ solemnisimè celebrabantur, ut, quanta apud omnes autoritate vir iste fuerit, admireris. Aduère funeri Udalschalcus Episcopus Augustanus, & Henricus Episcopus Curienfis: præterea Ludovicus Baviaræ Dux, qui nuperrimè egressus adolescentiam, Wormatiæ ab Augusto armis & militiæ insignibus fuerat accinctus. Accessit virorum nobilium multitudo magna, nec minor ecclesiasticorum frequentia. Sigibaldus Abbas, quem Henrici mors non immeritò sollicitum reddiderat, utpote quacum & suas agi fortunas noverat, ad eadem sese exequias, ne Advocato tam diuturno ingratus videretur, cum quibusdam monachis contulit, tantorum testium præsentia & autoritate in monasterii emolumentum usus. Rebus itaque divinis ad pacandos defuncti manes peractis, in ipso Principum conventu Sigibaldus querimoniam movit super prædiis, quæ Henricus sive potentia sibi ad fruendum vendicaverat, sive pollicitationibus à religioso cœtu acquisierat. Erant verò hæc nominatim: Curtis una in Talmutsried, una in Wile, una in Pözenhusen cum molendino; curtes duæ in Heinrichshoven, una in Avelunges, una in Westendorff: prædium in Perge, manifeste integer cum dimidio in Gezines. Quantumcumque Abbas causæ fide æquitatem Principibus ostenderet, obtinere tamen sententiam non valebat. Reliquerat enim viduam Henricus, filium quoque Bernhardum seu Werinhardum, & Mechtildem filiam. Non æquè his facta & relata superiùs transactio ac mutua conventio placebat, sicut illa Sigibaldo commoda videbatur. Videbant isti, magnam sibi hæreditatis portionem, potentiæque fulcimentum decedere, si uno eodémque tempore tot prædiis exerentur. Quare quibus potuère argumentis causam sic implicuère, ut tum quidem Principes decidere nihil potuerint.

28. Ne tamen Abbatis & fratrum precibus nihil dedisse viderentur, prorogavère causæ discussionem, & communi consilio diem statuère, quo in Islingen conveniretur, designatis ad dirimendam controversiam arbitris, testibusque. Verùm sive fortior interea contra Abbatem Werinardi pars evaserit, sive Principum absentia judicii vim hebetaverit, irritus denuo conventus etiam Isinganus fuit, & utrinque suspensis adhuc

sen-

sententiis & re infecta discessum. Non tamen animo cadebat Abbas, sed & attentius vigilabat in monasterii causam, & fortius instabat ad finendam controversiam, dum ferrum caleret, cudendum esse arbitratus; ac tandem effecit, ut celebrandus alio die conventus Landspergam convocaretur.

29. Itaque, cum ab Henrici funere trigessimus jam dies effluxisset, eidemque postrema pro more parentalia fuissent impenſa, magna Nobilium turba Landspergam convenit. Metuebant alii Sigibaldo, Werinhardi potentiam & amicorum ejus vim attendentes: alii benè sperare jussum ad suscipiendas eum condiciones, ac remittendum juris sui rigorem inducebant. Non deerant, ut minimè dubito, causæ nostræ fautores, viciniq̃res præsertim, quos Sigibaldi humanitas pridem cœnobio amicos fecerat: quorum in numero fuisse credo Seefeldios, Antorfios, Hunsolgios, Greuterq̃s: temporis tamen angustia, quo aliud opportunius sperari vix poterat, effecerunt, ut Sigibaldus amicorum tam ecclesiasticorum quàm sæcularium suasu, monachorūque suorum consilio, quos negotii socios assumpserat, tempori cederet, & perendinare aliquid, quàm perdere totum mallet. Decertatum est equidem acriter Stauffenses inter ac Wessobrunnenses, nihilque minus Sigibaldus factururus, quàm vel latum unguem de jure suo cessurus videbatur; imò constantia suâ effecit, ut & vidua & filius palam juri suo vel cuicunque prætensioni renunciarent, adjuncta tamen conditione, ut prædictorum quædam prædiorum ipsis ad diēs vitæ concederentur. Consensit Sigibaldus ea lege, ut in agnitionem domini nostri pro singulis prædiis annuatim trium denariorum censum persolverent. De cætero, exceptis tantum Pergensi & Aelungenſi prædiis, ne justo rigidior videretur, reliqua omnia superius enumerata Stauffis sub memorata annui census conditione ad diēs vitæ ita transmiſit, ut nullus hæredum quidquam desuper post eorum fata controversiæ movere præsumeret, sed ad monasterium libere cuncta reverterentur.

30. Faciliorem se Abbati & monasterio præbuit Mechtildis Henrici filia, Werinhardi soror. Factum id credo amicorum nostrorum suasu & instinctu, eorum præcipue, quos supra nominavi. Nam & ipsa Udalricum de Antorff virum nobilem, quem inter primos testes legimus, elegit negotii sui administrum. Hoc docente, & Mechtildis vicem gerente, geminam illa renunciationem fecit, & eodem quidem die, quo prius narrata gerebantur, iisdem cunctis audientibus, qui causæ huic interfuerant. Inprimis enim abdicavit se omnibus prædiis, quæ matri & We-

rin-

rinhardo fratri ad dies vitæ à Wessofontanis nominatim erant concessa. Præterea renuntiavit universum omnibus, quæ pater defunctus à monasterio seu justè seu injustè possederat, promisitque, nullum se unquam monasterio negotium propterea creaturam. Quid Mechtildem ad renuntiationem tam piam ac generosam permoverit, nescio. Arbitror, illam seu locupletibus jam nuptiis aut earum spe munitam, vel magnæ suæ materteræ, Richinsæ Stauffiæ, memoriâ fuisse inductam, quæ avi Werinhardi soror monasticum apud nos sub S. Walthone institutum amplexa, vel adhuc superstes erat, vel placido post se virtutum odore relicto nepotem ad exhibendam monasterio humanitatem permoverit (1). Hundius in Genealogia Bavariz Stauffiorum genus usque ad suam perducit ætatem; at simul vaticinium refert de stirpis illius interitu, quæ suo tempore Ehrenfelsiorum nomine florebat. Quod vaticinium an adimpletum sit (ab aulico enim prolatum erat in tres simul stirpes) dicere non possum. Lubens autem prolixam hanc controversiam, amplissimis testibus definitam & ipse finio.

(1) *Hundii Stammenebuch P. II. f. 301. & 307.*

§. X.

Obitus Sigibaldi Abbatis.

31. **P**ostquam Sigibaldus octo dies supra annos viginti octo monasterium laboriosissimè ac sapientissimè gubernâisset, ad capienda vigilantiz suæ præmia evocatus est anno Christi post millesimum centesimum nonagesimo nono, in octava S. Stephani Protomartyris, in cujus natali festo fuerat electus. Cui Stephanus Leopolder hoc nectit elogium, vel potius à majoribus acceptum recitat: *hic plura bona in prædiis ampliandis obtinuit ecclesie Dei, sicut verus pastor, & zelator Religionis.* Ejus sepulcrum hoc epitaphio fuit insignitum, quod ex codice Tegernseensi per Pezium edito exhibemus (m).

- „Filium, quod Lachesis bene traxerat, Atropos occat,
- „Projice Clotho colum, vetat iræ soror tua fufum.
- „Anno milleno, bis centeno, minus uno,
- „Heu locus orbatu celebris celebri patre plangit.
- „Jane, secunda dies tua *Sibaldum* tulit orbi.
- „Doctus erat, largusque datum duplicando talentum

Gg

„Distri-

- „Distribuit, reliquis, non sibi quippe vivens.
 „Unde sui memores effecit quosque merendo.
 „Ut præstetur ei locus æternæ requiei,
 „Pro pietate Dei, devotè, qui præis, ora.

Inter maximos certè monasterii nostri Antistites Sigibaldus fuit, tam regiminis diuturnitate, quàm laborum mole ac multitudine: summis acceptus & infimis, omnium provocabat liberalitatem: res adveffas magno pectore vel perfringebat, vel pro sua prudentia ac lenitate sic moderabatur, ut pacem cum bono nomine & monasterii utilitate tueretur. Parthenonem Wessofontanum nobilissimis Virginibus auctum sollicitè fovebat & custodiebat: Monasticam disciplinam vigili oculo conservabat, & hostem virtutis otiositatem propagato inter suos litterarum studio profligabat. Qui temporis sui gesta mandaret posteris, monachum designavit scriptorem, cujus Chronicon ab anno 1195. usque ad annum 1227. continuatum habemus. Ludovicum, qui cæteris esset exemplo, favore perpetuo fovit, & ad plurima scribenda animavit. Nullas itinerum molestias refugit, Romam quoque profectus, ut jura monasterii vindicaret. Per omnia se dignissimum præstitit præclaris illis elogiis, quibus cum Chronologus noster, & Ludovicus monachus exornavit.

(m) *Tom. VI. Anecd. P. II. f. 50. col. II. num. LXXVI.*

CAPUT V. De Alberto Abbate XIX.

S. I.

Alberti zelus pro cultu divino.

I. **A**Nno MCC. electus est Albertus in Abbatem & Pastorem animarum, vir plenus bonis operibus. Ita Stephanus noster. Quo sanguine natus fuerit, non memoratur. Monachum fuisse Wessofontanum, & loci ornandi, singulari zelo accensum, ex eo colligitur, quòd primo statim regiminis anno statuerit exequi, quorum desiderio diu ante tacitus ardebat.

Cele.

Celebre jam erat beati Walthonis nomen, ejusque sanctitas effusis in miseros beneficiis magis indies clarescebat. Erant in omnium oculis, & memoriâ ferè hesternâ suscepti ab illo in monasterii commodum labores, & præsentis fructus, quos in disciplina religiosa, doctrina, facultatibusque reliquerat, licèt aliquando sauciati, à successoribus tamen studiose reparati. Quare cum Abbas Waltho in ipso S. Joannis Evangelistæ festo obierit, neque festum ipsi Walthoni proprium fas esset celebrare, nisi magno labore ab Apostolica sede facultas obtineretur, ipsam S. Joannis festivitatem Albertus Abbas, quo celebriorem Walthonis anniversarium faceret, primo sui regiminis anno & deinceps celeberrimum esse jussit, sicut alias summas solemnitates. Præterea constituit, ut in octava S. Joannis, quo die eatenus tres solum lectiones recitabantur, jam duodecim dicerentur: ipsumque festum S. Joannis ante portam latinam pari, qua alia Apostolorum festa, solemnitate celebraretur. Hanc porro circa divina officia disponendi licentiam pro suis monasteriis Abbates illis temporibus sibi competere judicabant: sicut & S. Odilo Cluniacensis anniversariam omnium fidelium defunctorum commemorationem primus in monasteriis sibi subjectis instituit.

2. Quantum sanctos colendi studium in Alberto fuerit, testantur præcipuè duo tapetes, sive vela, parietibus templi in ornamentum destinata, picturæ mirabilis ac variæ texturæ: in quorum uno visiones apocalypticæ S. Joannis exhibebantur, multis, ut apparet, imaginibus expressæ, subjectisque versibus à Ludovico Monacho explicatæ. Texturam verò ac picturam perfecit, ut subscriptum suo loco nomen indicat, Sibotto Chenich de Hohemos, qui cum cœnobii nostri monachus fuerit, vel aliunde accitus artifex, nondum comperimus. Stephanus Leopolder, monachus & presbyter Wessofontanus, qui Chronicon nostrum circa annum 1490. scribere cœpit, dum hos versus refert, oculatum se testem prodit superstitum suo etiamnum tempore horum tapetum, seu velorum; ait enim: *ut videre licet, cum ipsa in Ecclesia pendeant* (a). Cum hodie nihil eorum superfit, suspicari licet, ea vel antiquitate detrita duobus his posterioribus sæculis periisse, vel per cœnobii egestatem, quæ magna sæpius fuit, alienata fuisse, vel in pignus cessisse, numquam amplius redempta. Versus tamen illi ob venerandam antiquitatem & auctoris solertiam digni essent hic recenseri: verum, cum ad alia properemus, alio fortasse loco, si vacaverit, referentur.

3. Immaculatæ quoque Conceptionis cultum Alberti studio vel promotum fuisse, vel jam antea apud Wessonis fontes floruisse, ex eo manifeste.

nifestum est, quòd Abbas iste præceperit, ut ob cumulos festorum labores in festo Conceptionis Deiparæ, sicut etiam in Octava S. Joannis Evangelistæ, Præpositus ad montes largiore cibo ac vinò fratres recrearet: idem mandavit Cellerario in festo S. Joannis ante portam latinam. Præpositus ille ad montes non alius fuisse videtur, quàm Gerungus, vineis Athesinis in Tirolì præfectus, de quo sub Sigibaldo Abbate.

4. Sacellum etiam aliquod, aut altare Alberto procurante fuisse consecratum, colligo ex recensione quarundam reliquiarum sub ejusdem regimine conditarum cum hac epigraphe: *Hic recondita sunt reliquie S. Petri Apostoli, Cyriaci Diaconi & Martyris, Severa Virginis, Ursula, unius Innocentis, Theodori M. Pancratii M. Antonini M. Ottonis, Lazari, quem Dominus suscitavit, & aliorum multorum.* Has Reliquias suspicor conditas fuisse in altari illo veteris sacrarii, quod ante annos ferè triginta ex arenario saxo, similibus fultum columnis visebatur, conditum à Bernardo Abbate, superposita Deiparæ Virginis filium brachio bajulantis effigie, ac SS. Lazari & Marthæ, Ignatii atque Xaverii statuis exornatum. Destructo sublatoque lapide sacro cum columnis suis ara superior cum memoratorum Divorum imaginibus translata est ab aquilone ad meridiem, hodiernum nempe sacrarium.

(a) *Cod. D. fol. 117.*

§. II.

Jura Monasterii à Pontificibus & Episcopis defensa & roborata.

5. **D**ebuit & Alberti virtus rebus adversis probari, & variis vexari libitibus; verum eo ipso fieri clarior, quo felicius de omnibus triumphavit. Habebat monasterium nostrum jus decimandi in prædio quodam Menzingano, ab Episcopis Frisingensibus concessum, & multorum annorum possessione firmatum: ac fortasse illud ab Ottone Magno, Historiographo & Episcopo celeberrimo, accepimus, de cujus in nos favore testantur acta B. Walthonis. Repentè insurrexit homo militaris, Eberhardus de Schwabingen, decimasque nostras sibi vindicare contendit, utpote opportunas sibi, qui jam antea plurium prædiorum decimas in eodem vico possidebat.

Alber-

Albertus Abbas querimoniam movit apud Ottonem ejus nominis secundum, Episcopum Frisingensem. Suscepit Otto causam nostram, & coram plurimis discussam approbens, jus nobis decimarum supra memoratarum confirmavit sequentibus litteris :

*Otto Dei gratiâ Frisingensis Episcopus secundus
feliciter. Amen.*

„ **N**otum sit omnibus tam futuris, quàm præsentibus, quòd, cùm co-
 „ nobium Wessinsbrunen legitimè & quietè possideret quandam
 „ curiam in Menzzingen, decimas verò ejusdem curiæ à nobis & ab an-
 „ecessoribus nostris multo tempore sine lite possedisset, Eberhardus
 „ miles de Schwabingen cœpit Abbatem ejusdem loci impetere, asse-
 „rens, decimas ejusdem curiæ ad se pertinere. Quæ contentio pro
 „ voluntate & arbitrio nostro taliter sopita est, quòd dictus Eberhardus
 „ renuntiavit omni juri, quod se in decimationibus ejusdem curiæ pro-
 „fitebatur habere, & Dominus Abbas solus obtineat omnes decimatio-
 „nes, quæ dantur de agricultura, quæ antiquitus inserta est ipsi curiæ.
 „ Nec Dominus Eberhardus, vel aliquis in posterum de successione sua
 „ habebit potestatem, de his aliquid repetendi, vel querimoniam con-
 „tra præfatum cœnobium super his amplius movendi, nec quisquam
 „ alius. De reliquis verò agris ad culturam curiæ non pertinentibus
 „ sive sint insertæ ipsi curiæ, sive aliàs excolantur, memoratus Eberhar-
 „dus decimationem pro parte sua accipiet. Hujus rei testes sunt Chun-
 „radus majoris Ecclesiæ Decanus : Henricus Præpositus S. Andrea :
 „ Ulricus Præpositus S. Viti : Chunradus Præpositus de Moseburch :
 „ Tagino Præpositus de Schliersee : Pabo Præpositus de Isene : Ulricus
 „ Vicedominus Ducis : &c. &c. Factum est hoc anno Domini 1212.
 „ Mense Junio 15. die Calendas Julii. Testes hîc omisso alibi fortasse da-
 „bimus.

6. Præterea turbas Alberto concitaverunt alii quoque viri equestres ac militares, pro illorum nempe temporum acerbitate, quibus vis pro jure valebat. Et imprimis miles quidam de Dillingen in monasterii possessiones hostiliter irruens gravia nobis damna & injurias irrogavit.

Alter Miles de Fronehoven fratris sui adjutus auxilio boves & pecudes per violentiam abripuerunt, & desuper compellati abrepta restituere recusarunt. Albertus Abbas utramque injuriam Honorio III. Pon-

tifici conquestus, duabus ab illo litteris commendatus fuit Ecclesiasticis defensoribus, qui monasterii causam tuerentur.

*Bulla Honorii Papæ tertii contra quemdam Militem & inva-
sorem de Dilingen. 1217.*

„ **H**onorius Episcopus servus servorum Dei. Dilectis filiis Præposito
 „ S. Georgii, & H. Archidiacono, & Custodi Augustensi salutem
 „ & Apostolicam benedictionem. Dilecti filii Abbas & Conventus Wef-
 „ sinsbrunnensis nobis conquerendo monstraverunt, quod G. miles de
 „ Dilingen Augustanæ Diocesis in quasdam possessiones eorum hostiliter
 „ irrueas, eis damna & injurias irrogavit. Ideoque discretioni vestra
 „ per Apostolica scripta mandamus, quatenus partibus convocatis au-
 „ diatis causam, & appellatione remotâ sine debito terminetis, facien-
 „ tes, quod decreveritis, per censuram ecclesiasticam firmiter observa-
 „ ri. Testes autem qui fuerint nominati, si se gratiâ, odio, vel timore
 „ subtraxerint, per censuram eandem appellatione cessante cogetis ve-
 „ ritati testimonium perhibere. Quodsi non omnes his exequendis po-
 „ tueritis interesse, duo vestrum nihilominus exequantur. Datum Vi-
 „ terbii decimo Calendas Junii Pontificatus nostri anno quarto.

Aliâ simili Epistolâ idem Pontifex nos commendavit Præposito, Cu-
 stodi, & Scholastico Augustanis, ut jus nostrum tuerentur contra mili-
 tes de Fronehoven. Data est hæc Alatri septimo Idus Maii Pontificatus
 Honorii III. anno sexto, nempe biennio post priorem.

7. Non satis erat Honorio monasterium nostrum contra violento-
 rum hominum injurias defendere, & defendendos commendare, sed egre-
 giâ etiam prærogativâ voluit nos cumulare. Parochiam enim civitatis
 Landspergensis, quæ antiquitus Phetine dicebatur, & magnam partem
 ad Dominos de Pfetten pertinebat, decimis tamen & jure præsentatio-
 nis ad nos spectantibus, plenius attribuit cœnobio nostro. Audiamus
 ipsam Pontificis Bullam, qua imprimis omnia monasterii bona confir-
 mantur, & præcipuè Parochiæ administratiq. tribuitur, anno salutis post
 millesimum ducentesium decimo nono.

Honorius Episcopus servus servorum Dei.

„ **D**ilectis filiis Abbati & Conventui in Wessinsbrunnen sancti Petri salu-
 „ tem & Apostolicam benedictionem. Sacrosancta Romana Eccle-
 „ sia

„ *fix devotos & humiles filios ex assuetæ pietatis officio propensius dili-*
 „ *gere consuevit, & ne pravorum hominum molestiis agitentur, eos*
 „ *tanquam pia mater suæ protectionis munimine confovere. Eapro-*
 „ *pter, dilecti in Domino filii, vestris iustis precibus inclinati personas*
 „ *vestras & locum, in quo divino estis obsequio mancipati, cum omni-*
 „ *bus bonis tam ecclesiasticis, quàm mundanis, quæ impræsentiarum*
 „ *rationabiliter possidetis, aut in futurum iustis modis, præstante Do-*
 „ *mino, poteritis adipisci, sub beati Petri & nostra protectione fuscipi-*
 „ *mus. Specialiter autem Ecclesiam Phettine, quam canonicè & quie-*
 „ *tè possidetis, post decessum Clerici ad usum monasterii vestri, salvo*
 „ *jure Diocesani, vobis & per vos impòsterum autoritate Apostolica*
 „ *confirmamus, & præsentis scripti patrocinio communimus. Nulli er-*
 „ *go hominum omnino liceat hanc paginam nostræ protectionis & con-*
 „ *fimationis infringere, vel ei ausu temerario contraire. Siquis autem*
 „ *hoc attentare præsumpserit, indignationem omnipotentis Dei & bea-*
 „ *torum Petri & Pauli Apostolorum ejus se noverit incursum. Datum*
 „ *Alatri decimo tertio Calendas Junii, Pontificatûs nostri anno sexto.*

8. Requiret fortasse curiosus lector, cur Bullæ primùm recitatæ locis tam diversis ac peregrinis, & non potius in ipsa urbe Roma fuerint expeditæ. Solebant Pontifices, & adhuc quandoque solent æstivandi gratiâ in aliis ditionis suæ civitatibus calidiore anno sedem figere. Inter illas Viterbium est, hodiedum celebre, ubi in Ecclesia Cathedrali quatuor Romanorum Pontificum corpora requiescunt. Inde data est prima Bulla anno 1217. Alatrum, unde alteræ duæ Bullæ emanaverunt, italica Campaniæ civitas est, Pontifici immediatè subjecta, duorûmque Cardinalium Hugonis & Godefridi Natalibus gloriosa.

9. De reliquo primum Parochi Landspergensis nomen invenimus sub Conrado Abbate, proximo Alberti successore. Fuit is Conradus Pozzo, Presbyter & Monachus nostræ congregationis, vir litteratus & scriptor eximius, qui Ecclesiam pariter Landspergensem, & Pyrgensem procuravit: de eo inferiùs uberior redibit loquendi materies.

§. III.

Obitus Alberti Abbatis.

10. **P**ostquam Albertus unum & viginti ferè annos monasterio nostro utilissimè præfuit, defensis generosè monasterii bonis, confirmatis privilegiis, depulsis invasoribus, acquisitâ pleno cum jure

Lr

Landspargensi Parochia, aucto Immaculatæ Virginis, & sanctorum cultu, templo aris & SS. Reliquiis locupletato; plenus meritis diem supremum obiit anno salutis post millesimum ducentessimum vigesimo, tertio Calendas Augusti, id est, trigesimo Julii, *Ereptus est, velut iustus Loth, communi patriæ, Germaniæque incendio, quo gravissimis bellis omnia turbabantur.

11. Raderus in Bavaria sancta (a) & Mausolæum S. Emmerami nuperrimè editum (b) Abbatem Anonymum collaudant, qui à Ludovico Bavariz Duce, Ottonis Magni filio, Ratisbonam fuerit accitus, incuriâ famuli orto per noctem incendio combustus, inter cineres inventus cum lipsanotheca ad pectus & ferrea catena circa lumbos, in cathedrali dein Ecclesia sepultus & prodigiis clarus. Non ducitur laudi à criticis, arripere suæque civitati vel Religioni vindicare, quod ab aliis derelictum inveneris. Fas tamen est, ejusmodi ignotos sanctos in lucem, quantum valeas, proferre, ubi momenta sunt, quæ fidem aliquam opinionis concilient. Mausolæum hunc Abbatem circa annum sæculi Christiani 13. vigesimum collocat, & Raderus in margine eidem addit: *circa annum MDCCXX*. Certum est eodem anno præfuisse Bavariz Ludovicum, & obiisse Albertum Abbatem nostrum. Alberti decessor Sigibaldus Reyspacensis Parochiæ jura vindicare conatus actum egit. Elapsæ sunt è manibus nostris decimæ illæ à Thassilone Fundatore concessæ, ab Episcopis Ratisbonensibus confirmatæ & auctæ. Non potuit Albertus noster illas negligere: tentanda via erat, qua recuperarentur, vel tandem aliis commutarentur. Ludovicus poterat quibuscunque conditionibus initis afflicto monasterio opem ferre, & rem cum Episcopo Ratisbonensi tractare. Negotii hujus causâ evocatus Abbas Ratisbonam venit, ubi frequenter versabatur Ludovicus, castro Abbacensi nuperrimè restaurato, ac palatio Kelhemii sibi electo: ab utroque loco brevis secundo Danubio Ratisbonam via. Ibi Dux decimas Reyspacenses in suam potestatem recepisse, alias in superiore Bavaria monasterio nostro propiores concessisse videtur: ibi Abbas noster incendio periisse. Certè nec tumulus ejus, nec epitaphium in monasterio nostro cernitur: solus obitus dies memoratur. Ludovicus autem monachus noster mortem ejus incendio extincti, catenæque lumbos armati his versibus deplorat:

*Libri quis scriptor sit, sit memor ô bone Lector;
Orphanus & modicus transcripsit eum Ludovicus
Tempore mæroris, planctûs, magnique doloris.*

Causa

Causa fuit lucus, Pater in cineres resolutus.
Quod fecit pensa JESU, factumque repensa.

Decimæ Landspergenes pleræque hodie ad Serenissimos Bavariz Duces spectant. Eodem Ludovico Duce Parochiam Landspergenslem cum decimis accepimus, ab Honorio tertio confirmatam, ut supra ostensum. Hæc interea opinionis fundamenta proposuisse liceat, nec indebitam claritatem à viro sancto affectantibus, nec tamen Anonymo nomen repositum non restituere volentibus. Raderus insignem hunc virum pulcherrimo Iconismo & eleganti epigrammate ornavit in Bavaria sancta, (c) quod, apponimus.

Omnia tempus edax absurnit, & omnia delet;
Abstulit hoc nomen, cœnobiarche, tuum.
Nulla tamen potuit tua facta abolere vetustas,
Quamvis post cineres prodita facta tuos.
Viventis latuit virtus velata cucullo:
Non timet Autolici condita gemma picem. (d)
Postquam flamma vorax corpus nudavit amictu,
Nescia virtutis prodidit exuvias.

(a) Volam. I. fol. 254. ex Cesarii Apum lib. XI. Cap. XVI. (b) Editum anno 1752. fol. 297. (c) Vol. I. f. 255. (d) Autolicus Mercurii filius, sur insignis, de quo Ovidius: Nascitur Autolicus furtum ingeniosus ad omne. Et Martial. l. 8. Epig. 56. Non fuit Autolici tam piceata manus.

CAPUT VI.

Conradus II. Abbas XX.

§. I.

Conradi Natales.

1. **A**ntiqua stirpe Nobilium de Menchingen oriundus fuit Conradus, interque majores suos censuit Henricum Menchinger, qui anno millesimo octogesimo quarto Cathedralis Ecclesiæ Augustanz Canonicus, millesimo verò & centesimo, ejus Decanus.

Hh

canus evasit. In antiquo instrumento, quo lis aliqua Landsperga decisa refertur, ad annum 1192. inter testes nominantur Reinhardus de Menchingen, & Henricus filius ejus, qui factus est Canonicus & Archidiaconus Augustanus. Non longè à vero aberraverit, qui Reinhardum Conradi nostri patrem, & Henricum fratrem dixerit. Cæterum familia hæc etiam Mentechingen & Mantichingen scripta invenitur, possidebatque pagum Merchingen, corrupto hodie nomine, quem Finckius in Tabula Bavariz Chorographica Maximiliano Emmanuelli Electori dedicata expressè Menchingen vocat. Ecclesia Merchingensis ab ipsis Menchinganis nobilibus donata primùm fuit Episcopis Augustanis: dende, pago ipso à Ludovico Bavaro ad Ertalensis Monasterii dominium translato, ab Henrico Episcopo Augustano incorporata est eidem cœnobio anno 1341. In diplomate Cæsareo locus iste vocatur Menichingen, in litteris Henrici Menchinen. Hæc de Conradi natalibus dicta sunt. (a)

(a) *Vid. Hund. metrop. verbo: Ertal. fol. 303. & Hier. Aug. P. 1. Cath. in Decanis fol. 544.*

§. II.

Favores Pontificii.

2. **I**ncidit Conradus in acerbissima tempora, quibus res Bavariz miserrimè turbabantur. Optimè tamen, cautissimèque se gessit Conradus noster, & cùm regni ac sacerdotii dividiz arderent gravissimæ, ipse sibi & Pontificum & Principum favorem conciliare non ignorabat. Sicut Albertus decessor faventem rebus suis Honorium III. habuit, ita Conradus iste Gregorium IX. Hic etenim Pontifex Parochiam Rottensem à Sigefrido Episcopo anno hujus sæculi vigesimo sexto nobis incorporatam proximo statim anno clementissimè confirmavit, sequente Bullâ:

Gregorius Episcopus, servus servorum DEI.

„ Dilectis filiis Abbati & Conventui in Wessinsbrunnen salutem &
 „ Apostolicam benedictionem. Cùm à nobis petitur, quod justum est
 „ & honestum, tam vigor æquitatis, quàm ordo exigit rationis, ut id
 „ per sollicitudinem officii nostri ad debitum perducatur effectum. Ea
 „ propter, dilecti in Domino filii, vestra justis postulationibus grato

„ con-

„ concurrentes assensu, Ecclesiam in Rott, quam Venerabilis frater no-
 „ ster Augustensis Episcopus, Capituli sui accedente consensu, mona-
 „ sterio vestro pia liberalitate donavit, prout in litteris confectis exinde
 „ dicitur plenius contineri, vobis & per vos eidem monasterio autori-
 „ tate Apostolica confirmamus, & presentis scripti patrocinio commu-
 „ nimus. Nulli ergo omnino hominum liceat hanc paginam nostræ con-
 „ firmationis infringere, vel ei ausu contrario contraire. Siquis autem
 „ hoc attentare præsumpserit, indignationem omnipotentis DEI, &
 „ beatorum Petri & Pauli Apostolorum ejus se noverit incursum. Da-
 „ tum Laterani undecimo Calendas Junii, Pontificatus nostri anno (b)
 „ primo.

3. Idem Pontifex in singularem sedis Apostolicæ protectionem susce-
 pit monasterium nostrum, & privilegio generali omnium bonorum no-
 strorum securitati atque indemnitati consuluit. Bullæ Pontificiæ teno-
 rem atteximus, iis solum omissis ad levandum lectoris tedium, quæ
 huic cum priore Bulla communia sunt.

*Personas vestras & monasterium in Westsbrunnen, in quo divino mancipati
 estis obsequio, cum omnibus bonis, quæ in præsentiam rationabiliter possidet, aut in
 futurum præstante Domino justis modis poterit adipisci, sub beati Petri & nostra pro-
 tectione suscipimus. Specialiter autem terras, possessiones & alia bona vestra, sicut
 ea omnia justè ac pacificè possideris, & eidem monasterio per nos Apostolica auctoritate
 confirmamus, & presentis scripti patrocinio communimus. Post consuetam in con-
 temptores comminationem finitur Bulla: Datum Laterani 2. Idus Aprilis,
 Pontificatus nostri anno duodecimo.*

4. Cum nihilominus homines quidam militares diversis modis mo-
 nasterio molesti esse non reformidarent, neque Pontificis minas, tan-
 quam procul fulminantis, metuerent, viciniore facultatum nostrarum
 vindices Papa constituit, misso ad Abbatem Benedictoburanum, Præ-
 positos Staingadensem & Pollingensem hujus tenoris diplomate, quod
 cum aliis superius recitatis simile sit, peculiaria tantum extrahimus:

Gregorius Episcopus, servus servorum DEI,

*Dilectis filiis Abbati de Buren, de Staingaden & de Pollingen Ecclesiarum
 Præpositis Augustensis Diœcesis, salutem & Apostolicam benedictionem. Præsen-
 tim vobis auctoritate mandamus, quatenus ea, quæ de bonis monasterii de Wes-
 sbrunnen Ordinis S. Benedicti Augustensis Diœcesis aliena inveneritis illicitè vel
 distrahite,*

Hh 2

distralia, ad jus & proprietatem ejus legitime revocatis, contradistores vero per censuram Ecclesiasticam, appellatione postpositâ, compescendo. Et post pauca concludit Datum Laterani Idibus Aprilis, Pontificatus nostri anno duodecimo.

§. Non terribi vibrato in alios Pontificis fulmine, nec sibi pariamentes viri duo equestres Conradus & Henricus Spannagel, fratres ut sanguine, ita sævitia germani, alique nonnulli Dioecesis Augustanæ, in armenta monasterii rapaces injicere manus, & abigere pecora ausi sunt. Inermis Abbas ad Pontificis denuò tutelam confugit, obtinuitque sequentem Bullam, qua Gregorius Abbati Benedictoburano, Præpositis Dieffenfi & Pollingano mandat monasterii nostri defensionem, Communibus omiſſis peculiaria tantum recitamus.

Dilecti filii Abbas & Conventus de Wessinsbrunn nobis conquerendo monstraverant, quod Conradus & Henricus fratres, dicti Spannagel milites, & quidam alii Augustensis diœcesis ipsos equis, bobus, & rebus aliis contra justitiam spoliaverint. Ideoque discretionis vestre per Apostolica scripta mandamus, & cætera jam superius recitata.

Clausula est: *Datum Laterani (c) Idus Aprilis, Pontificatus nostri anno duodecimo.*

(b) Anno 1227. quæ electus fuerat. (c) nempe 1239. non hic Idibus, sed Idus legendum puto, præfixo tamen binario, ut Bulla hæc data sit eodem die, quo prior, nempe num. 3. posita.

§. III.

Favor Episcopi Augustani.

6. **Q**uam faventem sibi Conradus Abbas Romanum Pontificem habuit, tam beneficum & liberalem invenit Sigebertum Episcopum Augustanum. Erat is ex illustri Rechbergiorum familia, à Corbiniano Kamm egregiè laudata (d), electus in Antistitem anno sæculi hujus octavo: quem vel ideo Abbati nostro fuisse crediderim, quod ipse ab extinctis Conradi nostri majoribus Ecclesiam Menchingensem acceperit. Et monasterio quidem nostro jam pridem addictus fuerat, cum sub Abbate Sigibaldo Sigeфридus ipse Rottæ Parochus & Decanus fuisse videatur,

tur, recensitus alicubi inter testes hoc titulo: Sigefridus Decanus de Rotta; id apparet ex ipsa Parochiæ incorporatione, in cujus litteris laudat perpetuam apud nos hospitalitatem. Eundem aliàs ordini Benedictino multa præstitisse beneficia, testatur historia Augustana (c). Tandem post præclara in Diocesi suam merita profecturus in Palestinam, ut sui memoriam apud nos relinqueret perennem, Parochiam Rottensem pleno jure monasterio incorporavit, ac deinde anno 1227. ipso in itinere Brundusii Apuliæ civitate, navim jam conscensurus, spiritum DEO reddidit, & ad feliciorum Jerusalem in cælos abiit. Diploma, vi cujus Rottenfis Ecclesia monasterio plenè incorporatur, apponere erit operæ pretium:

„ *In nomine sanctæ & individue Trinitatis. Amen.*

„ Ego Seifridus, Dei gratiâ Augustensis Ecclesiæ Episcopus. Cùm ex
 „ officio pastoralis dignitatis nostræ, cunctis Ecclesiis nostræ diocesis
 „ maxime tamen religiosis, ac religiosam vitam ducentibus in petitionibus idoneis nobis porrectis benefacere, atque propensius providere
 „ teneamur; volumus, sicut debemus, ut his providens & abundans
 „ adhibeatur cautela, quæ benè ac rationabiliter à nobis geruntur, ne
 „ vel processu temporum, vel vicio fragilis memoriæ rationabiliter à nobis gesta in irritum deducantur, aut alia quacunque causâ dissolvi valeant. Cujus rei gratiâ notum fieri cupimus omnibus ac singulis Christi fidelibus, ad quos præsens devenerit pagina, tam futuris quàm præsentibus; cùm cœnobium in Wessinsbrunnen, bonæ ac laudabilis famæ, propter honestam & assiduam hospitalitatem, quæ ibidem ab antiquo vixit, & ejusdem monasterii reedificationem magnum sustinisset rerum defectum, nec ejus inopiæ quispiam subveniret: quod nos piè in Domino, ob dilectionem dilecti fratris nostri Cunradi ibidem Abbatis & Conventus, defectui ejus compatiētes, Ecclesiam in Rotte, cùm ipsa vacare cœpisset, ad abundantiorē sustentationem necessariorum, cum Jus Patronatûs ejusdem Ecclesiæ ad ipsum spectet cœnobium, de communi consilio, & assensu Capituli nostri, pleno jure dedimus, & concessimus eidem monasterio perpetualiter possidendam & utendam: salvo tamen jure Diocesani, & Archidiaconi, qui pro tempore fuerint. Ut autem ista donatio firma & immutabilis esse debeat, & à nullo nostrorum successorum, seu aliorum latratu malignantium impugnari valeat, præsentem paginam sigillo nostro & Capituli nostri communiter conscribi fecimus, eidem cœnobio in testimonium indulgentes. Hujus rei testes sunt Goteboldus

Hh 3

Abt

„ Abbas in Nerenshalm. Bertoldus Præpositus in Nerbreslithgen. (f)
 „ Albertus Custos. Hainricus de Mendechingen Archidiaconus. Her-
 „ mannus Scholasticus. Ulvicus Cellerarius. Ulricus Plebanus, Ulricus
 „ de Saeningen. Ulricus Vicedominus. Hainricus Huchingus Archi-
 „ diaconus. Ulricus Oblatus. Gebhardus de Salurne Diaconus. Sibotto
 „ de Sevelde. Cunradus de Mülchusen. Sifridus de Innungen. Magi-
 „ ster Wernherus, omnes Canonici Augustenses, & alii quamplures ad
 „ hoc specialiter vocati, tam Clerici, quam Laici. Acta sunt hæc anno
 „ Dominicæ incarnationis millesimo ducentesimo vigesimo sexto, indi-
 „ ctione decimâ quartâ, quarto Idus Novembris, regnante Romano-
 „ rum Imperatore Friderico, & filio ejus Henrico Romanorum Rege
 „ gloriosissimo.

7. In hoc diplomate bene observanda est monasterii nostri commen-
 datio à *bona & laudabili fama*, honestaque & assidua *hospitalitate*, quam in
 eo ab antiquo viguisse Episcopus testatur. Præterea notandum disci-
 men in diplomate Waltharii Episcopi ad B. Walthonem dato; in illo
 enim Episcopus Abbatem appellat *filium: dilecte fili, Waltho Abba.* In
 hoc autem Sigefridus vocat Abbatem *fratrem: ob petitionem dilecti fratris*
nostri Cunradi ibidem Abbatis. Deinde monasterii nostri egestatem tum assi-
 duæ hospitalitati tum ædificiorum instaurationi Episcopus impurat, unde
 colligo, Albertum vel Conradum, aut utrumque Abbatem, structuras
 quasdam fuisse molitos, quæ tamen chartis non sunt mandatz. Denique
 significat Episcopus, jus Patronatus in Ecclesiam Rottenensem jam antea ad
 monasterium nostrum spectasse. Ex quo colligas, ipsum illam Adalber-
 gum de Rose, Walthonis nostri Florentium, si à nobis fuit presentatus,
 cætera sua crimina etiam ingratitude dedecore cumulasse.

(d) Hier. Aug. P. I. Cathed. pag. 235. (e) Ibid. fol. 236. (f) Luge Her-
 prechtingen: olim Præpositura in Württembergia.

§. IV.

Favores Cæsarei.

8. Q Uemadmodum Fridericus primus Imperator, cognomento Enobarbus, tum S. Walthonis precibus, tum Wulfildis monialis nostræ materteræ suæ, amore permotus propitium se ac liberalem exhi-

exhibuit, ita Fridericus II. conatus est suum nobis favorem supplicante Conrado ostendere. Servamus insigne diploma, in quo significat, ad præstandam nobis gratiam se fuisse permotum, quòd Ecclesia nostra à parentibus suis, majoribus nempe vel propinquis, fuerit fundata & dotata. Permittit igitur omnibus optimatibus aulæ suæ cunctisque ministris suis liberam facultatem, quidquid vellent prædiorum aut reddituum suorum monasterio nostro donare, liberè prorsus donandi ac transcribendi. Præterea hortatur omnes Principes ac Nobiles, ut, siquid prædiorum antiquitus ad monasterium pertinentium quoquo titulo possiderent, illud divino timore instincti restituerent. En ipsum diploma :

„ *Fridericus secundus divina favente clementia Romanorum Imperator semper Augustus, Rex Siciliae, omnibus salutem in perpetuum.*

„ Quia de commissa nobis à Deo substantia Christi pauperibus erogare tenemur particulam, & sanctarum Ecclesiarum profectui, quæ nostris reatibus acquirit veniam, & æternæ sortis ad præmia nos conducit. Holocaustum enim illius particulæ, quam vel mater Ecclesia, vel egeni suscipiunt, vel quæ transit fideliter in usus pauperum, pro delictis nostris incessanter supplicat, instanter intervenit, mansionem ædificat in terra viventium, & cælestis regni palatio nos adscribit. Hinc est, quòd ego Fridericus aulæ Imperialis Imperator & Rex Siciliae, præsentis scripti confirmatione, omnibus ministerialibus, vel sine compede progenitis, aulæ Imperiali attinentibus, significo, quòd Ecclesia S. Petri in Wessinsbrunnen, quæ à felicibus beatæ memoriæ parentibus nostris fundata, & dotata, & specialis dilectionis gratiam apud ipsos adepta recognoscitur, nos quoque eadem dilectionis plenitudine ipsi Ecclesiae omni instantiâ subvenire, & structuram ipsius protendere delectat. Universis etiam ministerialibus aulæ imperiali subjacentibus manifestè indicimus, quòd quicumque prædia vel aliquos redditus eidem Ecclesiae ad usum fratrum inibi Deo servientium & omnium pauperum, viatorumque supervenientium tradere deliberaverit, ex licentia nostra, quam etiam à parentibus nostris ipsi Ecclesiae datam esse non ambigimus, mente benevola fieri permittimus. Præterea principibus & nobilibus viris, qui prædia ipsius Ecclesiae, cum quibus sancta existit, ex jure concessio possident, fideliter suademus, & favore nostræ autoritatis concedimus, quatenus instinctu spiritus timoris Domini ablata eidem Ecclesiae prædia, ad ejus protensionem & su-

„ *fici-*

„ stentationem fideliter restituant. Et nequis præsens scriptum frivolum
 „ esse præsumat, nostri impressione Sigilli fieri iussimus communiter.
 „ Hujus Imperialis iudicii testes sunt Bertholdus Patriarcha Aquilegien-
 „ sis. Chunradus Imperialis aulae Cancellarius. Sifridus Moguntinen-
 „ sis Archiepiscopus. Sifridus Augustonensis, Bertholdus Brixinensis, Epi-
 „ scopi. Albertus Tridentinus electus. Ludovicus Comes Palatinus Rhe-
 „ ni, Dux Bavariae. Anselmus Marscalcus. Wernherus Capifer, & alii
 „ quam plures. Datum in Castris prope montem Rosulum juxta Sutri-
 „ um, anno Domini millesimo ducentesimo vigesimo primo, Indictione
 „ nona, septimo Calendas Decembris. Anno imperii invictissimi Domi-
 „ ni nostri Friderici primo.

9. Inter testes iterum vides Sigefridum Episcopum Augustanum, be-
 nefactorem nostrum superius jam laudatum: item Ludovicum Palatinum
 Rheni, & Ducem Bavariae, qui Ottoni Magno circa annum 1189. suc-
 cesserat: fortis ac Religiosus Princeps, at non æque fortunatus, nisi in
 eo, quod per nuptias filii sui Ottonis cum Agnete Henrici Palatini filia
 Palatinatum cum Bavaria junxerit. Ipse Ludovicus, Innocentio IV. teste
 Pontificis semper partibus favit, idè, ut quidam autumant, Friderico
 Imperatori demum exsul, eodèque subornante Kelhemii anno 1231.
 die 16. Septembris à Morione proditoriè occisus. Hæc fuit merces fidei,
 ac in multis præstitæ societatis: sicut ex recitato diplomate patet, cui ipse
 testis in castris prope montem Rosulum subscripsit.

10. Nullus dubito, quin Sigefridi Episcopi oratio multum momenti
 attulerit, ut Imperator multò largiùs suam erga nos munificentiam de-
 monstraret. Erat enim, ut patet, Episcopus cum Cæsare in castris,
 cum expediretur diploma. Eodem anno ac die Imperator aliud pro
 emolumento nostro Privilegium seu grande donum est elargitus, vi cu-
 jus pleno jure monasterio attribuit villas Rormos & Porstadel cum sub-
 dictis. Invenies in hoc diplomate eosdem testes, eundem, ut ajunt,
 diem & consulem.

„ *Fridericus II. divina favente clementia Romanorum Impe-*
 „ *rator semper Augustus, & Rex Sicilia, omnibus salutem*
 „ *in perpetuum.*

„ Ex innata nobis Imperiali munificentia communatibus Ecclesia-
 „ rum, specialiter earum, quæ ad nos pertinent, intendere, earum-
 „ que paupertati benignâ manu subvenire intendentes, præsentium te-
 „ stimo.

„ Simonio ad notitiam præsentium atque ad memoriam pervenire volumus futurorum, quod nos pro remedio animarum divorum progenitorum nostrorum, nostræque salutis successu, damus, donamus, atque tradimus, & titulo perpetuæ possessionis confirmamus Ecclesiæ in Wesslinbrunnen Abbatibus atque Conventui ibidem de cætero DEO servituris, volentes, Isingerum de Rorenmos, Marquardum cum dimidio manso, Chunradum de Postadele, consistentes in quodam novo ad nostrum demanium pertinente. Volumus igitur atque decernimus, ut Abbates & Conventus prædicti cœnobii homines atque dictos, & locum, terram, nemus, sive novale, in quo habitant, cum omni jure & honore sicut hactenus ad nos pertinebant, ex omni parte cum introitu & exitu ex nostra Imperiali collatione seu donatione habeant, teneant, atque possideant, sine alicujus contradictione: ita, quod nullus nuncius noster aliquod inde à monasterio servitium requirat memorato. Ad hujus igitur rei perpetuæ valitutz evidentiæ majorem, robur, atque memoriam; hoc scriptum inde fieri jussimus, sigillo majestatis nostræ communitum. „ Sequuntur testes, ut in priore diplomate, post quos subscribitur: „ Ego Chunradus, Metensis & Spirensis Episcopus, Imperialis aula Cancellarius, recognovi. Datum in cæstris verbis, quibus supra.

§. V.

Alia quædam bona monasterio comparata.

STatis quidem fecisse muneri suo Conradus Abbas videri poterat: obrentis tot eximiis Pontificum, Episcoporum, Principumque favoribus: verum Deus alios quoque benefactores excitavit. Atque imprimis Udalricus de Vindingen cum Agnete uxore, ac filio Conrado ad altare S. Petri obtulerunt prædium in Hostetten cum omnibus cultis & incultis ad illud pertinentibus; & hoc in dotem pro Gerbirga filia, quam divino servitio in Parthenone nostro mancipaverat. Eodem die, quo filia sanctimonialibus est associata, Udalricus & Agnes pro salute animarum suarum, parentumque defunctorum donaverunt monasterio molendinum in Vindingen, unâ cum Advocatiæ eo tamen pacto, ut ipse Udalricus tantummodo solus illud ad diem vitæ suæ possideret, usumque illius annuo ceræ talento ad monasterium misso redimeret; deinceps verò molendinum cederet in usum Ecclesiæ nostræ. Pactus est præterea Udalricus sibi, suisque in monasterio nostro sepulturam, & ubi-

cunque eum in citeriore ista Rheni parte decedere contigisset, ad Ecclesiam deportari sine damno nostro. Quodsi per censuram aliquam Ecclesiasticæ sepulturæ incapax obiret, obstringit Abbatem & Monachos cum uxore & filio, ut pro absolutione elaborent. Ad ipsas porro exequias suas constituit Ecclesiæ persolveri tria talenta, quantum verò Conventui fratrum: sanctimonialibus autem utilem vaccam designavit. Eadem omnia observari voluit in funere uxoris suæ Agnetis, & Conradi filii. Quæ ut accuratè executioni mandarentur, curam habere iussit sororis suæ filios Hildebertum & Henricum. Quoties porro ipsius Udalrici anniversarius ageretur, voluit exhiberi Conventui charitatem, id est, refectionem liberaliorem, & pocula usque ad summum impleri vino. Explicatius hæc enarranda putavi ad exhibendas veterum consuetudines, simplicitatem, ac in Religiosos benevolentiam. Prudens quisque, ac rei oeconomicæ monasticæque peritior veniam habeat, profundius considerandi, num pacta hæc talia plus favoris, an oneris attulerint religiosæ solitudini, ac monasterii facultati. Ejusmodi Patroni obsequium se præstare Religiosis putabant; nec rejici facile tunc temporis poterant similes pactiones, cum amicitia potius quocunque demum modo servanda, quam inimicitia secularium suscipiendæ viderentur, ab expertis præcipue quid vis armata contra inermium jura posset.

12. Præterea Chunradus miles, id est, vir nobilis de Grunthartshoven, annuente uxore, pro remedio animarum suarum curtem quamdam, seu prædium in Pennenried, à parentibus hæreditario jure acceptam, cum omnibus ad eam pertinentibus, quocunque loco sita essent, Ecclesiæ Wessofontanæ tradidit, sine cujusquam impedimento post obitum suum perpetuè possidendam. Idem Chunradus dimidiam partem curiæ seu prædii in Sechsenried cum servis, Sigihardo nempe & omni ejus propinquitate ac progenie, Ecclesiæ nostræ obtulit pro sex talentis sibi mox porrigendis, ea lege, ut si obiret sine liberis, dimidia illa curiæ pars in perpetuum Ecclesiæ usum converteretur: quodsi verò prolem relinqueret, ipse acceptam pecuniam monasterio refundere teneretur. Munus est traditionis Instrumentum multis testibus, maxime de conventu nostro, & familiâ monasterii. Nec minus de istius, quam superioris traditionis utilitate dubito: si prudentiores judicent, in monasterii commodum hæc pacta celsisse, lubens benefactoribus tam profusis gratias ago.

§. VI.

Status cœnobii nostri quoad monachos.

13. **Q**uantumvis alibi locorum claudicasse tam disciplinam monasticam, quàm litteraturæ curam ea temporum acerbitate noverim, injuriam tamen gravissimam majoribus nostris inferrem, si de iisdem similia affirmare præsumerem. Satis testimonii monasterio nostro dedit Sigefridus Episcopus, ut supra vidimus: & fuit is non auritus tantum, sed oculatus testis, solâ hospitalitatis copiâ nos ad inopiam quamdam decidisse: nunquam tamen Abbatum nostrorum vigilantia eo usque dormitavit, ut ad litteras *hospitum exclusorias* à Principibus petendas adigerentur, quemadmodum alibi factum legimus (g). Imò Conradus noster pro temporibus illis sufficientem Religiosorum numerum aluit, & quidem nobilium & litteratorum, ut honestissimos quoque ac eruditissimos non pigeret in eorum societatem accedere. Invenio integrum ferè Catalogum monachorum nostrorum traditioni Conradi paulò ante memoratæ subscriptorum, quem lubens exhibeo. *Hi testes sunt: Dominus Chunradus Abbas. Conradus Pozzo. Fridericus & frater ejus de Ludenhusen. Rudigerus de Hunsoligen, & Bertholdus de Sulmingen, Wernherus de Celle, Sacerdotes. Dietricus de Pflugdorff, Ulricus de Igelingen, Diacones. Rupertus de Stettwang, Hermannus de Pblurlingen, Subdiaconi. Marquardus Huzzo. Conradus de Durginveld, & Cognatus ejus Otto.* His subnectuntur alii tum ministeriales, tum familiares monasterii, quos alium in locum differimus. Inter Religiosos litteratissimus fuit Conradus Pozzo, qui cùm Abbati proximus ponatur, tunc temporis Prior fuisse videtur, de cujus meritis & doctrina inferiùs agemus. Nobiles ex conventu mihi comperti sunt Fridericus de *Ludenhusen*, cùm inter testes laicos legatur Ulricus de *Ludenhusen*, & miles vocetur. Rudigerus de *Hunsoligen*, ex cujus familia tres à B. Walthone in cœnobium jam dudum assumptos narravimus. Dietricus de *Pflugdorff*; nam ejus stirpis homines inferiùs redibunt, iidemque arcem olim habebant hodiernæ S. Laurentii Ecclesiæ vicinam. Ulricus de *Igelingen*, cujus stirpis castrum hodièque splendet, & extincto jam illo sanguine Baronibus *Donnerspergiis* paret. Wernherus de *Celle* non temerariè inter majores hodiernorum Baronum de *Celler* numerabitur.

14. Cæterum non caruit domesticâ quoque ærumnâ Conradus Abbas, seriùs fortè, quàm voluisset. In tærum actarum noticiam veniens. Explicavit ipse animi sui dolorem Gregorio IX. summo Pontifici, ab eoque consilium ac remedium petiit, conquerendo, quòd nonnulli è suis pro mutua & violenta manuum injectione, quidam pro detentione proprii, alii pro negata sibi & decessoribus suis obedientia, & conspiratione quadam in excommunicationem inciderint, sacros tamen ordines suscepèrunt, ac exercuerint. Cui querelæ ac petitioni Pontifex, Abbatis circumspectionem laudans, plenas prudentiæ & charitatis litteras dedit, quas, cum luculentæ sint, propriis ipsius verbis exhibeo.

» *Gregorius Episcopus servus servorum Dei, dilecto filio N. Ab-*
 » *bati de Wessisbrunne. Ord. S. Bened. Augustanæ Diœcesis,*
 » *salutem & Apostolicam Benedictionem.*

» Petitiô tua nobis exhibita continebat, quòd nonnulli monasterii tui
 » monachi & conversi pro violenta injectione manuum in se ipsos, &
 » quidam pro detentione proprii, ac alii pro negata tibi & prædecesso-
 » ribus tuis obedientia, seu conspirationis offensâ in excommunicatio-
 » nis laqueum inciderint; quorum monachorum quidam suscepèrunt
 » ordines, & divina celebrârunt officia sic ligati. Quare super his ipso-
 » rum provideri salutis, à nobis humiliter postulâsti. De tua igitur cir-
 » cumspèctione plenam in Domino fiduciam obtinentes, præsentium tibi
 » autoritate personaliter concedimus; ut taliter excommunicatis delin-
 » ceptis juxta formam Ecclesiæ beneficium absolutionis impendas, injun-
 » gens eis, quod de jure fuerit injungendum. Provisò, quòd manuum
 » injectores, quorum fuerit gravis & enormis excessus, mittas ad sedem
 » Apostolicam absolvendos. Cum illis autem, qui absolutionis benefi-
 » cio non obtento, facti immemores vel juris ignari suscepèrunt ordi-
 » nes, & divina officia celebrârunt, injunctâ eis pro modo culpæ pœ-
 » nitentiâ competenti, atque pèractâ, liceat tibi de misericordiâ, quæ
 » superexaltat judicio, prout eorum salutis expedire videris, dispensare.
 » Si verò præfati excommunicati scienter talia præsumpserunt, eis per
 » biennium ab ordinum executione suspensis, & impositâ ipsis salutari
 » pœnitentiâ, eos postmodum, si fuerint bonæ conversationis & vitæ,
 » ad gratiam dispensationis admittas. Proprium autem siquid habent
 » dicti monachi & conversi, facias in tuis manibus resignari, in utilita-
 » tem ipsius monasterii convertendum. Datum Laterani decimo sexto
 » Calendas Maji. Pontificatus nostri anno duodecimo.

15. Fuit ea temporum illorum iniquitas, ut, si acerbius etiam sentire de præmissa manuum injectione velim, credere debeam, partium studio divisos fuisse animos, cum alii Pontificis, alii Imperatoris; quidam hujus, quidam Ottonis Ducis parti faverent. Si mitius, quod præoptem, & ipse Papa suspicatus videtur, juniores fratres ætatis calore in rixam inflammatos id fecisse, quod susceptis postea ordinibus jam prudentiores in religionem primum vertere cœperint. Neque obedientiam tam præfractè negatam, neque conspiracyonem tam acriter conflitam fuisse, mihi persuadeo, cum Abbas vel tamdiu taciturus non fuisset, vel ipsi fratres in loco non perstituri. Quantum ad retentionem proprii atinet, pro illorum temporum consuetudine distributiones certorum reddituum fiebant non solum in officiales, sed etiam Religiosos singulos, quemadmodum aliorum cœnobiorum exempla testantur: (h) neque id sibi quisquam religioni ducebat. Permittebantur habere & administrare quædam, requisita tamen superiorum, vel totius Capituli voluntate. Unde mirum non est, gravius fuisse reprehensum, si quis in ea consuetudinis laxitate plus sibi supra concessum arrogasset. De cætero ipse Pontifex nihil de talibus exigit in Bulla, nisi proprii resignationem, neque facit ullam quoad hos injungendæ poenitentię mentionem. Crediderim juxta Innocentii III. Papæ mandatum anno 1203. editum de statu monachorum capitulo: *In singulis*, tempore Conradi Abbatis Capitulum Provincialem fuisse celebratum, & hujus jussu visitationem, in qua ejusmodi errores serò cogniti & emendari sint jussi.

(g) *Hist. Ensd. sut tit.* Mundi miraculum seu S. Otto &c. fol. 396. (h) *Chron. Benedic. Vide Indicem art. Oblaja.*

S. VII.

Monachorum eruditio.

16. **O**missis jam fatis tam tristibus anteciora videamus, & monachorum sub Conrado degentium eruditionem consideremus. Vixit sub eo Chronographus (Conradum Pozzonem existimo) qui Epitomen Chronicam ab anno prioris sæculi nonagesimo quinto usque ad vigesimum septimum sæculi currentis, adeoque septimum Conradi Abbatis perduxit. Leguntur in hac epitome pulcherrimo charactere scripta, quæ per Imperium Romanum gesta sunt. Stephanus Leopolder ea in antiquo Lectorum matutinarum volumine inventa descripsit.

17. Viri hujus diligentiam æmulatus est alius, qui Chronicon ab Anonymo primùm laudato scriptum continuavit usque ad annum 1279. adeoque per annos quinquaginta duos. De reliquo certum est, Pozzonem supra modum allaborasse, ut litterarum cultui existimationem conciliaret, eumque inter sodales suos continuaret, ac propagaret. Hinc idem ipse beatæ Diemodis memoriam renovavit, dum anniversarium fundavit perpetuum, & quoniam ipsa tot voluminum scriptrix fuit, ut stimularet alios ad ejus imitationem, litteratis fratribus singulariter favit. Imò & clauistro monialium, in quo litterata Diemodis vixerat, honorem peculiarem tribuit, dum fundavit vespas in S. Michaëlis sacello peragenda, quod proprium olim religiosæ Virginum Clausuræ Oratorium fuisse, ex antiquis monumentis collegimus.

18. Verùm juvat jam ipsum Pozzonem audire, & imprimis quidem super anniversario in beatæ Diemodis memoriam peragendo, suis verbis ita loquentem : „ Cunctis fidelibus tam præsentibus, quam futuris. Quater ego Chunradus, cognomine Pozzo, humilis confrater S. Petri in Weffinsbrunnen, Venerabili Abbate Chunrado Menchingen anauente, ac universo Collegio consentiente, loci scilicet prætaxati, feudum quoddam in Rot, Grutenfi obligatum, pro tribus talentis, quæ mihi de præbenda mea debebantur, pro remedio animæ meæ, Ecclesiæ memoratæ redemi, ea videlicet conditione, & singulis annis in anniversario beatæ Dimudis de proventibus præfati feudi, id est, octo solidis, omnibus litteratis confratribus Deo ibidem militantibus honesta consolatio impendatur, & ut in vigilia anniversarii ejusdem in Capella S. Mariæ Virginis, ubi corpusculum præmissæ Dimudis est humatum, major Vigilia, & Missa defunctorum in mane cum universo Conventu solemniter celebretur. Adjiciendum quoque supradictis, quod nullus Abbatum seu Provisorum de memorato feudo aliquam Stauram exigat.

19. Altera Conradi fundatio ad S. Michaëlis capellam pertinet, in qua voluit pridie ejus festi vespas & matutinas à Conventu celebrari, & ipso die publicam Missam solemniter haberi. Pro eo labore consolationem fratribus constituit; oblationes verò factas Capellæ procuratori, ac celebratori addixit: additis horribilibus minis in violatores hujus suæ foundationis, adjectaque, uti superius, cautione, nequa de feudo Piringenfi, unde solvendum anniversarium, vel per Abbatem, vel per Procuratorem exactio fieret. Juerit audire ipsum foundationis instrumentum.

„ Contra oblivionis periculum Universitati fidelium innotescat, quod
 „ liter ego Chunradus Pozzo, Confrater S. Petri in Wessinsbrunne
 „ divino instinctu quoddam feodum in villa Piringen situm, Venerabili
 „ Abbate Chunrado annuente, totoque Conventu ejusdem Ecclesie
 „ consentiente & favente, ob remedium animæ meæ pro tertio dimidi
 „ talento redemi, & cum eodem feodo Capellam S. Michaëlis dotavi
 „ eo videlicet tenore, ut annuatim in eadem Capella in Vigilia S. M
 „ chaëlis ab universo Conventu vespere & matutine, & in die ejus
 „ dem solemniter publica Missa celebretur: & ut omnibus Confratribus
 „ illic Deo militantibus in Vigilia S. Michaëlis honesta consolatio
 „ prædicto feodo, quod singulis annis duodecim solidos reddit, annu
 „ tim & perpetualiter impendatur: & ut quilibet præfatæ Capellæ præ
 „ curator & celebrator omnes oblationes illuc delatas in usus suos co
 „ servet. Siquis verò tam solemnne factum imposterum ausu temerari
 „ à præmissa Capella S. Michaëlis, qui est præpositus Paradisi, & Pri
 „ cept animarum, irritare, commutare, minorare, distrahere, aut ul
 „ modo alienare conatus fuerit, semper sit expers à consortio sancto
 „ rum Angelorum, & omnium civium supernorum, & perpetuo an
 „ themate omnipotentis Dei & omnium sanctorum feriatur: deleat
 „ nomen ejus de libro viventium, & cum justis non scribatur, & omnis or
 „ tio ejus in peccatum convertatur, & in universali examine, & in ter
 „ mendo die judicii cum sinistris in gehenna deputetur, & ibi sine fine
 „ cum ministris Sathanæ æternaliter crucietur. Amen. Adjiciendum
 „ quoque supradictis, quod nullus Abbatum seu Provisorum de mem
 „ rato feodo aliquam Steuram exigit.

20. Considera, quæso, quantum ea tempestate licuerit Religio
 privato, duarum simul Parochiarum administratori. (i). Verum succ
 dentibus ænīs, sicut disciplina monastica in meliorem fuit redacta for
 mam, & culta religiosius votorum observantia, ita ex lisi, quæ Con
 dus voluit, immutata sunt nonnulla: quæ hodie honestius commodiusque
 sunt in Ecclesia monasterii publica. Ex Capella S. Michaëlis paululū
 ingrediamur Parthenonem, paulo post inquilinis cariturum.

(i) Conradum hunc Landspërge & Pyrgæ Parochum fuisse certum est. Num j
 monachus has Ecclesias diutius administravit, non decerno. In antiquiss. Neci
 ad 7. Cal. Febr. annuntiatur: Chunradus Pozzo presb. & mon. n. c.
 plebanus ad Piringen & Landspërg obiit.

§. VIII.

Status Clausuræ monialium.

21. **D**E hujus Clausuræ antiquitate Stephanus Leopolder sic scribit, ut ipsi virorum coenobio cœvea esse videatur; narratâ enim monasterii fundatione, Ilungi in Capellam S. Mariæ introductione, post majoris Ecclesiæ erectionem viginti quinque monachorum per Landfridum aggregatione, ita prosequitur: *Eodem etiam tempore incepit Clausura sanctimonialium feminarum in Capella S. Michaelis sub rectu majoris Ecclesiæ S. Petri Apostoli.* Ut de tanta Clausuræ antiquitate fidem Stephano habeamus, nihil nos adducit, cum ante Diemodem nulla uspiam monialium fiat mentio, nisi in Calendario Benedicti Abbatis, cuiusque monachorum & conversarum nomina reperimus inscripta, posteriori primum ævo inserta ex ipso veterum silentio meritò judicamus. Diximus in Walthone, cum beata Diemodis multiplici scriptione, miraque simul vitæ innocentia cœpisset inclarescere, illius primum vel exemplo adductas, vel S. Walthonis institutione introductas esse tum viduas tum puellas, donec in justum Parthenonem Virgineus cœtus coalesceret. Recitavimus jam sub eodem B. Abbate sanctimonialium ab ipso susceptarum nomina. Earum, quæ post illius obitum advenère, hæc reperiuntur.

Anonyma de Mammendorff, Adalberti nobilis viri filia, pro qua Pater monasterio prædium Prandenbergenſe tradidit, Sigibaldo Abbate.

Gertrudis de Horpach, Wernardi & Berthæ nobilium parentum filia, Conradi & Udalrici soror, eadem à Sigibaldo in Clausuram admissa.

Irmengarda de Liechtenstein, cujus Mater nobilissima monasterio tradidit prædium, vineam, agros in Oberlannen.

Willebirga de Liechtenstein, Irmengardæ soror, cum eadem à Sigibaldo Abbate suscepta est.

Gerbirga de Vindingen, Domini Udalrici & Agnetis filia, Conradi soror, anno 1225. à Conrado hujus nominis secundo Abbate in Parthenonem fuit introducta.

22. Non igitur satis attendit Stephanus Leopolder, dum ad annum 1781. adnotat tanquam rem memorabilem, quod illo adhuc tempore floruerit Clausura monialium, putans postremum illud esse indicium superstitis Parthenonis, in quem tamen quadraginta & pluribus post annis recepta fuit Gerbirga, neque sanè extinctus fuisse videtur, quamdiu Conradus secundus gubernaculum tenuit. Post hujus verò resignationem, cum in Bavaria turbarentur omnia, credo, etiam nostrum Parthenonem concidisse, sicut alios per Boicam complures, virorum monasteriis adjunctos. Causa extinctionis quorundam, erat egestas virorum tam magna, ut duplici Congregationi alendæ non sufficerent facultates; quidam per incendia destructi leguntur: alii perierunt per Principum aviditatem, qui excedentium præfectarum bona sibi vendicarunt, neque alias magistras subrogari permiserunt. Quomodo noster intercederit, nullibi scriptum invenio. Divinare licet, domesticam egestatem, & publicam patriæ perturbationem fuisse in causa, quam paulo post supervenisse videbimus, ab ætate aurea atque argentea ad sæculum ferreum descensuri.

23. Aliâ Conradi Abbatis actâ, cùm sint obscuriora, præterimus: uti mansum unum cum vineis prope Bòlzanum, monasterio pro 27. marcis argenti comparatum: sicut controversiam super capella Bebingovienfi, inter Præpositos Rottenbuckensem & Staingadensem agitatam, cui testis interfuit Conradus Abbas noster jam grandævus & deposita dignitate. At omittere non possumus duos monachos alienigenas, qui aliunde, ut videtur, huc delati & apud fontes nostros annis multis benemeriti iustissimas laudes exigunt.

§. IX.

De Ludovico & Radkisso monachis.

1. **N**ihil est, quod certum de horum monachorum adventu statuamus: nomina Longobardicum aliquid sonare, & peregrinos advenisse, videtur innuere Ludovicus, dum in libro super Daniele a se descripto, & altero S. Hieronymi de Catholicis scriptoribus *sedibus externis*, & procul à patria hunc exarâsse fateatur: nisi hunc inclusum fuisse, & à cæteris monachis semotum vixisse subeat suspicari, quales Murichodachus & Marianus Scotus Ratisbonæ fuerunt. Alio, vel eodem scribendi artificio valuisse Radkissum, credi potest, qui tamen nomen suum

Kk

nuspiam

nuspian voluerit indicare. Ludovicus in carmine super Gratianum Longobardiæ hunc civem gratulatur: Radkisius cognominem habuit Longobardiæ regem, qui in Cassino monachum induit. Utriusque nomen veteri Calendario eodem die tertio Calendas Apriles post Diemodem inscriptum est hæc verbis: *Ludovicus & Radkis monachi nostra congregationis obierunt.* Hæc iterum cum Diemode in eundem diem inscriptio æquale eorumdem meritum arguere possit. De Ludovico certi sumus, tum ipsius confessione, tum characteris similitudine, eum libris plurimis manu elegantissima descriptis Bibliothecam nostram locupletasse, quorum dein Catalogum dabimus.

2. Nunc autem, ut mores quoque & ingenium hominis, quantum conjectando licet, aliquantum noscamus, versus ab eodem pluribus voluminibus initio vel fine inscriptos recitabimus.

In Librum Josephi de Bello Judaico.

*Judaicam Guerram, Gentes, Urbem, sacra, terram,
Fine simul tristi pro sanguine perditâ Christi,
Josephus iste meus prior edidit auctor Hebræus.*

Post intervallum.

*Librum Judaici belli, manibus Ludewici
Scriptum, sancte Pêtre, summo tuearis ab ætre,
Hic labor & sit ei spes perpetuæ requiei.*

In libros antiquitatum Josephi Judæi.

*Josephus hic scribit, quod nunquam schéma peribit,
Processus rerum, sex incrementa dierum,
Adæ peccatum, mundo genus exiliatum,
Indigenas arcæ, primi meritum Patriarchæ,
Vates & Reges, sacras ex ordine leges,
Quot scelerum nodis regnum se vinxit Herodis,
Dux cum postremo superesset tempore nemo.*

In libro super Daniellem.

Ex hoc dum, lec] tor [bonæ, fractum codice carp] is.
 Quis fuerit scrip] tor [interdum, quæso, memor s] is.
 Pauper & exiguus huius nomen erat Ludeuuius.
 Sedibus externis hic librum, quem modò cernis,
 Dum scripsit, frig] uit, [& quod cum lumine sol] is
 Scribere non pot] uit, [perfecit lumine noct] is
 Sis DEUS istorum merces condigna laborum.

In fine libri Orofii.

Hic codex modici labor est manuum Ludeuuii,
 Qui transcripsit] eum [quod tu, Lector bone, nescas,
 Millifluumque D] eum [dare mercedem sibi poscas.
 Sic faci] ens [Cbr] i] ste p] er [se sit gaud] ia [vi] ta.
 Scriptor hab] ens [i] p] er [secula nesc] ia [me] ta.

In fine libri S. Hieronymi de libero arbitrio.

Libri quis scriptor sit, sis memor & bonæ Lector.
 Orphanus & modicus transcripsit eum Ludeuuius
 Tempore maroris, plañtus, magnique doloris.
 Causa fuit luctus pater in cineres resolutus.
 Quod fecit, pensa, JESU, factumque repensa.

In fine Libri Hieronymi de Catholicis Scriptoribus.

Librum quem cernis, frater scripsit Ludeuuius
 Sedibus externis, patriæ ceu fidus amicus:
 Cujus sudores; DEUS, & per cuncta labores
 Tu, pie, perpendas, & præmia digna rependas.
 Gaudeat ergò sine tecum, Rex optime, sine.

In fine Libri Gennadii de viris illustribus.

Obsecro per Christum, qui librum perlegis istum,
 Pauperis & modici reminiscaris Ludeuuii.

Liber præ manibus habitus calammum docet ejus.

Liber præ manibus habitus crimen tegat ejus.

Hoc exoretur, optetur, & obtineatur. Amen.

In fine Libri Gratiani.

Spe Ludewicus ego sub præcipua miki dego:

Hæc qui exaravi scripta labore gravi.

Est meus iste labor, neque me suadisse gravabor:

Scripsi, quod deceat, floreat, & maneat.

Scripsi Scriptorem, juvat implexisse laborem;

Nam portum teneo, propitiante DEO.

Spero, quod à Petro lever, ut Thabira, feretro,

Fructus ut ille meus sit sine fine DEUS.

Abluat à sæce decus hoc me Bibliothecæ:

hoc miki post obitum non debeat meritum.

In eodem libro circa finem sequentes versus inveniuntur.

Sacra Patrum cura statuens Synodalia jura

Intulit Ecclesiæ semina Justitiæ.

Ne liceat gratis genus omne superfluitatis,

Et trahat ex legem vox aliena gregem.

Nam si personas quatuor ex ordine ponas

Judicis officium possidet arbitrium.

Stat Reus in causa, facit Actor & impetit ausa:

Testis promittit ibi conscia signa sibi.

Unusquisque status ad se sibi continuatus

Jure jacente jacet, jure vigente placet.

Christi cura fori mundano sanxit honori:

Christus jura poli vult quasi sancta coli.

Mundanas leges voluerunt condere Reges:

Is certe gladius militat exterius.

Spirituale latus cingunt Decreta Papatus:

Cælesti lucro militat iste mucro.

Sedes

*Sedes Romana, majestas Caesariana,
 Præcinit illa choro, præsidet ista foro.
 Quidam legista duo summæ noverat ista:
 Cognita sincerè scripsit in hoc opere.
 Hic velut è vivo mæscet sapientiâ rivo
 Inter utramque viam pandere justitiâ.
 Hic liber & veri decus est, & gloria Cleri,
 Certa sub hoc titulo causa boni populo.
 Fudit opes lætas hæc nostri temporis ætas:
 Fudit opes bilares, quas tibi quisque pares.
 Longobardiâ, polles hæc Philosophia,
 Tali perpetuo prædita cive tuo,
 Qui scripsit primus, quod cuncti scire velimus,
 Et propria tales repperit arte sales.*

3. Ex his omnibus elucet Ludovici patientia, humilitas, pœnitentia, rigor vitæ, laboris amor, timor divini judicii, spes & aviditas beatæ æternitatis. Dolendum est, hujus viri, tam egregiè de monasterio nostro meriti nullam superesse præter libros memoriam; nam sicut Beatæ Judithæ apud nos sepultæ, ita & Ludovici hujus tumulum nescimus. Quantum ad ipsius pœsin attinet, numerandus est ille inter illustriores ejus ævi pœtas, quo ars maxima in versibus Leoninis esse existimabatur: & quamvis metri necessitas versum quandoque sensui parere coactum, efficeret duriorem, compensat duritiem labor, & dura lex sibi sponte imposita, in uno disticho duos, imò & quatuor rhythmos cudendi, ut patet in illis ad librum Danielis & Orosii superiùs recitatis. Demum qualemcunque profodiæ neglectum faciliè compensant versuum multorum suavitas, rhythmi facilitas, & emicantes ingenii scintille. Vixit Ludovicus sub Sigibaldo & Alberto Abbatibus, in aliquot etiam Conradi II. annos, illóque tempore, quo miraculosum Sacramentum, cruenta nimirum sanctissima Hostia Augustæ Vindelicorum anno 1199. innumeros cultores & admiratores traxit, quam in rem sequentes versus, à Ludovico compositos, invenimus.

*Collige, munda fides, Dominus quod contulit orbi,
 Quæ modò facta vides nostri medicamina morbi.
 Carne tulit carnis culpam misratio Christi:
 Plaude, typum carnis quæ cernere digna fuisti.
 Panis, in altari quem scimus mystificari,
 Ecce cruentatus cum sanguine carnificatus.
 Cernitur obscurâ, rarâ, timidâque figurâ.
 Quem sumendo, domo tractamus spirituali,
 Hic Deus est & homo, clausus re materiali.*

4. Nunc indefessos & admiratione dignos Ludovici labores consideremus, volumina nempe, undique conquesta, quæ elegantissima manu descripsit, iisque omnes ferè Facultates illustravit. Catalogum eorum Stephanus Leopolder concinnavit, & ad posteros transmittit, quem recitamus.

*Index Bibliothecæ Ludovici monachi,
 Præter libros jam supra memoratos:*

1. Liber Regum. 2. Agiographæ: un. volum. 3. Isidorus in Pentateuchum. 4. Canonæ Ivonis un. vol. 5. Homilie XX. & liber Prophetarum. 6. Glossa Psalterii. 7. Testimonia de veteri Testamento. 8. Passiones Apostolorum. 9. Passonarum. 10. Epistola Apostolorum. 11. Actus Apostolorum. 12. Pastoralis cura. 13. Regula solitariorum. 14. Romanus Ordo. 15. Penitential. 16. Dialogi duo, vetus & novus. 17. Missale Snellonis. 18. Homiliarii duo hyemales, & duo æstivales. 19. Synonyma Isidori. 20. Missale unum. 21. Lethariarius unus. 22. Gradualia quatuor, & quartum cum sequentiis. 23. Sequentiarii tres. 24. Officiate unum. 25. Antiphonarii duo. 26. Hymnarii tres. 27. Sanctorum vita cum Homiliis un. vol. 28. Psalteria duo & tertium cum hymnis. 29. Regula monachorum. 30. Vita sancti Martini & Briceii Episcoporum cum versibus cellularum & Ecclesiæ nostræ. 31. Prudentii opus hymnorum. 32. Glossa tres super veteris & novum testamentum. 33. Medicinalia duo. 34. Juv. Noricorum. 35. Chronica. 36. Priscianus major, & minor. 37. Donati tres. 38. Donatus major & minor cum commento Remigii. 39. Commentum Remigii. 40. Isagoge Porphyrii cum commentario Boëthii majore & minore. 41. Categoria Aristotelis un. vol. 42. Persius duo vol. 43. Horatius. Statius. Terentius. duo vol.

vol. 44. *Juvenalis. Alcimus. Maximianus.* 45. *Homeri* duo vol. 46. *Virgilii* duo in quatuor divisi volumina. 47. *Macrobii. Juvenalis. Commentum super Statium.* 48. *Aratoris.* duo volum. 49. *Prosperi* tria vol. 50. *Sedulii* duo vol. *Salustii* duo vol. 51. *Catilinarius* un. vol. 52. *Phychomachia* duo libri. 53. *Allegori* duo. 54. *Cato. Boëthius.* duo volumina. 55. *Servius super Virgilium.* 56. *Tomarius.* 57. *Declinationum* volumen. 57. *Tullius. Marcianus. Albinus.*

§. Non est opus, ut singulos libros, quorum Authores non cuilibet noti sunt, notis illustremus; facile enim eruditi vident, Christianos gentilibus mistos, horumque labores illorum studio elucidatos. Magna porro pars hujus Bibliothecæ interiit ex causis alibi deploratis: raro enim ad fontem redeunt, ex quo mutuata sunt, & sæpe unde magis deberentur gratiæ, damna & injuriæ colliguntur: nec facile eam tibi spondeas fidem, quam Gronovii præstiterunt Bibliothecæ aulæ Salisburgensis; hi enim poemata Papinii Statii MSSa ex eadem nacti, cum Authorem hunc egregiis notis illustrassent, & emendassent, fideliter restituerunt, ut ipse vidi, eoque codice usus sum: utinam eandem fidem cives civibus fervarent, quam hi Batavi externo Principi! heterodoxi Catholico! Interim in benedictione manet Ludovici memoria, eamque posteris commendamus, verè etenim,

*Cæcis scripta manu tot clara volumina cernis,
Ipse unus multis Bibliotheca fiat. (k)*

(k) Cl. Pezirus Tom. 1. *Anecdor.* in *Dissertatione Isagogica* fol. *XIX.* num. *XXXVI.* hunc Ludovicum laudat, recitatis etiam quibusdam carminibus, quæ inter cetera primum dedimus. Primas tamen in arte scribendi tribuit Diomedis, de qua nos jam dudum sub Walibone diximus.


§. X.

Conradus Abbas dignitati suæ renunciat.

6. **U**Tcumque turbulenta tunc essent tempora, non ita tamen turbare poterant Conradi Abbatis animum, quin complura monasterio sibi commisso emolumenta procuraret, uti ex hætenus narratis est

est intellectum. Postremus aries piissimam illius mentem fregit, non certè fracturus, quæcumque fata flagellarent exteriores fortunas, nisi de cultu divino, & religionis splendore fuisset actum. Totius tempestatis author erat Albertus Bohemus, Archidiaconus Passaviensis. Is à Gregorio Nono constitutus commissarius Bullam Romæ secum attulerat, qua Friderici II. Imperatoris excommunicatio & exauthoratio continebatur. Eam ipse magno ardore, inflammatoque studio ad Bavariæ Episcopos deportavit, iisque præfervidè obtrusit, publicè per Dioeceses suas promulgandam. Verùm hi, nimiam adhuc Friderici potentiam formidantes recusarunt, alii humanius, alii quàm par erat acerbius, periculosam sibi & Ecclesiis suis promulgationem: hortati Albertum, exqueretur & vulgares ipse, quæ sibi à Pontifice essent demandata. Albertus iratus totam Bavariam interdicto subjecit, ortaque est inde tristissima suspensio divinorum. Augustanam etiam diocesium hæc tempestas invalit, Episcopo ipso gravissimè per imperiosam Alberti potentiam offenso. Atque duravit obstinatum in templis silentium per integros tres annos.

7. Conradus Abbas malo tam pertinaci, quod maxime in Ecclesiarum capita incumberebat, ferendo diutius imparem se fassus, ultro nemine cogente, nisi sola temporum acerbitate & afflictæ religionis re, anno hujus sæculi quadragesimo tertio dignitati suæ renuntiavit, & religiose quieti dedit, postquam monasterio per annos viginti utilissimè præfuisset. Inde in solitudine sua viginti ac plures annos pervixit, & grandævus jam senex in secundum iudicium super Bebingensi capella celebratum vocatus testimonium pro Rottenbuchenlibus tulit. Solari tamen senectutem suam potuit tot emolumentis monasterio nostro à se procuratis: obtenta videlicet Rottensis Parochiæ incorporatione, Pontificiæ omnium possessionum confirmatione, & contra invafores defensione; Cæsareæ quoque prædiorum donatione, & plurium Nobilium liberalitate cumulatis cœnobii facultatibus; exculto litterarum studio, aucto Parthenone, cultu denique divino novis anniversariis propagato.



CAPUT

CAPUT VII.

Walchunus Abbas XXI.

§. I.

Walchuni electio.

1. **E**odem anno, quo Conradus dignitate se abdicarat, nolentes diu sine pastore vivere Patres in concilium convenere, & Walchunum nostræ Congregationis monachum ac presbyterum in Abbatem elegere. Quo genere ortus sit, à Stephano non indicatur. Linceat fortè suspicari eundem hunc Walchunum esse, qui cum Hartnido germano Hartmanni fratris apud nos sepulti exequiis interfuit. Erant isti Nobiles de Stainbach. Verùm quidquid de genere contendatur, satis gloriosum est, Walchunum in illa temporum acerbitate, propter quam decessor Conradus dignitatis onus excusserat, excussum suis humeris excepisse, neque paucis commodis monasterium cumulasse. Walchuni laudabiles pro cœnobii incremento labores produnt favores Pontifici ab ipso impetrati.

§. II.

Favores Pontifici.

2. **F**ridericò Imperatore Italiam, Romamque ipsam miseris modis infestante ac perturbante Innocentius IV. Pontifex in Galliam se recepit, ac Lugduni Concilium indixit. Cùm non minoribus turbis Germania nostra, ac præsertim Bavaria, vexaretur, sacræque ac profana susdeque agerentur, fuit ea quorundam insolentia, ut in monasteriū nostrī quoque bona ac facultates injicere rapaces manus auderent. Quare Walchunus Abbas commissi sibi cœnobii indemnitati consulturus, quod Româ obtinere per bellorum turbinem non potuit, Concilii Lugdunensis occasione præsidium rebus suis quaesivit, & invenit. Inclinator enim
L I ejus.

eiusdem precibus Innocentius Papa in ipso Concilio Bullam edidit, ad Præpositos Rottenbuchensem & Pollingianum expeditam, qua jubet ipsos abrepta per infestos homines bona monasterio denuò vendicare. Diploma Pontificium, cui similia jam supra recitavimus, datum est *Lugduni quinto Idus Aprilis, Pontificatus Innocentii IV. anno quinto. Christi circiter 1248.*

3. Idem Pontifex, sublato è vivis Cæsare Friderico securitatem quampiam nactus, cum in Italiam revertisset, atque Assisi aliquamdiu moraretur, itidem à Walchunò interpellatus litteras dedit Apostolicas ad Decanum & Thesaurarium Cathedralis Ecclesiæ Augustanæ, quibus iurum nostrorum ab Hermanno milite de Haginberg aliisque violatorum defensionem imperat. Erat tunc Decanus Sifridus Schenckh de Winterstetten, quo tempore in Collegio Canonorum vixisse reperitur Hermannus de Hegneberg: ex cujus familia, quæ hodie comitum titulo gloriatur, cum Hermannus miles fuerit, ac fortasse Canonici memorati pater, meritò Decanum Ecclesiæ Cathedralis iurum vindicem sibi constitui Walchunus optavit: arbitratus nimirum, in filii gratiam ac Decani reverentiam infestatorem faciliùs ab insolentia cessaturum. Bullam Pontificiam recitare superfluum est, cum exceptis nominibus ab aliis similibus nihil differat. Mandatum hoc datum fuit *Assisi quinto Idus Septembris, Pontificatus nostri anno undecimo.*

4. Donaverat Otto Dux monasterio nostro Jus Patronatus Ecclesiarum Weilheim & Wielenpach in compensationem damnorum à se nobis illatorum. Donationem hanc eodem, quo facta est anno, confirmaverat Sigibotto Episcopus Augustanus. Cum dein post annos novem Otto Dux extremum clausisset diem, & Sigibotto Episcopus rerum humanarum tædio dignitatē renunciasset, (a) factus Cæsareus monachus Cisterciensis, Walchunus novam ab ipsa sede Apostolica confirmationem petiit: qua nondum contentus insuper impetravit à Pontifice, ut is peculiari Bullâ Præpositum etiam Augustanum Rabottonem constitueret, qui jus nostrum contra quoscunque adversarios inviolatum tueretur. Utræque Innocentii Pontificis Bulla data est Anagninæ, quæ Campaniæ Romæ civitas est, eodem anno ac die.

Bulla prima,

Qua Pontifex donationem Ottonis confirmat.

Innocentius Episcopus servus servorum DEI. Dilectis filiis Abbati & Conventui Monasterii de Wessinsbrunnen, Ordinis S. Benedicti, Augustanae Diocesis, salutem & Apostolicam Benedictionem. Justis petentium desideriis, dignum est, nos facilem praebere consensum, vota, quae a rationis tramite non discordant, effectu prosequente. Oblata siquidem nobis vestra petitio continebat, quod quondam Otto Dux Bavariae, sano usus consilio, in recompensationem damnorum vestro Monasterio irrogatorum, Jus Patronatus, quod in Wilhelm & Wilenpach obtinebat, vobis liberaliter contulit, Diocesani loci & sui Capituli interveniente consensu, prout in litteris inde confectis dicitur plenius contineri. Vestris itaque supplicationibus inclinati, Collationem huiusmodi, sicut pie ac providè, ac sine alieni juris praedictio facta est, ratam habentes & gratam, ipsam auctoritate Apostolica confirmamus, & praesentis scripti patrocinio commanimus. Nulli ergo omnino hominum liceat hanc paginam nostrae confirmationis infringere, vel ei ausu temerario contraire. Siquis autem hoc attentare presumpserit, indignationem omnipotentis Dei, & beatorum Petri & Pauli Apostolorum ejus, se noverit incursurum. Datum Anagninae sexto Calendae Octobris, Pontificatus nostri anno duodecimo.

Bulla secunda,

Qua idem Pontifex confirmationem suam praedictarum Ecclesiarum Praeposito Augustano insinuat, eidemque juris nostri defensionem commendat.

Innocentius Episcopus servus servorum DEI. Dilecto filio Praeposito Ecclesiae Augustanae salutem & Apostolicam benedictionem. Oblata nobis petitio dilectorum filiorum Abbatis & Conventus Monasterii de Wessinsbrunnen, Ordinis S. Benedicti, Augustanae Diocesis continebat, quod quondam Otto Dux Bavariae, sano usus consilio in recompensationem damnorum, quae ipsorum Monasterio irrogarat, Jus Patronatus, quod in Wilhelm & Wilenbach Ecclesiis Augustanae Diocesis obtinebat, eis liberaliter contulit, Diocesani loci & sui Capituli interveniente consensu, prout in litteris inde confectis dicitur plenius contineri. Nos itaque ipsorum supplicationibus inclinati, collationem huiusmodi, sicut pie ac providè, ac sine alieni juris praedictio facta est, ratam habentes & gratam, ipsam per nostras litteras duximus confirmandam.

Quocirca discretioni tue per Apostolica scripta mandamus, quatenus prædictos Abbatem & Conventum, non permittas super his contra confirmationis nostræ tenorem ab aliquibus indebitè molestari, molestatores hujusmodi per censuram ecclesiasticam, appellatione postposita, compescendo. Datum Anagnina sexto Calendæ Octobris, Pontificatus nostri anno duodecimo.

(a) *Hier. Aug. P. I. Cap. f. 240. num. 21.*

§. III.

Favores Principum.

9. **I**nuspiciatus fuit familiæ Cæsaris annus hujus sæculi quadragesimus sextus. Nam excommunicato & exauthorato Friderico Imperatori suffectus erat ab Electoribus quibusdam, licèt invitus, Henricus Raspo Thuringiæ & Hassiæ Landgravius. Contra eum Francofurti Comitibus agentem, cum Fridericus pater in Italiam properaret, Conradus Cæsaris filius exercitum movit: verùm magna cum clade profligatus (b) ex acie, festinavit profugus in Bavariam ad Ottonem Ducem, apud quem, Friderici partibus pertinaciter adhærentem, refecit aliquantisper vires. Unde non mirum est, omnia Ottonem obtinere à Conrado potuisse, cum præsertim eodem anno filiam ille suam Regi in sponsam dedisset. Primo igitur Conradi adventu Augustæ Vindelicorum, quò Dux Otto fugienti Regi procefferat obvius, ab eodem obtinuit in Monasterii nostri emolumentum, ut confirmaret nobis Authoritate regia Jus in Ecclesiam Landspergensẽ à Duce concessum. Diploma Regis est hujusmodi:

Conradus Divi Augusti Imperatoris Friderici filius, Dei gratiâ Romanorum in Regem electus, semper Augustus, & Hæres regni Jerusalem, tenore præsentium notum facimus universis, Nos ad preces Ottonis Comitiss Palatini Rheni, Ducis Bavariæ, dilecti Principis & Socris nostri collationem factam per eum Monasterio S. Petri in Wessinsbrunnen de Ecclesia (c) in Pheine, pro reverentia Jesu Christi, ratam & firmam perpetuò habituros. Unde ad futuram memoriam & stabilem firmitatem, præsens scriptum inde fieri, & sigillo nostra Celsitudinis jussimus communiri. Datum apud Augustam, anno Dominica Incarnationis Millesimo Ducentesimo quadragesimo sexto, Mense Septembris, quinta Indictione.

6. Præter Landspergensis Parochiæ confirmationem à genero suo Conrado Rege nobis impetratam, favorem Monasterio amplius exhibuit.

bait Otto Dux, dum Weilheimensem & Wielenbachensem Ecclesias contulit pio inductus argumento, ut pro damnis à se per tot bellorum turbines illatis satisfaceret. Et profectò fuere tanta, ut Walchuni decessor Conradus Abbas magnitudine afflictionis victus Antistitis munere se abdicarit. Audiamus Diploma; cui Stephanus Leopolder hunc titulum rubricatum præfigit:

Privilegium Donationis Ecclesiarum in Weilhaim & Wielenbach, Ottonis Ducis Bavariae.

O T T O Dei gratiâ Palatinus Comes Rheni, Dux Bavariae, Universis presentem Litteram inspecturis constare volumus, quod nos recognitis variis damnis, Ecclesia in Wessinsbrunnen per nos illatis, ad recompensationem eorundem Ecclesiarum in Weilhaim & Wielenbach, nobis vacantes, predicto cœnobio contulimus, perpetuò possidendas. Ne igitur hujus donationis norma in posterum ab aliquo infirmari, vel retractari possit, presentem paginam conscribi fecimus, & sigillo nostro communiri. Datum München Calendis Augusti, Anno Domini Millesimo Ducentesimo quadragesimo quarto, secunda indictione.

7. Porro Concessionis hujus exemplum ipse Dux Otto ad Sibottum Episcopum Augustanum misit cum supplicibus litteris, quibus confirmationem utriusque Ecclesiae pro Monasterio petiit. Itaque Sibotto Episcopus religiosissimus, ac præcipuè Sacri Ordinis nostri studiosissimus, non tantum Ducis voto annuit, sed nostrum quoque Monasterium eximiis ornavit encomiis, sicut sequentes litteræ testantur, quas recitare pretium operæ fuerit non exiguum.

In Nomine Patris, & Filii, & Spiritûs sancti. Amen.

Sibotto Dei gratiâ Augustensis Ecclesia Episcopus, omnibus littera presentis inspectoribus salutem in Christo JESU. Notificamus vobis, quod, cum quodam Jus Patronatus Ecclesiarum in Weilhaim & Wielenbach pertinuisse ad Dominum Ottonem, illustrem Comitem Palatinum Rheni, & Ducem Bavariae, eadẽque vacare cepissent, ipse respiciens gravia damna, quæ ab eo & suis emulis Claustro in Wessinsbrunnen multoties fuerant illata, in horum recompensationem, & pro anima ipsius remedio, Ecclesias ipsas pleno jure, ad ipsum in eis pertinente, donavit Claustro, & Conventui predicto. Litteras quoque suas super his, nobis & toti Capitula nostra transmisit, devotissime supplicans, ut & nos ipsas Ecclesias cum suis prebendis donaremus ad usus predictorum Fratrum, Abbati & Conventui perpetuò servituras. Nos verb

habito consilio Fratrum nostrorum, & cum ipsis respicientes honestatem loci, & cultam sacre Religionis, & continua hospitalitatis, & vera totius charitatis opera, qua ibidem semper claruerunt, Ecclesias predictas cum omnibus suis usufructibus pleno jure suo donavimus de voluntate & consensu totius Capituli nostri, supradictis Abbati & Conventui perpetuo servituras: hoc adjuncto & interposito, ut perpetuus ibidem Vicarius instituitur, cui de consilio & secundum considerationem Archidiaconi loci, & aliorum, quos ad hoc deputavimus, prabenda competens secundum quantitatem usufructuum deputetur & statuatur in posterum solvenda, cui & in ipsis cura committatur animarum: salva in eisdem jure Diocesani & Archidiaconi loci. Ut autem hac donatio nostra, de consilio Capituli nostri habita, tam per nos, quam Successores nostros rata semper habeatur, & observetur inconvulsa, litteram presentem in testimonium horum Abbati & Conventui predicto contulimus, Nostro & Capitali nostri Sigillo communitam. Datum Augustæ anno Dominica Incarnationis Millesimo ducentesimo quadragesimo quarto, quinto Calendas Septembris, Indictione secunda.

8. Tam benevolam confirmationem dedit Sibotto, prudentibus haud dubiè argumentis inductus; tum, quòd præstata Ecclesiis beneficia non repudianda censeret, utpote ad divini honoris augmentum profectura, à quo & qualicunque illa fuissent collata: tum quòd vel sola hac sua obsequendi promptitudine speraret ad Ecclesiæ partes retrahi Ottomem posse, à quibus haud ita pridem recesserat, Albertum Bohemum deferendo (†) idque Episcoporum suavis: licet his saniora dein sententibus consentire noluerit, sed firmiter statuerit Cæsari adhaerere: tum, quòd ipse Dux propriæ potiùs securitatis ac servandarum ditionum causâ jungeretur Augustis, quàm odio summæ sedis: tum, quòd nondum palam Apostolicis diris Otto vapulasset.

9. Interim tamen, quo fulmine Fridericus Cæsar afflatus fuerat, eodem post triennium (d) Dux etiam noster correptus fuit, & palam excommunicatus. Bojariz simul usu sacrorum per septennium est interdictum: & non modò templum morum publicus occupavit, sed etiam Sacerdotes multi variis ab Ottone vexati malis, Pontificiæ sententiæ rigorem tulerunt. Nondum sublato sacrorum silentio Dux repente decessit è vivis, nullis ad æternitatem Christianis armis munitus. Tumulum accepit Schyræ, communi majorum suorum Mausolæo. Decimo post anno item illi Clemens Pontifex de sepulcro movit, jussis Friüngenßi & Ratisbonensi Episcopis inquirere, num in extremis quædam poenitentis animi signa prodidisset. Si nullum aliud, saltem hoc reppererunt, quòd nuper sancti Spiritus domum hospitalem pietatis & misericordiæ studio Monachii excitasset. (d) Addi potuissent & ista, licet longinquiora tum loco, tum

tum tempore, quæ Monasterio Wessofontano præstitit donatæ nobis, atque ad Ottonis preces Episcopali authoritate roboratæ Ecclesiæ in Weilheim, & Wielenbach: nec minùs obtenta per Ottonem à Rege confirmatio Ecclesiæ Landspergenfis. (c) Quare Agnetis uxoris ejus, & posterorum honori concessum, urna defuncti ne loco moveretur, ejusque manibus ne à quopiam insultaretur.

(b) *Pugnatum fuit 4. Aug. vid. Adelzeitter P. I. lib. 24. c. 8.* (c) *Ladwigin-
sperge, Phetine, Landsperg, ejusdem civitatis nomina.* (†) *Adelzeitt. ad ann.
1240. § 41.* (d) *Idem Adelzr. P. I. lib. 24. c. 13.* (e) *Idem ibidem.*

§. IV.

Alia in Monasterii commodum Walchuni gesta.

10. **C**ùm per Bavariam in usu esset quædam mancipatûs species, ut ex
upius Domini territorio nemini transire, ne quidem nuptiarum
causâ, ad alterius ditionem liceret, inventæ sunt litteræ divisorie, quib-
us concedebatur quidem vel viro vel fœminæ ad alterius juris locum
transmigratio, sed ita cavebatur, ut liberi transeuntium dividerentur,
manerétque dimidium unum posterioris Domini juri subiectum, alterum
prioris imperio manciparetur. Hujus rei primum in Chronicis nostris exem-
plum invenitur sub Abbate Walchuno, & plura posterioribus sæculis oc-
current. Rottenbuchii, ubi gesta sunt hæc, quæ narrare aggredior, ho-
spitem tunc fuisse Abbatem Walchunum arbitror, cum eundem in locum
venit Ulricus Nobilis de Schuwenberg, vir potens, ac fortasse vicinæ cu-
jusdam arcis Dominus. Is in familia sua inter subditos cæteros habebat
Adelhaidam, quam ex Vasallis vel Feudatariis nostris quidam, Eck nomi-
natus, ambebat uxorem, sed ducere fas non erat, cum illa juris esset
alieni, & liberi Domino suo deberentur. Convenit igitur inter
Walchunum Abbatem, & Ulricum Nobilem ea conditione, liceret Eckio
ducere Adelhaidam ita, ut liberi ab ipsis postmodum procreati ad utrum-
que spectarent Dominum, dimidia nempe pars ad Ecclesiam Wessofon-
tanam, altera ad Schuwenbergium. Acta sunt hæc solemnitè in Eccle-
sia Rottenbuchensi, toto illius Capitulo testium partes suscipiente. Ade-
rant præterea testes laici, Fridericus Kezering, & Hartnidus, uterque
miles: aderat Henricus pater Adelhaidæ, Vulringus & Henricus ejus-
dem puellæ fratres. Omnes in contractum istum divisorium consense-
runt, eundemque sigillo Domini Udalrici de Spilberg obmuniri fecerunt.

Sigil.

Sigillum istud à Stephano nostro exhibitum trigôni figuram habet, cum tribus lunis bicornibus. Limbis trigoni inscripta sunt hæc verba; *Sigillum Domini Udalrici de Spilberg*. Ejusmodi contractus deinceps brevius narrabuntur. Prædium Eckenste hodie in Foresto territorii nostri est, ejusdemque possessorem deinceps legemus Ottonem ab Ecke virum nobilem & proprio sigillo utentem, quod tres rhombos nigros in campo albo exhibet: quali hodie liberi Barones Ecker utuntur. De familia Schoenbergiorum hodie emortua agit Hundius (f) cui inferendus est Udalricus iste, Adelhaidis Dominus.

11. Otto de Windach dudum sibi suisque in Monasterio nostro Ecclesiasticam elegerat sepulturam. Anno sæculi hujus quinquagesimo tertio mortuus est ei filius unicus, Conradus nomine, quem protinus apud nos solemnibus exequiis terræ mandavit. Instrumentum, quo sibi, uxori, filio pactus est sepulcrum, Stephanus noster descripsit, unde quaque vehementer vel ætatis injuriâ, vel malevolorum fraude corruptum; mutilum enim est; mansus tamen, seu prædium quoddam Mülhasanum discretè Monasterio datum exprimitur pro familiæ sepultura & perpetuo anniversario, additis aliis pactis, qualia superius ab Udalrico de Vindingen præscripta narravimus. Verum hæc nunc compendio relata sufficiant, cum ejusmodi sepulturæ apud nos jam dudum cessaverint.

(f) *Anno 1244. Codex D. fol. 148.*

S. V.

Cultus Dei à Walchūno promotus.

12. **P**ostquam Otto Baviaræ Dux, cognomento Illustris, è vita discessit, biennio post, anno nimirum sæculi Christiani quinquagesimo quinto, sublatum est interdictum, sub quo maxima Baviaræ pars per integros septem annos & ultra ingemiscebat. Maxima, inquam, Baviaræ pars tam diuturnum patiebatur publicæ Religionis silentium, non tamen tota Bavaria. Unde Stephanus noster scribit, annis tribus durasse interdictum, nimirum usque in annum hujus sæculi quinquagesimum; postea verò, in Dioecesi saltem Augustana, sublatum esse convincitur, quadriennio citius, quam alibi solveretur. Non enim Interdicto durante consecrantur ab Episcopis altaria: non à Pontifice templa interdicta defenduntur: non collatæ Monasteriis Parochiæ summa sedis Apostolicæ auctoritate roborantur: non aliis vindicanda, tuncque commendantur; sed

sed in squalore suo relinquuntur omnia in poenam populi, vel Principum, quorum ditioni subiecta sunt. Jam verò anno quinquagesimo secundo Innocentius Papa Monasterium nostrum commendavit Decano & Thesaurario Augustanis contra militis de Hagniberg injurias defendendum: anno sequente confirmavit idem Papa donationem Ecclesiarum Weilheim & Wielenbach: eodem anno earumdem defensionem aliâ Bullâ commendavit Præposito Augustano. Eodem anno à Sibottone Episcopo religiosissimo consecrata sunt in templo Monasterii nostri quinque altaria. Quæ cum ita sint, necesse est, jam antea sublatum apud nos fuisse interdictum, conciliatamque nostram Ecclesiam. De Bullarum à Pontifice concessarum certitudine dubitari non potest, cum præ oculis & in manibus sint. Minus de certitudine consecrationis altarium, cujus monumentum à Stephano ex vetusto descriptum Autographo fuisse, convincitur ex accurato consensu anni & indictionis. In eo solo difficultas esse potest, quòd Sibotto jam anno priore, nimirum quinquagesimo secundo, Episcopatus dignitate se abdicârit; verum non potuit se abdicare etiam Ordine Episcopali. Münsterus & Gasserus ajunt, eum post resignationem in Palæstinam fuisse profectum. Demus autem hos errasse, ut Author Hierarchiæ Augustanæ contendit; facile tamen, donec gesti Episcopatus rationes componeret, deque aliis rebus suis, antequam Cæsaream se reciperet, rite disponderet, transire annus potuit, quo tempore spatium nancisceretur, non invito Hartmanno successore, altaria nostra consecrandi.

13. Audiamus nunc ipsum Consecrationis autographum, quod antiquo more in Ecclesiis ad perpetuam memoriam servari solet, à Stephano nostro diligenter descriptum: *Anno millesimo ducentesimo, quinquagesimo tertio, Indictione undecima, undecimo Calendas Julii consecrata sunt altaria S. Mariæ Magdalene, & S. Benedicti Abbatis, ac S. Crucis, à Venerabili Sibottone Episcopo Augustensi. Idem Episcopus sequenti die, decimo Calendas Julii consecravisset altaria sanctarum Catharinæ & Margarete Virginum & Martyrum. Facta est ergo consecratio die vigesima prima & secunda Junii: datæ item duæ Bullæ posteriores vigesima sexta Septembris, cum etiamnum viveret Otto Dux, qui eodem anno, nocte decimum & undecimum Novembris intercedente diem ultimam clausit. Nihil ergo præjudicii nobis attulit, quòd ab excommunicato vel schismatico Parochias obtinuerimus, quas Pontifex ipse, non ignarus utique, quis esset Otto, nobis tamen adeo fortiter confirmavit, tam efficaciter earum defensionem Præposito Augustano commendavit.*

14. De altaribus operæ pretium est indagare, quænam eorum hodie memoriæ supersint. Altare S. Magdalene à patrum memoria nullum
M m
amplius

amplius fuisse existimo, donec anno post millesimum septingentesimum vigesimo quinto Abbas Thassilo novum istud ac elegans, quod hodie videmus, construeret in honorem istius sanctæ, quam singularem Patronam tenerrima devotione colebat. S. Benedicti altare sæculo decimo quinto & sexto erat in capella propria ejusdem Divi Patriarchæ, in qua etiam Abbates, inde à Walchuno, sepeliri consueverant, tanquam Mausolæo huic dignitati proprio. Hodie ibidem, sacrarium est. Nova verò & magnifica capella sancto Benedicto primum ab eodem Thassilone Abbate cum splendido altari condita est, in qua & tumulum elegit. S. Crucis altare non aliud fuisse credo, quam hodiernum in medio Ecclesiæ sinu, S. Walthonis exuviis superpositum. Sanctarum Catharinæ & Margaritæ, si singulæ singula habuerunt, altare hodie nullum est: sub Paulo tamen secundo ejus nominis Abbate erectum fuit altare sanctorum quatuordecim Auxiliatorum, inter quos hodiedum sanctarum illarum Virginum & Martyrum imagines visuntur.

15. Cæterum Walchuno non exiguæ laudi cedit tam insignis divinæ gloriæ & Religionis zelus. Vix conciliatum fuerat, & honori suo restitutum ex longo squalore templum, non contentus ille pristinum ornatum suscitasse, manus admovit & curas, ut ornatissimum illud populo visendum redderet. Sumptibus non modicis stetit, credibile est, quinque altaria partim recens excitata, partim ampliori splendore decorata. Verum nec minori solatio fuit cum majestate templi resuscitatam videre populi pietatem, & communem læticiam. Non potuit Walchunus cæteris, quæ præclara fecit, operibus suis meliorem coronidem dare. Laborum tandem fessus Præsulatu se abdicavit anno 1254. cum præfuisset annos XI. Obiit deinde XV. Calendas Martias, quo die inscriptus reperitur veteri Calendario: *Walchunus Abbas & Monachus nostre congregationis*. Certe vir fuit Walchunus per omnia generosus, ad quævis agenda & perferenda intrepidus, vigil atque industrius in propagandis conservandisque Monasterii facultatibus, cautus in declinandis Apostolicæ Sedis fulminibus, sagax in retinendo Episcopi favore, disciplinæ monasticæ pro viribus sustinendæ, & bonæ famæ studiosus, Ecclesiastici splendoris & publicæ Religionis restaurator eximius, cœnobio maximè utilis, ac omni laude dignus.



SÆCULUM SEXTUM WESSOFONTANUM,

Ab anno 1253. ad annum 1353.

CAPUT I.

De Abbatibus Ottone, Udalrico II. Conrado III.
Wernhero I.

§. I.

Otto Abbas XXII.

1. **N**E mirere, lector, si breviori deinceps stylo nos uti conspexeris: *nempe tempora mutantur, & nos mutamur in illis.* Eandem rerum conversionem fontibus etiam nostris supervenisse existima. Sicut unius diei tempora sæpè sibi dissimillima, ita fata monasterii nostri. Animadvertes ex ipsa Chronicorum nostrorum taciturnitate indicium noctis cujusdam, quæ profectò ea tempestate nobis profunda incubuit, cum Otto iste, pluresque ejus successores pro eo, ut vigilias agerent super gregem suum, dormirent, aut certè dormitarent. Fuerat jucunda nobis aurora, rorem cœli, sacros nempe fontes, monstrante Wessone, illòsque sanguine suo ac sociorum purpurante Thientone. Erat serenus splendidusque meridies, Walthone, Nortberto, Sigibaldo Abbatibus, quin & viduis ac virginibus, virtutum suarum ac sapientiæ radios longè latèque diffundentibus. Erat umbrosus vespèr, cum Abbates nostri ad Walchunum usque cæteri varios pati turbines cogerentur bellorum ac schismatum, atque ita res Wessofontanæ ad occasum inclinari viderentur. Nunc denique densa tristisque nox imminet, ostendens nobis stellas vagas, errantes, nebulosas, sic tamen, ut quandoque dubius inter nubes lunæ spendor affluat. Hanc igitur no-

Mm 2

dem

Item mecum, lector, ingredi, neque cohorresce, cetero in lucem denuo emersurus.

2. Otto successit Walchuno, Abbas vigesimus secundus anno millesimo ducentesimo, quinquagesimo quarto ex conventu nostro electus, & præfuit sex annis. De ejus actis nec opus sex dierum invenimus. Neque qui genus, unde domo fuerit, nullibi proditum: neque nomen ejus antiquo necrologio inscriptum legitur. Hoc unum de eo Stephanus testatur, quod obierit quinto nonas Martii, tertia nimirum mensis illius die, quo apud nos celebrabatur *Dedicatio capellarum S. Mariae Virginis in honore ipsius Assumptionis, & S. Michaelis, & S. Benedicti Confessoris*: sicut Calendario Benedicti Abbatis inscriptum invenitur.

§. II.

Udalricus II. Abb. XXIII.

3. **N**ondum Ottonem tumulo illatum fuisse credo, cum monachi nostri alium de conventu in Abbatem elegerunt. Udalricus is fuit eo nomine secundus, inter Antistites Wessofontanos vigesimus tertius: qui merito de se dicere potuisset: *veni, vidi, vixi*. Cum enim Otto decessor obierit die tertia Martii, & Udalricus iste septimam ejusdem mensis, quatuor tantum diebus Abbatis nomen potius, quam munus gessit, ne quidem aliorum præfulum more autoritate Episcopi confirmatus. Obiit in festo SS. *Martyrum Perpetua & Felicitatis*. Nobis nihil super est, quam ut Udalrico *perpetuam felicitatem* precemur.

§. III.

Conradus III. Abbas XXIV.

4. **H**ic etiam Abbas nostra è congregatione electus fuit fratrum suorum suffragiis. Suo hic divini honoris & publicæ devotionis zelo, cum propter ipsam temporum illorum acerbicatem defluxisse retróque lapsam videret fidelium pietatem, effecit, ut Hartmannus Episcopus Augustanus certas indulgentias impertiretur iis, qui in Festo SS. Apostolorum Petri & Pauli Ecclesiam monasterii, in Dedicationis autem solemnitate Ecclesiam S. Joannis parochialem devotè accederent. His,

ait

ait Episcopus, *viginti dies criminalium injuncta penitentia, & sexaginta veniam misericorditer relaxamus.* Datæ sunt harum indulgentiarum litteræ Augustæ Vindelicorum anno Domini 1264. sexto Calendas Julii, nempe die vigesimo sexto Junii in Festo SS. Joannis & Pauli Martyrum.

2. Exortis quibusdam controversiis de limitibus in Tirolis circa Seefeldiam Abbas Benedictoburanus Henricus ejus nominis secundus, & Conradus noster erectis litteris fines certos definierunt anno virginiei partus 1260. in die undecim millium Virginum: sicut constat ex Instrumento Chronici Benedictoburani secunda parte recitato. Et jam ante hanc finium definitionem alius inter eosdem Abbates tractatus intercessisse videtur super matrimoniis inter subditos nostros cum extraneis libere contrahendis, ac super liberorum divisione (a) firmatus anno Domini M. CC. LX. *Indictione 3. Imperio vacante.* Hujusmodi tractatum vidimus sub Walchuno Abbate XXI. cui similes deinceps occurrent plures.

3. Singulare privilegium Abbas noster ab Hartmanno Episcopo obtinuit, nempe plenam incorporationem Parochiæ Landspergenensis, cujus summam recitamus: notum esse volumus &c. „ Cum jus patronatus „ Ecclesiæ Landsperg dilectis in Christo Abbati & Conventui monasterii in Wessisbrunn pertineat pleno jure, quod nos de Capituli nostri „ unanimi consilio & assensu propter grata & fidelia servitia ab ipso monasterio nobis & Ecclesiæ nostræ pluries impensa, prædictis Abbati & „ Conventui nunc & imposterum cupientes pie in Domino providere, „ Ecclesiam antedictam Landsperg cum omnibus suis attinentiis, cum „ primum vacare cœperit, eisdem Abbati & suo Conventui donamus, „ & donavimus tam in spiritualibus quàm temporalibus regendam perpetuam & tuendam; ita tamen, ut ad regimen ipsius Ecclesiæ Clericum „ spiritualem idoneum nobis & nostris successoribus pro Vicario „ instituendum repræsentent; cui etiam in tam honesta præbenda provideant, ut Episcopis Augustensibus, Archidiaconis & Decanis loci, „ in iuribus, obedientiis, debitis & consuetis valeat respondere &c. „ Actum & Datum Anno Domini millesimo ducentesimo septuagesimo „ tertio, decimo sexto Calendas Januarii in civitate nostra Augusta.

4. Verùm ut laudemus viros gloriosos & beneficos parentes nostros in generatione sua, omittere non possumus hoc loco justissima Hartmanni Episcopi præconia. Fuit is ex illustrissima Kyburgensium ac Dilingensium Comitum gente, ex qua ipse S. Udalricus est ortus. Merito ab Authore Hierarchiæ dicitur alter Ecclesiæ Augustanæ fundator (b), utpote

cui cum Hartmanni parentis sui consensu donavit civitatem, parochiam, arcem Dillinganam cum omnibus bonis temporalibus eidem adherentibus: præterea universas facultates comitatûs Witteslingensis, omnesque ferè pagos ad usque Donawerdam sitos. Fuit præterea Religiosorum Ordinum amator insignis. Is Sesslingensi monasterio sanctimonialis S. Claræ primus instituit. Cœnobium fratrum Conventualium S. Francisci in urbe Augustana ædificavit, & instauravit. Virgines Ordinis S. Dominici intra civitatis mœnia recepit. Bedernaviensè monasterium Eremitis S. Augustini tradidit, eosque Mindelhemium introduxit. Canonicis Regularibus ad S. Crucem Augustæ omnes decimas majores & minores tam extra quam intra urbem titulo donationis transcripsit. Nostro quid Ordini dederit, experti sumus ipsi, donatâ & confirmatâ nobis parochia Landspergensî, de qua Corbinianus Khamm ita scribit: *Parochiam Landspergensem Abbati Wessofontano donavit.*

§. Conradus Abbas noster, postquam annis decem & sex præfuisset, repente *depositus est per sententiam*, ut ex antiquiore codice scripsit Stephanus: verum ipse mox in margine adjunxit: *ignoro, qualis sit sententia depositionis.* Ideoque nec nobis affirmare quidpiam licet: divinandi ansam præbet Concilium Lugdunensè II. anno 1274. celebratum, in cujus sessione II. Prælati consenserunt in decimas omnium reddituum Ecclesiasticorum persolvendas ad sex continuos annos pro belli Jerosolymitani subsidio. Leguntur in particularibus historiis hincinde ejusmodi tergiversationes, præcipuè in monasteriis tenuioris fortunæ. Nihil addo aliud; nam major lux afferetur sub Udalrico XXVI. Abbate. Conradus noster anno 1276. dignitate dejectus est, & postea, incertum quo anno, obiit in Festo Annuntiationis Deiparæ, nempe 25. Martii.

(a) *Diviso subditorum Chr. Bbur. P. II. Instrum. 94. Finium definitio P. I. fol. 123. & P. II. Instr. 105.* (b) *Hier. Aug. Part. I. Cath. f. 242. lin. 1.*

§. IV.

Wernberus I. Abbas XXV.

1. **E**LECTUS est à conventu anno Domini 1276. Cæterum sicut ignoti nobis sunt Wernheri hujus natales, ita & acta ejus nec multa, nec insignia ad posteros pervenère. Vir videtur fuisse vel valetudine debilis, vel quieti potius, quam magnis molitionibus intentus. Nam cum Henricus Kolbe de Peul monasterio nostro agros quosdam, prata, hortos,

hortos, & curtile in Peulensi vico sita donasset, rem non cum Wernhero Præsule, sed cum Conrado Abbate secundo tractavit, sicut ex Instrumento desuper erecto patet: „ In his omnibus prædictis bonis, juri-
 „ ribus proprietariis renunciavimus, eadèmq; prædicta bona jure pen-
 „ sionali à venerando Domino Abbate Wessenbrunnensis Ecclesie secundo recipien-
 „ tes. „ Instrumentum finitur his verbis: *datum & actum* in castro Peul anno Domini millesimo ducentesimo septuagesimo octavo, indictione sexta, tertio Idus Martii. Testes erant Henricus & Witigans fratres Tainingarii, Ulricus & Conradus Witolshoverii, omnes milites: & Judex Provincialis de Peul, dictus Conradus Rormoser. Prætoris sigillum appensum ante ducentos jam annos violatum dignosci non potuit: *Hainricus* verò *Tainingetus* in sigillo suo exhibet rotam molarem, & ante prætorem subscripsit.

2. Quæretur, quis fuerit Abbas iste secundarius nostræ Ecclesiæ? In synopsis Instrumenti æquè antiqua vocatur Conradus. Arbitror, fuisse Conradum ejus nominis secundum, nobilem de Menchingen, qui anno 1243. sacræ dignitati nuntium misit; non enim, Conrado III. *per sententiam depositio* prærogativam hanc fuisse relictam, credibile videtur. Atque hæc prima & ultima in Monumentis nostris est *Abbatis secundarii* mentio, alibi pluries invenitur. Contigit hoc, cum Abbates ad Episcopatum promoverentur, & in monasteriis tamen suis residerent; quibus subjungebatur Abbas secundarius, qui disciplinæ claustralis & peculiarium monasterii negotiorum curam gereret. Nos non alia videtur coëgisse necessitas secundarium Abbatem assumendi, quam quod Wernherus Abbas valetudine impediretur. De aliis secundariis Abbatibus diffusè agit Hansizius in Tomo 2. Germaniæ sacræ, non inutiliter legendus. (c)

3. De Conrado II. certum est, eum ortæ super capella Bebingensi controversiæ adfuisse testem circa annum 1238. cum adhuc Abbas esset: certum etiam, eundem, cum eadem lis renovaretur anno Domini 1269. tanquam senem, jam posita dignitate vocatum fuisse & testimonium perhibuisse, quantum per memoriam potuit. Habemus integrum ferè exemplar Instrumenti super secunda hac controversiæ motionem confecti, cui titulus à Stephano nostro præfigitur iste: *Nota attestationem Conradi Abbatis secundi Wessensbrunnensis, qua facta est post resignationem ipsius, super Capellam in Bebingen 1269. quam fecit 1238. vel circa; quo nempe tempore Abbas fuerat. Potuit ergo vegetus senex ab anno 1269. provivere usque ad annos novem, & anno 1278. Abbati Wernhero I. præstare vices Abbatis secundarii.*

4. Duos è suis monachos in Tyrolim misit Conradum & Olricum, ut Abbatis nomine terræ portionem cum vineis in Truye sitam elocarent Bertholdo cuidam & sorori ejus Beatrici. Est sub manibus prolixum de super instrumentum, anno Domini 1278. erectum Bozani die secundo Septembris: quod hoc loco ponere operæ pretium non putamus. Wernherus Abbas, cum quinque annis præfuisset, obiit die 15. Calendas Septembres, nempe 15. Augusti in Festo Deiparæ in cælum assumptæ.

(c) *Hansiz. Tome II. Germ. S. fol. 70. & fuscè in Corollaris.*

CAPUT II.

Udalricus III. Abbas XXVI.

§. I.

Udalrici postulatio.

3. **H**Aud immeritò sub Ottone Abbate XXII. monasterii nostri conditionem caliginosæ nocti comparavimus; erat enim profectò miserrimus ejusdem illo sæculo status, seu spiritualia seu temporalia spectentur. Doluit Ludovico Severo Bavariz Duci miseranda rerum facies, cujus abstergendis tenebris lucique restituendæ curavit, ut seu rogantibus monachis, seu de gremio suo virum non satis aptum invenientibus, aliunde advocaret Præfulem, qui rebus afflictis medelam afferret. Florebat tunc temporis monasterium Eberspergensè tam externo splendore & opibus, quàm insignium virorum, religiosæque disciplinæ probè subactorum copiâ. Ex illustrissimo hoc seminario, cujus Præfulem nuperrimè Rudolphus Imperator *dilectum Principem suum* appellarat (a) ad serenandos Wessonis fontes vocatus fuit Udalricus Moser, hujus nominis inter Abbates nostros tertius. Erat is jam antea monasterii sui Eberspergensis Cancellarius, secundùm Hundium, quæ, sub Abbate Principe, insignis dignitas fuit: verùm in Codicibus nostris ubique vocatur Cellerarius. Utrumque, an alterutrum officium obierit, non discutimus; ad rem nostram satis est, quod munere utrolibet inter suos diutius gesto multam gerendarum rerum peritiam adeptus ad nos pervenerit, vir certè talis, cujus operâ quàm maximè tunc monasterii nostri necessitas indigebat.

§. II.

§. II.

Udalrici Administratio.

2. **P**ostquam ad Wessonis fontes pervenit Udalricus, non statim Abbas dignitatem suscepit, sed administratoris tantum nomine creditum sibi monasterium gubernavit, atque id muneris per annum ferme integrum gnaviter gessit. Inspecto accuratius cœnobii statu, ac multiplices edoctus ruinas, tum suammet erga omnes humanitate, quos singulos vocare (b) dominos solebat, tum sedula œconomiz curâ monachorum animos sibi conciliare laboravit; neque refractarios & consiliis suis temerè adversos experiretur. Viderat, Religiosos magnâ premi rerum necessariorum penuriâ, quia bona plurima variis tum Clericis tum sæcularibus oppignorata nullum monasterio fructum afferebant. Quare supplices ad Martinum IV. Pontificem litteras dedit, dignaretur autoritate Apostolica malè vel alienata vel in pignus exposita monasterio ad incitè pane redacto vendicare. Nec tardum habuit in vota Martinum, qui Bullam commendatariam, & Hebacensis Ecclesiæ Præpositum dedit, eique summa potestate injunxit, ut decimas, terræ, domos, vineas, redditus, prata, pascua, nemora, molendina, jura, jurisdictiones, maneria, possessiones, & quedam alia bona ipsius monasterii à prædecessoribus Conradæ serviti nonnullis Clericis & laicis impignorata in ditionem nostram revocaret; tergiversantes verò pignora sibi credita dimittere, ac legitimis dominis restituere, Apostolici fulminis comminatione compelleret. Data est hæc Bulla anno Domini 1281. Nec dubito, quin optatum fructum protulerit, desideratæque effecerit Commissio Pontificia; præerat enim tunc temporis Hebacensi Canonice Collegio Bertholdus de Wilzhoven, seu Witolzhoven (c) nobili familia, nostroque monasterio additissima oriundus; nam & Ulricus Wicolshoverius ante Hainricum Thainingarium testis scribitur primus in instrumento donationis Henrici Cholbii (d) & posterioribus quoque annis alia benevolentiz ab hac familia nobis exhibitæ documenta videbimus.

(b) *Infra §. IV. num. 7. in Instrumento.* (c) *Hierarch. Aug. P. II. Collog. fol. 206. num. 2.* (d) *supra Cap. I. §. IV. num. 1.*

§. III.

*Udalricus Abbas creatur, & Ecclesiam recon-
ciliat.*

3. **P**rimo igitur negotio feliciter gesto, cum monachi res monasterii antea tam angustas jam ampliari, vitæque suæ sustentationi melius provideri conspicerent, optima quæque in futurum sibi promittentes, unanimi consilio Hartmannum antistitem Augustanum supplicibus litteris adierunt, rogâruntque, ut virum tam utilem sibi Abbatem confirmaret, & more consueto benediceret. Hartmannus ad Religiosorum preces promptissimus, cum jam dudum monasterii utilitatem beneficentissime fovisset, tertio Idus Apriles, id est, undecimo ejus mensis die, à monachis ad se adductum Augustæ Vandalicorum Abbatem solitis ritibus creavit: felici prorsus omine; erat enim sabbatum ante Dominicam secundam post Pascha, qua Christus dicit: *Ego sum Pastor bonus*; ac præterea festum S. Leonis Papæ, in cujus Evangelio Salvator ait: *Ecce ego et Petrus, & super hanc Petrum ædificabo Ecclesiam meam*. Certè ipse sanctissimus Apostolorum Princeps Petrus Patronus noster, Ecclesiam suam Wessofontanam per Udalricum Abbatem ædificari ac restaurari optasse videtur, si saluberrima hujus præstis instituta, quæ jam exhibebimus, considerentur.

4. Da veniam, lector, candori narrantis. Tristia sum relaturus, verùm ideo non omittenda, ut divinæ providentiæ copiosiores reddere gratias, eamque pro nobis tam sollicitam reverentiùs adorare commoveamur. Jacebat, quod in superiorum Abbatum historia dissimulavimus, jacebat sub interdicto Pontificio Ecclesia S. Petri Wessofontana jam à tempore Concilii Lugdunensis. Interdicti causam ignorare me fateri malim: sed tamen divinandam relinquo consideranti superius dicta. Ecclesiasticis ejusmodi fulminibus territi & hio & alibi complures coenobiorum præfides dignitate se abdicârunt: nonnulli depositi fuerunt: aliqui Pontificia jussa præfractè contemnentes fideliùm communione exclusi sunt, & sacrâ sepulturâ prohibiti. Postremam hoc contigit Wessofontii, prò dolor! Nam Udalricus iste, eum ad nos venisset, quos in monasterio defunctos Abbates invenit, quorum cadavera pluribus jam annis putrescebant, nondum tamen Christianæ sepulturæ mandata fuerant, eoquod *Rex Galsus isti in eadem enormitate* (ait Codex noster) *mortui sint*. Quinam verò,

verò, quò venomine fuerint appellati, profari nec ausim, nec velim, defunctorum honori deferens reverentiam. Colligialiquid ex præmissis potest, non tamen sententia præcipitari: & ea, quæ sequuntur, lumen quodcunque afferent. Udalricus verò Abbas, tantæ calamitatis impatiens, legatum Apostolicum, qui ad colligendas, ex decreto Concilii Ecclesiarum decimas circumibat, interpellavit: decimas Ecclesiæ suæ in subsidium terræ sanctæ petitas, verùm hæcenus nondum persolutas, ac pertinaciter fortè negatas, liberaliter solvit, ejusdemque legati autoritate obtinuit, ut Ecclesia nostra denuò reconciliata fidelium pietati panderetur, & Abbates, Censuræ Apostolicæ vinculo soluti, sacrâ tandem sepulturâ donarentur anno 1284. Jam inde amœnior Wessonis fontibus tempestas affulgebat.

§. IV.

Udalricus Abbas Ecclesiam Wessofontanam restaurat, & S. Sebastiani Martyris cultum introducit.

§. **Q**UAM à religioni tyrocinii cunis in monasterii Eberspergensis imbiberat pietatem erga fortissimum Christi Martyrem S. Sebastianum, eandem Udalricus apud Fontes quoque Wessonios propagare strenuè laboravit. Opportunam ei occasionem præbuit nupera Ecclesiæ nostræ reconciliatio, quam tanto tempore obleratam populo iterum adhiisso exhibere cupiebat formosissimam, tanquam sponsam ornatam viro suo. Igitur si non totum omnino templum funditus restauravit, certè presbyterium ampliavit, ac novum chorum cum subjecta crypta ædificavit: Altare summum in honorem SS. Petri & Pauli Apostolorum erexit: in crypta proprium altare S. Sebastiano Martyri condidit. Ad hæc unà cum templo dedicandâ & consecrandâ Hartmannum Episcopum invitavit, qui, communi monachorum & totius vicinæ gaudio, exulem tandem religionem publicam postliminio solemnî ceremoniæ reduxit. Documentum dedicationis ante ducentos adhuc annos in choro interiore prope tabernaculum Venerabilis Sacramenti suspensum cernebatur, quod à Stephano nostro descriptum ita sonat.

Anno ab Incarnatione Domini millesimo ducentesimo octogesimo quinto, Indictione decima tertia, dedicatum est hoc monasterium, & altare publicum, & altare S. Sebastiani in crypta à Venerabili Hartmanno Augustensi Episcopo tempore Honorii

Papa quarti, regnante Rudolpho Rege Romanorum, procurante Abbate Udalrico de Ehersperg nato: in nomine sanctæ & individue Trinitatis, & in honore S. Mariæ, & omnium sanctorum: specialiter in honore SS. Apostolorum Petri & Pauli. Continentur autem in hoc altari hæc reliquie. De ligno S. Crucis reliquie SS. Petri & Pauli, Andrea Apostolorum. Joannis baptiste, Laurentii, Stephani Martyrum. De sanguine & capillis S. Dionysii Episcopi, Benedicti, Magni Confessorum. Margaretha, Anastasia Virginum & Martyrum, & aliorum plurimorum sanctorum. Est autem dedicatio hujus Ecclesiæ & altarium præscriptorum feriâ tertiâ post diem sanctum Pentecostes annis singulis celebranda.

6. Atque hæc jam tertia & in hodiernum usque diem postrema Ecclesiæ nostræ Dedicatio est. Prima per sanctum Bonifacium Germaniæ Apostolum ac Moguntinum Archiepiscopum, vel certe per S. Witterpum Episcopum Augustanum facta est vigesimo secundo Octobris, ad quem diem in Calendario antiquissimo Benedicti Abbatis commemoratur. Secunda Dedicatio facta est per Embriconem Episcopum Augustanum anno millesimo sexagesimo quinto, die trigesima Novembris, in festo videlicet S. Andreæ Apostoli. Tertia demum, ut vidimus, per Hartmannum in feriâ tertiâ Pentecostes, quam procurante Udalrico Eberspergensî institutam hodie adhuc anniversaria solemnitate celebramus.

7. Verùm ut festum S. Sebastiani solemnius quotannis celebraretur, studiosè curavit Abbas Udalricus, variis suis donis ac solatiis in voluntatis suæ assensum pertrahens. Ne multis moremur lectorem, instrumentum institutionis proponimus, prout ab Udalrico Præsule, re jam utrinque stabilita, ad posterorum memoriam est relictum.

Fundatio in honorem S. Sebastiani.

Qua aguntur in tempore, cum tempore memorie nomen perdunt, nisi vivunt scripturarum testimonio perennantur. Elutescat igitur vitam agentibus, & sciens tam posteris, quam presentes, quod nos Udalricus DEI gratiâ Abbas monasterii in Wessobrunna Augustana diocesis, diligenti tractatu & deliberatione nostri conventus fraternæ præhabitis, ad divini cultum nominis ampliandum nostra in ecclesia, curâ pastoralis officii sollicitas excitati, ad oblagium Fratrum ejusdem nostri monasterii unam libram monacensium denariorum, usibus ipsorum Fratrum ac Dominorum pro consolatione impartendam, in duobus prædiis, uno videlicet in Porßadel situato, & in quadam alia Huba, quæ vulgò Nowezel dicitur, recipiendam ordinavimus annuatim, & ad cryptam ibi in honore S. Sebastiani constructam pro suppletionē luminis eri-

erigenda, nostra fultis auctoritate ex suscepta administrationis officio sexaginta denarios ejusdem monete ponderis deputavimus, simili modo dandos cujuslibet anni circulo revoluti. Ne autem de prenotatis pradiis, quandoque respicientibus Abbatiam, indecenter videamur promissa consolationis gratiam dictis Fratribus impendisse, aut ab aliquo successorum nostrorum, quæ statuimus, posse videantur à rationis tramite discordare, Advocatiam in Rott, nostro monasterio conspiciam, à Perchtoldo dicto Reichlingario, conditione nostra ecclesia filio, per nos emptam, & nostra provisione ab ipso cum omni jure sibi inibi competente conquistam, viginti librarum monacensium denariorum cum ponderis facultate sibi perinde traditarum in pecunia numerata, in usus & utilitatem Abbatia tradidimus versa vice, & redegitur convertendam. Et quia gratiarum actio est recepti beneficii recognitio, iidem Fratres & Domini nostra ecclesia sæpe dicti, tanquam solatium specialis gratie ipsis factum, nobis respondere cupientes, nostris præcibus ac meritis inclinari, Octavam S. Sebastiani divinitus cum officio pleno annuatim celebriter peragendam, & cum una antiphona de ipso S. Sebastiano Martyre in Vesperis & Matutinis habenda, suffragiis etiam canonicè celebrandis quotidie cum Collecta, liberaliter promiserunt. Quod, quandocunque ex ipsorum Fratrum, quod absit, defidia exoleveris faciendum, & postpositum fuerit quoquo modo, ex tunc memoratum exspirabit per nos solatium eis factum, & ut nullius penitus, volumus, sit momenti; sed ad regimen sive officium Abbatia postea revertatur. In cujus rei testimonium presentem cedula, ne ab aliquo successorum nostrorum id, quod statuimus, valeat infirmari, sigillorum nostri & Conventus nostri characteribus jussimus fideliter insigniri. Actum & datum in Westesbrunne anno Domini millesimo ducentesimo octogesimo sexto, tertio Calendas Octobris.

9. Perseverat igitur ab illo jam tempore S. Sebastiani cultus in Ecclesia nostra, remanentibus præter alia in hunc usque diem quotidianis de eodem suffragiis, quoties per Rubricas licet. Octava desit celebrari, quia recentioribus Pontificum Conciliorumque Decretis non amplius fas est Abbatibus, divini cultus ordinem aut novum dictare, aut præscriptum immutare. Lumen in crypta alebatur, imò & sacrificia ibidem ad annum usque hujus sæculi decimum septimum celebrabantur: verum mutatis deinde ædificiis, cryptæque choro novo & fratrum sepeliendorum capulis obducta, S. Sebastiani honor in Ecclesiæ plaga septentrionali apud altare SS. Rosarii & Scapularis, ubi & S. Amantii Martyris exuvie quiescunt repositæ, quantum fieri potest, in elegante ejusdem statua conservatur, & singulis per annum diebus Dominicis Missa in illius laudem celebratur. In Octavæ verò hætenus celebrari desitæ quaecunque supplementum fuisse à Majoribus institutum credo, ut pridie ipsius Festi breves quædam Vesperæ post solemnes singulari ritu cantentur, utque in Missæ sacrificio, Choro & Capitulo à Confessionem facientibus

S. Sebastiani nomen ante sanctos Udalricum & Benedictum humiliter invocetur. (a) Fortassis etiam Abbates illi, quorum unus confraternitatem S. Sebastiani hodièque florentem apud nos introduxit, alter Festum illius inter primæ Classis solemnitates celebrandum curavit, satisfacere tanto Patrono voluerunt, cujus indignationem incurrere meritò quivis sibi fatale fore pertimescat. Veneremur igitur fortissimum hunc Martyrem non coacti, sed gratis; ac DEO in illius honorem voluntariè sacrificemus: quia, restituta jam pridem per Dei gratiam puriore disciplina, ac strictiore votorum observantia, mercenariæ illæ Abbatem inter & Conventum pactiones usu meliore deserunt.

(a) *Suffragia de S. Sebastiano hæc sunt in Laudibus. Antiphona.* Beatus es, & bene tibi erit egregie Martyr Sebastiane, quia cum sanctis gaudebis, & cum angelis exultabis in æternum. *Vers.* Ora pro nobis sancte Sebastiane. *Resp.* Ut digni &c. *In Vesperis Antiph.* Elegit Dominus virum de plebe, & claritatem visionis æternæ dedit illi: celebremus commemorationem Beati Sebastiani Martyris. *Versus ut supra.* *Oratio, sicut st. Augusti de S. Hermite Mart.*

S. V.

Udalricus Abbas Pontificum, & Cardinalium Indulgentiis Ecclesiam Wessofontanam locupletavit.

20. **L** Aborem equidem indefessum Udalricus Abbas adhibuit ad conciliandam sibi Apostolicæ sedis favorem, cujus diris & execrationibus tum decessores ejus nonnulli, tum ipsa Ecclesia nostra tempore sat longo subjacerat: nam vix administrationem aggressus jam à Martino IV. Pontifice litteras bonorum nostrorum vindices, ut supra diximus, impetraverat: eadem porro fiduciâ interpellavit Honorium IV. qui Abbatis nostri precibus victus potentiori nos præsidio muniendos censuit contra quoscunque facultatum ac jurium nostrorum seu oppressores, seu violatores. Dedit enim Bullam amplissimam ad Abbatem Tegernseensem, jussitque, ut Apostolicæ Auctoritate, intentatisque Ecclesiastici fulminis comminationibus ad restitutionem & satisfactionem compelleret omnes, qui rerum nostrarum quidpiam pro suo occupasse vel usurpasse convincerentur. Præerat tunc monasterio Tegernseensi Ludovicus

Udalricus Abbas, clarissimo Comitum Grayspacensium sanguine illustris, virtute nobilis, potentiæque eximius, traducto ad se ab antecessoribus titulo Principis. Dubitare non licet, quin maximos ex ejus judicio ac sententia fructus Ecclesia ac monasterium nostrum, Udalrico instante, retulerit. Data est Bulla decimo Calendas Februarias anno MCCLXXXV.

11. Neutiquam ergo mirandum, si Pontificiis animatus favoribus, diversorum quoque Ecclesiæ Præsulum fores pulsare sit ausus, à quibus tantum abest ut repulsam tulerit, ut potius fiduciæ suæ fructum sit amplissimum consecutus. Exstant enim litteræ Episcoporum, certas Ecclesiæ nostræ indulgentias singulatim concedentium, & appensis singulorum sigillis candido orichalco inclusis confirmantium. Summam igitur, seu epitomen, ut accepi, lubens exhibeo.

Anno MCCLXXXVI. Udalricus Abbas Româ obtinuit ab Episcopis Petro Signino, Henrico Saxenatæ, Oberto Astensi, Petro Wibergerensi, Marco S. Marci, Thoma Sardanensi, Joanne Strogosino, Valdebruno Avesonensi, & Consamitensi, Romano Atiphano, Leone Casamanzano, Romano Crobeni, Benedicte Biblensi, Perono Larionensi, Bernardo Vicentino, & Egidio Turriburenfi indulgentias, à singulis singulas Quadragenas: quas lucrabuntur fideles, qui monasterium confessi & sacra synaxi refecti visitant, singulis diebus dominicis: per Octavas Nativitatis Domini, Resurrectionis, & Pentecostes: in quatuor festivitibus Beatae Mariæ Virginis: SS. Michaelis & Joannis Baptiste: singulorum Apostolorum: Stephani, Laurentii, & Sebastiani Martyrum: Martini & Nicolai Episcoporum: Mariæ Magdalene & Catharina, ac in Dedicatione monasterii: qui, inquam, causa devotionis accesserint, vel manus adjutrices porrexerint, seu in extremis laborantes quidquam fabricæ monasterii legaverint. Datum Roma anno 1286. Nono Calendas Februarias, Pontificatus Honorii IV. anno primo.

§. VI.

Favores Hartmanni Episcopi Augustani erga Udalricum, & monasterium.

12. **E**piscopus iste, sapientiâ & virtute clarissimus, jam antea monasterio nostro, miserrimo licet ac pæne desperato ejusdem statu, addictissimus, magis exarsit, teneriusque amavit illud, cum Abbatis Udalrici zelo ac incredibili studio spem fortunæ melioris succrescere

scere confpexit. Dignatus est non semel fontes nostros invifere, opemque suam non spondere solum, sed & præstare. Erant enim nascutuli quidam, qui indulgentias à Pontifice & Episcopis, recenter vel antiquitus concessas, vocare in dubium vellent: horum omnium, quos vel ingeni petulantia, vel æmulationis invidiaeque stimulus incitârât, ut ora obstrueret Episcopus, examinavit accuratè omnia diplomatum exempla archetypa, eaque non solum auctoritate sua confirmavit, sed novas etiam indulgentias propria potestate liberaliter adjecit. Opera pretium est, ut utraque hujus Episcopi Diplomata audiamus, quibus non minus documentorum nostrorum veritas stabilitur, quam eximius tanti viri erga monasterium nostrum amor manifestissimè demonstratur. Ac primum quidem apud Wessonis Fontes Episcopus edidit, eum nobiscum hospes ipse versaretur, sicut ex die dati Diplomatis patet. Illud sic sonat: *Hartmannus Dei Gratia Ecclesia Augustensis Episcopus Universis Christi fidelibus presentium inspectoribus salutem à Domino. Noverint universi, quod nos de speciali gratia, quam erga monasterium S. Petri in Wessibrunnen gerimus, ut ipsum monasterium melius valeat restaurari, omnes indulgentias, quas Venerabiles in Christo Fratres, Domini Cardinales, vel Episcopi Catholici tribuerunt, aut adhuc duxerint tribuendas, ratas & gratas habentes, eas in nomine Domini confirmamus, presentes nostro sigillo munitas in hujusmodi testimonium tribuentes. Datum Wessibrunnen Anno Domini MCGLXXXV. sexto Idus Martii.*

13. Facta ergo, & expedita est hæc confirmatio die decima Martii & quidem in monasterio nostro, quo tempore fortassis Episcopus consecravir altare S. Sebastiani in crypta, vel aliud. Invenitur enim circa idem tempus schediasma Reliquias recensens, credibiliter in altari quodam repositas, quarum ne pereat memoria, dignas recensione duximus: primo de criminibus Beate Mariae Virginis. De S. Barbara. De S. Catharina. De S. Apollonia. De S. Udalrico. De S. Pontifice Valentino. De S. Cruce. de S. Antonio. De lapido, super quem stetit Petrus. De S. Leonardo. De S. Anna.

14. Altero diplomate Hartmannus prioribus indulgentiis novas adjungit, & earum desiderio fideles animat non tantum ad visitandam, sed etiam eleemosynia suis suffulciendam Ecclesiam. Præterea iteratò confirmat omnes indulgentias nobis ab exteris etiam Episcopis concessas, & concedendas. Audiamus ipsum: *Hartmannus DEI gratia Ecclesia Augustensis Episcopus universis Christi fidelibus in filio Dei vivit. Loca sanctorum pia ac prompta sunt devotione à Christi fidelibus honoranda, ut venerantes Dei amicos, ipsi amicales nos DEO reddant, & ipsorum nobis quodammodo vendicantes patrocinium, hoc, quod apud altissimum merita nostra non obtinent, eorum mereamur intercessionibus obti-*

mere.

vero: Cupientes igitur Monasterium S. Petri in Westbrunnen dignis precationum laudibus frequentari, omnibus, qui in anniversario die Dedicationis ipsius Monasterii & altarium ejusdem: in die SS. Petri & Pauli: in quatuor festivitatibus Virginis Mariae, & per octavas dictarum festivitatum, ad ipsum Monasterium annuatim cum devotione parituri propitiationis gratiam acceperint, quique ad fabricam dicti Monasterii suae eleemosynas largiti fuerint, de omnipotentis Dei misericordia confidentes, verè penitentibus & confessis quadragesima dies criminalium, & annum unum veniam indulgentis. Ratas quoque & gratas habemus omnes indulgentias, quas dilecti in Christo Venerabiles Episcopi in nostra Diocesi eidem monasterio concesserunt, vel adhuc duxerint concedendas, presentibus perpetuo valentis. Datum Augustano Domini 1286. sexta Calendas Maii. Est ergo expedita hæc epistola die vigesima sexta Aprilis, feria sextâ post Dominicam in Albis, in festo sanctorum Cleti, & Marcellini.

§. VII.

*Indulgentia pro Ecclesia Vilgertshovenfi impetratæ
per Udalricum Abbatem.*

15. **N**obilis Westfontanæ ditionis portio Vilgertshovium est, locus jam ab antiquo clarus, sed temporum injuriâ admodum & rebus & famâ imminutus, donec Deo ter Optimo Maximo placuit novissimis hisce temporibus eundem restaurare, ac longè latèque illustrem reddere. In veteribus monumentis ubique vocatur *Vilgundenhoven*, cujus nominis originem inquirentes arbitramur, castellum olim vel arcem fuisse à nobili & opulenta Matrona, vel à viro illustri ac divite in gratiam uxoris aut filii exstructam, indeque hoc nomine insignitam. Est enim Viligundis muliebri nomen, quemadmodum Adelgundis, Chunigundis, Rade-
gundis, & alia. Castrum fuisse indicat loci situs, ab omni aditu acclivis & procul intuentibus editum collem ostentans, declivibus circumquaque agris, pratisque spectabilem. Antiquissimum esse tam locum, quam Ecclesiam in loco constructam, demonstratur ex vetustissimo Abbatis Benedicti Calendario, in quo ad diem decimum quartum Octobris hæc leguntur sæculo decimo vel undecimo scripta: *Egilolf Laicus obiit, qui dedit dimidiam Ecclesiam & dimidium pradium ad Vilgundenhoven.* Sub dimidiæ Ecclesiæ donatione intelliguntur decimæ, oblationes, vel agri ad Ecclesiam istam spectantes, quorum dimidiam partem Egilolfus, tanquam Ecclesiæ Patronus, Monasterii usibus transmisit.

16. Possedimus igitur dimidiam Ecclesiam & prædium dimidium in Vilgundenhoven plusquam trecentis annis ante Illingam Dieffensthus venditam: possedimus etiam eo jam tempore vicinum prædium Puechen- se, cujus hodie nomen ager retinet *Puechfeld* vocatus, quod donatum fuerat ab Adalberto, qui monachus postea Wessofontanus fuit, & Rein- berto, germanis fratribus ac nobilibus de Rott; sed iterum alienatum à nobis, pro prædio Panzingano, ac serò denique recuperatum. Eccle- siam verò Vilgertshovensem Udalrici Abbatis temporibus fuisse celebrem, & locum ipsum frequentem, inde colligimus, quod Abbas operæ præ- tium existimârit, Fridericum Curiensem Episcopum in castro suo æstivan- tem ex vineis nostris Athesinis interpellare pro concedendis Ecclesiæ hu- jati Indulgentiis.

17. Videamus jam ipsum antiquissimum Friderici Episcopi Curien- sis Privilegium, & Indulgentiarum Instrumentum, quod ex veteri Codice desumptum, mendis quibusdam expurgatum, propono.

*Fridericus Dei gratiâ Episcopus Curienfis Universis
Christi Fidelibus salutem in omnium Salvatore,*

Cum ad pietatis exercenda opera quique sceleres illatros quibusdam munoribus in-
rari debeant: Nos de divina præsumentes Clementia, omnibus votis contritis &
confessis, qui ad Ecclesiam Filigunthoven Augustana Diœcesis in anniversario ipsius
Ecclesiæ, nec non in festis Sanctorum Udalrici Confessoris & Pontificis, Stephani Proto-
Martyris, Beata Maria Magdalena, Afre Martyris, & aliorum Patronorum,
cum devotione accesserint, quadraginta dies Criminalium, & centum venidum,
dummodo de Diœcesani voluntate processerit, in Domino misericorditer relaxamus,
presentibus perpetuè valituris. Datum in Castro Montis S. Petri, anno Domini
millesimo ducentesimo octogesimo quarto, undecimo ex tunc Junio, Indictione du-
decima.

18. Fuit Episcopus iste Fridericus ex illustrissima Comitum Mont-
fortiorum prosapia, qui Ecclesiam Curiensem octennio rexit, ac anno
1290. piissimè obiit. Quantum ad locum datarum litterarum istarum at-
tinet, in mappa Tirolis & Grisoniæ Homanniana S. Petri montem nul-
lum invenio, sed locum & montem Churberg appellatum, quem Hüb-
nerus vocat Castrum munitum in Grisonia, (b) cum tamen Homannus
collocet in Tirolis, paucis milliariis à civitate Meranenſi distitum. Ille
igitur digressus è vineis nostris Abbas, ab Episcopo in Castro Churbergæ
æstiva

affiva agente, harum Indulgentiarum privilegium potuit impetrare. Verum de loco & Ecclesia Vilgertshovenfi, celebrique ad hanc peregrinorum accursu & hujate Dolorosæ Deiparæ sodalitate frequentior deinceps mentio redibit.

(b) In Staats, Zeitungs- und Conversations-Lexico. V. Churberg.

§. VIII.

Udalrici Abbatis Resignatio, & reditus ad Monasterium Eberspergensē.

1. Postquam Udalricus noster ab adventu suo Administratorem egit anno ferme integro, Abbatis verò dignitatem ab anno sæculi decimi tertii octogesimo secundo per quinquennium summa cum laude, maximoque nostro emolumento gessit, ad Eberspergensē cœnobium est revocatus. Nam cum Petrus Kienberger Abbas vigesimus quintus post biennale regimen divini judicii metu, ut ipse præferebat, magistratu se abdicasset, omnia tamen privatus aliquamdiu gubernabat, donec Fratres super novo Præsule eligendo convenirent. Annum pœne tenuit deliberatio, cum Aprili mense unanimitus votis Udalricum ad se nostrum repertunt: qui Eberspergam, suam à puero nutritiam, nolens destituere, Abbatiz Wessofontanæ renuntiavit, postquam universim per sex annos multa nobis commoda & Ecclesiæ ornamenta procurasset. Præsuit deinceps Eberspergæ non minori utilitate per annos undecim, & obiit quinto Calendas Octobres, ut Hundius scribit; secundum nostros verò Codices in Festo Epiphaniæ. Ei Stephanus noster breve hoc pangit elogium: *plura bona in confirmationibus Ecclesiarum, decimarum, & prædiorum cum Bullis Indulgentiarum Ecclesia S. Petri obtinuit, & post se reliquit.* Parcè, si verba consideres: sât largè, si verbis singulis respondentes egregias res aspicias, quas hætenus enarravimus. Digna memoriæ nostræ Ebersperga, quæ cum nobis virum subministravit, cujus insigni prudentia, & indefesso labore ruinæ nostræ sunt restauratæ. Nobis verò ipsis meritò gloriamur pulcherrimam hæreditatem, singularem nempe & perpetuum S. Sebastiani cultum, qui dum per alios in Eberspergensī Ecclesia zelosissimè promovetur, ab ordine tamen nostro non exulat, dum per Udalricum apud nos plantatus, veluti felix colonia, in Monasterio nostro hodièdum viret, & efflorescit.

§. IX.

*Interitus Coloniae Wessofontanae in Monte S. Petri
Matronæ.*

20. **M**onasterium S. Petri in Monte Madronensi ad Oenum flumen jam per trecentos & quadraginta annos per varia fata duraverat. Ejus condendi occasionem præbuere tres monachi Wessofontani, qui Hungarorum furore pulsī, occiso crudeliter cum sex sociis B. Thientone Abbate, in illam se solitudinem fugitivi receperant, abruptam apud Fontes Monasticen sub Divi Petri patrocinio prosecuturi. Horum desiderio satisfactorius Comes Andecensis cœnobiolum eis ædificavit, cui primus præfuit ex tribus illis Wessofontanis monachis Mectinus. Verum de Monasterii hujus progressu plura jam diximus initio tertii sæculi Wessofontani. Hoc tantum animadversione dignum existimo, quod litteris Alberti Frisingensis, Monasterium hoc à Sigibottone Falckensteinio Comite sibi commendatum in fidem suam recipientis, subscripserint Rapotho Abbas S. Stephani, & Lotharius Abbas Rottensis. Decennio post, defuncto interim Sibothone Comite, jam Præpositus quidam, Conradus nomine, Ecclesiam gubernabat, monachis etiamnum in loco perseverantibus. Quo tempore Gertrudis vidua Henrici de Brandenburg S. Petro Madronensi allodium suum in Griessenbach donavit: quam sexennio post imitatus Wernherus de Aisingen prædium suum in Owe eidem sancto Apostolo legavit, ubi inter testes jam memoratur Albertus Conradi Præpositi socius. Imò Rudolphus ipse Dux, idemque Palatinus Rheni, prædia quædam à Ludovico Haslangero sibi resignata S. Petro donavit anno 1295. cum Conrado jam successisset Henricus Præpositus. Anno proximo secuta est monasterii vastatio, loco superius allegato descripta; post quam alias deinceps donationes S. Petro factas legere est apud Hundium, quæ verò ad monachos jam nihil attinent, postquam, ut lamentatur Hornsteinius, res eorundem devenerunt ad manus alienorum.

21. Hæc utcunque circa Madronensem S. Petri Ecclesiam sint gesta, manet tamen Fontibus nostris ea gloria, quod Monasterium à Wessofontanis inchoatum & gubernatum, inde continuò ab ordinis nostri hominibus conservatum, plusquam trecentis annis duraverit; nec hinc armatis tandem contra inermes satisfuccubuerit: quodque, cum disciplina monastica per Hungarorum tyrannidem apud Fontes per centum & decem

annos

annos cessasset, eadem alieno in solo per nostros refloruerit, adeoque constanter à radice Wessofontana viguerit S. P. Benedicti Religio. (†)

(†) Vid. Hund. Mettr. T. 3. sub tit. S. Petri Matrona f. 96. & Rassenis f. 223.

CAPUT III.

De Marquardo & Gebhardo Abbatibus.

§. I.

Marquardus Abbas XXVII.

1. **P**ost lucem aliquam ab Udalrico Eberspergensis Fontibus nostris illam redierunt denuo nebulæ, quæ nobis duorum Abbatum historiam perquam obicuram faciunt. Marquardus & Gebhardus, ubi locorum Religionem professi sint, ubi fatis decesserint, penitus ignoratur: & Stephanus noster in margine hac ambos notâ complectitur: *Hi duo non sunt inscripti in nostris Calendariis defunctorum.* Fuissent autem, si de Monasterio egregiè meriti in loco obiissent. Quantum ad Marquardum attinet, invenio duos eodem ferè tempore, qui id nominis gesserint. Unus Marquardus Tegernseensis Abbas anno 1287. electus: alter Marquardus Abbas ad S. Udalricum Augustæ Vindelicorum à Friderico Episcopo hujatibus monachis impositus anno 1316. de quo videri potest pars tertia Hierarchiæ Augustanæ: fuerat hic novitius olim & monachus ejus monasterii: at vix tyrocinium emensus, transierat ad ordinem Prædicatorum. Tandem ab his rediit, actâque triduana pœnitentia Benedictinum habitum recepit, mox Abbas etiam creatus, cum apud nos jam præfisset Gebhardus. Marquardum hunc Augustanum nihil ad nos pertinere, ipsa Chronologiæ & Historiæ ratio convincit.

2. Quantum ad priorem Marquardum, nempe Tegernseensem, attinet, in unum ferè annum illius & nostri creatio incidit. At neque Chronicon nostrum, neque Tegernseense, nostro prolixius & explicatius, mentionem de illo ad Fontes nostros translato faciunt. Potuisset quidem ab anno 1297. Marquardus ille quadriennio, quo alius Monasterium illud administravit, nostris præfesse: at ille Tegernseense, deinceps etiam, gubernavit, usque ad annum 1324. quo obiit; noster jam anno 1306. Factus vel sponte vel invitatus posuerat.

3. Marquardus itaque noster (ignotum, quo sanguine natus, quod loco vocatus) Abbatiam Wessofontanam adiit anno, quo illam Udalricus III. dimisit, nempe 1286. De gestis ejus primo decennio nihil usquam reperio. Quæ deinceps ab anno 1297. ad Monasterii utilitatem fecit, ea compendio referam: atque imprimis ea, quæ ad divinum cultum & populi ædificationem contulit. Diximus supra, ab Udalrico Eberspergensis impetratas pro Ecclesia nostra Indulgentias à pluribus Episcopis Romanæ tunc versantibus, quarum etiam summam recitavimus. Has cum hypercritici quidam in dubium vocarent, Abbas Marquardus Episcoporum Romanorum litteris Wolshardo Episcopo Augustano exhibitis, ejusque examini subiectis, impetravit ab eo litteras, quibus Indulgentiarum diploma Romanum ab omni labe purum declaratur, novæque indulgentiæ adjiciuntur.

4. Instrumentum Episcopi nostri, quantum ipsiusmet verba continent, recitamus: inserta, ac ab Episcopo reperita Cardinalium verba superius exposuimus, (a), ideoque hoc loco brevitatis causa omittimus.

*Wolhardus, Dei gratia Episcopus Ecclesiæ Augustensis,
Universis, presentium inspectoribus salutem, in filio
Virginis gloriosæ.*

Venerabilium ac Reverendorum Fratrum (b) litteras, non cancellatas, ne in aliqua sui parte vitiatas, cum sigillis & appensis vidimus in hac verba: sequitur diplomatis Romani extensus tenor, quo recitato pergit Episcopus: Nos igitur altercationis & dubietatis materiam super hujusmodi amputare cupientes, ne frivolis desur locus contradicendi, ad veritatem confirmandam nostrum sigillum duximus, presentibus apponendum: Confirmantes nihilominus omnes indulgentias sepe dicto Monasterio in Wessobrunn à predictis Dominis Episcopis elargitas. Datum Augustæ anno Domini millesimo ducentesimo nonagesimo septimo, calendis Julii. Ad hæc omnibus ejusdem Monasterii Benefactoribus quadraginta dies criminalium, & annum unum venialium de injuncta ipsis poenitentia indulgemus.

5. Neque minus pro Monasterii defendendis juriis vigilavit Marquardus, dum à Bonifacio VIII. summo Pontifice geminas obtinuit Bullas, quibus bonorum ac possessionum nostrarum defensio & vindicatio Abbati Campidonensi committitur. Primâ quidem plena judicandi potestas illi conceditur super omnibus Monasterio nostro subtractis: altera vero singulares quidam jubentur autoritate Pontificia coerceri. Primam illam, cum communis sit & generalis, hîc omittimus: ex secunda initium.

tium recitamus, ut, quantos passi simus adversarios, intelligatur. Hic itaque secundæ Bullæ tenor est.

Bonifacius servus servorum Dei dilecto filio Abbati Monasterii in Campidona, Constantiensis Diœcesis, salutem & Apostolicam benedictionem. Conquesti sunt nobis Abbas & Conventus Monasterii S. Petri in Weßisbrunnen, Ordinis S. Benedicti, Augustanæ Diœcesis, quod Conradus de Bailbrunnen, Otto, Henricus, Fridericus, Eberhardus dicti Iſenbover fratres, & Henricus dictus Sülzenmoser, Laici Frisingensis Diœcesis, super terris, debitis, possessionibus, redditibus & rebus aliis injuriantur eisdem; ideoque discretionis tuæ per Apostolica scripta mandamus, quatenus partibus convocatis audias causam, & appellatione remota debito fine decidas, faciens, quod decreveris, per censuram Ecclesiasticam firmiter observari. Testes autem qui fuerint nominati, si se gratiâ, odio, vel timore subtraxerint, censurâ simili, appellatione cessante compellas, veritati testimonium perhibere. Datum Lateranî quinto Calendas Aprilis, Pontificatus nostri anno nono. Subscriptus legitur Bullæ Andreas de Spello.

6. Quid Abbas Campidonensis effecerit, nūmve insolentes milites domuerit, atque ad saniora reduxerit, non reperio proditum. Interim nobilium illorum familiæ tum expirârunt, tum gentilitiis honoribus ex-ciderunt; nam Sulzemosiis succelsere Geböckii: Eysenhovium Episcopis Frisingensibus celsit: Bailbrunnenses, quantum sciam, penitus evanuerunt. At meum non est judicare, quæ causa ruinæ fuerit. Bonifacius Papa, harum Bullarum largitor, ejus nominis octavus, S. Cœlestino V. Papæ succéssit in Pontificatu, quem ultrò abdicantem in Castro Fumone reclusit, publicæ quietis gratiâ: nobis semper inter beneficos celebrabitur bonorum nostrorum vindex.

7. Oblationibus quoque fidelium aucta est res nostra sub Marquardo. Exemplo est Irmengardis uxor Conradi Castner Fridbergensis, quæ moriens in solatium animæ suæ legavit bovem, cujus omnes fructus quotannis librâ ceræ redimerentur.

Denique præter alias locationes prædium antea Werigando Reichlinger locatum, & redemptum, concessit in vitalitium nobili Domino Engelskalco de Wildenrode: cujus familia sequentibus annis munificam se monasterio præbuit. Atque hæc sunt, quæ de Marquardo Abbate ex tabulis nostris eruimus. Præfuit viginti annis, & sacros fascēs Gebehar-do cessit anno 1306.

(a) Cap. II. hujus sæc. §. V. num. 11. (b) nempe Cardinalium & Episcoporum iidem nominatorum.

§. II.

Gebhardus Abbas XXVIII.

1. **C**redibile est, hunc etiam Abbatem fuisse extraneum, sive hæpofulatum, sive intrusum; non enim vocatur à Stephano nostro *Congregationis nostræ Monachus*, & peculiariter de eo notatur, quòd nomen ejus in Necrologiis Wessofontanis nullibi locorum inveniat. Igitur & adventus ejus, & discessus ignoratur, imò & ipsi regiminis anni. Ultimum ejus monimentum exstat de anno 1314. ultra quem quamdiu præfuerit, in incerto est. Nam ab Udalrici Eberspergensis tempore jam desitum fuit tam Chronicum nostrum, quam acta imperii eò usque continuata: solum ex relictis dispersisque variorum tractatum schediasmatibus, Bullis, diplomatis magno labore Stephanus corrasit, quæ deinceps ultra centum annos referemus.

2. Primum Gebhardi Abbatis negotium fuit partitio subditorum, quæ tum temporis vigeat, sicut sub Abbate XXI. exemplum attulimus. Ejusmodi partitio facta est inter Gebhardum Abbatem & Othiliam Abbaticissam in S. Altonis Monasterio, in quo tunc vigeat Ordo S. Benedicti. Instrumentum erectum fuit anno 1308. in festo S. Alexii. Porro antiquissimum istud S. Altonis cœnobium initio à monachis, deinde à sanctimonialibus Benedictinis cultum fuit, quibus Abbaticissa olim præfuit S. Euphemia Diessensis, soror germana Divæ Mechthildis, aliæque usque ad annum 1487. quo tempore cum inveniretur collapsum penitus & iniquis vacuum, Georgius Bavariz Dux illud restauraturus obtinuit ab Innocentio VIII. summo Pontifice Bullam, vbi cujus deinceps Ordo S. Birgitæ fuit introductus.

3. Alterum Gebhardo negotium fuit oblatum occasione vineæ cujusdam in Tirol. Anno Domini 1310. die 24. Octobris Bulsani in cœmeterio Patrum Dominicanorum locatum est rus aliquod prope Gries, & prædium, quod *Englburger Hof* appellabatur. Conduxit illud Rublinus Conradi Englburger filius cum uxore Agnete, jussusque est Monasterio quotannis pendere duodecim urnas vini. Locationi huic interfuit Hermannus Pydenger monachus Wessofontanus, cum duobus Gebhardi Abbatis famulis, Udalrico Rosa, & Udalrico Pützenhauser. Adjunctæ conditiones certæ, & conductori impositæ, quas instrumentum continet à No-

à Notario Cafareo confirmatum atque subscriptum, sed ob prolixitatem hîc omittendum.

4. Tertium, quod invenio, Gebhardi Abbatis negotium fuit cum Wernhero viro nobili; ut credimus; vocatur enim Ludovici Comitiss Palatini & Ducis Bavariz Vicedominus Daehaviensis. Uxor fuit huic Elisabeth, filius Wernherus. His Abbas in vitaleium concessit prædium Hantenshovense tamdiu possidendum, quamdiu unus illorum superstes in vivis ageret. In pretium Gebhardus accepit viginti libras denariorum Monacensium. In recognitionem seu censum annuum, nihil aliud monasterio dare jubebantur, nisi singulis annis unum pondo ceræ. Habemus desuper instrumentum à Gebhardo editum, sed charactere tam misero descriptum, ut ne Stephanus quidem noster illud transferre in suos codices integrum auderet, licet temporibus illis vicinior, plusquam ducentos annos ab ætate nostra.

5. Hactenus curas Gebhardi explicavimus: nunc etiam monasterii Benefactores, sub ejus præsidio in illud liberales celebremus. Nam tametsi tenuia restent vestigia observantioris istius, de quo scribimus, seculo disciplinæ; non desit tamen misericors Deus dilecti sibi Benedicti respicere merita, & pias fidelium voluntates ad benefaciendum nobis excitare. Fuit in his Grymoldus, venerabilis & grandævus presbyter, qui genitis ex legitimo antehac matrimonio filiis Henrico & Conrado, seculi affectus tædio post uxoris mortem ad sacerdotium se transtulit, effectus demum Parochus ad S. Petrum non procul ab agro Gratscheni. Is emptum ab Henrico Geiger torculum monasterio nostro donavit eâ lege, ut ipse nobis, quoad viveret, ex eo singulis annis penderet libram denariorum Veronensium; post ipsius verò & filiorum decessum proprietate torculi ad monasterium devolutâ, singulis feriis secundis Missa apud nos celebraretur in solatium defunctorum. Testes donationis erant frater Laurentius monachus Wessofontanus, & Hermannus civis Augustanus, aliique homines honestissimi. Datæ fuerunt desuper litteræ anno 1313. die 2. Novembris. Laurentius porrò monachus, quem inter testes hîc legimus, homo fuit generosus ac nobili ortus prosapia, qui Wernhero II. Abbati fideliter adstitit contra machinas Abbatiss Udalrici, decessoris sui, & Stamsensem monachorum; ut paulo post ostendetur.

6. Grimoldi erga nos munificentiam superavit ingenua liberalitate Otto vir secularis & nobilis, de quo dubitare vix possumus, quin de

illustrissima hodièque florente Baronum Egkerorum familia fuerit oriundus; habet enim pro insigni suo tres rhombos, sicut hodierni, sed nigros in campo albo, quales eos calamo tantum formatos invenimus; in sigillo enim cereo colores distinguere non potuerunt. Uxorem habuit Otto Gerbirgam, filios verò Ottonem & Georgium. Possederat prædium Egi in Foresto, quod Ecclesiæ nostræ spontanea liberalitate subjecit, promittens in censum annum octoginta denarios monetæ Ratisbonensis. Testis gestæ rei aderat Chunradus Rauter Parochus Reyspacensis, cum germano suo Herrando, aliisque pluribus. Notandus est testis iste in memoriam, quòd eo etiam tempore in Ecclesiam Reyspacensem ad monasterium nostrum quidpiam juris spectaverit, cum Parochus apud Fontes nostros, tanto itinere, præsentem se stiterit. Expositum est super hæc instrumentum, anno post millesimum trecentesium decimo quarto.

7. Debemus nos Wessofontani gratias magnas illustri huic viro, cujus liberalitate census iste in monasterii utilitatem venit: debemus etiam majores cum universò Ordine Benedictino, cujus curæ doctrinæque gubernandum credidit erectum à se ornatumque Lyceum Frisingense Reverendissimus ac Celsissimus S. R. I. Princeps & Episcopus Frisingensis JOANNES FRANCISCUS, ex eadem Egkerorum equestri & antiqua prosapia: maximas iterum Wessofontani, è quorum numero, ejusdem Principis favore in eodem Lyceo scholasticos inter pulveres clementissimè toti sunt sex Religiosi, publicis & honorificis cathedris præfecti.

Cæterum hisce totam Gebhardi Abbatis historiam claudimus, imò abrumpimus, cum nullibi reperiamus, mors, an fors eidem clavum extorserit; neque annum positi regiminis in Chronicis nostris, neque nomen ipsum in Necrologiis inveniamus.



CAPUT IV.

Udalricus IV. Abbas XXIX.

§. I.

Genus, Professio, Dignitas Udalrici.

IN confesso est, nobilem olim fuisse Thayningerorum familiam, atque id ipsum jam superius (a) comprobatum invenies, ubi quoddam donationis à Kolbio factæ Instrumentum sigillo & insignibus Heinrici Thayningeri munitur, erectum sub Wernhergo hujus nominis primo, Intèr Abbatès vigesimo quinto. Præferebant hi Nobiles in scuto gentilitio rotam molarem, prout ex appensa testimonio cerâ patet. Neque omittenda videtur hoc locò vetus traditio, ad hoc usque tempus tum seniorum relatu, tum sacrorum curiorum de Cathedralis narratione propagata. Visuntur Thayningæ templa duo, primum Divo Martino sacrum, parochiale est & baptismale. Alterum non minus spectabile S. Wolfgangi Ratisbonensi quondam Episcopo dedicatum. Secundi hujus origo ac fundatio sic evenisse narratur. Nobilis quidam Thayningerus & pietate & sanguine, ad celebrem S. Wolfgangi Ecclesiam, quæ ad pedem montis Falconis in Austriaca ripa lacus Aberni hodièque à plurimis frequentatur, religionis ergo profectus fuerat, monitusque in somnis, eidem Divo templum in patria sua ædificare sponderat. Verùm cum evigilans & promissi memor vires suas opesque promisso impares expenderet, constans tamen in proposito manere statuit, malens splendori aliquid suo, quàm religioni, qua se S. Præsulì adstrinxerat, quidquam decedere. Animum bonum respexit Deus, fecitque, ut festè tradito, ita nummos in crumena crescere, ut nunquam deficeret operarius merces, structuræ materia, & materiæ pretium. Ex plâ hac religiosâque Thayningerorum familia ortum fuisse Udalricum nostrum, de quo nunc loquimur, Abbatem, duo domestica, & unum Tegernseense, monasterii nostri Chronica testantur, in quibus disertè nobilitatis præconio honoratur. Quibus maximum pondus addit cœvum Friderici Episcopi Augustani instrumentum, in quo & nomen & cognomen tum Abbatis hujus exprimitur. Illud Inferius ad litteram daturî sumus. De Udalrici hujus professione Westfontana nihil causæ habemus, cur istam negemus, fidem faciente tum indicato cognomine, tum ipsâ eximâ

de locorum nativitatibus, & professionis vicinitate; earum enim horarum itinere Thaininga à monasterio nostro distat. Weßfontanum ergo credimus, virumque, si mores & genium spectes, probum, industrium, & pium: si rerum gerendarum peritiam, plus columbæ, quam serpentis habentem. Docebit hoc præsens historia. Columbina tamen, quæ in eo prælucebat indoles, perspecta probitas & sanguinis nobilitas effecisse videtur, ut illum concordibus votis in Abbatem eligerent, qui mansuetum in eo patrem se habituros sperabant. Neque verò fefellit eligentium spem, donec vel extrema monasterii necessitas, vel proprii iudicii pertinacia, vel nimia de conceptis animo consiliis taciturnitas eum in foveam præcipitavit, ex qua emergendi facultatem nullis viribus potuit obtinere. Difficillimum est, de hoc Abbate iudicium ferre, cum veteres nostri cum vituperent ex causis, quæ ipsos pro illa temporum iniquitate poterant commovere. Neque admodum laudare præsumo, cum in obscuro sit, an illaudabili rerum gerendarum negligentia vel imperitia, vel indiscreto zelo, monasterium ad eas redegerit angustias, quas maximo facultatum nostrarum dispendio luere coacti fuimus, & in hodiernum diem luere non cessamus. Nequid iniquum impingere Udalrico videar, cautè procedam, ac primum, quæcunque laude digna gessit, candidè sincereque proponam. Quo anno regimen suum auspicatus sit, tam incertum est, quam quo anno Gebhardus, illud deposuerit: hoc unum affirmare possum, nec anno decimo quinto huius sæculi prius, nec anno decimo octavo seriùs ad clavum accessisse, ut Chronologia docebit.

(a) *Hujus Sæc. Cap. I. §. IV. num. 7.*

§. II.

Conciliata Fidelium liberalitas erga monasterium Weßfontanum.

3. **C**onspicua Udalrici Abbatis pietas, morumque lenitas, — comitante maximè alloquii suavitate atque erga quoslibet humanitate, complures monasterio Patronos & amicos conciliavit, quorum augere numerum si constantius & cautius laborasset, nihil fortè futurum erat causæ, cur ad ea demum proveheretur extrema, quæ paulò inferius deplorabimus. Primum quidem Conradus Zeller, civis Landspergensis,

gens, cui pluribus titulis ac nominibus fueramus obstricti, propter subsidia in auro argentoque, ac rebus aliis nobis præstita, componente agentèque Udalrico, acceptam qualemcunque solutionem pro integra accepit, ac laceratis aut restitutis ultrò chirographis, omni nos deinceps debito, sollicitudine, timore absolvit, dato nobis in rei fidem ac promissorum securitatem singulari instrumento, anno 1319. sabbato post festum S. Blasii.

4. Facta est jam superius mentio de nobilibus Wildenrodiis, quorum uni Engelschalco nomine Marquardus Abbas prædium Husanum in vitalitium tradidit; Conradus ejusdem Engelschalci, ut videtur, filius vel etiam frater, in remedium animæ suæ majorumque suorum liberaliter Ecclesiæ Wessobrunnæ donavit Advocatiam, quæ ipsi super villam Morenveissi sitam competeat, unaque homines proprios, quos habebat Wildenrodæ, in monasterii jus ac proprietatem transmisit. Habemus Conradi chirographum, quod in donationis testimonium reliquit, anno Domini 1320. in die Andreæ Apostoli.

5. Anno proximè sequente vir nobilis Eberhardus de *Widersperg* copiosam donationem DEO & S. Petro monasterii nostri Patrono fecit, dum in potestatem nostram transtulit, nostræque jurisdictioni subiecit omnes homines proprios, unâ cum hæredibus eorum, quoscunque habuerat Ubereckii, Günzelhovii, & *Widerspergæ*: atque id spontanea liberalitate, amore DEI & S. Petri Apostoli, in remedium animæ suæ, omniumque hæredum ac posterorum suorum, quam donationem sua manu, sigilloque proprio confirmavit, anno Domini 1321. in festo S. Jacobi Apostoli.

6. Anno salutis 1318. Udalricus decimas minores *Landspergen*ses contulit Plebano seu Vicario ejusdem civitatis, eâ lege, ut pro hisdem in recognitionem, ut tunc loquebantur, monasterio quotannis ab illo persolverentur tres libræ denariorum Augustensium. Biennio post in festo S. Galli Udalricus Greiffe de Oberlannen & Gertrudis uxor ejus emerunt situm in eodem loco prædiolum vitalicii nomine, Advocatiâ monasterio relicta, & annua pensione juxta contrahentium amicabilem compositionem pro qualitate annorum constituta. Sic enim intelligo relictum à Greiffio chirographum, quem ex proprii sigilli usu pro illorum temporum consuetudine nobilem fuisse conjicio. Datum est illud & signatum anno Domini 1320. in die S. Galli.

7. Anno 1318. Udalricus Abbas tractatum init cum Sv Vickero de Brandis, nobili Tirolio, cujus stirps hodie ad Comitum dignitatem evecta floret. Contulit huic Abbas & locavit curiam Lenzerhof appellatam in Niderlannen. Hæccuria continebat domos, agros, præta, vineas, culta & inculta: quorum omnium duodena nominantur loca, hic non repetenda, cum vel jam perdita sint, vel eerte nomina interierint. Hanc curiam seu prædium, ut videtur, copiosum ac fertile, Udalricus Abbas plenissimo jure in perpetuum cessit Sv Vickero ac hæredibus ejus, cum libertate disponendi, imò & vendendi: ea tamen lege, ut si placeret aliquandò vendere, id Abbati insinquaret tribus ante venditionem mensibus, cui anteq cæteros emptores competeret jus redimendi, & pretio quidem remissiore. Quodsi Abbas redimere nollit, liberè vendere Sv Vickerus posset cuicumque, exceptis personis religiosis, nobilibus, nimis potentibus, aut Ecclesiis, talibusque emptoribus, à quibus Abbas in jure vel censu suo posset aggravari. Adjectæ fuerunt conditiones aliæ: verum postrema hæc ura satis indicat, quam periculosa fuerit pactio, quamque manifestum discrimen, locupletissimum hoc prædium omnino amittendi. Instrumento huic subscribitur Notarii nomen his verbis: *Ego David de Merano Imperiali auctoritate Notarius interfui prædictis omnibus, & rogatus sum, ut*

8. Porro Sv Vickerus sua manu sigilloque munitum aliud nobis instrumentum reddidit, quo se prædium istud sub conditionibus insertis sibi concessum acceptare, tractatumque approbare profiteretur, præsentibus Domino Chünrado, Venerabili Præposito S. Mariæ in Raitenbuch, Dominis Sibottone Plebano in Lannen, aliisque testibus Clericis, & Laicis. Acta sunt hæc omnia anno, quo supra, Indictione I. die Octobris penultima, nomine Abbatis, & Conventus assensu, ast, quibus aliis debitis oneratum deinceps monasterium fuerit, sub Abbate sequente videbimus.

S. III.

Ruina Udalrici Abbatis, & monasterii miseranda turbatio.

9. **Q**Uæ clara hæcenus ac dilucida de Udalrico Abbate retulimus, finem jam habent. Ingredimur tunc tenebrosum chaos, & turbulentum mare calamitatum. Nolim ego dijudicare, num ad-

actus rei familiaris inopia, an agitatus zelo rigidioris disciplinæ, periculosum foedus cum cœnobio Stamsensi inierit Udalricus, unde extremum discrimen ordini ac monasterio nostro, & nova metamorphosis impendebat. Alienum æs grande suscepit Abbas noster ab Abbate Stamsensi tum suos in usus, tum in monasterii nostri, ut putabat, emolumentum. Oppignorabantur Stamsensibus bona plurima, præsertim in montanis; cùmque jam hæc non sufficerent, monachi Stamsenses alii ex aliis ad Wessonis Fontes è Tirolì emigrabant, & Cistercienses permixti Benedictinis eodem choro, eodem cœnaculo utebantur: atque ita quidem, ut jam fortior ac numerosior esset Stamsensium cohors. Erant etiam ex antiquis incolis, qui Udalrici partibus addicti consilia ejus probarent, & manifestum ordinis nigri excidium, quod ob oculos non omnino cæcutientes versabatur, æquo animo tolerabant, sive, ut dixi, arctioris disciplinæ zelo inducti, sive Ulrici Abbatis & Stamsensium pollicitationibus deliniti. Contra verò nonnulli attentiore oculo rem considerantes, commoveri primùm, indignari, tum consilia inter se conferre, demùm in apertas cum Stamsensibus diuidias erumpere; maxime cùm viderent, eò jam etiam ventum esse, ut aliis ex Tirolì ad nos emigrantibus, alii ex nostris transirent in monasterium Stamsense,

10. Fuere inter nostros præcipui quatuor, quibus antiqui moris & observantiæ studium cordi erat, tam aperta verò novarum rerum machinatio summo dolori. Eorum nomina vetus epitaphium prodit. Primus fuit Wernerus de Greutt, vir vetustæ probatæque nobilitatis, & animi maxima quævis ausuri. Alter Laurentius, in monasterii negotiis diu exercitatus: alius item Wernernus, ac demùm Conradus, de quorum præclaris natalibus certi sumus, sed stemmatum nomina nuspian consignata reperimus. Hi, nequid præcipiti consilio agerent, captantes occasionem & tempus opportunum, Abbatem Udalricum monuere sæpius, futura prospiceret, & quem in finem novitas hæc esset eruptura, consideraret: si monasterio consultum vellet, alia quavis ratione uteretur, quam ista, qua non cœnobii restauratio, sed omnimoda pristini statûs everasio quæreretur. Adjeçere momenta alia, sed nihil effectura.

11. Cùm igitur Udalricum Abbatem nihil de cogitata novitate remittere cernerent, Wernerus cum tribus, quos supra nominavi, sodalibus monasterio valedixit, & ad nobiles quisque propinquos aut consanguineos suos se recepere, curâ gerendi coram Imperatore negotii in Wernerum Greutterum rejectâ. Quod ubi comperit Udalricus Abbas, serò cepit animo contremiscere, ac metuens Cæsaris majestatem, quoq

incon-

inconsulto exteros homines in Bavariam induxisset, semetipsum cum nigris suis monachis, qui pauci adhuc cum ipso permanerant, utpote cæteris jam Stamsium præmissis, occultâ fugâ subripuit, atque ad idem monasterium transmigravit: nostrum verò cœnobium solis jam Cisterciensibus, quibus nimium sese obnoxium fecerat, gubernandum, regendumque reliquit.

12. Qualem porro novi hospites isti regiminis normam tenuerint, incertum est. De eo non videtur dubitandum, quin rerum gerendarum cardo penès Abbatem Stamsensem steterit, qui credibiliter disciplinæ curandæ Priorem, rei verò œconomicæ promum condum, vel, ut ipsi vocant, Bursarium constituerit. Tanta verò erat hominum istorum confidentia, ut perpetuam se hic sedem fixisse sibi persuaderent; nam & Udalrici Abbatis trepidationem, monachorum dissensionem, aris alieni multitudinem, monasterii verò sui opulentiam considerabant, quæ omnia animos ipsis addebant, ut locum jam ipsi studiis suis augmentare satagerent. Argumentum hujus fiduciæ manifestum est, quòd, tempore interregni hujus, monachi Stamsenses monasterio nostro, imò, jam suo, acquisiverint Parochiam Welchstattensem prope Wertham S. Rastonis exuviis celebrem infra lacum Ambronis. Quamquam rebus postea mutatis confirmatio desuper à iudicibus curiæ Augustanæ obtenta non fuerit.

13. Interea Wernerus noster per suos, sodaliumque suorum amicos viam sibi stravit ad Cæsaris audientiam, cui monasterii sui necessitatem cordatè exposuit, aptissimis ad Ludovici animum expugnandum argumentis usus. Imperator Ludovicus justas supplicantium querelas exaudiens, consilium & facultatem dedit, amicorum auxilio utendi, & qua possent arte, monasterium in potestatem suam redigendi. Capta semel possessione, Cæsarea autoritate tutos fore, promisit.

14. Accepta igitur licentiâ lætus ad suos reversus Wernerus monachus copias conduxit familiæ suæ, sodaliumque suorum: Dux ipse & structor saluberrimi doli viam monstravit, quæ duceret ad interiora claustrî: in sacello S. Sebastiani, seu crypta subterranea fenestram tacitè perfringi iussit, equites armatos in dormitorium intromisit, his instructos monitis, ut ne jura Ecclesiæ aut sacrarum personarum violarentur, sed verbis potius, quàm armis ageretur. Monachi pedum pulsu & armorum strepitu excitati evigilant, è cellulis suis trepidi prorumpunt, bona verba gladiis opponunt; quid enim facerent inermes coram armatis? cessere

cessere nimirum & victas dedere manus, gaudentes tunc quidem, incolumes evadere se tempēstatem, quam Equidem potentia sua freti non praeceperant animo, capicibus verò impendentem sive æqua sive iniqua mente suscipiendam iudicabant; autoritate etiam Cæsaris territi, ejus acerbiorē vim in aliena provincia, ipsique antea Imperatoris patria, deinceps experiri parum sibi tutum putabant. Itaque vehiculis & equis adjuti, fidōque comitatu muniti ad montana reducti sunt, convasatis re-
culis suis, quas attulerant, & fortasse voluminibus quibusdam manuscri-
ptis, de quibus infra, nisi jam antea Udalricus Abbas ea fortasse oppi-
gnorasse credendus sit.

15. Acta sunt hæc omnia anno salutis millesimo trecentesimo vice-
simo tertio ad finem vergente. Udalricus Abbas dignitate sua exutus re-
liquum vitæ in Stamensi cœnobio, tanquam præbendarius, exegit, ibi-
que decessit è vivis. Quo loco sepultus sit, nullibi memoratur. Tres
Werneri commilitones cum duce suo jam soli inane monasterium possi-
debant. Necessè est credere, tam Cæsareā quam Episcopali autoritate
munitos ad electionem novi Abbatis processisse. Elegerunt verò Wer-
nerum de Greutt, nobili genere natum, ut pridem commemoravi: ex
cujus majoribus jam plures, more illorum temporum, in Abbatum no-
strorum nobilibus ministeriis versari consueverant. Certè legitime ele-
ctus ab ipso Episcopo Friderico agnoscitur, ut ex ejus diplomate patet,
quod paulo post proferetur.

16. Cæterum, ne quisq; offendatur lector mirabili hac, & nostris
temporibus insularia ratione monasteria penes antiquum ordinem con-
servandi: qua si nunc quis uteretur, Ecclesiasticis utique censuris acerr-
mè vapularet. At meminisse oportet ruditatis, simplicitatis & asperita-
tis, quæ sæculo illo turbulento homines etiam sacros non reliquerat im-
munes. Dummodo ipsi monachi violentas manus non injicerent, dum-
modo sanguis non funderetur, dummodo cædes lethalis non fieret, satis
jam cautum putabant, clementerque actum cum iis, quos tali terrore
ejecerant. Et certè satis pacatè hæc omnia, quæ de Wernero hæcenus
narravimus, transacta fuisse, ex eo conjici potest, quod nulla uspiam
querela contra monachos nostros mota, imò Wernerus ipse protinus in
Abbatis dignitate fuerit confirmatus. Abbas vero Stamensis, nihil de vi
vel injuriâ conquestus pro sola debitorum solutione contendit, ut ex
Friderici diplomate ostendetur. Est igitur, cur DEO ter Optimo Maxi-
mo grâtiās agamus, quod sine cæde & sanguine Benedictinus ordo mo-
nasterio nostro fuerit restitutus, nosque detecta jam illorum temporum
barbarie, mansueti, ac felicipi aro servati.

CAPUT V.

Wernerus II. Abbas XXX.

§. I.

Fundamentum Regiminis.

1. **P**riusquam ad cætera Wernerî acta tranſeamus, præmittenda neceſſariò eſt Friderici Epifcopi Auguſtani ſententia, qua ſubor- tam inter Abbates, Weſſoſontanum & Stamſenſem, contro- verſiam, tanquam arbiter ab utroque electus, diremit. Et pro- ſectò intererat Stamſenſium, ut quæ Udalrico Abbati, ac monaſterio noſtro mutua dederant, creditoribus ſoluta redderentur. Intererat non minus Abbatis Wernerî, ut ſublatis litibus regimen, quod erat diutur- num geſturus, pacatis undique rebus feliciter auſpicaretur. Fridericus igitur Epifcopus hanc tulit ſententiam. Stamſenſibus utique, quàm nobis, æquiorẽ, quantum ad facultates temporaneas atinebat; nobis autem ex eo gratiſſimam, quòd controverſiæ ſummam fuerimus aſſecuti, nigri- ſimum ordinis perpetuitatem & conſervationem, quæ propterea pri- mum in iudicio locum obtinuit. Formam diplomatis Epifcopalis ex ipſo autographo, quod in charta pergamenâ difficillimo charactere exaratum, & à Reverendiſſimo Abbate Thañſilone felicitis memoriæ ex Archivo mihi traditum ante viginti quinque annos magno labore & oculorum conten- tione deſcripſi, recitabo; licet idem ipſum nunc in antiquo Codice char- taceo invenerim; ex quo ſolum nunc titulum ac inſcriptionem mutuam ſumo. Sic autem habet.

3. *Qualiter Wernerus Greutter Abbas Weſſinsbrunnensis cum Udal- rico Taininger antecessore concordatus est per Fridericum di- ctum Spectem Episcopum Auguſtenſem ſub anno primo ſue con- firmationis Greutteri.*

Nos Fridericus Dei gratiâ Epifcopus Eccleſiæ Auguſtenſis in cauſa, lite ſeu contro- verſia, quam honorabiles viri Abbates in Weſſinsbrunn & in Stambs ſibi move- bant ad invicem, per ipſas partes cum debita ſolemnitate claſſi & aſſumptis in arbit- rium

arum, arbitratorum & amicabilem compositorem, habitis hinc inde multis & variis tractatibus, paribus potensibus arbitrium, arbitrationem, & amicabilem compositionem, protulimus & proferimus in his scriptis: primo volentes, & diffinientes, quod monasterium in Westsbrunne sub Ordine S. Benedicti debet in statu solito permanere, & quod Abbas in Stams, Conventus ipsius, & successores eorum in eodem monasterio nullum jus sibi debent de cetero vindicare. Item, quod possessio seu Curia, que dicitur Wiltramingen, in montanis sita, cum suis pertinentiis, quam Abbas & Conventus in Stams à monasterio Westsbrunne de nostra auctoritate & consensu legitime comparaverunt, monasterio de Stams jure proprietatis & domini debeas perpetuo remanere. Item diffinimus & ordinamus, quod Abbas in Stams omnes fructus & proventus anni prateriti, quos integrè non recepit, de omnibus possessionibus monasterii in Westsbrunne, sitis in Montanis, adhuc residuos integrè recipere debeat, & à colonis exigere & habere. Item, diffinimus & ordinamus, quod Abbas in Westsbrunne omnes monachos monasterii sui, qui se receperunt in Stams, prater Fratrem Udalricum dictum Tayninger quondam Abbatem in Westsbrunne, recipere debeat & colligere ac reassumere in monasterio suo more solito & consueto. Item diffinimus, statum & ordinamus, quod omnes proventus, redditus & obventiones, quas Abbas in Stams quocunque modo recepit de possessionibus monasterii Westsbrunne ubicunque situatis, sibi quietè debeant remanere, in recompensam & refusionem debitorum, quæ solvit pro monasterio Westsbrunne, & pro mutatis seu commodatis fratri Udalrico quondam Abbati in Westsbrunne, & pro omnibus expensis & impensis, quas fecit pro auctoritate monasterii in Westsbrunne, quocunque modo factis, ita quod Abbati de Stams & monasterio sui nulla competas repetitio vel actio de eisdem. Item super possessione in Afflungen, quam monasterium de Stams comparavit & emit à monasterio Westsbrunne, de qua competere dicitur monasterio de Westsbrunne jus redemptionis, diffinitionem, arbitrationem & amicabilem compositionem nobis, quid agendum sit, in posterum reservamus. Insuper quia de premissis multa possent dubia suboriri, nobis de consensu partium reservamus auctoritatem & potestatem, illa quæ diffinita non sunt in premissis, seu declarata, diffiniendi, componendi vel arbitrandi, nec non omnia dubia premissorum, & adhuc diffinendorum declarandi, interpretandi, diffiniendi, nec non penas violationis cujuslibet imponendi vel moderandi, sicut nobis visum fuerit expedire. In quarum omnium testimonium & firmitatem presentes litteras conscribi fecimus, & sigillo nostro legatione communiri. Datum & actum Augusta anno Domini millesimo trecentesimo vigesimo quarto, decimo septimo Calendas Junii.

2. Quantum ad hanc Episcopi Friderici sententiam attinet, id ante omnia notandum, ab Abbate Conventuque nostro morem illi fuisse gestum per omnia. Sicut enim non legimus, à Stamsensibus quidquam juris questum deinceps fuisse in monasterium nostrum, ita Wernerum ja-

quam occlusisse revertentibus à Stamfensi cœnobio monachis apud nos olim professis, nullibi invenimus. Curiâ in Willramingen Stamfensium dominatui relictam ex eo colligas, quòd nulla amplius ejus mentio in nostris documentis fiat: idem omnino quo ad cetera, à Friderico Stamfensibus adjudicata, sentiendum. Neque actio ulla à nobis intentata est Cisterciensibus, præterquam repetitio Codicem quorundam, quos sive Udalricus Abbas ejusve sectatores, sive Stamfenses monachi secum abstulerunt: verùm de his inferiùs fiet mentio. Quid de possessione Afflungeni, cæterisque dubiis fortè suborituris decisum sit, nescimus: nihil desuper vetera nostra monumenta loquuntur. Ceterùm satis multa, unius ob noxam, vel ut modestius loquar, Udalrici Abbatis incuriam monasterio nostro decessisse bona, manifestè hæc Friderici sententia clamat. Denique superiùs de Udalrico Abbate, de monachorum migrationibus, de diffidiis ex re ipsa natis dicta quàm vera sint, plurimùm ex ipso Episcopi diplomate, nec difficulter, à quovis oculato videri & intelligi potest: ut non tam vulnèra refricare, quàm ad lætiora transire expediat.

§. 11.

Quæ Wernerus Abbas gesserit ad restaurandas monasterii ruinas in temporalibus.

3. **T**AM multa sunt, quæ Wernerus diuturno sui regiminis tempore gessit, ut nullus annus (præfuit autem quadraginta & anno) singulari in monasterium merito vacuus fuerit. Erat ruina in rebus major, quàm moribus: proia rerum pessundatarum ac perditarum reparatio vel sola omnem Abbatis curam sibi potuit vindicare. Nunc si referam, quibus Advocatorum oneribus, quo alieni æris pondere, qua decimarum facturâ Wernerus cœnobium liberaverit: quæ prædia redemerit, quas lites sustulerit, quos amicos paraverit, quibus tum contractibus tum emptionibus rem familiarem auxerit; gratam fortè narrationem œconomis studioso præstabo, sed non æquè alteri cuivis, qui vel divini cultûs incrementa, vel disciplinæ vigorem, vel viros eruditione ac virtute præstantes, vel miros æternæ Providentiæ lusus in historia requirit. Itaque his ita satisfacere contendam, ut & illi, intento solum digito, videant, quo pasci queant: nequis me accuset, molestum sibi me fuisse à studiis suis aliena narranto; aut desiderata subtraxisse, cum & hic compendio sim relaturus ea, quæ, si superi vitam & Superiores veniam dabunt, altera parte Instrumentaria, non sine cæterorum quoque antiquitatis amantium delectatione, legentur.

4. Itaque Wernerus, ut à levissimis incipiam, plures permutationes fecit eo fine, ut remotiora monasterii prædia cederet aliis, viciniora compararet. Talis fuit illa, quam Wernerus noster fecit cum Wernhero Abbate Fürstenfeldensi aliquot pratorum & jugerum terræ anno 1327. Talis & illa cum Henrico Karben de area quadam Menzingana, cum jure ob super edificandi 1340. Talis demum, ommissis pleribus, illa inter Abbatem nostrum, & Daringum Abbatem Benedictoburanum, cui noster cessit jus suum in Musse, & aliud Peulense, tanquam nobis vicinijus, accepit anno 1359.

5. Debitis quoque monasterium feliciter liberavit, dum Landspargæ à Wernero Vicedomino prætensionibus ab Agnete Bertholdi Greutteri vidua factis absolutus est anno 1329. dum Wolthardus & Otto Zwerger in se receperunt solutionem quindecim solidorum Kurzio præstandam anno 1351. dum ab Udalrico Thorer, Judice Monacensi, persuasum est Henrico Chæpelman, ut debito quatuordecim solidorum nos liberos renuntiaret anno 1362.

6. Prædia, decimas, subditos diversis modis alienatos redemit & in monasterii proprietatem vindicavit; nam inter cætera Mantelhofense & Hagenlehense prædia Friderico Greuttero censibus & servitutibus obstricta precibus & eloquentia recuperavit anno 1336. Decimas quasdam Landspergenses & Pergenses tribus successivè civibus Augustanis venditas ad jus monasterii reduxit anno 1361. Henricum Uffinger, ut homines proprios in Pestnacker sibi concessos vel impignoratos in ipso S. Benedicti festo monasterio nostro lubens remitteret anno 1335.

7. Advocatorum onere, qui variis nostris bonis infederant, monasterium liberavit Wernerus: ab eo enim permotus Otto Teufelhart civis Monacensis Advocatiam suam, quam habuerat in prædiis quibusdam Menzinganis, Pippinganis, & Mosachensibus, monasterio remittere se davis litteris professus est anno 1325. Eodem anno jus Advocatiæ super tria prædia Scheffoltingana, & unum Neuhusianum sibi venditum, licet hæc prædia in statum multò meliorem, quam quo vendita fuerant, eodem quo onerat pretio restituit Conradus de Wildenroth. Aliis tribus Scheffoltinganis, in quæ eodem jure gauderat, ultro renunciavit Mechthildis uxor Udalcalci de Ehingen anno 1326. Jordanus Haring de Ollstatt Advocatiam suam super prædium quoddam in Garmischgau nobis remisit anno 1335. Theodoricus de Eresingen Advocatiâ in prædiis Pözenhusanis & Aychensibus se ultro abdicavit anno 1350.

8. Plures alios monasterio utiles contractus Wernerus iniit; præcipue cum Tyrolensibus Clericis æque ac laicis, ita ut Religiosi nostri, servi & nuncii in quinque diversis locis apertum reperirent hospitium, in quibus nullo suo, sed alieno sumptu reficerentur; eam enim conditionem Wernerus adjecerat vinearum & agrorum emphitheutis præter alias annuas pënsones & census: ut nempe superfluis ex parte nostra expensis parceretur. Tale hospicium erat Oeniponti apud Udalicum Peringer, apud Greymoldum Parochum S. Petri prope castrum Tirol, apud Richorum & Sigisfridum fratres in Reutt, apud Christianum de Gattern in Zürel, apud Udalicum Fleyser in Gratsch, aliósque.

9. Ex omnibus his facile colliges, quanta damna averterit, quanta commoda procurarit Wernerus; jam enim ad solum monasterium redibant omnes prædiorum fructus & subditorum obsequia, quibus antea Advocati & creditores fruebantur, nobis cum paupertate & penuria rerum luctantibus. Hæc probrosa incommoda Wernerus sustulit, at non aliis artibus, quam pietate, germano candore, affabilitate, prudentia, & conciliata exinde apud summos & imos autoritate.

10. Ad temporalia commoda non incommodè revocari possunt partitiones illæ subditorum inter dominos, quales jam semel iterumque ab Abbatibus nostris initos ostendimus. Wernerus concordiam & pacem inter vicinos hac ratione conciliari & litibus obicem poni expertus, non dubitavit aliorum exempla sequi. Itaque anno 1336. cum Conrado Præposito Pollingano ejusque Collegio similem contractum iniit, ejus exemplum integrum recitare non otiosum videbitur, unde cætera similia cognoscantur. (a)

Litteræ partitorie de Pollinga.

IN nomine sancte & Individue Trinitatis. Amen. Dignata memoria negotium, ne morbo pereat oblivionis, præsentis pagina declaratur hanc volentibus intueri. Pateat igitur eisdem, quod nos Chunradus Dei gratia Præpositus sancti Salvatoris in Pollingen cum communi consilio nostri Conventus in idipsum benigne consentientibus benè modo convenimus, & amicitiam specialem cum fraterna dilectionis amplexu, qui fideliter hactenus inter nos, & monasterium S. Petri in Wessesbrunnem floruit, innovare studuimus & confirmare. Statuimus igitur communiter, ut quicumque de familia sancti Salvatoris in Pollingen ex familia Wessesbrunnensi & de converso matrimonium contraxerint, vel adhuc contrahere voluerint, propterea non incurrant offensam Dominorum, nec ab ipsis ob hoc aliquod damnum patiantur; liberi verò, qui de tali contrahunt

tractu procreati fuerint, equaliter dividantur. Ut igitur hac rata permaneam, & à nullo successorum nostrorum violenter, prasens scriptum sigillis nostris est confirmatum. Statuta sunt hac anno ab Incarnatione Domini MCCCXXXVI, octavo Calendaris Septembres. Id est, 25. Augusti.

11. Eodem anno similis particio facta & pacta est inter Abbatem nostrum & Conradum Præpositum ac Archidiaconum Raitenbuchenlem, instrumento de verbo ad verbum cum Pollingano consentiente, datoque 23. Augusti. Item datæ sunt ejusmodi litteræ à Conrado Præposito Dieffenli, eodem anno 20. Augusti. Anno dein 1339. tertia die Junii Conradus Præpositus monasterii S. Tertulini in Schlechdorff ejusdem generis nobis litteras dedit. In his omnibus tria considero, ac inprimis antiquitatem dignitatis Archidiaconalis penes Ecclesiam & Præposituram Raitenbuchenlem. Secundò, Canonicoꝝ Regularium Collegia, quæ hodie *Capitula* vocantur, illo tempore Conventuum nomine conformiter appellata. Tertiò, quatuor vicinos Præpositos, in idem tempus homonymus, nempe Conradi nomine insignitos convenisse, quod hodie rarò contingere videbimus.

12. Denique Anna quoque Abbâtissa monasterii sancti Altonis eandem nobiscum subditorum partitionem fecit litteris vernacula lingua scriptis, anno Domini 1345. in festo S. Martini. Duas itaque illius monasterii Abbâtissas produximus. Adde Hiltrudem ex Hündio, S. Euphemiam ex Bollande, & plures ex Necrologio nostro.

(2) Ejusmodi particio prima exponitur supra Sec. V. Weß. C. VII. §. IV. num. 10. sub Abbate XXI.

§. III.

Quid ad cultus divini augmentum, & litterariæ rei incrementum contulerit Wernerus Abbas?

13 SI natam ex inconsulto Udalrici Abbatis novandi desiderio turbationem, & monasterii nostri ruinam consideres, credere possis, omne tempus Wernero successori periisse in sola temporalium cura, ut qualemcunque tandem vigorem labefacto cœnobio redderet. At non sic ille se abripi passus est terrenarum rerum procuratione, ut non etiam de cultus divini augmento cogitaret. Aptam occasionem obtulit Grymol-
dus

dus S. Petri prope artem Tirol dictam Parochus, quocum, utpote vineis nostris vineis, conversandi opportunitatem fore quotidianam habebat Abbas. Memor hic igitur beneficentiae & religionis, qua Grymoldus jam pridem Missam singulis totius anni secundis feriis in Ecclesia nostra, pro defunctis legendam fundaverat, bonis eundem verbis aggressus monasterii egestatem proposuit, & torculum, quod ille de proprio coenobii fundo emerat, ut nobis benedice redderet, rogavit. Ille occasionem nactus exercendae pietatis haud gravatè consensit, ea tamen lego, ut pro accepto beneficio singulis per annum Sabbatis in inferiore Beatissimae Virginis capella sacrum ageretur. Hanc capellam eam esse arbitror, quae vocabatur vetus templum, das alte Münster, & inferiorem diei ad discrimen superioris, quae Abbatis proxima est, sub Abbate B. Walchone ab Ottone Frisingensi Episcopo consecrata, sed à posteris translata. Postquam etiam prima illa & inferior capella sub annum 1707. destructa est, Missa Sabbatina ad altare Matris sanctae Spei in maiore Ecclesia situm translata hodie dum celebratur. Ex Instrumento tam Grymoldianae fundationis, quam nostrae acceptationis vernaculè scripto patet, quod Greymoltus Parochus S. Petri prope castrum Tirol Torculum sibi ab Abbate Gebhardo concessum restituerit & donaverit ad Oblatam hujus Conventus eo pacto, ut singulis Sabbatis Missa ageretur in capella praedicta Beatae Virginis. Datum est Greymolto instrumentum desuper, & signatum anno 1332. in festo S. Catharinae.

14. Quid autem de rei litterariae flore dicamus, majoribus nostris tanti aestimatae, militari autem Ludovici Caesaris, & Werneri Abbatis aëvo non apud nobiles modo, sed etiam religiosos plurimis in locis extinctae atque contemptae? Tunc enim caput erigebat vernacula, Musis latinis ex Germania in exilium emigrantibus: ex Germania, pro dolor! quae toties, & à tam multis Historiographis Germanis non germanicè, sed romanè loquentibus ad exterorum admirationem fuerat illustrata. Recordemur Eginhardi, qui Caroli Magni & gener fuit, & ejusdem vitam, quo nemo quisquam purius ad Ciceronis æmulationem scripsit. Recordemur Hermannii contracti, Mariani Scoti, Sigeberti Gemblacensis, Lamberti Schafnaburgensis, Arnulphi Voburgensis, Othloni Emramensis, Metelli Tegernseensis. Recordemur denique nos Wessofentani nostrae Diemodis, nostri Ludovici, nostri Comradi Pozzoni, quos supra laudavimus. At jam satis. Fervidissimam ac pene nullam litteraturae positam ponens nostros tunc fuisse, ipsum Werneri Abbatis epitaphium comprobabit, inferius proferendum. Fecit tamen ipse, quod potuit ad ostendendam suam de re litteraria existimationem. Bibliothecam eorum, quos

quos supra memoravi, monachorum nostrorum ac monialium ut integram conservaret, altero statim regiminis anno Wernerus vigilavit, ita ut primum serè obtinuit in litterariam penam coniecisse videatur: in eadem desideraret tria præclara volumina, quorum utique notitiam ex multa prius librorum volutatione totiusque chartophylacii exploratione hauserat, mox eadem à Stamensibus repetiit; verum nihil aliud obtinuit, nisi eas, quas recitabo, litteras, emptionis testes, redemptionis pignus, si nobis facultas esset..

„ Nos Frater H. Abbas monasterii sancti Joannis in Stambs, totiusque Conventus ibidem, tenore præsentium profiteamur, quod libros tres, videlicet Epistolas Hieronymi, Isidorum Etymologiarum, & Excerpta Ivonis Domino Abbati de Wessisbrunn, & suis successoribus restituere tenemur, quandoque ab ipso triginta libras Veronensium, pro quibus nobis sunt obligati, receperimus, & ex integro de eadem pecunia fuerimus expediti. In cujus rei testimonium sibi præfens scriptum dedimus, nostri pendentis sigilli munimine roboratum. Datum in Stambs anno Domini M. CCC. XXV. in die sanctorum Martini Fabiani & Sebastiani..

ry. Ergo hæc etiam volumina, sicut jügera, ab antecessoribus fuere impignorata ac pene vendita: at quanto monasterii non damno solum, sed & dedecore! Ex Beatæ Diemodis Codicibus olim honoraria dabantur maximis Principibus, & summis beneficiis inde compensabantur, quod alibi jam demonstravimus. Hæc autem, de quibus loquimur, volumina triginta libris denariorum in pignus fuere Stamensibus relicta, quibus nec scribendi labor: imò ne membrana quidem emeretur..

§. IV.

Quid ad defensionem & securitatem monasterii Wernerus Abbas præstiterit?

16. **Q**uanti bellorum turbinibus involutus fuerit Ludovicus Bavarus Imperator, & quid ærumnarum sub irrequieto illius regimine sustinuerit universa Bavaria, ac Ecclesiastici maxime homines, ita notum est omnibus, ut etiam lippis atque tonsoribus. Itaque Ecclesiarum & monasteriorum plerorumque in superiore Bavaria sitorum Præsules, atque inter eos Wernerus noster, Imperatori supplices facti egregium ab eo

B. r.

Diplo-

Diploma obtinuerunt, quod cum nimis prolixum sit, lectorum ad Tomum tertium Metropolis Salisburgensis remittimus, ubi illud integrum inveniet. Nominantur in eo Ecclesiæ coenobiorum Tegerense, Benedictoburana, Eberspergensis, Soonenfis, Rottenfis, Schyronefis, Staingendensis, Dieffenfis, Schiefflarionfis, Vogterreitenfis, Wessofontana, Rottenbuchensis, Dietramzellensis, Atilensis, Pödingana, Undersdorffensis, Bernriedensis & Peyhartingana. His omnibus Imperator multa impertitus est privilegia ad resarcienda bellorum damna, ut libertatem ab oneribus tributorum, militum, operarum: facultatem, proprios homines judicandi, exceptis furti, stupri, homicidii criminibus: potestatem contractus à subditis initos approbandi, & ratos habendi. Datum est hoc Diploma anno 1330. Monachi in festo S. Georgii, (b).

17. In hoc diplomate non leguntur alia quædam Bojarie superioris monasteria. Atque Andecense quidem & Ettalense fuisse omissa mirum non est, cum illud nondum fundatum fuerit, illud viz ceptum, cerè nondum in Abbatiam erectum. Cur autem Wichenstephanense Benedictial, Neocellenfe prope Frisingam Præmonstratensis, Schlechdorffium & Beyrberga Ordinis Canoniorum Regularium S. Augustini fuerint intermissa, non intelligo, nisi peculiaribus Imperatoris litteris cautum eis fuisse quis credat. Vogtenreita, olim *Rur* appellata, pridem à Warmando Comite Wasserburgensi donata fuerat Imperiali monasterio S. Emmerami Ratisbonæ, qui & in ejusdem Sancti Ecclesia sepultus quiescit. Adeoque dubium non est, quin Abbas loci Albertus de Schmidstihlen pro hujus Hofmarchie securitate coram Cæsare vigilarit. Videatur Mauldæum S. Emmerami nuper editum in Parte Diplomatica numero XLVII. Ideoque nemo mirari debet, Vogtenreutam inter cætera monasteria positam.

18. Biennio post etiam satisfactum fuit privilegio generali omnibus tam superioris, quam inferioris Bavarie monasteriis, quæ tamen singulatim non nominantur, ideo tamen nullum excipitur. (c) Idem Diploma inveniet lector apud Hundium tomo 3. Metropolis, innexum diplomati Ernesti & Wilhelmi Ducum Bavarie. Ex eo patebit legenti Imperatoris in Deum & Superos religio, erga summum Pontificem reverentia, in homines Deo dicatos munificentia: quam laudem egregie confirmavit fundato Divinæ Matris sanctuario & coenobio Ettalensi.

(b) Vid. *Hand. Metrop.* Tom. III. fol. 164. 165. (c) *Idem ibidem* fol. 169. in diplomate Ernesti & Wilhelmi, cui Ludovicianum innexum inveniet,

§. V.

Weneri Abbatis obitus.

19. Tandem *Wernerus Abbas*, postquam solerter ac strenuè coluisset vineam suam, nec modicò collegisset fructus, laborum fessus, jamque capiendæ mercedi maturus, exactis in regimine annis quadraginta & uno, felicem finem accepit, tam subdilis quàm fratribus suis amabilis & sincerè dilectus. Nequid ad ejus laudem opportunum omittam, aut parvus præconiï, reusque invidiæ dicar, adscribo Codicis antiqui verba, quibus ejusdem gesta memorantur.

Wernerus Greütter, nobilis monachus nostræ congregationis, Abbas eligitur anno Domini 1323. & præfuit nimis laudabiliter & religiosè quadraginta & uno annis, ac plura bona in prædiis & aliis decimis Ecclesiæ S. Petri obtinuit: & sic quievit in pace, quinto Calendas Februarii, sepultusque jacet in Capella S. Benedicti sub gradibus dormitorii.

20. Ex his verbis manifesta est *Weneri* nobilitas, quam prodit proprium familiæ sigillum, duas campanellas manubris instructas exhibens, quales in Pontificum sacris ad coeleste trifagion & sacrosanctæ hostiæ elevationem adhiberi & resonare solent. De fratribus ejus germanis suprâ audivimus, & sub ejus successoribus invenimus, diuturnum Greutteris cum monasterio nostro amicitiae vinculum fuisse; nam anno 1377. legitur *Ulricus Greütter*, & mater ejus *Hilburga*. Floret hodie dum familia quondam Comitum de Kreut: ex qua solis Pappenheimis nuptas Ilego Regiam 1548. *Susannam Thomæ*, & *Sophiam Hauptio* Consiliario Eistettenlis, circa idem tempus, apud Hundium. (d) Num ejusdem sanguinis sint cum Greutteris nostris, non decidere audeo, sed discere cupio.

21. Maximam laudem se *Wenero Abbati* dedisse pro illa temporum simplicitate Historicus credidit, cum dixit, nimis laudabiliter eum præfuisse. Intelligit nempe, suprâ quàm dici vel credi possit, cœnobio illum profuisse: quare etiam gestorum ejus memoriam, utpote impos enarrandi omnia, paucissimis verbis absolvit.

22. Sepultus est *Wernerus* in capella S. Benedicti, quam eo loco positam vidi, quò nunc sacristia cernitur. Erat hic commune Abbatum conditorium; nam ibidem sepultus scribitur *Fridericus Stettner*, *Leonardus Vettinger*, *Paulus Ranck*, *Henricus Zäch*, quorum ferè omnium lapides sepulcrales ipse legi. Fuit non obscurum humilitatis in *Wenero*

iudicium, quod sub ipsis dormitorii gradibus sepeliri petierit, utpote ex quo recta ad Chorum via ferebat: unde necesse fuit, omnes Religiosos ad matutina, diurna & nocturna officia euntes ejus ossibus inambulare.

23, Epitaphium Abbati tam bonè merito possimè quidem tornatis versibus, sensu tamen exultationis & gratitudinis pleno positum est hexastico.

*Abbas Wernerus, pius, sapiens, atque severus,
Greitter vocatus, loculo jacet hoc tumultatus.
Expellens fortem Griseorum ipse cohortem
Obtinuit morem, regulam, locum, atque decorem.
Ipsum juvabant Laurentius, Wernher & Chunrat.
Horum sint memores omnes hic prætereuntes.*

Et pietatis quidem elogium promeruit Wernerus, dum Deiparæ cultum hebdomadario sacrificio augeri fecit. Sapientiam ostendit, dum res perditas tam consilio & prudentia, quam labore & industria restauravit. Severitatis verò argumentum est, dum regulari disciplinæ sic invigilavit, ut nulla toto regiminis ejus tempore querela, nulla dissensio audita sit, inter monachos licet in tam diversas antea sententias distractos.

24. Quid autem intelligendum per *fortem Griseorum cohortem*? Nihil planè aliud præter Stambensium monachorum turmam cœnobio immixtam. Cur autem Grisea cohors vocatur? Nempe non, ut hodie, candido, sed Griseo seu cinerei coloris habitu utebantur, sæculo illo Cistercienses, uti patet ex Ealëkensteinio de monasterio, quod Felix Porta dicebatur, Adelhaidem piam Virginem, sociam cum pluribus aliis vitam in divino acturam servitio, cum de Regula deliberaret, à sancta Catharina fuisse jussam, Griseum ordinem eligere, in quem etiam cum sororibus adoptata est ab Adalwino Hallsbrunneri Ordinis Cisterciensis Abbate. (e) Confirmatur Grisei ordinis appellatio ex Paulo Langio, qui in Chronico Citzensi narrat, Monachos Cistercienses in Capitulo Generali statuisse, ut nullus Minorum in ullo ipsorum cœnobio vel grangia reciperetur hospes, propterea quod isti ad illorum emulationem coepissent Griseum gestare habitum, ut solent in hodiernum diem. (f) Cæterum quid de Stambensibus diximus, salvâ tam celeberrimi illius monasterii, quam Religiosorum inde huc translatorum reverentiâ dictum volumus: Udahricus noster eos acciverat. Sicut illo tempore lis omnis composita quievit, ita jam hinc amica inter utrumque cœnobium concordia floret, paucos ante annos novo testimonio roborata.

25. Denique jure merito præter Wernerum marmoreo monumento laudantur & posterorum memoriæ commendantur tres ejusdem sodales, & præclari operis adjutores, Laurentius, Wernerus, & Conradus: quorum quidem primus jam pridem œconomicis adhibitus curis industriam suam pro monasterii commodo comprobasse conficitur; reliqui duo, licet nihil præterea singulare de iis in documentis nostris memoretur, hoc uno claritatem sat amplam obtinuerunt, quod socias manus ad antiquissimi monasterii in primitivo ordine conservationem commodârint. Cum porro Abbatis Epitaphio eorum nomina sint inserta, argumentum est, eos omnes ante Wernerum fuisse mortuos: quod mirum videri non debet, considerata Abbatis hujus ætate, & regiminis diuturnitate.

(d) *Stammen Buch Part. II. fol. 170. & 171.* (e) *Falckenstein antiq. Nordgau. P. II. §. 18. fol. 383.* (f) *Paul. Lang. tom. 1. script. Germ. Pistorii.*

§. VI.

Mantissa

de tribus Huepheris, Abbatibus olim, ut prætenditur, Wessofontanis.

26. Antiqua pictura ducentorum ferè annorum ætatem præferens, quæ adhuc in monasterio nostro servatur, exhibet tres Abbates, quorum primus nominatur Alphonsus Huepher Pyrgensis, Abbas XVIII. Wessenbrunnensis circa annum 1207. Præfuit annos 25. Alter Wernherus Huepher Pyrgensis, Abbas XXI. Wessenbrunnensis circa annum 1257. Præfuit 41. annos. Tertius Wolfgangus Huepher Pyrgensis, Abbas XXIII. Wessenbrunnensis circa annum 1372. Præfuit annos 23.

27. Hæc omnia longè abludunt ab omnibus Chronicis & tabulis nostris; primò ratione nominum, dein ratione temporis, demum ratione ordinis Abbatum. Primus itaque in dicta pictura vocatur Alphonsus. At nullus in omnibus Codicibus & Necrologiis nostris invenitur, qui vocetur hoc nomine: imò ipsum Hispanicum vel Gothicum Alphonsi nomen in Germania tunc penitus erat incognitum. Nam in amplissimo In-

dice Scriptorum Rerum Germanicarum à Pistorio editorum; qui Tomo III. subnectitur, tres quidem inveniuntur Alphonſi, at nullus Germanus sive Episcopus, sive Princeps, sive alius quiscunque; primus enim est Alphonſus VIII. Castiliæ Rex; alter Alphonſus X. Castiliæ Rex, à Germanis quidem electus in Regem, sed inquietum nactus imperium: neque ullus Germanorum cogitavit illius nomen assumere. Tertius Alphonſus Galliciæ & Asturiæ Rex, qui nihil ad nos.

28. Porro Wernheros Abbates habuimus duos: at chronologia à pictore assignata neutri Wernhero convenit; primus enim ab anno 1276. usque ad annum 1281. alter ab anno 1323. usque ad annum 1364. præfuit, nec secundus iste cognomento *Huepher*, sed manifestissime *Greuterus* vocabatur. Ergo Wernherus I. debuisset esse Pyrgensis ille, & successisse Walchuno, quem tamen anno 1254. excepit Otto Abbas, Ottonem anno 1260. Udalricus II. eodem anno & quarto post electionem die mortuus, Udalricum Conradus III. anno 1260. usque ad annum 1276. Abbas, post quem primum gubernacula Wernherus primus occupavit, & tenuit, donec anno 1281. Udalricus III. ex Eberspergensî monasterio vocatus, succederet. Et tamen Wernherus Pyrgensis 41. annos in pictura illa præfuisse dicitur: at, si rem consideres, non est ei locus in diversorio.

29. Tertius Pyrgensis à pictura asseritur Wolfgangus circa annum 1372. & præfuisse legitur in hypographe annos 23. Atqui tot regiminis anni eidem adstrui minimè possunt; nam ab anno 1375. jam suppetunt nobis luculenta monumenta tractatum, quos Paulus Primus cum diversis iniit, & à nobis paulò post allegabuntur. Adde, quòd in nullo Antiquitum nostrorum Catalogo Wolfgangus quispiam illo tempore præfuisse inveniatur: anno demum 1525. electum legimus Wolfgangum I. Kolbium cognomento, & anno 1666. Wolfgangum Dreiterer, illum Peuttinganum, hunc Bernriedensem.

30. Sed neque locus in Abbatum ordine Pyrgensibus his legitimus assignatur. Alphonſus dicitur XVIII. At illo tempore non Alphonſus, sed Albertus præerat, Abbas XIX. Wernherus dicitur Abbas XXI. At nobis XXI. est Walchunus. Wolfgangus dicitur Abbas XXIII. At anno illo, quo præfuisse prætenditur, præerat nobis Paulus I. in Abbatum serie XXXI.

31. Itaque inhaerendum est Stephano Leopolder, qui Abbatum nostrorum Catalogum ex Archivio & praesentibus instrumentis collegit, non omissurus, si vel tenuissimum vestigium Pyrgensium istorum in tabulis vel Necrologio ullo invenisset. Stephani Catalogum tanti aestimavit Gevvoldus, ut cum metropolis Salisburgensis Additionibus inferere non dubitaret. Monachos demum, non Abbates Wessofontanos fuisse tres Huepheros, concedere possemus, si Alphonsus ahesset. Atque hae lectorem monendum censuimus, si quis forte hospes apud nos tabulam illam vidisset, vel deinceps esset visurus, ne se decipi patiatur; cum tota illa pictura nullo prorsus fundamento nitatur, nec legi digna sit, nisi ut pictoris ignorantia manifestetur.

32. Ceterum jam pridem desierunt Huepheri Pyrgae dominari: successere illis Eisengreinit: his iterum cedentibus hodie Pyrgensem arcem possident Illustres Domini de Burgau, ex quibus quidam, vir alioquin eruditissimus, decennio fere abhinc apud nos hospes, nec verbulo de praetensis Praelatis Pyrgensibus mentionem fecit: sed neque ad ipsum aliquid de honore Huepherorum pertinebat, quorum familia, quae Landspergae floruit, nuperrime mortuo Admodum Rev. D. Joanne Baptista Huebher, Venerab. Capituli Landspergensis Assistente, & ejusdem Ecclesiae Beneficiato, paene tota expiravit, sola ipsius sorore relicta.



SÆCULUM SEPTIMUM

WESSOFONTANUM.

CAPUT I.

De Paulo I. & Udalrico V. Abbatibus.

§. I.

Paulus I. Abbas XXXI.

Paulus hujus nominis primus nostri monasterii monachus fuisse legitur. (a) Neque dubitandi causam habemus, quin à majori Conventus parte in Abbatem electus fuerit, compositis à Wessofontano decessore rebus, nulloque dissidiorum extante vestigio. Quo

Quo sanguine patriæ fuerit ortus, nullum invenimus indicium: pauca admodum de gestis ejus, licet integros viginti annos præfuerit, undecumque collecta compendio recitabimus, ad alia graviora festinantes.

2. Anno 1375. Paulus Abbas in festo Nativitatis S. Joannis Baptiste Udalrico Tors & Irmengard uxori Peulensibus aream quandam in vitalitium concessit: aliam verò eodem in loco Adelheydæ Kolbin eodem die & anno. Prædium Tyrolense in Aign sequente mox anno per Udalricum Præpositum fixis conditionibus tradidit Sifrido Zerpichler & Annæ uxori, eorumque hæredibus. Instrumentum desuper confectum est anno 1376. Indictione XIV. die 16. Octobris Merani, & confirmatum ab Hainrico de Dinchelspûhel publico Notario Cæsareo, in domo Georgii dicti Am Ort.

3. Eodem anno Udalricus Greutter permutationem cum Abbate Paulo & Conventu fecit, transmittens monasterio prædium Schvvelken-
se in Foresto; pro quo suscepit ad dies vitæ suæ, uxoris, & trium liberorum prædium Hübsehenriedense prope Pergam situm: qua super permutatione instrumentum habemus luculentum, ex quo in Greuttensis familiaræ gratiam plura ejusdem nomina proferimus, Udalrici nempe uxorem Annam, Erhardum & Henricum filios, filiam Afram. Confectum est instrumentum in festo S. Georgii.

4. Anno eodem liberalem se monasterio nostro exhibuit Diemuta Conradi Prediger civis Wellheimensis & Agnesis uxoris filia, nupta cuidam ex Witolzhovis. Huic pater subditum quandam, Henricum de Raistlingen, quatuor libris denariorum emit, donavitque: Diemuta verò eundem Henricum cœnobio nostro religioſâ liberalitate tradidit anno Domini 1376. in die S. Agathæ Virginis, nempe 5. Februarii.

5. Sequenti anno 1377. in die S. Laurentii supra laudatus Udalricus Greutter & uxor ejus permutatione initâ duo prædia in Weil, & Hubam in Thainingen sita à Paulo Abbate in vitalitium accepisse, certo documento probantur.

6. Henricus Puecher, civis idem & Judex Wellheimensis, ista permutatione pratum quoddam ad Amperam fluvium ab Abbate Paulo accepit, aliudque pro eo dimidium rus monasterio transmisit anno Domini 1379. in die S. Georgii.

7. De

7. Demum Paulus Abbas, viginti annis tranquillo pacatōque regimine transactis, diem supremam obiit in festo SS. Martyrum Achatii & sociorum, anno Domini 1384. De loco sepulture, & epitaphio: nulla uspiam mentio reperitur. Credibile est in sacello S. Benedicti fuisse sepultum, in quo & Wernerus Pauli decessor tumulum accepit.

8. Quo tempore Paulus Abbas præsuit, coeptum est à Venerabili Clero duorum Capitulorum Landspergensis & Pözenhusani pium Fœdus ad solatium defunctorum. Ad manus est mihi desuper integrum. Confoederationis hujus instrumentum, quod tamen ob nimiam prolixitatem recitari hoc loco non potest: neque opus videtur, cum in Capitulo Landspergenſi etiamnum inter sacerdotes hæc unio vigeat, & consuetudines notæ sint. Decanus Capituli & Parochus civitatis Landspergensis tunc erat R. D. Walrab de Findingen: Pözenhusani autem Decanus & loci Parochus R. D. Otto de Tullenshausen. Subſcribuntur etiam omnes reliqui Parochi & Curati amborum Capitulorum. Si vacaverit locus, suo tempore in lucem producam nomina saltem, in venerationem sacerdotum illo ævo viventium, & ad suscitandam illorum piam memoriam apud hos, qui nunc eorundem Ecclesias curant. Instrumentum scriptum & singulorum Foederatorum sigillis aut subscriptionibus armatum fuit anno Domini 1370. in festo S. Joannis Baptistæ.

§. II.

Udalricus V. Nobilis de Höhenkirchen, Abbas XXXII.

1. **A**ntiquissimam fuisse Nobiliū sedem Iffeldorffii, quod Uffilindorff olim vocabatur, complura veterum monumenta testantur. Jam anno 1158. invenitur Udaschalcus nobilis de Iffeldorff, per cuius manum amplæ Donationes factæ sunt monasterio Dieffenſi ab Henrico Comite Wolfratshusano. (a) Quo porro tempore ad Höhenkircheros hæc toparchia transierit, designare non possum. Id solum liquet ex Chronico Benedictoburano jam anno 1386. Kumbstorffii hanc familiam sedisse: (b) Iffeldorffii fortè citius, cum legerim (†) alicubi in documentis nostris, Udalricum hunc nostrum anno 1384. electum vocari cognomento Höhenkircherum de Iffeldorff. Circa annum 1414. Höhenkircherus quidam Murnaviensis oppidi Præfectum egit, & in restaurando Ettalensi monasterio adiutorem. (c) Anno 1468. Clara de

de Höhenkirchen Abbatisa præfuit monasterio Höhenqvartenfi summa cum laude & illud ope propinquorum suorum, nobilium Gurr & Rohrer, novis proventibus insigniter locupletavit, defuncta 6. Maji anno 1483, (d) Jam ante hanc Joannes Höhenkircher Wolfratshusii Præfectus fuisse legitur in Chronico Benedictoburano anno 1446. (e) Anno 1566. Paulus Höhenkircher de Isseldorff Præfectus fuit in Haydau, cujus uxor Margaretha obiit improles. (f) Anno 1484. Wilhelmo Vogt de Findingen Dapifero Augustano nupta fuerat Anna Höhenkircherin. (g) Wigulzi Hundii ætate, circa annum 1590. & ultra, Domini de Höhenkirch apud Abbates Tegernseenses, non hæreditario quidem, sed precario, Dapiferorum munere fungebantur. (h) Circa annum denique 1610. Wolfgangus Bernardus de Höhenkirchen vivebat: cujus filius Wolfgangus Carolus fuit postremus Toparchiæ Isseldorffensis; cum nimirum turbis bellicis & Suecorum procellâ illustris hæc familia valde concussa mutare sedes cogeretur anno 1653. (i) Cujus spiritus animique fuisse Udalricum credamus, ex ea stirpe progenitum, præcipuis quæ functa numeribus, sanguinis etiam communione equestribus ac probatissimis Gurrorum, Rohrensiū, ac Seyboldstorffiorum familiis est conjuncta? satis hæc sit dixisse ad demonstrandam Abbatis nostri nobilitatem, quæ non quæsitæ, sed in diversis authoribus obvia sub oculos & manum venere, plurimis adhuc attentionem nostram fugientibus Chronicon Benedictoburanum pluribus hanc familiam illustrat, ad quod lectorem remittimus: & nos in his Actis aliquos hætenus incognitos proferemus.

2. Udalricus itaque nobilissimos nactus natales, cum majorum exemplo promptum haberet iter ad militares aulicæque dignitates, contemptis sæculi vanitatibus, ad sacrum Divi Patris Benedicti Ordinem in monasterio nostro suscipiendum aspiravit. Potius voti majora prudentiæ, constantiæ, pietatis argumenta dedit, quam in tyrone sperari aut desiderari possent. Solemni igitur Professione Religioni adstrictus talem se mansuetudine, humilitate, charitate, instantissimæque diligentia probavit, qualem monachi sibi præesse cuperent, & magno monasterii emolumento præfuturum sperarent. Quare defuncto Abbate Paulo concordibus eum suffragiis in Antistitem elegerunt anno 1384. Præclara ipsius gesta, ac insignia de monasterio nostro merita descriptumimus.

(a) *Hand. Metrop. t. 2. fol. 263. circa medium.* (b) *fol. 310.* (†) *Inund apud Hund. t. 3. Metr. fol. 485. sed perperam Hainricum vocat, ut ex Catalogo Abbatum ibidem sequente patet.* (c) *Lud. Babenstuber Fundatrix Ettalensis Monachii*

Monachii An. 1694. edita fol. 77. & 78. (d) Fortunat. Hueber in Chron. Hohenwarr. fol. 396. (e) fol. 180. (f) Hund. Stammen-Buch P. II. fol. 30. (g) Instrumentum emptionis decimarum Munderachingensium. (h) Hund. Metrop. t. 3. f. 391. (i) Instrumentum emptionis in archivo nostro. Adde his omnibus Erasinum Höhenkircher, inter illos Nobiles nominatum, qui partes Alberti Sapientis contra Christophorum tuebantur. Adelsreitter Part. II. col. 196. num. 49.

§. III.

Favores Pontificum Udalrico Abbati concessi.

3. **N**E multis cogamur ambagibus uti in enarrandis Udalrici gestis, colligemus inprimis eas, quas à sede Apostolica tum ad ornandum, tum ad defendendum monasterium nostrum gratias impetravit. Non exiguum decus est, pluribus Ecclesiarum Patronatibus gaudere: in qua re mirè, si usquam alterius ex decessoribus, Udalrici nostri vigilantia enituit. Inprimis, quod nemo ante ipsum ausus esset sperare, intercessores invenit sanè potentes, qui vigilarent apud summum Pontificem Bonifacium IX. pro juribus nostris in Ecclesias Landspergensem & Weilheimensem non solum confirmandis, sed etiam augendis. Pontifex nominatas Ecclesias cum omnibus juribus & pertinentiis suis *motu proprio*, & *ex mera liberalisate* (verba sunt Bullæ) monasterio nostro univit, annexuit, & incorporavit, ea gratiarum & privilegiorum appendice, ut loci Abbas corporalem harum Ecclesiarum possessionem propria autoritate apprehendere, illas vel per monachos vel per clericos seculares ad nutum amovibiles regere, omnesque fructus, redditus, & proventus in usus monasterii convertere posset. Adduntur alia majora votis, quas postulare ipsi Abbates non in mentem venisset. Reipsa abstinentium petitionibus privilegiis putarunt majores nostri, quam executionem urgendam. Utinam priora, saltem jura mansissent nobis integræ! Ea molestiarum moles posterioribus annis increvit, ut quietè vivendi gratiâ anno Domini 1477. ipsum nominandi Landspergensis Parochum cesserit, solo jure presentandi nobis relicto. Cæterum memorata Bulla data est Romæ apud S. P. Petrum sextâ Calendas Junii Pontificatus Bonifacii IX. anno XII. nempe Christi 1401. diè 27. Maji.

4. Eodem anno die XIV. Calendas Decembris idem Clementissimus Pontifex autoritate Apostolica nobis confirmavit & monasterio incorporavit Ecclesiam Parochialem in Parr, S. Joanni Baptiste sacram, cum omnibus fructibus & proventibus, *reservata tamen congrua portione pro perpetuo Vicario, inibi Domino in divinis servituro.* Atque hujus Ecclesiæ quæta possessione in hanc usque diem gaudemus.

5. Cum hæcenus Abbates nostri Wessofontani usum mitræ non haberent, quo tamen alii quidam Baviaræ Abbates jam diutius gaudebant, Udalricus noster, dum caleret ferrum, cûdendum esse ratus, proximo anno eidem summo Pontifici pro eorundem insignium Pontificalium facultate supplicandum putavit. Secuta est Bulla sequentis tenoris:

„ BONIFACIUS Episcopus servus servorum DEI, dilectis Filiis,
 „ Abbati & Conventui monasterii sancti PETRI in Wesses-
 „ brunn, Ordinis sancti Benedicti, Augustensis Diocesis,
 „ salutem & Apostolicam Benedictionem.

„ ET poscit vestræ devotionis sinceritas, & religionis promeretur
 „ honestas, ut tam vos, quos speciali dilectione prosequimur,
 „ quàm monasterium vestrum dignis honoribus attollamus. Hinc est,
 „ quod nos vestris supplicationibus in hac parte inclinati, ut tu Abbas
 „ & successores tui Abbates dicti monasterii, qui pro tempore fuerint,
 „ mitra, annulo, & aliis Pontificalibus insigniis liberè possitis uti, nec non
 „ quod in dicto monasterio & Prioratibus eidem monasterio subjectis,
 „ aut Parochialibus, aut aliis Ecclesiis ad vos communiter vel divisim
 „ pertinentibus, quamvis vobis pleno jure non subsint, benedictionem
 „ solemnem post Missarum, Vesperarum, & Matutinarum solemniam,
 „ dummodo in benedictione hujusmodi aliquis Antistes, vel sedis Apo-
 „ stolicæ Legatus præsens non fuerit, elargiri possitis. Felicis recordatio-
 „ nis Alexandri Papæ Quarti, Prædecessoris nostri, quæ incipit: Abba-
 „ tes: & aliis quibuscunque Constitutionibus Apostolicis in contrarium
 „ editis, nequaquam obstantibus, vobis & eidem successoribus aucto-
 „ ritate Apostolica de speciali gratia tenore præsentium indulgentius. Nulli
 „ ergo omnino hominum liceat hanc paginam nostræ concessionis in-
 „ fringere, vel ei ausu temerario contraire. Siquis autem hoc atten-
 „ ptare præsumpserit, indignationem Omnipotentis DEI, & Beatorum
 „ Petri & Pauli Apostolorum ejus se noverit incursum. Datum Romæ
 „ apud

„ apud S. Petrum, tertio Calendas Novembris, Pontificatus nostri an-
 „ no tertio decimo.

Hanc Bullam recitans Clar. P. Khammus (a) hæc verba præmittit :
*Anno 1402. monasterium Wessofontanum à summo Pontifice Bonifacio Nono usque
 micra & insignes speciales abbas. Pontificales exercendi potestatem obtinuit. Cujus
 asserti veritas apparebit alias ejusmodi Apostolicas litteras conferenti &
 expendenti.*

6. Denique non ad ornandum solum, sed etiam defendendum mo-
 nasterium nostrum sedes Apostolica contulit. Nam idem Bonifacius IX.
 toties laudatus, litteras Udalrico dedit commendatitias ad Ostwaldum
 Thorer Abbatem Tegernseensem, eidem injungens, ut ea, quæ de bo-
 nis monasterii nostri per subreptitiæ obtentas Concessionibus alienata vel
 distracta invenisset, non obstantibus litteris, instrumentis, juramentis,
 renunciationibus, poenis & confirmationibus, ad jus & proprietatem
 monasterii nostri revocaret, contradictores per Censuram Ecclesiasticam,
 appellatione postposita, compescendo. Data est Bulla Romæ apud S.
 Petrum XV. Cal. Julii, Pontificatus Bonifacii anno duodecimo. Similes
 litteras accepit Udalricus à Gregorio Papa XII. quibus nos defendendos
 commendavit Cathedralis Ecclesiæ Frisingensis Decano. Ex quibus om-
 nibus colligi potest, quàm fervidè Udalricus noster commodamonastril
 curaverit, quantique æstimatus fuerit summis Pontificibus tamquam vir
 Ecclesiasticorum jurium & Religionis tuendæ studiosissimus.

(a) Hier. Aug. P. III. Regul. fol. 381. num. 22.

§. IV.

Favores Serenissimorum Ducum Bavariæ.

7. Qualibus privilegiis, juribus, libertatibus, Ludovicus Bavarus
 Imperator monasteria Bavariæ in compensationem damnorum per
 bella illis illatorum locupletavit, talibus non cessarunt serenissi-
 mi ejusdem filii & nepotes cenobiorum libertatem tueri & emolumenta
 promovere. Habemus, sicut Ludovici Bavari, (b) ita serenissimorum
 Ducum Stephani & Joannis diploma generale de anno 1396. aliud item
 simile Ernesti & Wilhelmi de anno 1397. quorum tenore omnia totius
 Bavariæ

Bavariz monasteria à multis oneribus libera pronuntiantur, qualia apud Hundium in metropoli plura recitantur.

8. Quæ verò monasterii nostri propria sunt, & singulari Principum favore concessa, accuratius considerari merentur. Atque in primis anno Domini 1402. in Vigilia Corporis Christi Ernestus Dux Bavariz solemnibus litteris confirmavit monasterio pagum Menzinganum cum adjacentibus & ad ejus proprietatem pertinentibus. Villam hanc Udalricus Höhenkircher Abbas noster anno 1401. à Joanne Summerstorff emerat. Verùm Udalricus VI. hujus nominis Abbas, cognomento Stöckl, anno 1438. electus cum Alberto Duce Bavariz, Comite de Vobburg, permutavit pro aliis commodis possessionibus anno 1441. ut loquitur Hundius. (c)

9. Emerat Udalricus noster anno 1389. à Georgio Weichsner & Luëia uxore ejus, Joanne, Paulo, & Conrado Georgii fratribus, curiam & turrim Penzingæ sitas cum omnibus attinentiis pro septuaginta sex libris denariorum. Quinam fuerint hi Weichsneri, an cives Landspergenses, an verò Nobiles de Weichs, ex sigillo dignosci posset: cum verò instrumentum emptionis ad manum non sit, Hundio id sciscitantire spondere non possum. (d) Litteras Ernesti Ducis habemus, quibus emptionem confirmat, & jus ac judicium Hofmarchiale monasterio concedit tam Penzingæ, quàm & Morenveisii exercendum. Datæ sunt hæc litteræ Monachii anno 1407. in festo S. Mathiæ Apostoli.

10. Prædium ad Tiliam seu Linden in Foresto situm diu jam à publicis quibusdam oneribus libertate gaudebat: hæc libertas cum in oblivionem vel certè controversiam venire cœpisset, Udalricus Abbas eam confirmari è Sereniss. Bavariz Ducibus Ernesto & Wilhelmo petiit, qui & litteras dedere, locumque ab omni vexatione liberum & exemptum pronuntiavere. (e) Datum est instrumentum Monachii Dominicæ post festum S. Joannis Baptistæ anno 1413.

11. Attendebant hæc Serenissimi Duces, & prudentiam ac in rebus gerendis dexteritatem suspiciebant, præcipuè cum intelligerent, Udalrici curâ Rotam fluviolum fuisse aggeribus exceptum & in lacus magnitudinem extensum, uade monasterio nostro, in quo tunc temporis esus carpium nondum erat concessus, piscium copiâ provideretur, magno aliàs pretio comparandorum. Placuit Principibus industria, statimque lacum monasterio confirmavere. Verùm quietam ejus possessionem nondum obtinui-

obtinuimus, donec inestas difficultates successor Udalrici nostri Eberhardus Abbas enodaret. Interea Henricus Sandauer Abbas Ettalensis, cum vix annum integrum praefuisset, mortuus est, cujus decessor Conradus exauthoratus obierat. Afflicto igitur monasterio consuturi Duces, quibus perspecta erat Udalrici prudentia, Abbatem nostrum, tricennali regimine apud nos gesto jam celebrem, illuc transtulerunt, de quo Clariss. P. Ludovicus Babenhuber. (f) hæc scribit: *Inde, anno nimirum 1414. cum religioso imperio praeficitur Udalricus Hohenkircher, Praesul non vulgariter doctus. Interfuit Concilio Constantiensi, ac praterea domi, adscito in partem laborum germano fratre cum Murnovii Praefecto, quinquennium rem gnauiter gessit. Rebus humanis exemptus est sexto Calendas Junii anno 1419.*

(b) *Suprà Sec. VI. Cap. V. §. IV.* (c) *Metrop. t. III. fol. 425.* (d) *Stamm-Buch P. II. fol. 356. circa med.* (e) *Vor Valckhnen / Jägern / Streuren / Heerwögen / und aller ander Beschwörung. Verba instrumenti.* (f) *In libro: Fundatrix Ettalensis, fol. 77. & 78.*

§. V.

Varia Jura acquisita, & Resignatio.

12. **A**Udivimus, qua liberalitate Bonifacius IX. confirmaverit nobis abbas civitatum Landspurgæ & Weilhémii Parochias: Ecclesiam item S. Joannis Baptistæ in Parr prope Augustam. Aucturus jura praesentandi Udalricus Abbas, cum Udalrico Aeblin (g) Collegiatæ Ecclesiæ Hæbacensis Decano permutationem fecit: tradidit nempe praedium Lanzenriedense seu Villam monasterii in Prætura Peulensi sitam. Pro illa recepit ab Hæbacensibus Ecclesiam & decimam in Hagenhaim cum jure nominandi & praesentandi; necnon praediolum seu hobam in Kleinperghofen cum triginta denariis Monacensis monetæ ex praedio quodam Egolfsingano in censum anauum monasterio pendeñdis. Facta est permutatio anno 1403. in Vigilia S. Joannis Baptistæ.

13. Biennio post à viro nobili Udalrico Pfettner donatam accepit Udalricus Abbas Ecclesiam S. Georgii Martyris in Pyrgen, promisso vicissim, postquam è vivis decessisset, quotidiano Sacrificio ad pacandos defuncti manes. Jus nominandi & praesentandi hodieum quietè possidemus.

14. Anno

14. Anno 1394. & 1400. inveniuntur litteræ Georgii Preysinger Pfebani in Landsperg, quibus testatur, se à monasterio accepisse decimas minores, pro quibus persolverit nobis tres libras Augustensium denariorum. Ejusmodi schediasmata complura in archivio nostro sunt ad ultima ferè hæc tempora ab aliis Ecclesiarum nobis incorporatarum Curionibus. Porro tam hunc Georgium *Preysingano*, quam illum Udalricum *Pfettneriano* stemmati in supplementum inferendos esse existimo.

15. Habemus & litteras Seyfridi Umchenhaus Parochi Haberskirchenensis, quibus fatetur, se ab Udalrico Abbate accepisse decimas in Niderzell majores & minores pro pendendis monasterio annuatim duobus florenis Rhenensibus. Niderzellenensis Ecclesia Parochiæ Parrensis filia est, sed à matrîce longius remota: qua de causa Parocho Haberskirchenensi commendata est, in spiritualibus procuranda. Scriptæ sunt hæc litteræ in die S. Erhardi, nempe 8. Januarii, anno Domini 1414. quo Abbas noster paulò post à Wessonis Fontibus ad Ettalensem insulam fuit evocatus.

16. Priusquam à negotiis hisce Ecclesiasticis discedam, omittere non possum, quin familiæ *Häring*, vel *Hering* appellatæ, & hoc ipso Udalrici ac decessorum ejus ævo in Bavaria florentis memoriam suscitem. Ansam præbuit illa numero 12. hoc §. relata inter Aeblinum Decanum Habacensem & Abbatem nostrum permutatio. Prædium illud Egolfingianum, ex quo nobis census triginta denariorum annuatim pendendus assignabatur, appellabatur, ut instrumentum teutonicum sonat, *des Dörlinge Hof* nomine haud dubiè à familiâ possidente deducto. Præterea legimus in Codice quodam nostro, quod Jordanus Häring de Olstatt anno 1335. sub Abbate Wernero II. Advocatiam suam, quam habuit super prædium quoddam in Germilchgau, monasterio nostro remiserit. Denum sub Paulo & Abbate Werneri II. successore in instrumento Considerationis sacerdotum anno 1370. erectæ, de qua superius, (h) legitur Jordanus Hering *Dominus Ecclesie in Beuren*. (i) Floruit familia nobilis, de Hering appellata, etiam in Thuringia, ex qua invenio ad annum 1518. Gunterum *de Hering* in Thuringia sacra, (k) plures verò in Universali Lexico Hübneri, ubi vini valde clari producuntur, quos avidus lector apud ipsum inveniet. (l)

17. Ad temporalia quantum attinet, Udalricus Abbas familiæ quæ suæ non oblitus Wolshardo Höhenkircher concessit regionem illam, quæ penes lacum Zellensem ab exitu Rottæ fluminis Weilhemium versus
exten-

exceditur, Tanckenrahn vocata, pro annua libra denariorum. Alteri cuidam Höhenkirchero, cognato suo, cujus nomen solâ litterâ aspirationis exprimitur, ideoque Henricum vocatum arbitror, Udalricus anno 1406. dedit litteras, quibus ipsi concedit curiam Menzinganam, Dominicâ post Purificationem Deiparæ, tunc incidente in diem 7. Februarii. Nequid ad Höhenkircheros pertinens omittam, addo, quod anno 1400. die 4. Augusti Udalricus Abbas noster, Conradus Decanus in Weilheim, Joannes Höhenkircher in Kumbstorff cum Joanne Langenmansl in Radau testes fuerint tractatus initi inter Ludovicum Abbatem Benedictoburanum, & Joannem Endorffer civem Augustanum. (m)

18. Aliis quoque Abbas noster varia elocavit, sicut anno 1388. die 2. Februarii Henrico Guttinger & Elisabethæ ejus uxori prædium in Foresto, proprio nomine *Forß* appellatum, quindecim annos fruendum, certas tamen pensiones annuatim cœnobio præstandas pactus. Anno 1408. Wernero cuidam monasterii nostri ministro & Catharinæ uxori prædium Puechenfe prope Vilgertshovium in vitalitium concessit ea lege, ut singulis annis penderent veterem florenum Rhenanum, aliâque Advocatiæ jure debita solverent. Anno 1412. à Vincentio Greutter & Hilburga matre ejus rogatus Abbas suscepit in hypothecam prædium Obervendense, eisque pro eo tradidit viginti quatuor florenos Rhenenses.

19. Multa alia emolumenta monasterio obtinuit Udalricus, quæ quo possumus compendio expedimus. Anno 1386. Henricus Puecher civis & judex olim Weilheimensis hortum & agrum in Augia prope Ameram flumen sitos in proprietatem monasterii tradidit. De isto Henrico Puecher etiam superius facta est mentio. (n) Anno 1390. comparavit Udalricus prædiolum quoddam in Hausen prope Wildenbergam. Cum vineæ nostræ Tyrolenses uberissimos fructus tulissent, Abbas noster Hainrico Tuckel sauponi Padiessensi in Prætura Clingensi vinum dedit ad ipsius tabernam, pro quo ille prædiolum quoddam suum ibidem situm monasterio tradidit anno 1404. die 9. Martii. Diversa jura in vicum Morenveissenfem exercenda transierant ad monasterium Fürstfeldense: ea ut monasterio nostro vindicaret, sollicitè cum Joanne Mindl ibidem Abbate Udalricus egit, ab eoque litteras obtinuit, quibus monasterio nostro firmatur omne jus, quod Wildenrodii in illo pago possederant. Pariter Fridericus Wirth Eresinganus judiciarias litteras Udalrico dedit, quibus omni juri suo & prætensionibus contra monasterium excitandis renunciat.

20. Addo denique partitionem subditorum inter Joannem ejus nominis secundum Præpositum Bernriedensem, & Abbatem nostrum Udalricum, cujusmodi jam sæpe protulimus. Hundius asserere videtur, (o) Joannem hunc anno primum 1410. præesse cœpisse: verum instrumentum nostrum super hac partitione, quod erectum legimus anno 1400. in Dominica ante Inventionem S. Crucis, decennio citius eundem jam Præpositum fuisse convincit. Fuit hic vir præclarus & sacri Ordinis sui zelotes; nam & Synodo Lauingæ celebratæ interfuit, & statuta Brandæ tituli S. Clementis Presbyteri Cardinalis Collegio suo induxit, Canonicosque ad eorundem normam informavit: quod honoris causâ dictum sit satis; palam est enim, aliis multis insignibus viris monasterium illud claruisse, & adhuc doctrinæ virtutisque laude clarescere.

21. Nihil jam superest, quod de Udalrico Abbate dicere sit operæ pretium. Jacto fundamento juris in lacum Zellensem suâ industria aggeribus exceptum, & à Serenissimis Ducibus confirmatum, Eberhardo successorî reliquit negotii consummationem, & omnis querelæ compositionem. Ipse verò Udalricus, ut scriptum reliquit Stephanus Leopolder, *postquam præfuit valde laudabiliter annis triginta, resignavit bona voluntate ad petitionem Ernesti & Wilhelmi Ducum Bavaria, & Abbas in Italiam constituitur. Præfuit ibi annis quatuor, ac obiit quinto Calendas Junii, de utroque monasterio præclare meritis, sicut jam supra ex Clarissimo P. Ludovico Babenstuber insinuavimus.*

- (g) Hier. Aug. Ablen vocat P. II. Colleg. fol. 108. (h) Cap. I. §. I. num. 1. (i) Kirchherr zu Beuren: non diffiteor, eum Parochum fuisse illius Beura prope Greiffenbergam. (k) Thuringia sacra 1737. edita fol. 33. col. 2. in fac. (l) Lex. Univ. edit. 1722. fol. 649. art. Heringe. (m) Chron. Bened. Bur. fol. 157. (n) hoc Cap. I. §. I. num. 6. (o) Tom. 2. Metrop. cum quo & Khamm Hier. Aug. P. III. Regul. fol. 428.

§. VI.

Mantissa ad Familiam de Höbenkirchen.

22. CUM nobilissimæ hujus familiæ nomen variè scribi soleat apud varios Autores, nempe Hohenkirchen, Hehenkirchen, Höbenkirchen, imò & Hochkirchen, idèò juvat addere nonnulla, quæ mihi varia loca perlustranti veniènt sub manum. Hübnerus hanc familiam

miliam inter Rhenanas (p) numerat, & ex ea quemdam sub initium currentis sæculi ait Cancellarium Palatinum Julię & Montium fuisse: alium item Baronem de Hochkirchen, tamquam Cæsarei exercitus Archistrategum, occubuisse in prælio Cæsarianos inter & Gallos apud Speyrbacum gesto, anno 1704. Est etiam Thuringię villa quædam Höhenkirchen appellata, quæ olim ad monasterium Georgenthalense Cisterciensis Ordinis pertinebat, hodie verò, monasterio per excidium Religionis Catholicę solo æquato ad Ducis Saxogothani Præfecturam ejusdem nominis spectat. Eandem villam anno 1306. monasterio prædicto donaverat cum facultate Henrici Comitæ de Gleichen Eberhardus nobilis de Molsleben. (q) Anno deinde 1372. Fridericus, Balthasar, & Wilhelmus Fratres, Landgravii Thuringię & Marchiones Misnię huic villę Höhenkirchen jus & privilegium singulis septimanis & quidem diebus Dominicis mercatum instituendi concesserunt litteris Ißenaci datis die Martis post festum S. Ulrici: atque hoc in favorem Abbatis, & monasterii Georgenthalensis. (r)

(p) *Hübner Lexic. Univers. art. Hochkirchen.* (q) *Thuringia sacra* fol. 465. & 498. (r) *Ibid.* fol. 503. §. 66. *Ibidem* fol. 516. *hoc invenitur initium litterarum Henrici Abbatis: Wir Bruder Heinrich Apt u. des Closters zu Sente Jurgintail Grauves Ordens Wengscher Bischtum u. quod adnoto ob grisei Ordinis significationem, de qua præced. sæculo in Wernero secundo aliquid diximu..*

C A P U T II.

De Eberhardo, Petro I. Friderico, & Urbano Abbatibus.

§. I.

Eberhardus Abbas XXXIII.

1. **E**berhardum ex illustri Greiffiorum de Greiffenberg familia oriundum fuisse, haud obscuris argumentis credimus. Hundiud multa de hoc stemmate prodit, quæ in ea opinione nos confirmant. Familiare in primis *Eberhardi* nomen in hac stirpe, & propria Greiffiorum bona Raistingę possessa assertum illustrant. Atque

id maximè, quòd in compositione litis de lacu Cellensi inter nos & Diessenses obortæ jubeatur Abbas hic vel numeratâ pecuniâ satisfacere, vel cessione prædiorum, inter quæ Raistinganum quoddam: hoc ex patrimonio suis usibus relictum Diessensibus lubens tradidit Eberhardus, quòd facilius eo careret electus jam Abbas, & propriis gavisurus redditibus, pro usu nempe, imò veriùs abusu illius ævi, *quo in plerisque monasteriis Conventus habebat separatos & proprios redditus ac oblatam ad modum Capitulum Cathedralium.* (a) Imò & prædiâ singulis singula distribuebantur, unde cùm alii parciore essent, alii vel in consanguineos suos vel in sua commoda largiores, ortæ sunt prædiorum permutationes, nundinationes, distractiones, denique & alienationes. Hinc non solum communium bonorum detrimenta, sed & Regularis quoque observantiæ tristes ruinae non rarò oriebantur. (b)

2. Nostro quoque cœnobio paria accidisse damna manifestum est. Ea considerans Eberhardus Abbas primo statim regiminis anno Joanni XXIII. Pontifici supplicavit, litterasque amissorum & alienatorum bonorum vindices impetravit: quibus Præposito Steingadeni mandat auctoritate Pontificia monasterii nostri bona quocunque titulo alienata ad jus & proprietatem nostram revocare. Quem fructum commendatio hæc tulerit, mihi incertum est. Cæterum Præpositus ille Steingadenis fuit Joannes Sürgius, ex nobili familia de Sürgenstein, cujus item illustrissimum sidus Engelbertus L. B. de Sirgenstein, S. R. I. Princeps & Abbas Compidonensi Ecclesiæ præsidet. Joannes, de quo dixi, Præmonstratensem ordinem in Rotheni Sæviæ monasterio fuerat amplexus, indeque ad Steingadensium utilitatem translatus: in numero Præpositorum hic ultimus; nam successor ejus Joannes Scheitterer anno 1434. Abbatis dignitatem & ornamenta primus est consecutus, quibus in hunc diem celeberrimâ hæc Steingadenis Ecclesia gloriatur. (c)

3. Alterum commodum, hodièque præsentissimum emolumentum monasterio procuravit Eberhardus, dum lacum Cellensem auctoritate Principum stabiliri, omnemque desuper controversiam tolli fecit. Sententia Ernesti & Wilhelmi Ducum hæc erat, ut, quia lacus Zellenus Diessensium fundo ex parte incumbbat, officina ferraria una cum lacu perpetuò nobis permaneret: contra verò ut nos Diessensi monasterio in compensationem transmitteremus prædium Raistinganum ac alia bona, quæ in ipso instrumento clarius legentur. (d) Præfigebatur sententiæ hujus executioni terminus 14. dierum. Quodsi noller Abbas Diessensibus prædicta bona cedere, jubebatur iisdem pendere septuaginta libras dena-

denariorum Monacensium, & intra duas septimanas per Chirographum satisficere, quo se obligaret ad integram summam intra anni spatium à die latae sententiae persolvendam. Vigilantissimus Abbas noster facta sibi hac optione lætus, salubrius putavit, prædicta bona monasterio conservare, quàm dimittere: & cum annum terminum pecuniae solvendaë nactus esset, amplexus est, quod facilius videbatur. Cum ad magnum non esset, quantum ad integram solutionem sufficeret, bona statim quædam in Tirolî Maurense & Gruebense impignoravit Joanni Vergensteiner de Egelsee pro viginti libris Veronensium: certè debitum totum ipse persoluturus, nisi præmatura fata obruissent Abbatem sanè indutrium. Obiit enim 9. Cal. Febr. nempe festo Conversionis S. Pauli anno 1416. cum præfuisset annos ferè duos, & plenam solutionem Dieffensibus exhibendam successorî Petro reliquit.

- (a) *Amandus Abb. in Catalogo Abbatum S. Petri Salisburgi edito 1646. fol. 54.*
 (b) *Idem loc. cit. & Anselmus Abb. Ensdorffensis in libro: Mundi miraculum. S. Otto &c. Ambergæ edito 1730. fol. 317. & aliis.* (c) *Hund. Metrop. tom. 3. fol. 367.* (d) *P. 2. sub Eberhardo Abb.*

§. II.

Petrus I. Abbas XXXIV.

1. **P**etrus Pörslin, primus hujus nominis Abbas, de Conventu nostro eligitur anno 1416. circa festum Purificationis. Primum sibi negotium sumpsit, ut lacum Cellensem monasterio perpetuum faceret. Udalricus Höhenkircherus acquirendi principium fecerat; Eberhardus Gryphius Ducum Bavariae auctoritate sic acquisierat, ut certis pactis monasterio Dieffensi satisfacere juberetur, in cujus fundo lacus iste collectus fuerat. Conditionibus rite impletis Petrus præstitae satisfactionis testes litteras à Jacobo Pienzenauer Præposito Dieffensi ad omnes deinceps controversias evitandas petiit, & obtinuit. Extant hæc litteræ reversales datæ in Vigilia S. Joannis Baptistæ 1416. ex quibus patet Ernesti & Wilhelmi Bavariae Ducum arbitrio ab Eberhardo Abbate Dieffensibus persolutas fuisse septuaginta libras denariorum Monacensium; & integrè satisfactum. Adjecta verò reservatio solius Advocatiæ super villis lacui adjacentibus videtur subsequenter annis sublata: necesse enim erat, ut quidquid circa lacum erat, nostræ ditioni pleno jure subjiceretur. Et hæc eadem causa erat, quod Petrus noster permutationem fecerit cum Ettalensibus præi-

cujusdam lacui adjacentis: pro quo cessimus Conrado Abbati prædium quoddam Forcheimense in comitatu Werdenfeldensi. (a)

2. Invenio etiam ecgraphum quoddam Alberti de Haldenberg, vi cuius is monasterio nostro cedit Advocatias super prædia, unum Fuchneri in Pfaffenhoven: alterum Reithovenſe prope Albertshoven. Multo monasteriorum damno Nobilibus eo tempore jus Advocatiæ cedebatur pro quocunque favore, præstiti v. g. pignoris, mutuatae pecuniae &c. quo pacto annuam portionem sibi vindicantibus Advocatis, minuti sunt prædiorum fructus, non raro etiam per oblivionem in alienis manibus relictæ, atque ita sensim monasteria ad magnam inopiam redacta, quibus damnis avertendis Petrus Abbas sapientissime cavet. (b)

3. Aliud ecgraphum anno 1419. in festo S. Petri datum reperitur, quo civitas Landspergensis gratias agit Petro Abbati & Conventui, pro jure nominandi Vicarium & Beneficiatos sibi relicto: in cujus cessionis vicem spondet omnem fidelitatem, & curam pro decimis, domibus, rebus circa Landspergam nostris monasterio integrè conservandis & defendendis. (c) An ad effectum deducta fuerit ista cessio, dubitare me facit alia ejusmodi sub Leonardo Vöttinger facta. Crediderim rem totam stetisse intra hoc Landspergensium schediasma, nec ex parte nostra erectum fuisse cessionis Instrumentum. Hæc sunt, quæ à Petro Abbate gesta comperimus ad jura monasterii propaganda vel defendenda.

4. Præcipuum verò fuit, quod ille fecit ad instaurandam monasticam disciplinam & S. Regulæ observantiam inducendam, cujus occasionem præbuit sacrum Concilium Constantiense. Audiamus ea de re loquentem Trithemium. (d)

Eodem anno Patres Concilii Constantienses, considerantes Sacrum Ordinem nostrum, olim in Ecclesia tam gloriosum & utilem, nimia vendi licentiâ collapsum, & desolatum ex eo maxime, quod à multis retro annis Capitula Provincialia jure præcepta, singulisque trienniis celebranda, fuerint intermissa, neglectæ visitationes, & vix ulla servata observantiæ Regularis integritas, diem celebrandi denuo Capituli in Cœnobio Petri Domûs Constantiæ determinârunt ultimam Februarii, ad quod omnes & singulos Abbates Provinciæ Moguntinæ citârunt sub poenâ privationis Abbatialis & cujuslibet alterius dignitatis, ni comparerent.

5. In hoc Provinciali Ordinis nostri Capitulo Abbates multi fuere præsentés, inter quos nonnulli zelum Dei habentes summo studiô pro in-

Situ.

stitutione regularis observantiae desudârunt. Regulam namque S. Benedicti per singula capita inspicientes, ubicunque Abbatum & Monachorum vitam & mores invenère contrarios, novis constitutionibus necessaria appoluerunt remedia. Conscriptis autem in memorato Capitulo statutis & Concilii auctoritate firmatis, omnes tunc praesentes Abbates jurare in animas suas, procuratores verò absentium in eorundem animas similiter jurare Concilii auctoritate compulsi sunt, quòd propositam in eodem Concilio & Capitulo Regularis observantiae reformationem in se & monachis suis infra annum admittere & fideliter deinceps custodire velint.

6. Eodem tempore constituti sunt visitatores, qui lustratis coenobitis proximo anno ad Capitulum Moguntiae in monasterio S. Albani celebrandum referrent, quinam Abbates reformationem induxerint, vel recusarint: atque his quidem, tanquam juramenti violatireis censuræ Ecclesiasticae intentabantur.

7. Petrus noster, quem interfuisse Concilio & Capitulo Provinciali perquam videtur credibile, reversus ad suos, seque juramento constrictum sentiens fecit ad reformationem promovendam, quod potuit. Eum cum videret Angelicum Psalmodiae officium ferè penitus elanguisse, ab ejusdem restauratione initium fecit; librorum Choro necessariorum penuriam sustulit, dum magno pretio per Joannem Hachmayr Eslinganum conscribi jussit duo volumina, videlicet Antiphonarium hyemale pro Choro Abbatum, & Graduale cum sequentiis ad divina officia, quod nostris hodie usibus servit. Hæc anno 1419. fuerunt absoluta. (e) Plura sine dubio erat factururus, si diutius supervivere licuisset. Nam anno ejusdem sæculi vigesimo, postquam annis quatuor, & octo fere mensibus præfuisset, die 30. Septembris in festo S. Hieronymi ad æternitatem transiit.

(a) *Codex A. fol. 20. Alzum anno 1420. in die S. Jacobi.* (b) *Idem Codex eod. fol. Alzum 1416. feria quinta post diem Conceptionis Mariae.* (c) *Idem Cod. fol. 48.* (d) *Chron. Hirsang. Tomo II. fol. 346. & seqq. ad annum 1417.* (e) *Codex E. sic habet fol. 30. Procuravit ad scribendum duo volumina, videlicet Antiphonarum unum, & Graduale cum Sequentiis per Johannem Hachmayr de Eslinga sub anno Christi 1419. Uterque liber in membranis elegantissime est exaratus, & magno sumptu fletisse necesse est.*

§. III.

Fridericus Abbas XXXV.

1. **N**obili Stettnerorum genere oriundus Petro successit eodem anno 1420. Mense Octobri. Qui an adolescens ad claustrum venerit, an à Sacerdotio vel Rectoratu alicujus Ecclesiæ, dubitandi causa nobis suboritur. Nam anno 1414. Caspar & Erasmus Armigeri de Geben fundaverunt Beneficium in Capella cæmeterii apud Parochialem Ecclesiam Hagenhyl pro parentibus suis defunctis: quod Albertus tertius à Stauß, Episcopus Ratisbonensis, confirmavit certis pactis, *que omnia & singula honorabilis vir Dominus Fridericus Stettner Rector dictæ Parochialis Ecclesiæ in Hagenhyl coram nobis attentavit, eisque pro se & successoribus suis dictæ Ecclesiæ in Hagenhyl Rectoribus libere & expresse consensit*, anno supradicto die 25. Mensis Octobris. (a) Affirmare nil certi possumus: Stettnerorum verò nomen in Monumentis, Genealogicis tabulis, & Historiis celebre invenimus, Hundo (b) Falckensteinio (c) & Corbiniano Khammo (d) testibus: quorum primus in scuto gentilitio caput Leoninum eos ostentasse affirmat.

2. Duodecim annis, quibus præfuit, varia ad monasterii utilitatem gessit, ut paupertatem illius elevaret, quæ in Instrumentaria appendice pro viribus aperiemus. Prædium quoddam Tyrolense in Gratsch Fridericus locavit novo colono per F. Stephanum Paur oconomum, præter quem alius nobis ex monachis tunc degentibus non innotuit.

3. Singulare illius temporis est, quod memoriam mereatur, nempe coæpta S. Ordinis nostri reformatio. De ea, quæ tempore Friderici Abbatis apud nos facta est, ita scribit Joachimus noster in Syntagmate statutorum fol. 2. *Incipiunt consuetudines & ceremonia regulares, quas Domini Visitatores imitandas monasterio Wessobrunnensi servandasque sanxerunt, secundum quod in Charta visitationis & libro ceremoniarum de anno Domini MCCCCXXVI. per eos traditis expressum est.* Celebratum fuerat eodem anno die 21. Aprilis ex præscripto Concilii Constantiensis Capitulum Ordinis Provinciale septimum Erfordiæ, præsidentibus Joanne Uraugiensi, Henrico Brunswicensi, Georgio S. Egidii Norimbergensi, & Nicolao Anhusano Abbatibus: è quibus delecti monasterium nostrum de more visitarunt. (e)

4. Quo animo hanc visitationem Fridericus exceperit, quove ardore ejus observantiam monachis suis inculcaverit, aut quali exemplo ipse præ-

præverit, scriptum non invenio. Difficultate rem non caruisse credibile est, visisq; Abbas visitantium votis non satisfecisse. Nam 1432 (f) die undecima Maii celebratum fuit Capitulum Ordinis Provinciale octavum Augustæ Vindelicorum ad S. Udalricum, ubi præsedere Ortwinus S. Petri Erfordiæ Abbas, (g) Joannes in Steina, & Henricus in Amorbach: eodémque anno (ut ait Chronographus noster) (h) Fridericus Abbas noster *repente deponitur*. Hæc sententiæ non Friderico magis, quam monasterio nostro gravis fuit. Depositus enim annis triginta tribus supervixit Weilhemi vicine nobis oppido. Ubi si Parochum egisset, quia pleno tunc in Ecclesiam illam jure gaudebamus, tolerabile videretur, licet sine omni monasterii detrimento fieri vix potuisset: quia verò, ut alius nos Leopolderi Codex docet (i) per aliquos annos præbendam accepit, difficillimum accidere debuit. At mellora quævis sentire præstat, cum defuncti corpus ad monasterium fuerit honorificè reportatum, & in facello S. Benedicti, communi benorum Præfulum sepulchro, honorificè tumulatum. Vix non adducor ut credam, eundem fuisse Fridericum hunc Abbatem cum illo *honorabili viro Domino Friderico* (k) superius memorato, æquè divite ac nobili, qui monasterio nostro, tunc admodum pauperi facultates suas intulerit, monachum induerit, &, licet Abbatis dignitate dejectus, humanius & honorificentius habitus sit, tamquam Benefactor. Non tamen dissiteor, eum alicubi accusari, quod *plures possessiones alienaverit à monasterio*. Sit fides pones authorem. (l)

(a) Händ. Metrop. Tomo 2. fol. 295. (b) *Ejusdem Stammens Buch* part. 2. fol. 352. articulo: *Wacht* reserfer Joannem Türringer, Jacobum Stettner, & Oertlinum Trenbeck tanquam sigillatores cujusdam contractus iniri Monachii 1363. (c) *Falkenstein Antiquar. Nordgav. de Ep. Eustadi. P. II. §. CXVII.* fol. 279. in *Genealogia Werdensteiniana* refert Conradum de Stetten, cujus uxor Anna de Werdenstein, filia uxor Jacobi Kechler, mater Veronica Kechlerin de Schwandorf, avia Georgii de Werdenstein, Ordinis Teutonici Equitis. (d) *Ab. P. Corb. Khamm* memorantur David à Stetten *Dumvir*, & Chrystophorus à Stetten *Edilis*. *H. er. Aug. P. I. Cathed. fol. 323.* (e) *Chron. Hirsau.* Tom. II. fol. 372. (f) *Idem Chron. fol. 382.* (g) *Hoc Monasterium* Scottis originem debet, & adhuc in *Academia Erfordienfi cathedram* possidet. (h) *Codex G. fol. 177.* (i) *Codex E. fol. 30.* (k) *Suprà hoc §. num. I.* (l) *Codex E. fol. antè cit.* Ceterum in *Parte II. Instrumentaria de Friderico* præferemus, quæ ipsius industriam commendat.

§ IV.

Urbanus Abbas XXXVI.

1. **U**Rbanus, in Manuscriptis nostris Codicibus Ybanus vocatur, nempe Eobanus, quod nomen illo ævo non infrequens erat, ut Eobanus Hessus Poëticæ Norimbergæ Professor, & postquam novam sancti Sebaldi aram à civibus magno sumptu erectam insigni carmine celebrasset, ad Lutheri partes transfuga. (a) S. Eobanus verò S. Bonifacii Frisonum Apostoli socius indefessus, ab illo Chorepiscopus creatus, cūque illo socius Martyrii effectus fuit: ejusque ac S. Adelarii corpora, primum in monasterio B. Virginis Erfordiæ collocata, deinde Fuldam translata. (b) Nos Urbanum vocabimus; cū talis jam vocetur in Chronico Benedictoburano ad annum 1433. in Mantissa Caroli Stengellii inter Abbates Fuesenses. (c)

2. Genus porro Abbatis Urbani nobilissimum fuit, Rotensteiniorum scilicet, qui in codice quodam nostro manuscripto sæculi XV. inter nobiles, jam Caroli Magni ævo celebres, numerantur. Verum sit sua huic codici fides: nobis alii certiores sufficiunt: ut Wilhelmus de Rottenstein, cujus filia Seguna proavia fuit Joan. Georgii de Halweil Episcopi Constantiensis: (d) item alia de Rotenstein proavia fuit Diethelmi Blarer de Wartensee, cujus filii Joannes Jacobus Præpositus & Princeps Elvacensis, Wolfgangus Eustettensis Canonicus fuit. (e) Georgius de Rottenstein inter Commendatores Ordinis Teutonici vigesimus primus numeratur. (f) Castrum Kapfenburg emptionis titulo 1364. nomine totius Ordinis Teutonici comparavit Marquardus, Zoller dictus, nobilis de Rottenstein commendator Mergentheimensis, postea primus Kapfenburgensis. (g) Conradus de Rotenstein Eques, cujus filia Corona fuit uxor Hauptii de Pappenheim, mater quatuor filiorum & unius filię: quibus sororis suæ liberis Ludovicus de Rottenstein Eques Coronæ frater, & ultimus sui nominis legavit Rotenstein, Grunenbach & Kalda in Algoja. (h)

3. Urbanus Abbas coenobii ingressus regimen, quod breve erat habiturus, industriam suam in pluribus monstravit, tum prædiis redimendis tum debitis dissolvendis. (i) Chronicon Benedictoburanum nos docet, Urbanum Abbatem nostrum anno 1433. Augustæ Vindelicorum interfuisse testem, cū Gregorius Abbas Benedictoburanus ab exactione debiti, quod nobilis

quidam Bojus eidem intentaverat, coram Joanne Kautsch Vicario Generali se liberaret. (k)

4. Cæterum justo major in famulos suos indulgentia Urbanum dignitate movit; illi enim heri sui bonitate abusi, & quidlibet impunè licere rati, ac fortè ex ipsa ejusdem nobilitate audientiores, una nocte in Foresto, live ex insidiis sive per rixam, tres viros, monasterii subditos, trucidarunt. Tamen porro famulorum scelus luere Abbas non debuerat, ipse tamen Urbanus, vir mitis & alieni sceleris dolore concussus, cedere maluit, &, cum aliàs emendatio disciplinæ vehementius urgeretur, dignitatem apud nos gestam in manus Udalrici Stöckl resignavit undecima die mensis Martii: ex quo arguimus famulorum crimen per Bacchapaliorum ferias fuisse patratum, ipso tempore audaciam inflammante.

5. Quod tamen facinus, quàm parum Urbani famæ detraxerit, ex eo patet, quòd eodem anno discessus à nobis sui, fuerit denuo Abbas assumptus monasterii S. Magni in Faucibus Jullis: ubi sex annis præfuisse, ac demum monasterii montis S. Mariæ in Tyrolî factus dicitur. (l) Addit Martinus Abbas Faucensis libello de vita & miraculis S. Magni, eundem Urbanum ad sepulchrum Domini Hierosolymas & ad limina Apostolorum peregrinationem suscepisse. Nostra verò Chronica Urbanum in Faucibus depositum transtulisse se ad monasterium S. Mariæ V. in monte Vinschgewum unico servo, ibique in præbendam fuisse susceptum. Quo tempore omni regiminis ullius curâ vacuus, satis otii nactus est, quo & sibi soli vacaret, & religiosis intentus operibus Palæstinam Romamque inviseret. Ex itinere reversus in monasterio Mariæ-Montano obiit anno incerto, ipse verò festo S. Marci Evangelistæ.

6. Porro si Abbatem Martinum, Stengeliū, Khammum, relatōsque ab iis Catalogos Faucensium attendamus, magna nobis Wessofontanis controversia oritur de annis, quibus Urbanus apud nos præfuerit. Nam Martinus Abbas eum Faucibus præfuisse asserit ab anno 1410. & resignasse post annos sexdecim: item ait: *præquam ad nos (Faucenses) veniret, fuit etiam Abbas Wessobrunnensis*: ergo ante annum 1410. cum tamen manifestis argumentis pateat, & cōstanteis documentis ostendatur, Fridericum Stettner ab anno 1420. usque ad 1432. præfuisse; ejusdem successorem Urbanum usque ad annum 1438. sexenniō gubernasse. Annos Urbani non alios esse, quàm à nobis assignatos, cōstantea Instrumenta monstrabunt.

7. Ut compendio dicam, quomodo Urbanus dignitate cesserit, Reformatio illa Tegernseensis, de qua proximè loquemur, iacimento fuit, sed maximè patratæ à famulis Abbatis subditorum cades peraeconomodam ansam præbuisset. Arrepta igitur occasione renovandæ disciplinæ Petrus Episcopus Augustanus, & Wilhelmus III. Bavariz Dux collatis consiliis Urbano persuasere, ut sponte cederet: nec difficilis ille, quippe servorum suorum crimine commotus, assensit, eò etiam libentius, quod eidem pacta quædam indulgerentur, de quibus adhuc habetur, si non ipsum Instrumentum, saltem illius inscriptio his verbis: *Resignatio & Concordatio Ybani Abbatis cum successore suo Udalrico Strucklin.* (m) Non dubito, quin hæc humanitas sanguinis ejus equestris reverentiæ, & placandis ejusdem consanguineis fuerit impensa.

8. Cæterùm hujus Abbatis tempore Petrus de Schaumburg S. R. E. Presbyter Cardinalis tituli S. Vitalis, Episcopus Augustanus autoritate sua confirmavit: sedus illud inter sacerdotes Landspergensis & Pözenhusani Capitulum pro defunctorum solatio initum, de quo superius ad annum 1370. sub Paulo I. Abbate XXXI. egimus. Datum est confirmationis Instrumentum Augustæ 3. Calendas Octobris anno 1435.

- (a) Bav. S. Volum. II. fol. 61. (b) Eckhart Franc. Orient. Tom. I. fol. 544. (c) *Manissa* fol. 58. (d) *Falckenstein Hist. Enstad. P. II. fol. 84.* Cave errorem typi; nam & pro 82. impressum est 84., (e) *Idem ibid. fol. 36.* (f) *Hier. Aug. in Auctario Parisi l. Cathed. fol. 129. ad annum 1525.* (g) *Eodem Auctario fol. 131. num. 340.* (h) *Hund. Stammen-Buch fol. 165. circa med.* (i) *Cod. A. fol. 7. Anno D. 1433. in die Purificationis Virginis hat Abbt Yban die Güetter zu Mauren und Grueben abgelöst. Item ibid. cod. fol. Anno D. 1437. am Chotember freytag in der vasten hat der gemain rat der stat München unserm Gorzhaus W ezze sprunn gegeben einen spruchbrief umb euliche schuld an einer glocken. &c.* (k) *Chron. BBur. P. L. fol. 176.* (l) *Hier. Aug. P. III. Regul. fol. 277. & Martin. Abb. in Vita S. Magni fol. 255. ubi Ybanus vocatur.* (m) *Cod. A. fol. 40. col. 2.*



CAPUT III.

Udalricus VI. Abbas XXXVII.

§. I.

Udalrici postulatio.

Quotumcunque studii impenderit Petrus I. Abbas ad gerendum Concilio Constantiensi morem, & promovendam disciplinæ monasticæ reformationem, nihilominus, ut humana omnia facile defluunt in deterius, illo vix mortuo refrigerare denuò fervor cœpit sub Friderico & Urbano successoribus, sicut acta eorum lectorem docuere. Commodum tunc maximè calebat disciplinæ regularis studium in celeberrimo monasterio Tegernseensi, in quod auspicio Wilhelmi Bavariz Ducis, promovente Rmo D. Joanne Grünenwalder Frisingensi in spiritualibus Vicario, Mellicensis reformatio anno Domini 1426. felicissimè fuit introducta. Fusè hac de re agunt monumenta vetera Historiam inelyti Monasterii Tegernseensis illustrantia apud Pezium. (a) Cœpit protinus monasterium virtutis laude longè latèque clarescere, ita ut viri graves & eruditi illuc convolarent & monasticum habitum peterent, quorum facilè dux fuit Joannes Keck Glengenſis sacre Paginæ & Artium Professor. Igitur serenissimo Bavariz Duci, monasterii nostri ruinas consideranti, placuit ex eodem florentissimo monasterio virum petere, qui serò tandem stabiliret tam disciplinam, quàm fortunas Wessofontanas. Misit igitur, monachis nostris minimè invitis, & Casparo Abbate Tegernseensi annuente, R. P. Udalricum Stöcklin de Rotach virum ut genere, ita virtute nobilem, qui res nostras restitueret, & in ordinem redigeret dissipata. Venit ad monasterium nostrum circa festum S. Gregorii M. Papæ, & facta cum Urbano Rottensteinio compositione, cujus supra mentionem fecimus, magna Episcopi & Principum voluptate, Abbas assumitur. Quando confirmationem & Benedictionem cum Pontificalibus adeptus fuerit (adeptum verò fuisse certum est, cum inter mitratos fuerit pictus) nullibi adnotatum invenio.

(a) Tom. III. Anecdotorum, Parte III. à columna 737.

S. II.

Studium Divini Cultûs.

2. **P**rimum Udalrici negotium fuit, accendere suos ad peragendum ferventiùs divinæ Psalmodiæ officium. Quare ipso anno, quo advenerat, vix mensis spatio tolerare potuit desiderium suum, statimque post Pascha, quod tunc in diem decimum tertium Aprilis inciderat, procuravit duas ingentes picturas Christi Domini crucifixi, publicè in utraque parte Chori appendendas, ut utraque psallentium Religiosorum series, dulcissimi Redemptoris sui, cujus amore sæculum reliquerant, consideratione ad devotam divinæ in se pietatis memoriam, & gratiarum actionem, accenderetur.

3. Et quoniam omnia relinquentibus & sequentibus Christum in hoc etiam sæculo centuplum promittitur, nempe ut nihil necessarium desit timentibus eum, hac etiam ex parte Udalricus fratribus providere voluit. Invenerat totam aliquam dormitorii partem præ mera vetustate collapsam, jamque Religiosorum cultui inutilem factam. Quare ut nemo querelam de habitationis suæ incommodis movere posset, simulque majori etiam Candidatorum numero locus pararetur, partem illam collapsi ædificii à fundamentis novam, multoque altiorem eduxit: præterea ad ægrotorum solatium sub ipso dormitorio valetudinarium struxit valde commodum, in cujus una parte coenarent, in altera quiescerent.

4. Neque Religiosis tantum suis, sed etiam omnibus Parochiæ Wessofontanæ subjectis consultum voluit. Hos ut ad divina Officia diebus festis ferventiùs frequentanda alliceret, Indulgentiarum thesaurum sollicitè inquisivit. Obtulit se peropportuna occasio, cum Joannes S. Martini in Monibus Presbyter Cardinalis de Bavaria nuncupatus, & tunc quidem Generalis Synodi Basileensis ac Sedis Apostolicæ per Germaniam Legatus à Latere, Norimbergæ præsens versaretur. Ab hoc Udalricus Abbas obtinuit litteras, quibus auctoritate sibi concessa certas elargitur Indulgentias ab illis lucrandas, qui monasterii nostri Ecclesiam in Festis Domini & aliis quibusdam visitarent, & ad ædificii restorationem aliquid conferrent. Datæ sunt litteræ *Norimbergæ Bambergensis Diocesis anno 1441. Felix Papa V. anno primo.* Eodem anno V. Idus Januarii Pontificia auctoritate concessum est (forte per eundem Joannem Cardinalem) ut *quicunque festis festis sub pulsam campana horâ meridiei apud dictum (Wessofontanum) monasterium flexis genibus ob reverentiam & memoriam Passionis Christi cum devotione dixerint unum Pater noster, Ave Maria, & Credo, quoties id fecerint, toties habeant unam annam & unam quadragenam Indulgentiarum de injunctis eis penitentis.* Hoc loco addit Stephanus noster hæc verba: *Vide de cæteris Festivitatibus plenius litteras Johannis Cardinalis.*

s. Ne-

7. Nequis in errorem inducatur, ut putet eo tempore revera sedisse Felicem quemdam Pontificem, cum Catalogus Pontificum ex magno Bullario desumptus nullum hujus nominis anno supradicto, imò toto illo sæculo, Papam referat: sciat, Felicem hunc fuisse Pseudopapam, atque ita Joannem etiam illegitimum Cardinalem. Invenit tamen uterque multos, qui ipsorum partes tuerentur. Joannes verò à Felice deceptus, ut alii non pauci, fuit alioquin sanguine nobilissimo oriundus, nobilior etiam doctrinâ, quippe sacrorum Canonum Doctor, Canonicus Cathedralis & Vicarius Generalis Episcopi Frisingensis, à Bertholdo Episcopo Brixinensi constitutus Præpositus Inchingensis, à Capitulo Cathedrali anno 1421. electus Episcopus Frisingensis, sed non confirmatus, donec tandem, cedente Henrico Schlikhio Episcopo, quietam Episcopatus Frisingensis possessionem anno 1448. obtinuit, post quatuor annos regimnis defunctus, & in Cathedrali templo sepultus. (b)

8. Udalricus Abbas ad stabiliendam disciplinam monasticam nihil intermisit. Anno 1439. die 16. Aprilis celebrabatur Ordinis nostri Capitulum Provinciale decimum à tempore Concilii Constantiensis. Congregatum id fuit Norimbergæ in monasterio S. Ægidii. Præfederunt Hartungus S. Petri Erfordiæ, Georgius S. Ægidii Norimbergæ, Nicolaus S. Blasii in Silva nigra, & Henricus in Amorbach Abbates. His totique confessui exhibita fuit Constitutio Basileensis Concilii pro reformatione nostri Ordinis eodem anno edita, Abbatibus ad observantiam commendata & ab ipsis reverenter accepta. Interfuisse huic Abbati Capitulo Udalricum nostrum persuadet mihi insignis ejusdem pro Religione zelus, neque ipsum ob loci distantiam excusatione uti voluisse crediderim. (c)

7. Imò videtur mihi fructus quidam ejusdem Capituli fuisse consilium illud perquam salutare, quod Udalricus proximè sequente suscepit. Ne soli sibi omnis disciplinæ monasticæ cura incumberet, & incepta semel Reformatio ut ætatem ferret, ex inclyto monasterio Weihenstephanensi prope Frisingam insignem virum petiit Leonardum Vettinger, hospitem apud nos, ut præferebat, revera adiutorem sibi futurum. Nec difficilis in Udalrici nostri vota Eberhardus S. Stephani Abbas fuit, quippe qui ipse Concilio Basileensi interfuit, & magno Religionis nostræ zelo flagrabat, ubicunque occasio eandem amplificandi sese offerret. Venit igitur Leonardus anno 1440. incunte, vixit cum nostris ut verè domesticus, in omnibus religionis exercitiis accuratus, charitate erga omnes insigni: ac propterea omnibus charus, ita ut cuivis bono cælitus datus esse videretur. Anno igitur 1441. omnium consensu & Abbatis maxime vo-

to

to solemnè stabilitatis apud nos votum nuncupavit, & eodem mox anno die 25. Maji, in festo nempe S. Urbani, Prior est electus. Eundem paulò post Udalrici successorem in Abbatis dignitate videbimus. (d)

(b) *Vid. Chronicon Frisingense Germanicum à fol. 231. usque ad 242. (c) Trithem. Chron. Hirsaug. Tomo II. fol. 400. (d) De illo Eberharde agit Hand. Astrop. T. III. fol. 479.*

§. III.

Diversa Udalrici negotia tum domestica, tum externa.

8. **S**Tabilito quoad interiorem disciplinam monasterii statu, Udalricus ad temporalia quoque in ordinem redigenda se convertit. Ac in primis anno 1441. feriâ tertiâ post Inventionem S. Crucis datæ inveniuntur litteræ, vi quarum Bartholomæus, Nobilis de Wäl monasterio nostro remittit Advocatiam quandam super prædium aliquod Morenvvelfense. Eodem anno cum Alberto Duce Bavariz Abbas villam Menzinganam, de qua per Udalricum Höhenkircher. emptâ sub eodem egimus, permutavit pro aliis commodis possessionibus, sicut ex Hundio discimus. (e). Anno sequente feriâ quintâ post festum S. Elisabethæ concessit Udalricus vitalitium quoddam in Partenkirch Joanni Arnolter, uxori ejus Barbaræ, & Wilhelmo fratri: pro quo annuatim in censum solvere jussi sunt circa festum S. Galli duas libras monetz Veronenfis.

9. Ut creditoribus quibusdam, quos decessores ejus fecerant, satisfaceret, vendidit Udalricus Udalrico Weichner & hæredibus ejus prædium quoddam Vilgertshovenfè: aliud quoque Margaretæ Weichsherin, quæ transmissit illud in Thomam Erhard. Omnes isti erant cives Landspargenses. Videbimus autem illa denuò redempta per Abbatem Casparum Gözium. Interim manifesta necessitas Udalricum nostrum ad hæc alienanda adigebat.

10. **Æ**dificia etiam quædam extra Clausuram erant necessaria. Hospitum commoditati provisorius, juxta Abbatis habitationem Udalricus extruxit diversoria, in quibus commodè reficerentur, & pernoctarent. Ab Ecclesia S. Joannis parochiali (ut hortum Religiosis destinatum faceret ampliorem) murum duxit usque ad portam atrii, per quam parochianis aditus

aditus ad utramque, monasterii nempe, & Parochiæ, Ecclesiam patet. Inde adjecit horreum ex ligno longum & capacissimum versùs Aquilonem, cujus hodie ne vestigia quidem supersunt.

11. Denique cum Gregorio Abbate Benedictoburano Udalricus noster ab Eugenio Papa IV. jussus est defendere & vindicare monasterium Ettalense, cum diversa illius Jura fuissent diminuta, bonaque distracta, datis etiam desuper litteris, confectis publicis instrumentis, interpositis juramentis, factis renuntiationibus & pœnis adjectis, quæ omnia cedebant in gravem illius monasterii læsionem. Litteræ Apostolicæ datæ sunt Florentiæ anno Incarnationis Dominicæ millesimo quadringentesimo tricesimo nono, septimo Idus Maji, Pontificatus Eugenii anno nono, quæ per extensum videri possunt apud Hundium. (f)

(e) Tom. 3. Metrop. 485. (f) Tom. 2. Metrop. fol. 328.

§. IV.

Obitus Udalrici Abbatis.

12. **V**idetur Abbas iste infirma plerumque valetudine fuisse, & breve vitæ suæ tempus futurum præsensisse. Cur enim adiutorem officii Leonardum altero statim anno accerseret, nisi quod viribus suis tantæ, quantam invenerat, ruinæ refarcientiæ suffecturis diffideret, quæ sola satis ipsum videbatur fatigatura? Sensit, non dubito, primo statim anno difficultates non modicas in rebus ad economiam pertinentibus, quas sibi primùm extricandas sumebat, disciplinæ maximâ parte in Leonardi Prioris humeros rejecta, cujus tamen ipse, quantum per externas curas licebat, supremam inspectionem gerebat. Prævidens igitur facili se oneri succubiturum, consulere voluit animæ non suæ solum suæ, sed & suorum, dum piores sibi post obitum suum intercessores conciliare studuit, inito nempe mortuali fœdere anno 1439. cum Carthusiensibus Norimbergæ tunc cœnobium possidentibus. Prima hæc confœderatio invenitur apud Wessofontanos. Cur autem non prius aliqua cum Benedictinis, vel Canoniceis Regularibus, monasterio nostro vicinioribus? Occasionem nempe præbuit Capitulum Provinciale Ordinis nostri eodem anno Norimbergæ celebratum, ut supra diximus; (g) unde confirmatur opinio mea, Udalricum nostrum Capitulo illi præsentem adfuisse. Non æquè facile est divinare, aliud tale fœ-

duſ cum Canonicis regularibus celeberrimi monaſterii Rohrenſis in Diceceſi Ratiſbonenſi qua occaſione fuerit initum, & quidem anno 1440. Initum tamen fuit, & in hodiernum diem perdurat. (h)

13. Hæc quæ hætenus retulimus, cum ſolenter providè quegeſſiſſet, citiùs, quàm res monaſterii peterent, Udalricus Abbas nobis ereptus eſt, brevi morbo extinctus anno 1443. die 6. Maji, quo S. Joannis Apoſtoli ante portam latinam memoria colitur, cum ab annò 1438. die undecima Martii per annos quinque & menſes duos magna cum vigilantia, nec minoribus curis, præſuiſſet. Sepulcrum accepit in ſacello S. Benedicti juxta januam ſacri odæi, ſub lapide longo, ſed ſine incifo epitaphio aut effigie. Supplevit illud Stephanus Leopolder his elogiis: *Anno Domini milleſimo quadringenteſimo quadreſimo tertio in die S. Joannis Apoſtoli ante portam latinam obiit venerandus & religioſus Nobilis Udalricus Stöckl Abbas Weßſenbrunnſis bona memoria, Inceptor Reformationis vitæ monaſtica: præſuit valde laudabiliter & religioſè, ex maxima paupertate Eccleſiam ſuam fideliter liberaturus, ſi diutius ſupervixiſſet.* (i)

(g) Hoc Capite §. II. num. 6. (h) MS. B. circa ſuam ſub rubrica Y. Litteræ fraternitatis. (i) Codex C. fol. 181. & Cod. E. fol. 31.

CAPUT IV.

Leonardus I. Abbas XXXVIII.

§. I.

Leonardi electio.

1. **L**eonardus ingenuo & gentilitiis inſignibus ornato ſanguine natus, monachus antea Weichenſtephanenſis, poſtea monaſterio noſtro per editam profeſſionem aggregatus, cum Prioris munere optimè per biennium fuiſſet perfunctus, anno 1443. eodem menſe Majo, quo deceſſor obierat, Abbas eſt electus, præſente Jodoco Vicario Generali Auguſtano.

2. Celeriter omnia Leonardo ſucceſſère; nam Udalrico, 11. Maji mortuo, ſucceſſus Præſul, ejusdem anni & Menſis die 12. confirmatus fuit

fuit Augustæ Vindelicorum in ipso Episcopali Palatio: die 19. solemnem Benedictionem, sicut & pridie confirmationem, suscepit in Ecclesia S. Elisabethæ, ædibus Abbatis Cæsariensis annexa: ubi & honoratissimos sollemnitatis testes festivo prandio excepit. (a)

3. De Jodoco illo Vicario Generali Augustano posset nobis moveri controversia, utpote quem anno 1443. nondum eo functum officio tam Corbinianus Khamm, quam Carolus Stengelius asserunt. Ille in Mantissa (b) ad annum 1460. eum differt, & annis 20. officium tenuisse affirmat: Khammus verò cœpisse eum anno 1461. dicit & ex epitaphio monstrat, mortuum fuisse anno 1471. adeoque decem tantum annis Vicarium fuisse. Adducit testimonium Bruschi, & Musarum Fultenbacensium, & harum quidem ex carmine hoc ordine monasterii sui administratores recensentium Wilhelmum Mader, Martinum Dieminger, Jodocum Abbatem antea Urspergenssem. (c) In tantis dubiis malim sentire & credere, quod Stephanus noster anno 1502. jam monachus factus, & temporibus Leonardo vicinioribus scriptum reliquit, ex documentis majorum, accuratè à tempore aliquot Abbatum Chronologiam texentium.

Similem curam vix expectare possum ex monasterio Fultenbacensi, administrationi Vicariorum commisso; cum facile ordo Vicariorum à posteris potuerit perverti: & alia eisdem in parte III. Hierarchiæ regularis Chronologia tribuatur. (d) Neque Stengello aut Khammo, utpote inter se diversis, tantam tribuere fidem, ut geminorum Codicum (e) antiquitatem ausim postponere.

4. Caterum Jodocus iste ex Religioso Roggenburgensi Abbas Urspergensis postulatus, relicta Abbatia, ad dignitatem Vicariatus ascendit, Bruschio & Khammo testibus.

(a) *Cod. E. fol. 32.* (b) *Mantissa fol. 19.* (c) *Hier. P. I. Cathed. fol. 500. n. 34.* (d) *Ibid. fol. 288. 289.* (e) *Nempe Cod. E. l. c. & Cod. G. fol. 181. ubi ait, Leonardum Weihenstephani ad S. Ordinem fuisse susceptum anno 1417. die 1. Maji.*




§. II.

Ruinarum temporalium restauratio.

1. Cùm biennio integro, quo Prioris munereungebatur Leonardus, disciplinæ consuluisset, & obsequentes fratrum animos sibi parâisset, electus Abbas ad externas monasterii necessitates curam suam extendit, ut quo minùs deesset singulorum utilitati, eò promptius current viam mandatorum DEI. Ut tuto & commodo loco decimæ ex agro Landspergenensi collectæ servarentur, ædificavit Leonardus Landspergæ spatiosum horreum & granarium, ubi fruges reponerentur, & flagellarentur: eidem horreo adstruxit domum, in qua operarii alerentur, & Religiosus granario præfectus, si necessitas exigeret, laborantibus invigilare vel monasterii negotia procurare iussus, honestum receptaculum inveniret. Expendit in horreum istud & domum centum quinquaginta quinque libras denariorum monacensium. In atrio deinde monasterii exteriore aliud ingens granarium idque capacissimum à fundamentis excitavit, & intra triennium consummavit, quod hodiernum in diem usui est peropportuno. Piscinam quoque quadratis ex lapidibus struxit, in quam ex ipsis Wessonis fontibus limpidissimas aquas derivavit: sicut & in fontem, quem medio in atrio ligneum fabricari iussit ad publicam omnium utilitatem, & ut in promptu semper esset, unde incendiis obliteretur. His omnibus etiam novam pistrinam & molendinum adjecit ex lapide, cùm antea tantum lignea essent: utrumque muro circumdedit. Hæc de ædificiis à Leonardo ad œconomix utilitatem excitatis.

2. Libertatem à teloniis pro vino ex Tyroli evehendo obtinuit à serenissimis Austriæ Ducibus Friderico & Sigismundo. Udalrico Buasi prope Bolzanum locavit hortum & domum, pro quibus ille annuatim quatuor urnas vini monasterio pendere obligatus fuit. Alia minoris momenti omittimus, & ad sacra transimus.



§. III.

§. III.

Leonardi studium pro domo Dei, pro disciplina augmento, pro juribus sacris monasterii.

7. **T**emplum Wessofontanum, quod ad Leonardi usque ætatem ligneis tantum tabulis tegebatur, ut hodieum alia plura, Abbas noster solido ex quadratis saxis fornice totum obduxit: sicut & odæum sacrum, quod ara summa à templo dividit. Turrim novâ campanâ auxit, cui hæc inscripta verba leguntur: *O Rex glorie Christe, veni cum pace.* Ad augmentum sacrae suppellectilis emit argenteam Christi crucifixi effigiem, sexdecim libris monacensium persolutis: scyphum etiam magnum argenteum & deauratum ab Osvaldo Mosauer Monachii comparavit sexaginta florenis Rhenensibus.

8. Quantum ad disciplinæ propagationem attinet, sua ipso manu anno 1451. in unum volumen collegit omnia statuta & visitationum decreta, quæ hucusque monasterio nostræ fuerunt tradita, sicut testatur Joachimus Abbas, qui ea recentiori calamo facilius legenda rescripsit & ad posteros transmisit.

9. Providè hæc Leonardus paraverat adventuris quamprimum visitoribus; nam eodem anno Capitulum Provinciale ordinis nostri XIV. die 23. Maji celebratum fuit Herbipoli, in monasterio sancti Stephani. Nicolaus Casanus S. R. E. Presbyter Cardinalis S. Petri ad Vincula, Episcopus Brixinensis (prope Sabionam nempe) Apostolicus à latere Legatus, ipse Capitulo cum 4. Abbatibus præsedit, scilicet S. Ægidii Norimbergensi, S. Burckardi Herbipolitano, S. Petri Erfordienfi, & S. Gotthardi Hildesheimensi, ordinis nostri per Moguntinam Provinciam Visitoribus. Quanto ardore idem Purpuratus institerit, suaserit, curas suas & operas impenderit ad S. ordinis nostri decorem, satis Trithemius explicat. (f) Eodem interea anno venere ad fontes quoque nostros Patres Visitores per Alemaniam deputati: collecta ab Abbate Leonardo statuta, sibi oblata & communi Monachorum huiatium assensu jam suscepta approbaverunt auctoritate sua, & observanda commendârunt.

10. Anno dein 1452. supervenit supra laudatus Cardinalis Nicolaus, & integro triduo à Leonardo Abbate exoratus apud nos mansit hospes suavissimus exhibitâ sibi ab Abbate collectarum observantiarum serie, at-

tentéque perlectâ, rogatus, ut super harum obligatione, sua, imò Apostolica potius autoritate, quaungebatur, pro futuro robur susciperent, propria manu sua signavit, respondens, quemadmodum ipsis Visitatoribus, ita & sibi per omnia in eisdem temp' actum esse &c. Hæc ex Joachimo Monacho olim nostro, dein Abbate san- Petrensi, tunc apud nos Priore, accepimus. (g)

11. Neque his contentus Leonardus noster constitutionem Benedictinam, à Benedicto XII. Pontifice pro reformatione ordinis nostri anno 1336. editam, quadriennio verò post ab eodem elucidatam, à suorum quodam describi jussit, & observandam inculcavit in illis, quæ in aliis statutis non essent satis clara & explicata.

12. Et quoniam juxta S. Regulam nostram *otiositas inimica est animæ*, ad hanc è monasteria eliminandam totus incubuit, rudiores honestis manuum operibus, litteratos frequenti scriptione occupavit. Leonardus est, cujus ætate resuscitata est veterum Codicum solers descriptio: & licet ejus ætatis elementa perquam infirmia & ad legendum difficilia, diligentiam tamen mirari librorum copia & magnitudo jubet. Hoc laudandum nescio, magis, an dolendum sit, quod nemo eorum, qui scripsere, nomen suum prodiderit. Solum invenio Urbanum Subdiaconum & Monachum Wessofontanum, qui circa annum Domini 1455. descripsit Diadema Monachorum Smaragdi Abbatis: Tractatum de charitate DEI & proximi: de arte moriendi. Ipse Leonardus præter illam Constitutionum collectionem, è latina in linguam Teutonicam transtulit & anno 1459. descriptam reliquit Regulam SS. Patris nostri Benedicti, usus fratrum Converforum seu Laicorum servitutam: ad cujus calcem hi sive versus, sive rhythmî, pro illius ævi ruditate compositi, subjunguntur: *Nomen scriptoris si tu cognoscere velis, si LEON. ponatur, & HAR. addatur, & DUS adjungatur, qui scripsit, ita vocatur.*

13. Pro stabiliendis autoritate Apostolica monasterii juribus & possessionibus summo Pontifici Pio II. Leonardus supplicavit, & obtinuit insignem Bullam anno 1458. Idibus Januarii Romæ apud S. Petrum, Pontificatus ejus anno primo editam, qua sanctissimus Pater monasterium nostrum in suam protectionem suscipit, omniâque bona & immunitates confirmat. Pius II. antea Æneas Sylvius Piccolomineus dictus, pronior in vota Leonardi facile sperabatur, fuit enim Æneas Sylvius, utpote Nicodemi Episcopi Erisingehsis olim Secretarius, Leonardo nostro jam dudum notus in monasterio primæ suæ Professionis Frisingæ proximo commoranti, priusquam hinc ad Fontes nostros transiret.

14. Eodem anno fundamenta sunt jacta Parochialis Ecclesiæ S. Viti Landspergæ: primum lapidem posuit Abbas noster Leonardus. Quo tempore cautum voluit monasterio nostro, nequid juri decimarum Landspergenium nobis decederet, quod timebatur, quia anno priorē Abbas & Conventus Senatui Landspergeni condescendit, ut iste, salvo nobis jure præsentandi, Vicarium perpetuum Landspergæ, & alios ibidem Beneficiatos, jus haberet eosdem nominandi. Factum hoc erat civium bono, ut filiis suis ad statum clericalem aspirantibus facilius providere de Ecclesiastico Beneficio possent, atque promptiores monasterii commodis promovendis forent. (b) Weilhemii verò, cujus Ecclesia Parochialis pleno etiam jure monasterio nostro dudum fuit annexa, acrior excitata contentio est; nam coloni Wielenbacenses, quibus Capellanus Weilhemensis sacra ministrat, plura, quàm deberi credebantur, à Curato suo officia apud Leonardum Abbatem postulabant. Res devoluta est ad Petrum Episcopum, & Cardinalem, qui omnia singulatim designavit, & omne dubium sustulit.

(f) *Cbron. Hirsang. Tom. II. fol. 423.* (g) *Syntagma Joachimi post Indioem antiquum fol. 2.* (h) *Cod. A. fol. 40. hanc synopsis exhibet:* Condescensio nominationis Landspergenium ex parte Parochiæ & aliarum Missarum ibidem, nempe Beneficiorum fundatorum.

§. IV.

Externa negotia & obitus Leonardi Abbatis.

15. Cùm Ernestus Bavariz Dux diem obiisset supremam, qui in Monte sancto Andecensi Collegium Canonicorum fundaverat, Albertus III. ejusdem successor, DEO inspirante aliud consilium pro majori loci veneratione cepit. Videbat de septem Canonicis non nisi unicum Andecii residere, adeoque perparum SS. trium Hostiarum, & innumerabilium Reliquiarum cultum promoveri.

16. Memor quoque ab antiquo locum per Benedictinos cultum, majori Religione floruisse, Nicolæum Cusanum, S. Petri ad vincula Cardinalem, consilii sui certiorē factum, ad montem sanctum adduxit, ut sacrum Thesaurum inspiceret. Purpuratus hic Præsul summo Pontifici consilium Ducis significavit, nec tardum invenit in hujus vota. Nam paulò post sanctissimus Pater solemnem Bullam ad Albertum Ducem trans-

transmisit, qua Wilhelmo Abbati Benedictoburano mandabatur, ut certis conditionibus observatis, collegium Canonicorum in monasterium ordinis Benedictini Apostolica autoritate converteretur. Illas ut imple-ret, biennium Albertus adhibuit, Bullam interim ad Wilhelmum Abba-tem misit; qui, cum petitas condiciones impletas cerneret, transmuta-
tioni diem præfixit 17. Martii, anni 1455.

16. Cum igitur dicta dies affuisset, Wilhelmus Abbas in monte san-cto comparuit, & præmissis præmittendis, ad executionem Pontificis Bullæ processit, vidensque omnes à Sanctissimo præscriptas condiciones impletas, in communi triclinio Præposituram in Abbatiam mutavit. So-lemnitati intererat ipse Albertus III. ejus nominis Bavarie Dux, Caspa-rus Ayndorffer Tegernseensis, Erhardus Eberspergensis, Wilhelmus Schyrensis, & Leonardus noster Wessofontanus, Abbates; Georgius Raittenbuchen-sis, Conradus Diessensis, Henricus Pollinganus, Præpositi; præterea Bernardus Tegernseensis, & Georgius Wessofontanus, Prio-res: E statu verò seculari complures Illustrissimi cum duobus Notariis. (i)

17. Eodem anno, instante Alberto Duce, in festo S. Georgii venē-re ad montem sanctum in locum 7. Canonicorum totidem monachi Be-nedictini ex monasterio Tegernseensi, quibus præesse Administrator jussus est Eberhardus Stöcklinus, Udalrici Abbatis nuper nostri germanus, aut certè cognatus, & Professionis eodem in monasterio, supradicti Caspari-ouris reformato, focus. Qui cum triennio novum S. Montis monaste-rium feliciter administrasset, anno 1458. Dominicæ S. Jacobi festum præcedente in Abbatem solemniter est consecratus. (k)

18. Leonardus noster, hoc S. Ordinis augmento recreatus, cum suo, suorumque post mortem solatio foedera plura iniisset, cum Weihen-stephanensibus (l) Raittenbuchen-sibus (m) Ettalensibus (n) Diessensi-bus (o) Pollinganis (p) Neocellensibus (q) Donawerdanis, (r) diem su-premam post biennium lætus excepit die 2. Julii, ipso Deiparæ Effabe-tham visitantis festo, anno 1460. cum præfuisset annos 17. sepultusque est in capella S. Benedicti, communi Abbatum conditorio. Tumulo im-positus lapis prægrandis, cui Leonardi effigies, cum ejusdem scuto gen-tilitio, & sequenti epitaphio insculpta, hos versus seu lineas exhibet:

*Sint Domino grati cuncti illuc tumulati
Abbatum omnium, qui sunt, erunt & fuerunt
Atque Leonhardi, qui decessit annoque tali,
Millesimo quadringentesimo, sexagesimo.*

(i) *Omnia hæc leguntur explicatis in Chronica Benedictoburano Cap. XX. § III. fol. 185. & seq. Ubi in opere, quod Meichelbeckius ibidem allegat (Himmel auf Erden, seu Cælum in terris) germanicè edito, P. III. cap. 4. a fol. 123. & seqq. (k) Cælum in terris fol. 162. (l) Anno 1449. (m) eod. anno. (n) An. 1450. (o) eodem. (p) eodem. (q) anno 1451. (r) anno 1453.*



SÆCULUM OCTAVUM WESSOFONTANUM,

CAPUT I.

Paulus II. Abbas XXXIX.

§. I.

Pauli II. Electio.

1. **P**AULO hujus nominis secundo, in Abbatum serie trigesimo nono, natalem dedit dicio Wessofontana, eadèmq̃ue Parœcia regenerationis lavacrum. Religionem in cœnobio nostro professus, & ad severiorem disciplinam educatus, per varia officia providè administrata ad gerendum Prioris munus ascendit. Leonardo decessore 2. Julii, in festo Visitationis B. V. piè defuncto, nulla fuit fratribus hæsitatio, quem sibi præficerent. Quarto statim ejusdem mensis die, quo sancti Udalrici Episcopi Augustani solemnitas celebrabatur, concordibus votis electus fuit Paulus noster, promptoque Episcopi consensu, decimo post die Abbas confirmatus; consecratus verò 4. Idus Augusti in festo Laurentii Martyris à Joanne Tulbeck Episcopo Frisingensi: fortè quòd Eminentissimus Petrus de Schaumburg impeditus esset, eo maxime anno, quo satis occupabarur turbis Elvacensibus, ejusdèmq̃ue monasterii in Collegium Canonicorum conversione: vel quòd Augustæ Martino Dieminger nondum successisset Jodocus Aursperg. Joannes verò Episcopus Frisingensis, qui tunc cum Benedicto-Buranis de quibusdam pascendi, piscandique juri- bus contendebat, potuit à Petro Cardinale invitatus consecrationis hujus officium ex itinere præstare. (a)

Y y

2. Tan-

2. Tantæ celeritati in eligendo & consecrando Paulo ansem sine dubio præbuit nota viri virtus, & meritorum fama, ac indubia spes, inter summos eum Præsules futurum. Nec profectò illa quemquam fefellit, sicut acta Pauli re ipsa monstrârunt.

(a) *Chron. Benedictobur.* fol. 246. ad annum 1469. quo Paulus noster electus est.

§. II.

Acta Pauli pro cultu divino & Religionis augmento.

3. **V**ix electus in Abbatem Paulus monasterium renovavit, & omnia loca regularia ad meliorem formam redegit, quæ etiam ab eodem Joanne Episcopo consecrari curavit, quo tempore ipse consecrationem accepit.

4. Ad promovendum decorem domûs Dei pro divinis officiis varia vestimenta, sedilia, picturas, illas præcipuè apud Aram Deiparæ in cœlos assumptæ in sacello Abbatis, procuravit, templum monasterii novis altaribus auxit, primo trium sanctorum Regum, altero sancti Wolfgangi Episcopi Ratisbonensis honori dedicato: atque hoc posterius quidem ad preces Nobilissimi viri Pauli de Freyberg, & uxoris ejus Ursulæ: familia verò Freybergica sepulturam propè idem altare sibi pridem elegerat. (b)

5. Ut ædificiorum clausuræ consuleret, hortulum conventûs designavit, muroque cinxit. Triclinium elegantibus picturis exornari jussit. Presbyterium templi, sacellum S. Mariæ Magdalenz, & totum dormitorium lapideo pavimento stravit.

6. Curam singularem impendit antiquo sacello. Beatissimæ Virginis in cœlum assumptæ, quod vulgò *antiquum monasterium* (das alte Münster) vocabatur. Novam veteri illi, & pro eâ ætatè splendidam formam Paulus dedit: novo illud & ampliore odæo instruxit: Organo etiam pneumático locupletavit: tribus altaribus decoravit: campanellam adjunxit. Nil aliud ad has impensas Paulum impulit, nisi antiquæ loci religio; vetus enim, & à trecentis annis propagata opinio est, sacellum illud antiquam fuisse & principem monasterii nostri Ecclesiam, donec nempe major hæc, vel alia à Thassilone fundatore, vel ab Adalberone Abbate, post illatam ab Hungaris ruinam construeretur. (c)

7. Nova huic ædi conciliata religio fuit tunc, cum septem Martyrum integræ exuviz è loco exantlatæ pro Christo mortis in eandem fuissent translata, honorificèque depositæ. Accessit anno 1130. Beatæ Dismudis nostræ virginale corpusculum, ad latus Beatorum Martyrum, tenui tantum pariete interposito, eodem sepulchro conditum. Crevit utroque honor posterioribus annis; nam circa annum 1227. Conradus

Pozzo,

Pozzo, ante hac Plebanus Landspergensis & Pyrgensis, fundavit perpetuum Anniversarium cum Vigiliis & sacrificio celebrandum, & quidem in hoc sacello Beatissimæ Virginis, *ubi Corporale præmissa Die madis est humerum.* (d)

8. Antiquum S. Othilia Virgo cultum in Diocesi Augustana obtinuit, ejusque memoria die 13. Decembris in officio divino variis locis solemniter celebratur. Paulus Abbas anno 1483. ejusdem honori sacellum in Agro Rottenfensi à fundamentis erexit, idque duobus altaribus, præter illud sanctæ Othiliæ auxit, quam anno sequente die 13. Mensis Augusti consecrari fecit. Anniversariam tamen Dedicationis memoriam in Dominicam 1. Augusti reſecti Episcopus jussit. Frequens ad sacellum istud recursus fidelium ab antiquo jam fuit, hodièque cernitur, eorum maximè, qui cæcitatibus periculo, & cuicunque oculorum ægrimoniam levamen quærunt. Nec defuit diva se invocantibus, quin petitum beneficium daret. Unum è multis insigne tabula magna prope aram suspensa rhythmis germanicis testatur, puellam videlicet Dieffenſem, nondum sexennem, sed à natiuitate cæcam, multis tandem precibus à parentibus extorsisse, ut se ad sanctam Othiliam ducerent, certam, se ibi lumen recepturam. Ducitur cæcula, sacellum inter parentum manus ingreditur, ad aram ducitur, cum subito illuminata pueriliter parentem rogat: hunc mihi quæſo infantulum emas; viderat enim pueri Jesu figuram in ara positam. Tum parentes hortati, ut hospitatrici suæ gratias ageret, & gratitudinis suæ officio perfuncti cum filiola, jam ducis non indiga, læti Dieſſam reversi sunt. Hodie hæc Ecclesia turricula lateritia, & orichalco tecta, novoque sacrario aucta, à multis accolis S. Othiliæ cultoribus maximè in thavmaturgæ hujus sanctæ Virginis festo, frequentatur.

(b) *Hund. Metrop. Tom. III. fol. 485.* (c) *Lucem aliquam offert superius Sacul. I. cap. I. §. III. num. 41.* (d) *Vid. Sac. IV. cap. VIII. §. II.*

§. III.

Romana Privilegia Pauli Abbatis precibus concessa.

9. Vigilantissimus pro juribus monasterii nostri Abbas ad summum Pontificem Paulum II. supplices litteras dedit, tum generatim pro confirmandis omnibus monasterii bonis, tum singulariter pro iis, quæ in Ecclesias Rottenſem & Illinganam monasterio competeabant. Promptissi-

mun in vota sua Abbas Pontificem invenit, nec magno labore Bullam obtinuit, qua sanctissimus Pater omnes libertates & immunitates à Predecessoribus suis Romanis Pontificibus siue per privilegia, vel alia indulta, nobis & monasterio nostro concessas, nec non libertates & exemptiones secularium exactionum à Regibus & Principibus, aut aliis Christi fidelibus nobis & monasterio nostro rationabiliter indultas, specialiter autem decimas, primitias, agros, terras, possessiones, fructus, redditus, proventus, aliisque mobilia & immobilia bona ad dictum monasterium legitime spectantia: nec non sancti Joannis Baptiste in Rot, & Margaretha in Tüßingen, ac alias Augustana Diœcesis Moguntina provincia Parochiales Ecclesias &c. Autoritate Apostolica confirmavit. Romæ anno Incarnationis Dominicæ MCCCCLXX. undecimo Cal. April. Pontificatûs anno septimo. De utraque Ecclesia & veteri nostro in eas jure jam alibi à nobis actum est, Bullam integram secunda parte daturis. (c)

10. Mortuo dein Paulo II. summo Pontifice, ejusque successore Sixto IV. apud Innocentium Octavum Abbas noster generalem omnium bonorum nostrorum confirmationem pari facilitate obtinuit, Romæ expeditam anno Incarnationis Dominicæ MCCCCLXXXIII. Idus Junii, Pontificatus sui anno quarto.

11. A Pontificibus ad Cardinales descendimus, qui haud minus promptos Pauli Abbatis precibus se præbuere. Pro sacello Beatissimæ Virginis in cœlum assumptæ, de quo paulò antè dixeramus, sollicitus Abbas, & devotos ad illud Deiparæ cultores allecturus, non alia ratione melius sine suo potiturum se arbitratus est, quàm si populus Christianus oblatis Indulgentiarum thesauris ad exhibendam frequentiam excitaretur. Tempore igitur Sixti V. Pontificis votum precésque suas Purpuratis Patribus exposuit, qui pro sua, qua tunc valebant, autoritate litteras dedere refertas gratiarum. Quatuordecim fuere Cardinales, singulique centum dies de injunctis eis pœnitentiis relaxârunt iis fidelibus, qui quatuor Deiparæ festis verè pœnitentes & confessi in festis illius Annuntiationis, Assumptionis, Nativitatis & Purificationis visitarent, & ad sacelli prædicti reparationem manus porrigerent adjutrices. Ad tantam verò liberalitatem Purpurati Patres movebantur, cupientes, ut capella Beata Maria Virginis sita in ambitu monasterii S. Petri in Wessobrunn Augustensis Diœcesis, in qua, ut accepimus, jacent septem corpora Martyrum tempore S. Udalrici ab Ungaris Martyrizatorum, congruis frequentetur honoribus &c. Datæ erant hæc litteræ anno à Nativitate Domini millesimo quadringentesimo octuagesimo tertio die tertia Aprilis, SS. Patris Sixti Papæ Quarti anno duodecimo. (f) Verùm hæc de summorum Pontificum & Purpuratorum Patrum favori-

bus

bus dicta sufficiant, ut Paulo nostro tam monasterii commoda, quam Divini honoris augmenta mirifice cordi fuisse intelligamus. Videre nunc restat, quid etiam patriæ, quid viciniae nostræ obsequiorum præstiterit.

(e) Si nempe per opusculi hujus & temporis angustias licuerit. Interim videatur Index. (f) Has Cardinalium litteras recitavimus supra fol. 73. §. III. Testimon. II.

§. IV.

Officia publica.

12. **D**ividia, ac simultates, quæ inter fratres Albertum & Christophorum Bavarie Duces exarserant, non alio magis alebantur fomite, quam Nicolao Abenspergæ Dynasta, qui pertinaciter Alberto natu majori adhærebat: credebatur ergo, hoc uno sublato posse pacem conciliari, & gratiam inter fratres coalescere: at res eò tandem recidit, ut, quæ inter eos gliscebant controversiæ, non certiori, nisi publico vicinorum Principum & selectorum Bavarie Ordinum arbitrio, dirimendæ viderentur. Anno Domini 1485. statuta dies designata judicii sedes Monachium: advenerunt post Paschales ferias Joannes Palatinus Rhenanus, Præpositus Augustanus, & hic quidem, agmine Themidi formidando quingentorum equitum stipatus. Lecti ex omni numero Principum & Ordinum Provinciæ viri sexaginta quatuor, quorum arbitrio controversia finiretur. Quosdam, & fortè præcipuos ex Ordinibus, vetus nobis Catalogus exhibet in compendio, ex quo hoc loco solos Prælatos monasteriorum dabo. Comparuere ergo ex superiore Bavaria Deputati Paulus Abbas Wessofontanus, Joannes Vendius Præpositus Pollinganus, Oblignatores Conradus Abbas Tegernseensis, & Paulus noster, cum Præposito Undenstorfsenfi. Ex Bavaria inferiore Abbates Prüllensis, & Monasteriensis: Oblignatores verò Abbates Altachensis, Pruseningensis, cum Prüllensi. Pleniorum Equitum & Civitatum seriem parte secunda in gratiam nobilitatis artisque proferam.

13. Videbatur res plena difficultatis & incerti exitus fore, fuissetque certè, nisi Alberti sapientia breviorum ad claudendum Jani templum viam invenisset. Christophorum fratrem ad colloquium invitat, venire hæsitanti spondet fore, ut suæ eum facilitatis non pœniteret: venientem humanissimè excipit: suadet, felicius solos inter fratres controversiam ex-

perditum iri, quam si diversorum arbitrio permitteretur, quorum animi diversis trahi affectibus magis, quam veritate possent: neminem certe Christophoro tam æquum, quam se ipsum, fratrem fratri, fore. Illud premi ære alieno: id omne Albertum dissoluturum de suo: si pristini proventus tenuiores viderentur, ultro se offerre quaterna in singulos annos aureorum millia: Land(pergensium loco Schongaviam fore, mansurum Weilhemium, ad Palam additam iri Lechspergam, & annexas quaesturas. Delinquit verborum suavitatem Christophorus, unaque cum fratre progressus in Comitum supervacuo labore Proceres liberavit, palam professus, sibi ab Alberto abunde satisfactum esse, nec superesse aliud, quam ut, quæ jam privatim convenissent, in tabulas referrentur. (g) Quibus celeriter communi læticia confectis, suoque sigillo obsignatis Paulus noster officio suo perfunctus ad cœnobium rediit. Cum ultimum jam visum Monachio, Prælatorum inter Provinciæ Ordines natu maximus esset.

13. Non minus memoria dignum est, quod subjungo. Præpositus & Canonici Pollingenses, cum ab immemorabili tempore monasterio suo incorporatas tenerent Ecclesias Eberfanganam, Oettinganam, Apfidosensem, S. Hippolyti apud oppidum Weilheim, & Walleshusanam, pro earum secunda possessione summo Pontifici Paulo secundo supplicaverant. Pontifex eorum votis annuens Abbati nostro Paulo per Bullam 1470. 10. Cal. Aprilis editam confirmationis promulgandæ negotium committit. Id Paulus Abbas debita solemnitate præstitit in cœnobio nostro Wessofontano, ubi suo & totius monasterii nomine comparuit Joannes Præpositus Pollinganus, cum Georgio Gebhart Weilheimensi & Benedicto Weigling Birgensi Plebanis: Notarii munus obeunte Joanne Wirsing sigillifero Augustano, anno Domini 1471. die 13. Augusti. Eandem incorporationem confirmarunt Bavaricæ Duces Albertus sapiens Monachii anno 1477. & Christophorus 1481. Weilhemii litteris subsignatis. (h)

(g) *Adlzreitter Annal. Boic. P. II. lib. IX. num. XLIII. Sc. colum. 197. & 198.*

(h) *Totam Commissionem & Expeditionem habemus typo impressam.*

S. V.

Pauli Abbatis cura pro mortuis.

14. **A**ntiquissimus mos sacrarum Fraternitatum, quas inter se religiose communitates inierant, ad præstanda defunctis subsidia, hæc de-

novo

nua ætate refluunt, qua per Concilium primum Basileense, tum Constantiense, ordinis nostri restaurari cœperat disciplina. Paulus noster majorum insistens vestigiis, plures quàm alius quisquam Abbatum, Fraternitates inlit. Primo statim acceptæ dignitatis anno salutari ejusmodi fœdere sibi suisque devinxit Benedictoburanos & Staingadienses: post annos quatuor cum Biburgensibus, Ordinis tunc nostri, & Congregationis Castellensis Monachis: paulò post cum Eberspergensibus, & Augustanis S. Udalrici Religiosis: demum cum Priflingensibus, S. Magni Faucensibus, Rottensibus ad Oenum, Andecensibus, & Seeonensibus. Juvat horum postremorum litteras hoc loco ponere, ut Lector rationem videat, qua olim monasteria in sacrum fœdus coirè consueverint. (1)

„ 15. Reuerendo in Christo Patri Domino Paulo Abbati, Venerabilibus ac Religiosis Patribus & Fratribus Johanni Priori, torique
 „ Conventui monasterii sanctorum Apostolorum Petri & Pauli in Wessensprunn ordinis sancti Benedicti Augustensis Diœcesis Erhardus DEI
 „ permissione Abbas, Georgius Prior, totusque Conventus monasterii S. Lamperti in Sevyh, Salisburgensis Diœcesis, fraternæ caritatis affectum in effectu cum felici translatione hujus erumpnose calamitatis
 „ ad gloriam immortalem. Cum invidia & fraude maligni seductoris totius humani generis conditio per peccatum adèd sit excæcata, infecta, & virtute depressa, ut magis quod non licet, quàm quod expediat
 „ prosequatur: nec sumus sufficientes aliquid ex nobis tanquam ex nobis cogitare, multo verò minùs prosequi & perficere, rationabile quidem videtur & congruum, ut qui ollas carniū cum cepis & alleis
 „ carnalium voluptatum & terrenarum affectionum in Egipto febrosæ & mundialis dolositatis reliquerunt, viam lucis tramite trium dierum, videlicet castitatis, paupertatis, & obedientiæ, in desertum sanctæ religionis processerunt, & manum operosæ virtutis ad aratrum spiritualis profectus apposuerunt, non post tergum videntes, sed veloci cursu cœptam viam proficiscantur, ut non caduca sed vera bona sine fine
 „ mansura quærant, & ad eadem, de virtute in virtutem incessanter ambulando feliciter tandem perveniant. Quod nos nullo medio validius & perfectius fieri judicamus, quàm devotis & sinceris orationibus, quæ sunt vera instrumenta nostræ salutis dicente Jacobo Apostolo: orate pro invicem ut salvemini. Sed neque oratio, aut quodcunque aliud bonum sine charitate, quæ omnia facit communia & quæ omnia potest, supremo placeat largitori. Amplectamur igitur eandem, ut suis pro invicem pils obsecrationibus, quod unum membrum imbecillitate præventum nequeat perficere, alterius profectū & virtute
 „ sup-

„suppleatur. Igitur vestræ sinceræ charitatis affectus & piz intentionis
 „fervor, quem ad nos immeritos & ad nostrum monasterium concep-
 „stis, uberius orationibus adjuvari suffragiisque irrigari, ut quo largius
 „à Patre luminum super vos gratiarum coruscat illustratio, eo caritas
 „vestra in ipso felicius proficiat. Nos igitur tali vestræ caritatis affectu
 „allecti, & vestræ religionis ac honestatis percelebri fama attracti ma-
 „tura deliberatione præhabita decrevimus finem charitatis nostræ in
 „singulare vestræ confraternitatis consortium dilatare: ita ut plena
 „fraternitatis ac bonorum omnium communionis in Missis,
 „orationibus, eleemosinis, abstinentiis, ac aliis virtutum exerci-
 „tiis, quæ divina clementia per devotos nostros comilitones præ-
 „sentes & futuros dignabitur operari, vobis omnibus, præsentibus
 „& fututis, cordiali affectu in sinceritate spiritus hilariter ac pleno
 „desiderio elargimur in vita pariter & in morte. Adjicientes, ut cum
 „obitus fratris unius aut plurium prædicti Monasterii vestri professi vel
 „professorum nobis intimatus fuerit, vigiliis & Missam defunctorum
 „cum cerimoniis juxta consuetudinem nostri monasterii persolvamus:
 „insuper & singuli sacerdotes Missas legentes singulas Missas, cleri-
 „ci verò Missas non legentes officium defunctorum totum, vespers
 „& vigiliis novem lectionum cum laudibus, sed & fratres Conversi lai-
 „ci centum Pater noster cum totidem Ave Maria dicere tenebuntur, id-
 „idem à vobis pro nostris vicissim obligari cupientes. Ut autem hæc
 „irrefragabiliter futuris temporibus inviolata permaneant, præsentat
 „vobis transmittimus litteras sigillorum nostrorum munimine configna-
 „tas. Datum in nostro prædicto monasterio anno Domini millesimo,
 „quadringentesimo octogesimo quinto feria secunda post Gregorii
 „Papæ. „(k)

(I) *Inita sunt hæc Fœdera cum Eburanis & Staingad. 1460. Biburgensibus 1464.
 Eberspergensibus 1465. Priglingensibus 1467. Füssenibus 1479. Rottensibus 1484.
 Augustanis S. Udalrici, Andecensibus, & Seonensibus 1485. (k) Has litteras ex-
 biber Cod. B. in fine.*

S. VI.

Obitus Pauli II. Abbatis.

16. **P**Ræter ea, quæ Paulus ad divinum cultum, Religionis augmentum,
 disciplinæ vigorem, patriæ vicinæque obsequium præstitit, oeco-
 nomix etiam fructuosius gubernandæ providit. Nam & à celo-
 nia

niis in Tyroli pro vino Athesino pendendis libertatem à Rege Sigismundo obtinuit, obtentamque renovari iteratò impetravit. Aedificavit furnum ad coquendos lateres, & propè hunc Celfensem accommodata fecandis arboribus molam. Domus villanæ partem anteriorem extruxit ampliorémque capiendæ familiæ fecit. Domum quoque novam erexit pro præbendariis, atque ita priscam consuetudinem in ordine nostro antiquitus vigentem & à S. Wilhelmo Hirsaugiensi propagatam refuscitavit juxta quam pii fideles laici vel virium debilitate, vel negotiorum terrestrium satietate, vel senectutis onere fessi, vitæ reliquias in divino obsequio quietius transigendi desiderio, ad cœnobium se recipiebant, facultatum suarum residuum monasterio consignabant; si non haberent, servitia sua præstabant; & vicissim præbendam, seu statutam cibi potusque portionem à Conventu recipiebant, unaque in domo extra clausuram intra tamen monasterii limites convivebant, labori manuum suis vel Ecclesiæ commodis promovendis intenti. (1)

17. Tot, tantisque laboribus per annos viginti sex fatigatus, plenusque meritorum Abbas præstantissimus, supremam diem obiit anno 1786. die 18. Februarii, quo inciderebat sabbatum ante Dominicam Remissionis. Decebat nempe tali die, Deiparæ sacra, mori Mariophilum, qui tam ferventer pro illius sacelli ornatu laboravit. Quam vivus tenerrimè dilexerat, in illius sacello tanquam materno gremio mortuus sepeliri exoptavit, & obtinuit. Tumulo impositum fuit prægrande marmor, totam defuncti figuram exhibens. Limbum lapidis implent versus seu rhythmi ad asperam illius sæculi incudem infelicitè fabricati.

*Hic omnes transeuntes verba percipite,
Et mente sincera auscultate,
Quod hic jacent in fossa
Pauli secundi Abbatis ossa.*

Verùm nihil jam morator Paulus epitaphium qualecunque; nam

*Qui legit æternæ se scriptum in codicè vitæ,
Insculptum tumulo non petit elogium.*

(1) Codex E. omnia hac adificia recenset fol. 34. & 35. Stephani nostri memorata.

§. VII.

Frater Abbatis Sebastianus Ranck, Parochus in Peyren.

18. **V**ir iste memoriâ dignus est, qui non solum religione, sed etiam prudentia, eruditione & officiis monasterium nostrum sibi devinxit. Amor fratris germani (Pauli videlicet Abbatis) & patriæ Wessofontana virum incenderant, ut nihil aliud animo coveret, nihil cogitaret aliud, quàm quomodo promoveret commoda nostrâ. Parochiam Peyrensem nostri hodie Patronatûs, cui subiecta est arx Greiffenbergica, curabat Sebastianus, eamque sibi existimationem conciliaverat, ut negotia diversa ipsi ab Episcopis committerentur. Paulo Abbate in Præsulem electo, vir iste germano suo multò junior, litterariis præter animarum curam laboribus se occupabat. Possidemus hodieque librum (cui titulus: *Collectura monasteriorum Sebastiani Ranck*, adscriptus est) propria ipsius manu exaratum; Episcopatum, Ecclesiarum tam secularium, quàm Regularium foundationes continentem non in sola Bavaria, sed foris etiam constructarum. Ætatem Andreæ Ratisbonensis, & Vid. Arenbeckii si consideres, facile suspiceris, Sebastianum à primo multa mutuasse, alteri nonnulla etiam de suo subministrasse: (m) adeò non sententiæ solum, sed & verba quandoque conveniunt. Ceterum hunc monasteriorum Collectaneum non indignum putavit Monachus quidam noster Anonymus, quem sæculo 16. elegantiore charactere rescriberet, auctumque pleniore Thassilonis historiâ, posteritati relinqueret. Sebastianò ad historiam nostram, præter alia multa, debemus Catalogum ordinum Provinciæ Monachii præsentium, cum Alberti & Christophori Ducum controversiæ, de quibus supra, componerentur. Paulò ante obitum fratris, singulari erga SS. quatuordecim Auxiliatores religionis actus, Româ suis precibus & expensis pro fidelibus, illorum aram in Ecclesia monasterii nostri positam devotè frequentantibus, obtinuit litteras quatuordecim Cardinalium sigillis munitas: quorum quilibet confessis, & communicatis in festis SS. Petri & Pauli, Thomæque Apostolorum, Sebastiani Martyris, ac Dedicationis ejusdem altaris centum dierum indulgentias concessit, Romæ 1485. die vigesima nonâ Novembris, Innocentii VIII. Pape anno secundo.

19. Defuncto jam Abbate germano nihil tamen ab amore in monasterium suo Sebastianus remisit. Nam Joannis quoque, qui Paulo in Præfultu successit, Electioni testis & adjutor adfuit, ut mox ostendimus. Et cum in Augustana curia contentio dirimeretur, quid Parochiz Patrensis monasterio nostro incorporatz Curioni deberetur ad congruam sustentationem, itidem Sebastianus assistebat. Transactionis porro hujus historiam sub Joanne Abbate elucidabimus: de aliis Sebastiani meritis & obitu nihil sub manum venit: Deus illius obsequia remuneretur in gloria.

(m) Vide Tom. III. Anecd. Perii Dissert. Isagog. in Partem III. fol. XXV.

C A P U T II.

De Joanne, & Petro II. Abbatibus.

§. I.

Joannes Abbas XL.

1. **J**Oanni cognomento Molitori natalem lucem Isna contulit, Imperialis Suevorum civitas. Inde clarescente novi monasterii Andecensis famâ deductus in Bavariam, ad sacrum ordinem ibidem susceptus sic se probavit Andree Abbati, ut in Capellanum fuerit ab eo assumptus, futurus ab epistolis, aliorumque laborum adjutor.

2. Paulo Ranckio Abbate nostro Februarii die 19. defuncto ad novi Antistitis electionem, tum Episcopi, tum Bavariz Ducum Authoritate constituta est dies quarta Martii. Aderant Abbates Andreas Andecensis, & Narcissus Benedictoburanus: aderat Jacobus Wirsing, Joannis de Wendenperg Episcopi Augustani nuper 10. Jan. defuncti sigillifer: aderant & vocati testes Sebastianus Ranck Abbatis defuncti frater, & Georgius Hünigerlein de Weilheim presbyteri. Fratres nostri, qui eligendi jure gaudebant, ultro compromiserunt, in supradictos Dominos Abbates, quemcunque illi monasterio utilem nominassent Abbatem, Præsulem si veneraturos.

3. Electus ergo fuit P. Joannes Molitor, Andreæ Abbatis Andecoræ Capellanus, qui modestissimus tota contentione continebatur, nec speratam, minus ambitam dignitatem offerentibus. Nihilominus obedire coactus est, ut *introducetur observantia Regularis*. Nescio, quænam disciplina corruptio, aut languor saltem, irrepere potuerit, ut extraneus optaretur Præsul, & ipsi Majores nostri tanquam rejeçam alieno arbitrio gerendam committerent, cum nuperrimè ab Ulalrico Stöckl Tegerseconsi inepta, à Leonardo Vöttinger Weihenstephanensi egregiè propagata fuerit disciplina, & cultus divinus insigniter auctus à Paulo Rankio Wessofontano: nisi fortè postremis annis remitti coeperit fervor, cum Abbatem Paulum abesse sæpius cogerent publica negotia Patriæ, inter cujus Patres conscriptos fuerat adlectus, ut superius in ejus Actis narravimus.

4. Sabbatum erat ante Dominicam quartam Quadragesimæ, cum Joannes proclamatus est Abbas. Proximo dein sabbato, undecimâ Martii Augustæ confirmatus, & duodecima sequente, qua S. Gregorii Pape festivitas in Dominicam Passionis inciderat, in Abbatem fuit consecratus. Vacabat tunc sedes Episcopalis, donec tandem Friderici III. Imperatoris, & filii ejus Maximiliani commendatione, Episcopus renunciatus fuit Fridericus Comes de Zolleran, decessoris sui ex sorore nepos, magnus Catholicæ Religionis zelotes. (a)

Prima Joannis sollicitudo fuit, ut monasterii bonis, toties labem, fraudes, infidias & detrimenta passis, firmitatem afferret. Impetravit ergo ab Innocentio VIII. Bullam, qua omnia potestate Apostolica confirmantur Romæ ad S. Petrum, tertio Idus Junii, Pontificatus anno quarto. Deinde ut non solum hætenus parta tueretur, sed etiam novis redditibus monasterium auget, quo lætiores Domino servirent monachi, iugum disciplinæ æquius ferrent, numero etiam augerentur, pauciorum opera sublevaturi, Alberto Bavariz Duci ejus nominis quarto suppliciter commendaticias ad summum Pontificem Innocentium VIII. litteras petit. Nec difficilis in preces dux fuit, cum Joannem nôset Montis sancti Andecensis antea inquilinum, quem in locum tam ipse, quam Chunigundis conjux Friderici III. Imperatoris filia tenerrimè afficiebantur. Accessit, quod monasterium nostrum à *præmonstratis suis fundatum* pro certo habens, hoc etiam nomine illud commendaret, singulariter petens, ut Ecclesia S. Petri Bessingana monasterio nostro cum fructibus suis uniretur. Pontifex Ducis petitioni, quem Romæ olim hospitem noverat, unde etiam rediens cognomentum sapientis retulerat, promptus annuit, & Apostoli-

solitas litteras expedivit, in quibus monasterium nostrum *ab singularum* *diverſimodis affectum* laudat, dictamque Parochiam, ſalvis Vicario perpetuo neceſſariæ ſuſtentationis adminiculis, cœnebio noſtro pleno jure incorporat. Romæ ad S. Petrum anno 1488. 16. Cal. Septembris.

6. Supererat, ut Vicario perpetuo certi redditus assignarentur. Arbitrium devolutum fuit ad Vicarium generalem Reverendiſſimi D. Friderici Episcopi Auguſtani, qui Vicario tunc Eccleſiam curanti, D. Joanni Plöm, congruos redditus tam pecuniarios, tum ex agris recipiendos assignavit literis Auguſtæ datis, anno 1487. die 7. Cal. Sept.

7. Simile negotium Joanni Abbati obortum fuit anno 1490. cum D. Hedakricus Schüſſler, Vicarius Eccleſiæ S. Joannis Baptiſtæ in Patr., certam congruæ ſuſtentationis ſuæ definitionem peteret. Descendit Abbas ipſe Auguſtam cum F. Vito Maurer Conventuali Weſſofontano, ubi Venerabilem viſorum Joannis Viſchor Friderici Episcopi ſigilliſeri, Joannis Manſſee curiæ Auguſtanae cauſarum Procuratori, aliorumque conſilio compoſitio tandem certis conditionibus facta eſt, quas hic enarrare longum eſſet. Inter teſtes aderat Sebastianus Ranck, ſuprà memoratus, monaſterii noſtri ſtudioſiſſimus. Notarius autem publicus & inſtrumenti deſuper confeſti Author Joannes Andree Clericus Auguſtensis & Doctor, publicus Imperiali authoritate Notarius. Quamvis porro Fridericus Episcopus 1491. compoſitionem hanc authoritate ſua confirmaverit, anno tamen ſequente novus iterum proceſſus judiciarius eſt inſtitutus, ſicut ex ſummario quodam intellige. (b) Invenio etiam in rhapsodia quadam ſolo titulo expreſſas litteras pro decimis majoribus ex certis agris Dürgeſfeldenſibus, per Vitum monaſteii noſtri Priorem vindicatis; alias item Henrici Molitoris Plebani in Gerenshaufen, Pizlingæ in Abbatis noſtri præſentia conditas. His non contentus Joannes Abbas nonnulla etiam ædificia ſtruxit, tam Landſpergæ, tum etiam in monaſterio noſtro, & hic quidem turrim cum carceribus & portam atrii, quæ in hodiernum diem perdurant, antiquæ ſimplicitatis documenta.

8. Quis crederet, Abbatem tam induſtrium paucos poſt annos dignitate ſua exutum iri? ſive id majori vel Bavarie Ducum, vel Episcopi authoritate factum ſit, ſive monachorum querelis, nihil ſcriptum invenio. Hoc ultimum ſuſpicari, fundamento non videtur carere. Forſitan altioris poteſtatis metu vel reverentiâ extorta fuit illa eligentium compromiſſio in egregios Abbates, quos ſuprà laudavimus. Forſan Dux ipſe Albertus, qui zelo magno ſerebatur in ordinem Eccleſiaſticum, ubicun-

que posset, reformandum, pondus adjecit: fortè fratres pacato Pauli Ranckii sollicito & laudabili sane 26. annorum regimine demulsi existimabant, de suo tandem gremio nonneminem posse inveniri gerendæ dignitati parem, ut extraneo non indigerent. Quidquid fuerit causæ, animorum quædam amaritudo nonnullos stimulasse videtur, ut quidquid Joannes in varias causas, ædificia, gratias procurandas expenderet, exactissime ad infimum usque teruntium annotarent. Quo fine nisi ut Joannem economiæ imperitum vel minùs parcum quàm monasterii paupertas ferret, arguerent? Eò res tandem devoluta est, ut Joannes dignitate cederet, quam tam æquo animo posuit, quàm ægro susceperat.

9. Stephanus noster ex inventis tum documentis, tum auditis Seniorum narrationibus, qui ad ætatem suam pertigerant, Joannis extrema hic ferè verbis refert: Prædictus D. Joannes Abbas anno Christi 1493. in ipso sanctissimi Patris Benedicti festo cum omni devotione summum peregit officium in Pontificationibus, & considerans, se esse involutum curis mundanis, & coram subditis suis minùs sufficientem, timens hujus caduci sæculi naufragium, animæque suæ volens prævenire detrimentum, deliberato animo revolvens illud dictum: Fratres sobrii esto, Illustrissimo Principe consentiente, volens se exonerare, resignavit Abbatiam, & absolutus est per D. Henricum de Liechtenau Doctorem, ac Vicarium, in festo S. Benedicti, quæ erat quinta feria ante Dominicam Judica. Sic absolutus sine omni pensione libere exiit, nihil petens à monasterio, atque, ut agnus mansuetus & pius, ductus est ad monasterium Schyrense, cum explisset apud nos ab electione sua annos septem, & decem dies. Schyræ verò post annos septendecim in religiosa quiete transactos pientissime obiit anno 1510.

10. Ex Leopoldi narratione facilè colligimus, Joannem fuisse virum placidum, tranquillum, & perquam religiosum, oneræque præsulatus ita volentem sese exonerasse, ut nullo alio impulsu opus esset. Pulcherrimum præbuit mansuetudinis & æquanimittatis exemplum, dum obtento jam Alberti Ducis in abdicationem assensu, à quo stabiliri potuisset, & coram præsentè Generali Vicario, mox absolutionem ab officio impertituro, tenerà in sanctissimum Patriarcham nostrum pietate summum DEO sacrificium Pontificio ritu celebravit.

11. Quam minimè commodi sui studiosus, & ab omni avaritiæ labem communis esset, novo exemplo monstravit, cum pensionem, alias renuntianti Abbati assignari solitam, recusavit: quam tamen alii inferioris no-

tae praesules extorqueri sibi passi non sunt, ut Fridericus Sættner, & Urbanus de Rottenstein, quos suo loco descripsimus.

12. Cum ab Henrico nobili de Liechtenau, postremo sui stemmatis, Canonico, Scholastico, Vicario, ac demum Episcopo Augustano, absolutionem accepisset, minus ægrè amissam dignitatem tulit, quàm qui à dulci somnio evigilans contemnit, quod se habuisse agnoscit. Nec sine numine Divûm contigisse existimem, quòd Schyram abierit ex nostris Fontibus, quos majori dein calamitate turbatos, alius ex Schyrensi conobio Praesul erat ad serenitatem reducturus, & quidem superstitute Joanne, ut videns reparatas denuò ruinas nostras lætior cum Simeonemoriens cantaret: *Nunc dimittis servum tuum Domine.*

13. Neque omittendum hoc loco triste incendium, quo celeberrimum monasterium Benedictoburanum anno 1490. in cineres confedit. Clarissimus Meichelbeckius narrat duos ex illo monachos, sicut alios alibi, in monasterio nostro fuisse hospites, donec illud restauraretur. Divinâ hoc providentiâ factum est, ut nostris quoque apud eosdem pateret janua, paulò post alia calamitate dispergendis. (c)

14. Sicut alii Abbates cum aliis monasteriis pia pro defunctis foedera inierunt, ira simile Joannes Abbas pepigit cum Canonicis summæ Ecclesiæ Augustanæ anno 1487. quod certis limitibus temperatum, hodie dum viget.

(a) *Hier. Aug. P. I. Cathed. fol. 296. num. 1. 2. &c.* (b) *Cod. A. fol. 7.* (c) *Chron. Baur. Parte I. fol. 203.*

§. II.

Petrus II. Abbas XLI.

1. **E**X monasterio Tegernseusi, quod summa disciplinæ laude & insignium virorum famâ clarebat, post Udalricum Reformatorem, hunc etiam Petrum Abbatem accepimus. Gente Silesius erat, nativitate Wratislaviensis.

2. Vix Joannes Abbas discesserat, venit seu majorum autoritate, seu fratrum voto Petrus iste ad Fontes nostros, paucosque post dies Dilling-

ingam se contulit, ubi ipsa Dominica Palmarum, quæ sit 31. Martii incidere, in Ecclesia ibidem Parochiali consecratus est Abbas.

3. Principio statim vigilantie laudem sibi comparavit tantam, ut videretur monasterium novo hoc Præsule respiraturum, certè quantum ad disciplinæ observantiam attinet. Dominica dein tertiâ post Pascha, die 23. Aprilis, Capitulo Provinciali Hirsaugiæ celebrato interfuisse novum Abbatem credimus. Præsidebant huic Joannes Trithemius Spanheimensis, Conradus Wiblingensis, Bartholomæus S. Crucis Donauverdæ, & Andreas Montis S. Michaelis Bambergæ Abbates. Fridericus II. Episcopus Augustanus, pro nostri monasterii commodo vigil, deputatos à Capitulo Visitatores monuit, ut quàm primum possent, ad Fontes nostros venirent, necessitates inspicerent, lapsa erigerent, obedientiam Abbati novo fideliter præstandam, fratribus inculcarent. Venerunt itaque eodem anno 28. Novembris Bartholomæus S. Crucis Donauverdæ, & Joannes S. Egidii Norimbergæ Abbates: quorum alter triennio post in capitulo Seggenstadli celebrato etiam præledit. Quid actum sit in hac visitatione, charta docet ab his Abbatibus ad observantiam nobis relicta, æqua paucâ alio loco dabimus. Summa, quantum ad statum monasterii attinet, hæc est: *Comperimus idem monasterium per sollicitudinem moderni Prælati in spiritualibus competenter stare: in temporalibus vero occasione debitorum dudum contrahorum satis collapsum.*

4. Pauca Petri Abbatis acta, quæ scripta reperimus, hæc sunt. Edificia quædam tum extra claustrum pro villa, tum intra monasterium creavit. Ad alleviandam egestatem Fratres quosdam ad alia monasteria in tempus aliquod sustentandos misit: inter quos E. Antonius Schoffer in monasterio Tegernseensi commoratus scripsit eleganti caractere Regulam S. P. Benedicti pro choro nostro, quæ in hæc usque tempora usurpatur. Denique Landspergensibus facultatem dedit, ut ipsi, salvo nobis jure præsentandi, Concionatores sibi nominarent. Nullum tunc apparerebat periculum damni publici, quod emergere posset libertate hac relicta populo, quia de Luchero nemo cogitabat. Præerat quidem lugubre Hussitarum exemplum, qui ferro & igne in Bavaria fines grassabantur, verùm horum ipsa crudelitas horrorem pijs incutiebat, & ab amplectenda secta deterrebat. Paulò post, cum sub ovina pelle lupi occurrerent proropere, & è vicino jam ululare, majori cautela opus erat. Verùm providit divina bonitas, dum sequente sæculo hæreticæ pesti obviam misit almam Societatem JESU, cujus primum in Bavaria domicilium

effum Landspærgæ erectum. mirificam lucem Catholicæ pietati accendit, ut alibi referemus.

f. Interea dum Abbas noster landabili constu, exiguo tamen fructu, monasterii commodis invigilat, non latuere Alberti sapientis scientiam angustiae, quibus premebamur. Videbat non inquilinorum culpâ, non Præsulum desidiâ, sed temporum iniquitate collapsas res: quare extremae egestati extremum quoque remedium adhibuit. Virum providit insignem ex monasterio Schyrensi, qui eo munitus & adjutus remedio facilius miserum coenobii statum erigeret. Quodnam illud fuerit, Stephanus noster paucis verbis enarrat: *Anno Domini 1498. in die Crispini & Crispiniani conclusum est finaliter, quod Abbas & omnes fratres essent expellendi & mittendi ad alia loca: & ita factum est.* Quem quidem à monasterio discessum, ut Stephanus acerbiori vocabulo *expulsionem* diceret, dolor expressisse censendus est, cum Principi statutum fuerit, non alios introducere, aut veteres inquilinos perpetuo exilio multare. Uno enim vix anno elapso, eum interim novus Administrator temporalia incredibili labore & vigilantia reparasset, ac monasterium omni ferme ære alieno liberasset, quidam denuo ad gremium rediëre (†) multò feliciores aliis, quos eodem ferè tempore non ob inopiam adversa fortuna aliò interim transmisit, sed correctionis impatientia, extincto prioris instituti nomine, pristinis quandoque sedibus extorres, fecit, aut mutare domicilia compulit.

(†) F. Antonius Scheffler nominatur. Paucos reliquos credò in assignatis sibi monasteriis mansisse. At Henricus successor novos suscepit.



CAPUT III.

Henricus Abbas XLII.

§. I.

Vocatio Henrici, administratio, dignitas Abbatialis.

1. **P**reclarus hic Abbas ad instaurandum ex ruinis monasterium nostrum à Deo missus est ex inclyto monasterio Schyrensi, & administrator constitutus anno 1498. die 2. Nov. in commemoratione Fidelium Defunctorum. Interim, dum Clerici seculares Parochiam administrabant, ipse solus in templo monasterii divina peragebat Officia, illis etiam in laboris partem vocatis. Quantum ad temporalia attinet, primo statim anno variis creditoribus numeratâ pecuniâ satisfecit: & quidem Zacherlino civi Bruggensi solvit florenos Rhenanos viginti, Martino Friz Landspergensi viginti duos, Laurentio cuidam quinquaginta septem, & hæc intra duos menses sunt gesta. Anno dein 1499. eidem Zacherlino solvit florenos triginta quatuor, Domino Joanni Vischer sigillifero Augustano sexdecim, & Martino Friz iterum viginti. Præterea emit in usum monasterii octavam partem curiæ in Faistenau à Joanne Gislrieder seniore florenis viginti duobus, aliam ejusdem curiæ partem à Paulo Gislrieder florenis novemdecim, aliam item ejusdem partem à Joanne Kibler pro totidem florenis: pratum amplum Haydense septem jugerum, duo etiam alia jugera prope Hochgereut (a) florenis triginta octo comparavit à Michael Schmid Pladlingano. Hæc gessit primo anno Henricus administrator.

2. Quæ cum comperissent serenissimi Duces, non dubitarunt eundem Celsissimo Episcopo Augustano commendare, confirmandum, & Pontificalibus ornamentis insigniendum. Designatus est igitur Abbas anno sequente 1499. in festo S. Galli, confirmatus in festo SS. Ursulæ & sociarum Martyrum: octavo postea die, nempe in festo S. Narcissi Episcopi & Martyris consecratus, qui solemnitati præter Proepiscopum Augustanum mitratus etiam adfuit Narcissus Abbas Benedictoburanus. (b) Novus Abbas noster eodem adhuc anno solvit ex debitis florenos viginti. Præterea ad religionem suscepit Casparum Göz, juvenem studiis sublimioribus apprime excultum, quem post exantlatum S. Tyrocinii annum ad sacros Ordines, & Sacerdotium promovit. Primum sacrificium Caspar celebravit

bravit anno 1501. circa Festum Inventionis S. Crucis, in Dominica Jubilate, & deinceps Abbatem plurimum juxit, imò ab eodem docilis discipulus plurimum didicit, ut post septem annos dignus videretur, qui magistro suo peritissimo in dignitate succederet.

(a) Hoc loco consedisse olim nobiles Greuteros arbitramur, cum & arcis rudera supersint, ut alibi diximus. (b) Chron. Bbur. f. 212.

§. II.

Cultus divinus promotus.

3. **Q**uanto in Divinum Cultum studio ferretur Henricus Abbas, luculentum præbuit argumentum, dum statim Casparum Gözium ad religionem suscepit, primum suum in divinis officiis futurum adiutorem, ut post annum silentium laus Dei denuo resonaret; eundemque citò Sacerdotio iniciandum curavit, ut piis fundatorum ac benefactorum manibus plurium sacrificiorum fructus in subsidium & solatium veniret. Eodem anno, quo iste sacerdos factus, alios quatuor novos sùrculos hortu religionis inseruit, diversis quidem temporibus, & veluti facultatum suarum modulum dimensus, quantæ ad eos alendos sufficerent; qui anno 1502. tyrociniis probati aptique inventi, ad solemnia vota sunt admissi: decimâ tertiâ Martii F. Joannes Calceator, de quo nihil aliud invenio, idèoque juvenem obisse credo: nisi idem sit, qui sub Casparo Abbate in Catalogo vocatur Joannes Raistingger; nam eodem die F. Wolfgangus Kolb Peytinganus (qui deinde Casparo Abbati in dignitate successit) professus fuit: die 24. Junii F. Stephanus Leopolder, Historiographus noster, toties jam memoratus: die 16. Octobris F. Petrus Ramungus, de cujus nobili genere diximus sub Norberto Abbate XIV. (c). Hic est, qui anno 1533. P. Gabrieli Schmid emerito Priori defuncto in eodem munere successit, & anno 1537. piè decessit.

4. Aliud quoque molitus est Henricus, quod ad majorem monasterii quietem, & liberius soli Divino cultui ac servitio vacandi facultatem conduceret. Invenerat nempe, & ex tabulario compererat, qualibus tricis involutum & contentionebus tentatum sæpius fuerit Jus Patronatûs, seu præsentandi Vicarium, omnesque Beneficiatos Landspèrgæ, unde monasterio multæ illatæ molestiæ, quin & expensæ, non necessariæ fuerunt extortæ. Quare pacis ergo & quietis Henricus Jus istud præsentandi, cum

jus nominandi jam aliquamdiu Senatus ibidem civicus obtineret, cessit serenissimo Duci Bavarie Alberto IV. cujus cessionis litteras habeo, datas anno 1499. Sabbato post festum S. Nicolai Episcopi. Pro juris hujus cessione nihil aliud Henricus à Duce petiit, nisi ut clementer tueretur Decimas Landspergeneses, quæ à trecentis jam annis Pontificum & Bavarie Ducum concessione & auctoritate ad monasterium pertinebant, & adhuc pertinent. Et Protectionem quidem decimarum, quoties necessitas exigeret, serenissimus Dux adpromisit: jus verò præsentandi non accepit, Abbatem hortatus, ut hanc ultimam juris sui portionem monasterio servaret, nec Ecclesie illius Patronatum ob quæcunque sedia relinqueret, sed tranquilliora tempora expectaret. Votum Abbatis optimum in finem, ut diploma sonat, collimabat, nempe *in auxilium & promotionem sanctæ observantiæ, ad laudem & honorem omnipotentis Dei & S. Petri*, qua sanctior intentio inveniri non potuisset.

5. Hæc laudis divinæ & sanctæ observantiæ propagandæ sollicitudo Abbatem adegit, nullis ut sumptibus parceret ad utriusque augmentum. Chorum enim libris novis instruxit, Antiphonaria duo & Collectarium comparavit, antiquum Lictionarium, & Graduale cum cæteris ad rubricam Mellicensem correxit: neque pauca Ecclesie S. Petri ornamenta procuravit, inter quæ cupa argentea, quadraginta tribus florenis empta. Præterea sacrarium & reliquias Sanctorum ornatu vario & imaginibus decoravit.

6. Ut subditam monasterio plebem ad divina officia, ad audiendum divinum verbum, & mysteria devotius frequentanda pelliceret, Parochialem Ecclesiam Wessofontanam SS. Joannis Baptistæ & Joannis Evangelistæ restauravit, & multò ampliorem, quàm fuerat, fecit, & *per omnia de novo construxit*. Sigehardus Abbas nonus eam fundaverat, ut alibi diximus, anno 1128. Hermannus Episcopus confirmarat: Henricus Abbas novam condere cœpit anno 1506. & post biennium consummavit: quam Casparus Abbas consecrari curavit. Erat autem instructa quatuor altaribus. Ara princeps specialiter dedicata est in honorem SS. Joannis Baptistæ & Evangelistæ totius Ecclesie Patronorum, cujus dedicatio semper celebratur Dominicâ proximâ post festum S. Galli Abbatis. In aquilonari latere ara altera in honorem sanctæ Dei Genitricis Mariæ. Alia in latere meridionali consecrata est specialiter in honorem S. Agathæ Virginis & Martyris. Alia, quæ in medio Ecclesie erat posita, dedicata fuit omnibus sanctis: verùm posterior hæc, ut populus accurrens amplius inveniret spatium, jam pridem destructa est.

(c) *Fol. 194.*

§. III.

§. III.

Auctæ & firmatæ monasterii facultates.

7. **C**ompendio videtur Stephanus noster, dum de Henrico Abbate refert: *hic Deus devotus Abbas multa bona in suo regimine monasterio contulit: multa prædia per prædecessores suos à monasterio alienata, & aliis impignorata redemit, & plura noviter emit.* Cœpimus jam supra quædam industriæ exempli de Præfule isto narrare. Videamus nunc cætera, quæ intra decennii spatium nobis præstitit emolumenta.

8. Anno Domini 1500. emit Henricus octavam partem prædii Thoma Gislrieder pro novemdecim florensis, feriâ quartâ ante Palmam Festâ 6. ante Dominicam Jubilate à serenissimo Principe Bavariz Wolfgango redemit (d) totam villam in Aich pro duobus & octoginta florensis. Hæc fuerat ad vitam hæctenus locata Erhardo Perfelder: quem memoro propter familiam Perfallensem. Anno sequente emit curiam quamdam Morenweisli sitam, & Advocatiam super prædium quoddam Müllhausen prope Penzingam pro trecentis & 45. florensis à viro nobili Wilhelmo Vogt, cujus familiæ jam fuit, iterumque fiet mentio. Emit item domum & pratum quoddam Haidense quadraginta tribus florensis. Anno 1502. redemit vicalitium à cive quodam Pfaffenhoveni pro centum duodecim aureis. Anno proximo redemit curiam Erstinganam à cive Landspergeni pro centum aureis. Item ab alio perpetuos septem florenos, quos annuatim debebamus, redemit Abbas aureis centum 47. Emit quoque partem Curiz in Lochhofen pro viginti florensis. Paulo post ab Augustino Kolner, Cancellario Alberti Ducis, redemit duas libras perpetuas, altari S. Corbiniani Monachii impignoratas, datis illi quadraginta sex libris denariorum. Iterum viginti perpetuos aureos Monachii pendendos redemit quadringentis florensis. Emit & pratum aliquod uno & triginta florensis. Demum 21. die Novembris perpetuos decem aureos redemit à colono quodam Peulensi pro ducentis florensis. Anno 1504. redemit duos aureos perpetuos à Georgio Heuser pro florensis quadraginta. Emit & sequente anno quartam partem Curiz Grassensis pro florensis viginti novem. A duobus civibus Landspergensibus emit domum, hortum, & certos agros pro 70. florensis. Et jam ante redemerat quinque aureos perpetuos aureis centum. Anno 1506. emit Abbas à coquo Alberti Ducis duas Curias in Foresto, (e) & Hobam in Hagenlehen pro sexcentis florensis, quæ in Feudum illi concessæ fuerant ab Erhardo Perfelder: redemit Henricus ab isto jus suum in ea prædia septuaginta quinque florensis. Eodem anno redemit molendinum Pezenhusanum à Röchlingero de Haldenberg florensis quadringentis.

9. Miretur quis hoc loco, qua arte, industria, dexteritate vir unus tam multa monasterio per emptionem comparare, tam multa redimere potuerit, unde argentum & aurum sumpsit in tantas expensas, additis præsertim sumptibus, quibus non solum varia Ecclesiæ S. Petri ornamenta, monasterii ædificium nova parte auctum, sed etiam Parochialis S. Joannis Ecclesia ferè à fundamentis intra biennium educta stetit. Et nondum de solutione veterum debitorum satis dixi. Adjicienda tantum jam enarratis est anno 1500. facta per Abbatem redemptio duodecim annuarum scapharum filiginis Joanni Vogelio debitarum: præstitit hanc Abbas persolutis eidem ducentis quadraginta tribus florensis. Ad debita antiqua progredior.

10. Anno 1500. Wernero de Morenweis solvit septuaginta florenos, Joanni Lanx triginta duos, civi cuidam Landspergensis florenos viginti, Bartholomæo Myner ibidem civi quadraginta duos. Sicut eodem anno Joanni II. Abbati Ettalensi Abbas noster ex debitis persolvit triginta duos florenos, ita anno mox subsequente Henrico Abbati Tegernseensi, diversis tamen vicibus, florenos centum nonaginta septem. Villicæ cuidam satisfecit florenis viginti, Nicolao Hundertsfund florenis tredecim. Anno dein 1503. Weichsnero cuidam, civi Landspergensis, reddidit debites sexaginta florenos. *Anno Domini 1507. emis & absolvit Henricus in antiquis debitis à diversis creditoribus mille quadringentos quadraginta octo florenos.* Nescirem hæc, nisi à Leopoldero nostro scripta tenerem. Porro licet œconomica hæc non cuilibet erudito lectori placitura sciam, nonnullis tamen quin usus futura sint, non dubito: tum propter indicatas quasdam familias veteres, tum ad excitandam in illis, quos Deus & obedientia in messem hanc misit, industriam œconomicam, & maximè ad admirandam divinam providentiam, quæ numquam destituit fideliter servientes Deo, & in ipsius bonitate confidentes. *Querite primum regnum Dei & hæc omnia adjicientur vobis. (f)*

(d) In partitione Bavaria sub Alberto IV. facta, Weilhemium & Landsperga cessant Wolfgango Duci: vicinia ergo negotium facilius reddidit. Chron. Bbur. f.

218. (e) Mantelbôf vocatas. (f) Dum hic œconomus excito,

fungor vice cotis, acutum

Reddere quæ ferrum valet, exors ipsa secandi

Horat.

§. IV.

Gratiæ Julii II. Pontificis, & Regis Maximiliani.

11. **N**escio, quid causæ fuerit, Henricumque Abbatem permoverit, ut Julio II. summo Pontifici pro confirmatione omnium monasterii bono-

honorum supplicaret, & præcipue duas partes decimæ in Tittenschwang, ab antiquo jam nostris uibus attributæ, authoritate Apostolica roborari peteret. An fortè insidias timuerit, vel contra adversariorum dolos præmunire se voluerit, ignorare me fateor. Concepta est Bulla terminis primùm generalibus, quibus ejusmodi aliæ stylo Curia: solent: quare & illam recitare superledeo. Quantum ad dictas decimas attinet, appono: *specialiter autem duas partes decimarum Parochialis Ecclesia:, seu illius perpetua Vicaria in Tettenschwang dictæ Diocesis, ac alias decimas &c. vobis & per nos eidem monasterio authoritate Apostolica confirmamus.* Datæ sunt hæc litteræ Pontificiæ Roma apud S. Petrum anno Incarnationis Dominica millesimo quingentesimo quinto, mense Calendas Apriles, Pontificatus nostri anno tertio. Hodie nulla circa has decimas controversia movetur.

12. Etiam vinearum Tyrolensium curam Henricus habuit, tanquam in ditione Domui Austriacæ subjecta sitarum. Quare Maximiliano I. Archiduci, jamque Regi Romanorum anno 1486. die 16. Februarii Francofurti electo per litteras supplex factus libertatem à teloniis pro vino nostro evehendo obtinuit. Diplomati libertatis hujus, imò potius Diplomatis apographo Notarii authoritate firmato, subscripsit Joannes Præpositus Pollinganus, ejus nominis tertius, vir insignis parsimonie & prudentiæ, qui monasterium suum religione, ædificiis, libris, & redditibus auxit, quod hodie dum viris tam doctrinâ, quàm virtute præcellentibus resplendet, *vixit inter ignes luna minores.* Verùm de Maximiliano I. quem paulo post hospitem apud Fontes nostros videbimus, alibi redibit sermo.

§. V.

Cultus rei litterariæ.

13. Jam ab Udalrici VI. regimine nonnulli erant apud nos monachi, qui vel suoapte ingenio inventa scriberent, vel indefessa manu ab aliis excogitata describerent, ut Bibliothecam locupletarent. Henrici nostri ætate magis exarsit scribendi studium, cujus testes sunt Codices multi chartacei optimorum authorum à monachis nostris descripti. Deplorenda tantum est cum Clarissimo Pezio characteris obscuritas & informitas, quam interdum festinandi ardor, sæpius ipsa ævi ruditas invexerat, nonnumquam laboris impatientia. Queritur ille inventum à se apud nos librum *diversa Historia Austriaca monumenta ostentantem, sed continetibus lituris & lacunis adeo fudatum, ut nihil certi extendi poteris.* (g) Verùm, ut dixi, laboris impa-

impatiëntia (quia in pœnam quandoque injungebatur scriptio) in causâ erat, sicut apud Hæfftenum versus ille testatur : (h)

Explicit iste liber, de pœna sum modo liber.

14. Cœterum Henricus solertissimos habuit monachos, & inter eos ducem Casparum Gözium, asseclam deinde hujus Stephanum Leopolder, de cujus laboribus singulari loco agetur. Quanto in bonas litteras studio flagraret Abbas, manifestum sit ex eo, quod apud Wessonis Fontes typographiam quoque introduxerit, & aliquamdiu artificem sustentârît Lucam Zeissenmayr. Invenimus in Bibliotheca nostra duos adhuc libros ab eodem impressos, nempe viginti Citharas aureas interprete Magistro Joanne Nider Ord. Prædicatorum Fratre ex latino in vernaculum idioma translacas. Præfigitur operi approbatio à Magistro Joanne Parocho ad S. Mauritium Augustæ Vindelicorum concepta his verbis : „ Si in cujusquam „ Latini viri manus liber isse inciderit, non Alemannum, sed Cassianum „ loqui, volo intelligat, nec styli barbaries terreat, verum sententiarum „ veritas alliciat. Uti multa latina sic barbara essent, & Hieronymus „ minimè vapularet, & Augustinus haud longius apud Christianos exu- „ laret. Quatenus autem manifestius, quod legis, lector intelligas, hic „ liber à quodam egregio sacrarum litterarum Professore Mag. Joanne „ Nider Ord. Prædic. fratre de Latino in vulgarem Nürembergæ transla- „ tus est. „ In fine libri hæc verba leguntur impressa : „ *Laudabilem istud* „ *& utilem librum impressit Lucas Zeissenmayr apud Wessonis fontes, & completus* „ *feria secunda hebdomadis prima in Quadragesima, anno millesimo quingentesimo* „ *quinto.*

15. Alius præterea invenitur liber itidem Teutonicâ linguâ ab eodem Luca Zeissenmayr apud Fontes nostros typo editus, cujus titulus in latinum translatus ita sonat : *Pulchra Chronica de Imperatore Ludovico quarto, quomodo per ipsam edificata & fundata fuerit Ecclesia B. Dîmna nostra in Esal. Impressa per Lucam Zeissenmayr in Wessobrunn.* Annus, quo liber hic prodiiit, nec in fronte, nec in calce libri proditur. Fortè aliâ quoque opuscula Lucas impressit, quæ à me ignorantur. Hæc sola interim sufficiant ad ostendendam Henrici Abbatis pro bonis litteris curam. Cæterum credo, eo ævo, quo nondum Cameræ Casaræ subiectum erat jus imprimendi libros, sed libere à quocunque, qui artem didicisset, exercebatur, typographos, quoties & ubi vellent, sedem vixisse, atque ita & Lucam nostrum aliò migrasse. Ita mihi vir quidam eruditissimus moris tunc fuisse asseruit.

(g) *Pez. Anecd. Tom. I. Dissert. Hæg. fol. XIX.* (h) *Hæfften. Tract. III. Disquis. II. fol. 807.*

§. VI

Obitus Henrici & sepultura.

16. **T**ametsi ad acta Henrici non pertineat, ab historia tamen Westphalica alienum non est ea referre, quæ ejusdem tempore contigerunt, & propius hodie ad monasterium nostrum spectant, sicuti Hofmarchia & Ecclesia Isseldorffensis, Anno igitur, ut Chronicon Benedictoburanum testatur (i) millesimo quingentesimo tercio Narcissus Abbas Benedictoburanus, qui Henrico nostro consecrando mittatus adstiterat, ut diximus, (k) cum Ecclesia S. Vici in Isseldorff fecit commutationem quarundam decimarum, datis eidem Ecclesie decimis suis in agris quibusdam Isseldorffensibus, & receptis aliis Antorffensibus Luyse flumini vicinis. De parochia Isseldorffensi monasterio nostro posterioribus annis concessa diximus aliquid sub B. Walthone. (l)

17. Denum Henricus Abbas, jam senex & vicinam mortem præfens, animæ quidem suæ, tum & Religioſorum, quos in Christo genuerat, consulturus, exemplo decessorum suorum mortuale sædus iniit cum monasterio Tegernſenſi, quod mutuis litteris munitum fuit anno 1505.

18. Triennio inde vix elapſo Henricus, anno nimirum 1508. diuturnis jam calculi doloribus vexatus, ac tandem victus, Abbatis dignitate sponte se abdicavit, eamque P. Caspar Göz primo suo in sacra Religione filio propria & bona voluntate cum omnium fratrum suorum consilio & deliberato animo, sibi præsentissimus, & in monasterii commoda attentissimus, resignavit. Facta est resignatio die 16. Februarii. Mensis deinde Martii die 22. postquam SS. P. N. Benedicti festum inter dolorum spinas patientissime voluntatis transegisset, diem clausit extremum vespere circa horam completorii in corona circumstantium & fidelissimum Pastorem, amatè deflentium filiorum.

19. Quàm sincera fueriat horum lacrymæ, abundè offendit honor exequiis ejus impensus. Præterquam enim, quod eum in sacello S. Benedicti cum aliis bene meritis & laudatissimis Abbatibus sepeliverint, magnum lapidem sepulcralem effigie ejus insignierunt, & epitaphio, brevi quidem, sed eleganti & pii affectus pleno, quod ipsemet triginta abhinc annis descripsi & in adversaria mea intuli hoc tenore:

*Qui Marius patriæ fuerat, qui Tullius ore,
 Qui gravitate Cato, Religione Numa,
 Abbas Henricus Præsul celeberrimus eheu!
 Occidit, hæc tristi contumelatus humo.*

20. Neque paucis his distichis contenti aliud amplius elogium magna in tabula scriptum juxta optimi Patris sepulturam suspenderunt, quod Stephanus Leopolder in Codice quodam reliquit. Audiamus.

Mole sub hac premeris Hainrich venerabilis Abbâ,
 Cujus posteritas nomen in astra feret.
 Alter Wessosprunn fundator jure vocaris
 Pro tantis meritis, innumerisque bonis,
 Æra monasterii exolvendo mutua nostri
 Plurima, pauperiem scersque levâsque gravem.
 Prædia sunt per te & bona plurima reddita nobis,
 Jâmque labore tuo nostra palæstra viget.
 Quis tibi condignas, Pater ô memorande, rependat
 Grates pro meritis, muneribusque tuis?
 Hinc tibi sideream Deus optimus annuat arcem,
 Æternâ faciens te requiete frui.
 Hic tibi perpetui persolvat munera regni,
 Atque ferat meritis præmia digna tuis:
 Concedâtque suam faciem te visere lætum.
 Clare Pater, faustè perpetuèque vale,

(i) Part. I. Cap. 23. fol. 214. (k) Hæc Cap. 3. L. num. 2. (l) Part. I. fol. 165. num. 11.



CAPUT IV.

Casparus Abbas XLIII.

§. I.

Caspari electio, & confirmatio.

1. **C**asparo Gözlo, cujus mentionem jam supra fecimus (a) natal dedit Ponsala vicus prope Rainense Bavariae oppidum supra L. ei & Danubii confluentes situs. Resignatam sibi à Decessore c. gnitatem (b) suscepit in praesentia Reverendissimi Domini J. annis Alantze Vicarii Generalis Augustani, plurimorumque spectabiliu virorum, tam Celsissimi Episcopi, quam Serenissimi Ducis authorita missorum. Deinde confirmationem accepit in Dominica Latare, Ben dictionem verò in Dominica Palmarum apud Fontes nostros.

2. Caspari de monasterio nostro praclara merita Stephanus nosti in synopsis contrahit, cum dicit: „Praefuit laudabiliter octodecimanni „ ac plurimis praedlis empcis & ab aliis redemptis monasterium suum al „ solum statuit; insuper maximis aedificiis & structuris monasteriu „ suum ornavit; similiter sacristiam Reliquiis sanctorum, Bibliothecar „ verò maximo numero librorum, nimirum nongentorum, decoravit „ prout singula factis clarent intuenti.

3. Quantum quidem ad sanctorum reliquias attinet, mirum no est, quod spectabilem thesaurum collegerit, cum plures jam annos si orarii curam ex officio gesserit: Bibliothecae verò augendae calcar fuit Hen nici decessoris exemplum, ab eoque excitatus amor litterarum. Ne decerant facultates, cum monasterium omni aere alieno absolutum statuerit sicut ex Leopoldero paulò ante intelleximus. Verum nunc jam ad sin gula descendamus.

(a) Cap. praed. §. I. num. 2. (b) Eodem cap. §. VI. num. 17.

BB b 2

BB b 2

§. II

§. II.

Zelus Caspari pro cultu divino, & monastica disciplina.

4. **I**nvenerat Casparus consummatam jam ferè à decessore suo Henrico Parochialem S. Joannis Ecclesiam: ipse anno 1509. Chorum in ea construxit, eandemque consecrari fecit à Reverendissimo Domino Marco Avunculo Episcopo Nazianzeno, Vicario in Pontificalibus Generali. (c) Deinde ad interiora monasterii conversus disciplinam monasticam egregiè conservavit, insigniter aucto monachorum numero, qui mihi nimius videretur, nisi crederem, ex prioribus ante Henricum Abbatem ob magnam coenobii paupertatem dimissis, plures postliminio rediisse, revocatos, receptosque fuisse. Hujus opinionis meæ fundamentum statim aperiam.

5. Anno Domini post millesimum quingentesimum decimo tertio jam scriptas ex archivio nostro accepi litteras Pontificias, die 17. Martii datas à Julio II. Papa, quibus iste copiosas concedit indulgentias omnibus illis Christi fidelibus, qui ad instaurandum Constantiensis Ecclesiæ Cathedralis ædificium manus porrigerent adjutrices. Mirum est, quomodo Ecclesiæ, cui tam ampla diocesis, qualis à Pistorio describitur, (d) illa ætate parebat, quæque magno illo Concilio Constantiensi non exiguum poterat capere incrementum, ad hanc necessitatem fuerit redacta. Verum non scrutanda, sed adoranda sunt judicia Dei.

6. Mihi sufficit ex his litteris Julii II. Pontificis excerpere Catalogum omnium monachorum, qui eodem anno datarum in coenobio nostro vixerunt. Eundem curioso lectori communicare non supervacuum puto, tum ut insignis Caspari Abbatis zelus commendetur, tum ut divina providentia nobiscum adoretur, quæ monasterium nostrum nuperrimè ad incertas ferme redactum tantis modico tempore incrementis auxit, verumque fecit illud S. P. Benedicti S. Regulæ capite secundo votum, ut Casparus Abbas non solum detrimenta gregis sibi commissi non pateretur, verum etiam in augmentatione boni gregis gauderet. Hoc itaque ordine descripti inveniuntur Religiosi tunc viventes.

Casparus Abbas.

Augustinus Prior. (e)

Bartholomæus Superior.

Georgius Ziegler.

Woll

§. II. Zetus Caspari pro cultu divino, & monast. discip. 381

Wolfgangus Kolb, futurus Caspari Abbatis successor.

Joannes Raistinger, aliàs Calceator vocatus.

Petrus Ramung, postea Prior.

Stephanus Leopolder, Chronographus noster.

Sebastianus Pichlmayr &

Gabriel de Kolgrueb, ambo professi anno 1508.

Paulus, cujus cognomen excidit.

F. Thomas senior, &

F. Thomas junior, Conversi.

His accessere anno 1517. Leonardus Knilling Garmischgaviensis, anno 1518. Benedictus Jäger Weilheimensis, qui Wolfgango Kolbio Abbati successit, & anno 1522. Conradus Rumpf Landspergensis ab Abbate Casparo suscepti.

7. Fuit eodem tempore Joannes Rosmarck apud nos monachus, ut scheda emissæ Professionis testatur, quem ego ob similitudinem characteris authorem crederem Collectanei de Viris Illustribus, nisi inusta famæ illius macula me ab hac opinione dimoveret. At fortè accusatus quidem fuit, verùm denuò absolutus: certè post bimestrem Augustæ custodiam ad monasterium fuit remissus, atque post aliquot annos in peristilio sepultus. Nomen demortui, priusquam veteris cornubii reliquæ, in quibus ipse tyro habitavi, solo æquarentur, legi ego in pariete supra tumulum nomen F. Joannis Rosmarck, nec procul ab ipso nomen F. Stephani Leopolder. Fuit certè collectanei hujus author, quisquis vocetur, vir eruditus & industrius, quem Clar. Pezins usu non modico in historia literaria futurum judicavit, si opus ad finem perduxisset. (f) Cæterùm, tametsi Luthero minimè faveat, & scriptores *Lutherizantes* acri censurâ perstringat, Erasmus tamen Roteredamum miris laudibus extollit, ejusque adversarios acerbè pungit & irridet. Quæ causa fuisse potest, cur ad examen Augustam fuerit vocatus. Si Alphabetum totum perfecisset, (deducitur verò solùm ad literarum G.) operæ pretium foret, Collectaneum hunc publica luce donari.

(c) *Vid. Khamm Hier. Aug. Part. I. Cath. fol. 503. & 504. (d) Tom. III. script. ver. Germ. à fol. 782. usque ad fol. 800. inclusive. (e) Cognomento Burchart, eodem Prioris officio functus jam sub Henrico, & sancturus sub Wolfgango Abbas.* (f) *Anecd. tom. I. Dissert. Isagog. fol. XIX.*

Bb b 3

§. III.

§. III.

Esus carniū concessus.

8. **M**ultis contentionibus agitata olim fuit quæstio, num monacho Regulam S. Benedicti professio concedi possit esus carniū quadrupedum, nisi infirmo tantum. Fusissimè hæc de re agit Hassienus in Disquisitionibus monasticis, (g.) ad quas lectorem remittimus, Progressi fuere quidam, etiam virtute & doctrinâ celebres viri, eò usque, ut carnes quidem quadrupedum interdictas affirmarent, avium tamen carnes licite comedi posse concederent. Solum Rhabanum Maurum adduxisse sufficiat, ita loquentem: *Avium esum credo inde à Patribus permissum esse, eo quòd ex eodem elemento, de quo & pisces, creatae sunt. Nam in Regula monachorum non invenimus aliarum carniū esum eis contraditum, nisi quadrupedum. (h.)*

9. Verùm propter infirmos, quadrupedum etiam esus jam pridem concessus fuerat, hac tamen lege, ut qui vellent, & licentiam à Superioribus obtinissent, reficerentur in valetudinario: eadem carniibus vescendi facultas data est omnibus, quos Abbas ad coenaculum suum invitasset. Ea verò conditio huic favori erat appositæ, ut dimidia pars fratrum semper in consueto Refectorio reficeretur, & abstinentiam ab omni carne observaret. Verùm ut de nostro monasterio loquar, invenimus monachos nostros rigidiori semper consuetudini adhæsisse, cujus insigne testimonium exhibet Reformationis charta à Reverendissimis Deputatis provincie Moguntinæ Bartholomæo S. Crucis Werdensi, & Joanne S. Egidii Norimbergensi Abbatibus relicta, in qua sub rubrica: *De abstinentia à carniibus*, hæc verba inventiuntur: „Esus carniū & ciborum cum carniibus, aut carniū pinguedine conditorum, sicut strictè observatum reperimus, omnibus presentibus & futuris hujus monasterii monachis sanis & fortibus secundum Regulam & ex speciali commissione Domini Legati prænominati prohibemus. (i). Imò tanto rigore à nostris jejunia ecclesiastica observabantur, ut bytiro, caseo, ovis vesci nefas esset.

10. Similia utur priore jam sæculo fuerint statuta & observata, docuit tamen experientia, variis hunc rigorem incommodis subjacere. Nam non exigua hinc in singulis monasteriis difformitas oriebatur, cum dimidia

illa pene monachorum pars in regulari cœnaculo, altera in valetudinario accumberet, atque, dum illa religiosi exercitiis & divino officio operam daret, altera hæc ob infirmitatem plus sibi quietis indultum arbitraretur, unde novis contra istos statuta opus fuisse in antiquis Recessibus invenimus. Animadversum quoque est, propter perpetuam carnum abstinentiam in monasteriis nostris observatam pauciores jam Candidatos ad Ordinem nostrum aspirasse, utpote quibus facilis patebat aditus ad alios ordines, tum stabilitatem loci professos, tum etiam locum mutare solitos, in quibus jam dudum esus carnum inoleverat. Imò cum Cisterciensibus, per quos Ordo noster olim fuerat reformatus, ab Alexandro VI. summo Pontifice fuit circa hunc esum generaliter dispensatum jam anno Domini 1498. (k) Et licet Congregatio Bursfeldensis morem à carnibus abstinendi rigide retinendum censeret, Moguntinæ tamen Provinciæ Capitulum sub Joanne Vinsfernau Abbate Neresheimensi, & Capituli Præsidente esum carnum, certis diebus, omnibus concessit. (l)

11. Itaque ejusdem Capituli Moguntinæ Provinciæ autoritate cum licentia summi Pontificis sequente anno 1522. apud nostros etiam Fontes receptus est esus carnum, sicut in aliis cœnobiis plerisque, quamquam ægro multorum assensu. Ut de aliorum propterea querelis taceam, nostro Stephano Leopolder parum probatam fuisse hanc dispensationem, ex eo licet conjicere, quod ita scribat: *Anno 1522. in professo S. Agathe Virginis monachorum carnis esio incepit. Eodem anno Camera in pistrino exurit in die decollationis S. Johannis Baptiste post matutinas.* His verbis non obscure videtur innuere, admissio carnum usui tribuendam esse exustionem, cum S. Agatha in hac occidentali Baviaræ regione contra incendia invocetur, sicut S. Florianus in orientali. At nolens Casparus contra torrentem nid, & tot aliorum Abbatum exempla non sequi, prudenter, nec sine monasterii utilitate, dispensationem recepit.

(g) Lib. X. tract. VI. (h) Ibid. Disquis. II. fol. 930. col. 2. (i) *Fuit hic Legatus Nicolaus de Casa S. Petri ad vincula Cardinalis.* (k) Hæften. Disq. Mon. Lib. 10. Tr. 6. Disq. 14. fol. 957. col. 1. (l) *Hist. Aug. P. III. Regul. fol. 113. num. 66. 67.*



§. IV.

Ædificia Caspari Abbatis.

Postquam Casparus monasterium nostrum omni ære alieno liberavit, cunctisque debitis absolutum statuit, ad diversa ædificia molienda manum adjecit. Atque inprimis monachorum valetudini consulturus novum balneum struxit, deinde hortulū regulari coenaculo subjectum muro circumdedit. Ambitum monasterii, hæcenus tabulis ligneis coopertum, lateritio fornice textit, & lapideis columnis suffulcit. Jecit & fundamenta, magnamque partem ædificavit villæ Celsensis prope lacum cognominem pro foetura pecorum & jumentorum. Cellam vinariam lapideo fornice munivit. Rivulū Schvvarzenbach, olim Sbaravwaresbach dictum, aggere objecto, excepit, & in lacum coegit, qui hodie Sreebergensis vocatur, & non exiguum monasterio emolumentum præstat. In ipso cœnobio magnam custodiendis piscibus piscinam quadris lapidibus septam ædificavit. Granarium Geretshusanum à fundamentis novum extruxit: molendinum item in pomerio monasterii. Apud Engelsriedensem villam fluvium Rotam effossa tellure excepit, lacumque formavit in foeturam piscium, hodiedum monasterio utilissimum. Duas cameras ædificavit pro sacerdotibus secularibus, qui tunc temporis Parochiam Wessofontanam & vicina templa procurabant. Ecclesiarum quoque curam habuit; nam in templo Tärtschvvangensi novum Chorum construxit: Kisinganum verò lapideo tecto operuit. Antiquum Abbatis diversorium destruxit, & novum illudque elegantissimum à fundamentis erexit. Coepit etiam vias publicas, Wellheimium & Landspergam versùs, commerciorum causâ, sternere. Cœmeterium Wessofontanum novo & altiori muro cinxit atque conclusit. Venatoria suppellectili servandæ canibusque alendis proprias ædes eduxit. Turrim supra monasterii exteriorem portam & carcerem ædificavit. Multa alià omittimus minoris notæ, cum hæc solâ sufficiant ad commendandam Caspari industriam & indefessum studium, emolumenta monasterii in dies promovendi.

§. V.

*Magni hospites à Casparo excepti, aliâque externa negotia,
& obitus Abbatis.*

13. **A** Nno Domini 1415. quarto calendas Junii, nempe vigesimo nono Maji, ipso festo S. Maximini Episcopi Trevirensis Maximilianus Imperator monasterium nostrum præsentia suâ honorare dignatus est, & apud nos pernoctare. Causa, qua impulsus Imperator anno illo in Bavariam venerit, fuisse potuit, tum quòd paulò antè inter Bavariz Duces ipse pacem restituerit, contra quam Kunegunda Maximiliani Imperatoris soror, Wilhelmi Ducis mater, remis velisque egerat: tum ut sororem viduam, jam tunc in Parthenone Pittrichiano degentem, inviseret. Vel utraque, vel alterutra ratio Imperatorem tunc in Bavariam traxisse videtur. (m)

14. Anno deinde 1423. in profesto S. Galli Wilhelmus Bavariz D: ad monasterium nostrum ex venatione urforum divertit, quamvis eo die venatus nihil ceperit. In ipso verò S. Galli festo circa Forestum & silvam Pirschvvald vocatam ingentis molis ursum comprehendit: unde lætus ad monasterium rediit, iterumque pernoctavit, tertio die ad alia lustra excutienda digressus. Aprorum hodie, nulla urforum amplius latibula in vicinia novimus.

15. Miscuit dulcibus etiam amara Deus; nam anno 1521. in vico Foresti, qui Schlitten vocatur, pestis exorta aliquot jam homines extinxerat, nec levis timor viciniam omnem invaserat. Verùm precibus publicis & votis placatum Numen auræ pestilenti limites posuit, ne ulterius grassaretur.

16. In monasterio Benedictoburano novi Abbatis electioni anno eodem præsedere Jacobus Heinrichmann Canonicus & Vicarius Generalis Augustanus, Casparus Abbas Wessofontanus, & Sebastianus Ilfung Clericus Augustanus Jurium Doctor, quibus universus Conventus potestatem dedit, Mathiam Reichel Wembdinganum, hæcenus Adjutorem, in Abbatem pronuntiandi. Publicationem fecit Abbas Wessofontanus: confirmationem verò electionis Vicarius Generalis Mathiæ impendit. (n)

17. Aliud negotium Abbati nostro fuit Monachii, cum Georgius Stainhobl Clericus Frisingensis ad Beneficium quoddam Ecclesiæ Collegiæ ad B. Virginem ibidem nominaretur anno 1524. Aderat tunc Georgius Abbas Fürstenfeldensis, Præpositus S. Mariæ, Abbates Ettalensis, Tegernseensis, Benedictoburanus, & Casparus noster Wessofontanus. Fuit ibi recitata Bulla Clementis Papæ VII. data apud S. Petrum Romæ anno 1523. 18. Calendas Februarias, qua jus nominandi Wilhelmo & Ludovico Bavarie Ducibus fuit assertum.

18. Cæterum Casparus Abbas, cum foedera in solatium defunctorum iniisset cum Beyrbergenſibus Canonicis Regularibus, (o) Octobris, (p) Sehyrenſibus, (q) Nideraltahenſibus Benedictinis, (r) Scheftlariensibus Ord. Præmonstratensis, (s) ad æternitatem transiit, communi omnium luctu, anno 1525. feriâ secundâ, qua die colebatur festum S. Dionysii Episcopi & Martyris. Agrum fuisse indicavit facies solito tristior, cum in communi refectorio accumberet eo die, proxima nocte extinctus, vir optimè de monasterio meritis, siue disciplinam & litterarum culturam, siue œconomiam spectes. Latet tamen sepulcrum ejus, sicut & successoris Wolfgangi, fortè quòd S. Benedicti Capella non caperet; reliqui enim Abbates omnes, uno excepto, in Ecclesiâ S. Petri deinceps tumulati quiescunt.

(m) *Conf. Adlzreiter P. II. Annal. col. 230. 231. Raders Vol. II. Bav. S. 254. 368.* (n) *Chron. Bbur. P. I. fol. 225.* (o) *Anno 1510.* (p) *Epd. ann. (q) 1511. (r) 1514. (s) 1517.*

S. VI.

Appendix de Vilgertsbovio.

19. **N**ON possum hoc loco omittere, quin proferam, quæ de Vilgertshovenſi vico reperio sub Casparo Abbate gesta. Udalricus VI. Abbas, & hucusque ultimus hujus nominis, ex monasterio Tegernseensi ad nos vocatus, monasterium perquam egenum, quin & debitis oppreſſum invenerat: quare & coactus fuit quædam alienare, ut creditoribus magnarum ſummarum ſatisfaceret. Sors hæc tetigit Vilgertshovenſia quatuor, & upum Puecheuſe, prædia, quæ tradita ſunt Udalrico Weichſner civi Landspergenſi & omnibus hæredibus ejus. Margaretha Weichſneri uxor, marito defuncto, vendidit eadem Thomæ Erhard,

hardi, itidem civi Landspergensii. Thomas iste omnia hæc transmissit in filios suos Udalricum & Joannem.

20. Casparus Abbas portionem monasterio nostro tam vicinam, ex necessitate quidem alienatam, neutiquam tamen negligendam putavit, divinitus forte monitus, quem in florem & splendorem locus iste olim esset surrecturus. Itaque à Conrado & Casparo Joannis Erhardi filijs, à Paulo Erhard Udalrici filio, à Margaretha Michaelis Erhard vidua & liberis ejus ab Anna Joannis cognomento Vilgertshoveri vidua, à Wolfgango Mayr Penzingano jus hæreditarium ex Vilgertshovio, à Georgio Wielenbacher & Margaretha Erhardin, à Joanne Erhard in Diemendorff, omnia jura sibi in Vilgertshovium competentia Casparus Abbas sumptu non modico redemit. Hæc omnia nescirem, nisi Stephanus Leopolder in Catalogo totius Archivi tunc existentis accuratè annotata reliquisset. (t) Erhardii post jura sua in Vilgertshovium vendita non reliquere viciniam, sed multi adhuc vivunt in propinquo, ex quibus Ven. & Clar. Vir P. Thomas Aquinas Erhard Wessofontanus, libris in lucem editis, & promoti Vilgertshovii cultu Mariano celeberrimus. Verùm tam de Thoma, quàm de Vilgertshovio largior alibi sermo recurret.

(t) MS. F. pag. 23.

CAPUT V.

De Wolfgango & Benedicto Abbatibus.

§. I.

Wolfgangus I. Abbas XLIV.

1. **W**olfgangus cognomento Kolb, natus Bittengovvæ seu Peutingæ juxta Schongavium in Bavaria, per annos aliquot Cellerarii & œconomi munere cum laude functus, anno 1525. in Abbatem electus est tertio Calendas Novembres, nempe trigésimo Octobris, qui est Vigilia S. Wolfgangi Episcopi Ratisbonensis. Sabbato post festivitatem omnium sanctorum confirmatus est Augustæ Vindelicorum & sequenti Dominica in Ecclesia SS. Udalrici & Afæ consecratus. Reversus inde ad Wessonis fontes officium

um Abbatiale ex Episcopi commissione suscepit per Plebanum nostram *Raffinem de Landsperg*, nempe Parochum illius civitatis. Hæc omnia Stephanus Leopolder memorie reliquit, iisdemque verbis Chronicum suum tertium & ultimum finivit. Quæ deinceps scripturi sumus, usque ad ea, quæ ipsi vidimus, vel vivis testibus accepimus, ea omnia diversis, dispersisque chartis, libris censualibus, baptismalibus, schediasmatis etiam relictis debemus; aliqua authenticis copiis ex archivo, & authoribus exteris debentur.

2. Ex ratiociniis & prædiorum enarrationibus patet, nonnulla bona per Wolfgangum Abbatem fuisse monasterio comparata tum apud Fontes nostros, tum Weilhemii, ubi anno 1529. Prætor fuisse legitur Simon Stettner, quod ob Friderici Abbatis ex familia Stettnerorum oriundi memoriam dicimus. Plura commoda erat allaturus hic Abbas, si diutius superstiti esse licuisset. Verum seu epidemico morbo, seu senectute confectus, plures è nostris mors atra in tumulum dejecit. Primus omnium descendit venerabilis Pater Augustinus Puttkardt, sub Henrico, Casparo, & Wolfgango Abbatibus zelosissimus Prior. Hunc alius ex alio ad sepulchrum secuti sunt, R.R. PP. Leonardus Peissenberger, Sebastianus Pichelmayr, Leonardus Knilling, & F. Thomas Körner Conversus. Triennio post Augustinum obiit de monasterio nostro meritis P. Stephanus Leopolder, cujus scriptiones & labores litterarios postea dabimus. Tot suorum funera restitutus fuerat Wolfgangus; jam enim duos tyrones susceperat & ad religiosæ vocis admiserat, anno 1529. Balthasarum Hitter Pollingæ natum, & anno 1532. Joannem Merckle: huic restaurationi intentum Abbatem morbus confecit, & suorum funera suo quoque cumulare compulit anno Christi post millesimum quingentesimum trigesimo tertio, postquam octo annos monasterium vigilantissime gubernasset.

§. II.

De Stephano Leopolder, monacho & Chronographo Wessofontano.

3. **S**TEPHANUS Leopolder primam lucem accepit prope celeberrimum superioris Bavarie monasterium Tegernseense. Ibi quotidianis monachorum exemplis à primis unguibus excitatus, nil aliud in votis habuit, quam eandem religionem amplecti, in qua pietatem & doctrinam

nam de primatu certare conspexerat. Et quoniam non ignorabat, neminem Prophetam acceptum esse in patria sua, utque amicorum consortia vitaret, tamquam religiosæ quietis obstacula, ad nostrum monasterium supplex venit, & quoniam latinæ linguæ usû & Orthographiæ elegantiam pollebat, ab Henrico Abbate susceptus, anno Domini 1502. solemnia vota vigesimo quarto Junii Deo nuncupavit, nempe ipso festo Nativitatis S. Joannis Baptistæ. Variis deinde officiis functus, ut Custodis, & Cellarii, nulli tamen se ita impendit, sicut muneri Bibliothecarii & Archivarii, id quod multiplicia ipsius scripta luculenter produnt. Eorum, quæ sub manu mea sunt, huic texto Catalogum.

1. Chronicon Wessofontanum, seu Catalogus omnium Abbatum usque ad annum 1498. perductus.
2. Item Catalogus Abbatum nostrorum paulò adstrictior, sed perductus usque ad Wolfgangum Kolbium anno 1525. electum.
3. Tertius Catalogus Abbatum cum externa historia Ecclesiam & Imperium concernente scriptus *in folio*, ut dicunt: sed finitur anno 1254. sub Innocentio IV. Pontifice.
4. Quartus Catalogus Abbatum, cæterorum perfectissimus, cujus nos apographum solum habemus: ipse Codex in Tegernseensi Bibliotheca à Clarissimo Pezio fuit inventus.
5. Duplex Catalogus omnium Instrumentorum atque diplomatum in Archivio nostro repositum, unus in membrana, alter in charta exaratus.
6. Rhapsodia variorum Instrumentorum, tabularum, eventuum, aliarumque rerum ad monasterii nostri Historiam pertinentium, quæ mihi perutilis fuit.
7. Sermones sive collationes Capitulares devoti patris Bernhardi presbyteri & monachi in Tegernsee, scriptus, sicut in fine legitur, *per me F. Stephanum Leopolder presbyterum & monachum in Wesssprunn, anno 1516.*
8. Chronica Foundationum plurium Episcopatum, atque monasteriorum tam in Bavaria, quam extra Bavarorum provinciam situatorum, Codex iste magnam partem descriptus est ex Collectura monasteriorum Sebastiani Ranckii, sed multis locis auctior, maxime de actis Thassilonis ducis.
9. Vita beatæ Mæthildis in Dyezzen, elegantissime transcripta, cujus Author Engelhardus Abbas.
10. Integrum Antiphonarium bene spissum ad usum Chori Wessofontani.

11. De Fundatione monasterii S. Michaelis in Staffelsee, anno 1521. à Stephano finitum opusculum, ex antiquiore descriptum.
12. Catalogus Abbatum in Tegernsee. In eo sub Aribone XIX. anno Dni MCXI. electo hæc verba leguntur ad marginem; *Hujus Abbatis tempore eligitur Walto nostra congregationis (nempe Wessofontana; nam Stephanus scripsit.) Abbas, postea inter sanctos translatus, clarens miraculis.* Et sub Abbate XXI. Ruperto hæc in margine leguntur: *Hujus Abbatis tempore obiit beatus Walto Abbas Wozzinsprunghensis anno Dni MCLXL ultimus in hoc Catalogo Abbas legitur Maurus, prius Johannes Leyrer de Landsperg Abbas XLVI. Eligitur anno Domini 1512. quarta die Februarii.*
13. Chronici Hersfeldensis compendium à Stephano excerptum ex Lamberto Schaffnaburgensi.
14. Catalogus Episcoporum Salisburgensium.
15. Catalogus Episcoporum Augustensium.
16. Trina fundatio monasterii Diessensis.
17. De inventione sacratissimi corporis Christi juxta Memmingam civitatem Sueviæ.
18. Catalogus Abbatum SS. Udalrici & Afre.
19. Collectanea de Historia Imperii & Bavarie antiquissima. Sunt & alia multa, quæ scripta reliquit Stephanus, ex veteribus membranis transcripta eo ævo, quo jam imminuebant monasteriis scriptores antiquis Codicibus inhiantes, mutua documenta sumentes, & restitutionis immemores. Gratias immortales debemus Stephano, qui plurima, velut raptas è naufragio tabulas, collecta nobis reliquit. Obiit vir optime meritis anno Domini 1532. cum triginta annos à Professione religiosa monasterio & patriæ egregie laborasset.

§. III.

Benedictus II. Abbas XLV.

1. **H**uic patria Weilhemiū fuit, cognomenū Venatoris, teutonice Jæger, secundum quod etiam cornu venatorium pro insignibus elegit. De ejusdem actis iterum omnia in obscuris. Stephanus toties nobis laudatus jam satis concesserat. Magis igitur mortuorum, quam vivorum sub ejus regimine nomina nobis nota sunt. Ipsum electionis ejus annum superstitavit obitus venerabilis P. Gabrielis Schmid Prioris: cui in eodem officio successit Venerabilis P. Petrus Rammg, Ramun-

Ramungorum genere oriundus, de hujus stemmatis nobilitate & antiquitate sub Northberto Abbate diximus. Præfuit Benedictus Abbas viginti novem annis tempore sat longo, & rebus multis gerendis sufficienti. Nec defunt indicia, eum de monasterio bene meritum fuisse; cum in epitaphio *Restaurator* vocetur. Illud in magno lapide eidem cum figura corporis positum fuit prope aram confraternitatis SS. Rosarii, hodieque è regione successoris spectatur. Obiit anno 1562. quo eundem secutus ad tumulum fuit P. Wolfgangus Leyrer Subprior, monachus, & Parochus Wessofontanus.

2. Duz res Benedicto gubernante memoriæ dignæ acciderunt. Primam ex Libro ceremoniarum ad usum Sacristæ per Joachimum Puechauer conscripto eruimus. Consuetudo fuit antiqua, ut populus Wessofontanus solemni processione ad montem sanctum Andecensem proficisceretur, pridie festi Ascensionis post Nonam in choro decantatam, sicut fit in hodiernum diem. Verùm supervenit anno 1543. aliunde Reverendus D. Georgius Aman, ex alia Diœcesi sacerdos & Religiosus, atque administrationem Parochiæ Wessofontanæ suscepit. Nondum adhuc mos inoleverat, ascensionem Christi, figurâ ejus in cœlum ascendentis populo exhibitâ celebrandi: ille primus hoc introduxit permittente Abbate, simulque mirabilem ritum, qui piis quidem devotionem, frigidis autem parùm ædificationis asserere posset. Causam hujus ritûs Georgius de suggestu explicans, plebem quidem novitatis avidam traxit, & à veteri more S. Montem invisendi avertit: at non æquè grata populo fuit translatio peregrinationis hujus ad feriam quartam hebdomadæ Pentecostes; jam enim matutinâ horâ secundâ surgentes ibant oppidani ad Montem sanctum, & eodem die ad Vesperas revertebantur. Credo, in plebe exorta fuisse murmura, quibus motus Georgius à monasterio ultrò discessit, & ad sua rediit. Bona mente ab ipso introductum novum morem crediderim, & bono zelo, fortè & desiderio, suum in catholice fidei studium fervorem ostendendi. Idem enim Georgius, Lutheri doctrinis seductus, pertinaciter novatorum opinionibus adhæserat, ac propterea decem annos in carcere, alios quinq; honestius inclusus, transegerat. Egit deinde pœnitentiam, & tum verbo, tum exemplo pii sacerdotis nomen sibi comparavit. Georgio sub annum 1545. ultrò discedenti successit P. Wolfgangus Leyrer, Raistingæ natus & monasterii nostri Religiosus: qui pristinum agendæ peregrinationis morem reduxit, non tamen dominicæ Ascensionis exhibitionem, sed superfluos ritus sustulit. Atque ita in hodiernum diem antiqua & laudabilis hæc consuetudo in devotæ plebis gratiam perseverat.

3. Quod

3. Quod alterum memoriâ dignum sub Abbate Benedicto contigit, est fuga Cathedralium Canonorum Ecclesiæ Augustanæ. Pertinet hoc ad historiam nostram non solum, quod ejusdem Diocæses simus, sed quod fugæ suæ refugium intra Parochiarum nostrarum limites quaesierint: quod nescio, honorî magis, quam dolori nobis cedere debuerit. Videre illustrissima summæ Ecclesiæ capita furori & violentiæ cedere, quantus dolor! eosdem illustrissimos viros hospitio recipere, quantus honor! Audiamus Corbinianum Khamm hac de fuga loquentem: (a)
 „ Anno 1546. die 18. Februarii *Luthero* ætatis 63. (*Crisico* anno, quo judicio *crisique* divinæ rationem erat redditurus) *Islebii* infelicem animam
 „ exhalante, & *Wittebergæ* sepulto, non sepeliebantur *Lutherani*, sed
 „ vivaciosos & insolentiores redditi, *Friesen*, *Reitten*, ipsum fortalicium
 „ *Ehrenberg* expugnabant: obvia templa & monasteria. Algoiz spoliabant,
 „ atque *Dillingam* (capitulo Cathedrali illâ fugato, & primitus die 4. Julii
 „ *Rhaimam*, dein 14. Julii *Aicham*, inde die 8. Augusti *Landspargam*, po-
 „ stremo die 13. Augusti *Weilhemium* translato) armis occupant.

4. Hunc fugæ dolorem proximo anno solatus est Deus: Otho Augustanus Episcopus ad Ecclesiam suam rediit, eamque ab hæreticis profanatam expiavit: anno sequente Ecclesiasticum summi templi Sontum Dilingâ reversum recepit. Nos, sicut cum fugientibus dolor compati-
 nis fuit, ita honorem maximum putamus, & favorem coelitus concessum agnoscimus, eosdem Reverendissimos ac illustrissimos Canonicos in
 duabus civitatibus, secundum sanctiorem curam, & antiquo jure
 nostris, excipere, fovere, & omni debito obsequio
 venerari potuisse.

(a) *Hierarchie Aug. P. I. Cathedrali fol. 343.*





SÆCULUM NONUM

WESSOEONTANUM,

CAPUT I.

De Leonardo II. Abbate XLVI.

§. I.

Leonardi natales, mores, vocatio.

Sicut priori sæculo initium dedit Leonardus I. ita secundum hoc ejusdem nominis Abbas Leonardus II. cognomento Hirschauer. Patria ei fuit Reichlinga, spectabilis & numerosus vicus, præturæ Rauhenlechspergensis. Parentes ingenui, locupletes, & antiquæ germanicatis, Joannes & Elisabetha. Traditione accepimus à senibus, Leonardum fuisse juvenem gigantæ ferè roboris, & effigies ejus integra sepulchrali saxo insculpta non abludit. Dicitur inter eos fuisse, qui in atrio monacensis Palatii prægrandem lapidem trecentarum forè librarum de terra tollere, & saliendo duodecim pedes in altum se librare potuerint. A parentibus ad hauriendam liberalium artium scientiam admotus, etsi ingenio esset perspicax, magis tamen ad sagatam quàm togatam Palladem vivida indoles eum trahebat. Verumtamen eternæ salutis desiderio incensus ad monasterium nostrum supplex venit, & ob perspectas animi dotes semel iterumque receptus fuit, bina tamen vice Palinodiam cecinit, & militiam profanam secutus est, quò eum roboris sui fiducia duxerat. Demum meliori numine afflatus ad sanctiorem militiam rediit, in Benedictinos canones juravit, bonum cartamen certavit, atque ita se omnibus mansuetudine, patientia, prudentiæque probavit, ut non dubitarent, defuncto Benedicto II. eundem in Abbatem eligere: quod contigit anno post millesimum quingentesimum sexagesimo secundo. Præfuit integro decennio sine querela, Religiosarum consuetudinum, decem

Da d

forum

forum curâ introductarum, tenax: & licet singularia ejus acta nullibi consignata innotuerint, ex fructibus tamen cognosci potest, quod benedictiones coelestes regimini ejus non defuerint. Sicut porro Leonardus, in parentes suos et sanctos pius, in gentem eis sepulchralem lapidem cum eorum epitaphio, suo nomine insignitum posuit, qui hodie eam prope Ecclesiam Reichlinganz januam parieti infixus cernitur, ita ipse majori artificio sculptum à successore accepit, prope hodiernam aram SS. Rosarii spectandam. Ipse Abbas noster, decennio regiminis exacto, obiit anno 1572.

S. II.

Religiosi Weßfontani bene meriti.

2. **R**eligiosis nostris merito annueramus alienigenam, non solum civitatis, sed etiam diuturnae apud nos commorationis, & maxime mortis jure. Leonardus is erat, cognomento Hofmannus, monachus antehac Andecensis, & ob præclaram spem de se conceptam anno 1561. etiam Abbas sancti Montis Andecensis electus. Verum cum solitudinis & litterarum amantiolem, quam reipublicae gerendae peritum se demonstraret, anno 1565. abdicare se praesulatu coactus est, die 26. Maji. (a). Inde deposito honoris onere lætus à monte ad Fontes nostros transit: ubi uberem eloquentiae suae fructum ex concionibus suis habuit, coelestibus horreis inferendum. Vacanti Parochiae Weßfontanae Pastor est datus, officioque suo per annos fere viginti sub duobus Abbatibus summo zelo perfunctus in pace quievit, egregiumque in Necrologio nostro elogium est adeptus, felicior dimissa Praesulis dignitate, quam accepta.

3. Post Leonardum Hoffmannum Andecii curam accepit alius, non ex illo monasterio, sed aliunde constitutus, qui cum parum feliciter rem administrare videretur, Principumque insuper offensam, nescio qua de causa, incurrisset, Abbas ex nostro monasterio illuc anno 1568. postulatus fuit Georgius Zimmermann, vir antiqui candoris, & venerandae senectutis. Damasci hic primam lucem aspexerat: inde ad monasterium nostrum receptus per annos fere viginti quatuor apud nos Celerarii & oeconomi munus feliciter gesserat. Translatus ad montem sanctum, & electioni acquiescens, cum de vitae diuturnitate desperaret, senio simul gravis, & valetudine debilis, persuaderi sibi passus non est, ut

ut vel confirmationem, vel benedictionem Abbatialem suscipere. Et verò præsensisse videtur instantem mortem; nam anno 1569. die 20. Septembris obiit, & in meritum, certè bonæ voluntatis, ac Monachorum de eo conceptæ spei testimonium, in templo Andecensi, mediocriter subitus sacrum Odæum loco honorificam sepulturam accepit.

4. Donec monasterio Andecensi de alio Abbate prospiceretur, administratio illius commissa fuit P. Casparo Kürbelio Weilhemii nato, Monacho Wessofontano, quo in munere perstitit usque ad diem 25. Februarii anni millesimi quingentesimi septuagesimi: quo tempore Andecensibus Administrator ac dein Abbas datus est Joachimus Kürbaer, monasterii Ochsenhusani antea Prior, Munderkingensis. Casparus verò noster ad Fontes suos rediit, & per annos complures gesto, sicut jam antè, ita deinceps Prioris officio in bona senectute 1577. diem obiit supremam.

(2) *Hist. Andec. sub. H. Himmel auf Erden fol. 164. de Leonardo, Georgio, & Casparo.*

CAPUT II.

Gregorius I. Abbas XLVII.

§. I.

Electio Gregorii.

1. **N**atus est in Toparchia & Parochia Wessofontana honestis valde parentibus, ac studiis admotus, cum egregium in litteris & virtute profectum fecisset, atque supplici libello suscipi ad monasterium nostrum petiisset, assensum facile obtinuit.

2. Quibus in religione officiis defunctus fuerit Gregorius, nullo certo indicio scimus. Litteris probè excultum, & divini cultus studio semper fuisse ea comprobant, quæ in Præsulatu gessit. Electus est unanimi monachorum consensu anno 1572. & insignia sibi elegit ex nomine, concham nempe marinam cum scipione viatorio, qualibus uti solent, qui Compostellam in Hispania ad S. Jacobum peregrinati, hinc revertuntur.

3. Sedes Jacobiorum fuit supra montem, quo ad monasterium & oppidum Dieffenſe via deportat. Nobilem asserere non aulin, nisi ex illis descenderint Jacobii, quorum unus in Codice Weißenstaphanensi citatur testis, Adilbertus de Wessinsprunnen. (a) Et planè non procul hinc rudera stetisse antiquæ arcis in silva vicina, Hundius testatur, (b) quæ eodem asserente ad Greuteros pertinebat: à quibus bona, ad illos olim pertinentia, Jacobii, licet conditione inferiores, satis tamen potentes, ut ex variis contractibus in Archivio nostro asservatis patet, poterant comparasse. Verùm hæc incerta relinquo, donec certiora argumenta suppetant.

(a) *Hund. Metrop. Tom. III. fol. 471.* (b) *Idem ibid. fol. 485.*

§. II.

Quid Gregorius Abbas præstiterit ad augmentum cultus divini.

4. **P**AUCA licet ad posteros transmissa sint, satis tamen pro illo turbulento tempore, quò monasterium recenter innovatum, & paucis eò usque religionis instructum, præstitisse censi debet Gregorius. Ad augmentum enim divinæ laudis, & ætæternæ cantantium commodum, duobus è charta pergamena voluminibus, quibus Psalmi continebantur, sumptu non exiguo Chorum instruxit. Præterea geminas SS. Apostolorum Petri & Pauli, monasterii nostri Patronorum, statuas pœne bipalmæres, cum basibus, ex solido argento fabrefieri curavit, insignibus suis, cuique subjectis, unde illa superius descripta sumpsimus.

5. Quod ad cultum divinum & animarum salutem plurimum hodie dum prodesse videtur, decimas Mundrachingenses, atque unâ jus Parochiale comparavit Gregorius, certâ pecuniarum summâ numeratâ, statisque conditionibus divina in loco celebranti præscriptis. Est Mundrachinga vicus Lyco flumini assitus, complectens hodie domos 24. quibus si Lechmillanas quinque ultra flumen ex parte Suevica sitas adjicias, erunt 29. Cum adessent & præessent adhuc loco Nobiles, proprium alebant sacerdotem, ipsi decimas, nescio unde comparatas, in suos usus emptionis jure convertentes. Ultimus eorum Melchior Vogt de Findingen erat, uxor Anna Vogtin, nata Höchenkircherin. Findinganis ille nobilibus, ex quorum genere Gerbirgam Sanctimoniam Wessofontanam sæculo Christi decimo tertio susceptam retulimus, successerat, & cognomen acceperat.

ceperat. De familia Hochenkircherorum multa jam dicta sunt sæculo decimo quarto & decimo quinto sub Udalrico de Höchenkirchen Abbate primam Wessofontano, dein Ettalensi. Porro Melchioris Vogti & Annæ Conjugis tres supererant filii: Wilhelmus Vogt in Eresing de Finding, primogenitus: alter Joannes Sebastianus Vogt in ministerio aulae Cæsareæ: Christophorus Vogt natu minimus, quorum omnium consensus, ut requirebatur, ita libenter præbatur. Confectum itaque est instrumentum venditionis decimarum, & à venditoribus dictæ conditiones, quibus loci curiones tenerentur: nempe, ut singulis septimanis una Missa celebraretur, quocunque commodum esset die: præterea in festis SS. Sebastiani, Blasii, & Innocentii: in hebdomade Paschali die Mercurii, & Jovis: in festo S. Viti Martyris, qui Patronus est loci primarius, & S. Annæ, Patronæ secundariæ: item Dominicā ante festum S. Bartholomæi, quo die festum dedicationis fuisse celebratum videtur: & in quatuor anni festis, in die 4. Hochheiligen Festen. Hodie cum fœnore ad colonorum commoditatem multò plura sunt, quàm petita sunt, ut suo loco sub Abbate Leonardo Weiss, sæculo decimo septimo fortè referetur. Porro Instrumentum hoc latinā & germanicā linguā scriptum cum aliis pluribus Parochias Wessofontanas concernentibus collatum, consonum inventum, & subsignatum est à P. Quirino Millon, O. S. B. Professo Tegernseensi, tunc Priore, postea Abbate, Notario Publico Apostolico Jurato: quod factum est Monachii die duodecima Maii, anno 1687.

§. III.

Quid ad studiorum cultum & suorum litteraturam contulerit Gregorius?

6. **A**mbabus manibus amplectebatur Gregorius S. Tridentini Concilii mandatum de adornandis ædumorum seminariis, unde aliquando viri prodirent studiis & moribus bene exculci, qui populum Christianum, ex pullulante diversarum hæresum varietate si non labefactatum, certè periclitantem, ad suam doctrinam vel reducerent, vel in officio continerent. Quid hac in re præstiterit Gregorius noster, non meo, sed externo testimonio docere malim. Jam anno 1577. Michæas Ubiserus Glogoviensis Silesius, Poëta Laureatus, dedicaverat D. Gregorio Jacobo, Abbati ad Fontem Wessonis, & D. Benedicto Martio celeberrimi cœnobii Benedictenpurani Præsuli dignissimo, vitam, & miracula sancti Benedicti, Hæroico carmine descripta. Subjicit Author aversâ paginâ Elegiam

dedicatoriam, ex qua ea tantum excerptam, quibus Abbati nostro tum gratias agit, tum gratiam illius capiat :

Inde (c) reversa (d) domum, dominum reverenter adito,

Cui Wessprunensis subdita sceptrâ domus :

Qui te dignatur sociâ discumbere mensâ,

Ne dubita, placidâ te quoque fronte leget.

Nam quod eremicolæ celebras miracula Patris,

Gratior hoc illis nomine forsau eris. &c.

Finis carmine subscribit Author :

Ex Phransterio Wessofontan. 6. Cal. Novemb. Anno Domini 1527. Opus deinde orditur his verbis :

Facta canant alii magnorum illustria Regum,

Cæsareosque vehant, quâ digni laude, triumphos,

Sancte ego te Benedicte canam &c.

Complectitur carmen omne 317. Hexametros. In fine per peculiare Carmen versu jambico trimetro & bimetro altercante commendat se Venerabili & devoto D. Augustino Winterholero, Priori Wessprunensi : post aliquot disticha hoc modo :

Si me favore juveris (ut potes) tuo,

Portum mea jam tenet ratis.

Impressum est opus Augustæ à Valentino Schönigk anno 1578. Quid Poeta quaesierit, an, ut seminarit Wessofontani didascalus, an, ut etiam Monachus fieret, incertus sum. Certè Fr. Joannes Schweinperger, Prior Staingadenfis, uti se in carmine gratulatorio appellat, sic Ubifero accinit :

Te Benedictus amet, Domini quia in nomine venit :

Cui tua scripta sacras, te Benedictus amet.

Ille tibi priscas reparet, charissime, vires,

Ille tamen venax ditet, opesque tuas.

Ex quibus colligas, hominem invalidum, neq jam juvenem, utpote Prioris coetaneum, nil aliud nisi victum stabilem, & opes statui convenienti-

ascentes quævisse. Si obtinuit instructoris officium, quod desiderasse videtur, haud diu tenuit vel morte sublatus, vel sponte digressus, vel nunquam exauditus. Nam anno post tertio alius videtur idem præfasse Præceptoris officium, & luculentius quidem.

7. Atque is est Michaël Villicus Giengenſis Suevus, qui Abbati nostro dedicavit, eodem Valentino typographo, *Aurea quædam de moribus præcepta ex Isocratis ac Demonici oratione pro iuventute excerpta, heroico carmine reddita, adjunctis Lucii Annaei Senecæ de morum urbanitate dictis pulcherrimis &c.* Anno Domini 1580. Dedicat opus Reverendo in Christo Patri ac Domino, Domino Gregorio Jacobo celeberrimi monasterii Wessfontani Abbati &c. hac elegia, cujus initium, & aliqua è medio proferam:

Accipe Wessonis Præsul dignissime fontis

Carmina, quæ facili simplicitate damus. &c.

Tu modò consule pauca boni, nostrosque labores

Mæcenas placida suscipe fronte, precor

Pòst majora dabo, si me ad majora reservet

Tempora, sublimi qui sedet arce, Deus.

Fac saltem foveas artes, quibus itur in altum,

Et placeant Musæ turba sacrata Jovis.

Nec desint vates juvenilia corda regentes

Artibus ingenuis, moribus atque bonis.

Sic Fons Wessonis famâ super æthera notus,

Qua nunc excellit laude, perennis erit.

(c) nempe ex monasterio Benedicteburano. (d) Musam suam alloquitur.

§. IV.

Acta coætanea, externa & domestica.

8. Vix adierat Præsulatum Gregorius noster, cum anno proximo 1575. obiit Eminentissimus Dominus Otho Episcopus Augustanus, S.R. Ecclesiæ Cardinalis, Præsul incomparabilis, ac heros pro religione catholica invictus. Ejus elogia cum pagellæ istæ non capiant, laudorem ad Hierarchiam Augustanam remittimus. (e) Eisdem successe Joann.

Joannes Egolphus de Knöringen, Episcopus multarum laudum, litterarum & litteratorum amator, diocesis vero suæ, in quam hæreses jam hinc inde irreperant, Reformator zelosissimus. Is cum duos tantum annos præfuisset, in ejus locum anno 1575. electus fuit Marquardus Comes de Berg, illustris prosapix suæ postremus, vir æquitatis tenacissimus, ita, ut pro symbolo ferre solet: *fit justitia, & pereat mundus*. Qui cum subsidium charitativum à Prælati vicinis petisset, hi quidem Ducis metu morabantur: eo vero absoluti petitioni acquieverunt, inter quos Gregorius noster pro facultatibus contulit. (f) Et sanè erant tempora, quæ Episcopi opem ac suppetias flagitarent, ut contra invalescentes hæreses arces & munimenta litteraria erigerentur, è quibus præstantes viri ad Ecclesiæ defensionem peterentur.

9. Abbatis hujus tempore, anno nimirum 1576. S. Bentionis, Abbatis ante Hildesheimensis, dein Præpositi Goslarientis, ac ætium Episcopi Misnensis in Saxonia, sacrum corpus, & pontificia ornamenti, Monachium in Bavariam nostram translata sunt, ut quem à populis jam hæretico veneno infectis sperare cultum non amplius poterant, in Bavaria majorem obtinerent. Primum quidem in sacello Palatii Electoralis, donec de ratione propagandæ ejus gloriæ decerneretur, honorifice custodiebantur: Verum anno 1580. solemni pompâ ad insignem Collegiatam Deiparæ Virginis Ecclesiam translata, & in magnifico sacello, ac ara propria fuere reposita: statimque magna in afflictos & ægros beneficiis fulgere cœperunt: atque ea quidem memori charta excipiendi aut in populum vulgandi animus nondum erat, ob hæreticorum cavillos, licet insignia curationum exempla fuerint ostensa. Viginti tamen post annos ipsa illorum frequentia rupit silentium. Nos eo minùs de illis silere possumus, quò major & peculiaris quidem in eundem sanctum devotio Wessofontanos tenet: qua de re alibi copiosior sermo redibit. (g)

10. Eodem Abbate ad Superos, ut speramus, abiit vir Reverendissimus Leonardus Hofmann, Monachus antè & Abbas Andecensis. Is ejusdem monasterii anno 1561. Abbas electus fuit; verum cum quinque annos præfuisset, præfulatu se abdicare compulsus, ad nos se recepit, atque Parochiam nostram S. Joannis Wessofontanam per viginti fere annos egregio zelo administravit, omnesque optimi tam Religiosi, quam Pastoris partes implevit, in peristyllo, communi monachorum sepultura, terræ mandatus, & posterorum memoriæ in Neerologio commendatus.

Denique non vulgare solatium Gregorii afferebat insignis scientiarum incrementum, cum videbat jam Augustæ Vindeliconum, jam Dillingæ publicis litterarum emporiis fundamenta dari, per Religiosissimos Patres Societatis Jesu gubernandis; magis etiã ipsum demulcit domus probationis Landspergæ, quam Schvvickerus comes Helffonteinus movebatur. Sub horum Patrum disciplina Logistadii algiores Scientias habuit Wolfgangus Jacobus, Abbatis nostri ex fratre nepos: de quo deinceps plura referentur. Vidisset Gregorius nepotem suum Landspergæ Pastorem: vidisset novum ibidem Societatis laudatæ templum: vidisset in Ecclesiâ Collegii congregatos magno numero cives, statis diebus discipulo verbo intentos: vidisset eodem frequentiore conventu in templo Parochiali congregatos ad cultum divinum, & ad hauriendas vitæ Christianæ doctrinas: quæ omnia in ovium suarum Landspergensium salutem redundare conspiciens, non potuisset displicens & solatio lachrymas continere. His grande augmentum accessisset, si, quam ultimo vitæ suæ anno ad Sacram Professionem admisisset, Joachimum Puechauer, prævidisset fore Universitatis Salisburgensis excitatorem. Verum Gregorii magis de publicis emolumentis spes, magis abruptis. Honorisqum pro meritis suis & facultatibus nostris tantum in templo nostro accepit præcipui effigiem, quæ, referente Saxo, vicino parieti inserta, deco-

(A) *Mon. Aug. P. I. Gesh. 2. fol. 332.* (F) *Cbron. Benediktiner. P. I. fol. 262.*

(H) *Bolm. 6. Junii fol. 224. num. 22.*

§ V.

De Wollfango Jacobo nobili Poeta Wessofontano,

Filius Wolfgangus, Wolfgangi Abbatis nostri ex fratre nepos, apud Wessofontanos in hacem educatus, maximè spem adolescens, & ad ætatem litterarum natus, & ad severiores scientias. Sive parentum impensis; sive Patrum munificentia Ingolstadii Philosophiæ, dein & Theologiæ operam dedit. Ejus apud Academicos existimationem docuit duo opera typis edita, eidem propria Anshbrum manu consignata, donatæque. Primus erat anno 1720. Michaeli Villiqui Ciengensis Suevici, quæ *Acta de moribus principis* Gregorio Abbati nostro, ut supra diximus, dedicata in limbo hæc subscriptio est usus: *Ingenus: & eximius spiritus adolescens Wolfgang Jacobus hæc epistolam dno dedit Michaeli Villiqui, hujus operis.*

Ecc

ſperis Author. Anno deinde 1583. Panegyri gratulatoriæ, quinque novis Doctoribus, Non. Oct. publicè creatis (h) dedicatz, ſubſcriptis ſecundus Author: *Domino Welfgango Jacobo Fiſiberus Autor dedit.* Vocatur hic in operis titulo M. Jacobus Fiſcherus, Poëta laureatus.

2. Spei de ſe conceptæ reſpondit Welfganguſ anno 1584. diverſis carminibus in lucem datis. *Primum* eſt, ut à Virgine Deipara auſpicaretur labores ſuos, poëma ſacrum in diem Purificationis ſanctiſſimæ DEI Genitricis Mariæ, dedicatum nomine Congregationis Illuſtri DD. Ladislaſ lib. Bar. à Terring, Domino in Stein & Peterſtein. Conſtat hoc poëma ducentis octoginta hexametris: cui idem Author Welfganguſ ſubjunxit Mantiffæ loco ſeptem Epigrammata elegiaco & ſapphico metro in eandem Purificationem. *Secundum* eſt inter aliorum Carmina Gratulatoria D. Conrado Vogelio Buochavienſi Suevo dedicata, cum 6. Cal. Maji Philoſophiæ Baccalaureus crearetur, à Welfgango noſtro compoſitum carmen ſapphicum, octodecim ſtrophas complectens. *Tertium* nomine Congregationis Academicæ ſcriptum de Auguſtiſſimo Eucharitiæ ſacramento, ac IV. Calendas Junii dedicatum nobili adoleſcenti Conrado à Rechberg de Hochenrechberg, à Welfgango Jacobo jam Philoſophiæ Baccalaureo, centum octoginta hexametris decantatum. *Quartum* poſt gratulatoria Edmundi Hollyngi Angli, à Welfgango Jacobo dedicata Michaeli Herero Can. Reg. Baumburgenſi, & Vito Prieſtero Alumno Ducali, ſupremâ Philoſophiæ laureâ redimitis. Noſter ad Prieſterum incipit: *Credo equidem tacito mortalia poſtera metu Natura ſimulante trahi &c.* ad Hererum verò: *ardua mirabar quondam ſtudia atque labores Immenſos, Herere, tuos &c.* *Quintum* eſt in Eponeſi Gratulatoria Jodoco Brümſi Hildesheimenſi Catholico Saxoni, 4. Cal. Novembris Juris utruſque Doctori creato, inter alios authores à Welfgango Jacobo hexametris decantatum, quod incipit: *Sævus utro taſſe turbantibus æquora ventis &c.* Acque hi, præter propria ſtudia, quibus primam Philoſophiæ lauream Welfganguſ preſtabat, intra unius anni ſpatium fuere poëti labores; ubique ſpectatus vigor, gravitas, & naturalis quædam facilitas elucet.

3. Proximo deinde anno 1585. Carmina Natalitia Reverendo ac Doctiſſimo viro M. Balchaſaro Schreyvogello, ſive Adornio, Soc. Jeſu Ingolſtadii in Ducali collegio Wilhelmano humaniorum litterarum Profeſſori &c. inſcripta, & ipſo SS. tritum Regum feſto conſecrata; poſt alios duos auxit Welfganguſ noſter Acroſtichi, & altero Epico carmine. Anno deinde 1587. Congratulatio D. Andrea de Luchis Neapolitani Aſtriaco, 4. Cal. Maii primam Art. LL. & Philoſophiæ lauream adæpto, dedicata

est et à M. Joanne Hackero Ehingenſi LL. ſtudioſo, & M. Wolfgang Jacobo, SS. Theologia ſtudioſo. Wolfgangi noſtri carmen 180. hexametros habet, & incipit: *Ergo age Teutimidum celebris regnator aquarum Iſter ad Auſtriacas lætis; nuntius oras omnibus &c.*

4. Eodem anno Epheſin gratulatiſſimam ad viginti quatuor pro ſuprema AA. LL. & Philoſophiæ laurea candidatos die XIII. Cal. Auguſti compoſuit ſolus Wolfgangus Jacobus, primum R. P. Georgio Phedero Soc. Jeſu Philoſophiæ & Mathematicæ Ingolſtadli Profeſſori ac Promotori, dein Candidatis univerſis, ac deinde ſingulis gratulatus vario carminum genere, heroico, elegiaco, Phaleucio, Sapphico, Aſclepiadeo, Glyconio: ubi mirari quis poſſit parem per omnia venam ac promptitudinem, ut niſi in poëtico ſtudio inveniri poſſe videatur, in quo non facit dexterrimè verſatus.

5. Biennio abhinc ſupremâ Philoſophiæ laureâ decoratus, atque dein ad ſanctiora ſtudia tranſgreſſus, cùm Theologiæ triennium impendiſſet, publicas de voto & juramento Theſes defendit Præſide R. Mathia Mairhofer S. J. pro utraque in SS. Theologia Baccalaureatûs laurea conſequenda Candidatus anno 1789. die 7. Julii, easque Reverendiſſimæ D. Benedicto III. Abbati Weſſoſontano recens electo nuntupavit, ejuſdem in ſe beneficia, à defuncto jam patruo Gregorio Jacob Abbate ſibi exhibitis, non inferiora commemorans.

6. Biennio poſt elapſo Wolfgangus noſter jam civitatis Landſpergenſis Parochus erat, ut teſtatur inſcriptio Theſium Dilingæ de Juſtificatione hominis injuſti coram DEO diſputatarum Præſide Joanne Pelecyo, S. J. quas primus defendens Marcus Lyreſius Landſpergenſis, alumnus Pontificius, idemque Parochus in Bilerthauſo anno 1791. 4. Martii à ſe propugnatas eidem miſit, his propria manu adſcriptis verbis: *Reverende &c. Clariſſime viro ac Domino Wolfgango Jacobo SS. Theologiæ Licentiato, Parochi Landſpergenſi &c.*

7. Quam æſtimatus fuerit ab eruditis Wolfgangus, tum ex iis patet, quæ ſupra diximus, tum ex eo, quòd Andreas de Luchis Auſtriacus anno 1788. deſenſas à ſe Theſes Philoſophicas eidem miſerit: & anno 1795. doctiſſimis ille Jacobus Greſcherus S. J. alias de Incarnati Verbi myſterio diſceptratas propria manu dicatas in donum Landſpergenſi tranſmiſerit, ubi jam tum ſocietatis domicilium florebat.

(h) Erant hi: *Jean. Georg. Larichius, Wilhelmus & Wolfgang. Maffius, Georg. Ayrnschmalz, & Christophorus Geuvoldus ille, qui Additiones in Metropoli. Handed edidit.*

CAPUT III.

Benedictus III. Abbas XLVIII.

§. I.

Natales, Electio, merita Benedicti.

1. **B**enedictus Abbas, cognomento Schvvarz, Damasci apud Ambro-
nem lacum non tam opulentis, quam honestis piisque parenti-
bus ortus est. Pater piscatoriam exercebat, non tam sibi, quam
filiis dives, quos paterna sollicitudine educatos, litterisque in-
formatos tandem Religiosos vidit, Jacobum natu majorem Pollingæ Re-
gularem Canonicum, ac demum Præpositum (a); Benedictum junio-
rem apud Fontes nostros Monachum; & postea Abbatem. Non erubuit
uterque Præful humilis conditionis indicia, pisces, insignibus suis inferre.
Benedictus noster, postquam solennibus votis DEO se consecravit, sacer-
dotio initiatus ita se ad omnia habilem ostendit, ut Parochiæ Wessofon-
tanæ, & œconomix, aliâque officia summa cum monasterii utilitate ad-
ministraturus videretur.

a. Neo verò defuit sp̄s de se conceptæ. Quare cum obiisset decel-
sor Gregorius Jacob, Abbas meritissimus, & ad futuram novi Antistitis
electionem præfixa esset dies 15. Martii, Serenissimus Bavarix Dux Wil-
helmus quintus adesse etiam jussit Reverendissimum Joannem Benedictum
Abbatem Benedictoburanum. (b) Electus fuit pro egregiis suis in mona-
sterium meritis Benedictus Schvvarz, eul eodem anno die 7. Julii, Theo-
logicus de voto & juramento Theses Ingolstadtii à se defensas dedicavit
Magister Wolfgangus Jacobius Wessentruncensis, pro utroque in SS.
Theologia Baccalaureatus laurea Candidatus. Erat hic defuncti Grege-
rii Abbatis ex fratre nepos, & jam antè Benedicto nostro devotus. In
ipsa Thesium dedicatione facitur, enarratis patris defuncti beneficiis sub-
jungens: *si verò sua beneficia, reliquis præteritis, perpendam, faceret necesse est,*
quid

quod eorum complexus existit semper maximus, & indies magis magisque augeatur. Hæc Jacobius jam presbyter, & mox SS. Theologiae Licentiatius, bencinio post etiam Parochus Landispergensis.

3. Quam sollicitus hic Præsul fuerit pro cultus Divini majestate & Ecclesiasticis ceremoniis observandis luculento testimonio est liber observandorum, quem jussu Benedicti Abbatis scripsit, in eoque pro singulis totius anni festivitibus laudabiles consuetudines ac ritus accuratè expressit F. Joachimus Puechauer, primum anno 1588. Religionem professus: ex quo undique elucet adolescentis industria & judicium, majori olim dignitati sustinendæ par futurum. Benedictus vero Abbas decessoris sui non immemor, insigne ei epitymbium ex ingenti saxo paravit, ac *Reformatoris* honorifico titulo Gregorium posteris commendavit. Sui quoque memoriam perennem effecit Abbas insignem Divi Benedicti statuam argento fusam sacrario inferens. Hoc etiam gloriæ cedit huic Præsuli, quod ad monasterium nostrum suscepit atque ad vota solemnia nuncupanda anno 1595. die 15. Augusti admiserit Gregorium Pontanum, qui post duodecim annos factus Abbas diuturnitate regiminis omnium Præsulum nostrorum ætatem superavit, quippe annis quadraginta octo monasterium gubernans.

(a) *Hand. Metrop. Tom. 3. fol. 119.* (b) *Chronik. Benediktobur. Parte I. fol. 263. & Parte II. fol. 240. num. 347.*

§. II.

Visitationes nostri monasterii.

4. Anno 1591. ab Eminentissimo Domino Joanne Othone Episcopo Augustano missus est Reverendissimus D. David Abbas montis sancti ad instituendam monasterii nostri visitationem. Fuerat vir iste Mindelhemii natus, in Ottoburano monasterio professor, deinde monasterii S. Magni in Faucibus Juliis Administrator, demum ad montem sanctum postulatus Abbas anno 1588. die 10. Maji, maximamque sibi famam ubique comparaverat. Venit ergo ad Fontes nostros circa finem Novembris, & cum eo Commissarii Episcopales Joannes Hieronymus Stor ab Ostrach J. U. Licentiatius Cathedralis Augustanæ & Collegiæ Elyactensis Canonicus, Celsissimi Principis & Episcopi Augustani Vice-

rius in spiritualibus Generalis: & M. Joannes Blarer Canonicus S. Petri Augustæ, ejusdem cellissimi Sigillifer. Charta Visitationis nihil ab aliis chartis abludit; inculcatur enim articulis ferè singulis, ut S. Regula servetur, & à laudabili eatenus servata consuetudine non recedatur. Conceduntur quædam: de quibus hodie nemo cogitat: singulis sepeimanis confessio sacramentalis indicitur, aliæque præscribuntur, vel potius in memoriam revocantur. Circa susceptionem Novitiorum cautum fuit, ut homines bone indolis, esset pauperrimi, modè magnæ spei sint, recipiantur, qui professi ad aliquod Catholicum Gymnasium, utpote Dilinganum vel Ingolstadtense mitti possint & mittantur &c. Domum revocati non fiat otiosi, nec infediant tantum sibi creditum, sed ad sanas exponant, alios erudiendo, & cencionando, vel etiam scribendo &c. Circa Divina in templo officia dignius celebranda præscriptum fuit, ut candelæ in aris ex cera accendantur, non ex sevo: quod tamen antea usitatum fuisse, supra memoratus Joachimi Puechauer liber caeremoniarum docet. Atque ita hæc Visitatio finita est die trigesimamensis Novembris, ipso festo S. Andrea Apostoli, anno Domini millesimo, quingentesimo, nonagesimo primo. (c)

5. Altera Visitatio ampliore, nempe Pontificia auctoritate peritramque Germaniam à Clemente VIII. Pontifice commissæ fuit Petro Paulo de Benallis, Abbati ad S. Sabinam Florentiæ. Is ex Italia Augustam Vindelicorum veniens, & Apostolicam Bullam, missionis suæ testem Joanni Ottoni Episcopo exhibens, promptissimum ejus in vota Pontificis animum invenit, omnemque facultatem officium suum liberè exequendi. Eadem usus, post alia etiam ad nostrum monasterium venit Bullam Papalem commissionis & potestatis sibi commissæ testem exhibuit. Editæ hæc erat *Roma apud S. Marcum sub annulo Piscatoris die 14. Julii, anno 1593. Pontificatus Clementis secundo*, cui inscripti erant *Petrus Paulus de Benallis Abbas & Visitator Apostolicus. M. Vestrius Barbianaus.* (d)

6. Religiosi nostri advenientem promptissimè exceperunt, & quæ sponte sua ad omnem observantiam propendebant, proposuerunt. Datis in S. Patris nostri Benedicti Regulam, ad quæ respondit Reverendissimus D. Abbas Monasterii S. Sabine prope Florentiam, Petrus Paulus Abbas Cassinensis, cum à Clemente VIII. Pont. Max. in utramque Germaniam delegatus, Ordinis S. Benedicti Visitatorum & Reformatorem ageret, Anno à Christo nato 1593. (†) Inter titulus Quæstionum à Monachis propositarum, & Responsionum à Visitatore datarum: inde quàm in respondendo Visitatoris sapientia, tam in Interrogando Monachorum pro disciplinæ studio prudentia & solertia elucebat. Servamus hæc omnia P. Joachimi Puechauer fidelis calamo

mo descripta. Optandum planè erat, ut visitatio tam fructuosa in omnia Germaniæ monasteria propagaretur. Alio aliter visum Superis.

7. Apostolicus iste Visitator, cum in Augustana Diocesi animos promptissimos, & ipsum Episcopum Joannem Othonem consilii sui adiutorem, & promotorem invenisset, non æquè secundis ventis in Frisingensi Diocesi utebatur; imò ita adversos expertus est, ut consilii captandi causa Romam redire mallet, quàm inter externos operam perdere. Suspensio interim visitationis negotio monasterium Eberspergensis, quod aliquamdiu à Monachis aliunde vocatis administrabatur, auctoritate Pontificia translatum est ad Societatem Jesu, & unitum Collegio ejusdem Monacensi, per Bullam Clementis PP. VIII. editam 19. Maii anno 1595. Qua de re Adlzreiterus ita scribit: *Posteaquam temporum malignitas una cum fortune (quod sæpe consequens est) ejusce loci disciplinam, & Religiosorum numerum minuerat, Guilielmus accepto à Clemente VIII. summo Pontifice diplomate impetravit, ut Monachienf. Soc. Jesu collegio adjungeretur. Itaque pridie Calendas Novemb. Rector Monachienfis Collegii in ejus monasterii possessionem immisus est. Res, Dei impræstis beneficio, & secundum Deum favere Principis, & prudentiæ Commissariorum, magna tranquillitate peracta, majori sanè, quàm in re, que magnà invidiâ non careret, sperari poterat. (e). Hactenus ille pro suo candore, & ex vero. Notiores sunt amplissimi in Ecclesiæ Catholicæ augmentum & ornamentum fructus illi, quos alma Jesu societas eousque in Bavaria & affinis regnâ protulerat, quàm ut à nobis enarrentur: nec mirum, Religiosissimum Ducem amplioris emolumenti æquissima spe allectum eidem religioni, quibus poterat modis, consulere voluisse. Ut verò res tam magna tranquillitate perageretur, præter causas supra memoratas, non exiguum momentum attulit Alexander Abbas Andecensis: qui cum videret, eò res Eberspergenses devenisse, ut, obtento jam Pontificis pro Societate diplomate, mutari nihil posset, Eberspergam profectus Monachis patientiam suavit, eosque non minoris commodi spe solatus est: etsi enim hoc relinquerent, aliud illis monasterium jam paratum patere, in quo deinceps contenti, restaurata etiam Abbatis dignitate, viverent: Mallerstorffense id esse inferioris Bavariz cœnobium, quod jam ante Collegio Monacensi unitum, nunc pro Ebersperga Ordini Benedictino stabili-retur. Itaque ad discessum jam comparatos Commissio Ducalis invenit. Accepit Pontificis etiam jussu, Alexander Abbas operæ suæ præmium, pro monasterio suo annuos mille florenos, postea verò Præposituram Paringanam, à Canonicis inquilinis jam diu destitutam. Adeoque aliis in ordinem nostrum beneficiis compensata putari potest monasterii Eberspergensis translatio: nam & Mallerstorffii nova statim rerum facies ful-*

lit,

fit, cum post annos fere quadraginta, quibus sub Administratōibus suis, Paulus Klöcker Thierhauptanus eorum ultimus, conventu Eberspergensis huc veniente auctus, mitræque, Abbatum insigni, decoratus est. (f) Floret hodiernum monasterium hoc viris pietate, & Grinæque præclaris: neque nos Eberspergam amisimus, Udalrici ex Eberspergensis Monachi Abbatis nostri ductu, hodiernum singulani cultu S. Sebastianum Martyrem prosequentes, ut alibi jam narravimus.

(c) *Syntagma Joachimi* fol. 219. verso. (d) *Idem Synr. f. 223. verso.* (†) *Idem Synr. f. 225.* (e) *Adlzreüster Part. II. Annal. f. 321. & 322.* (f) *Hund. Metrop. T. II. fol. 465.*

§. III.

Edificia, & obitus Benedicti III.

8. **V**idens Benedictus Abbas, locum palæstræ, in quo beati septem contubernales nostri Hungarorum gladio sanguinem pro Christo profuderunt, non eo in honore haberi, qui Martyres Laureatos deceret, majus eorum memoriæ splendidiusque monumentum ponere decrevit. Erat ad illud usque tempus sacellum e ligno positum, atque nivium & imbrum injuriis pervium; nihil dignum loci sanctitate apparbat, neque Regi Martyrum fieri sacrificia poterant. Abbas igitur, inquilinus hospites, & divinitus in patrocinium ac tutelam monasterio & subdito populo missos, firmiore ad posteros monumento dignos existimans, dejecto veteri ligneo aliud amplius, & ad perpetuitatem firmitus e solido saxo sacellum anno 1594. moliri cepit, elegantibus aris instruxit, eidemque prægrandem illum lapidem, Martyrum olim sanguine respersum inclusit: quem adhuc in religione ac reverentia haberi, ægrisque propter Martyrum merita salutarem quandoque fuisse supra diximus, cum de Thierntone locisque Martyribus loqueremur. (g) Sacellum ipsum salutiferæ Crucis nomine dedicatum fuisse, sub Georgio Abbate, Benedicti hujus successore, dicemus. Hodiedum annis singulis in festis Inventōnis, Exaltationis S. Crucis, & Dedicationis anniversariæ, Divinum Officiam cum sermone panegyrico solemniter in eodem sacello peragitur.

9. Hæc in Martyrum memoriam cum præstitisset Benedictus, ad ipsam monasterii nostri originem, ipsosque Westonis Fontes posteritati servandos curas reflexit. Neq. hominum memoria fert, nec ulli Codices nostri

nostri uspiam memorant. fontes istos unquam exaruisse, aut publicæ necessitati se subtraxisse. Attendens tamen Abbas, diluvione quadam dissipari, aut alveos suos deserere eos posse, ut maximis fluminibus evenisse legitur, sapienter curavit, ut non jam solo cespite septi nativam super arenam decurrerent, sed saxis quadris undique cincti, vinisque, per siphones in piscinam, similibus saxis firmiter munitam, confluerent, ex qua contra improvisa incendia semper aquæ copiosæ hauriri, & quotidianæ necessitati abunde subministrari possent. Hoc Fontium nostrorum munimentum Benedictus lapideis muris circumdedit, ostiisque conclusit, ne manus invida, vel oculus inferre fascinum possit. Durat hodie dum hæc securitas fontium, & undarum copia: hinc hortum salientes aquæ refrigerant: hinc mystæ in Sacratio manus lavant: hinc in peristyllo, in cœnaculo, in hospitem diversorio, in coquina, in pistrino, in officina zythopeptica, in villa ad omnes hominum & pecorum usus, ad omnes evehendas sordes, aquæ copiosæ. In coquina & ipsum veru hoc flumine rotatur. Tantas ob utilitates, & ad renovandam foundationis nostræ memoriam, cùm Thassilo Abbas postus à Benedicto muros fastidire, & ruinam minitari cerneret, his destructis, novos altius eduxit, spatium laxavit, elegantem pergulam in sacelli similitudinem addidit, & in laqueari foundationis historiam.

10. His rebus perfunctus, nondum tamen laborum fessus, sed pro animi sui magnitudine facturum maiora, decessit Benedictus anno Domini 1598. cùm annis novem præfuisset singulari cum laude, unde & meruit monumentum omnibus ævis elegantius, nempe ex lapide porphyretico, in quo ipse, pontificali habitu indutus, pulcherrimæque sculpturæ exhibitus pernitur.

(g) *Supervens Parte I. fol. 67. num. 6.*



Fff

CAPUT

CAPUT IV.

Georgius Abbas XLIX.

§. I.

Georgii patria, electio, insignia, cura disciplinæ.

I. **G**eorgius cognomento Ybelhör primam lucem apud Wessonis Fontes hausit, honestâ familiâ natus, quæ hodièdum floret per artis anaglypticæ in Austria, Suevia, & Bavaria celebritatem. Religionem professus Georgius pari virtutis & doctrinæ laude floruit; præcipuè verò indefessam industriam & animarum zelum ostendit multis annis Parochiam Wessofontanam administrando. Prioris etiam officium aliquamdiu simul cum cura pastoralis gessit. Defuncto igitur Benedicto Abbate, non fuit difficilis deliberatio, quem eligerent fratres: certa merita suffragium ferebant. Joachimus Puechauer ita de electione scriptum reliquit: *Anno à Christi nativitate millesimo quingentesimo nonagesimo octavo, sexta die mensis Junii, in hujus monasterii Presulem per modum compromissionis electus & confirmatus est Reverendus in Christo Pater Georgius Thebör nominati monasterii Pastor doctissimus.* Sigillum sibi elegit bipartitum: in superiori parte crucem S. Georgii Martyris, qualem nempe equites ejus ordinis ferunt, cum stella ad dextram & sinistram: in parte inferiori arietem ex triplici colle ascendentem.

2. Primum Georgii negotium erat cura monasticæ disciplinæ, quàm ut Prioris munere functus unicè curabat, ita, ut fortius stabiliret, omnes consuetudines, ceremonias, Constitutiones, Visitationum Recessus, unum in volumen congeri fecit: sicut idem, quem supra laudavimus, Joachimus testatur his verbis: „*Anno Domini millesimo quingentesimo nonagesimo nono* Reverendus in Christo Pater & Dominus Georgius Ybelhör Abbas Wessenbrunnensis, cum ad monasterii sui decus & ornamentum, tum ad divini cultûs juxta Benedictinæ Theosebîæ & Religionis instituta debitam executionem, variis erroribus & mendis, quæ circa describendum hinc inde per librariorum incuriam inciderant sublatis, pristino nitore restituit, legibilique caractere, suis temporibus consuetæ & usitato, transcribi fecit. „ Librum hunc satis spissum collegit,

f. I. Georgii patria , electio, insignia, cura discipline. 411
git, & scripsit ipse Joachimus; viamque sibi ad Prioratum, & Abbatiam
faciliorem fecit, hausta ex eo copiosa Regularium statutorum scientia,
Continentur autem in hoc libro sequentia:

I. Charta Visitationis diffusissima, & centum viginti capitibus con-
stans, anno 1426. sub Abbate Friderico Stettner à Visitatoribus Ordinis
nostri per Provinciam Moguntinam deputatis.

II. Charta Reformationis Reverendissimi Domini Petri Episcopi Au-
gustani anno 1429. qua confirmantur constitutiones priores, & singularia
statuuntur, per triginta quatuor capita.

III. Secunda Reformationis Charta per DD. Abbates Donavverden-
sem S. Crucis, & Norimbergensem S. Egidii, sub Abbate Petro Wito-
tiber anno 1493. relicta. Hæc etiam Charta triginta tribus capitibus
constat.

IV. Tertia Reformationis Charta anno 1591. jussu Joannis Ottonis
Episcopi per Davidem montis sancti Abbatem & Commissarios Episcopa-
les data, varias leges explicat & declarat.

V. Visitatio Apostolica per Petrum Paulum de Benallis S. Sabine
Abbatem Cassinensem à SS. Domino Clemente VIII. missum ad visitanda
utriusque Germaniæ monasteria. Hæc peracta est sola resolutione du-
biorum super Regulam S. P. Benedicti.

VI. Corollaria varia ex singularibus, præter Regulam, S. Benedicti
scriptis, per diversa cœnobia inventis.

VII. Tractatus de modo visitandi monasteria, ordinarii delegato
Abbatibus adjuncto. Et hæc omnia librum ducentis sexaginta novem
paginis utraque facie scriptis implent. Unde non solus Abbatis Georgii
zelus, sed & Joachimi indefessa diligentia colligi potest.



§. II.

Studium Georgii Abbatis ad propagandum cultum divinum & curam Ecclesiarum.

1. **P**recipuum illud existimo, quod Georgius sacellum S. Crucis in memoriam Thientonis & sociorum Martyrum à Benedicto decessore suo ex lapidibus ædificatum, consecrari, divinisque officiis publicè celebrandis aptari curaverit. Factum id anno post millesimum sexcentesimo. Chronologiam hanc eruo ex Radero *tabulas MSS. Wessobrunnensis canonii* allegante, ex quibus hæc transcribo: „ in hujus facti (nempe martyrii) signum erigebatur paulatim à Christi fidelibus capella lignea, quam ante novem annos Reverendus Dominus Benedictus Abbas, (a) piæ memoriæ, deposuit zelo divino permotus, & novam de lateribus extruxit, quam proinde noster modernus Reverendus in Christo Pater & Dominus Georgius Abbas (b) ante tres annos consecrari à Reverendissimi Episcopi Augustani R. D. suffraganeo summo opere sollicitavit, & consecrari in honorem S. Crucis fecit. „ Cum igitur Benedictus Abbas *ante novem annos*, nempe, ut suprà dictum A. 1594. sacellum ædificaverit, & *ante tres annos* Georgius consecrari fecerit, sequitur illud consecratum anno sæculari MDC. Unde pariter colligitur, quemcunque illum tabularum Wessobrunnensium scriptorem hæc Radero transmississe anno novi sæculi tertio. Consecravit autem novum sacellum vir insignis Sebastianus Breuningus Episcopus Adramytenus, cui summas laudes ex merito tribuit Hierarchia Augustana, tanquam viro sanctæ & laudatæ vitæ; ut ex epitaphio patet. (c)

4. Ad officia divina majori cum splendore celebranda procuravit Georgius Abbas pedum Pastorale, quod vidi, valde ponderosum ex argento, & suprema parte metallinum, sed splendide deauratum: quali qui nunc uteretur, majoribus, quàm hæc fert ætas, viribus eum valere oporteret. Id postea in alia vasa sacra conversum est. Similiter tampro sacrario Wessobroncano, quàm incorporatis Ecclesiis plures calices comparavit.

5. Jus Patronatûs in Ecclesiis Parochialibus, etsi nudum & infœcundum, Udalricus Höhenkircher, alique Abbates nostri sæpius quaesierunt & obtinuerunt, sed unquæ fructu, ut clientos & subditos, aut subditorum filios, propter parentum & propria ipsorum merita, ad Ecclesiastica

beno

beneficia promoverent. Sic Ecclesia S. Andreæ in Burgg cum eodem jure ad nos pervenit per Nobiles Vogtios in Erefingen de Vindingen. Wilhelmus enim ejusdem generis, tunc Judex Wessofontanus, fratres ejus Joannes Vogt, Sebaſtianus Vogt Prætor Clingenſis, & Chriſtophorus Vogt anno 1602. die 12. Februarii datis litteris jus Patronatûs dictæ Eccleſiæ Georgio Abbati, Petro Priori, & Conventui ſolemniter tradiderunt, teſtibus Carolo Egloff Præſecto Paalenſi & Landſpergenſi, & Jeremia Lauginger de Erphing. Henricus verò Epicoſopus Auguſtanus factam à *validis viris* * ceſſionem ratam habuit anno 1603. die 20. Martii. Jus iſtud Patronatûs nuper ſub Thaililone Abbate LV. tranſmiſſum eſt ſereniſſimo Alexandro Sigismundo Epicoſopo Auguſtano viâ permutacionis, unâ cum altero in Eccleſiam Oberfinninganam, pro jure conſtituendi præſentandique Parochum Eccleſiæ Iſfeldorſſenſis, ex cauſis, quas inferius ſub Thaililone Abbate explicabimus.

6. Contra verò pars juris in Eccleſiam Weilheimenſem biennio ante nobis deceſſerat. Parochiam civitatis monaſterio plenè incorporatam pridem docuimus. Verùm ſucceſſu temporis Parochi de ſuſtentacione nãmium tenui movebant querelas: præcipuè cum præter Parochum ſingularis Prædicator à civitate conſtitutus, & certa pecuniæ ſummâ fundatus, ſenatûs civiùmque arbitrio & nominaretur & Epicoſopo præſentaretur. Petebatur ergo augmentum congruæ ex decimis noſtris, vel undecumque: quod ſine monaſterii præjudicio ſe præſtare non poſſe rebatur Abbas. Rem ad Epicoſopi judicium devolutam expeditiſſimus Bavariz Dux Maximilianus, poſtea Elector, ea conditione, ut Prædicatoris & Parochi munera unirentur, unique homini committerentur, unito etiã Parochiæ Beneficio S. Annæ in Wielenbach: ſic tamen, ut Parochus duos Capellanos aleret; unum qui in civitate catecheſes haberet vespertinas; alterum qui ad Parochiam Wielenbacenſem procurandam excurreret. Nequid autem civitati decederet, ſancitum fuit, ut Vicarius Parochiæ alternis vicibus Epicoſopo præſentaretur, primùm ab Abbate & Conventu Wessofontano, altera vice à civitate. Primus igitur ad officium Parochi à nobis præſentatus fuit R. D. Joannes Albelius, qui hæſtenus Prædicatoris munus geſſerat, & deinceps geſſit. Atque ita in hodiernum diem alterna inter monaſterium & civitatem Parochi præſentatio perſeſverat. Acta hæc ſunt & decreta anno 1600. die nona Sept.

7. Georgius autem Abbas, longiore regimine omnium judicio dignus, nono geſtæ dignitatis anno, Chriſti verò milleſimo ſexcenteſimo ſexto

sexto iter universæ carnis ingressus est, haud dubiè largiora in celo laborum suorum præmia capturus.

- (a) *Perperam in Tabulis à Radero allegatis vocatur hujus nominis secundus, cum Benedictus I. ante B. Thientonem floruerit. Vid. supra fol. fol. 62. & in fine sæculi VIII. Benedictus II. (b) Rad. Bav. S. noviss. edit. Volum. II. fol. 274. (c) Hierarch. Aug. Parte I. Cathed. fol. 506. num. 5.*

§. III.

Miraculum S. Bennonis in femina Wessofontana.

8. **A**bbatis hujus tempore grande miraculum, Divi Bennonis intercessionem operatus est Deus in muliere Wessofontana. Sanctissimi hujus Misnensis Antistitis sacras exuvias, Decessorum suorum exemplo, tutiorem in locum transferre desiderabat Joannes Haubizius ejusdem Ecclesiæ Episcopus, ne hæreticorum in Saxonia prævalentium ludibriis exponerentur, aut omnino pessumirene, omni cultu & reverentia destituerent. Anxium Præsulem opportunè curis expedivit Albertus Bavarie Dux, datis ad illum litteris sacrum Thesaurum sibi effragans, & tutum apud suos asylum spondens. Annò igitur 1576. corpus S. Bennonis aliæque ejusdem reliquiæ cum Diplomate Joannis Episcopi Monachum feliciter delatæ in loco privato Palatii Ducalis, interim tamen tuto, collocabantur: donec variis impedimentis moram injicientibus anno demum 1580. ad insignem Collegiatam Ecclesiam S. Mariæ maxima solemnitate deportarentur. Positæ primum fuere in ipso summo Altari Beatissimæ Virginis; verùm tanta fuit piorum accursio & frequentia ad Bennonis venerationem, ut necessarium fuerit easdem S. Reliquias altam ad aram transferre, ne quotidiana Canonicorum officia impedimentum parerentur. Et statim neque magna nec multa defuere exempla, quibus se Divus Hospes in supplices beneficium demonstraret: verùm ea ob immendas hæreticorum & perfidorum calumnias diu jacere suppressa: aliud tandem manifestum miraculum, quod anno 1601. cum femina, que afflicta erat pede, in ipsa Ecclesia conigrit, gloriam Bennonis in lucem & ampliorem venerationem traiecit. Miraculum hoc tale fuerat, ut omnes hujus consensu prælo ipsum committi viderent, quod & externorum regnorum devotos cultores excitet. Verba hæc sunt Relationis anno 1608. editæ, atque ad Hagiographos Antverpienses plures post annos, petente P. Godofrido Henichenio, transmissæ, qui ingenue fateatur, Excellentissimo viro Corbiniano Ptelmeyer (illi Congregatio-

gationis nostræ Benedicino-Bavaricæ promotori, Benefactori, & filio) se debere ampliorem de S. Bennonis cultu miraculisque notitiam.

9. Miraculum istud, cujus veritas tam manifesta, tam publica erat, diuturnum tandem silentium, quidquid contra calumniaretur Hæresis, rupit, ansamque præbuit integrum volumen idiomate germanicò vulgandi miraculorum S. Bennonis. Illud, sicut ex interpretatione latina P. Francisci Halder S. J. Antverpienses exhibent (d) ita transcriptum recitabo.

*Miracula Monachii patrata
sæculo XVII.*

Ex impressis Germanicis,

Interprete P. Francisco Halder S. J.

Anno MDCI.

1. Agatha Obermayrin Wessofontana, XL. annos nata, proximis feriis Pentecostes subito tam acerbos dolores in sinistra tibia sensit, ut diu doctèque quiescere numquam potuerit. Patrocinio deinde spectatorum hominum in Electorale nosocomium promota, XIV. hebdomadas ibi decubuit, fulcri adminiculo ægrè admodum incedens, dum tandem omnino ligneo pede, quem loris corpori alligabat, maxima tamen cum difficultate usa fuit. Et licet medici in admovendis omnis generis medicamentis partes suas strenuè egerint, operam tamen omnem perderunt, ita paulatim excrecente tibia, ut secari, uri, pungi, sine ullo ægrotæ sensu, potuerit. Permisisset illa sibi pedem subter genu omnino abscindi, nisi medici illam ab hoc proposito dehortati, calidum balneum in proximam ætatem præscripsissent. Fortè circa diem D. D. Simoni, & Judæ sacram, extra nosocomium convivio adhibita, multa de S. Bennonis in morbidos prodigiis legi ex ejus historia audiit: unde illa miserix suæ admonita, cum lacrymis in coelum manus sustulit, pollicita, se, quàm primùm liceret, sacrum in D. Bennonis honorem fieri curaturam ad aram sanctæ crucis, ubi diebus solennibus ejus Divi sacre exuvix populo spectandæ exhiberi solent, sperans se omnino D. Bénnonis patrocinio à tanta calamitate posse liberari. Distulit illa hoc propositum in tertiam usque hebdomadem, licet continuò, ut illud exequeretur, in somnis admoneretur. Quare XIX. Novembriæ anno MDCI, sacerdotem D. Leonardum Haner, qui eidem postera luce Sacrum legeret, con-

constituit. Manè confessa P. Carolo Leopold Societatis Jesu Conclonatori & Theologo, in templo B. Virgini natæ sacro, cum aliis spectatis matronis, quas interesse voluerat, adfuit, & bis cum eisdem ad oblationem ligneo pede aram accessit. Cum peracta oblatione in locum suum rediret, subito, ceu deliquium pateretur, humi collapsa fuit; ubi esset, quid ageret, posnè ignorans. Cum tandem sublata, & in sellæ suæ locum perducta fuisset, ad se rediens, calorem quemdam in emortuo pede sensit, eodémque temporis momento ejus digitos commovere potuit. Præ gaudio deinde, vix sui compos, cultrum petiit, ruptisque lignei pedis vinculis, eoque abjecto, suis jam vestigiis aram accedens, ex Mystæ manibus sacram Synaxin sumpsit, corpore & anima, si unquam aliàs, sanissima. Hæc omnia sic gesta esse jurata dixit ipsa Agatha Obermayrin: Idem testantur omnes medici proprio Chirographo, in quorum potestate fuit, & Anna Galsnerin, Anna Kheprunnerin, Sybilla Gandnerin, & aliz. Ad perpetuam rei memoriam etiam ligneum fultum ad D. Benno nis aram asservatur.

10. Miraculi hujus, utcunque prolixè pro dignitate sua relati, memoriam refricandam putavi in gratiam populi Wessofontani, qui lingulis annis hodièdum solet pro felici messe ad eundem supplici agmine Vilgertshovium, locum trium ferè horarum itinere distitum, proficisci, ubi in ara S. Udalrici sacra Divi quoque nostri effigies honoratur. Fit hæc supplicatio semper in ipso sancti Bennonis festo: in cujus Evergetæ honorem, alterum quoque beneficium referre ex eodem libro non piget. (e) Anno igitur 1618. Joannis Stadler Wessofontani quindecim annorum filius Petrus, ob tumorem oculorum à nativitate cæcus tres hebdomades lucem non aspexit. Cui tandem Divus Benno, voventibus pro filio parentibus peregrinationem & sacrum, pulso tumore visum dedit, vigesimo octavo Augusti. Quam publicum & approbatum est hoc miraculum, tam certa sunt patris, & filii nomina, patria, ac pueri ætas; sic enim liber baptismalis Wessofontanus testatur: Anno 1603. Joanni Stadler baptizavit Parochus masculum, cui nomen Petrus, Patrinus Joannes Denhart. Actum in profesto DD. Petri & Pauli. Parochus autem tunc erat P. Joachimus Puechauer, postea Abbas S. Petri Salisburgi, ut ipse ad annum 1598. scribit, se in locum R. P. Georgii Vbelhör, 6. Junii electi Abbatis, Parochum successisse altero statim die, eodémque filiolum Christophori Schmu-zer baptizasse.

(d) Boll, ad diem 16. Jun. fol. 205. miraculo I. (e) Eod. die 16. Junij f. 228. mirat. 269.

CAPUT

CAPUT V.

Gregorius II. Abbas L.

Unus hic Abbas dimidium ferè sæculum gubernando implevit, & licet turbulentissimis temporibus vixerit, tam multa tamen gessit & tulit, ut ejus Acta in plura capita dividere debeamus.

§. I.

Gregorii Professio, & Electio.

1. **A** Bénédicte III. Abbate ad S. Ordinem & monasterium nostrum susceptus, toto tyrocinii sui tempore tanta dedit virtutis, & ingenii sui specimina, ut superiores ejus summam de eo spem conciperent. Cùm igitur nihil in eo reprehensione, plurima laude digna invenirentur, solemnia vota Deo publicè vovit anno 1595. ipso assumptæ in coelos Deiparæ festo. Novum ei nomen Abbas Benedicte imposuit, & Gregorium vocavit, tanquam præsentiens, hunc etiam magnum fore, Cognomento Gregorius Prugger vocabatur, sicut & epitaphium ejus exhibet: interim tamen, licet in publicis libris sæpius vocetur Pontanus, id reverentiæ dignitatis, vel sermonis elegantiae datum potius credam, quàm quòd vel Bohemus vel Italus natione fuerit, & clarissimis ac eruditissimis viris, Jacobo, aut Joviano, Pontanis cognatus. Gregorium omnibus ob præclara talenta gratum fuisse, inde colligo, quod vix duodecim à S. Professione annos emensus, suorum animos ita sibi devinxerit, ut eum in locum defuncti doctissimi Abbatis Georgii eligere Præfulem minime dubitarent. Electus insignia sibi elegit marmoreum pontem, cui rota in medio posita insisteret, volubilitatis symbolum: ne videlicet quantalibet dignitate pollens humanarum rerum vicissitudinis oblivisceretur.

§. II.

Cultus Divinus promotus.

2. **T**emporum illorum, quibus Gregorium præesse divina providentia voluit, iniquitas plurima nobis de Abbate tam longo & celebri monu-

G g g

monumenta invidit. Pauca in tabulario chartar, & opera in sacrario ejusdem nomine & signis relicta historiam nobis faciunt. Superfunt igitur duæ insignes statuae, ex argento fusæ, prima Deipara Virginis, divinum puerum brachio gestantis: altera S. Sebastiani martyris ad arborem vincti, telisque confossi. His accedit tertia unius parvuli ex sanctis Innocentibus, qui manum clavæ, mortis suæ instrumento, fulcit. Huic eidem clavæ includi fecit Gregorius crusculum de illius infantis corpore, quod integrum olim ab Henrico III. Imperatore donatum possedimus. Verum de eodem jam dudum in sæculo III. Wessofontano diximus. (a)

3. S. Maximini Episcopi Trevirensis ossa, primum memorati Imperatoris donum, ad usque Gregorii Abbatis hujus tempora ligneis duobus brachiis eleganter pro ævo illo sculptis, depictisque servabantur. Abbas noster alia duo ex argento fieri cum basibus curavit, humani cubiti magnitudine: ossa sancti ex ligno in argentum transiit: basibus reliquis vestimentorum ejusdem Divi, vel potius involucra sacrorum ossium, includit; nihil enim certum asserere veteris testimonii penuria permittit. Atque hæc omnia, à Gregorio sumptibus non exiguis parata, festis primariis in altari summo fidelium venerationi exponuntur.

4. Commode sacerdotum & subjectarum Ecclesiarum plures calices Gregorius comparavit, quorum in monasterio quosdam vidisse meminimus; unum anno 1640. fabricatum Ecclesia Mundrachingensis nostra hodie dum servat. Demum ut ipse Abbas majorem sibi pro divini honoris augmento libertatem pararet, sanctissimo Patri Paulo V. Pontifici supplex, facultatem & peculiare privilegium obtinuit consecrandi vasa sacra, altaria &c. Bulla hæc data est anno 1618. decimo sexto Calendæ Augusti, nempe die decimo septimo Julii, Romæ ad S. Mariam Majorem.

(a) Vide supra fol. 101.

S. III.

Cultus Deipara Virginis à Gregorio fatus, & propagatus.

1. Sicut prima & antiquissima monasterii nostri Ecclesia Deipara Virgini dedicata fuit, donec altera major, Divi Petri honoribus sacra edificaretur, ita hæreditarius quasi cultus in omnes ferè Abbates Wessofontanos pertransiit. Adalbero Abbas in templo post Hungaricam visitata.

§. III. Cultus Deiparæ.

Statem restaurato singularem aram, B. Walther Abbas novum eide cellum posuit, Albertus Abbas festivum Conceptionis ejus cultum induxit, Paulus II. Abbas vetustissimum illius sacellum pulcherrima note reparavit: alii aliis modis in hunc usque diem cultum ejus summo si propagarunt. Et Gregorio quidem nostro ad clavum sedente, vole juvante, in ambarum civitatum secundum sanctiorem curam nobis si starum Parochiales Ecclesias Confraternitas sacri Rosarii fuit introdu Landspergæ quidem anno post Christum natum millesimo sexcentesimo gesimo primo, Weilhemit verò trigésimo, utroque in loco, post exi ab introductione hujus sodalitatis centum annos, celebrato summa fo nitate saculari Festo, hodiernum in diem coeptus Deiparæ cultus noi tum egregie floret, sed magnis etiam incrementis augetur.

6. Distat duabus fere leucis à monasterio nostro mons excelsus amoenus, lateque spectabilis, Peyssenberg vocatus, ob vicum ejus n nis ad pedem illius situm. In hoc monte Deipara antiquam sibi sedem git, ex qua in omnes ad se fugientes gratiarum celestium canales de ret. Cum hoc locu Deipara miris in mortales beneficiis coruscare in ret, fuit inter primos Abbas noster, qui annuam populo Wessofon supplicationem ad Peyssenbergensem Ecclesiam suaderet, & instituen dictaret. Inde Rottenenses, aliasque circum plebes, juri curæque ne subjectæ, adierunt, postea multò longinquiores secutz, hodie ac Parthenium hunc montem adeunt. Processionem hanc Wessobruni sum institutam fuisse legimus anno Christiani sæculi XVII. quadrage nono, cum P. Bernardus Gering, Gregorii hujus in præfatu succe Parochiam Wessofontanam administraret. Quod ad hunc annum à nardo annotatum non eò trahimus, ut tunc primùm consuetudinem l introductam, sed prioribus jam annis coeptam, illo etiam tempore tinuatam dicamus.

7. Interea nova cultui Parthenio per nostros propagando lux a fit. Jam sub Gregorio ejus nominis primo Abbate narravimus, à nc bus viris Wilhelmo, Joanne Sebastiano, & Christophoro Vogtiis de dingen anno 1584. certis conditionibus venditas monasterio nostro f decimas Ecclesiæ Mundrachinganæ. Jam ante hanc annis multis flet Ecclesia Vilgertshovenfis, quippe sæculo undecimo dimidiam partem nata monasterio ab Egilolfo nobili Laico, eademque à Friderico Episc Curiensi Comite de Montfort anno 1284. indulgentiis fuerat illius ævi re locupletata. Stabat in ejus Altari parvulo, non consecrato, scu effigies Deiparæ, filium è cruce depositum sinu gestantis. Eandem

hic inventam & antiquatam, sive recens introductam, nova manus coloribus eleganter imbuunt. Nescias, sculptoris, an pictoris artem magis commendes: ita ad excitandum intuentium dolorem facta est. Anno 1741. die 12. Septembris deprehendimus in ejusdem basi descriptas has notas: N. 1618. A. Pictoris nomen per litteras innui credatur, an sculptoris, vel etiam donatoris? dubium relinquimus. Interim certum est, ad ejusdem imaginis similitudinem proximo statim anno Georgium Berthold colonum Mundrachinganum novam procurasse, & in sacello novo, extra vicum suum propriis impensis ædificato, eandem collocasse.

8. Accepi ab ipsis coloni hujus Bertholdi posteris, qui hodie supersunt, cum vicariam loci Parocho operam præstarem, eundem Georgium à Dolorosa matre nostra in somnis fuisse monitum, ut lapidem grandem in Lyci fluminis ripa jacentem (huic enim vicus ille proximus adjacet) inde tolleret, ad vicum deferret, ibidemque sibi sacellum exstrueret. Dubitans somnium inter & oraculum colonus descendit ad flumen, lapidem invenit, sed prægrandem, & ne multis quidem viribus mobilem. Somnium ergo contemnit. Ast iteratò monitus facere, quæ posset, molitur lapidem, spe sua leviolem sentit, vicum versùs devolvit. At lapis in eodem, quo nunc sacellum stat, loco nativam gravitatem recipit, moveri nulla vi ulterius nequit. Quare Georgius jam convictus anno 1619. sacellum ædificat, eo maximè consilio, ut, qui ex Suevia Lycum transmittentes in diversa Bavariz loca pie peregrinari vellent, haberent, ubi respirarent, & dolorosam Matrem in primo Bavariz limine salutarent. Neque parca in illo etiam loco Deipara erga suos cultores fuit; habemus enim libellum coævum, in quo annotata inveniuntur plura beneficia, ab illo jam tempore supplicantibus collata.

9. Ast postquam Iffingenſis Ecclesia cum Vilgertshovenſi Paulo II. Abbate, Achſelſchwangenſem jam pridem Dieſſenſibus cedente, in jus noſtrum tranſiit, Vilgertshovenſis hæc indies celebrior fiebat, & frequentius à vicinis agricolis in ea viſitabatur & colebatur dolorosa DEI Mater, atque inde sacræ ad hunc locum peregrinationis fundamenta sunt facta, de quibus alibi amplior loquendi campus aperiatur. (b) Interim hæc de cultûs Mariani propagatione prælibasse sit satis.

(b) *Infra sub Leonardo III. Abbate LIII.*

§. IV.

*Studium promovendi scientias, in Reipublica
emolumentum.*

10. **A**egrè ferebat Gregorius, avelli à se Joachimum Puechauer, decessoribus suis tam charum, monasterio tam utilem, suumque antea Priorem discretione & prudentiâ spectatissimum. Verùm cum urgerent Archiepiscopi Salisburgensis epistolæ, ut eundem monasterio S. Petri Salisburgensi Administratorem concederet, hæque Serenissimi Bavariz Ducis assensu & voluntate niterentur, reniti ausus non est. Quocunque animi dolore virum de monasterio nostro meritissimum, cuique ipse præ se mitram imponendam arbitraretur, dimisit: verùm quomocunque animi ægritudinem felicior eventus lenivit.

11. Vix Joachimus antiquissimi illius, ac olim Cathedralis monasterii administrationem susceperat (id anno 1615. mense Majo contigit) ita dexterè feliciterque rem gessit, ut eodem anno Religiosi per supplicem libellum Archiepiscopo oblatum peterent, illum in Abbatem sibi dari confirmarique. Confirmatus, & consecratus est ejusdem anni mense Decembri. Proximo deinde anno cum Celsissimus Princeps conquirere nollet, nisi publicum Lyceum à se erectum cerneret, ejusque curam Benedictinis committere statuisset; selectus est tanti negotii gerendi administrator & dux Joachimus. Hujus dexteritate factum, ut anno 1617. jam scholæ aperirentur; sicut Inferius in reliquis Joachimi actis referemus. Summa rei devoluta erat ad Abbates, quorum consilia ad sustentandum docendi laborem, & Lycei vigorem, per litteratos monachos ex coenobiis subministratos, semper conservandum magno studio agitabantur: demum & confecta sunt omnia, dum anno 1618. 8. die Octobris triginta tres Bavariz & Sueviz Præsules publico instrumeto operam suam Archiepiscopo addixerunt; inter hos octavus subscripsit Gregorius Abbas Wessofontanus.

12. Dum hæc Abbatum studia ad propagandam rem litterariam fervent, ipse Celsissimus Marcus Sitticus, unicum & firmissimum novi Lycei columnen, fato eripitur, quo Parnassus noster simul contremuit. Verùm abstulit omnem metum electio Celsissimi Paridis Lodronii, & omnia Præsulum animos erexit. Anno 1619. restaurari eorum foedus

voluit, & ex eis Praesidem Lycei, ac Provinciarum Assistentes jussit, aliâque statuere, quibus res litteraria Salisburgi stabiliretur. Eodem igitur anno Conventus Abbatum in monasterio SS. Udalrici & Afræ celebrandus Augustana. Videlicetorum indictus est: venerunt sex Abbates, cæterorum verò Procuratores, cum facultate in præsentibus Reverendissimos Praesules circa rerum summam compromittendi. Abbas noster Gregorius, seu valetudini metuens, seu studium suum dissimulans, & inter capita ceteri refugiens, in hoc conventu ipse quidem non comparuit, misit tamen P. Carolum Baader Cellarium, virum prudentem & eruditum, per eumque decretis subscripsit. Satis Abbas noster studium pro Lyceo, quod fovebat, comprobavit, dum primo scholarum initio de monachis suis Salisburgum misit F. Adamum Blasum, Philosophicis disciplinis erudientum, ex quibus is haustæ scientiæ monumentum defensio anno 1619. publicis Thesibus statuit.

13. Cùm postea Lyceum Salisburgense per Celsissimum Paridem Archiepiscopum in Academiæ formam fuisset erectum, & Universitatum cæterarum privilegiis Pontificia Cæsareâque autoritate munitum, novo zelo exarsit Gregorius. P. Thomam Ringmayr Monachum Wessofontanum 1626. Salisburgum misit, futurum Philosophiæ, & biennio post etiam Theologiæ Professore. Anno 1628. die 25. Novembris P. Romanum Steigmayer, itidem Wessofontanum Monachum, supremæ SS. Theologiæ laureâ insigniri fecit: de quo conceptas spes equidem præmatura mors sepelivit; alter autem, nempe Thomas Ringmayr, diuturna doctore in annos viginti sex continuata, Romani silentium compensavit. Verùm tam Joachimi Abbatis, quàm Thomæ Ringmayeri acta singulis articulis dabimus.

S. V.

Acta promiscua Gregorii Abbatis, & comparatio Hofmarchiæ Iffeldorffensis.

14. **A**Nno 1610. jussu Celsissimi Principis & Episcopi Augustani Henrici à Knöringen ad Synodum Dioecesanam celebrandam convocati fuere omnes Ecclesiastici status superiores, quacunque dignitate fulgentes. Inter Abbates Benedictinos, qui omnes comparuerunt, septimus numerabatur Gregorius Abbas Wessofontanus. Synodus

ditus coepta fuit eodem anno die tertia mensis Octobris, quæ fuit Dominica. Initium dedit ipse Celsissimus celebrato in Ecclesia Cathedrali summo officio: die Lunæ id ipsum decantavit Abbas SS. Udalrici & Afræ: die Martis Abbas Elchinganus. Proximo Sabbato finita est synodus, & mandata Synodalia, deinceps typis mandata. Superfluum foret omnia synodi acta per ordinem recensere, cum in *Hierarchia Augustana*, (c) necnon ab A. R. P. Josepho Blner S. J. in *Apparatu suo Eruditionis ad jurisprudentiam præsertim ecclesiasticam*, Augustanis typis nuper edito (d), per plures paginas diffusè recenseantur.

15. Anno 1617. Egidius Albertinus Serenissimo Bavariz Ducis à secretis Sermones Eucharisticos Petri Bessæ à Gallico idiomate in Germanicum translatos dedicavit Gregorio Pontano Abbati Wessofontano. „ Profitetur in Epistola nuncupatoria, non sibi soli, sed omnibus notum „ esse, quo fervore & zelo ad promovendam religionem, devotionem, „ & honoris divini augmentum incumbat: quàm insignem disciplinam „ in commissio sibi celeberrimo monasterio foveat, eosque viros effor- „ met, qui digni fierent ad exterorum quoque monasteriorum governa- „ cula postulari. „ Nempe Joachimum nostrum, biennio abhinc S. Pe- tri Salisburgensis Abbatem postulatum indicat. Facta est dedicatio die 24. Septembris anno 1617.

16. Anno 1628. pro Joanne nuper defuncto novus in monasterio Benedictoburano Abbas erat eligendus. Mense Majo conspirantibus omnium Religiosorum votis in Abbatem electus est Waldramus, qui hucusque Parochiam Benedictoburanam summa dexteritate regende summam de se spern excitaverat. Hanc electionem Abbas noster Gregorius Pontanus promulgavit, & Henricus Episcopus confirmavit. Hujus nomine ad nos & Benedictoburam venit Petrus Proëpiscopus Augustanus, cum pauculis antehac diebus post pestem Augustæ cessantem Augustanis indigenis venia ab Electore nostro facta esset in Boariam veniendi: eodem tempore vicus Peissenbergensis, Præfecturæ Rauchenlechspergensis, & solitarius locus Luberzriedensis, Præfecturæ Weilheimensis, ob litem interdicti essent.

17. Circa annum 1639. Domini de Höchenkirchen per varios casus & calamitates in eam prolapsi fuerant egestatem, ut cogerentur monasterio Benedictoburano Hofmarchiam suam vendere. Bello Suecico communem rem, & horum nobilium facultates magis attenuante; eò ventum est, ut alteram quoque Hofmarchiam, videlicet Iffeldorffensem Ferdinan-

dinando Mariæ Electori commendarent, emptoribus offerendam. — Recusaverat Abbas Benedictoburanus; recusaverant alii pro illorum temporum difficultate: cum ad Gregorium nostrum venit. Hic maxime se urgeri videns, ac præterea quod promptiorem piscium copiam locum monasterio utilem fore considerans, emptionem in se recepit. Atque ita Hofmarchia hæc monasterio subjecta fuit. De antiqua Iffeldorffensium Dynastarum nobilitate copiose diximus, cum de Udalrico V. hujus nominis, Abbate XXXII. ageremus. Postremi hujus arcis possessores erant Wolfgangus Bernardus, & filius ejus Wolfgangus Carolus de Höchenkirchen. Bernardi sororem aut amitam, Annam de Höchenkirchen, Melchiori Vogt de Vinding nuptam invenio; maritumque anno adhuc 1584. superstitem. Invenio etiam circa idem tempus Wolfgangum Josephum de Höchenkirchen, qui litem habens cum venatoribus Terriganis, tandem jus venandi prope Tiffslingam eviecit. Stabat nobilitatis apex edito loco, ex quo largus in subjectos lacus prospectus patebat. Suecorum furor excisæ vix rudera hodie superiunt.

18. Quantum ad Ecclesiam Iffeldorffensem curam attinet, jus præsentandi Parochum ad nostram usque memoriam erat ipsius Celsissimi Episcopi Augustani, qui & Advocatos antiquo more constituerebat. Legimus à Joanne ex Comitibus de Werdenberg Episcopo titulum Advocati super hanc Ecclesiam 1470. concessum fuisse nobili viro Joanni Preysing de Wolnzach: qui tamen titulus postea exolevit. Novissimis hinc temporibus Serenissimus Dominus Alexander Sigismundus, Comes Palatinus Rheni, Episcopus Augustanus, jus præsentandi viâ permutationis monasterio nostro concessit, cum facultate Religiosum ex nostris Parochiæ præficiendi: contra verò dimissimus, Celsissimoque cessimus duo jura præsentandi ad Ecclesias Purggensem S. Andreæ, & Oberfeningensem S. Crucis, quarum Pastores plena decimandi jure potiuntur. Interim, præter propiorem curam piscationum, venationum, lignationum Iffeldorffensium, multò æstimabilius nobis thesaurus cum Parochiæ administratione in manus venit; cura nimirum celeberrimi Sacelli prope Iffeldorffium. Colitur in eo Virgo Deipara, atque, ut à plurimis fidelibus religiosissime visitur, ita maximis in afflictos collatis beneficiis clarescit. Verum de hoc Parthenii cultus seminario loquendi largior nobis campus sub Thassilone Abbate pandetur.

(c) Hier. Aug. P. I. Cathed. à fol. 400. (d) Part. VII. lib. I. Cap. IV. Art. II.

§. VI.

Famis, pestis, belli calamitates, quibus Gregorii virtus tentata est.

19. **Q**uibus ira Dei calamitatibus Germaniam universam, præcipue Boariam nostram flagellavit, ex nunquam in hanc diem satis ab ullo authore descriptæ sunt. Singularium provinciarum & civitatum ærumnas qui posteritati mandârint, plures sunt. Ego ex Benediſtoburanis, Landspergensibus, & nostris Monumentis paucula producam. Prodromus malorum omnium Cometa fuit, qui anno Domini 1618. Sueviam & Bavariam diu terrore concussit. Permanavit Romam usque, & septem ejus colles tremefecit virgæ celestis nuncius. Quare Urbanus VIII. summus Pontifex pœnitentiam prædicari jussit, & magnum Jubilæum promulgavit. Secuta est Cometam intolerabilis annonæ caritas, per quam frumenti pretium ita increverat, ut unica speltæ scapha vilius centum florenis emi non potuerit. Accessit Judæorum perfidia, & cum homines vasa aurea, argentea, cuprea certatim venderent, falsis illi monetis miseros decipiunt, & calamitatē exacuunt.

20. Hancannonæ caritatem pestis excepit, quam prodidēre in corporibus rubicunda primū signa, deinde rabies quædam, qua impulsæ capita parietibus illidebant. Multi vix ægrotare visi, repente mortui sunt: in vâs publicis inveniebantur passim cadavera. Circa Landspergam una sæpè nocte septem vel octo funera in paratas ingentes scrobes deiciebantur. Longum esset civium terrorem & miseriam enarrare.

21. Anno 1631. Ferdinando Imperatore & Maximiliano Electore nostro subditas sibi provincias veneno hæretico passim tum laborantes, tum periclitantes, repurgare nitentibus, liberæ Imperii civitates jam novæ sectæ dulcore captæ Gustavum Adolphum Suecorum Regem libertatis suæ vindicem implorant. Ille fulguris instar in Germaniam erupit: præit ipsam ubique fuga, Bojorum maxime in montana sese recipientium. Elector noster ad bellum se parat: omnis juvenus, vicesq; annos nata, civium æquè ac colonorum, ad arma rapiebatur: Landspergenses, viri æque ac foeminae, aggeres struere, fossas aperire, compellebantur: ingens suggestus à monte Sandaviensi ad usque clivum Pössingensem ducebatur, ædibus, hortis, agris igne manūque vastatis.

H h h

22. Pro-

22. Proximo anno 1632. die 5. Maji recepti in civitatem Augustinam Gustavi rumor increbuit, quem mox secutus Tubicen Suecicus deditionem civitatis postulat. Admissus hostilis Tribunus copias locum adductas dimittit, paucis in praesidio relictis, quorum omnia variegata agendas praedas excursionses faciebant. Quietem suam cives florenorum octo millibus emere jubebantur. Praestita jam solutione, cum rumor novus ingrueret, Caesarianas legiones in vicino esse, Suecipredari in civitate incipiunt, mox verò, excubias fuisse à Croatis captas moniti, qua data porta, in fugam praecipites effunduntur.

23. Breve, imò calamitosum hoc gaudium civibus fuit. Vix paululum Landspærgæ morati Croatae fuerant, cum Dux eorum Krazius tribu nunciari civibus jussit, denuò imminere Suecos, urbem defendi non posse: fugerent igitur, & optima quæque efferrent. Egressos ita cives Croatae invadunt & spoliant: ipsi fugiunt: post octiduum Sueci revertuntur, ferrumque & ignem minitati intra muros recipiuntur: nemo autem, ne sacerdotes quidem, à tributis eximebatur. Equidem Lutheranus præco in Curia prædicabat, Parochus tamen Catholicus in Parochiali Ecclesia concionabatur. Dux Suecorum Codizkius cives ad munendam urbem compellebat. Vastabantur iterum, quæcunque labori obstabant.

24. Cum hæc calamitas tres septimannas & dies quinque durasset, Otto Henricus Fuggerus 16. Augusti cum Caesarianis deditionem petit, & ne ignem expectent, hortatur. Suecus in urbe dominus militem suum necessario ad defensionem apparatu instruit. Cives per diu ad muros excubare jussi, noctu templo includebantur, nequid moverent. Fuggerus ignitis globis per biduum injectis Suecos ad pacta compellit: quibus indicto solutoque lytro dimissis ipse ingreditur die 18. Augusti. Acerbius hoc Suecis vulnus erat, quàm ut facile coleret. Quare Bernardus Dux Weinmarius 27. Octobris civitatem obsessurus revertitur. Resistunt aliquamdiu: ad cives ipsi Fuggero supplices deditionem petunt certis legibus faciendam, ut videlicet populo & urbi ab incendio, cæde, rapinis paceretur. Admissus omnia promissis contraria egit: rebus spoliavit, cives exactionibus cum omni facultate majoribus afflixit, operibus bellicis perpetuo oneravit.

25. Tribus septimannis elapsis die 18. Decembris Fuggerus redit, tormentis civitatem quatit: at Suecis pertinaciter resistentibus, aut dolo aut metu suppliciarum hostilium, eadem nocte recedit. At 28. Decembris

his majore virorum exercita fultus revertitur, cogitque Suecos, vitæ solius veniam pactos, ad deditionem. Licuit sic tandem civitati quiescere usque in annum 1633. cum exercitus Imperii Catholicus prope Mohachium hæretet in tentoriis, & omnia Landspergæ tuta viderentur. Medio Aprilis mense subito Dorstensonius Suecorum Dux deditionem Landspergæ postulat, non impetrat à civibus suppetiarum spe ab exercitu fretis. Coloni æque ac cives in armis erant, cumque hostes quinque diebus muros tormentis, civitatem pyrobolis vexarent, persistere immobiles. Nihil enim damni ab hostibus passi erant: imò sic animis insurrexerant, ut erumpere etiam in castra auderent: quo impetu dormientes obruunt, multos trucidant, atque inter eos Vigillarum Præfectum; viros duos nobiles in urbem captos reducunt, tormentum etiam bellicum obturant.

26. Hostis ita exacerbatus, obtentis suppetiis, de novo deditionem petit, discordibus civium studiis: ebriosus quidam & solum se sapere ratus, ponere arma, urbemque dedere persuasit. Verum priusquam descenderetur ad pacta, media nocte Suecus irruit, promiscuè cives & colonos in muris positos cædit, obvios quosque lingua, oculis, auribus, digitis privat: & erant hæc mitiora. Cruciabantur igne multi, nudis corporibus pulvere pyrio respersis, faucibusque eodem fartis incensis. Lacunarum sordes per infundibulum cogeantur in ventrem, qui militum insultu calcatus hausta reddere cogeatur: & hanc *petitionem Suecicam* nuncupabant. Multis frons & cerebrum fane circum consortio rumpebantur. Virgines non paucæ vitam sibi extorqueri, quam castitatem, maluerunt, dignæ, quas Vates Alfata immortalis carmine commendaret. Ecclesia Parochialis multis vix precibus incendium evasit: profanata tamen est sacrilegè, tabernaculum effractum, sacræ hostiæ humi effusa, pedibus calcata: Reliquiæ sanctorum dispersæ, altarium & sacrarii ornate: militibus in stipendium cessere, altaria pretiosa avehebantur, imagines minùs artificiosæ destruebantur, in frustra scindebantur. Vindictæ divinæ documentum fuit, cum duorum militum, aram Deiparæ spoliatum, alter confossus, alter gulam fractus interiit. Quantis calamitatibus pressum fuerit Societatis Jesu Collegium, ejusque Patres, etiam miseri multi eorum misericordiâ vixerint, precibus acerbiora fata evaserint, Historia provincie luculentius proder. Sueci tandem crudelitatis saturi, pagum pro urbe reliquerunt.

27. A Majo usque ad Septembre res ita inter Principes erat composita, ut neutra pars in urbem admitteretur. Venit exercitus Casareus, qui transitu perhiberi non potuit. In festo S. Michaelis successit Sperreutherus Suecorum Dux, biduo actis spoliis lytrum exigit, obsides abducit, duos etiam Collegii Sacerdotes, quorum ærumnas & liberationem Historia Provincia pandet. Tredecim postea annis tranquille peractis Landsperga denudò à turmis Sueco-Gallicis (foedus enim inierant) obruitur anno 1646. medio Septembri. Procul tunc aberant copiarum Imperii. In civitate præsidium parvum. Civibus pugnandi nulla voluptas. Pactis agunt, hostemque recipiunt. Patendum, Gallorum mansuetudine temperatum fuisse Borealium rigorem. Magna tamen pecorum strages fuit in alimoniam præsidii impensa: donec tandem medio Octobri discedendi consilium cepere, audierant enim jam exercitum Casareum imminere. Interea Augustam profecti hostes, cum repulsam passi essent, frâ concitati Landspergam revertuntur: ac tardè tandem, post acrem pugnam, conditionibus statis, admittuntur. Et initio quidem ordiatur omnia gerebantur: at succedentibus pluribus copiis nullum imperium at tendebatur. Solutis legibus miles tuebar in prædam, strictis gradibus exigebatur aut æs aut sanguis: vi perfringebantur omnia, defossa quoque eruebantur: ubi nil invenissent, patresfamilias cruciatibus urgebantur, ut proderent. Inde tanta fames in urbe, ut quotidie quindecim fere homines morerentur, aliqui etiam in plateis deficerent. Duces Gallis fere subsidio: nam & Collegium tuebantur, & ex eo alimenta hostibus æquè, ac amicis, præbebant: Sacerdotes & honestiores civitatis viros in Collegium receperunt.

28. At jam ærumnarum saturi hostes tandem civitate relicta Montichium versus movere, verum infelici successu: quare repulsi flammis vicos late vastabant, ut & moenia collucerent & turrets. Rediêrunt ergo, & ultimum furorem prædando exuentes in Sueviam erupêre, Syn dico civitatis & duobus Senatorii ordinis in obsides abductis.

29. Anno 1647. Maximilianus Elector privatas inducias, ulteriori desolationi occurrens, cum Sueco-Gallis est pactus: ut hi spoliis abstinere, stipendiis à colono præstitis viverent. Difficillimum id accidit Benedictoburanis, quorum subditi in Weilheimensi & Landspergeni districtu plerique jam expilati essent. Facile erit conjicere, quid Wessofontanis animi fuerit, quibus multò vicinior ardebat Ucalegon. At anno proximo in pejus acta Bojorum fortuna est. Irruentes Sueci omnem sibi eisenanam provinciam subegere, ut ipso Elector Salzburgum se recipere

cipere cogeretur: timor ubique & fuga, prædæ & rapinæ. Neque DEO honor. suus incolumis fuit; nam ut domestica solum commemorem, Bernardo Geringio tunc Parocho teste, apud Wessonis Fontes divina officia ipsa Dominica Palmarum Suecorum irruptione fære interrupta. Tertio Maji, quo S. Crucis inventio celebratur, ejusdem diei religio impedita est, colonis in latebras fugientibus. Eadem calamitas sacros Rogationum dies, feriam tertiam & quartam, funestavit. Atrespexit tandem DEUS miseriorum suspiria, & respirare à tot ærumnis concessit, cum Monasterii Westphaliæ civitate pax inter Imperatorem & Catholicos Principes ex una, Gallos & Suecos ex altera parte sancita est.

S. VII.

Obitus Gregorii Abbatis.

Mirum sanè fuit Abbatem unum tot ærumnis perferendis potuisse sufficere, quæ pares erant pluribus enecandis. Proximus nos telorum hostilium scopus eramus; non intermisit tamen Gregorius divini cultûs ornamenta parare, monasterium prædiis augere, litteras & scientias promovere, fovere disciplinam. Id patet ex viris insignibus, quos Universitati tum doctores, tum discipulos dedit: Ecclesiis pastores, cum parochias Tetterschvvangensem & Illingenensem Religiosi nostri curarent. Excesserat jam Abbas quinquagesimum sacre Professionis, quinquagesimum sacerdotii annum: biennium deerat, ut quinquagesimum Prælaturæ attingeret, futurus ter jubilæus, Monachus, Sacerdos & Abbas. At Gregorius laborum fessus ad capiendam mercedem denique evocatus fuit anno MDCLV. vigesimâ secundâ Aprilis. Præcipua illius monumenta sunt restauratum S. Petri Salisburgense monasterium per Joachimum Abbatem: adjuncta curis & viris Salisburgensis Universitas: comparata monasterio Toparchia Iffeldorffensis. Epitaphium non tantis meritis, sed acerbitati temporis congruum, accepit in sinistra templi porticu mediocri saxo his verbis incisum, muroque insertum: *Gregorius Prugger 50. Abbas, Electus 1607. die 7. Martii. Præfuit annis 43. cum duobus mensibus. Obiit anno 1655. die 22. Aprilis.*



CAPUT VI.

De Monachis bene meritis sub Gregorio II.

§. I.

Vita Joachimi Abbatis Salisburgensis.

Natus est Joachimus Puechauer in superiore Bavaria Rauchenlechspergæ, seu, si latine velis, ad asperum Lyci montem, ubi castrum est pervetustum, prætoris & dicasterio instructum, quod tamen quoad graviorum criminum supplicia subiectum est Prætori provinciali Landspergæ residenti. Parens Joachimo loci Dilectographus fuisse videtur, quod ex characteris elegantia conjectamus, quam filius per omnia scripta exhibet. Porro Puechauerorum familia hodie adhuc per eam viciniam viget, & monasterio Cremisaniensi 1644. Abbatem dedit Placidum Puechaur optime de monasterio & re literariis meritum. (a)

a. Joachimus, cum habile ad imbibendas artes ingenium proderet, à parentibus studiorum causâ Dillingam est missus, ubi præclare proficiens totum Philosophiæ cursum absolvit, haud dubiè ad Jurisprudentiæ disciplinam ex parentis voluntate transiturus, nisi divino instinctu agitatus sibi potius ipsi jus dicere, alienoque subesse iudicio, & S. Religionem amplecti in Ordine Divi Benedicti decrevisset, Theologicis deinde studiis aliquanto tempore addictus. Palestram seu dicasterium potius, cui subesset, & spiritualis militiæ Rudimenta caperet, elegit monasterium Wessobontanum, duabus horis ab arce natali distitum, ac eodem, quo coeperat, fervore sacrum Tyrocinium emensus, sub Gregorio Jacobio Abbate anno Domini 1588. die 14. Augusti solemniter nuncupavit. Anno 1589. Gregorio ejus nominis primo Abbati, optime merito, successit Benedictus, eo nomine inter Abbates III. cognomento Schwarz, qui Joachimum sacre suppellectilis custodem constituit, latinoque in novello monacho virilem industriam est expertus; scripsit enim Joachimus librum, vernaculo quidem idiomate, ad ædituorum nempe usum, quo accuratissime Ecclesiasticum apparatus in singula mobilia & immobilia per annum festa designat, ad minutias usque descendens: quo in opere tam excitatum & hilarem in agendis animum, quam iudicium prom-

promptum, & perspicax ingenium prodit. Varia ex eo libro ad historiam nostram accommodata decerpimus.

3. Non diu distulit Benedictus Abbas Joachimum amplioribus officiis adhibere, cujus prudentiam & dexteritatem perspexerat. Cellarii primum vices, quo nomine S. Benedictus Oeconomum & Promuncondum appellat, eidem injunxit, nec deinceps ademit. Videns enim res temporaneas sic ab illo administrari, ut & ob regularem observantiam, & ob rerum gerendarum dexteritatem ac sollicitudinem Deo acceptus esset & hominibus, elapsis aliquot annis Priorem Joachimum constituit, cuiusque, anno 1598. pie defunctus monasterio reliquit. Electus in Benedicti locum Georgius Yblhör Abbas Wessofontanus, Joachimum, quocumque curas divideret, neminem aptiorem existimans, in Prioris Officio stabilivit, simulque in suprema oeconomiae procuratione. Quo tempore quanto religiosae disciplinae augmento laboraverit Joachimus, scriptum ipsius manu syntagma ostendit, quo amplexus est antiquiores ordinis nostri reformationes, visitationes, Recensus, qui jam legi sine difficultate non poterant, *charactere legibili*, ut ipse ait, ego autem, peroliganti: qualis illo tempore in usum venire coeperat.

4. His, jussu Georgii Abbatis accuratè peractis, & disciplinam monasticam optime constitutâ, Georgio successit anno 1607. Gregorius hujus nominis. II. cognomento Pontanus, sub cujus regimine Joachimus noster mansit idem, qui pridem; emeritus jam Cellerarius, veteranus Prior. Magnum singularis prudentiae & mansuetudinis argumentum, sub tertio jam Abbate eundem Priorem ita se gerere, ut non satisfaceret solum omnibus, sed etiam clarissimus esset, & diu exoptabilis. Neque intra claustrum haesit Joachimi fama: per hospites diversorum Ordinum lata didita, Salisburgum usque penetravit. Quam ego rem, & deinceps gesta non meis, sed alienis diversorum authorum potius verbis exhibere, quam propriis, malim.

5. Anno Domini millesimo sexcentesimo decimo quinto, die 23. Aprilis Salisburgi obierat Reverendissimus D. Martinus Hättinger, ex monasterio S. Petri, antea postulatus Abbas Michaeliburanus, anno verò 1584. ad proprium monasterium & Abbatiam revocatus, quam, per annos triginta & supra, laudatissime administravit. Reliquerat is è vivis abbas monasterium S. Petri omni rerum abundantia instructum, praeterquam religiosorum, quorum numerus jam ad tredecim defluxerat viros, ceterosque vel senio graves, vel litterarum studiis leviter sanctos. (b)

Idem

Ideo Illustrissimo Principi Marco Sittico, antiquissimi monasterii, unde ipsa Episcopalis Cathedra originem traxerat, miserato, cogitatio subijt de circumspiciendo viro, qui & Religiosorum cœtum augetet, & novum eruditionis seminarium plantaret. Florebat tunc temporis Salisburgi primarios inter ciyes Hieronymus Reitter, Wessofontio oriundus, atque rerum nostri monasterii apprime conscius. Eo auctore Archiepiscopus Joachimum nostrum accersivit, ac ægro quamvis Abbatis Gregorii assensu, obtentum viduato S. Petri cœnobio Administratorem prefecit. Haud æquis oculis initio aspexere monachi externum hominem cervicibus suis impositum. Verum viri suavitatē & prudentia intra breve tempus capti, jam ultro illum sibi Abbatem præfici ab Archiepiscopo postularunt. Unde eodem, quo decessor Martinus obierat anno, Kalendis Decembribus ab Ernfrido Küenburgico, Chiemenſi Episcopo, confirmatus, postea tertiâ Dominicâ Adventûs in Divi Petri Ecclesia ab eodem Abbatiali fuit benedictione initiatus.

6. Ut finem, cujus causâ vocatus venerat, Joachimus assequeretur, complures statim lectoris indolis tyrones in monasterium recepit, aliquos etiam altioribus studiis imbuendos Dilingam misit, ubi jam anno 1554. Cardinalis Othonis Episcopi Augustani operâ seminarium in Academiam erectum, hæc verò deinceps gubernanda Patribus Societatis Jesu commissa quotidianis incrementis clarescebat. Verum paulo post optatior sese opportunitas ardentibus Joachimi studiis obtulit, quam mox referimus.

7. Jam pridem Celsissimi Principes Salisburgenſes de scholis publicis ac seminario Clericorum cogitaverant, unde sumptos Ecclesiasticos viros subrepenti in Provinciam hæresi opposuerent. Ter omaino invitati fuerant Patres Societatis, qui id operis promoverent, consilioque saluberrimo adjutrices manus porrigerent. Primum anno 1564. à Joanne Jacobo Kuenio, datis ad P. Jacobum Lainium Societatis Generalem litteris: dein 1577. ab eodem Principe rem impensius urgente: demum cum RR. PP. Franciscani cœptam juventutis erudiendæ curam abruptissent, quod viros huic aptos muneri ad ordinis proprii officia necessitas advocaret: & oblatam sibi dectionem RR. quoque PP. Eremitæ Augustiniani recusassent, anno 1612. à Marco Sittico magna denuo contentione sunt vocati. Verum cur Religiosissimi Societatis Patres Spartam hanc detrectarent, causâ intercessere, tam instituti sui zelo honorificæ, quam relinquentibus non poenitendæ. (d)

8. Princeps tot repulsarum sessus, atque consilii dubius, P. Sylvium à Capucinatorum familia virum prudentia & pietate insignem, cujus colloquio sæpius utebatur, aliquando interrogat, num alie adhuc fores superessent, quæ non irritò tentari possent. Is ordinem S. Benedicti commendare, & prompta ex eo litteratorum subsidia promittere, Principis desuper dubitationes dissolvere, Joachimum Divi Petri Abbatem negotii gerendi ministrum suggerere. Hic delato ad se Principis consilio attonitus primum, cum dein deliberandi spatium petisset, non solum toti sacro ordini, sed suo quoque monasterio plurimum commodandi occasione gavisus, omnem opem, operamque Principi addixit. *Nec verò alius quisquam ad id consilium plus asserere opportunitatis poterat. Vir erat eximia eruditione ac doctrina, & qui studia litterarum in amore, atque in pretio maxima haberet.* (e) Acceptis itaque ab Archiepiscopo ad S. ordinis nostri Abbates litteris anno 1616. comite Hieronymo Reitter superius laudato, sub veris initium Joachimus proficiscitur, varios ex itinere Abbates ad operam conferendam invitavit, varia, in re insperata atque difficili, responsa accepit, ambigua pleraque, ac sollicitudine plena: donec dubiam Joachimi spem erexit Gregorius Ottoburanus Abbas, occasionem illustrandi sacri ordinis, tanquam divinitus datam, utraque manu amplexus, cujus recreatus promissis, latus Joachimus Salzburgum rediens Celsissimum Principem de negotio gesto reddidit certiorum. Proximo dein anno cum urgeret Archiepiscopi desiderium, repetitis nuntiis operariorum adventum urgentis, sub aurumini principia advenere sex Benedictini ex uno monasterio Ottoburano, septimus ex Urfinensi. Actum proximus de Collegii fundatione, cujus literæ statim confectæ, & 20. Sept. ejusdem anni ab Archiepiscopo, Decano, Episcopo Chiemensi, Abbate, & Pfore S. Petri subscriptæ sunt. Ac Joachimus quidem in novi operis progressum toto animo intentus, Professoribus advenis, quousque loco designato habitationem acciperent, in suo monasterio liberale hospitium, discipulis scholarum spatia præbuit. Fusiùs hæc referunt Clarissimi viri Josephus, Franciscus & Paulus Mezger Sani Petrenses, Marcus Hansizius & Franc. Xaverius Kropf S. J. ille Germaniæ sacræ tomo 2. hic verò Historiæ Provinciæ German. superioris parte 4. decade 2.

9. Quanta exin Joachimi fama non Salzburgum solum impleverit, sed ad externos quoque sese diffuderit, credi vix potest. Quæ nobis sub manu sunt, documenta promimus. Nondum trimestre Joachimus mitratus exegerat, cum ingentem tomum eidem anno 1616. die 12. Februarii dedicavit Egidius Albertinus, Ecclesiastici & Aulici Consilii Monacensis Secretarius. Is conciones Petri Bessel ex Gallico in vernacu-

lam nostram transtulerat, in quarum Epistola nuncupatoria sic inter cætera Joachimum nostrum commendat: *hoc humilitatis fundamentum, Reverendissime Prasul, pridem jecisti, & in monasterio Professionis tue Wessofontano asidua coluisti, atque hinc tantum inclaruisti, ut viduatâ pot' decesseris morsem S. Petri Prelaturâ Celsissimus Princeps Marcus Sitticus ansam ceperit, antiquissimo hinc Salisburgensi monasterio præstolendum, te præ multis aliis postulandi, ac desuper dâsis litteris à Serenissimo Duce meo Maximiliano dimissionis tue veniam sollicitandi &c.*

10. Triennio post, anno nimirum 1619. 28. Junii in Universitate Ingolstadiana, Præside Clarissimo viro Ferdinando Walneggero J. U. D. Serenissimi Ducis Maximiliani Consiliario, Antecessore Juris Ordinario, Theses de Donationibus propugnavit Georgius Reitter Wessobrunnenlis Bavarus J. U. Studiosus. In illorum dedicatione Joachimo inscriptâ hæc habentur: *Quò potius irent (Donationes) quàm ad, ubi felicissima frugum nova arrium seminis pullulat, &*

Truditur è sicco radix oleagina saxo?

Ubi te præsidente sacri ordinis Benedictini

- - seminibus jactis se sustulit arbor

- - seris factura nepotibus umbram?

Verè ed te virtus exivit, ut inter tot tui Ordinis præclarissimos Abbates is deprecaberis, qui Atlantis instar totius Benedictini Lycei molem sustineres, tæque cultore

- renovatus ager gravidis canescat aristis.

Atque alibi in eadem dedicatione laudatur Joachimus clemens alloquio, tum admiranda, tum suspicienda humanitatis, & inferius: soles in omnes esse humanæ.

11. Neque verò aut Lycei erigendi sollicitudine impediri, aut humanis laudibus ita se incantari passus est Joachimus, quo minus monasterii sibi commissi commodis invigilaret. Atque in primis, ut Principis voto, cujus causâ vocatus fuerat, satisfaceret, selectissimos juvenes in monasterium suscepit, atque intra decennium, quo præfuit, quatuordecim solemniiter professis conventum suum auxit. A spirituali ædificio ad materiale, templum nempe Dei, transtulit curas.

12. Ecclesiæ S. Petri parietes, quibus antea ligneum tabulatum incumbibat, altius eduxit, & continuo per totam Ecclesiæ navim (axo
fornice

~~forules~~ conjunxit. Summum Altare, quod hodie dum visitur, opere statuario magnificum, & sumptuosum, erexit: & quo ampliori luce perfunderetur ara, omneque presbyterium, in superiori templi parte tholum arcuaturn exstruxit, qui pluribus fenestris diem admitteret. Demum & divinarum officiorum Majestati consulturus, majori organo, eoque magni pretii estimato, Odzum Musicum instruxit.

13. Temporalia quoque monasterii commoda egregie procuravit, sollicitus per omnia & exercitatus oconomus. Novam enim in Austria vineam emit: pradium insigne, quod Ursprungense vocant, comparavit, &que ad uberius monasterii, ac villæ emolumentum, molendinum adjecit: plura alia sine dubio & majora allaturus commoda, nisi ultimis Prælatutz annis ægritudo ferè continua eum sedere plerumque, aut jacere compulisset.

14. Quibus virtutibus claruerit, suosque ad imitationem non verbo tantum sed & exemplo invitaverit, satis indicant tum geminæ superius adductæ Dedications, tum Abbatis Amandi, qui secundus ei post Albertum successit, & Mezgerorum testimonia. Illæ Joachimi insignem humilitatem, & in omnes humanitatem, cum egregio propagandæ rei literariæ, ac Benedictini nominis studio, commendant. Istorum primus, in Catalogo Abbatum Monasterii S. Petri anno 1646. edito (f) fatetur, *figillatim prudentiam & dexteritatem agendi* in causa fuisse, ut San-Petrenses, qui inviti prius alienigenam exceperant, ultro illum in Præsulem ab Archiepiscopo postularent. Pergit Amandus Abbas de Joachimo: „ fuit „ vir magni & profundi judicii, & in modo tractandi adeo discretus & „ affabilis, ut facile quovis in sui amorem traxerit. „ Et paulo post: „ hoc inter alia de eo notatur specialiter commendandum, quod in rebus „ adversis & morbis, corporisque doloribus magnam semper patientiam & quietem exhibere, prudentérque ac discretè dissimulare silentio consueverit. Religiosæ disciplinæ plurimum amans atque zelosus „ eam in valde bonum statum, suscepto jussu Novitiorum numero perduxit.

15. Maximum verò dolorem creaturus fuerat Joachimo præmaturus Marci Sittici Clementissimi Fundatoris obitus, defuncti 8. Oct. 1619. Jam fundamenta sacelli jacta erant, jam Lycei ædificium fervebat, jam in foedus coaluerant Hercyniæ, Sueviæ, & Bavariz Abbates penè omnes: cum repente Salisburgensium animis mœrore ac timore percelli, ac Joachimi maxime, in quem, si fata ferrent, molis inceptæ labes respectura videretur.

16. At crexere trepidantem animum duo imprimis Illustrissimi Canonici Marquardus de Schwendi, & Marquardus de Freyberg, ambo Wessofontanis, & Joachim additi, quippe quorum Majores in Ecclesia nostra sepulturam elegerant, & Freybergii diu Præfecturam Rauchenlechspergensen nobis vicinam gesserant. Cathedrale Capitulum 600. florenos in Patrum sustentationem adjecit: electus dein 13. Novemb. Paris Archiepiscopus Capituli Metropolitici vota facto firmavit, & ampliora adjecit, cum anno 1623. Gymnasium in Academiæ & Universitatis justum corpus attolleret.

17. Tantis solatiis recreato Joachimo tandem appropinquavit capiendi tot meritorum præmii tempus. Podagræ, cholicæque doloribus cum febris accessisset, cruciatibus cunctis insigni patientiæ exemplo toleratis, lentè consumptus est, bis in ultimo articulo felix; nam in ipso SS. P. Benedicti festo, anno 1626. Celsissimo Principi Paridi Lodronio, ipsum in transitu conclavis ex Ecclesia S. Petri visitanti, supremum vale digit, ac monasterium commendavit. Solent enim Archiepiscopi templum S. Petri eo festo sæpius invisere, & religionis, & honoris erga primos Episcopos ibidem sepultos exhibendi causâ. Suos dein Religiosos paulò ante obitum cum tenera valedictione ad mutuam charitatem amanter hortatus est. Sub vespertinis postea horis, dum ad *Magnificat* cantaretur Antiphona: *Hodie S. Benedictus per viam Orientis recto tramite celum ascendit &c.* in ejus vestigia properantem animam sensibus integris pièntissimè emisit. Anno 1626. die 21. Martii.

18. Corpus solemnî funere, ut moris, religiosè circumportatum, ante summum templi Altare, quod ipse Joachimus crexerat, & fenestratulo tholo illustraverat, tumulatum est. Sepulchrali saxo successor Albertus Kenslianus Ottoburanus, ante hac Universitatis Rector, hanc epigraphen insculpi jussit:

Joachimus ad D. Petri Abbas Aſceticus. Reſtaurator ſacræ Edis: turri præſertim fornicis. Ata ſumma conditor. Academia Juvavenſis Promotor. Occuſus perutilis. Quam annos X. Menſes III. Dies XXI. commune bonum ſtruxit curâſſet, anno XXVI. ſæculi XVI. Chriſtiani, ſub æquinoctium vernum p' vitam abſolvit, ſubter hoc marmor Judicis Magni ſententiâ opperturus. Quam, ne vitæ occupâre, proſpice.

19. Floruit deinceps Divi Petri monasterium in hodiernum usque diem clarissimis, doctissimisque Abbatibus, virisque omni eruditione

con-

conficiunt. Ipsi Reverendissimi Praefules Theologici, Juridici, Philosophici Laureis insignes ferè omnes à publica cathedra ad insulam capessendam venerunt. Quae monasterii emolumenta, et si munificentia Principum Marci Sittici, & Paridia, unice debeantur, gratiam tamen Joachimi memoriam retinentes Petronos aliquam ei felicitatis suae partem in accedentis referre non dubitaverunt. Certè Edmundus Abbas, 1673. electus, cum nonnulli à nostris studiorum causâ Salisburgum venissent, humanissimè eosdem excepit, ingratus professus: *Salvete Wessfontani! omnia vestra sunt: ingredimini.* At nos ipsi humanissimis Retrensis plurimas debemus gratias, quotquot vel ibidem è nostris docuere, vel didicere, omni favore semper excepti, nonnulli etiam à Magistris è S. Petro petitis eruditi. Quae omnia ad gloriam celeberrimi & antiquissimi monasterii, in quo prima olim Divi Ruperti sedes ad Bavariae salutem effulsit, lubentes dixisse volumus.

- (a) *Annal. Cremif. P. Simon Reutenbacher Lib. III. num. 56. fol. 242.* (b) *Hist. Salisb. Merges. L. 5. C. 48. fol. 681.* (c) *Parte I. Hier. Aug. fol. 348. & 353.* (d) *Hist. Provinc. Germ. Sup. Part. IV. Decade 8. num. 234.* (e) *Eadem Hist. ibid. num. 297.* (f) *Fol. 76.*

S. II.

Clariss. P. Thomas Ringmayr, Professus Wessfontanus.

20. **C**larissimo huic viro natalitiam lucem Apfeldorffium dedit, Bavariz superioris prope Rauchenlechspersgam vicus, Lyco aditus. Humanioribus studiis, & ameniori literatura apprime excultus mundo valedixit, ac solemnibus votis Deo se consecravit anno 1617. In festo Nativitatis Deiparæ, quo ipso Prior Bernardus Gering, postea Abbas Wessfontanus, eadem vota edidit. Professus ea mox dedit Religiosæ virtutis, & ingenii maximarum rerum capacis specimina, ut Gregorio Pantano tunc Abbati, viro sapientissimo, ac magnanimo, dignus videretur, quem Philosophiâ primùm, dein Theologiâ imbuendum ad Universitatem Ingolstadiensem ablegaret. Feliciter decurso per tres annos Philosophiæ studio in Theologia Thomas Professore est nactus P. Georgium Stengelium, virum inclytæ Societatis Jesu longè celeberrimum, quo duce sic profecit, ut publicas, ex Theologia Univerfa Theſes magnâ gloria propugnaret. Eandem Religiosissimo & Amplissimo DD. Gro-

gorio Pontano, monasterii Wiffringensis Abbati Vigilantissimo, Religiosissimo, Domino suo ac Patri in Christo plurimum Reverendo, plurimum colendo &c. nuncupavit, atque inter cetera sic gratitudinem suam testatus est: „ Quid me jam
 „ antehac, cum per Philosophica stadia decurrerem, fecisse meministi,
 „ Praeful amplissime, id ne omitterem, utentia Theologiae mea, quod
 „ ajunt, à Dario Bellicoso ad Phrygium religiosum rursus revertere, con-
 „ tinuata toto septennio benevolentia tua jure suo commouit. Nemope
 „ si ad beneficentiam tuam pertinere existimasti, ut me Reverentissimu-
 „ sis tamdiu excolendum permitteres; plane officii mei fuit, primitias
 „ aliquas culturae illius ad te referre. Merique fere agri singulis annis
 „ accipiunt, singulis reddunt. Quid ergo mirum, si ego tribus annis
 „ Philosophiae impensis semel, & quatuordecim Theologiae datis, iterum
 „ fructum aliquem, & laboris mei, & liberalitatis tuae partem? Deinde,
 „ ut non sine causa Dissertationem de natura & proprietatibus Angelorum
 „ à Clarissimo Stengelio propositam, atque à se defensam, dedicasse videa-
 „ tur, historiam de Angelis Duci Thassiloni venandi apparentibus, & mo-
 „ nasterii nostri foundationem suadentibus, continere enarrat, licet ab an-
 „ tiqua traditione nonnihil recedat. Annus defensionis subscriptus 1625,
 „ dies 22. Junii.

21. Habuit Thomas condiscipulum, maximae item spei juvenem, è mo-
 nasterio Schyrensi F. Simonem Fyrbas: is de peccato & supplicio Angelorum
 Authore & Praefide eodem Stengelio Dissertationem prius Kat. Jul. publicè
 ibidem defendit, eamque dediteavit *Religiosissimo & Amplissimo D. D. Stephano*
monasterii Scheirensis Abbati Vigilantissimo, per Frisingensem Diocesim Visitatori dignis-
simo, Domino suo ac Patri in Christo admodum Reverendo & colendo &c. Quis de-
 mum Simon iste evaserit, adhuc nescio; Abbati verò Stephano titulum
 Visitatoris datum non admiror, dum & per Augustanam Diocesim tales
 constitutos lego; eos nempe, quos virtutis & doctrinae aestimatio supra
 alios extulit. Hunc embolismum honori celeberrimi monasterii Schy-
 rensis consecratum velim.

22. Thomas noster Ingolstadio ad monasterium reversus, haud diu
 ibidem substitit, ad Universitatem Salisburgensem vocatus: ubi anno
 1629. Theologiam docere coepit, omnemque succedentibus annis tradi-
 dit. Theoticam, seu Scholasticam, Moralem, Polemicam, Sacram deni-
 que Codicem explicavit magnae sui nominis fama, & discipulorum fructu
 uberrimo. Quas Theologiae Quaestiones singulis serè annis edebat, eas
 non alio, nisi *Disputationum Theologicarum* nomine inscribebat, ab omni cu-
 riositate & peregrinitate alienus. Omnes ab eo vulgati tractatus in Hi-
 storia

Agora Universitatis, quam conscribere coeperat P. Romanus Sedlmayr, & P. Menradus Troger, ambo Sax. Hildani, triginta adhuc annis à se consummatam publicæ lucis fecit, recensentur.

23. Dux illarum Disputationum mihi venere sub manus, quorum primam Celsissimo & Reverendissimo Principi Paridi Archiepiscopo Juvav. dedicatam Thoma Præsidente anno 1640. septimo Idus Julias propugnavit Thimo Stainhauser San. Petrensis: alteram, eodem Præsidente 1646. septimo calendæ Julias Christophorus Kleinmayr, & Udalricus Freyberger, idem San. Petrensis defendunt, inscriptam Alberto Abbati S. Petri tunc Præsidi, & Urbano Abbati Admontensi Visitatori, cæterisque congregationis Benedictinæ Salisburgensis Abbatibus. Neque verò Benedictini solum Ordinis Religiosos, aut unius ditionis vel Dioceseos Salisburgensis inquilinos, sed aliorum quoque Ordinum atque terrarum discipulos Thomas habuit: lego inter alios Nivardum Kreulinger, & Modestum Hozelium Cistercienses de monasterio S. Mariæ ad S. Urbanum in Helvetia Monachos: lego Hugolinum Wolleder & Sebastianum Mack O. S. Augustini Eremitas.

24. Quibus aliis academicis honoribus fulserit Thomas, non invenio. A Clar. P. Leonardo Klor edoctus fuit, Prothocollo Theologiæ Facultatis initium dedisse Thomam nostrum, tunc Decanum. In ultima ac solemni Universitatis renovatione anno 1652. Theologiæ Decanus fuit P. Mathias Schwab ex monasterio Schyrensi.

25. Cæterum vir fuit Thomas, in quo nihil vanitatis invenires, sed spiritu plenus, & regularis disciplinæ etiam inter publica negotia tenax: silentii & solitudinis amator, studiis jugiter intentus, in conversatione mansuetus atque tranquillus, turbarum inimicus, consilio præcipue, atque prudentia insignis, unde contigit, ut magnam apud omnes sibi æstimationem conciliavit per illos 24. annos, quibus Salisburgi commoratus est.

26. Ejus fama sapientiæ & virtutis excitata Illustris Partherlonis Nambergensis Virgine, Thomam sibi conscientiarum arbitrum expetere, nec difficulter à Celsissimo Principe obtinere: quibus ita sese parerna pro singulis sollicitudine probavit, ut non citius, quam facta diuinerent, consolatorem suum dimitterent, octodecim integros annos ipsius doctrinæ & consiliis usæ. Annus tandem 1654. Thomæ laboribus finem imposuit. Græte sanctimoniales in sua D. Erentiadis Ecclesia magnificum illi tumulum dedere loco omnibus ingredientibus ad dextram spectabili, ubi ingens marmor tale ejus epitaphium exhibet, quod ipse præsens è saxo descripti.

Sine

Sine strepitu viator!

**Doctor hîc Theologus jacet, qui
semper amavit silentium,**

Admod. R. Religiosissimus, ac Clarissimus

V I R

P. THOMAS RINGMAYR,

Professus in Wessobrunn,

Qui cùm in Cathedra sedisset annos XXIV,

Animas Sanctimonialium curasset XVIII.

Hanc ei requiem illæ indulserunt,

Quibus conscientiae quietem sapius dedit.

Vixit annos LIV. Obiit anno salutis MDCLII.

Sculptum hîc est Symbolum Testudo animal, cui erecta

Rota incumbit, cum subiecto lemmate:

Non moritur sapiens: sapientis robor ab intus

Atque hæc in memoriam Clarissimi viri dicta sufficiant, & alios ad imitationem invitent.

§. III.

Analecta de Gregorio Abbate, & aliis ejus monachis.

27. **S**icut Landspergenſis civitas dulce præſidium contra corporis & animi hoſtes invenit erecto Societatis Jeſu Collegio, unde ejus non ſolum ſinceram fidei morumque doctrinam, ſed & in bello Suecico multi alimenta & aſylum capiebant, ita ad ſingularem utilitatem Weiſhelmenſium civium ceſſit Conventus Patrum Ord. S. Franciſci Reſormatorum. Ad ejus progreſſum, ſtructuram, ſuſtentationem plurimum conſulit Gregorius noſter, & tanquam Parochus primum Eccleſiæ eorum fundamento lapidem poſuit. Sæcularem excitati cœnobii feſtivitatem extremis Thafflonis Abbatis annis Patres celebrârunt.

28. Pa

28. Patet, tam longo regiminis tempore plures à Gregorio ad solemnia vota fuisse admissos. Inter eos fuere: primi Thomas Ringmayr Apfeldorffensis, de quo primùm antè disseruimus, & Bernardus Gering, Erlingæ ad pedem S. Montis Andecensis natus. Professus sunt hi anno 1617. die 8. Septembris ipso natae Deiparæ festo. Bernardus humanioribus litteris & Theologiæ scientiâ præclare imbutus in Parochiarum administratione multos annos consumpsit, primùm Wessofontanæ, deinde anno 1651. Tättenschvvangensis Ecclesiæ Curio, Suecico bello fati probatus & iactatus. Ne sibi soli prodesset, in Fratrum commodum scripsit *summarium Conditionatum*: in quo pro totius anni festis, atque Dominicis, largam suppellectilem collegit, authorésque plurimos allegavit, unde alii prædicandi materiam peterent. Illud adhuc in monasterio asservatur. Ex eo quædam de belli Suecici tumultibus scribenti mihi usui fuerunt. Bernardus, ut videbimus, Gregorio in dignitate successit, ubi super candelabrum positus majores virtutis & sapientiæ suæ radios sparsit.

29. Suppar Bernardo Wolfgangus Dreitterer Bernriedensis. Bojus, Tättenschvvangensem Parochiam aliquamdiu administravit, deinde Cellerarii & economi munus gessit illo tempore difficillimum, cum aliis fugâ sibi consulentibus unus ipse pro monasterio murum se obijceret. Deprehensus à Suecis vix eorum vim evasit; bombardâ enim inversâ collum percussus, ingens sanguis deinceps, dum vixit tulit, nulla arte tollendum. Illud nec Abbati indecorum Fratres putavere, cum cum pro egregiis meritis Bernardo Abbati anno 1666. Præfulem subrogarunt.

30. His meritò anumerandus P. Rômanus Steigmayer, qui in Universitate Salisburgenfi creatus SS. Theologiæ Doctor & Cathedræ destinatus, optimas de se spes præcoci obitu extinxit.

31. P. Adamus Blasius Pircklandensis, Salisburgi anno 1619. inter primos sub P. Alberto Keuslino, Ottoburano, primo postea Universitatis Rectore, ac demum S. Petri Abbate, Decisiones ex universa Philosophia publicè propugnavit. Parochiam deinde Rottensem per multos annos magno labore & metu, quem Suecici belli furor exigebat, curavit.

32. P. Carolum Baader Cellerarium, virum prudentem, quem Gregorius Abbas Augustam Vindelicorum ad Conventum Abbatum suo nomine ad deliberandum de promovendo Universitatis Salisburgenfis incremento ablegaverat, non immeritò his adjungimus.

33. Denique anno 1649. cum Dominicæ 4. post Pascha P. Sebastianus Felderle Wessofontanus primum Sacrificium DEO litaret, ad populum dixit P. Franciscus Langius, Ord. S. Francisci, in Conventu. Veilheimensi Vicarius, quem honoris causa nomino, tanquam unum ex primis Conventus novi inquilinis: Cæteros, ut spero, suo tempore proferet Chronicon Seraphici ordinis.

34. Non possum omittere, quin animadvertam, mirabili DEI consilio factum esse, ut ex una Parochia, & quidem uno eodemque tempore, monasterio nostro tres insignes viri ad decus & fulcimentum darentur, nempe Joachimus Puechauer Rauchenlechspergensis, Thomas Ringmayr Apfeldorffensis, & Adamus Blasius Pirklandensis, quæ loca omnia unius Parochi Apfeldorffensis curæ subjecta sunt.



SÆCULUM DECIMUM

WESSOFONTANUM,

Ab anno 1653. usque ad annum 1753.

CAPUT I.

Bernardus Abbas LI.

§. I.

Ornatus templi Wessofontani, & aliorum.

I. **D**E Bernardi natalibus, laboribus in animarum curâ, & cæteris, quæ fecit & toleravit, donec, DEO disponente, mitram tanquam dignam meritis suis mercedem in terris, reciperet, paulò antè diximus. (a) Illis igitur hoc loco prætermisissis, quid ad Divini cultûs augmentum & splendorem Bernardus contulerit, operæ

operæ pretium erit videre. Majores, quàm pro sustentatis belli tricennalis calamitatibus ferri posse viderentur, Bernardus fecit ad majestatem novam Ecclesiæ monasterii nostri conciliandam. Exorsus ab Odæo sacro, & Presbyterio, quæ gypso, una cum tota templi testudine, eleganter pro ætate illa incrustari; limbos etiam & extantia ornamenta deaurari jussit, unde mirus splendor novo ædificio conciliabatur.

1. His non contentus aram principem templi, ab imo ad summum, novam plenamque majestate crexit. In ea Missio S. Spiritus in Deiparam; quæ sedens exhibetur in medio, & omnes Apostolos, ut in Pentecoste solet, repræsentatur. Omnium horum statuarum communem virilis statuarum magnitudinem facilius superant, quàm æquant, omnes, sicut illa Deiparæ, largissimæ deauratæ, coloribus cæteris argento suffulcis. Columnæ altaris, quarum multæ sunt, & plures aliæ minores majoribus incumbunt usque ad apicem, omnes sunt deauratæ, & varias Divorum statuas, sed minores illis Mariæ & Apostolorum, exhibent, præcipuè SS. Benedictum & Scholasticam, & has itidem totas deauratas.

3. Tabernaculum verò Dei Eucharistici amplissimum, mira arte constructum erat. Gemina illi facies, prout Festa & Divina Officia exigebant. Illa, quæ in solemnitatibus DEI, Deiparæ, & sanctorum, populo exhibebatur, tota auro picta splendebat. Altera, quæ ad sacrum Odæum post aram summam, ubi Religiosi solitam Psalmodiam peragebant, respiciebat, tota nigra erat, & in ebeni formam limata, aurique interpolata in columnarum capitellis & basibus. Hæc sacrificiis Anniversariis in Defunctorum solatium celebrandis, & tempore Quadragesimæ, ostendebatur fidelibus ad movendam devotionem & compunctionem. Magno enim vecte ferreo fixum Tabernaculum, à duobus Religiosis sine singulari difficultate, adhibita clave, paucis nimbis in utramlibet partem vertebatur.

4. Superest adhuc superior pars Altaris cujusdam perelegantis pro ævo illo, certè sumptuosi, in honorem Deiparæ Virginis (cujus effigies divinum filium brachio nixum exhibet.) à Bernardo exstructi, in cujus lateribus quatuor statuarum spectantur divorum Lazari & Marthæ, Ignatii Lojolæ & Francisci Xaverii, in apice verò S. Magdalena. Omnes hæc statuarum & tota ara, tantum prope auri, quantum aliorum colorum, ostentant. In medio verò templo Christi crucifixi imaginem, Beati Walthonis sepulcro imminentem, cum præ vetustate propemodum in ruinam ire cœpisset, Bernardus Abbas ferro munivit, novis inductis coloribus re-

K k k a


nova

novavit, atque postica Crucis parte epigraphen adjecit, qua ultra omnes hominum memoriam stetisse istam crucifixi Salvatoris effigiem testatur. Epigraphæ hæc affixa fuit à Bernardo anno Domini 1462.

§. Nec solius Wessofontani templi curam Bernardus habuit: foras quoque manus suas ad Divorum honorem; & decorem templorum extendit. Stabat in Foresto, dimidio milliari teutonico à monasterio distantia S. Leonardi Abbatis Ecclesia, ab antiquo jam condita, & Parochiz Wessofontanæ subjecta. Nullibi certum primæ originis signum invenio. Tempore Caspari Abbatis jam stetisse, indubitatum mihi est, cum Stephanus Leopolder mox ab initio sæculi à Christo nato decimi sexti jam invenerit & descripserit tres in illa positas aras, primam S. Leonardo; alteram S. Udalrico Episcopo Augustano, dein SS. Martyribus Afræ, Hilarie & sociis; tertiam Desparæ Virgini, & S. Vito Martyri consecratis. Hoc divi Leonardi templum Bernardus Abbas ampliâsse invenitur. Et profecto propter peregrinorum affluxum necessitas quædam id petere videbatur; jam enim illo sæculo Schongavienenses, aliique vicini S. Leonardum voti causâ hic invisebant, ut antiqua ibidem affixa anathemata testantur.

6. Si in re obscura divinare liceat, putem ego, à Leonardo I. Abbate, qui anno 1443. præesse nostris Fontibus cœpit, in honorem sancti cognominis & Patroni sui fuisse vel primitus excitatam, vel ex parvo sacello, privatorum pietate erecto, insigniter auctam, sacrificio Divino aptatam, ornatamque istam Ecclesiam; cujus decessoris sui immediatus successor Paulus II. exemplo incensus, alterum S. Othilie sacellum in agro Rotteni excitavit. Verum quisquis author fuerit, hodie adhuc in S. Leonardi Ecclesia Festivitas ejus quotannis summa solennitate per Pontificale Officium, & sermonem Panegyricum celebratur, numerosissimo populo religionis causâ confluente, vota persolvante, accepta Divi patrocinio beneficia testante, jumenta sua & pecora ejusdem tutelæ commendante.

(a) Prioris Sæc. Cap. penult. num. 29. & ultimo ejusd. Cap. §. 3. num. 81.



§. II.

Publicæ Devotionis incitamenta.

TAmetsi nos ipsi septem ex majoribus nostris martyres, B. Wal-
thonem Abbatem, B. Diemodem Virginem, tumulis suis tum
in templo Divi Petri, tum in antiquo Deiparæ sacello, Patronos
indigenas & domesticos, in venerandis exuviis suis haberemus, ac præ-
terea insignes aliorum sanctorum Martyrum & Confessorum, Reliquias
possideremus: illi verò cultus publicus palam, ut aliis sanctis, nondum
impenderetur; ex his integrum S. parvuli Innocentis corpusculum fuis-
set ad Palatium Monacense transmissum: propterea de alterius cujusdam
S. Martyris integro corpore prospiciendum, quibus posset vis, Bernardus
Abbas putavit.

8. Habebat Abbas noster diversos tum Clericos, tum Religiosos,
singulari amicitia sibi devinctos. Per hos viam invenit Romam, ibique
ad summum Pontificem supplices litteras mittendi. Obtentum est feli-
citer corpus S. Pontiani Martyris, ejus festum proxima die post illud
Divi Bartholomæi Apostoli in Germania celebratur, nempe vigesima
quinta Augusti. Ejusdem & sociorum meminit Uluardus in suo Marty-
rologio his verbis: „Romæ natalis sanctorum martyrum Eusebii, Pon-
tiani, Vincentii, & Peregrini, sub Commodio Imperatore, qui pri-
mo in equuleum levati, nervis quoque distenti, ac deinde sub
cæsi sunt, flammis circa eorum latera apposis; sed cum in laude
Christi fidelissimi permanerent, plumbatis usque ad emissionem spiri-
tus, mactati sunt. „ (b) Atque ita S. Pontianus apud nos depinge-
batur dextra ramum palmæ, sinistra clavam gerens, aliis suppliciiis è lon-
gino exhibitis.

9. Eodem die idem sanctus etiam publicè colitur in celeberrimo &
Imperiali monasterio Ottoburano, ubi insignes ejus multæque reliquæ
ab antiquo servantur, caput tamen integrum nobis Romam missum est cum
ossibus quibusdam brachiorum & costarum aliisque, quibus adjecta est
testa ex arenario saxo hac epigraphæ insignita: *Pontianus I. P. XP.* mox
additur his litteris *ramus palmæ* insculptus eidem saxo, martyris testis;
unde sic inscriptio tota legendæ est: *Pontianus In Pass. Christi Martyr.* Præ-
ter Reliquias corporis & lapidem, sanguinem quoque sancti martyris in
ampulla vitrea accepimus, quam adhuc plenam asservamus.

10. Anno igitur Domini 1664. donati nobis ab Alexandro VII. summo Pontifice sacri Corporis testes litteræ duodecimo Decembris signatæ sunt, & anno proximè sequente unâ cum optatissimo S. Pontiani thesauro advenerunt. Testes subscripti inveniuntur sequentes :

Martius Ginettus S. R. E. Cardinalis Episcopus Sabinenfis ; Vicarius Generalis.

Octavianus Caraffa Archiepiscopus Patracensis, Vicerens.

Marcus Antonius Lanfranchus.

F. Joannes Laurentius è S. Andrea , Procurator Generalis Carmelitarum Discalceatorum.

M. Joannes Bisselius Parochus in Schongau.

P. Sebastianus Felderle, Vicarius in Wessobrunn.

Ex horum testium syllabo faciliè colliges, quo ordine & per quorum manus sacer thesaurus Româ pervenerit usque ad Wessonis Fontes. Eadem facilitate intelliges, rogatum à nobis Clarissimum D. Joannem Bisselium, per Carmelitas Tridentinos desiderium nostrum Generali Ordinis Carmelitici Procuratori Romæ residenti aperuisse, hunc verò optatam gratiam ab Eminentissimo Cardinale Ginetto impetrâsse, ejusque expeditionem Octaviano Caraffa per Marcum Antonium Lanfranchum obtinuisse.

11. Accepto tam pretioso pignore omnes curas eò intendit, ut sacra hæc lipsana quàm decentissimè auro gemmisque ac margaritis ornarentur. Quoniam verò multæ corporis partes deerant, quippe pridem Obtorantæ Ecclesiæ donatæ, integrum corpus jacentis instar, stantis, vel sedentis, ut alias solet, exhiberi non potuit. Inventus est elegans situs, velut pyramidis graduatim ascendentis. In his gradibus circumposita cernuntur ossa, in vertice autem caput S. Martyris, cui desuper imminet ampulla sacri sanguinis. Arca verò, in qua S. Reliquiæ eo, quo diximus modo positæ sunt, tota est ex ebene, & argento ornata. Sub ipsa pyramide saxum cum epigraphe jacet. Donec plenè exornaretur sacrum Corpus anni ferè duo abièrè. Anno demum millesimo sexcentesimo sexagesimo sexto solemnî processione & triumphali pompa comitum Wessofontanorum & vicinorum læticia fuit in Ecclesiam monasterii introductum.

12. Singulare devotionis incitamentum attulit Bernardus Abbas, dum Confraternitatem SS. Rosarii Beatissimæ Virginis in Ecclesia sua erigendam curavit. Primo statim regiminis anno moliri hoc negotium coepit. Facultatem primum obtinuit à Plur. R. P. Georgio ab Herberstein Ordinis S. Dominici illo tempore per Germaniam superiorem ministro Provinciali. Solemnem autem introductionem, communicationis & indulgentiarum publicationem, Processionem, celebravit & adornavit R. P. Eustachius à S. Rosario, tunc Prior in Conventu Prædicatorum Augustano. Aderant solemnitati præsentès Reverendissimi duo Ordinis S. Augustini Regularium Canonicorum Prælati, DD. Anterus Præpositus Pollinganus, & DD. Joannes Præpositus Bernriedensis, qui omnium primi ad publicum Christianæ plebis exemplum nomina sua amplissima Albo Marianorum Clientum intulère. Fuit etiam Senatus Marianus institutus, in quo primus Præfecti munus gessit D. Sigismundus Reiter Archigrammaticus & Hospes Wessofontanus: Secretarius D. Michael Feichtmayr, Camerarius, & Scriba Wessofontanus. Tamquam Præses verò Sodalitium gubernare à Bernardo Abbate jussus est R. P. Adamus Blasius, de quo alibi diximus. (c)

13. Equidem Divi Sebastiani Megalomartyris & Defensoris Ecclesiæ veneratio apud Fontes nostros à trecentis jam annis vigeat, introductus ab Udalrico III. Abbate XXVI. qui ex Eberspergeni monasterio fuerat postularus, sicut in ejusdem Actis jam pridem diximus. (d). Verumtamen quia cultus illi exhiberi solitus toto anno intra unius diei limites sistebat, nempe Festivitatís sancti ejusdem vigesimo Januarii solitæ celebrari, & Missæ quidem hebdomadaræ, quam tamen parùm attendi animadvertēbat; Bernardus Abbas per eosdem, qui Corpus S. Pontiani procurarunt, nempe R. D. Joannem Bisselium & RR. PP. Carmelitas Tridentinos, procuravit Romæ, & obtinuit Confraternitatem sub Divi Sebastiani patrocinio militantem, & locuplete Indulgentiarum thesauro munitam: quam sicut magno fidelium accursu solemniter, introduxit, ita in hodiernum diem eximie viget, & vix unquam, summis Domini & Delparæ Festis exceptis, major sit devotorum accolarum concursus, quàm in S. Sebastiani festivitate, in qua quotannis multi hujus Divi Sodalitio adscribi flagitant. Et hæc publicæ devotionis incitamenta Bernardus cura & sumptibus excitavit, in hodiernum diem uberrimo fructu hinc redundante.

(a) Cap. penult. prioris sec. num. 29. & cap. ult. §. III. num. 28. (b) Boll. Temp. V. Aug. die 25. fol. 111. col. 1. num. 1. (c) Num. 3. §. ult. præced. sec. (d) Suprà, Sec. VI. C. II. §. IV. f. 283.

§. III.

Studium propagandi scientias.

14. Jam superioris sæculi fine, priusquam sacros falces capefferet, laudavimus Bernardum, tamquam virum non iniquior litteratura, quam in periculis constantiâ prædicitum. Magnis duabus Pærochiis, quales sunt Wessofontana & Tättenschvvangensis, alteri ex alia præsidere, virum exigebat magnâ ad tam numerosas plebes regendas scientiâ & prudentiâ instructum. Quantum eloquio valuerit Bernardus, pridem prodidit in summiario Concionatorio, in quo copiosam supellectilem ad concinnandos sacros sermones cum expeditis divisionibus zeloso divini Verbi præconi subministrat; vir sanè plurimæ lectionis & amplissimæ eruditionis hinc undique elucet. Inde nata ipsi est etiam apud exteros fama, maximè postquam in Abbatem electus est. Invenio Theses sub Emblemate Beatissimæ Virginis editas, & Præsede P. Christophoro Meindl, ex universa Philosophia à Francisco Gigl, defensas, & Reverendissimo Bernardo Abbati Wessofontano dedicatas. Non dubito, quin aliæ plures eidem fuerint inscriptæ, quas conquirere superfluous labor mihi videtur, ad finem peroperanti.

14. Religiosus quidem frater noster Ottmarus Zöpf, jussus fecit, dum Theses Philosophicas à se Augustæ Vindelicorum propugnatas anno 1665. die trigesima Octobris, non Abbati nostro Bernardo, sed Reverendissimo DD. Gregorio Josio Imperialis monasterii SS. Udalrici & Afræ ibidem Abbati Amplissimo dedicavit. Erat hic Præsul litterarum & litteratorum amantissimus; vix enim anno 1664. electus & regimen adorsus, protinus scientiarum Palæstram in monasterio suo erexit, junioresque fratres philosophicis disciplinis imbui jussit, electo è suis clarissimo viro P. Cœlestino Turner Juris utriusque Doctore, qui iis eam scientiam traderet. Erant aliorum monasteriorum Præsides aliqui, qui peterent suos quoque ad S. Udalricum eadem operâ erudiri: nullus obtinuit præter Bernardum nostrum, qui Ottmarum suum vix commendavit, & mittere jussus fuit. Quare is jure Theses cum Quæstionibus ex Logica à se defensas eidem jam laudato Reverendissimo Abbati inscripsit, ubi in Dedicatione gratus agnoscit beneficium sibi soli concessum: in locum, inquit, quem ambiebant plures, obtinuit nullus, & ceterum tuorum me admixisti. Quantus porro tam Abbas iste Gregorius, quam P. Cœlestinus Turner, fuerit, copiose loquitur Hierarchia Augustana. (c)

17. Fuerunt & alii sub Abbate Bernardo viri commendatione digni ob egregiam doctrinam. Prioris officio cum summa prudentia praeerat Venerab. P. Wolfgangus Dreitterer, qui & postea Bernardo successit, vir gerendarum rerum longa exercitatione promptissimus. Cognatum habuit istę insignem illum Abbatem monasterii Fürstenfeldensis Martinum, qui anno 1659. expensis Jäcklinianis Monachii edidit *Synopsin miraculorum & beneficiorum S. Leonardi in Inthenboven &c.* Tractatum hunc misit Abbas zelosissimus aequę ac eruditissimus Wolfgango nostro cum hac inscriptione: „Reverende, Religioso, & Doctissimo Domino Patri Wolfgango Dreitterer Priori in Wessenbrunnen, ac cognato suo plurimum colendo ad aras sui memoriam commendat 6. Octobris, anno 1660. F. Martinus pauper & modicus Abbas in Fürstenfeld manū propria.” Hęc ideo hęc infero, ut quisque credat, magni æstimatum à tanto Abbate Wolfgangum nostrum, cui jam illo tempore tribuit titulum *Doctissimi*, eo ævo parum usitatum.

16. Post tristissima illa tempora, quibus infusus maximis copiis in Germaniam Suecus omnia fusdeque vertit, ac Bavariam præcipue superiorem miserrimè devastavit, atrocissimā calamitate sic afflicta jacebat plebs nostra Iffingana, ut unde Parochus aleretur, vix suppeteret. Bernardus igitur Abbas Wessofontanus, tamquam Ecclesiæ illius Patronus, pascendis verbo DEI populis Iffingano, Vilgertshoviensi, & Mundrachingo, ex monasterio statis diebus Religiosum de suis virum, pedestri huc itinere profecturum, constituit anno Domini 1661. Primus, qui magna charitate, nec minore patientiā, difficilem hanc spartam suscepit, & incredibili ovium sibi creditarum solatio gessit, erat R. P. Placidus Siel, tam calamo elegans, quam ingenio promptus. De R. P. Ottmaro Zöpf superius memorato alibi sermo revertetur.

(c) *Parte III. Regulari f. 164. & 165.*

§. IV.

Negotia externa, memorabilia, & obitus

Bernardi Abbatis.

17. **P**Aucis hęc ego externa negotia expedio, documentis destitutus. Unicum mihi suggerit Historia Benedictoburana, referens, (f) quod, cum in inclyto illo monasterio pro Philippo Abbate

novus esset eligendus, præfixa electioni celebrandi die 24. Novembris anni 1661. pridie Benedictoburam venerint, præter Reverendissimum D. Casparum Episcopum Adramytenum, Episcopatus Augustani in spiritibus & Pontificalibus Vicarium Generalem, Reverendissimi DD. Abbatibus Bernardus S. Udalrici Augustæ, Celestinus Andecensis, & Bernardus Wessofontanus, ad scrutatorum officium à Benedictoburanis delecti, Eò ubi ventum est, ut primo scrutinio vota dispergerentur, atque ad canonicam Electionem nulli sufficerent, ultro in Reverendissimos scrutatores Venerab. Conventus compromisit, & collatis suffragiis proditi Amandus Abbas, vir laudatissimus, cujus insignes virtutes in Chronico Benedictoburano egregiè meritisque commendat Clariss. Meichelbeckius. (g)

18. Liceat in priora tempora redire, quibus per bellum Suecicum exagitatus fuit, tanquam veteranus Parochus Bernardus noster. Sub Gregorio Pontano hujus decessore non nisi tristitia de peste, fame, & bello verbis sat multis narravimus. Nemo, sperem, indignabitur, si dixerò, multam quoque salutem ex inimicis nostris in hac vicinia tributam fuisse à Deo ad ædificationem & salutem fidelium. In Ambram, vicinum nobis fluvium, cum conjuge & infante militum crudelitatem fugiens, actus fuerat Jacobus Plönagl. Gerebat infantem brachio, uxorem tergo inhaerentem trahebat, agrè rapidi amnis cursum sustinens, quippe collo tenus immersus, & in singulos passus everti formidans. Gravissime in casu propitiam afflictis matrem Oettinganam invocant, cum voto, si incolumes evadant, sacram illam domum adeundi. Procedunt interim spei metusque ancipites, & salvi tandem fluvio superato in arundinetum transeunt, ibique spatium, ad mensuræ magnitudinem, siccum occupant. At novum hoc loci periculum subit: triduo integro cibi inopiâ laborant. Hic iterum Deo Desparæque supplicant, ne ultimæ fami conficiendi destituantur. Audita miserorum sunt preces: mirâ DEI benignitate juvantur. Tres vaccæ ab armento, quod ex vicinitate Sueci prædones abegerant, errantes, directo natatu ad destitutos illos contenderunt, & lacte in pileum expresso, eatenus sustentârunt, donec hostibus dilapsis ad reditum patuit iter. Grati pro beneficio miseri, sed paupertate à tanto itinere impediti, anno tandem decimo quinto, nempe 1647. illud Oettingæ denunciârunt. (h)

19. Propiùs ad Bernardum nostrum attinent, quæ in Monte sancto Andecensi, ad cuius pedem natus est Bernardus, contigerunt. Cum S. Rom. Imperium bellorum turbine undique quateretur, & Bavaria Suecorum

eorum inundatione obruta ingemisceret, milites hæretici in sacras maximè imagines & ecclesias sævebant. Anno 1632. die 18. Maji in Montem sanctum irruentes effigiem S. Ræsonis, ludibriosè eum ea digladiantes, naso & manibus mutilarunt, mutilatam in vicinam silvam eiecerunt. Deiparæ sculptam imaginem, quæ hodie in ara superiore conspicitur, & tunc, altera ejusdem imagine in terram, injuriæ metu, defossâ, in ara inferiore fuerat collocata, hanc, iniquam, imaginem sacrilegi milites conspicati, Deum matremque ejus blasphemantes injectis funibus ab ara detracham in terram dejicere moliebantur. Verùm ne latum quidem unguem sacram statuari loco poterant dimovere, infuso plumbo ita defixam arbitantes. Quare rubore suffusi furorem in templum convertere, subditos monasterii conferre igni pabula, compulere illud sine dubio succensuri, ter id moliti frustra laborarunt, divina virtute omnem flammatum vim opprimente. Alteram Deiparæ statuam, quam defossam fuisse dizi, ferrea quidam timore adactus Suecis prodidit. Melampodes illi velut in prædam hiantes sarculis & vectibus fodere decertant: verùm dum fodiendo sacre statuæ caput detexere, fortiore manu cohibiti & horrore concussi celeri se fuga hinc abripuere. Inde major in utramque Dei Matris effigiem nata est veneratio. Sed & illud memorabile, quod milites quidam Sæcicus, commilitonem suum paulò post violatam statuam horribili morte preceptum conspicarus, tanto fuerit horrore concussus, ut abjurata hæresi ad Catholicam se fidem converterit. Tanta bona ex maximis malis elicit, bellique amaritudinem divina providentia mitigavit. (i)

20. Hæc cum scriberem, nihil cogitanti sub manum venit Epigraphæ Altaris S. Rosarii à Bernardo Abbate erecti, quam lectori non displicituram existimo. Debeo eam R. P. Ottmaro Zöpf, ex cujus Adversariis excerpto.

M A R I Æ

Rosæ ter admirabili,
Candidæ, Purpuræ, Auræ,
Deo ter Optimo, Maximo,
Iuvante, favente, fovente,
Bernardo Abbate Wessofontano
Plantante, Rigante, Colente,

Hoc Altare

Ceu primum Pietatis Germen

Nova Sacro-Antiqui Rosarii Societas

D. D. D.

Anno salutis MDCLVI. VI. Julii.

21. Placuit tandem Deo Bernardum, optimè de omnibus meritum, à laboribus ad requiem vocare. Certè, quamdiu in Religione vixit, numquam feriatum est: nec fecit tantum, sed & passus est multa per illam septentrionalem illuvionem, cum Pastoris officio fungeretur. Quinquaginta ferè annis, si sacrum Tyroclisium computes, Deo in Religione servivit; nam anno Christi 1617. solenniter professus in festo Nativitatis Deiparæ, anno 1666. cum annos undecim summa laude præfisset, decessit in ejusdem Deiparæ festo Assumptionis. Placet hic animadvertere, quòd eodem anno, quo Bernardus, patris Erlinganus, obiit, Erlingæ trigésimo post obitum ejus die natus fuerit Thassilo Abbas noster LV. Bernardi epitaphium non invenio: verum pro epitaphio stat totum templum gypso per eum incrustatum, auròque depictum, stat ara S. Pontiani cum ejus sacro corpore: stat altare summum, maximo sumptu erectum: stant geminæ SS. Rosarii & S. Sebastiani, Sodales, & indies crescunt, & cum his, ut speramus, singularis Bernardi in ecolo gloria.

(f) *Part. I. fol. 317.* (g) *Ibid. fol. 319.* (h) *Hist. Oesingena P. Jac. Insag. S. J. Part. II. Lib. II. fol. 105.* (i) *Hist. Andet. sub. tit. Himmel auf Erden, à fol. 93. &c. ubi rerum testes etiam inimici adducuntur.*



CA-

CAPUT II.

Wolfgangus II. Abbas LII.

§. I.

*Wolfgangi studium pro cultu divino, & augmento
monasterii.*

1. **B**ernrieda, antiquitus Beronica vocata, celebre monasterium est Ord. S. Augustini Canonicorum Regularium, & eruditis omnibus notum, tum propter Paulum Bernriedensem, Historicum sæculi duodecimi accuratissimum, & Gregorii VII. defensorem acerrimum, tum propter Beatam Herlucam, cujus ossa ibidem servantur, ut pridem diximus ex instituto. (a) Vicus ejusdem nominis, monasterio illi assitus & subjectus, Wolfgango nostro patria fuit. Ob egregiam indolem & ingenium promptum à Gregorio Pontano susceptus, sacræque tyrocinio velut aurum probatus, inventus est justus, & ad S. Professionem admissus, solemnia Deo vota anno 1620. die 8. Septembris, in festo nimirum Nativitatis Deiparæ nuncupavit.

2. Qualis deinceps Wolfgangus fuerit, jam partim vidimus sub Abbatibus Gregorio, & Bernardo. Ille Wolfgangum promumcondum & oconomum elegit, utpote quem rerum gerendarum peritissimum, & in laboribus indefessum noverat. Dispersis fugâ Religiosis cæteris terrore Suecorum, solus Wolfgangus ut murus pro domo Dei & monasterio stetit. Quos ille tunc terrores, quos impetus sustinuerit, ut monasterium ab incendiis & prædationibus tueretur, dici non potest. Sensit ipse, & retinuit, donec vixit, Suevicæ humanitatis vestigium, ingens nempe callum, quod inverso sclopeto percussus in collo retulerat. Utinam à majoribus nostris scripto mandata fuissent belli illius calamitates! Post Gregorium Abbatem non minõri in pretio apud Bernardum successorem noster Wolfgangus fuit, & Prioris officio vigilantissime perfunctus, ita se omnibus amabilem fecit, ut defuncto Bernardo succedere dignus censeretur, & in præmium tam multorum laborum, quos exantlaverat, Abbas eligeretur.

3. Quæ Abbas gessit Wolfgangus, pauca ad manus meas pervenerunt: nec ferè poterant multa, cum unico tantum quinquennio præfuerit. Superest adhuc Altare perelegans, sed jam inutile, totum ferè deauratum, atque à Wolfgango Confraternitati SS. Rosarii destinatum, quod etiam diu in usu fuit, donec nova Immaculatae Matris Confraternitas invalesceret, & novum idque amplissimum ejus Sacellum construeretur. Tunc in vetus sacrarium, ubi adhuc est, repositum hoc altare fuit. In medio Beatissima Virgo spectatur: ad dexteram inter columnas S. Joachimus, ad sinistram S. Anna. Quamvis porrò superius epigraphen Altaris S. Rosarii sub Abbate Bernardo factam adduxerim, id non à Bernardo factum, sed, ut patet, à Sodalitio Confraternitatis tumultuario opere, eleganti tamen, ut tempus ferebat, opere excitatum credo. Istad autem, de quo dixi, Wolfgango Abbati tamquam fundatori deberi patet ex nomine & insignibus ejus dextrâ levâque depictis. (b)

4. Alterum Wolfgangi studium fuit, ut in augmento boni gregis gauderet, novosque furculos horto Religionis infereret. Itaque, quæprimum Abbas confirmatus & mitrâ decoratus fuit, magno cum gaudio ad sacram Professionem admisit jam à Bernardo susceptum probatumque F. Rupertum Schönhuber patriâ Monacensem. Factum id est anno Domini 1666. die 24. Octobris, eodémque anno ac tempore autumnali ad S. Tyrocinium suscepit Petrum Koch Weilheimensem, qui anno sequente die 13. Novembris, nimirum in festo omnium SS. Monachorum Ordinis nostri, in manus Abbatis solemnem Professionem deposuit. Verùm neuter horum diu provixit; nam Petrus Koch, Sacerdotio initiatus, cum Choro Musico aliquamdiu præfuisset, cæterâque Religiosi obediens munera gnaviter obiisset, anno ætatis trigesimo quinto, S. Professionis decimo sexto, Sacerdotii octavo è vivis decessit die 30. Augusti anno Domini 1682. Rupertum citius obiisse, traditum accepi. Post biennium, tyrocinio annuo probatum ad nuncupanda vota solennia Wolfgangus admisit F. Gregorium Schmid Weilheimensem, excitati & capacissimi ingenii juvenem, de quo sub Leonardo Abbate redibit sermo.

(a) *Suprà Sæc. IV. fol. 184.* (b) *Sæc. X. Cap. I. §. IV.*

©

§. II.

Cura Studiorum.

1. **Q**UOD Wolfgangus Abbas P. Ottmarum Zöpfl ad Universitatem Salisburgensem sublimioribus studiis imbuendum miserit, doceor ex litteris Magnifici Rectoris P. Alphonsi Stadlmayr anno 1671. ad Abbatem nostrum datis, simulque ex his intelligo, Ottmarum nostrum subpræfecti munere in Religioso Convictu egisse; sic enim habent in principio: „ In primis Reverendissimæ Dominationi vestræ gratias
 „ ago quàm maximas pro transmissio ad Convictum nostrum Subpræf-
 „ ecto Admod. R. P. Ottmaro: & quia hæcenus expertus sum, esse vi-
 „ rum religiosum, suis studiis intentum, & disciplinæ amantem, tanto
 „ magis Reverendis. Dominationi Vestræ nos obligatos omnes agno-
 „ scimus.

6. Ex hisdem litteris colligitur zelus Wolfgangi Abbatis pro emolu-
 mento & incremento Universitatis; animadverto enim, eundem que-
 relam aliquam apud Rectorem movisse, quod in aliquo negotio præterit-
 us fuisset Abbas Wessofontanus. Sic enim Rector Magnificus pergit:
 „ Gratosum porro affectum Reverendissimæ Dominationis Vestræ erga
 „ Confoederationem cum Universitate, tum Reverendissimo Domino
 „ Abbati S. Petri, tum Professoribus placuisse cum gaudio experior;
 „ qui omnes gratiam hanc omni studio amplectuntur. „ Deinde ad ex-
 „ culationem convertitur: „ Reperio verò celeberrimum monasterium
 „ Wessobrunn & primæ Confoederationi anno 1618. & secundæ, quæ
 „ eodem anno 8. Octobris Augustæ Vindelicorum facta est, subscripsisse
 „ per Reverendissimum D. Gregorium Abbatem p. m. ceterum quia in
 „ his litteris Confoederationis soli Reverendissimi DD. Abbates sine Con-
 „ ventibus subscripserunt, conclusum fuit anno 1652. formulam præ-
 „ scribere, qua deinceps Reverendissimi DD. Abbates unâ cum Con-
 „ ventibus sese confoederarent: quæ quidem formula, an eo tempore
 „ in Wessobrunn sit missa, necne? an fortè etiam ibi nunquam expe-
 „ dita? planè nescio: fortè tamen ex eo factum, quo minus Academi-
 „ cæ litteræ pro electione Præsidis sint missæ. Curabo tamen, ut hoc
 „ anno diligenter mittantur, & omnia in statum pristinum restituantur. „
 Demum receptas pro Religiosis nostris in Convictu constitutis solutiones
 testatur, & restantium adhuc computum transmittit.

7. Summa hujus computus conficit 434. florenos : ex quo patet, tametsi ad manus meas scripto consignatum nihil pervenerit, plures eo tempore religiosos juvenes in Convictu Salisburgensi ad scientias altiores hauriendas à Wolfgango Abbate fuisse missos. Intelligi hinc potest, quàm studiosus hic Abbas fuerit tum ad promovendum Universitatis incrementum, tum ad suorum litteraturam assidue propagandam.

8. Tandem Abbas noster, cum à S. Professione anno 1670. exegisset annos quinquaginta, & Jubilæam festivitatem communi suorum in spiritu filiorum totiusque plebis gaudio celebrasset, anno proximè subsequente plenus dierum & multorum de monasterio meritorum, discessit ad capienda laborum pace bellæque exantlatorum præmia.

§. III.

Eximius P. Alexander Hueber, patriâ Wessofontanus, Professione Andecensis.

9. **E**odem anno, quo Wolfgangus Abbas noster ad æternitatem transiit, ab Universitate Salisburgensi & publica doctiōe ad monasterium suum Andecense reversus est eximius hic vir, qui apud Wessonis Fontes in vico Gaispeuntano (c) natus, & salutari lavacro ablutus, Georgii nomen accepit anno salutis millesimo sexcentesimo decimo tertio. Litterarum principiis & musicæ fundamentis in Seminario postro imbutus ad Montem sanctum, inde ad publicum studium transiit, in quo talem tam in moribus quàm litteris profectum fecit, ut, cum agentis Numinis instinctu ad Montem sanctum supplex venisset, nec Reverendissimum D. Abbatem Michaëlem Einslinum, neque ceteros Religiosos ad assensum difficiles inveniret. Susceptus & S. Tyrocinijs satis probatus anno 1632. solemniter vota nuncupavit, & nomen Georgii in Alexandri mutavit, utroque ex nomine heros.

10. Florebat jam tunc maxima sapientiæ famâ Clariss. P. Mattheus Weiss, publicus Philosophiæ primùm, tum SS. Theologiæ, demum sacre Scripturæ Professor publicus, ac Universitatis Rector Magnificus. Sub hoc Alexander noster ad Religiosum Convictum à Superioribus missus didicit, quæ cum tempore alios doceret. Sacre ergo militiæ & scientiarum disciplinis approbatus Tyro inter loci Præsidarios censi meruit. Ac primùm Rhetoricam pluribus annis distinctis docuit, semel ab anno 1638.

1638. & iterum ab anno 1667. Deinde proximo anno ad Ethicam translatus eidem cathedræ usque ad annum Domini 1671. præfuit.

II. Quæ alia præter doctorem academicam munera gesserit, nihil habeo dicere; dubitari non potest, cum cuilibet ferè cathedræ annexi soleant aliæ functiones. Solum invenio, Comicum quoque fuisse Alexandrum anno 1640. Invenitur enim Comoedia cum titulo: Filius Prodigus *Comico P. Alexandro Hueber Andecensi*. Et anno 1669. alia, cui titulus:

*Libertas sibi permissa
Domus praviens,
Foris seducta,
Tandem resipiscens,
Sed Filius Prodigus.*

Si tamen alia est, quàm illa ante viginti novem annos exhibita, novis tamen ordine, musica, erroribus comicis, adornata. Erat secundà hac exhibitione Alexander vir 36. annos natus, jamque podagræ doloribus cruciari coepit. Unde etiam quatuordecim post suum ab Academia discessum annis *Vir invicta in adversis ac podagræ doloribus patientia octavo Idus Februarii anno 1685. obiit.*

12. Duo adhuc annoto: primum, quòd is, qui Alexandrum baptizavit Parochus Wessofontanus, fuerit P. Joachimus Puechauer, postea Abbas S. Petri Salisburgi, de quo jam diximus: pater Alexandri Petrus: compater Joannes Denhart. Alterum, occasionem, cur Alexander secundo ad docendam Rhetoricam fuerit admotus, eam fuisse, quòd anno 1628! P. Benedictus Eisenhard Artlenensis, tunc Poëseos in Gymnasio Professor, à Sodalibus suis Abbas electus, à scholis ad monasterium redierit, in cujus locum veteranus jam Professor Alexander successit, & à Poësi iterum ad Rhetoricam, inde ad Ethicam fuit promotus. (d)

(c) *Ex librè Baptismali ad ann. 1613.* (d) *Cetera ex Hist. Univ. Salib. fol. 113. 116. 219.*



§. IV.

De Venerabili, ac beneficiis clarescente imagine B. V. Mariae in Heuwinckl propè pagum Iffeldorffensem, in sacello eidem Parochia subjecto.

13. **I**nfigne hoc Marianaë Bavaricæ decus, ac Divinæ misericordiæ instrumentum pro grati animi affectu palam facturi, haud equidem veterum ignaviæ irascimur, quæ maluit sæpius rerum præstantissimarum origines caliginosis ignorantie ac oblivionis tenebris conssepelire, quam brevis operâ calamitatis ad posteros transmittere, ac futuri quoque ævi memorie servare: flamma vorax tamen nobis lachrymas merito ciere queat, quæ unâ cum domo Parochiali cœva vetustati hujus peregrinationis documenta cineribus miscuit, ipsam extinctura rei gestæ memoriam, nisi fuisset sollicita manus P. R. D. Joannis Urbani Schwaiger Protonot. Apost. ac Parochi magnam partem vindicata; cujus Ephemerides seniorum relationibus, ac suspensis anathematis junctæ lucem tandem affundunt aliquam, quam Vulcani ignes pœnè negaverunt.

14. Ipsam imprimis Venerabilem DEI Parentis iconem lectori ante mentis oculos adducimus. E ligno fabrefacta, in justam quinque circiter pedum altitudinem assurgens, sinistro brachio natum insidentem sustentat, dextra manu, nescio, quem fructum tenet, pyrum pomumve. Prons, oculi, vultus quoque dubites, num plus majestatis, plusve amoris intuenti ostendant?

15. In principe Parochiæ altari stetit hanc iconem Patrum memoriâ traditum est, sed hoc ad majorem splendorem ornatu, atque ornato, nescio, cujus incuriâ, maximum illud templi decus, non solum sedē suâ motum, sed & ad ignobile sine cultu hospitium sub tabulata templi detractum est, magno enim verò totius vicinæ detrimento, nisi fuisset filii pietatē A. R. D. Bartholomæi Welz p. t. Parochi, ad locum quem elegerat, translata. Hic itaque, vel ex hoc facto æternâ memoriâ dignissimus Christi Sacerdos, ne Virgo in imagine isthac jam antiquius cultu omni deinceps honore fraudaretur, anno à partu salute 1672, eandem in vicino edito colle, Heuwinckhel dicto, quercui sæcūs publicam viam imponit, pias saltem transeuntibus cogitationes excitaturus; ac feliciter erigere, & non ad insipientiam sibi. Venerabilis icon quasi lignum plan-

plantatur secus decursus aquarum, fructum uberem brevi daturum, in sui venerationem primum hos & illos ex incolis, mox plures accolas, denique ingentes undequaque hominum turbas traxit: & veneratione nata est fiducia, fiduciam verò magna adeo beneficiorum, quæ miseri quique Virginæ opitulante perceperunt, seges est consecuta.

16. Nec sordida, seu avara fuit cultorum pietas, nec inconstans, quod sæpius assolet, ipse Thaumaturgæ nostræ cultus: usque hodie perdurat, imo crescit, haud modicis, sed magnis incrementis, quibus recensendis eo securius superfedemus, quo magis omnium oculis prostant. Certè ea magno sanè argumento nobis esse debent, singulari Numinis providentiæ, volentis Materis suam in hoc præ aliis loco honorari, non autem tumultuariæ credulæ plebis pietati hanc domum salutis in acceptis referendam esse. Itaque fidelium oblationes tam largæ erant, ut anno 1690. curante A. R. D. Joanne Seiz, Plebano illius temporis, ac loci ligneo sacello, in quod à quercu denub beneficiis clarescens imago translata est, ac post octo annos Parochiam curante Pl. R. ac jam semel laudato; D. Urbano Schwaiger, alteri justæ amplitudinis Capellæ à lapidibus excitandæ, ac missæ opere tum temporis præstantissimo, sonoro æque præterea ornandæ suffecerint.

17. Perfecerat ædificium istud Mariophilus noster anno supra millesimum sexcentessimum nonagesimo octavo: & fontibus utrox nostris, Hofmarchiæ Dominum Abbatem Virgilium humanissime invitatum evocavit, qui etiam votis ejus obsequutus primum in novo templo Sacram coram Thaumaturga imagine in portatili ara obtulit, odore boni exempli haud modicis Mariano cultui additis incrementis. Denum anno 1701. 13. Sept. Reverendissimus, & Illustrissimus DD. Eustachius Egolfus L. B. de Wöbernach Ep. Dioclenfis, ac Suffraganeus Augustanus, Sacellum solenni ritu sub honore Divæ Virginis, ac Sanctorum omnium consecravit, ac consecutis indulgentiis ditavit, ipsaque illa die plures campanas tum nova Sacræ ædiculæ, tum Isseldorffensi templo servituras benedixit.

18. Frequenter cultum præterea luculenter comprobant Missæ in Virgillis honorem dictatæ, quorum numerum ex MS. relatione de anno 1748. recenseo, nempe *Septendecim millia centum & septem in decursu annorum quinquaginta & octo.* Communitates quoque eadem relatione recte, anno 1693. *viginti sex cum Sacra Crucis Vexillis adfuerunt,* quem numerum si hodie dum peregre venientes ejusmodi communitates non semper æquant, sanè haud multum ab illò deficient, imo locorum celebritate, & populæ frequentia sic compensant, ut superent quoque.

19. Cæterum hanc Deiparæ effigiem hoc loco ponendam censui, quod diu jam antè Isfeldorffensibus fuerit honorata, & demum, cum seposita jacuisset, sub Abbate Wolfigango reperia; proximòque post ipsius obitum anno in loco *Hennungel*, tamquam diceret, in *Angulo Fani* collocata. Inde consultum duxi, non ulterius de hac pia Peregrinatione summochnari, donec recentiora subsequantur.

CAPUT III.

Leonardus III. Abbas. LIII.

§. I.

Natales, studia, electio Leonardi.

1. **P**rugga, non ignobile superioris Bavariz oppidum, in Campo Principum seu prope inclytum monasterium Fürstensefeldense Cisterciensis Ordinis, à Ludovico Seyero Bavariz Duce fundatum, ad omnem Vermium situm, Leonardum nostrum in lucem dedit, parentibus honestissimis & opulentis. Pater, cursus publici seu veredariorum magister, filium exactâ pueritiâ capacissimum ingenium ostentantem ad Theorale Gymnasium, hodie Lyceum Monacense studiorum causa transmisit, ubi humaniores litteras & artes liberales magna felicitate & eximio profectu imbibit, arte quoque musica & characteris elegantia insignis. Cum litteris tenerrimam in superos pietatem sub cura Patrum Inclytæ Societatis Jesu hausit, conceptoque rerum mundanarum tedio ad Religionem amplectendam animum admoovit. Seria maturaque deliberatione divinam voluntatem exquirens, Ordinem S. P. Bened. elegit, in quo ad æternæ salutis portum navigaret. Igitur sicut sitiens cervus ad fontes aquarum, ita ad fontes Wessonis cucurrit supplex, & promptè pro ardore desiderii sui est exauditus, atque in Religionem susceptus.

2. Novellus igitur tyro promptissimè sacræ Regulæ præcepta imbibit, ut magistro admirationem ciceret, in omnibus accuratus, industrius, indefessus. Quare emenso religiosæ probationis anno ad solennem Professionem admissus, Leonardi nomen propter S. Leonardi in Inschenhofen propitiæ patrocinium adeptus, cum majora indies eximie ad summa quæque

que habilitatis documenta ederet, sublimioribus scientiis imbuedus ad Universitatem Salisburgensem est missus, atque inde post emensum SS. Theologiae curriculum ad monasterium reversus varia gessit officia, omnia summa cum laude, ut, cum fato concessisset Wolfgangus Abbas, non difficilis esset deliberatio. Leonardus electus est in Antistitem, neque suorum spem fefellit, sed maximis meritis superavit.

§. II

Leonardi Abbatis studium pro cultu divino, & S. Ordinis augmento.

3. **P**rimo itaque regiminis anno, ut majoribus suis stimulis ad quærendos coelestes thesauros incitaret, Privilegia Cassiaensia à Sanctissimo Patre Clemente X. summo Pontifice suppliciter petivit. Habebat Leonardus cognatum R. P. Bennonem à S. Ottone, Ordinis Beatissimæ Virginis, de Monte Carmelo, tunc Augustani Conventus Priorem. Per hunc humillimas preces Romam direxit, ubi plurimum contulit R. P. Faustus à S. Basilio, Patris Generalis Carmelitarum Secretarius. Obtenta igitur, atque à nobis summo gaudio excepta est Bulla Pontificia iisdem fere verbis concepta, quibus postea eorumdem Privilegiorum communicatione universæ nostræ Congregationi SS. Angelorum Custodum Benedictino Bavaricæ fuit concessa.

4. Verum amplior explicandi zelum suum, & ingens pro S. Ordinis nostri profectu studium, campus se Leonardo aperuit, cum paulò antè memoratæ Congregationis erectio multis consultationibus ageretur. Anno demum 1684. die 26. Augusti, agente Serenissimo Electore Bavaricæ Maximiliano Emmanuele, victoriis à Turcis relatis clarissimo juxta diuturna multorum suspiria à Sanctissimo Domino nostro Innocentio XI. sub invocatione Sanctorum Angelorum Custodum instituta & erecta fuit Exempta Congregatio Benedictino-Bavarica, atque in primis ejusdem Comitiis Generalibus Ratisbonæ in Imperiali monasterio S. Emmerami celebratis dignissimus ac zelosissimus ejusdem Abbas Coelestinus fuit primus Congregationis Præses renunciatus. (*) Magnam in hoc negotio partem habuisse Leonardum nostrum, patet ex epitaphio, in quo disertè appellatur *Promotor Benedictinæ Congregationis Boica.*

5. *Conversus deinde ad ornandum coenobii templum Leonardus à SS. Domino Innocentio XI. summo Pontifice impetravit corpus S. Amantii Martyris, quod expedit Romæ Eminentissimus DD. Casparus Carpinus S. R. E. Cardinalis Vicarius Generalis per P. Carolum Felicem à S. Theresia Ordinis Carmelitani Procuratorem Generalem, anno Domini 1678. die 28. Augusti, Thesaurum hunc sacrum ut auro, argento, margaritis ad majestatem exornaret, nullis Abbas sumptibus pepercit; invenio enim in ratiociniis stecisse hunc ornatum septingentis nonaginta octo florenis. Ibidem lego, varia honoraria in eos, qui S. Pontiani Exuvias nobis procurarunt, pretio ducentorum triginta sex florenorum stecisse. Vide, quæ superius de S. Pontiani corpore diximus. (b).*

6. Pro tenerrimo suo in castissimam DEI Matrem amore, quem aliorum quoque animis instillare zelus Mariophilus cupiebat, introduxit Leonardus Confraternitatem SS. Scapularis Beatissimæ Virginis de Monte Carmelo. Non dubito, quin eam per suprâ memoratum cognatum suum R. P. Bennonem à S. Ottone Priorem Augustanum Romæ evicerit. Institutam hanc fuisse invenio anno 1675. die 15. Augusti, in festo nempe Deiparæ in cælum assumptæ: quod intelligo de solemni introductione. Parem solemnitatem anno 1676. die vigesima Junii adornavit Leonardus ad introducendam Confraternitatem S. Sebastiani Martyris, pro qua Indulgentias Romæ jam impetraverat Bernardus Abbas.

7. Quantus porro in Leonardi pectore erga Deiparam amor exarsit, facile discimus ex libello, quem privato usui suo propria manu conscripsit. Libello hic præfigitur titulus, & dedicatio:

Magnæ Dominae, Cœli terræque Reginae, Imperatrici Augustissimæ, Virgini & Matri semper intactæ, Mariæ heræ suæ colendissimæ

Natalizanti

Pio & humili affectu applaudit, se suæque omnia offert & commendat

Indignus servulus, servus, & mancipium inutile,

Leonardus Weifs M. J.

1667. (c)

Dein

Dein sequente Hymno Dilectæ suæ Dominæ Natalem gratulatur, seque ei in mancipium offert:

1. Gaude cœlum, lucidus velum
Atræ nubis exue.
Jam splendorem & fulgorem
Solis novum indue.

2. Gaude mundi gemebundi
Ingens rerum machina.
Ejulantis vox clamantis
Cesset omnis lachryma.

3. Siste fletum homo, lætum
Exul vultum sumito,
Et Mariæ hac in die
Natalem recolito.

4. Gaude, gaude, nova laude
Cuncta modò resonent.
Uno ore hanc clamore
Creaturæ prædicent.

5. O Maria, salve pia
Mundi potens Domina.
Te post Deum amo meum
Gaudens super omnia.

6. O Regina, ah! inclina
Aures meis precibus.
A cunctorum peccatorum
Mentem purga facibus.

7. Addo cogitationes Leonardi Marianas, quas in fine ejus libelli invenio. „ Ego dormio & cor meum vigilat ad te, O Domina mea SS. Virgo Maria! nam ecce cum te non laudo in ore, laudo in corde per omnes pulsus ejus infinities sequentia dicendo, renovando &c. & per omnia momenta infinities & repetitum salutando Ave Maria, gratia plena, Dominus tecum &c. toties etiam protestor de omni malo & omni peccati consensu, renovando omnia, quæ cogitavi, dixi, feci bona, semper & pro semper, toties quoties.

Serviant hæc cuicumque teneriori devotione Deiparam prosequi cupiendi.

(a) Chron. Eb. P. I. C. 38. §. 3. f. 325. (b) sub Bernardo Abbas LL. (c) Scripsit hac nondum Abbas.

7. Cor devotum, & me totum
Libens trado singula.
Fac ut portem hæc in mortem
Mancipatus cingula.

8. Me beatrix Imperatrix
Tuâ fove gratiâ:
Velut rore cor amore
Tui Virgo satia.

9. Cor sit stratum Tibi gratum:
Rogo, ô hoc posside.
Hoc in lecto cum dilecto
JESU meo reside.

7. Ora pro nobis Virgo nata,
8. Ut hæc laus nostra Deo sit grata.

Oremus.

FAMulorum tuorum recordare omnipotens DEUS: & præsta, ut per B. V. MARIÆ Nativitatem in tuo & ejus renascamur amore. Per Dominum nostrum Jesum Christum filium tuum &c.

S. III.

Cura rei litterariæ.

9. **Q**uam scientiæ famam ex Universitate Salisburgensi ad monasterium secum retulerat, eam in suos quoque propagare studuit Leonardus, nullis sumptibus parcens, ut quos invenisset amplioris doctrinæ capaces, eos altioribus studiis quam excultissimos reddi curaret. Inter hos in memorata Universitate Præfide P. Gregorio Wümpberger Cremifanensi, postea Rectore Magnifico, Theologicas Theses publicè defendit P. Gregorius Schmid monachus Wessofontanus, AA. LL. & Philosophiæ Magister, & *Divo Waltheri* (sic impressum legi) dedicavit anno 1676.

10. Anno deinde ejusdem sæculi nonagesimo primo mense Januarii in communi studio Congregationis Benedictino-Bavaricæ, quod tunc in monasterio Schyrensi fuerat erectum, Præfide Clarissimo illo & celeberrimo viro P. Ægidio Kibler Benedictino Andecensi Philosophicæ Theses propugnavit, easque Beatissimæ Virgini Thaumaturgæ in Vilgertshoven dedicavit F. Engelbertus Praitennacher Wessofontanus, cui Religiosus Convictus elegiaco carmine gratulatus est, cujus initium ponere sufficiat:

Quam bene conveniunt, & in una sede morantur

Cum pietate sophus, cùmque sopho pietas!

Felicem pugilem, cui contigit utraque: præstans

Virtus, & pleno juncta Sophia sinu. &c.

Et planè in virum pereruditum evasit Engelbertus noster: docuit aliquamdiu in Episcopali Lyceo humaniores litteras, deinde in monasterio variis functus officiis, Vilgertshovii quoque servidus Parthenii cultus promotor, demum apud Fontes œconomiam gessit, cui muneribus etiam immortalis est.

11. Post biennium, anno nempe nonagesimo tertio, Præfide P. Placido Stainbacher Mallerstorffensi, qui postea ad Cellam Marianam Ratisbonensis Diocesis postulatus est Abbas ac dein Congregationis nostræ Bavaricæ Præfex electus, mense Aprili Theses de Virtute Penitentia defendunt FF. Fulbertus Lupf, & Thassilo Bölzl Wessofontani, easque dedica-

dicarunt Leonardo Abbati, tamquam Patri & Mæcenati suo. Et Fulbertus quidem haud diu supervixit. Thassilo autem, anno 1706. Abbas electus, longævis Præsulibus nostris meritò est accensendus, ut suo loco intelligemus. Cæterum iidem defendentes eodem Præside alteras anno sequente, mensis Maji die 29. Theses propugnârunt de Sacramento Pœnitentiæ, atque ita Cursui Theologicò coronidem imposuerunt. Utraque horum Disputatio habita fuit in monasterio Cellæ Marianæ, ubi tunc erectum fuerat studium commune Congregationis.

10. Vix dubitare possum, quin alios quoque præter nominatos Leonardus ad studia publica erudiendos miserit, quorum tamen Disputationes ad manus meas non pervenerunt. Sufficiant hæcenus enarrata ad intelligendum, quàm minime parcus hic Abbas fuerit ad promovendum scientiarum cultum & suorum profectum. Demum Leonardo tamquam litteratorum Patrono dedicavit Theses Theologicas, Salisburgi Præsideri Clav. P. Honorio Aigner Cremifanensi defensas Rev. D. Sebastianus Mayr, Paarentis Bojus, AA. LL. & Philosophiæ Magister, ac supremæ ex Theologia lauræ Candidatus. De hoc nihil aliud comperi. Fortasse præstavit Parochiam patriæ suæ, cum ad nos jus præsentandi respiciat. verùm hæc de rei litterariæ cura, à Leonardo præclarè & liberalitèr gesta, sint satis.

§. IV.

Edificia Leonardi.

13. **P**ostquam Leonardum Abbatem egregium tum S. Ordinis nostri, tum Ecclesiæ suæ, tum erigendarum in altius scientiarum Architectum ostendimus, ad materialia quoque ædificia ab ipso structa descendimus. Inprimis magnificam templi portam ex arenario saxo ædificavit, magnis etiam columnis simili lapide subnixam, cui incumbit, itidem factæ Divi Petri Apostolorum Principis effigies: infra hujus pedes in fronte portæ spectantur Thassilonis, tamquam Bavarie Ducis, & Regis Longobardorum, insignia, de eodem saxi genere formata. S. Petri claves, & circulus circum caput multo auro fulgebant: at per tempestatum ab Occidente irruentium injuriis magnam partem hodie extincta. Pretium, quo porta hæc, immò potius vestibulum templi stetit, architectonicè perito divinandum relinquo.

14. Multo majus postea molitus ædificium fuit Abbas generosissimus, dum hospitibus cujuscunque dignitatis amplum quidem, sed modestum diversorium à fundamentis erexit. Illud ab occidente exorsus longo tractu ad orientem extendit, tractumque altum à meridie, licet breviorē, septentrionem versus spectantem ædificavit. Coenacula & cubicula singulis Divis monasterii Patronis dedicata & eorum nomine vocata sunt. Ab oriente *Aula Thassilone* perampla visitur, in qua Magnatibus plerumque mensa sterni solet. Inde S. Sebastiani, S. Amantii, S. Pontiani nominibus insignita diversoria. Scalā, qua ad subiectum atrium descenditur, interpolitā, sequitur S. Scholasticæ nomine dictum cubiculum duplex, inde S. Benedicti nominatum coenaculum. Interjecto dein, captandi luminis causā, ambulacro, cubicula duo cum coenaculo spectantur: ac demum aula, in qua plim plura monasteria, à Thassilone Duce fundata, eleganter depicta viscebantur. Hodie inutilis est hæc aula, cum in extrema illa parte ædificium cesserit, novisque vetustibus firmari, adedque & pavementum & summam testudinem dirui, necesse fuerit. Infra diversoria hospitum ædificavit Leonardus officinas opificum, scriniarii, zythopeptæ, carpentarii, ferrarii, pistoris, molitoris. Hæc omnia quanto itererint, architectonices peritus divinandum relinquo.

15. Sub Abbate Sigibaldo Antistite monasterii nostri XVIII. (†) minimus foeminae litigiosæ de *Arnoldgried*. Erant in eo loco ad Leonardi Abbatis ferè tempora duæ villæ, à colonis suis habitatae. Quibus vel fato decedentibus, vel jura sua monasterio vendentibus (semper autem subditi nobis erant) Abbas unam ex duabus villam fecit, fœturæ & pascuis pecorum ac jumentorum peraccommodam ad œconomiz sustentaculum. Locum hunc planè solitarium, & silvis undique septum, aptum putavit Abbas, qui ad suorum respirationem quandoque serviret. Quare præcipuis muratam pro suo suorumque diversorio domum ibidem ædificavit, subiectis vernarum cubiculis: deinde geminum, aliud boum, alterum equorum stabulum ex lapide struxit, incumbentibus utrique fœnilli & horreo. Adjecit paucis à villa pedibus elegans facellum, in quo tres aræ ex gypso artefactæ; prima in honorem Deiparæ, SS. Sebastiani, Rochi, & Rosaliæ; altera in honorem S. Leonardi; tertia in honorem S. Wendellii, in quibus commodè sacerdotes è monasterio quandoque missi sacrificia celebrant cum magnò villanorum solacio. Villam hanc spectanti facile subibit, sumptibus non exiguis stetisse: commoda tamen hinc oritura considerandi, nihil grave Leonardo videbatur.

16. Majus autem opus molitus est Leonardus, quod ad summam DEI Omnipotentis gloriam, ad Deiparae honorem, ad singulare Christi fidelium emolumentum cederet. Mingensem S. Margaretae Ecclesiam & Parochiam, cui jam tunc Mundrachinga & Vilgertshovium suberant, ab initio fere Societatis balli administraverant Religiosi ex monasterio Illucen-
currentes. Leonardus Abbas primo regiminis sui anno, Religionis domi-
retentis, Presbyterum secularem A. R. D. Nicolaum Praun, Illingen-
Parochiae Pastorem dedit piissimum & zelosissimum, qui & propinquius
quodammodo pateret, & Ecclesiam illalibus frequentius invigilaret. Quia
stem à multis jam annis, circa initium saeculi XVII. variis beneficiis, &
maximè in foeminas ex parte periclitantes, inelaruera Doloresa Mater
DEI filium de oruce depositum gremio excipiens, in effigie hanta. V. B.
gerthovii spectabilis. Janque exiguæ vestris Ecclesiae videntur partes, va-
tavis tabulis oppletae erant. Verum Nicolaus Pastoris gravi capitis do-
lore afflicto, abieoque, postquam la ara portatiss coram dolorose Ma-
tris effigie sacrum ex voto celebrasset, liberatus, Illingenos suos fre-
quenter huc duxit. Notum exemplo viciniores quilibet accenssi, etiam
translycanis plebibus aucti, celebriorem locum fecere. Undecim annis cum
Parochiae praefuisset Nicolaus, obiit, postquam vivus adhuc Augustæ Vinde-
licorum viam straxisset, ut Religionis Westfontanis dehus Parochia Is-
singensis committeretur, unde nimirum plures ad propagandum doloro-
se Matris cultum adjuvatores peti possent. Ut paucis dicam, R. D. Nicol-
laus Praunio successor datus est e monasterio nostro P. Paulus Rauscher
Westfontanus, & post eum alii. Multitudo pie peregrinantium indies
crefcebat, & cum advenis munera. His in subsidium assumptis Leonar-
dus Abbas magnum Vilgertshovii templum extruxit, quod sex fere ho-
minum millia capit, magnificum plane, lateque spectabile. Triginta in
illud stœrenorum millia, ut parum dicam, expendit. Præterea Ecclesiam
Mundrachinganam totam renovavit, & novo choro, in quo ara prin-
ceps S. Viti Martyris reciperetur, ampliavit, ut populi pietati majus spa-
tium pateret. Restauravit etiam Ecclesiam Illingenensem & hanc quidem
die 12. Octobris eademque Vilgertshovensem, postridie verò Mundra-
chingensem, à Reverendissimo DD. Eustachio Egolpho T. B. de Wester-
nach Episcopo Diocensi & in Pontificibus Vicario Generali Augustano
consecrari curavit, anniversario Dedicationis die constituto in Domini-
cam ante festum S. Galli, qua hodie in omnibus tribus Parochiis Is-
singanae Ecclesiis celebratur.

(P) Supra fol. 229. num. 24.

§. V.

De peregrinatione ad Deiparam Thaumaturgam Virgertshovi propitiā.

17. **D**E prima origine venerabilis status nihil certi affirmo. Basileus, qua fulcitur, non effigiei continua est, sed asserculis compacta & glutine eidem annexa. Leguntur in hæc basi litteræ N. & A. & inter has annus 1618. Unde, siue tunc primum coloribus imbuta, siue renovata, satis tamen antiqua probatur, cum triginta quinque jam annis supra centenos in honore habeatur. Dixi paulo antè, pietatem & fiduciam erga dolorosam Matrem, jam ante suspensis anathematis implicita testatam, conspicuum incrementum coepisse per R. D. Nicolaum Praud, majus dein aucto Religiosorum numero, maximum adificatio magnifico templo.

18. Reverendiss. D. Virgilius Abbas Leonardus nostri anno 1696. Successor, qui pluribus annis magno zelo ad hujus Thaumaturgæ honorem laboraverat, fascibus admotus eo mox curam intendit, ut sub invocatione Dolorosæ matris Confraternitas quædam erigeretur. Per Reverendiss. D. Bonaventuram Abbatem Reichenbacensem, Romæ tunc in causa Congregationis nostræ commorantem, obtinuit amplissimas Communicationis privilegiorum litteras, compendio utens, à Reverendissimo P. Generali ordinis servorum B. Virginis. Verùm ex cùm Augustanæ curiæ ex certa ratione non placerent, concessum tamen est, ut interea peregrini, qui vellent, illi servitarum sodalitati adscriberentur, donec à summa sede propriæ Confraternitatis concaderetur. Atque eo loco res steterat ab anno prioris sæculi nonagesimo octavo usque ad moderni sæculi quartum.

19. Anno tandem 1705. die 7. Augusti obtenta est Bulla, qua SS. Pater Clemens Papa XI. novam Confraternitatem erexit, & insignibus Indulgentiis ditavit. Verùm hæc Bulla, quam Pontifex una cum honorabilis ad serenissimam Theresiam Cunigundam, Maximilianæ Imperatricis Bavarie Electoris conjugem, Venetiis tunc commorantem, miserat in manus prædonum, ut omnia cætera, incidit. Commodum anno proximo propter publicas belli calamitates summus Pontifex Jubilæum publicæ, quo finito Religiosissimus quidam societas Jesu sacerdos in manus suas delatam & commendatam sibi Bullam anno 1707. ad nos trans-

misit.

missis. Igitur anno 1708. die 14. Augusti, quanta fieri potuit, sollemnitate Confraternitas Dolorosæ Matris introducta est, concursu maximo vicinorum & exterorum, quorum septem ferè millia numerata sunt. Ab ortu solis usque ad secundam pomeridianam tres erant occupati in Cantibus novæ sodalitati inferendis. Eucharistico epulo accumbentium hoc die duo millia numerati. Publica supplicatione plebes suas adduxerant Adm. RR. DD. Parochi Reichlinganus, Ludenhusanus, Klinganus, Stadlensis, Thuringanus, Hoffstettensis, Pizlinganus, Episcopus, Aschenis, Reckenis, Wessofontanus.

20. Eodem, quo Confraternitas erigebatur tempore, cogitatum est de Confederatione quadam in solatium defunctorum sodalium adiuvenda. Conferebat quisque pro facultate & bona voluntate: atque primum tot elemosynæ contribuit, quarum census annuus sufficeret, ut hinc quovis anni sabbato sacrum pro defunctis celebrari posset. Crevit hic fervor, ut tria, postea sex, hodie duodecim sacrificia per singulas anni hebdomadas fiant, maximo certè in Christo defunctorum solatio, quo incitati milites Austriaci nupero bello per viciniam æstivantes turmadum sua nomina sodalitati nostræ dederunt.

21. Anno 1748. Eminentissimus Cardinalis Angelus Maria Quirinus, Ordinis Benedictini gloria singularis, ex itinere Bavarico in Italiam revertens, Landspergâ, ubi in Collegio societatis Jesu sacrum fecerat, Vilgertshovii divertit, eoque honore ipse fruebar, ut ad Fontes nostros & Montem sanctum Andecensem comes admitterer, biennio post, cum, tamquam sodalitatis hujatis Præses, supplices pro Vilgertshovenâ Ecclesiâ litteras eidem commendâsssem, has Romam transmisit. Sinemora, ut visi erant libelli supplices, à SS. D. N. Benedicto XIV. clementissimè accepti, propriâque ipsius manu subscripti sunt. Recognovit, & SS. Patris manum statim agnovit Reverendiss. & Excellentiss. DD. Nicolaus Antonius Seiz Generalis Vicarius Augustanus, & concessas indulgentias, tamquam singulares gratias, promulgari iussit.

22. Verùm quznam hæ gratiæ, quas tunc impetravi? Erat una, quæ concedebatur altare quotidie & perpetuo privilegiatum, ut pluribus sacrificiis efficacius defunctorum sodalium piis manibus succurreretur. Extensum fuit hoc Privilegium non ad solos sodalitatis fratres, sed ad omnes Christi fideles. Altera pro solis sodalibus mensiuos Conventus in Ecclesiâ nostrâ frequentantibus, *provis tam Confessione, Communione, & Ora-*

nunc pro *St. Matris Ecclesie exultatione* (sunt ipsa verba SS. Patris manu supplicanti
 cationi mea subscripta) concessa plenaria indulgentia.

23. Inde majus in hebdomadas & dies pone singulos incrementum pietatis per verem, & astatem certè, imò & aurimum, nisi tempestas impediatur, dies non abit, quin plures SS. Sacramenta possulent: præsertim qui publica supplicatione, ductu Pastorum suorum, huc veniunt, vel felicem legem petentes, vel pro eadem obrenta gratias agentes. Hoc et si ipsorum DD. Parochorum in hac Diocesi zelo impuro, attamen agente S. Spiritu, & tenerrimo in Thaumaturgam nostram devotionis affectu plerosque trahi existimo: plurimos autem festivis & dominicis diebus, voti solvendi aut beneficii impetrandi causâ huc venire, perpetua experientia nos docet, cum anais singulis ultra viginti quatuor fere millia SS. Sacramenta reficiantur.

24. Quid dicam de Beneficiis, quibus B. Virgo se invocantibus respondet? Ab anno sæculi hujus 41. usque ad modernum, 52. Beneficiorum per intercessionem dolorosâ & hoc in loco singulariter propitiæ Matris obtentorum nobisque denungiatorum numerus usque ad diem, quâ hæc scribo (est autem 6. Septembris) numerantur duo millia, trecenta, & ultra.

25. Annocto piissimi sacerdotis ac zelosissimi promotoris Mariæ cultûs elogium, quod ejusdem in Parochiali cura successor P. Paulus Keyseher scriptum reliquit. „ Anno MDCLXXXII. die nona Aprilis piissime obiit omnibus munitis sacramentis Admodum R. D. Magister Nicolaus Praum, SS. Theol. & SS. Canonum Candidatus, exemplar sacerdotum, parer pauperum, zelator animarum, restaurator Ecclesiæ B. V. Mariæ in Vilgershoven, sepultus non sine luctu totius Cleri, & singulariter Parochianorum, in Ecclesia Parochiali Ißingensi, postquam per undecim annos officium suum complevit, pie, castè, prudenter, humiliter; verbo: apostolicè,

26. Et quoniam de Vilgershoven nunc sermo est, sacerdoti, sacerdotem adjungo, Clarissimum virum A. R. D. Christophorum Seelhammer, patria Burghusianum, SS. Theologiæ Doctorem, Parochum olim Weilheimensem, libris multis, quos Tuba nomine appellabat, ut *Tuba Arithmetica, Civica, Rustica* &c. in lucem editis celebrem. Tantus vin laborum fœtus, ut litterario ocio se totum daret. a publico in solitudinem

nem secessurus, Vilgertshovium nostram elegit, ubi inter Religiosos habitans eorumdem labores alleviavit, multus in concionando, frequens in sacro Tribunali, peregrinorum commodis semper intentus. Nescio quo desiderio incensus anno 1707. relicto Vilgertshovio Salisburgum, ubi antea Capellani civicum egerat, reversus est, ibique decessit e vivis. Librorum suorum, qui justam Bibliothecam efficiunt, heredem pridem scripserat Dolorosam Matrem nostram Vilgertshovensem. At paulò ante obitum à viro Religioso de ordine Mendicantium rogatus, ut libros suos pauperi Conventus sui Bibliothecae donaret, assensit Christophorus. Verùm sub ejusdem diei crepusculum aegre decumbenti Deipara Virgo, qualis Vilgertshovii spectatur, apparuit severo vultu eum sic alloquens: *ergone donationem mihi & filio meo factam revocare ac in alios vis transferre? hinc de te merita sum materno te tamdiu fovens sum, utique te gratiis cumulans? Nonne ex reliqua tota substantia tua, paucula ista servata sunt mea cura & custodia? & modo perfide ea auferre cogitas? Vide, quid agas!* Hæc verba ipse Scelhamerus perfusus lacrymis sub auroram sequentis diei accersito ad se Reverendissimo meo Præsuli Bedæ, tunc in Universitate Theologiæ & Juribus vacanti receptit, novoque chirographo donationem suam *Christo passio ac Deipara Vilgertshovii Theomacurgi* firmavit anno M D C C V I I I. die 19. Martii. Paucos inde dies supervixit, & in splendidissimo S. Joannis Baptiste Xenodochio ad æternitatem optime comparatus decessit. Manet in hunc diem memoria ejus in benedictione, commendatur defuncti anima anniversariè inter Benefactores fidelium precibus, toties illi gloriæ augmentum accedit, quoties ex ipsius libris quidquam à nobis ad Dei gloriam & proximi salutem depromitur.

END. O. END.



§. VI.

Acta contemporanea.

27. **C**hronico hæc ordine referemus. Nondum integrum annum præfuerat, cum defuncto Amando Abbati Benedictoburano subrogandus fuit in dignitate successor. Electioni novi Præsulis invitatus adfuit Leonardus Wessofontanus, & Maurus Andecensis, tamquam Scrutatores. Electus tunc fuit Rmus D. Placidus Abbas, qui post octodecim annos rebus optimè gestis præfulatu se ultro abdicavit. (a) Abbas Maurus Andecensis, mirum, quòd huic electioni interfuerit, domestica calamitate afflictissimus; anno enim præcedente tristes in favillas redactum fuerat Montis Sancti cœnobium, unde coactus Religiosorum partem in alia Monasteria hospites mittere, RR. PP. Anselmum & Firmatum Benedictoburam, R. P. Benedictum Reitter ad fontes nostros, alios alio ablegavit. (b) Eam fuisse causam credo, cur ad electionem venerit, cum Abbate loci, & nostro, consilia collaturus. Nobis certè P. Benedictus Reitter utilem operam præstitit, non sanguinis solum origine Wessofontanus, sed etiam gesto, quamdiu hospes apud nos fuit, Sodalitatis S. Rosarii præsidio optimè meritus.

28. Anno 1673: Salisburgi post obitum Amandi, litteratissimi & pro Divorum honore zelosissimi Præsulis, (c) electus est Abbas Edmundus Sinhueber, qui Wessofontanos, velut suos, dilexit, omniaque S. Petri nostra esse professus est, ut sub Joachimo Abbate diximus. (d) Eodem fere tempore Celsissimus DD. Maximilianus Gandolphus ex Comitibus Künburgicis Archiepiscopus & S. R. I. Princeps Salisburgensis Plainensem Deiparæ Consolatricis Ecclesiam Universitati donavit, à Patribus Benedictinis procurandam. Remitto lectorem ad Historiam Salisburgensem ab eruditissimis PP. Mezgeris editam. (e) Omittere autem donationis hujus commemorationem non potui, quòd Sacra Deiparæ imago hodie in Plainensi Ecclesia venerabilis, aliquot annis in Diocesi nostra Augustana quieverit, ac præterea duo Religiosi Wessofontani, à cathedra publica illuc remissi, Divinæ Matris cultum promoverint, donec postliminio ad sublimiores cathedras revocarentur. (f)

29. Anno 1683. totà ferè Germania bellis involuta, post alias cœnobiorum Bibliothecas & chartas perlustratas famâ clarissimus Dominus Jo-

annes Mabillon, & Dominus Michael Germanus e Congregatione S. Mauri, venerunt ad monasterium nostrum: verum ob causas alias jam notas multis in locis parum accepti, neque apud nos nimia humanitate tractati. Modeste tamen Mabillonius de nobis loquitur, & plusquam ductor ei ex nostris datus meruisset; ab hoc enim instructus scribit, in *memoria Ecclesie navis proflare antiquam Crucifixi imaginem*, quod verum est, *ad tumulum ducum Welfonum, qui monasterii instauratores fuerunt*: verum nihil nobis de Welfonum tumultu constat, nisi de Wulfhilde apud nos mortua quidem, sed cuius sepulcrum nescimus. (g) Addit dein, in *horto scaturiente tres fontes, qui Welsonis dicantur*; & adhuc fluunt: *Welsonem autem filium Thassilonis appellat*, à quo *Welson ejusque fonte inditum loco nomen* ferretur. Venator Thassilonis, non filius, Wesso fuit, inventi à se fontis index. Denique in *Bibliotheca non multos suppressos codices antiquos queritur, & plerosque à Diemötha Saeculari descriptos*. Nihil nempe de Ludovici Monachi codicibus ductor illi adjunctus consererat. Dolendum planè, virum tam illustrem & fidus litteratorum, vacuum à nobis recessisse. Speramus autem, quod tunc defuit, suppletum iri per R. P. D. Benedictum Caracolum Carassam Monasterii S. Egidii ad Corbenium & ejusdem Congregationis S. Mauri sodalem, quem anno Jubilæo aliquot diebus hospitalem sumus venerati.

30. Leonardi Abbatis tempore vixit in servitiis Monasterii olim, nunc Residentiæ Eberspergensis Abrahamus Mez Wessofontanus, rei cæmariæ ipsi quadraginta septem annis ibidem præfectus. Natus is erat in forestensi villa Mantelhoff appellata, & sacro lavacro regeneratus à P. Joachimo Puechauer tunc Parocho, dein Abbate Salisburgenfi, anno 1607. die 23. Novembris. Ei P. Adamus Widl e Societate Jesu in libro, cui titulus: *Divni Sebastianus Ebersperge Bojorum propitius*, hoc pangit elogium: „ Merito ipse domus nostræ olim fidissimus custos dici potuit, à qua discessit nunquam, etiam iniquissimis belli temporibus, cum incursionibus militum paterent omnia. Hic igitur vir frugi & per omnia rectus, ut Divo Sebastiano, cui erat addictissimus, aliquod sal monumentum relinqueret, maximam campanam quadraginta centenariorum Divo Martyri sacram, antehac illapsu fulminis inutilem effectam sumptibus suis refundi in novam curavit, pretio quingentorum florenorum, & quod excurrit, in pium opus expenso. Aliàs templi cathedram eleganti serico peripetasmate vestivit pro festis per annum celebrioribus. Moriens Residentiam scripsit heredem; & templo præterea legavit centum & decem florenos, quo ex peculio factus est sericus Ornatus floridi operis pro ara summa. Obiit vir insigniter

signiter pius, & perpetuò cælebs, octogenario major, uti vixit, placidissimè, in divinam voluntatem resignatissimus, & ad iter æternitatis optimè comparatus, munitusque IV. Decembris Anno M.DC. LXXXVII. (h)

(a) *Chron. Bavar. Parte I. fol. 320. & 330. (b) Idem Chron. ibid. f. 319. Vide Hier. Aug. P. III. Regul. f. 299. ubi inter alia hoc Mauri elogium: Monasterium voraci flamma in cineres reductum feliciter restituit in integrum. (c) Hist. Salisb. PP. Mezger. à fol. 900. (d) Sub Gregorio II. Abb. L. (e) à fol. 913. Lib. 5. Cap. 48. (f) fuerunt isti Clariss. PP. Alanus Butler & Leonardus Klox. (g) Vide supra fol. 176. (h) Prædicti libri Monachii anno 1688. typis Sebastiani Rauch impressi à fol. 312.*

§. VII.

Obitus Leonardi Abbatis.

31. **D**luturni podagræ dolores, quos non moratus vigilantissimus Abbas dissipta etiam loca sellâ gestatoriâ portatus lustravit, denique eundem consecrerunt, plenum dierum & operum bonorum. Sepultus est communi suorum luctu in medio Ecclesiæ Westfontanæ, æque magno marmori sequens epitaphium est insculptum.

Viator!

Hic jacet & tacet,

quem saxa loquuntur,

Primus Architectus

Neo - VVessofonti.

Cultor Marianus

Sacras struxit ædes

Matri DEI Dolorosæ

Vilgertshovii.

Promotor Benedictinæ

Congregationis Boicæ,

Abbas XXV. sic rexit, (a)

Ut Leo, Gryps, Aquila. (b)

Quæris, quis sit iste?

LEONARDUS WEISS.

Pic

Piè vixit LV. Piè obiit (c)

MDCXCVI. Januarii IX.

Patri bene precare.

(a) *Supple* : XXV. annis. (b) *Alludatur ad Insignia Leonardi*. (c) *Supple* : LV. annis.

CAPUT IV.

Virgilius Abbas LIV.

§. I.

Virgilio natales, vocatio, electio, gubernatio.

1. **P**rimam vitæ lucem & Baptismatis lavacrum Virgilius, cognomento Dallmayr, accepit apud Inclytum Monasterium Bernriedense Ord. S. Augustini Canonicorum Regularium. Majores ejus honoratioribus apud illud officiis gaudebant, ut Judicis, Archigrammatæi, Cubicularii. Ibidem humanioribus litteris imbutus Virgilius Rhetoricam Monachii absolvit, atque inde supplex ad Fontes nostros venit, & sine longa deliberatione susceptus est. Præter alia munera domi gesta à Leonardo Abbate prudentiam ejus & industriam suspiciente missus fuit Vilgertshovium ad promovendum Dolorosæ Deiparæ cultum, & Peregrinationis per quotidianos animarum fructus clarescentis incrementum. Servamus adhuc plurima, ipsius manu inscripta, Thaumaturgæ nostræ admiranda beneficia. Propter talia merita Leonardo defuncto sine multa deliberatione suffectus est, & Abbas electus. Nec sanè poenituit eum elegisse, cum vir esset summæ mansuetudinis, & qui difficilissimis temporibus superandis parem se demonstraret.

2. Prima Virgilii cura conservatio monasticæ disciplinæ fuit, & observantia Statutorum nuper erectæ Congregationis Benedictino. Bavaricæ: altera cultus Deiparæ Vilgertshovii Thaumaturgæ indies promovendus. Primo statim regiminis anno dedit Issingensibus novum Pastorem, planè zelosissimum, R. P. Edmundum Götl, qui non verbo ma-

gis, quàm exemplo virtutis gregem suum ad omnem Christianam pietatem pertraheret. Vir iste prudentiâ, modestiâ, humilitate, & mansuetudine insignis tantam sibi apud omnes existimationem paraverat, ut exposito ejus cadavere, quod serò experti sumus, felices se putaverint, qui aliquid lacinia de vestimento ejus decerpere, sibi que tamquam viri DEO acceptissimi reliquias, vendicare potuerunt. Fertur idem post obitum suum nonnemi in magno gloriæ splendore apparuisse. Anno Domini 1700. obiit vir optimus, & in templo nostro Vigertshoveni non procul ab Ecclesiæ porta sepultus est: cum hoc epitaphio:

Hic jacet R. P. Edmundus Göttl,
VVessonis ad Fontes Professus, S. Benedicti filius,
jure in gremio Patris sui deponendus;
Sed dulciùs quiescit, qui in sinu Matris dormit;
Cultor Thaumaturgæ verè devotus,
Issingæ Parochus optimè meritis.
Obiit 15. Augusti 1700.

Epitaphium hoc ipse de saxo descripsi. Cætera debeo Clariss. P. Thomæ Aquinati Erhard p. m. quem hoc ipso anno ad tumulum secutus est germanus frater Erhardus Erhard Societatis JESU veteranus coadjutor Eberspergæ, uno adhuc fratre superstiti P. Zacharia Erhard, Ordinis FF. Misericordiæ Sacerdote.

§. II.

Cura Studiorum.

3. **P**lurimam Virgilius Abbas curam in suos scientiis imbuendos impendit. Anno 1699. publicas Theses de *Domini Religiosorum Præfide* P. Josepho Inderstorffer Schyrensi defendit F. Sebastianus Hentschucher Eustadianus, Monachus Wessofontanus, easque Abbati nostro Virgilio dedicavit. Eodem anno, Præside Cl. P. Paulo Schallhamer Tegernseensi, Rottæ ad Oenum, in Studio Communi Congregationis nostræ ibidem erecto, Theses Philosophicas defendit F. Thomas Aqu-

Aquinas Erhard Wessofontanus; dedicavitque Deiparæ Thaumaturgæ Vilgertshovenfi. Uno anno 1702. publicam in arenam descenderunt F. Narcissus Fesl Wessofontanus, Præside P. Carolo Melchelbeck Bene- dictoburano, Thesesque propugnavit Divis Petro & Paulo Apostolorum Principibus dedicatas die 30. Junii: alteras in eodem Rottenfi studio F. Udalricus Stüels Wessofontanus, inscriptas sancto Gregorio Magno, cæterisque ex sacro Ordine nostro Europæ Apostolis. Eodem anno & Præsidi; mense Aprili disputationi publicæ subjecit à se defendendas Theses *de Ente Rationis* F. Columbanus Unger Wessofontanus.

4. Cùm sic Virgilius Abbas Religiosos juvenes, non attentis quibuscunque expensis, ad futuram monasterii utilitatem pararet, alios quoque jam veteranos, & à decessoribus suis eodem modo exercitados, publicis officiis adhibuit. Unus nobis sufficiat R. P. Ottmarus Zöpf, natus in Foresto Parochiæ Wessofontanæ, de quo jam aliàs diximus. Hunc anno 1686. Leonardus Abbas Parochiæ nostræ Issinganæ Pastorem dederat, quod officium cùm per quinquennium indefesso vigilantiz studio, magnoque animarum fructu gessisset, Thaumaturgæ Vilgertshovenfi propagando cultui vacare est jussus à Virgilio Abbate, & sacre Peregrinationis Superior constitutus: quo munere insigni zelo per 4. annos perfunctus ad monasterium postea sub Thassilone Abbate revocatus Prioris officium suscepit, tenerrimè flere solitus, quoties quis subditorum de culpa sua eidem se accusaret, & veniam peteret. Fuit Ottmarus ab adolescentia vir summæ & indefessæ industriæ. Habeo scriptum ipsius manu spissum volumen, in quod, cùm in Religioso Universitatis Salisburgensis Convictu Theologiæ operam daret, conjecit in epitomen redactas plurimas Conciones à celeberrimis in Cathedrali & aliis templis oratoribus diversorum Ordinum habitas. Denique anno 1709. cùm fere quinquaginta in Religione transegisset, in ipso SS. Patris nostri Benedicti, cujus nomen à baptismo gesserat, festo ad beatam, ut speramus confidenter, æternitatem abiit.



S. III.

Edificia Virgilio, belli calamitates, & obitus.

1. **D**iximus jam, & laudavimus inceptum, & ab occidente in orientem ductum à Leonardo Abbate amplissimum ædificium, in quod hospites recipirentur. Virgilius Abbas ab *aula Thassilonis*, nempe à meridie ad septentrionem perduxit, ubi hodie cœnobii porta. Præterea Abbas Thaumaturgæ Deiparæ Vilgertshoveni pridem devotissimus, cum videret in domo lignea (Parochialis illa erat, & Iffingâ Vilgertshovium; nescio qua arte, translata) Religiosos plures fovendæ plebis devotioni necessarios nimium angustè habitare, domum admodum amplam ex lapidibus ædificavit, & consummavit, in qua hodie quatuor, & quinque etiam Religiosi commodè habitant, imò & adjutoribus è monasterio missis sua diversoria suppetunt. Consummata est hæc domus anno 1705.

6. Jam tunc ingruerant atrocissimi belli calamitates: jam antè Religiosi ferè omnes vel ad parentes & amicos, vel ad alia monasteria fugere coacti fuerant. In tantis tamen ærumnis Virgilius Abbas, animo constans, & infractus, tam facillè animum collegit, ut ædificium, de quo dixi, Vilgertshovianum perficeret, extremis, quæ ab hostium prædatione super erant, pecuniarum reliquiis impensis. Denique Virgilius Abbas, etsi animo constantissimus, lethargo tamen ex frequentium fugarum molestiis contracto sensim defecit, & sacris catholicis ad æternam beatam optimè commensus obivit.

7. Epitaphium viro meritissimo positum, quod Reverendissimus Boda aureis litteris renovari jussit, ita sonat:

Dormit hîc Abbas Virgilius
vigil inventus.

Sed erravi, non dormit hîc,
quem zelus ad cœlum tulit,
hac DEI excitatum voce:
Venite filii Benedicti Patris.

Mortuus

Mortuus est anno 1706.

16. Septembr. postquam vixit 63.

Omnes DEO & Ordini, nullum sibi.

Abbas XI. præfuit,

Cæteris obediendo profuit.

§. IV.

Magni Mæcenates Ordinis nostri.

1. **Q**uam acerba tum bellorum, tum morborum incommoda passus est Virgilius Abbas, tam multis quoque Deus solatiis quasunque amaritudines dulcoravit. Et sicut nihil illi dulcius post Deum, quam videre auctam Deiparæ in terris gloriam, & Ordinis Benedictini incrementum, ita maximo solatio pertusum fuisse necesse est, cum vidit indies crescere Vilgertshovii affluxum peregrinorum tum Divinæ Beneficia Matris postulantium, tum pro-acceptis gratias referentium. Quantum ad sacri Ordinis nostri incrementum & splendorem attinet, singulare est illud, quod spirituales Almæ Congregationis nostræ Benedictino-Bavaricæ Fraternitatem principes & illustres viri desiderarint, inter quos primus est Joannes Franciscus Episcopus & S. R. J. Princeps Frisingensis glor. mem. „Tanta sanè (scribit Clariss. Meichelbeckius) erat Principis illius in Ordinem nostrum propensio, ut ab Abbate Elilando Benedictoburano, Præsidente Congregationis nostræ, Fraternitatem nostram ambierit, quam etiam, impetrato prius omnium Abbatum & Conventuum consensu, ab eodem Elilando Abbate non sine animi solatio obtinuit anno 1699. die 16. Octobris, qua is olim primam lucem aspexerat, in Fratrem nostrum receptus. Quibus Princeps iste immortalis dignus memoriâ favoribus ac beneficiis affecit, bonum volumen efficerent, sicuti vacaret ea ex solo Chronico Frisingensi germanicè edito excerpere. Synopsis dedit Clar. P. Leonardus Klotz Wessofontanus in Panegyrico ejusdem funebri Frisingæ impresso.

2. Admiranda etiam fuit in Congregationem nostram devotio Illustrissimi Domini Corbiniani de Prielmeyr, celeberrimi in aula Boica Ministri & Cancellarii, cujus testimonium produco litteras ejusdem propria manu scriptas ex Belgio ad Præsidentem & Abbates universos.

„ Post

„ Postquam postremæ tres belli expeditiones (quod Serenissimum
 „ Bavaricæ Electorem, Dominum meum Clementissimum, ac ejus Mi-
 „ nister & Cancellariæ secretioris bellicæ Director jussus secutus sum)
 „ corporis mei vires, contribuente quoque profecta ætate, eousque
 „ frugerunt, ut resolutionis meæ terminum, qui quidem in omnipoten-
 „ tis Dei manibus descriptus est, non procul esse sentirem, vigilan-
 „ tis Patrisfamilias officium me admonebat, quo domui meæ in tempe-
 „ re disponerem. Explicata igitur & uxori, & liberis meis suprema
 „ mea per scriptas tabulas voluntate, æquum fuit, ut pater ac religiosa
 „ Matris meæ, Congregationis Benedictino-Bavaricæ in terrâ militan-
 „ tis, pro filiali meâ in illam observantia & affectu simul recorderer;
 „ eique tale quid sub exitu meo relinquerem, unde cognoscere posset
 „ spiritum meum, uti hætenus ab illa pendeat, etiam in ultionis die-
 „ bus minimè defecisse. Quale autem illud sit, *Separatum de fidei meæ*
 „ *primit.*

„ Vos omnes, Reverendissimos & Amplissimos DD. Abbates, cæ-
 „ terosque Congregationis fratres ea, qua decet, veneratione inten-
 „ pellens, ac vehementissimè rogans, ultimam hæc teneat illis a me
 „ tesseram illi, quod destinavi, locis custodire, finem humanæ vitæ meæ
 „ Deo commendare, ac si quem vestrum vel verbò vel factò offendi-
 „ aut scandalizavi, benevolè condonare velit. Spiritus & gratia, qui
 „ cum Patre & Filio simul adoratur, & glorificatur, custodiat Congre-
 „ gationem, communem Matrem nostram, quam possedit ab initio, ut
 „ sicut ab illius igne illuminata & accensa fuit, ita ab ejusdem virtute
 „ perpetuò gubernetur, quò illa filios suos in unionè veræ & puræ amicitie
 „ & ab illis redametur. Valet.

„ *Reverendissimarum & Amplissimarum Dominationum vestrarum*

„ Bruxellis 4. Maji 1705.

Servus devotissimus

Prielmayr.



S. V.

*De Clarissimo viro Benedicto Finsterwalder
Wessofontano.*

3. **C**onabula nactus est in Foresto, Parochia & Toparchia Wessofontana pago, qui ex vasto nemore Tassilonis venationibus celebri, succedentibus annis exciso, culturæ se habilem, multisque colonis solitarias villas & agros in alimoniam præbiturus succrevit. Patrem habuit Martinum prædii Schlittenfis colonum. Sacro flumine ablutus levante Leonardo Rotmayr anno 1620. die 16. Martii, honestèque à piis parentibus educatus capacis ingenii cum signa præberet; in Seminario Wessofontano Grammaticæ rudimenta didicit, altiores deinde classes Salisburgi (ubi jam tunc industriæ laude Doctoribus charus erat) feliciter emensus, ac utriusque Juris laurea decoratus favente non immerito fortunâ in antiquissimo ac longè celeberrimo monasterio Cremisaniensi Judicis munus accepit. Cum dexteritatem suam atque indefessam gerendorum curam quàm optimè probasset superioribus, majoribusque negotiis aptus videretur, in Curiam Lincensem advocari coepit; ibique inclyto statui Prælatorum superioris Austriæ interire, à quo & Secretarius est electus.

4. Innotuit statim viri fama, atque ad ipsum Leopoldum Augustissimum Imperatorem pervenit: qui cum intellexisset, quàm facile felicitæque difficillimæ quæstiones à Benedicto solverentur, quàmque ille ad hoc ipsum in promptu haberet nova & vetera documenta ad tollendas difficultates, non dubitavit eum totius Austriæ Archivum appellare. Magnam ex Imperatoris oraculo Benedicti encomium, neque tamen immerenti datum. Cum enim tum bellorum turbinibus, tum Religionis dissidiis variè raptata & inter se ipsam divisa videretur Austria, rara erant tribunalia, quæ certam ullam judicandi normam servarent. Plurimi non publicas consuetudines, aut antiquas leges, ac constitutiones attendebant, sed suo plerique judicio ferebant sententiam; Tribunalium judicia infinitis appellationibus ansam præbebant: id quod consequi necesse est, ubi judicio quisquam addictus proprio, in testimonium vocata constitutione vel provinciæ consuetudine promptè respondet: exolevit.

5. His incommodis medelam pro suis viribus allaturus Finsterwalderus edidit quatuor volumina hoc titulo: *Prædicatorum observantiarum ad consue-*

consuetudines Archi-Ducatus Austriae superioris accommodatarum Liber primus & secundus Auctore Benedicte Fustervolder, J. U. Doctore, & Aula Cremifanensis Iudice, nec non Aulici Statûs Præstorum superioris Austriae Secretario, secundo Salisburgi editus MDCCXIX. approbatus verò diu ante à Clarissimo P. Mauro Liechtenheim San-Lambertino Salisburgi SS. Theologiæ Doctore & Professore 22. Martij 1687. ejusdemque anni ac mensis die 24. à Clarissimo viro Josepho Bernardo Gletle J. U. D. ac Digestorum Professore.

6. Liber tertius anno 1730. altero excusus prælo, approbationes dudum acceperat à Clarissimo P. Honorio Aigner Cremifanensi, SS. Theologiæ Salisburgi Doctore, Professore, & facultatis Decano, laudante opus à viro multis jam annis tam in theoria, quam praxi dexterrimo, sua solita soliditate congestum & elucubratum. Et ab Antonio Hermete Jurium Doctore Clarissimo ac Pandectarum Professore, cujus de libro verba: *Jura Incorporalia mira soliditate exhibet, & magna eruditionis præstantes studij continet.* Ambæ hæ censuræ datæ sunt anno 1689.

7. Liber deinde quartus, tanquam *opus lue publicæ dignissimum, ex quo aberrimus propter justitiam debitè administratam æque subditis ac Domini fructus sperandus sit*, consecutus à Reverendissimo ac Clarissimo Domino Nicolao Daval, J. U. Licentato, Consiliario Consistoriali, Decano & Parocho Ecclesiæ Parochialis S. Antopii Abbatis Hallinæ supra Salisburgum.

8. Ipse porro auctor in Præfatione ad Lectorem Ingenuè dicit compilatorum se potius, quam auctorem egisse: ob causas tamen, quas supra memoravi, *observationes hæc ex Jure communi, Consuetudinibus, Mandatis generalibus, ac rebus judicatis colligere, et quæ sit collectas juris publici facere potuisse.* Unde & viri modestiam, & infatigabilem industriam, & amplissimam eruditionem in rebus Austriacis, & denique ardentissimum justitiæ studium nemo non videt.

9. Denum de Cremifanio & superiori Austria optimè meritis laborumque fessus decessit, de cujus sepultura, quod non inquisierim, seram penitudo subit. Reliquit post se filium omnibus studiis excultum & in spes maximas natum, qui hæc dubiè parentis jussu aut monitu paucos ante annos, patriæ memor, propinquis suis, fortunæ multò minoris, donum transmisit. Ego cum Cremifani per octo dies anno 1735. hospes versarer, à Reverendissimo DD. Alexandro III. Abbate humanissimè habitus plurima de Benedicto laude plena audiui, quæ ad memoriam tunc quidem annotata, sed minus custodita, mihi excidisse candide fateor, præter ea, quæ breviter hoc loco commemorata sufficiant. Obiit Vir Clarissimus, Virgilio apud nos fascis gerentè, quare illius viri Abbatis historiæ censui subnectendum.

CAPUT V.

Thassilo Abbas LV.

§. I.

Thassilonis vocatio & electio.

1. **N**atus erat THASSELO honestis parentibus Erlinge ad radicem Montis Sancti die decimâ sextâ Septembris, anno salutis post millesimum sexcentessimum sexagesimo sexto, quo eodem vivis excesserat Insignis Abbas noster Bernardus Gering, itidem Erlinganus, quasi civis civi vacuum relinqueret sedem. Cum S. Michaelis nomine, quod in baptismo susceperat, perpetuum ejus cultum ad mortem usque cordi habuit. Litterarum & Musicæ rudimentis in Seminario celeberrimi monasterii Andecensis imbutus, atque inde Monachium ad S. Gregorii domum missus, humaniores classes & Rhetoricam egregia tum eruditionis tum pietatis commendatione absolvit. Nec diutius in mundo commorandum ratus, sed S. Spiritus impulsu secutus integram animæ ratem, sæculi subductam periculis ad Fontes nostros appulit: susceptusque ac annue probatione exercitatus solemnibus se votis Deo adstrinxit anno millesimo sexcentessimo octogesimo octavo, die trigesimo Novembris in Festo S. Andrea, cujus in amanda cruce strenuus erat imitator futurus.

2. Philosophicis deinde, ac Theologicis scientiis in communi Congregationis Benedictino-Bavaricæ Studio admotus, sub Clarissimis Professoribus, ex celeberrimo monasterio Mallerstorffensi vocatis, nimirum Placido Stainbacher, Cellæ Marianæ postmodum Abbate & Præsede Generali, & Alphonso Wenzl post quinquagenariam Professuram hodie dum supersiste, sic profecit, ut ingenii sui & profectus publica documenta his propugnatis ex Theologia Thesibus summa cum laude dederit. Anno prioris sæculi nonagesimo quinto die decimâ sexta Octobris primam dexterritate, atque insigni erga omnes charitate indies commendator, economicis primum officiis inter gravissimos bellorum turbines, quos inter & captivitatem sustinuit, perfungi est iussus; actandem Prioris munere ornatus ita se cunctis amabilem præbuit, ut defuncto Reverendissimo Virgilio, anno hujus sæculi sexto die decima tertia Octobris in Abbatis dignita-

nitatem communibus suorum votis sufficeretur. Succedentibus delaticeps annis Archiepiscopalis Universitatis Salisburgensis Assistent, & demum Almx Congregationis nostræ Visitator est effectus. Hæc synopsis est vitæ illius.

S. II.

Thassilonis virtutes.

3. **S**EMPER THASSILONIS præcepta tunc fuit, legis doctrinam in seipso exprimere, quod efficacius eam subditis inculcaret. Quotidie per negotia aut ægritudinem licuit, diurnum ordinem accurate secutus, horas meditationibus, sacris lectionibus, animi discussionibus designatas diligentissime observavit. Divinis in choro laudibus tanto fervore affuit, ut sola ipsius præsentia sacræ psalmodiæ majestatem quandam afflaret. Plerumque in communi nobilium triclinio, ultimis etiam annis, solebat refici; verum noscias, utrum illi potius pabulum, cibis, an pia lectio fuerit: tam attentus illam excipiebat, ut omnes nos reddiderit attentiores. Disciplinæ custodiam suis ipse adhortationibus sæpius commendabat, & crebris visitationibus quovis tempore sollicitè urgebat: gravissimam Deo reddere rationem formidans, siquid devium observasset, nec ad rectitudinem revocasset.

4. Quas lex divina & monastica virtutes requirunt in Præsule, eas tam sibi familiares fecit, ut singularum ab ipso præclara peti exempla possent. Caput erat; quod persuasissimum sibi à regiminis primordio haberet, Antistitem non jam ad perfectionem tendere, sed perfectum esse oportere. Inde illa conscientiæ teneritudo delicata, inde vel minimi nevi fuga, inde horror omnis peccati. Castitatis splendorem S. Benedictus exigit; quis Præsule nostro innocentior? nullam audire historiam voluit, quæ de contrario illi virtuti vitio ageret. Fœminas nobiles, quas excipere hospitio quandoque necesse erat, animo tam virili tractabat, ut nulla desideraret humanitatem, omnes revererentur gravitatem, nulla pertingeret ad familiaritatem. Divinæ legis doctrinam profundissime imbibit, legendo perpetuè, ubicunque cæteris negotiis liber seu staret seu ambularet, Ascetarum documenta; quæ, ubi ferebat occasio, in promptu habebat ad monendum vel increpandum quemcunque, qui vel errasse, vel in erroris periculo versari videretur.

5. Humilitatem à SS. Legislatore nostro tam frequenter inculcatam sic in se ipso coluit, ut, si externa consideres, sui ipsius negligentissimus sæpe ignoraret, quid rerum sibi deforet, nec nisi diuturno detritum usu vestimentum dimitteret; non avaritiæ studio, sed amore religiosæ paupertatis, & propriæ dignitatis oblivione; haud enim difficilis concedebat aliis egentibus omnia, quæ ipse sibi negabat. Quæ verò animi humilitas fuerit, ex eo facile cognoscitur, quòd obvio quandoque & novello Sacerdoti communicare cogitationes suas, alteriusque desuper sententiam requirere non sit dedignatus. Imò eò se usque demisit, ultimæ præsertim infirmitatis tempore, ut non Religiosis solum, sed famulis quoque morigerum se præberet, nihil suo, alieno potius nutu suscipiens, imò, quod nos in stuporem conjecit, ne latus quidem in strato vertere, nisi iussus, auderet. Inde facile colligas, quàm obedientem se conscientiæ arbitris præstiterit, quos sæpe adire, ex eorùmque arbitrio totus pendere solebat.

6. Prodigio similis ejus mansuetudo fuit; tamen enim zelus disciplinæ sæpius eum excandescere coactum ad increpationes incitaret, harum tamen acerbitas subito refriguit in lenitatem, & pro magistro Patrem restituit. Accusatoribus, quàm accusatis durior fuit: difficillimus ad credendum, facillimus ad ignoscendum. Siquid aliorum famæ molestum audiret, primus ipse defensor esse, querelâsque refutare consuevit. Siquando necessitas ad infligendam poenam impulit, magis ipse cruciabatur, quàm is, qui puniebatur. Æquanimitas in adversis verè ferrea fuit, hodièque miramur, tantis eum, quos sustinuit, terroribus supervivere diutius, senem fere octogenarium, potuisse: verùm divinæ voluntatis adoratio robur semper addidit infirmitati. Accessit orationis assiduæ fervor, frequens Venerabilis Sacramenti Visitatio, Missarum, quas celebrare debilitas corporis prohibebat, attentæ auditio; unde ipse robur & mel de petra sugere videbatur, illam præcipuè familiarem semper in miseros largitatem: felix enim ablit, quicumque ad ipsiusmet autem preces suas deferre potuit: nemo inops ab illo discessit, qui non laudaret liberalitatem. Tacemus eorum pauperum gregem, quos atra fames ad monasterii portam reperere compellebat: pro istis ipse coquinam adire, & imperare edulia non gravabatur. Tacemus & illos, quos occultâ pressos egestate palam mendicare verecundia prohibebat. Subditis, ut, quod fererent, non deesset, largè suppeditabat. Rebus in omnibus sui victor, à sola misericordia vincebatur. Quàm in cæteros largus & benignus, tam in semetipsum severus fuit. Tot inter curas & labores jam sexagenarius strictam jejuniorum quàm Ecclesiasticorum, tam Regu-

larium legem, qua illum senectus exemerat, ipse sibi perpetuè observandum dictavit: senem se quidem, sed non infirmum esse protestatus. Sabbatum præsertim jejunium, quicumque labores interdum præcessissent, accuratissime ad finem usque est prosecutus.

§. III.

Cura litterarum & publica pietatis.

7. **Q**uantus THASSILO in propagando sapientiæ studio fuerit, enarrare, debita verecundiæ defuncti reverentia prohibet. Hoc tamen fateri nos gratitudo compellit, triginta ferè Religiosos publicis ab eo Philosophiæ, Jurium, Theologiæ studiis fuisse admotos, sexennio quosdam, quadriennio non paucos, paucioribus annis complures; neque cum attendisse sumptus, quos non fuisse exiguos prudens quisque existimabit, qui præsertim à nostris propugnatas, typisque expressas Theses consideraverit. Atque ut sequacibus calcar adesset, non paucos pro suprema variarum Facultatum laurea examinari, & approbati; quosdam ex qualibet Facultate Doctores etiam creati fecit. Ut rotundè complectamur zeli litterarii fructum, sex de suis Theologiæ, tres SS. Canonum, totidem Philosophiæ, quinque humaniorum litterarum publicos Professores tum communi Congregationis Angelicæ studio, tum Lyceo Frisingensi, tum Universitati Salisburgensi, tum petentibus exteris transmissit; nec enim Bavaricum intra circulum substitit: Theologiæ simul & Jurium Professores alium abhinc biennio Corbejam ad Vilsurgim, alium jam ante ad S. Georgii Montem in Tirolim dimisit, dimissumque nondum elapso anni spatio loci celeberrimi Abbatem vidit, quem etiam Jubilææ Professionis suæ habuit Encomiasten. Memorari meretur & illud, quod communi Congregationis nostræ Tyrocinio novennalem Magistrum dedit, factum deinde studii quoque Directorem. Neque viros ejusmodi ad aliorum commoda dimittendo quidquam cœnobii utilitatibus decedere arbitrabatur, dummodo curasset, ut in suis, & in aliis plurimis per suos glorificaretur DEUS.

8. Expertus est THASSILO, quantum pro suorum virtute doctrinæque vigilaret, tantum sibi exterarum quoque facultatum accrescere: unde difficillimis licet temporibus, suppetebant opes ad præclarissima opera molienda. His adjutus subsidiis totum à fundamentis, diruto veteri, cœnobium excitavit, quod hodie habitamus: templi Presbyterium novo forni-

fornice & immisso per amplissimas fenestras sole illustravit: Odæum post aram principem novum & amenissimè sonorum construxit. Taceo vel funditus ædificatas vel restauratas æconomiz commodo villas, & elegantissimi pergulæ murisque circumducto ornatos Wessonis fontes. Tres Ecclesias, primam S. Vigili in Ried, alteram Parochialem S. Margaritz in Issing, tertiam ad L. Leonardum in Forst à fundamentis erexit: quorum omnium pulchritudinem majestate vincit Morenweissen Parochiale templum, idem à Thassilone funditus ædificatum, & splendidissimo altari decoratum, quod intuens Reverendissimus quidam & Illustrissimus Visitator magnæ cuilibet civitati ornamento futurum, planèque invidendum asseruit. Quid de aris dicamus? In Wessofontano templo è regione sacelli, quod Serenissimus Bavariz Elector glor. mem. MAXIMILIANUS EMANUEL Immaculatæ Virgini magnificentissimum fundavit, aliud pulcherrimum THASSILO eduxit, & SS. P. Benedicto consecravit. Matrì S. Spei, & S. Magdalenz altaria mole parvâ, arte elegantissima, specie gemella constituit: alia item duo Reginæ SS. Rosarii, & S. M. Scholasticæ, SS. Martyrum Amantii & Pontiani exuviis insignia. In Vilgertsboven Basilica Divo primùm Udalrico aram excelsam; deinde geminam loco principe Virgini Dolorosæ ac Thaumaturgæ construxit: plura etiam huic templo erat ornamenta collaturus, nisi Mars & mors consilio obstitissent. Postremum suæ in Deum Eucharisticum religionis monumentum est, splendidissimum ac per amplum tabernaculum, quod ingredientium cœnobii templum oculos animosque insigni majestate ad Numinis adorationem invitat.

2. Denique quanto zelo honorem divinum zelatus sit THASSILO, silentibus nobis, exteri testabuntur. Ubicunque sive in vicinis civitatibus, sive in locis religiosis, etiam remotioribus, vel sæculi transacti memoria, vel sancti cujusdam in Divorum catalogum relati solemnitas, vel salutiferæ Crucis, sacrive cujusdam Corporis festiva introductio agebatur, ipse Coriphæus esse gestiebat, & Pontificio ritu splendorem festivitatis amplificare. Nec patria solum nostra frequenter cum in his occupatum vidit, sed ultralycanz quoque Ecclesiæ, ut Auxillensis in Campo Lycio, Turckheimensis, Schongaviensis. Neque itinerum longitudo, neque tempestatum injuriæ septuagenarium retardabant, quò minus ardori suo obsequeretur. Et profecto huic ipsius desiderio, quo in publicæ pietatis augmentum ferebatur, ipsum cœlum manifestè favebat. Nam viæ regimen aggressus invenit in sacello vetere, quod diruendum erat, septem integra Martyrum nostrorum, B. Thientonis Abbatis & sociorum corpora, cum corpuscule Venerabilis Diemotæ, Monialis quondam Wessofontanz,

tanzæ, ac nobilissimæ calligraphæ : tot SS. Cinerum thesaurum è tenebris in templi lucem produxit. Ascendere succedentibus annis corpora SS. Maximi, & Vincentiæ : hujus in ara Immaculatæ Virginis, illius in ara S. Benedicti exuvias summa solemnitate Thassilo collocavit. Coptosum illi solatium attulit triplex sodalitas, ipso Præsule tum aucta, tum recens instituta : prima Dolorosæ Matris in Vilgertshoven cum peculiari prædefunctis sociare : altera Immaculatæ Virginis apud Wessonis fontes, quæ in omnem ferè Europam est propagata, & à summis Principibus, ipsoque Augustissimo Imperatore singulariter culta : tertia demum SS. P. Benedicti, quam fidelium pro bona mortis sollicita pietas paucos intra annos frequentissimam fecit. Adjungatur Parochia Iffeldorffensis, quæ ad humillimas THASSILONIS preces unâ cum celebri ad Deiparam in vicino colle propitiam peregrinatione Serenissimus ac Reverend. ALEXANDER SIGISMUNDUS Episcopus Augustanus monasterio nostro incorporavit.

§. IV.

Obitus Thassilonis.

10. **S**abbato in Albis subitanè tactus apoplexiâ THASSILO noster, nec tamen è vestigio examinatus ; cum pridè conscientiæ suæ amplius clarè dixisset, vocari jam se ad æternitatem ; unam esse, quæ angelorum, quæ durante infirmitate regularia exercitia non potuerit debitum juxta ordinem persequi. Monitus verò, sufficere DEO exercitium patientiæ & resignationis, lætus ac subridens discessit. Sedens ad ultimam cornam comedere nihil voluit, memor jejunii Sabbatini, hujus fuerat semper observantissimus. Sic accumbentem lethalis defluxus obruit. Nec mora : sacro æromate ad æternitatem unctus, lectoque commissus totam noctem clinguis pia inter suffragia traduxit, ipsiusque Dominicæ maturo sole subire vi magnâ Christi effigiem arripuit, quam veluti gladium læva manu (nam dextera jam inutilis languebat) fortiter tenuit, & nunc exosculans, nunc velut in adversarios stringens, difficilem cum animæ suæ hostibus pugnam pugnavit, donec inter altantium filiorum preces conquievit, & paulo post spiritum, tot examinatum probatumque laboribus, Creatori suo placidissime transmisit horâ octavâ matutinâ Dominicæ in Albis, candidam in cœlis stolam induendus, illis à Deo promissam ; qui non inquinaverunt vestimenta sua ; hi enim, ait Dominus, ambulabunt mecum in Albis, qui digni sunt. Apocal. c. 3. v. 4. Amicus itaque Præsulem, & Pastorem vigilantis

lentissimum aetate sua septuagesimo septimo, fecit Professionis quinquagesimo quinto, sacerdotii quadragesimo octavo, Praefatus trigesimo septimoq., Christi nati 1742. merito intermaerobios nostros Abbatibus numerandum. Sit memoria illius in benedictione!

11. Annecto, in perpetuam gratitudinis meae tesseram, chronologium ex S. Evangelio desumptum. Lucas 15. v. 32. & olim, cum aliis indidem deproptis a me in singulos regiminis annos, Thassiloni Erlingae dedicatum, de sacra professione mea anno MDCCXVII. facta.

12. VLari & gaVDere oportebat, qVla frater tVVs. hic MortVVs erat, & reVLit: perierat, & laVenVs est.

Reliqua lectori de Thassilone cogitanda relinquo, qui me viginti & unum ferè annos natum, una commendatione Moecenatum, una mea supplicatione, anno 1716. ad sacrum tyrocinium suscepit.

S. V.

Viri litterati, eorumque labores.

13. **P**OST annos plurimos ab obitu P. Thomae Rüdgermayr diuturni in Universitate SS. Theologiae Professoris ex postliminio de Wessoniae Fontibus promotus ad cathedram Rhetorices fuit Clar. P. Alanus Ritter, patria Dencklinganus, professione S. Ordinis noster. Suscepit sibi officium Comici, & anno centesimo erecti Saltsburgensis Lycei, quo se ad Phaumaturgam Auxiliatricem Pluinensem docendae Philosophiae parabat, in theatro exhibuit Contubium Religionis & Sapientiae in Nursio & Jovina, anno 1718. eodemque anno Philosophiam docere publice cepit. Post biennium Ethicae & Historiae cathedris admodus, altero biennio elapso ad Theologiam moralem, & hinc scholasticam gradum fecit, variis praeterea, ut Praefecti scholarum, Secretarii Universitatis, Praesidis Congregationis Majoris, Vice-Rectoris, muneribus perfunctus. Scripsit discursus Philometaphysicos, & selectas ex universa Theologia Quaestiones. Sermones Parthenii ad Sodales habiti adhuc in seriniis nostris servantur. Apoplectico defluxu afflictus, frustra adhibitis aliquamvis balneis & medicinis, in Monasterio optime ad mortem comparatus decessit anno 1736.

13. Clariss. P. Leonardus Kloz, patria Geltendorffenfis, professione Wessofontanus, in Universitate Salisburgensi humaniorum & Rhetorices Professor, Præfectus Scholarum, Comicus, anno 1721. Philosophiam docere coepit. Finito illius cursu transit ad Lyceum Frisingense, ibique septem annis iterum Scholarum Præfectum & SS. Theologiæ Professorem egit. Demum ad Universitatem revocatus integro octennio Theologiam docuit, simul Præfecti Scholarum ac Vice-Rectoris munere perfunctus. Edidit præter Philosophicas & Theologicas Theses complures, Orationes sexaginta octo, pleræque in majori Congregatione Salisburgensi Deiparæ in coelos assumptæ dictas, cum Panegyrico in funere Joannis Francisci Episcopi Frisingensis recitato. Absoluto Theologiæ cursu ad monasterium reversus ex hydrope decessit omnibus ad mortem Sacramentis munitus, vitæ 57. Religionis 35. Sacerdotii annis 30 peractis.

14. Venerabilis P. Thomas Aquinas Erhard Stadlensis Bojus anno 1696. die 9. Decembris solemniter vota apud Fontes nostros DEO nuncupavit, primam hostiam anno 1702. die 21. Decembris litavit. In festo deinceps Martæ omnes ferè nos in fugam compellente, Thomas Benedictoburam se recepit: ubi dum versatur, commendante illius eruditorem Reverendissimo loci Præsule, Monachium vocatur, & Ministrorum Comitum de Seefeld moderator constituitur. Pacatis deinceps tempore reversus ad Fontes, majorum jussu ad Thaurum Viennæ hovensem transit, ubi usque ad obitum vixit, litterarum studiis & peregrinantium obsequiis vacans. Elaboravit ibidem *Artem Memoriae*, seu expeditam excerptandi methodum, item *Glossam antea* seu Artis memoriz compendium: *Gloriam S. Benedicti*, quatuor aut quinque voluminibus: *Biblia Latino-Germanica*, *Isagogen* de S. Scripturæ studio, *Regulam S. Benedicti* in versus distinctam, *Librum de Imitatione Christi* cum ejusdem Concordantiis & Paraphrasi Thomæ Mezleri, *Polyratem Gersfortensem*, & alia quædam in publicam lucem data. Ultimæ Thomæ labor fuit *Academica Mariana*, vastissimum opus futura, cum viginti volumina, quæ habemus, nondum ad mediam illius partem pertingens. Demum non morbo, sed senectute fractus in coram sodalium suorum obiit die 2. Januarii 1743. & in Ecclesia Dolorosæ Mariæ, cui plusquam triginta annos serviverat, Vilgershovii est sepultus.



S. VI.

*De antiquitate & cultu Imaginis Mariana sub nomine
Matris Sanctæ Spei in Templo Wessofontano
propitiæ.*

HÆ quoque Veneranda icon cultus sui incrementa. haud modica Mariophilo nostro, Thafiloni inquam, debet, qui eandem renovatam, quantum fieri potuit, altari è gypso ad marmoris invidiam surgenti à se extracto imposuit, atque hac ratione. in publico seiplo. ad communem populi pietatem prostanti venerationem insignem conciliavit, simul & omnium instantium mentibus ingenti à tam sanctæ spei matre, quasque petendi, ac impetrandi fiduciâ instillatâ.

16. Sacra hæc imago, (antiquissimum enimverò opus) faxea est, haud sculpta tamen, sed fusa videtur, cujusmodi columnas plurimas in hodiernum diem apud fontes nostros visere est; & certè licet consistere, artem fundendi lapides, & arenas, argillatoriz artis more in imagines cogendi apud Majores etiam nostros floruisse, quæ tamen incuria temporum interit. De arte hac apud plures Authores sermo est, & ipse S. Thimo ex Monacho Altachensi Archi-Episcopus Saltsburgensis tam in Palestina exercuisse narratur. Coeterum Divæ matris situs sedentis est sub deaurata concha, Divinam prolem læva sustinentis, pedibus verò lunam prementis. Nescio Patris Filio, an Filius Matri potum porrigit? uterque vultu lætitiâ præferens de recuperato, qui potui mortu perierat, mundo triumphare videtur. Hodie postquam in majus Monasterii templum translata est Venerabilis Icon, Virgo & Filius pretioso vestitu decoratissimi, capita coronâ orant. Artificis manus quando evaserit hæc statua, aut qua ratione ad nos devenerit? documentis destituti, ignoramus quidem; antiquitatem verò, quam ipsum artefactum præfert, si consideremus, ac præterea perpendamus, inchoati cultûs indicia nulla reperiri, sed id solum constare illam unâ cum aliis similibus duodecim statuis SS. Apostolorum in prima Monasterii nostri (a) B. V. Ecclesia stetisse, in qua non alii, quàm qui maximum Fontibus nostris splendorem sanctitatis dederunt, quorumque translationem quoque jam sub B. Thieatone (b) retulimus, tumulari consueverant: fortè haud immeritò quis eandem ipsi Monasterio corvâ suspicari posset. Ultimis porro temporibus, quo adhuc vetustissimum istud Sacellum stetit à Thafilone nostro, anno 1707. primum, ne novo clau-

stro ædificando moras poneret, destructum; sacra verò imago haud quidem in altari, sed alio templi loco vileretur, inde tamen fors sede sua quotum à Paulo II. ejus nominis Abbate, qui anno 1471. Ecclesiam hanc totam quantam deterisa vetustate novo splendore induit, Chorum novum, sive Odzum Wopangendis Divinæ Matris Laudibus accommodatum struxit, & in ampliorem ambitum laxavit, tria altaria statuit, quæ postmodum anno 1474. consecrata primum Sanctissimæ Virginis Mariæ, cujus assumptæ imaginem pictam aræ novæ imposuit; alterum Sanctæ Annæ, tertium Divi Viti Martyris nominibus insigniebantur, Organo Psalterio denique, & campanellis Templum ornavit, indulgentiis quoque Roma impetratis, quarum Diploma pridem (c) recitavimus. Divinitate saltem licet, fuisse tum S. Imaginem locò, sed non templo motam. Ceterum institutam eo tempore credimus Litaneuticas preces decantandi consuetudinem, quæ hodie dum singulis Sabbatis frequentatur, ant. S. Spei Cælestis vices subeunte, in qua etiam Sabbatina missa à Grymoldo Presb. in veteri templo (dem alten Winder) fundata translata, singulis septimanis celebrari solet.

17. Quidquid sit, Apostolorum statuis temporum seu injuriis seu incursis fractis, servata est non sine numine DEI Parentis imago, & in dies magis præstitis gratiis clarescit, verè *mater S. Spei*, in qua *nostra sperant & confasus est*, cujus effusissimum cultum, quo illam incolæ tum Monasterii, tum totius viciniae deperunt, describere, aut oblationes ad ornatum illius largiter factas, reportatæve ab implorantibus haud minus animæ, quàm corporis beneficia enumerare vix justæ molis volumen sufficeret, sed tacemus illa; ad te Gloria Jerusalem & gentis nostræ, fontium nostrum tam multiplex decus Virgo ter admirabilis convertimur: Si *nos in vista, sicut te colimus*, at dum te in tot imaginibus propitiâ veneramus, Matrem Sanctæ Spei te omnibus monstrare nunquam desinit.

(a) fol. 26. n. 41. & fol. 71. n. 5. (b) loco max citato.

(c) fol. 73. n. 2.

III



§. VII.

De origine, ac cultu celeberrimæ imaginis Immac. Conceptionis B. V. Mariæ in Templo nostri Monasterii præcipue.

18. *L* Illis in humanis Divina Potentia rebat. Regiæ ejusdam in Germania Principis effigiem felici penicillo adornaverat F. Innocentius Prisslingz, Ratisbonam propè, Ordinis nostri Conventum professus, at non terrarum, sed Cœli Regiæ servitutam: namque Divino quodam percussus uestro R. P. Placidus Angermayr p. m. primus deinceps instituta ad hanc Sacram imaginem, ac per totam pœne Europam propagatæ Sodalitatis Præses, qui tum in eodem celeberrimo Monasterio versabatur, sancta importunitate instat, ac urget pictorem: donaret sibi hanc imaginem, ac in Deiparæ effigiem mutaret, suæ posthac devotioni, quoad viveret, futuram. Cessit tandem Innocentius, delecti Regiæ, quam capite gestarat, coronâ, fertoque à rosæ ac liliis frontem ornans terrenam Principem cœli Dominam, Dei matrem creat, ac Placido nostro salutandam tradit, cæterum, ut & aliorum petitis satisfaceret, jamjam alteri se pingendæ Principis illius imagini accingens; Assuebat Virgo Diva sub ejusdem vultûs specie cum homine coli: subito, ac miro casu Innocentius utriusque oculi jacturam passus intellexit ultimum, sed sanè nunquam melius, Mariæ laboravisse. Superiorem tantum corporis partem S. leon exhibet, caput defuit quidem per collum, victis tamen crinibus cinctis, oculisque demissis levam in partem flectit, humeros cæruleo involvit pallio, pectus copiosis gemmis, ac divite auro ornat; cæteram cœlesti, ac nulla humana arte imitabili vultûs modestiâ invitata quoque mentes mira suavitate demulcens, in sui reverentiam, ac amorem rapit. Cortè quamvis innumere Divæ Virginis effigies ad nostræ imitationem pictæ, sculptæ, excusæque extant, omnem tamen et si solertissimam artificum industriam cœlestis illa vultûs modestia sefellit; & tamen sanctæ memoriæ Clemens XI. PP. primo sibi exhibitæ copię aspectu astantibus fassus est: *In hac icono latet aliquid celeste, moveret Confraternitatem, quam etiam clementissimè concessam, ac Principali Romanæ Imac. Concept. B. V. ad S. Laurentium in Damaso* (hodie ad Ecclesiam *Ara celi* translata) Sodalitati univit, insigni indulgentiarum thesaurò adjecto.

19. Instituta est itaque anno 1711. Pontificia, ac Episcopali auctoritate Sodalitas, cui jam primo biennio 16000. diversorum Nationum homines nomina dedere, quorum numerus hodie ad sexcenta millia crevit; neque id culquam mirum videri debet, cum se Divæ nostræ cultus neutiquam intra Patriæ, aut vicinarum terrarum fines continerit: in Bohemia quoque, Tyroli, Austria, Styria, Carniola, Hungaria, Alsatia, Belgio, Italia, Gallia &c. Sodales nostros, eos haud paucos reperire est, ut adeò Confraternitatis libelli vix non totidem linguis imprimere necessarium fuerit, ac Immaculatè concepta Virgo in hac nostra iconè verè *dominetur à mari usque ad mare*, eò quòd illius Veneratio jam à mari Veneto, cui adjacet Forum Julii, ad usque Germanicum mare, Catholicum Belgium alluens dilatata sit. Quid multis? soli actuarij, seu promotores Marianæ Congregationis supra trecentos viginti quatuor, copiz verò Originalis attacku sacræ à nobis positæ ad 200. numerantur, quæ omnes in Templis, ac Sacellis expositæ, haud raro impetratis etiam corporis animique beneficiis clarescunt.

20. Sed nec solum vulgus sub Thaumaturgæ nostræ signis militare gessit: scetet Marianum Archivium votivis formulis, quas Ecclesiastici, & Seculares, non solum primi subelli, ac nobilitatis Sodales, intrati Præfules, sed & purpurati Principes, coronata imò capta propriâ subscriptæ manu, ac Regiâ munificentia graves misere, & respectivè adhuc quot annis mittunt; sufficiat illos adduxisse, quorum largitate ipsam Divæ Virginis facellum, & ara resplendet: Illud Serenissimus Elector Maximilianus Emanuel anno 1723. & 1724. propriis sumptibus à fundamentis crexit, hanc sanctissimus Pater Benedictus XIV. perpetuò ac quotidianò pro defunctis privilegiò munivit, Augustissima Imperatrix Maria Amalia integro, ut vocant ornatu, ab arte phrygia pretiosissimo, ab Augustissima verò artificis manu inestimabili vestivit, huc altari Regiæ, ac Electoralis Saxonico-Polonica Princeps Maria Antonia Ducissa Bavarie duplicem vestem, quarum altera nuptialis fuit, unâ cum votiva formula imponi præcepit. Eminent. verò Cardinalis Octoboni Sacrum S. Vincentiæ V. & M. corpus donavit, ad hanc denique Purpuratus Ecclesiæ Princeps, Cardinalis Angelus Maria Querinus; Sodalitatis Protector zelosissimus votum, quod hinc Sacrilegus fecerat, (a) exsolvitur, lampadem ex argento splendidissimam suspendit, ut verò à mori suo in Dei matrem faceret satis, brevi temporis intervallò argenti pondere gravissimam S. P. Benedicti statuem, utrique B. V. Immaculatè Conceptæ, & S. Benedicti Sodalitati à se oblatam, Regiâ sanè beneficentiâ misit, similem Sanctæ Virginis Scholasticæ additurus, & quidem fors


fors ante ipsa millenaria nostra festa, ut ejusdem litteris, vix non, dum hæc scribo, supervenientibus doceamur. Sed magni hujus Præfulis merita proprium sibi locum in nostra historia postulant. Aliorum quoque Principum, atque præprimis serenissimæ Bavaricæ domûs in Divam nostram beneficia, gratias item petentibus fidelibus miras sanè collatas &c. ne justò prolixiores simus, Wessofontanæ famæ his de rebus, quot annis edi solitæ nuntianda relinquimus. Solas Eminentissimi Querini litteras subnectentes, quibus R. P. Veremundum Eißvogel Sodalitatis Præsidentem de acceptato Protectoris munere cerniorem reddit; Mariano effectu plenè ex Italico sermone hunc latum sensum reddunt: „ Mox ut Brizia Romanam redii, Epistolam Paternitatis vestræ accepi; gratissimus enim verò, ac jucundissimus accidit honor, quem mihi tributum video, dum in Protectorem electus sum Confraternitatis, cui Paternitas vestra dignissimè præsidet. Poterit igitur denunciare omnibus hujus sodalitatis fratribus læticiam, quam percepi ex officio isto in me collato: eo quòd maximam inde fiduciam conceperim, fore, ut copiosissimè adjuver devotis illorum orationibus, quibus mihi Immaculatæ Virginis Matris, & gloriosi Patriarchæ S. Benedicti patrocinia concilientur. Spondeo præterea R. Paternitati vestræ, cordi mihi maximè fore omnem memoratæ Confraternitatis profectum, anxieque attenturum ad quamvis occasionem, ejusdem commoda promovendi. Qui vicissim linguolos monasterii vestri Religiosos, ut mihi in SS. sacrificiis suis subveniant, precor ac persevero

Paternitatis vestrae multum Reverenda

Ex corde. addictissimus

Card. Angelus Maria Querini.

(a) Ita ipse Eminentissimus in Commensar. de rebus suis Partis 2. libro 2. fol. 320.



S. VIII.

*De Confraternitate S. P. Benedicti in monasterio
Wessofontano erecta.*

21. **E**Xpertus erat Thassilo, quod Ecclesiasticus c. 3. §. ait: *sicut qui thesaurizat, ita & qui honorificat marrem suam*; itaque statutis suâ curâ, vigilantia & ope tam insignibus Martiani amoris, ac cultûs monumentis, ut & patrem honoraret filius sapiens, summa sedis ac forenissimæ Aug. Episcopi Alexandri Sigismundi accedente consensu S. P. N. Benedicti sodalitatem anno salutis, 1734. introduxit, sociellum eidem splendidissimum erexit, atque haud minus magnificum altare struxit. Veloci incrementû crevit & ista Confraternitas, ac benedicens DEO, non tantum in viciniam, sed & copiosissimè in Bohemæ Regnum propagata ac hucusque ultra 26. millia sodalium adstructa est. Aduarios vero & Promotores plures ex sacris Præmonstratensium, ac Cisterciensium Ordinibus numerat, ac veneratur. Pro majori porro illius incrementû Eminent. DD. S. R. E. Quadagni ordinis Fratrum B. V. Maritæ de monte Carmelo eximia largitate S. Maximi Persæ M. corpus ipsi Sodalitati donavit, adeo omnibus partibus suis integrum, ut Reverendissimus Augustanus Generalis Vicarius Joannes Adamus de Nieberlein ne quidem rogatus sibi aliquot reliquias fervare voluerit, veritus, ut agebat, *reservas quondam in DEI judicio contra se insurgeret incensando; integer & ad res, & tu imminuisti me.*

22. Pretiosissimo huic thesauro cimellum addidit inestimabile nunc quem satis laudandus S. R. E. Purpuratus Princeps Eminentissimus Angelus Maria Querinus, non tantum oblata à se S. Benedicti ac promissa altera S. Scholasticæ ingentis protit statua, de qua largitate supra mentionem ingessimus, sed magis inclusa ipsi statuæ insigni ex brachio ejusdem sanctissimi Monachorum Patriarchæ particula, cujus fortitudinem altera mox ab adventu die ipsi S. P. Benedicto sacra prodigiosû beneficiû exporti sumus: dignum existimavit purpuratus Pater, ut litteras Reverendissimi DD. Abbatis nostri Bedæ, quibus facta nobis cœlestis gratiæ eidem nuntiabatur, publici juris faceret, ansam sibi præterea sumeret sectarios falsissimorum præjudiciorum, quibus Ecclesiam onerant, commonfaciendi; itaque percepti beneficii descriptionem daturi, ipsas dictas litteras

teras una cum Authenticis S. Reliquiæ testimonis, & monito ad heterodoxos subnectimus, prout ab Eminentiſſimo Cardinale Brixienſibus typis editæ fuerunt.

23. MIRABILIS DEUS IN SANCTIS SUI.

*Epistola ampliffimi, & Reverendiſſimi Abbatis Wessofontani
ac totius Congregationis Benedictino-Bavaricæ
Præſidis Generalis*

Ad Eminentiſſimum & Reverendiſſimum D. D.

ANGELUM MARIAM QUIRINUM

S. R. E. CARD. BIBLIOTHECARIUM ET EPISC. BRIXIÆ.

Eminentiffime Pater, Domine Clementiffime.

Allata est in tempore, omnique poſſibili ſolemnitate ad Fontes Wessonis excepta pretioſa & elegantiffima Statua Sanctiſ. P. N. BENEDICTI, una cum accluſis. Reddo totam ſeriem. Clementiſſima Epistola, quæ continebat authenticam attestationem S. Reliquiæ Sancti BENEDICTI, duabus ſeptimanis prius allata miram in me, meiſque ſollicitudinem ac deſiderium acuit recipiendi in tempore tam nobile munus, præſentim poſt dictam attestationem juffu meo publice ſupra menſam lectam, quæ ſollicitudo mire aucta eſt, dum 15. Martii nec dum comparuit Monachii. Tandem 17. ejusdem tempore veſpertina nuntiata Monachio, adveniffe ibi ſavam. Quare miſſi illuc cum curru rem ita ſolenter diſpoſuerunt, ut eadem Statua, horis diurnis nocturnisque junctis, in vigilia Sanctiſ. Patris circa horam ſecundam pomeridianam jam advenerit Wessofonti, ubi extracta eſt arcuſa, & ſerculo jam præparato ſuperimpoſita interim collocabatur in ingreſſu portæ clauſtralis, ſeu in ambitu Abbatiz, donèc ſolemnis Proceſſio adornaretur. Inſtituebatur hæc circa horam quartam, dum Statua ſerculo impoſita à quatuor Sacerdotibus Religioſis in floccis ſub pulſu ſolemni campanarum, & continua exploſione æneorum noſtrorum tormentorum, ſereno & favente Cœlo, deportata eſt à porta Conventus per atrium apertum à Miniſtris, toto Conventu in floccis, ſodalibus Confraternitatum in togis comitantibus: dum interim Scolopectarii noſtri cum venatoribus tumultuarie

R r r

colle-

collecti sese concipio ordine in area monasterii collocantes, transcurrentes Processione aliquoties suas Sclopetas in signum lætitiæ simul solverunt. Dum ventum est ad Ecclesiam, Statua in media ara S. BENEDICTI, jam decentissime in crastinum ornata, collocata est, & solennes Lytaniae de SS. Patre BENEDICTO; more hac die consueti; ætate sunt ibidem, præsentem copioso populo in honorem S. BENEDICTI congregato. In ipso festo SS. Patris à summo manò usque ad 12. non solum una Missa post aliam, sed etiam sollemnis Missa SS. Rosarii dicta, quod sub ea a conferto populo, exposito Venerabili SACRAMENTO palam recitari solet, à P. Veremundo Præsidente; & post Concionem (quam quidam R. P. Carmelita Schongavio invitatus cum iustissimis elogiis EMINENTIÆ SUÆ munificentia habuit) solemne Officium cum secundis Vesperis à me in Pontificalibus decantatum est in eadem ara à latere, seu Capella S. BENEDICTI, subsistente ibidem continuo Statua cum S. Reliquia, quæ ita adaptata est aræ & spatio illius medio, quasi mox à primæ constructione id factum fuisset. Aderant de more in monasterio ad hanc festivitatem Religiosi diversorum Ordinum ex sex vicinis monasteriis: qui omnes nobiscum vehementissime admirati & venerati sunt, in primis pretiosam & insignem particulam Brachii SS. Patriarchæ nostri BENEDICTI, thesaurum incomparabilem: deinde pretium, & elegantiam ipsius Statuæ: quæ omnia nos in hodiernum diem suspensos, attonitos tenent, quin capiamus, unde tanta EMINENTIÆ SUÆ in immeritis Wessonis Fontes munificentia, & profusæ gratiæ in bino nimis pretioso munere, Lampade, & Statua, abundantissime monstrat. Non possumus sane vel cogitare de condigna gratiarum actione, sed solum Deum, omnium bonorum retributorem, precibus, & Sacrificiis exorare, ut de thesauro gratiarum & donorum suorum in tempore, & æternitate suppleat insufficientiam nostram.

Magnitudo beneficii clarescit magis ex casu sequente, quo SS. P. BENEDICTUS fortitudinem sancti sui Brachii super nos ostendit, dum sacra Reliquia vix hic possessionem nacta est. Dum in ipsa solemnitate in monasterio sollemnia Divina agebantur, circa horam septimam matutinam in quadam Villa nostra bene ampla, integra hora a monasterio distante, remotaque ab alijs demibus & hominibus, incendium periculosissimum, furno (nescitur quomodo) ignem concipiente, & ignitas flammæ super tecta lignea evomente, exortum est, dum omnes Villani Wessolonti Divinis aderant, ob ferias per Ditionem nostram servari solitas, præter tres personas, quarum una ad monasterium, altera ad proximum pagum, suppetias petita dimissæ & missæ sunt, unico famulo incendium spectante potius quam sopire prævalente: quod ultra horam

horam sese in tantum continuit, ut nullum notabile damnum intulerit, licet ex coarctato jam rectorio ligneo ardentes scandulæ in arcem horrei feno & stramine plenam deciderint, eousque innoxie, donec ex monasterio, & aliis locis suppeditæ advenerint, totumque periculosissimum incendium potius divina, quam humana ope extinctum fuerit sine gravi damno: quod nemo non pro miraculo habet, & potentissimæ protectionis SS. P. BENEDICTI, huiusque sacro Brachio supra nos extento adscribit. Ego interim istorum omnium ignarus quietus steti ad Aram, donec mensam accedenti & periculi, & miraculi relatio facta sit. Fuisse damnum multorum millium florenorum. Deo & SS. Patri BENEDICTO sine infinitæ laudes & gratiæ.

Magnanimitatis, & munificentie EMINENTIÆ SUÆ testes perpetuo erunt Congregatio Bavarica, cuius iuribus tuendis in Romana curia benignissime laboravit, Universitas Salisburgensis cum missionibus Alpini Ordini nostro commissis, quibus sustentandis intra breve tempus septingentos, & quadraginta florenos contribuit, & singulariter monasterium hoc Wessofontanum cum Confraternitate Mariana Immaculatæ Virginis, & sancti Patris BENEDICTI, ejusdem Confraternitatis te vere protectorem (quem titulum in te suscipere dignatus es post obitum Cardinalis Petri Octoboni) contestantur magnificentissima Lampas argentea ante aram Beatæ Virginis appensa, & Statua S. BENEDICTI pariæ magnificentie nuperrime huc advecta. Pater Veremundus Eisvogel Confraternitatis utriusque Præses in eam spem adducitur, ut ad imminentem Millenarii Wessofontani sæculi gloriosam Festivitatem Clementissimum, ac Eminentiſſ. DD. PROTECTOREM certe præsentem veneremur. Sunt hæc vota omnium Conventualium ardentissima, quæ Deus confirmet potenti gratia. Invitatio satis emphatica sequetur, cum tempus fuerit designatum tantæ solemnitati perbene congruum. EMINENTISSIME PATER! recordamur adhuc illorum verborum, quibus in ultimo discessu à Wessofontano nos omnes consolabatur cum dicto, & apertu Clementissimo, *Brescia non adeo distat Wessofonte, forte nos Deus iterum conjunget.* Hæc dictante celo! Jam spe optima fretus, cum propediem sanctum Pascha immineat, precor EMINENTIÆ SUÆ lætum Alleluja & plena gaudia paschalia, & cum devotissimo sacre Purpuræ osculo me, mecumque monasterium, totamque Congregationem Bavaricam clementissimæ Protectioni demississime commendo

EMINENTIÆ SUÆ

Wessofonti die xxiv. Martii anno MDCCLIII.

Humillimus & obsequenissimus Servus

BEDA Abbas.

R r r 2

ANGE.

ANGELUS MARIA Divina Miseratione Tit. S. Praxedis CAR-
DINALIS QUIRINUS Commendatarius Tit. S. Marci,
S. R. E. Bibliothecarius, Archiepiscopus, Episcopus
Brixiae, Dux, Marchio, Comes, &c.

Universis, & singulis presentes Nostras inspectionis fidei facturus, atque testatur,
quatenus Particulam ex BRACHIO S. BENEDICTI Abb. Monachorum Pa-
triarche asservato in arca existente retro altare Capella SS. Crucis hujus Ecclesie No-
stre Cathedralis extractam, ac dissectam presentibus Septemviris Publicis hujus Illu-
strissimae Civitatis, una cum D. Pro-Vicario Nostro Generali, ac Cancellario
Nostro infra scripto; reverenter repofuimus, & collocavimus intus thecam argenteam
ovalis figura ab anteriori parte crystallo clausam, & funiculo serico a posteriori par-
te rubri coloris colligata, Nostroque in cetera rubra hispanica impresso sigillo pro majori
digne S. Reliquiae identitate obfignatam, ad majorem Dei gloriam, suorumque San-
ctorum venerationem, donò dedimus, & elargiri fuimus Ven. sodalitati Conceptionis
Immaculatae Mariae Virginis, & ejusdem S. Benedicti erecto in Ecclesia Abbatis
Vesfontanae Monachorum Benedictinorum Congregationis Bavarica, cum facultate
penes se retinendi, & in eadem, seu alia qualibet Ecclesia, Oratorio, seu Capella
publica Christi fidelium venerationi exponendi. In quorum fidem has testimoniales li-
teras manu Nostra subscriptas Nostroque sigillo manus expediti mandavimus.

Dat. Brixiae in Palatio Nostro Episcopali hac die 20. Februarii 1753.

(A. M. Card. Quirinus Episc.

Jacobus Pinzoni
J. U. D. Cancell. Episc.

Brachium S. BENEDICTI deductum fuisse è monasterio Casinensi
prope Civitatem Beneventanam sitò ad Leonense Canobium (nunc Abbazia di Leno)
in Agro Brixiano fundatum, fidem facit Chronicon Regum Longobardorum ab anno
DLXVIII, ad an. DCCCLXXXIII. Authore Monacho monasterii
Brixiani ad Leonem olim celebratissimi, Antiqu. Ital. Medii Aevi
Tom. IV.

Non longe post introitum Regni (Desiderii) & inchoationem hujus
coenobii (Leonensis) Domino cooperante, & praenominato excellentissi-
mo Rege translatum est à Civitate Beneventum de Casinò Castro quoddam
Corporis patrem Beatissimi atque excellentissimi Confessoris BENEDI-
CTI Abbatis, & ab Urbe Roma Corpora Beatorum Martyrum Vitalis,
& Marcialis, & in eodem Sacrosanctum conditum est Coenobio.

Vit

*Vic versa, Brixia ad Casinensium Conventum advectum fuisse Brachium
S. FAUSTINI ejusdem Urbis Patroni, idem faciunt Chronicon Casinense Au-
thore Leone Card. Episcopo Ostiensi, & Chronicon Vulturense Authore
Johanne ejusdem Conventus Abbatē. Rerum Italic. Script.*

Tom. I. P. II.

*Chronicon Casinense loquens de Petronace Monacho Brixiano, qui Brixia ad
Casinū Conventum profectus ante medietatem Sec. VIII. ejusdem constitutus fuerat
Abbas, hac habet: Hic Ecclesiam Beati Martini, quam parvulam reperit,
sedecim fere cubitos auxit; ibidemque absidam efficiens in honore Beate
Mariæ semper Virginis, & sanctorum Martyrum FAUSTINI, & JOVI-
TÆ in ea Altarium statuit, in quo etiam Brachium unius illorum, quod
secum de Brixia asportaverat decenter recondidit.*

*Chronicon Vulturense de eodem Petronace, saltaque per ipsum monasterii Co-
casinensis restoratione tempore Zacharia summi Pontificis ita loquitur: Hoc tempo-
re idem Petronax Beati FAUSTINI Martyris Brachium illuc secum attru-
lerat.*

MONITUM AD HETERODOXOS.

Cavete, quæso, ne ex piis ritibus ac solemnibus cæritimoniis, quibus Co-
lites honorare, eorumque opem apud DEUM deposcere consuevit Ecclesia
Catholica, scandalum aliquod capiatis. ut mos vester est; nam si rem
serio perpendetis, ipsemet religiosus fervor ille noster vobis demonstra-
re valet, seu parum, seu nihil fiduciam in propriis operibus bonis à nobis
reponi, ac proinde omni studio curari, ut Colites apud Deum interces-
sores nanciscamur multo quidem utiliores, quam si inter nos modo de-
gerent, horumque precibus sese infirmitas nostra commendaret, ea sci-
licet ratione, quam nec ipsi vos usque adhuc, ceu in Christum Media-
torem injuriosam, ausi estis improbare.



ΕΥΧΑΡΙΣΤΙΚΟΝ.

Angelo Maria Quirino

Illustrissimæ, Antiquissimæ, ac Senatoriæ

Quirinorum stirpis

Clarissimo lyderi,

Felicissimæ soboli,

Parenti imò,

Qui omnem Proavorum gloriam in se uno complexus,

Totam in se renatam,

Non Posterorum labili memoriæ,

Sed ipsi æternitati genuit,

Familiæ pridem Purpuræ, ac Sceptris inclytæ. (a)

Corona immarcescibilis.

Ordinis S. P. Benedicti,

Congregationis Cassinensis.

Alumno,

Olim Florentini Monasterii Abbati,

Totius Benedictinæ Religionis

Defensori fortissimo,

Benefactori perpetuo,

Gloriæ immortalis,

Cui, dum,

Ceu Virga Aaron, vix sacrario illatus,

Unâ flores, ac fructus honoris, & honestatis germinans,

Ac proferre non desinens,

Eosdem

Affiduâ munificentiâ,

Materna sollicitudine

Fraterno amore

Cunctis decerpentibus offert,

Jure optimo,

Fiduciâ filiali

Benedictina Italia, Gallia, & Germania (b)

Plaudens acclamat:

Abba Pater!

Cor.

Corcyrensi Archi-Episcopo

De Toga ad Pallium felicissimè translato,
 Dum Pastor bonus
 Græcæ non tantum fidem, sed & invidiam superans,
 Annuente Grægenæ Præsule,
 Utriusque gregis oviculis,
 In uno Ovili congregatis
 Verbi Divini pabulum tanta sinceritate dispensavit,
 Ut tantum non faceret utraque unum.

Brixienſi Episcopo

Fausto Jove
 Ad SS. Faustinum, & Jovitam translato,
 Pontifici
 Ad Christi ideam,
 Pauli Regulas,
 Tridentini Concilii Apices
 Exactissimo,
 Lucernæ ardenti in domo Dei,
 Ad Sacrorum Præfulum exemplum
 Supra candelabrum posita,
 Cui Brixia Civitas
 Templi Cathedralis ad ipsius Romæ, ac Græciæ invidiam Magnificentissimæ
 Musæ
 Bibliothecam celeberrimam,
 Clerici
 Seminarium splendidissimum,
 Infirmi, ac debiles
 Nosocomium amplissimum,
 Pauperes,
 Quorum gregem in numeris, & loculis servat,
 Exhaustâ egestate
 Non jam Eleemosinas, sed pene divitias (c)
 Debent.
 Moribus verè Angelo, (d)
 Formæ gregis ex animo,
 Quem assidua sollicitudine

Materno

Materno affectu,
Quotidie novum in Christo parturit,
Donec Christus formetur in illo. (c)

S. R. E. Cardinali Presbytero

Domus DEI
Verè Cardini, ac lapidi angulari,
In qua,
Veritate Catholica ad Ipsorum Impugnantium reverentiam defensa,
Errantibus syderibus
Quasi stella matutina in medio nebulae : (f)
Virtutum splendore
Fidelibus Populis
Quasi luna plena in diebus suis ;
Publicis in Ecclesiam meritis
Abundantiùs omnibus,
Non ad privatam gloriam,
Sed ad commune exemplum
laborans,
Quasi sol in meridie coruscans
refulget.

Vaticano Bibliothecario,

Ac Dotatori munificentissimo,
Musarum omnium Delicio,
Sapientiae Oraculo
Per omnem Europam notissimo, celeberrimo,
Vivæ potius Bibliothecae nomine
Insigniendo,
Templorum Conditori, ac Benefactori profusissimo,
Piarum omnium causarum Promotori perpetuo, (g)
Quòd prae aliis Germaniae Monasteriis,
Quae suis donis, Patrocinio, Praesentia, Amore ditavit,
His nostris Wessonis Fontibus
Argenteam lampadem,
Divi Benedicti statuem ejusdem reliquiis sacram donaverit,
Alteram S. Scholasticae promiserit,
Bibliothecam eruditissimis suis lucubrationibus auxerit,

Mon-

Monasterium amore perpetuo, protectione continuo, Beneficentiâ assidua
Dignetur, Tueatur, Prosequatur,
Grati animi monumentum
Publicis Historiæ tabulis consignatum
statuit

Anno à condito coenobio millesimo

Beda Abbas,

Ac Conventus Wesslofontanus,

(a) Illustissima hæc familia inter Progenitores suos recenset Sergium Sulpirium Gal-
bam Romanum Imperatorem, Mauritium & Joannem Galbæ Duces Venetos &c.
Hybneri Lexicon Universale Verbo Quirini. (b) Hæc & alia pro Ordinis, suæ, ac
aliarum Ecclesiarum bono Eminentissimi Cardinalis actû sciendi cupidum lectorem
remissimus ad ejusdem Commentarios de rebus suis Brixia editos anno 1749. &
ad Epistolas Geminas Abbatis D. Antonii Sambucca de gestis quibusdam præclaris
Eminent. DD. Carl. Quirini in latinam traductas, ac Angastæ Vind. editas sum-
peribus ipsius hujus Bibliopola D. Ignatii Wagner 1749. (c) Effusissimam hanc,
& sanè admirandam charitatem in pauperes latius describit citatus Sambucca Epist.
1. fol. 3. & 4. & Epist. 2. fol. 11. & 12. (d) A foemina (verba sunt Sam-
bucca Epist. 1. fol. 3.) adeò est alienus, ut juramento ausim adstruere,
ab octodecim annis, quibus ipsi servio, nunquam me illum vidisse cum
ulla colloquentem. (e) Pastorales ac personales labores tum in laudatis Epi-
stolis tum in ipsis Commentariis videre est. (f) Dogmaticas, atque alias doctissi-
mas literarias Eminent. Cardinalis lubricationes recenset ingens ejusdem Operum
Catalogus Brixia Italico idiomate impressus per Joannem Mariam Rizzard. (g)
Testes sunt vel in sola Germania Berolinensi Catholicorum Ecclesiæ donata magni-
fica Christi Magdalene apparenis statua, contributio facta ad reedificationem ma-
nast. Estalensis, item pro Missionè Benedictina in Alpibus Salisburgensibus &c.

CAPUT VI.

Beda Abbas LVI.

§. I.

Chronologia Bedæ Abbatis.

1. **R**everendissimus ac Amplissimus DD. Beda Schallhamer Anno 1684
die 10. Januarii spectabili familiâ, à Ferdinando III. scuto gen-
tilitio decorata, Deifendorffii Provinciæ Salisburgensis oppido
natus, à S. Sacro fonte Pauli Erem. nomen tulit. Absolutis Juvavii hu-

manioribus, ac Philosophicis disciplinis Religiosæ vitæ tyrocinia posuerat ad Monasterium venit die 20. Sept. 1702., quamquam Ordinem professus superiore bello Religiosis primum 1704. 6. Januarii in Epiphaniæ festo professus sit. Theologicis inde disciplinis, ac utroque Jure cum in Communi Congregationis nostræ Studio, tum in Salisburgensi Universitate imbutus, atque Sacerdos 1708. 2. Junii initiatus, decima septima ejusdem mensis die primam Deo hostiam ad aras litavit, deinceps cellæ Vinarie præfectus; sed 1714. ad Canonicam Congregationis nostræ cathedram evocatus illi tum Prisingæ, tum Michaelfeldæ totum sexennium præsedit, quod alterum domi anno 1721. Prior electus, ac 1724. confirmatus Monasticæ Disciplinæ impendit. Granarius deinde 1727. & Archiviarius rem œconomicam promovit, anno 1731. denud integro triennio Prior, donec 1734. Lycæi Frisingensis Regens, ac SS. Canonum Professor reuunciatus est, primus ab Eminentiſſimo ac Serenissimo Principe ac Præfule Theodoro ex illius Lycæi Regentibus inter Ecclesiasticos Consiliarios adlectus. Septenniō ibidem expletō Salisburgum accitus supremâ Juris utriusque Laureâ redimitur 1741. 23. Aug. atque denuo Jus Pontificium docuit, donec editis pluribus Thesibus, seu variarum Canonicarum quæstionum elucubrationibus Anno 1743. die 30. Julii unanimi calculo Abbas sit electus, Confirmatus verò 23. Aug. ac 10. Ienni benedictione consecratus 25. ejusdem mensis, ac anni die. Anno denique 1747. exiguo temporis intervallo simul Lycæi Frisingensis, Universitatis Salisburgensis, ac Exemptæ Congregationis nostræ Præses renuntiatus est, quod ultimum dignitatis officium jam in tertium triennium confirmatus adhuc hodie gerit, Quinquagenarius Ordinis ac Monasterii hoc ipso nostro millesimo anno Professus, cui Deus O. M. Jubilæum quoque Sacerdotium ac Regimen clementer indulgeat!

S. II.

Labores Literarii Confratrum Viventium.

2. **A.** R. R. P. Veremundus Eisvogel p. t. Senior, olim in Communi Congregationis nostræ Studio S. Scripturæ Professor, ac Concordantiarum nostrarum præcipuus promotor, præterea complures Asceticos libros typis vulgavit: *Concordiam animæ Benedictinæ cum Deo*, seu Meditationes quotidianas ex vitis Sanctorum Ord. nostri: *Mane nobiscum*, seu exercitia quotidiana, Devotiones, ac institutiones pro usu Tyronum nostræ Congregationis, item *Recipe Medice. Christianum* pro piè exercitantibus, *Consolatorium animæ* pro Patribus Spiritualibus seu confessoribus &c.

A. R.

A. R. R. P. Virgilius Sedlmayr SS. Theolog. Exam. & Approb. Philosophiæ ac Theologiæ per 20. annos Professor emeritus vix non integram utramque Disciplinam plurimis editis Thesibus illustravit. Ejusdem etiam elucubrationes de famosa controversia circa amorem Dei purum vel interessatum omnium manibus tenentur.

A. R. R. P. Coelestinus Leuthner in Frisingensi Lyceo, ac Salisburgensi universitate per plures annos Humaniorum, ac Rhetorices Professor hujatis historiæ auctor Opuscula varia Comica, Poetica, & Affectiva edidit, alia ex Italico Vermone translata Latina aut patriâ linguâ donavit.

A. R. R. P. Alphonsus Campi J. U. Doctor, ac olim Sacrorum Canonum tum in Communi Studio tum in Principali Monasterio Corbejensi SS. Can. Professor ex eadem facultate Theses edidit, Libros plures scripsit publica luce dignissimos.

A. R. R. P. Gregorius Zallwein J. U. Doctor noviter erecto Clericorum suorum seminario à Reverendissimo ac Celsissimo S. R. J. Principe DD. Josepho ex Comitibus de Thun Episcopo Gurcensi primus Regens ac SS. Theologiæ Professor datus, p. t. in Universitate Salisburgensi SS. Canonum Professor, Theses plures eruditissimas, seu *Prolegomenales ad Jus Pontificium Dissertationes* typis vulgavit.

A. R. R. P. Josephus Maria Packenreith Philosoph. Doct. SS. Theolog. ac J. U. Exam. & Approb. superioribus annis in Comm. Studio Philosophiæ Professor plures ex eadem Disciplina Theses, sub. Tit. *Ufus contra abusum Logica Sophistica & usus Logica Analytica & Sapientia* publici juris fecit.

A. R. R. P. Bernardus Hipper vitam S. P. Renedi à Cesare Calino conscriptam criticis notis auxit, atque eandem, ac plura hujus Auctoris opera in patriam, nuperrimè verò *Maratorium de navis in Jurisprudencia* occurrentibus &c. &c. in Latinam linguam transtulit.

3. Ceterum, cum vix non omnes ex vivis Confratribus in commendandis S. Scriptura Concordantiis egregiam, ac indefessam operam navaverint, ut neque illis debita laus decedat, Apostolicum Breve subnectimus, quo nostros labores Sanctissimus in Christo Dominus, ac Pater Benedictus XIV. Pontifex Maximus honorare dignatus est.

BREVE APOSTOLICUM.
DILECTO FILIO
B E D Æ A B B A T I
WESSOFONTANO,
P R Æ S I D I
CONGREGATIONIS
BENEDICTINO-BAVARICÆ.

BENEDICTUS PP. XIV.

Dilecte Fili salutem & Apostolicam Benedictionem. Magnam sane ex epistola tua de Concordantiis SS. Bibliorum nova & hactenus non visa methodo, commodiori ordine, sensuque pleniori concinnatis in lucem edendis anno proxime elapso ad Nos data spem conceperamus, fore nimirum opus hujusmodi, etli cæteris præstantius, non tanti tamen faciendum, quanti re ipsa experti sumus. Nam non sine ingenti lætitia pœne hæsimus hesternæ die, cum Dilectus Filius **MARCUS CARCANUS** Palatii Nostri Apostolici in munere Adjutoris Bussolæ constitutus, Nobis in primis acceptus, qui insigne Congregationis tuæ negotia jam diu accuratèque in hac alma Urbe Nostra gerit, volumina illa typis impressa, Nobisque inscripta, tuo & ejusdem Congregationis nomine obtulit. Quoad autem per tempus Nobis licuit eadem volumina revolvere, mirati profecto sumus immensos labores cum diuturnis assiduisque plurimorum Congregationis tuæ virarum sapientia, prudentia, & omnigena eruditione insignium studiis conjunctos, quorum opus fuit, ut pro votis edito hujusmodi omnibus numeris absoluta prodiret, & communi applausu ubique exciperetur, & maxime omnibus Orthodoxæ Fidei cultoribus Divinarum Scripturarum studiosi utilitati futura esset, quemadmodum Nobis omni procul dubio auguramur. Eapropter tibi, dilecte fili, tuisque alumnis ex corde gratulantes meritas quoque Apostolicæ prædicationis laudes rependimus, & gratum obstrictumque Pontificium animum Nostrium tam pro eximio munere, quam pro ejusdem operis dedicatione profitemur. Etsi autem pro certo habe-

S. III. Memoria Confratrum defunctorum &c.

habemus, ab Omnipotenti DEO, pro cuius Divini honoris increment tot suscepisti labores, uberrimam celestium charismatum mercedem Tibi ipsique Religiosis Alumnis retribuendam esse; Nos tamen, vobis persuasum esse cupimus, opportunas pastoralis occasionem, per quam Nostra etiam remotionis argumeta vobis praebeamus. Ceterum te dilecte fili, & ejusdem Congregationis Alumnos, quamvis sponte tuoque auspicio ac ductu propensos rogamus & hortamur; agere, & a DEI eloquia dulciora super mel & favum semper inedicanda; novisque Christianae pietatis & Catholicae eruditionis vestrae documentis adaugenda operam omnem studiumque traducite, ut per consolationem scripturarum spem habeatis, firmiori prophetico sermone attendentes quasi lucernae lucenti in loco caliginoso, donec dies elucescat, & lucifer tan in vestris, quam in omnibus Christi fidelium cordibus oriatur. Interin tibi, dilecte fili, & universis Congregationis Religiosis viris Apostolicam Benedictionem peramanter impertimur. Datum Romae apud S. Marian Majorem sub annulo Piscatoris die XX. Septembris MDCLL Pontificatus Nostri anno duodecimo.

CAJETANUS AMATUS

S. III.

Memoria Confratrum defunctorum sub Beda Abbate.

AR. R. P. Meinradus Franck vir spectatissimae virtutis, ac maximae in rebus agendis dexteritatis, ac prudentiae, quae sibi ad amorem ac familiaritatem usque primae nobilitatis Viros ac Maggates concilia vit, Monasterii plurimis negotiis, ac muneribus gnaviter, & felicitate gestis, ac saepius Prior salutatus, fractus demum senectute, ac laboribus diem supremum obiit 9. Augusti 1745.

Hunc anno sequente 1746. 13. Decembris secutus est A. R. R. Venerabilis Senior noster P. Sebastianus Hentschuecher, integerrimae vitae, ac singularis innocentiae senex, ac Jubilaeus Ordinis Professus, super peritiâ, ac industriâ rem domesticam, cui à multis annis praeerat, insigniter curavit, ac promovit.

A. R. P. Hermannus Aussenstorfer vir per omnia utilis, ac indefessus, dum Wessobontanz Parochia: prefectus infirmis ovis ad aeternitatem parandis sollicitam operam exhibet, ac jamjam eadem lucu affarus cum Parochianis Andecium peregrè abijt, ibidem pastor bonus pro ovibus animam posuit, 1747. 16. Maii in Sacello SS. Sacramenti ad pedem montis sepultus.

Anno 1750. 9. Decembris mortuus est A. R. P. Marianus Wiser vir à natura, & gratia copiosis donis ornatus.

A. R. P. Edmundus Schwaiger, postquam multis annis Oeconomica varia officia gnaviter gessit, per sexennium denique Prior anno 1752. 14. Septembris in festo B. V. Mariae de mercede laborum suorum premia (ut pie speramus) percepturus ad plures abiit.

Denique paucos ante dies nempe 26. Augusti nobis communi nostrum planctu ereptus est A. R. P. Ruperrus Mayr ad summa quæque natus, aut factus potius à natura cunctis se amabilem & affabilem præbens, diversa officia maxime cum laude gessit, Parochus præsertim zelosissimus, atque Sacri Cursionis Officiò immortalis etiam, dum de cathedra inchoatis jam Missarum solemnibus ad populum verba facit, apoplexiâ tactus post brevem luctum tranquillius expirat.

His ergo ac omnibus monasterii nostri defunctis Confratribus, Benefactoribus, ac familiaribus, ut Deus O. M. isto Jubilæo anno, ac tempore poenarum indulgentiam concedere ac requiem æternam donare dignetur, nobiscum Candide Lector precare.

Ut in omnibus glorificetur DEUS.



CATA-



CATALOGUS

CONVENTUS WESSOFONTANI.

- V**en. D. P. Bonifacius Wagner Rottenfis Bojus, Prior.
 R. P. Dominicus Hagenauer Salisburgensis, Sub-Prior.
 R. P. Veremundus Eisvogl VVeilhaimensis Bojus, Senior.
 R. P. Benedictus Millbaur Erdinganus, Bojus.
 R. P. Virgilius Sedlmayr Stadlensis Bojus.
 R. P. Amantius Franck Obern-Viechtachensis Palatinus.
 R. P. Coelestinus Leuthner Traunsteinensis Bojus.
 R. P. Alphonsus de Campi, de monte sancto Bullanensis Tyrolensis,
 R. P. Paulus Nagl Alten-Frauenhofensis Bojus.
 R. P. Gregorius Zallywein Obern-Viechtachensis Palatinus.
 R. P. Josephus Maria de Backenreith Landshutanus Bojus.
 R. P. Udalricus Mittermayr, Augustanus Suevus.
 R. P. Bernardus Hipper, VVeilhaimensis Bojus.
 R. P. Petrus Marstaller, Mundrachingensis Bojus.
 R. P. Maurus Beyrhamer, Salisburgensis.
 R. P. Placidus Kellner, Frunheimensis Suevus.
 R. P. Romanus Kandler, Veldenfis Bojus.
 R. P. Thassilo Beer, Schongaviensis Bojus.
 R. P. Anselmus Kaffl, Augustanus Suevus.
 R. P. Leonardus Schmid, Landspergensis Bojus.
 R. P. Bonaventura Völckhl, Ensdorffensis Palatinus.

R. P.

R. P. Sympertus Schwarzhueber, Augustanus Sutvus.

R. P. Maximinus Eckart, Yfmenfis Algoius.

R. P. Sebastianus Altinger, Veldenfis Bojus.

R. P. Angelus Maria Widmann, Beissenbergensis Bojus.

R. F. Engelbertus Goggl, Tegernseensis Bojus.

R. F. Pontianus Schallhard, Salisburgensis.

R. F. Joannes Damascenus de Kleienmayr ex valle Zilleriana, Tyrolensis.

R. F. Augustinus Ashpacher ex valle Achenfi, Tyrolensis, Novitius.

F. Thiento Sailer, Wessofontanus Bojus conversus.

F. Waltho Pambler, Arnschvvangensis Bojus conversus.



INDEX

Index I. Historicus

Rerum, Locorum, ac Personarum notabilium,

In hoc opere occurrentium.

Errox numerus paginam, posterior marginalem notam indicat: Persona etiam haud ita celebres plerumque ad loci aut Styripis cognomina referuntur.

A.

Abbates, ab Imperat. & Episcopis constit. & obtruduntur, 36. 7† 65. 2† 115. 8† 293. 1. Divin. officium liberè disponunt. 235. 1. † 285. 7. *Secundariis* quid? 279. 2.

S. Adalbero Ep. Aug. 58.3. † 59. 6.

Adalbero S. Udalrici nepos an alumnus, aut Monachus Welfosont. 63. 2† 64. 4.

Adalberonis ex Praepos. Monast. VIII. Monach. & Abb. X. Regulæ relictoris acta & fata. à fol. 106. E. &c.

Adalbero Monach. ob virtutem exul an noster? 160. 7.

Adelbelmi nostr. Mon. Abb. IV. acta & fata 78. 1. &c. an *Adelmannorum* styripa oriundi? ibid. 2.

Adelmarz nostr. Mon. Abb. II. acta & fata 72. 1. &c.

Adelperti nostr. Mon. Abb. XII. acta & fata 120.

Admontensis Monast. inclusa B. Agnes 172. 1† 188.

Adrianus IV. PP. Monast. nostri Protector 195. 6.

Advocati Monasterii liberè eligendi 125. 1. † 136. 4. † 227. 20. Prohibitis Subadvocatis 135. 1. † 136. 4. Sæpius nocivis 120. 2. † 208. 3. † 213. 11. † 230. 25. &c. † 309. 7. †

B. Agnes Welfratshusa inclusa Admontensis Reformatrix Hohenburgensis 172. 1. † 189.

Adelberti monast. nostri Abb. XIX. acta & fata à fol. 234. 1. an Ejusdem cum Abb. anonymo Raderi in Ba. *Sancta*? 240. 11.

Alberti & Christophori Bav. Ducum dividia composita 357. 12. vide etiam, P. II. statuum nobiles in hac Causa Deputatos.

Altaaba inferioris Monast. initia 15.

(a)

22

Index I. Historicus.

- 22.† 28. 44.† 34. 4. *Thassilo* doctor ib. colonia, & Præsules nobis dati 26. 41.† 28. 43.† 49. 1.† 86. 3.† 90. 1.† 90. 4. *Cassimense* & aliis Monast. Abbates dati 90. 4.† 33. 4.† 37. 9. Imperat. quid debuit? 53. 3. *Utile* cum uxore an ibi sepulti? 28. 45 &c. *Wolpertus* Abb. interest Conc. *Dingolfing*. 50. 3.
- Alteba Superioris* an *Utile* fundator? 15. 23. Imperat. quid debuit? 53. 3. *Ernestus* Abb. interest Conc. *Dingolfing*. 50. 3.
- Altbemense* Conc. an *Arnulphum* Bav. Ducem fidel. commun. movit? 60. 2.
- Altomynster* Monast. translatio 19. 28. Abbatissa S. *Euphemia* Diessensis 296. 2. Abbatissæ aliæ 311. 12. fata 54. 5.† 69. 3. ord. S. *Brigida* traditum *ibid.*† 296. 2.
- Altorf*. Monast. 96. 3.
- S. *Amantii* M. corporis translatio & cultus in nostro Monast. 462. 8.
- Ambirgow* Monast. 19. 28.
- Amorbach* Monast. 337. 4.† 343. 6.
- ANDEX Comit. in Ordines Religiol. beneficia 66. 3.† 69. 2.† 97. 7.† 82. 1.
- S. *Montis* reliquiarum documenta, trans- & relata 83. 3. ad Ordinem Benedictinum translatio 351. 15. &c. Joannes Monach. nobis in Abbatem datus 30. 3. *Leonardus Hofmannus* ex Mon. & Abbate Monach. & Parochus *Wessotontanus* 594. 2. *Georgius* Abb. & *Casparus* Administrator *Wessotontani* Monach. *ibid.* 3. & 4.† 400. 10. B. V. M. statuz à *Suecorum* iniuriis miraculo servatz. 450. 19.
- Anbusanum* Monast. 336. 3.
- Anniversar.* fundat. memorabiles formulæ 258. 18.† 259. 19.
- Annorum Domini* computatio antiqua? 14. 21.
- Anselmus* Monast. nostri Præpos. VI. 91. 6.
- Apfeldorff*. præd. Monast. tradita 140. 5.
- Aquisgranensis Concilii* de Monast. statuta. 53. 3. de vita Communi Clericorum 87. 1.
- Arnulphus malus* Bav. Dux an bene malus dictus? 60. 1.† 84. 5.
- Atto* ex Abb. *Scarantiz* Ep. *Frising.* 3. 2.† 33. 2.† 38. 13.† 51. in not. *Litt. O.* Abbas adest Concil. *Dingolfing.* 50. 3.
- Attonis* Religiosi quid? 161. 1.
- Au* Monast. initia, an à *Thassilone*? 34. 5. fata *ibid.*
- Aventini* de nostr. Monast. Fundatore hallucinationes à fol. 6.
- Augia dives* Monast. dat Ecclesiis Præsules 49. 1.† 114. 6.
- Augustana Ecclesia* ac Diocesis ultra *Lycum* ampliatio 53. 2.† 55. in not. *Litt. m.* Sacrorum Jus an iam prius extensum? 49. 2. ad Principatum evectio 97. 7. Dotatores insignes 95. 2.† 277. 4. Advocati 209. 5. Tumultus domest. ac belli ex *Henr. IV.* Schis-

Index I. Historicus.

Schismate, & *Welfon*. invidia Civit. præcipue perniciosi 113. 4. &c. † 209. 5. Ex Hæresi Lutheri 392. 3. Sacrorum interdictum 264. 6. Historicus Stephani nostri Episcoporum Catalog. MS. 56. 2. vide P. II. p. 73. Præsules Monast. nost. Benefici. 64. 4. † 85. 1. † 95. 1. † 112. 1. † 118. 4. † 128. 1. † 129. 2. † 245. 6. † 248. 9. † 296. 7. † 277. 3.

Augustana Civit. *Monasteriorum* Benef. *Hartmannus* Ep. 277. 4.

Augustanum SS. *Udalrici & Affra* Monast. vide Litt. II.

Augustanum miracul. SS. *Sacramentum* à *Ludovico* Mon. nostro verbis celebratum 261. 3.

Austria in peculiarem Ducatum erecta 195. 4.

Austriaca domus per V. *Wulfbildem* nostram cum *Bavarica* nexus 178. 6. Beneficia in Monasterium 348. 6.

B.

- *Barbati* Religiosi quid? 161. 1.
- *Basileensis* Conc. de reform. ord. nostri cura 343. 6.

Bavaria quomodo olim in Marchias divisa? 16. 26. in Provinciam redacta 51. 5. ab *Austria* Marchionatu avulsa 195. 4. Tempestatis varia iniuria afflicta 195. 5. Interdicto subiecta 264. 6. † 270. 9. † 272. 12. *Bavarici* manci-

patus species 271. 10. † 296. 2. † 310. 10. † 330. 20.

Bavaria Sancta an S. *Theobaldus* Presb. & Erem. inscribendus 138 5. Inclusæ O. S. B. Sanctitate inclitæ 172. 1. &c.

Bavarica domus cum *Austriaca* & *Saxonica* per V. *Wulfbildem* nostr. iuncta 178. 6. † 181. 6.

Bavarico-Benedictinæ Congreg. accedit Monast. nostrum. 461. 4.

Bedæ Abbatis nostri Monast. LVI. chronologia. 505. 1.

S. BENEDICTI *Regula* propagatio + 29. 46. in Ecclesiis *Cathedralibus*. 35. 7. † 29. 46. † 45. 5. inter *Regulares Canonicos* 87. 2. &c. *Ordinis* Religiosorum variz classes ac munia 161. 1. Inclusarum vita aspera 171. 1. Abstinencia à carnibus, qualiter olim, & quamdiu vixit? 382. 8. &c. Habitus ab Episcopis assumptus 129. 1 & 2. † 132. † 209. 1. † 266. 4. Monachi in Episcopos assumpti 33. 2. † 29. 46. † 58. 1. & 3. † 93. 2. & 3. † 96. 5. † 114. 6. † 209. 1. Provincialia Germaniæ Capir. iussu Concilii *Constant.* & *Basileensis* ordinem reformantium celebrata 334. 4. † 336. 3. & 4. † 337. 4. † 343. 6. † 349. 9. &c. 368. 3. *Confraternitas* *Wessofont.* & reliqua donata. 496. & seqq.

Benedictoburgenum Monasterium an habet eosdem nobis eum fundatores? à sol. 6. 4. &c. Fundatio miraculo clara. ibid. dotatur à
(a) 2 Thassi-

Index I. Historicus.

- Thassilone 35. 6. Primi præfules. 10. 15. Lantfridus Abb. interest Conc. Dingolfing 50. 3. dat aliis Monast. Præfules ac Colonias 10. 15. † 27. 41. † 44. 1. id debuit Imperat. 53. 3. Intrusi Abb. *Snelbardi* mercenaria fuga & mors 65. 2. *Adalungi* Mon. veridicum de ruinis Monast. vaticinium 65. 2. desolatum, & restauratum, 85. 1. † 88. 3. † 91. 6. † 94. 5. & 6. † 94. 6. Abbas Wilhelmus Ord. nostrum in monte Andecensi introducit 352. 16. flammis vastatur 366. 13.
- S. Benedictus* Ananienfis Abb. Præses Cone. *Aquisgranensis*. 53. 3.
- Benedictus I.* nostr. Monast. Abb. VIII. Script. Poeta & Mathemat. à fol. 62. 1. Eiusdem Calendarium MS. 62. 1. †. 134. 3. † vide P. II p. 1. An instruxit *Adalberonem* nepotem *S. Udalrici*? 63. 2. † 64. 4.
- Benedictus II.* nostri Monast. Abb. XLV. 390. 1.
- Benedicti III.* Abb. nostri Monast. XLVIII. acta 404. 1.
- S. Benonis* Ep. miracula & cultus Monachii 414. 8.
- Berch* Monast. unde ejus initia? 54. 5.
- Bernardi* Abb. LI. acta, 442 & seqq.
- Bernriedense* Monast. inclytum à *Paulo* Scriptore 150. 2. † 160. 7. † 184. 1. &c. † & *Gregor. VII.* defensore 169. 4. à sepulchro *B. Herluca* 186. 6. à *Joanne II.* Præpos. Synod. *Laingana* præsentè 330. 20.
- Beyrbergense* Monast. inclytum à sepulchro & cultu *B. Henrici* Erem. 163. 5.
- Bieberbach* præd. Monast. nostro donat. 22. 34 † 125. 1. † 116. 2. à libris vindicatum 147. 2. &c. 196. 7. † 227. 21.
- Biburgenfis* Abb. *S. Eberhardus* Episcopus Salisburg. 132.
- Bohemia* ab *Arnulpho* Bav. Duce Cæsari subiecta 61. 3.
- S. Bonifacius* Episcopus Mogunt. hortator fund. Monasteriorum 10. 14 † 45. 3. & 5. An & nostri? 26. 41. an consecrator nostræ Ecclesiæ? ibid. quo anno Martyr occubuit? ibid. Regulam *S. Benedict.* propagat 29. 46. quare in divisione Diocesum omisit *Sabionensem*? 49. 2.
- Brixina* Sedes Episcopalis, ac Diocesis *Sabrona* translata 49. 2. † 53. 2.
- Bruno* Ep. Aug. de sua Ecclef. & nostro Ordine optimè meritis 97. 7.
- Brunswicense* Monast. 336. 3.
- Buxeria* Abbatissa *B. Rothildis*. 172. 1.

Index I. Historicus.

C.

Casarea Monast. ex Episcopo Aug.
Monachus *Sigibotto* 266. 4.
Campidonensis Monast. restauratio
85. 1. Episcop. Aug. Ecclesie
datus 114. 6.
Canonicorum Reg. S. Aug. Ordo
quando his nostris partibus im-
plantatus? 86. 2. an aliquando
nostrum Monast. occupavit?
ibid. qua olim usus vivendi nor-
ma? 87. 2. *Conventus* nomine
utitur 311. 11.
Canonizatio SS. solemnisi à S. *Udal-*
rico coepta 96. 4.
Carantani ope *Thassilonis* Bav.
Duc. conversi, & domiti. 3. 2.
Carleburgense Monast. à quo fun-
datum? 15. 24.
Carolus M. Bavarie utiliter impe-
rat 16. 25 † 51. 5.
Caspari Monast. nostri Abbatis
XLIII. acta à fol. 379. 1.
Cassinese Monast. à *Conrado II.*
Imp. defensum 94. 5.
Chiemesee Virorum Monast. initia
35. 7. fata varia ibid. an per
Abbatem interfuit Conc. *Din-*
golfing.? 50. 3. Episcopatus
erectio 35. 7.
Chiemesee Regio Parthenoni à *Thas-*
silone fundato. 36. 8. frustra à
Conrado I. Episc. Salisburg. Reg.
S. Aug. 36. 8.
Cbuno Ep. Ratisbon. Benedictinis
restituit *Waltenburg* Monast.
42. 43.

S. Cbunegundis Imperatr. *Consu-*
giensis Parthenonis O. S. B.
fundatr. ac monialis 94. 4.
Cistercienses quo olim habitus co-
lore usi? 316. 24.
Gochalensis Monast. initia à fol. 7.
&c. † 46. 6.
Concilia: *Dingolfing.* I. 50. 3. *Din-*
golfing. II. 61. 3. *Reyspacensis*
52. 1 † 135. 3. *Aquisgranense*
53. 3. *Alchemiense* 60. 2. *In-*
gelheimense 96. 5. *Francofor-*
diense 4. 3. † 97. 7. *Bamber-*
gense, & *Seligenstadiense* ibid.
Sardicense 102. 5. *Worma-*
tienne 117. 2. *Lauingantum* 330.
20. *Constantiense* 334. 4. *Basi-*
leense 343. 6.
Confederationum Religiosarum
motiva, & Littere 359. 14.
Confugiensis Parthenon 94. 4.
Conradi II. Imp. in Ord. nostrum
merita 94. 5.
Conrad. I. Abb. nostri Monast.
XVI. 205.
Conradi II. Abb. nostri XX acta,
& fata à fol. 241. 1.
Conradi III. Abb. nostri XXIV.
acta, & fata 276. 1.
Conradus Pozzo, Monach. &
Chronographus Wessofont.
253. 16 † *vide etiam* P. II. f.
26 † 29. † 34.
Constantiensis Ecclesie Episcopo
Salamoni facte iniurie à Conc.
Altbemiensi vindicate. 60. 2.
Cremisanensis Monast. initia 7. 5.
† 5. in not. Litt. 8. † 19. 29.
(2) 3 † 21

Index I. Historicus.

† 21. 32. 36. 9. olim in Bava-
 varia siti 54. 5. primus Abbas
 34. 4. Imperatori debita 53. 3.
 † 54. 5. Restauratores. 37. 9.
 † 85. 1.

Creüzberg, S. Crucis mons BB.
Tbientonis & Soc. MM. mortis
 66. 4. & primi sepulchri locus
 67. 5. Sacello & beneficiis in-
 clitus ibid. † 408. 8.

D.

Dabba Ep. S. *Virgilii* comes
 35. 7.

Decima Monast. nost. donata vide
Wessofont. Monast. Litt. W.
verbo Benef. Acquisita 129. 1.
 † 197. 9. † 327. 12. † 396. 5.
Confirmata vide Litt. *D. verbo*
Diploma. Litibus ereptæ 236.
 5. *Minores* Ecclesiarum nostr.
 incorp. à Pſebanis emuntur
 328. 14.

Defiderius Rex Longobardorum,
Tbassiloni Genero Regni par-
 tem an cessit? 2. 1. † 26. 40.

B. Diemodis primæ Parthenonis
 nostr. alumnae virtutes 171. 1.
 &c. labores Litterarii 75. 5. †
 166. 1. &c. quanti facti? 168.
 3. † 170. 6. familiaritas cum
 B. *Herluca* 169. 5. vitæ tempus.
 ibid. n. 4. & 5. Sepulchrum, &
 S. Corporis translat. 67. 5. &c.
 † 71. 5. † 174. 7. &c. cultus,
 & Sanctitatis encomia 169. 4.

† 171. in not. *Litt. i* † 175.
 9. † 254. 17.

Dingolsingani I. Conc. 3. 2. Pa-
 tres 50. 3.

Diplomata Summorum Pontificum.

Innocentii II. de protect. deci-
 mis & privileg. Mon. nostri 124.
 1. *Adriani IV.* de protect. Mo-
 nasterii. 195. 6. *Alexandri III.*
 de Turbis domesticis 210. 6.
 Eiusdem de confirm. Boçin.
 present. & possess. nostr. 224.
 18. † 225. 19. *Honorii III.*
 contra iavasores Bonorum 238.
 6. Eiusdem de protect. Monast.
 & administrat. Paroch. *Landt-*
sparg. 238. 7. *Gregorii IX.* de
 incorporat. Paroch. Rott. 242.
 2. de protect. Monasterii 243.
 3. contra iavasores bonorum
 Monasterii 243. 4. † 244. 5. de
 reconciliatione Monach. 252.
 14. *Innocentii IV.* contra iava-
 sores bonorum Monasterii 266.
 2. & 3. de confirmat. & defen-
 sione Juris Patronatûs de *Wail-*
baim. & *Wienbach.* 267. 4.
Martini IV. de restitut. bono-
 rum Monasterii 281. 2. *Hono-*
rii IV. de eodem argumento
 286. 10. *Bonifacii VIII.* de eo-
 dem 295. 5. *Bonifacii IX.* de
 incorporatione Parochiarum
Landtsparg. & *Wailbaimenfi*
 323. 3. *Parrensis* 324. 4. de usu
 Pontificalium pro Abb. nostris
 specialis 324. 5. de restitutione
 bono-

Index I. Historicus.

bonorum Monasterii. 325. 6. *Gregorii XII.* de eodem argumento; *ibid.* *Joannis XXIII.* de eodem 332. 2. *Eugenii IV.* ad *Udalric.* VI. Abb. nostrum de vindicandis bonis *Ettalensium* 345. 11. *Pii II.* de protect. Monast. nostri 350. 13. *Pauli II.* de confirmat. Bonorum Monast. & Paroch. Rott. & Issing. 355. 9. Eiusd. de promulgatione incorporatarum Ecclesiarum *Pöllingensium* 358. 13. *Innocentii VIII.* de confirmatione nostrorum bonorum & Ecclesiarum 356. 10 † 364. 5. de incorporatione Paroch. *Pessinganz* 364. 5. *Joh. II.* de confirmat. bonorum & Decimarum *Taettenschwang.* 375. 11. *Clementis X.* de Communicatione Privileg. *Cassinensium* Monast. nostro facta. 461. 3. *Benedicti XIV.* de Privileg. & Indulg. *Vilgershoviensibus* 469. 21. † 496. 21. de Concordantiis *Wessofont.* 508. **Cardinalium** de Indulgentiis Eccles. nostr. 73. 2 † 256. 11. *Joannis* Card. & Ep. *Frising.* de hisdem 342. 4. **Cardinalium** de Indulg. Altaris SS. XIV. auxiliatorum. 362. 18. **Episcoporum.** *Hermannii* Augustani de erectione & Decimis Paroch. *Wessofont.* 118. 4. *Waltherii* August. de decim. *Pergens.* & *Pözenbusanis* 128. 1. *Henrici* Ratisbon. de Decim.

Reispacens. & Eccles. *Engelmarisberg.* 130. *Ottonis II.* *Frising.* de decimis *Menzinganis* 237. 8. *Sigefridi* August. de incorpor. Paroch. Rott. 245. 6. *Sibottoni* Aug. de Patronatus *Weilbaim* & *Wielenbach* confirmat. 269. 7. *Hartmanni* Aug. de Indulgent. Eccles. nostr. 276. 4. de incorporatione Eccles. *Landtsperg.* 277. 3. **Episcoporum** diversorum de Indulgentiis Eccles. nostr. 287. 11. *Hartmanni* Aug. de confirmat. eorundem 288. 12. & 14. *Wolfhardi* Aug. de eodem argum. 294. 4. *Friderici* Curienfis de Indulgent. Eccles. *Vilgertshou.* 290. 17. *Friderici* Aug. de controversia Monasterii nostri cum *Stamsenfibus* 306. 1. **Imperatorum.** *Friderici I.* de Advocatis, & Sub-Advocatis Monasterii, servitiis Imperatoris, donatione Feudorum 157. 5. *Henrici IV.* de Advocatis dandis 227. 20. & 21. *Friderici II.* de donat. & restitut. Monast. nostro faciendis 246. 8. Eiusdem de donatione villarum *Roremos* & *Porßadl* nobis facta 248. 10. *Conradi IV.* de confirmat. Paroch. *Landtsperg.* 268. 5. *Ludovici IV.* de Privilegiis Monasteriorum *Bavariæ* 314. 15. **Ducum.** *Ottonis IV.* *Bav.* de donat. Patronatus *Weilbaim* & *Wielenbach* 269. 6. *Stephani, Joannis, Ernesti, & Wilhelmi* *Bav.*

Index I. Historicus.

Bav. de Privilegijs Monasteriorum 325. 7.
Diptychum quid in Ant. Eccles. erat? 98. 2.
Donationum antiquarum solemnitas 219. 6.
 V. Douda Magistra B. Herlucz 184. 3.

E.

Eberhardus II. Episc. Salisburg. instituit Episcopatum Chiemensem. 36. 7.
 Eberhardus Ep. Aug. Ord. nostr. Benef. 97. 8.
 Ebersperga Monast. O. S. B. Principale Monast. 280. 1. dat alijs Monast. Restaurat. & Abbates 42. 23. † 88. 3. † 280. 2. alit Benefactorem Westfontanum. 473. 30.
 Ecclesiarum S. Supellex qualis olim? 110. 1. &c. Eiusdem obsoleta nomina explicantur. ibid. 10.
 Electionis Ep. ac Abb. ius violentum penes Imperatores ac Episcopos 36. 7. † 37. 9. † 56. 1. † 65. 2. † 113. 4. † 115. 7. & 8. † 293. 1. restitutum 56. 1. † 117. 2.
 Ellilandus Monasteriorum fundat. & Archimandrita. *vide Lantfridus*.
 Elvacense Monast. An interfuit Conc. Aquisgran. 53. 4. Abbates S. Adalbero 58. 3. Gebhardus Episcop. Aug. 56. 1.

Embriconis Ep. Aug. Pacis inter Imperat. & Pont. Fecialis maxima in monast. nostr. beneficia 106. 1. † 112. 1. † 113. 3.
 Emmerami Monasterii Thassilo Dux & Carolus M. Benefactores? 37. 10. Ramvoldus Praepos. & Abb. 86. 3. Inclusa S. Aurelia 172. 1. Monachus Henricus Ratisbon. Ep. 130. Dorator S. Henricus 94. 4. Exemptio, ac libertas defensa ibid. Praecedentia 132. Princip. dignitas restituta 37. 10.
 Ensдорff, Monasterii quinque fundatores 37. 11.
 Epsach (olim *Heptaticum*) Sueviae vicus à sacris, & profanis antiquitatibus celebris. à fol. 189. 1. † 217. 2. † 219. 6.
 Erfordienfis. Monast. Origo. 337. in not. Litt. g. Cap. Prov. celebrato inclitum. 336. 3. † 349. 9.
 Ernestus Bav. Dux Monast. nostri Benef. 326. 8. &c.
 Ethico Ep. Aug. Ord. nostr. Benef. 96. 3.
 Ettalense Monast. per Udalricum V. Westfont. Abb. illuc translatum interest Conc. Constantiensis 327. 11. defendi iubetur à nostro Abb. Udalrico VI. per Eugen. IV. 345. 11.
 Eustadianae Eccles. an Utilis Bav. Dux author? 15. 23. Canonici sequuntur Reg. S. Bened. 29. 46.

F. Falcken-

Index I. Historicus.

F.

- Falckenstenii Comites, Advocati & Benef. Monast. Madron. 82. 2.
 Felix V. Anti-Papa. 343. 5.
 Feuchtwangæ Monast. restauratio 53. 4. † 96. 4. Translatio ad Canonicos 54. 4. † cuius olim Dioecesis? *ibid.*
 Feuda Imperii possunt donari Monast. nostro 136. 4.
 Fiessensis Monast. Abb. Urbanus è Fontibus nostris assumptus quando præfuit? 339. 5. &c.
 Forestum quid nominis? 17. 27.
 Francofordiense Conc. Thassilonis reconciliatione inclitum 4. 3.
 Friderici I. Imp. elogium, ac coronatio 136. 3. † 138. 5. Diploma grat. Monast. concess. 137. 5.
 Fridericus Abb. nostri Monast. XXXV. 336. 1.
 Frisingensis Ecclesiæ Utilo 15. 23.
 Thassilo 33. 2. Otto II. Imp. dotatores 93. 2. Aribo Ep. interest Conc. Dingolfing. 61. 3.
 Otto I. Ep. nostræ Eccles. Sacella consecrat 123. 5. Schyfmaticus Ep. & Card. Joannes quando cœpit quietam possessionem? 343. 5. Ep. Joannes Tulbeck Abbatem & Monast. nostrum benedixit 353. 1. 354. 3.
 Episcopi Protectores Monast. Madronensis 82. 2. &c. Canonici Præpositi Madronenses 83. 4. sequuntur Regulam S. Bened. 29. 46. † 45. 5. Turbæ hostiles 61. 3. † 131. 5.
 Frisingensis Lycæi origo 298. 7.

Fuldenfis Cœnobii Mon. Berengarius Monast. SS. Udalt. & Afræ Aug. obtrusus 115. 8.

G.

- Gailswindis V. Abb. Cochalenfis fundatricis Monasteriorum 7. 6. † 8. 10. vitæ descriptio 44. 1. &c. *vide Landtfridus Litt. L.*
 S. Galli Monast. incendio perit sub Thierone Abb. 68. 1. an eodem cum nostro B. Thientone? *ibid.*
 Monachus S. Reginbaldus Monast. SS. Udalt. & Afræ Aug. primus Abbas. 97. 7.
 S. Gangolfus M. an idem cum S. Wolfgango Episc. ? 145. 6. Eiusdem cultus. *ibid.*
 Gars Monasterii initia. 38. 12.
 Gebhardus è Comit. Ammerthalensibus Ep. Aug. 96. 5.
 Gebhardus nostr. Monast. Abbt. XXVIII. à fol. 296. 1.
 Geisenhusanus Comitatus ab Henrico Ep. Augustanæ Ecclesiæ donatus 95. 2.
 S. Georgii vallis Monasterii quis auctor? 48. *in not. Litt. e.*
 S. Georgii in Sylva Hercinia Monasterii Abbas Theocarius Magister B. Herlucæ 184. 1.
 Georgii Abb. nostri Monast. XLIX. acta à fol. 412. 3.
 Germaniæ celebres Scriptores 312. 14.
 Germanus nostr. Monast. Præpositus III. 90. 3.
 S. Gertrudis Carleburgensis an eadem cum Hiltrude matre Thassilonis? 15. 24.

(b)

Index I. Historicus.

Gisila Regina Monialis Cochalen-
sis 48. 10.

Gnesnensis Eccles. in Episcop. ere-
cta 93. 3.

S. Godehardus ex Canonico 88.
3. plurium Monast. Restaurator,
& Abb. ac demum Ep. Hildes-
heimensis 37. 9. † 88. 3.

Gossensis Parthenon. 36. 8.

Gottwicensis Monast. Monach.
Hartmannus Monast. SS. Udalt.
& Afræ Aug. obtrusus 115. 8.

Grammani Monach. & Dotatoris Be-
nedicto-Burani mira vocatio 46. 7.

S. Gregorii VII. PP. cum Henrico

IV. controversiæ à fol. 113. 4.

Religiosorum quadrata divisio
Germaniæ inventa 161. 1. Qua-
dratura pro defens. Ecclesiæ
169. 4. Adalbero Monach. de-
fensor, an Welffontanus? 160.

7. Theocarius Mettensis Ep. 169.

4. Guiscardus Calabriæ Dux 114.

5. Welfo Bav. defensores ibid.

Grifonis Fratris Pipini R. turbæ
Bavaricæ 2. 1. 15. 22.

Grimoaldi fratris Theodoberti
Bay. Ducis in nepotes violentia,
incestus, & mors 44. 1. &c.

Griseorum Ordo quid? 316. 4. †
331. *in not. Litt. v.*

Guntherus Thassilonis filius Cre-
mifanii fundandi occasio 5. *in*
not. Litt. t. † 19. 29.

Guntherus nostri Monast. Præpos.
IV. 90. 4.

H.

Hagenheim Paroch. Monast. nostr.
incorporata 327. 12.

Hatto nostri Monast. Abb. VI. 59. 5.

B. Hartmannus ex plurium Mo-
nast. Præposito Episcopus Bri-
xinenlis 36. 7. † 91. 5.

Hartmannus nostri Monast. Præ-
pos. V. 91. 5.

Hartwicus Ep. Ratisbonensis in
Ord. nostr. beneficus 129. 3.

Hartwici Ep. Aug. cum Welfone
conversæ 209. 5. &c.

Heidenheim Monasterii restaura-
tio 147. 3.

Henrici I. Imp. Aucupis cum Ar-
nolpho Bav. Duce controversiæ
60. 2. amicitia 61. 3.

S. Henricus II. Imp. Monasteriorum
fundator, Restaurator, & do-
tator 37. 9. † 39. 14. † 41.
19. † 93. 4. Ordinem Benedi-
ctinum Professus ibid. à SS. Be-
nedicto & Erentrude morbis
ereptus ibid. in Sanctorum Fall.
miraculo accedente relatus 126.
2. & *in not. Litt. b.*

Henricus III. Imp. Ord. 94. 6. &
Monast. nostri Benef. 101. 1. &c.

Henrici IV. Imp. Schysma August.
Ecclesiæ perniciosum 113. 4.
&c. † 115. 8 † 117. 2.

Henricus I. Aug. Ecclesiæ Ep. &
dotator 95. 2.

Henrici II. Ep. Aug. in Imper.
Eccles. suam & Ord. nostrum
merita 97. 9.

Henrici de Wolfratshausen ex
Ep. Monachi S. Emmerami in
Monast. nostrum beneficia 149. 4.

Henrici, & Leopoldi. Bav. Duc.
cum Welfone controversiæ 123. 5.

B. Hen-

Iedex I, Historicus.

- B. Henrici ad lacum vermium Eremitæ gesta, inventio, cultus, Ecclesia ac peregrinatio B. V. Dolorosæ** 163. 5. &c.
- Henrici Schyrënsis Monachi, nostri Monast. Abbatis XLII. ac Restauratoris præclara acta, & merita à fol. 370. 1.**
- Herbipolensia S. Stephani & S. Burckardi Monast.** 349. 9.
- B. Herluæ Conversæ vita** 184. 1. **mutuæ cum B. Diemode nostra litteræ** 185. 4. **sepulchrum & translatio** 186. 7.
- Hermannus Wittelspachius Ep. Aug. intrusus** 115. 7. &c. **Ecclesiæ reconciliatus** 117. 1. &c.
- Heptaticus locus quis? vide Epfach.**
- Ia Heuwinckel Beneficæ imaginis B. V. M. cultus.** 454. 13. &c.
- Hildeshemiense S. Gotthardi Monast.** 349. 9.
- Hiltruda Thassilonis mater Eccles. Salisburg. Dotatrix** 2. 1. † 15. 24. **an eadem cum S. Gertrude Carleburgensi? ibid. quando mortuæ? 16. 24. ubi sepulta?** 28. 45.
- Hirsaugiense Monast. dat nostro coloniam** 159. 4. **& ex illa Abbatem** 200. 1. **celebratur ibidem Cap. Provinc. Ord.** 368. 3.
- Hochenburg. Monast. reformatrix B. Agnes Wolfrathhusiana** 172. 1. † 189.
- Hochenwart Monast. inclusa S. Richildis** 172. 1. **Abbatissa & Benef. Clara de Hœchenkirchen** 321. 1.
- De Hœchenkirchen Udalr. V. nostri Monast. Abbas** 321. 1.
- Hoffteten præd. Monast. donatum** 249. 11.
- Holzhausen Eccl. nostro Monast. donata** 119. 5.
- De Horpach Gertrudis nostri Monast. monialis** 223. 16.
- Horsihaningensis Eccl. nostro Monast. donat** 108. 3.
- Huepheri tres an nostri Monast. Abbates?** 317. 26.
- Hugibertus Bav. Dux** 14. 22. **donat Eccles. Salisburg. Savarstedi villam: qualem?** 17. 27. **an eandem cum Monasterio à sedicto?** ibid.
- Hunni Vastatores Germaniæ.** 18. 27. † 34. 5. † 36. 7. † 37. 9. † 39. 14. † 40. 16. &c. † 41. 19. † 53. 4. † 59. 5. † 62. 6. † 65. 2. † 66. 3. &c. † 75. 3. **Victi** 60. 1. † 66. 4. † 80. 18. † 81. 20.
- De Hunfola Adelheida Benef. cum Filla, & Leviro Sigibostone Monasterii Profess.** 139. 1. † 159. 3. † 183. 3.

I.

Jacob Wolfgangus Wessofontanus, celebris Poeta, & Paroch. Landtspergensis 401. 1. &c.

(b) 2

Iffel.

Index I. Historicus.

Iffeldorff Ecclesia Monast. nostro incorporata 165. 11. † 413. 5. † 488. 9.

Taumaturga B. V. M. imago ibidem *vide Litt. H. Heuwinckbl.*

Illmünster Monast. initia 51. *in not. Litt. p.* Utto Abb. interest Conc. Dingolsing 50. 3.

Illunginostri Monast. I. Abb. ex Infer. Quercu 26. 41. † 28. 43. † 49. 1. an Concilio Dingolsing. presentis? 50. 3. an ex hodierna Illungorum Augustan. Patritiorum stirpe oriundi? 49. 1. acta & facta. ibid.

Imperii Romani Chronicon MS. Stephani nostri *vide* P. II. 16.

Inchinga Monast. quando ad Canonicos translatus? 33. 2. † 38. 13.

Inderstorff Monast. à quo fundatum? 38. 11.

Indictio Græca à quo die computanda? 126. 1. quomodo Pontificibus Rom. in usu fuit? *ibid.*

Ingelhemienſe Concilium 96. 5.

Joannes Rosmarekh Monach. & Scriptor Wessofont. 166. 2. † 381. 7.

Joannes nostri Monast. Abb. XL. Andecio postulatus à fol. 363. 1.

Isneſis Monast. Abb. Ruothardus interest Conc. Dingolsing. 50. 3.

Illingæ præd. Monast. donat. 109. 9. Parochia Monasterio incorporata 356. 9. nova Ecclef. decorata & consecrata variè administrata. 467. 16.

Jodocus ex Can. Roggenburgensi & Abb. Urspergenſi Vicarius Gene-

ral. Aug. quando præfuit? 347. 3.

B. Judithæ Conversæ nostræ vita, sepulchrum, ac cœlestis gloriæ à fol. 187. 1. &c.

L.

Landspergæ Civic. Bav. olim Phetine dictæ 238. 7. Domini ibid. præd. Monast. nostro donat. 139. 1. † 183. 3. &c. Parochialis Ecclef. ædificata 351. 14. Ecclesiastica Jura ad Monast. pertinentia 238. 7. † 268. 5. † 277. 3. † 323. 3. † 239. 8. † Concionatorem eligendi facultas civibus relicta 368. 4. Nominationis Jure quando cessantis? 334. 3. † 351. 14. Præsentationis Jus roboratum 371. 4. Parochus Wolfgangus Jacob celebris Poëta 401. 1. &c.

Landspergenſis Capituli ruralis mort. foedus cœptum 321. 8. † vide etiam P. II. 79. confirmatum 340. 8.

Lantfridi cum Fratribus & Sor. Gaislwinde Benedictoburæ & aliorum Monast. fundatoris 7. 6. &c. † 9. 10. † 10. 14. &c. Archimandritæ ibid. † 27. 41. 44. 1. &c. Styrys, vita & mors. *ibid.*

Lantoldi (seu Lupoldi) nostri Monast. Abb. XV. acta. à fol. 200. 1. Lapi-

Index I. Historicus.

Lapides fundendi ars an quondam
vigu? 491. 15.
- Lauingana Synod. 330. 2.
Laureacum an olim Episcop. Se-
des? 33. 3.
Leonardi I. nostri Monast. Abb.
XXXVIII. acta à fol. 346. 1.
Leonardus II. Abbas Monast. nostri
XLVI. 393. 1.
Leonardi III. nostri Monast. Abb.
LIII. acta. 460 &c.
S Leonis IX. PP. de restaurat. Mo-
nast. nostri sollicitudo 91. 7. †
112. 1.
Leopoldi & Henrici Bav. Duc. cum
Welfone controversiæ 123. 5.
De Liechtenstein Irmengardis, &
Williburga nostr. Monast. Mo-
niales 223. 17.
Litteræ divisorie, seu partitoria
quid? 271. 10. earum exemplar.
310. 10. *vide Mancip. Bav.*
Litt. M.
Lorichensis Monast. an Thassilo
fundator? 7. 5. † 43. 24.
Lotharius III. Imp. Monast. nostr.
Benef. 136. 2.
Ludovicus Pius Imp. Eccles. conce-
dit liberam Electionem 56. 1.
Ludovici IV. Bav. Ducis Monast.
nostri Advocati 226. 20. fata
248. 9.
Ludovicus V. Seyerus Bav. Dux
Monast. nostri Benef. 280. 1.
- Ludovici Bav. Imp. Privilegium di-
versis Bavariz Monasteriis datum
314. 16.
Ludovicus Monach, & Scriptor no-

stri Monast. egregius, ac passi-
mus à fol. 257. 1. &c.
Luitpoldi Bav. Ducis mors 59. 5.
Luitburga Thassilonis Coniux 2. 1.
an sibi velamen imposuit? 5. *in*
not. Litt. t. in Monaster. Cocha-
lenfi? 48. 10.
Luitolphus Ep. Aug. Ord. nostri Be-
nef. 96. 4.

M.

Mabillonius de Monast. nostro per-
peram informatus. 472. 29.
Madronensis Monast. à Monach.
Wessofontanis erecti 69. 2. † 82.
1. &c. † 84. 5. Advocati 82. 2.
ruinæ & ad Sæc. Clerum transla-
tio ibid † 83. 3. &c. † 292. 20.
Monachus Conradus de Horn-
stein refert Andecium SS. Reli-
quiarum documenta 88. 3.
S. Magni vita conscripta & Ecclesia
restaurata 58. 1. fons salutaris
191. 4.
Mancipatus Sacri religiosa exempla
222. 14. † 462. 6 &c.
Mallersdorff. Monast. fundatio
147. 3. Monachus P. Alphon-
sus Wenzl 50. annorum Pro-
fessor. 483. 2.
Mancipatus Bavarici species 271. 10
† 266. 2. † 310. 10 † 330. 20.
Manseum Monast. ab Utilone fun-
dat. 15. 23 † 39. 14. à Thassilone
dotatum 39. 14. à S. Henrico re-
stitutum ibid. interest Conc. Din-
(b) 3 gol-

Index I. Historicus.

- golfing. 50. 3. quid debuit Imperat. 53. 3. Ratisbon. Episcopis olim subiectum 133. *in not.*
Litt. F.
Marchia & Marchionum nomen & munus unde? 16. 26.
B. V. MARIAE Immac. Concept. cultus in nostro Monast. antiquitas 205. 12. † 235. 3. **V. Icones & Sodalitates, vide Wessofont. Monast. Litt. W. & Titulos proprios.**
Mariani Mancipatus Religiosa exempla 222. 14. † 462. 6 &c.
Marquardus nostr. Monast. Abb. XXVII, 293. 1.
S. Matthiae Trevir. Monast. scientia inclytum 63. 3.
Mattsee Ecclesia Colleg. olim Monast. 39. 15. † 53. 3.
S. Maximini Episcopi Trevirensis vita 102. 5. &c. **corpus incorruptum denuo humatum** 104. 7. &c. **Reliquiae** 105. 9. **nostro Monast. donatae** 101. 1. **cultus in nostro Monast. 63. 3. † 102. 4.**
S. Maximini Trevirensis Monast. scientia inclytum 63. 3. **Monachi alii Coenobii in Praesules dati** 86. 3. † 90. 1. & 4. **varie pressi** 85. 1. † 93. 1. **Imperatores Benef. *ibid* † 105. 8.**
A enzing praed. Monast. nostro donatum 213. 10. **Jus Decim. vindicatum** 236. 5. **pagus emptus & permutatus** 326. 8.
Meten Monast. dat Monast. Pfaffenmünster Clericorum coloniam 40. 18. **quid debuit Imperat.?** 53. 3. **Vastatum ab Hungaris** 59. 5.
Monachium ad B. V. princeps Templum transfertur Ecclesia Schliersee 41. 21.
Monachis olim animarum cura interdicta 118. 3. **Eorundem paupertas quibus olim limitibus circumscripta** 253. 15. † 254. 17. &c. 332. 1.
Monasteriis Bavariae Privilegia indulta 314. 15. † 315. 7.
De Morenweis Adalhaida nostri Monast. Monialis 141. 6.
Morenweis praed. Monast. nostr. donat. & litibus ereptum 196. 8. **Jurisdictioni Hofmarch. subiectum & vindicatum** 326. 9. † 329. 19.
Mospurgensis Monast. Abb. Reginaldus interest Conc. Dingolfing. 53. 3. an mentio facta in Conc. Aquisgranensi 54. 5. **fata *ibid*.**
Mundraching Eccles. Monast. nostro incorporata 396. 5.
Müllhausen praed. nostr. Monast. donat. 141. 6. & 8. † 149. 5. † 272. 11.
Münchmünster Monasterii initia, & fata 39. 16. † 40. 16.

N.

Neoburgum ad Danub. urbs olim Episcopalis Sedes ac Dioecesis 49. 2. † 50. 3. **Salisburg. Metropo-**

Index I. Historicus.

li subiecta 52. 1. Aug. Diocesi
unitur 55. *in not. Litt. m.*
Neresheim Monasterii initia & fata
40. 17.
S. Nicolai prope Passavium Mona-
sterii quis fundator? 43. 44. †
Præpos. B. Hartmannus 91. 5.
Niderburg Monasterii quis funda-
tor? 15. 23 † 43. 24.
S. Nidgarius ex Abb. Ottoburano
Ep. Aug. 58. 1.
Nobiles tantum quamdiu in nostro
Monast. suscepti? 121. 1. *vide &*
Litt. W. verbo Wessofontanus
Parthenon.
Norberti nostri Monast. Abb. XIV.
acta à fol. 193. 1.
Norimbergæ S. Egydii Monast. Ca-
pitulo Prov. Ord. inclytum 334.
6. † 349. 9.

O.

Oetting. Comit. cum Monast. no-
stro controversiæ 136. 2. † 148.
3. † 227. 21.
Ordinum Religioforum alumni, &
Moniales in varias species, acmu-
nia divisi. 161. 1.
Osterhovæ Monast. Utilo an Fun-
dator & Monachus? 15. 22. &
23. † 28. 45. &c. prima Regula
29. 46. an per Abbatem interfuit
Conc. Dingolfing.? 50. 3. fata
29. 46 † 59. 5.
S. Othillæ V. Ecclesiæ, cultus & be-
nef. 355. 8.

Ottkarius & Albertus Monasterio-
rum Fundat. 51. *in not. Litt. p.*
Ottonis M. Imp. adversus Hunga-
ros victoria 66. 4. † 81. 20. in S.
Udalricum mira veneratio 92. 1.
Benef. in Ord. nostrum ibid. †
94. 4.
Ottonis II. Imp. in Eccles. & Ord.
nostrum benef. 93. 2. prodigio-
sa cum exercitu per S. Wolfgan-
gum liberatio ibid.
Ottonis III. Imp. in Ordinem nostr.
benef. & animus 93. 3.
Ottonis IV. Bav. Ducis in Monast.
nostr. benef. 266. 4. Christiana
sepultura litigiosa 270. 9.
Otto I. Ep. Frising. Sacella nostra
quo iure consecrat? 123. 5.
Otto nostri Monast. Abb. XXII.
271. 1.
Ottoburæ Monasterii Mon. S. Nid-
garius Ep. Aug. 58. 1. Abbas
Adalbero an apud Fontes nostros
instructus, aut Monachus ibid.
† 64. 4.

P.

Paar Paroch. Monast. nostro incor-
porata 324. 4.
Pagus quid antiquis Script. signifi-
cat? 32. 1. *in not. Litt. a.*
S. Pantaleonis Monast. initia 43.
24.
de Pappenheim Monast. nostri Ad-
vocati 147. 2.
Passaviensis Ecclesiæ Utilo, an
Thassilo fundator? 15. 23. † 33. 3.
Thassi-

Index I. Historicus.

- Thassilo, donator 3. 2. † 26. 40. † 33. 3. Wilericus Ep. interest Conc. Dingolfing. 50. 3. Udalricus Ep. Defensor Greg. VII. 196. 4.
- Patronatus iura varia Monast. nostro competentia** 165. 11. ✠ 224. 18. † 242. 2. † 244. 6. † 266. 4. &c. † 268. 5. † 323. 3. † 324. 4. † 327. 12. &c. † 356. 9. † 362. 18. † 364. 5. † 396. 5. *vide Litt W. verbo Wessofont. Monast. Tit. Benefactores.*
- Pauli I. nostri Monast. Abb. XXXI. acta à fol. 320. 1.
- Pauli II. nostri Monast. Abb. XXXIX. acta à fol. 353. 1. Officia publica 357. 12. &c.
- Peissenbergæ præd. Monast. nostro donat. 108. 2. † 168. 3. † 170. 7.
- Peittingen Bavar. Vicus an olim villa Regia? 138. 5. an ibi S. Theobaldus commemoratus? ibid.
- Penzing Bav. pagus nostro Monast. subiectus 125. 1. † 326. 9.
- Pergense præd. Monast. nostro donatum 108. 4.
- Pergensis Parochia qualiter olim administrata? 229. 22.
- Pessingana Paroch. Monast. incorporata 365. 6.
- Petrus I. nostri Monast. Abb. XXXIV. 333. 1. &c.
- Petri II. nostri Monast. Abb. XLI. ex Monast. Tegernsee acta & facta 367. 1.
- Pläffenmünster Monast. initia & facta 7. 5. † 40. 17.
- Phetene hodie Landsperga Civit. 238. 7.
- Pipini Franc. Reg. gesta Bavarica 2. 1. † 14. 22. † 16. 25.
- Pirgen Paroch. Monast. incorporata 327. 13.
- S. Pirminius Ep. Monasteriis benefic. 34. 4. † 40. 18. † 49. 1.
- Plainensis Ecclesia Salisburg. Universitati ordinis nostri donata. 472. 28.
- Planckstetten Monast. Fundatores 148. 3.
- Pöfenhaufen præd. Monast. nostro donat. 141. 7. à litibus vindictum 146. 1.
- Pözenhausen præd. Monast. nostr. donat. 109. 8.
- Pözenhusani rural. Cap. fœdus Defunct. cœptum 321. 8. *vide etiam P. II. 79. confirmatum* 340. 8.
- Pollingorum Monast. à Thassilone fundatum 7. 7. † 21. 32. † 41. 19. Lantfrido & Fratribus Archimandrite subiectum. 10. 15. † 46. 6. † 47. 8. an primum incolas Moniales Benedi&ct. habuit? 10. 15. † 41. 19. quomodo Can. Reg. traditum? 41. 19. cuius olim Diocesis? 53. 2. Eiusdem Ecclesiarum incorporatarum confirmatio per Paulum II. à nostri Monast. Abb. Paulo II. promulgata 358. 13.
- S. Pontiani Martyrium, translatio, & cultus in nostro monast. 445. 8.
- Pontificalium usus nostri Monast. Abba-

Index I. Historicus.

- Abbatibus speciali Privilegio indultus 324. 5.
 Præpositi desolatis Monasteriis dati à fol. 85. 1. &c.
 Prielmayrii in Congregat. Bavaricam beneficia. 479. 2.
 Priffingenſis Monast. Abbas Erbo Restaurator Münchmünſter 40. 16. Abb S. Eberhardus Episcopus Salisburg. 132

Q.

- Quirini Angeli Mariæ benef. in Monast. nostrum ac debita Laudum encomia. 469. 21. † 495. 20 † 502. &c.

R.

- Raimundus nostri Monast. Abb. III. 56. 1. &c.
 Raistinga præd. Monast. nostro donat. 189. † 218. 6. † 221. 11.
 In Raittenbuechenſi Monast. Archidiaconalis Dignitat. antiquitas. 311. 11.
 Raittenbuechenſis Eremitæ Sigiboldi neptis Douta Magistra B. Herluca 184 3.
 de Ranmung Petrus Mon. ac Prior nostri Monast. 371. 3.
 Ranckh Sebastianus Parochus in Peyrenſiſignis Scriptor ac Monast. nostri benef. 362. 18.
 S. Rasso Fundat. Monast. Werdenſis 66. 3. Hunnorum victor 80. 18.
 Ratisbonenſis Urbis ab Arnulpho Bav. Duce munitiones 60. 2. Eccleſiæ Præſul Sympertus intereſt Conc. Dingolfing. 50. 3. S.

- Emmerami Monast. *vide Litt. E. verbo Emmeramus.* Scotorum Monast. 129. 3. † 147. 3. Parthenones 93. 4.
 Ravennatenſis Ep. Waltharius Greg. VII. Defenſor 169. 4.
 De Ravenspurg Henricus & Albrandus Monachi Weſſofontapi 141. 8. † 159. 2.
 De Rechberg. Sigefridus Ep. Aug. Monast. nostri Benef. an olim Rötter Parochus? 244. 6. † 248. 9.
 Religioſi à fervore remittentes emendandi, non eliciendi. 93. 3.
 Reyspach Monast. nostro ſubiectum 27. 42. † 129. 30. † 224. 18. † 225. 19. à nobis quomodo ad alios tranſiit? 133. 1. † 135. 4. 225. 19. celebratis Conciliis 52. 1. † 135 4. ac S. Wolfſindæ V. M. Sepulchro inclytum 130. † 133. 1. *vide Litt. W. verbo S. Wolfſindis.*
 Riederaugienſis Eccleſ. Monast. nostro donata 119. 5.
 Roggenburg. Monasterii Religioſus Jodocus Abb. Urſpergenſis quando Aug. Vicarius generalis fuit? 347. 3.
 S. Roſarii Sodalitatis Monast. nostro introductæ. 454. 3.
 B. Rothildis Buxeræ Abbatiffa 172. 1.
 De Rott Adalbertus Monach. Weſſofont. 160. 5.
 Rottenſis ac Tättenschwang. Parochiæ Plebanus à Deo punitus 149. 5. † 150. 2. † 160 7. Sigifridus Ep. Aug. an Parochus?
 (c)

Index I. Historicus.

229. 22. † 244. 6. incorporatio
Monast. nostro facta 242. 2. † 245.
6. confirmata 256. 9. &c. Præd.
donat. 254. 18.
Rottrudis Thassilonis Mater 14. 22.
Rudolphi Imp. cum Henrico IV.
controverſiæ 113. 4.
Ruothardus an noſtri Monast. Ab-
bas? 50. 3.
Ruthardus Monast. noſtri I. Præpo-
ſitus 86. 3. † 90. 1.
S.
Sabiona olim Episcopalis ſedes &
Diocesis noſtri Monast. 49. 2.
Boicæ poteſtati erepta *ibid.* an
Thaſſiloni reſtituta? 50. 3. Bri-
xinam translata 49. 2. Ep. Allmus
inter eſt Conc. Dingolſing. 50. 3.
Salisburgenſis Eccleſiæ Benefacto-
res Thaſſilo cum Parentibus. 2.
1 † 15. 23. † 32. 1. † 34 5. †
38. 12. Savarſtedi villa eidem
donata qualis? 17. 27. Ep. S.
Virgilius inter eſt Conc. Dingol-
ſing. 50. 3. Episcoporum Cata-
logus Historicus MS. Stephani
noſtri vide P. II. 49. Canonici ſe-
quuntur Regulam S. Bened. 29.
46. † 35. 7. S. Auguſtini 34. 5 † 36. 7.
Salisburgenſis Univerſitatis conſe-
cratio quando à nobis cœpta?
432. 7.
Sanctorum corpora incorrupta an
ſubinde corrumpuntur? 104. 7.
Sanctitatis fama quibus ex antiqui-
tate indicis probatur? 155. †
175. 9. † 254. 17.
Sandau Monast. 10. 15 † 46. 6. in
Parochiam mutatum. 228. 22.
Savarſtedi villa qualis ab Hugiberto
Duce Salisburg. Eccleſiæ donata?
17. 27. an ibi Monasterium fuit?
18. 27. † 46. 6.
Saxonica domus Bavaricæ per V.
Wilſhildem noſtram iuncta
151. 6.
Scatelenſis Monasterii initia. 7. 6. †
8 9. † 10. 14. &c. † 46. 6.
S. Scapularis Conſrat. Weſſo-
font. 462. 6.
Scarantia Monast. 3. 2. † 30. 3.
Schefftlaren. Monast. initia 41. 20
Schlehdorff Monast. initia 7. 6. &c.
† 10. 14 † 46. 6.
Schlierſee Eccleſia Colleg. (olim
Monast. O. S. Ben.) 41. 21. † 50.
3. ad B. Virginem Monachium
translata 41. 21.
Sehœenberg, ſeu Scomberg Monast.
ubi fuit? 18. 27.
Schwabhuſanum benef. nobis do-
natum 214. 15.
Schyrenſe Monast. dat noſtris font-
ibus Reſtauratorem & Abbatem
Henricum XLII. 370. 1. &c.
Scovenova Monast. ubi fuit? 18. 27.
S. Sebaſtiani cultus in Monast. ſun-
datus. 284. 7. Conſraternitas in-
troducſa.
de Seeveld Giſala Monialis ac Benef.
Weſſofont. 182. 2.
Seligenſtatt Concilium 97. 7.
Seligenſtatt Monast. 129. 1.
Seon Monast. 36. 8.
Sepulturæ ius Monast. noſtro ab In-
nocentio II. datum 125. 1. one-
roſæ eiudem conditionis 221.
13 † 249. 11. † 272. 11. Sepul-
tini noſtro Monast. nobiles *ibidem*
Locus max. citatus & 354. 2.

Index I. Historicus.

Sigefridi II. Ep. Aug. intrusi fata 113
4. receptio 115. 6.

Sigibaldi nostri Monast. Abb. XVIII.
acta & fata à fol. 216. 1. &c.

Sigihardi nostri Monast. Abb. VII.
59. 6.

Sigimarus nostri Monast. Præpositus
II. 86. 3. † 90. 2.

Sinaperti nostri Monast. Præpos. VII.
acta 91. 7.

Snello nostri Monast. Abb. V. 58. 3.
Staina Monast. 337. 4.

Staingaden Monast. quando in Ab-
batiam euectum? 332. 2.

Stams Monasterii gravis cum nostro
controversia 302. 9. † 306. 1.

De Stauffen Werinhardus Monast.
nostri Advocatus, Monachus &
Benef. 162. 3. &c. *vide Indicem*
II. Stemmagraphicum Litt. S.
verbo Stauffen.

Stephani Leopolder Monast. nostri
Religiosi, ac celebris Chronogra-
phi Labores Litterarii 389. 3.

Straubingana S. Tiburtii Ecclesia
olim Monasterium 40. 18.

S. Sympertus olim Neoburgensis
Episcopus 52. 1. interest Conc.
Dingolfsing. ibid. unit. Diocesis
Neoburgensem Augustanz 53. 2.
† 55. *in not. Litt. m.*

T.

Tattenschwang & Rottæ Parochus
à Deo punitus 160. 7.

Tegernsee Monasterii initia 51. *in*
not. Litt. p. Adalbertus Abb. in-
terest Conc. Dingolfsing. 0. 3 q. id
debuir Imperatori? 53. 3. Abba-
tes & Coloniz nobis, ac aliis 53.

4. † 88. 3. † 91. 6. † 97. 7. † 341. 7.
352. 17. † 367. 1. Restauratio 86.

3. † 93. 2. † 94. 5. Confederatio
cum nostro Monast. quando coep-
ta? 91. 6. † 377. 17. Catalogus

Historicus Abbatum fundat. &
translationis S. Quirini MS. Ste-
phani nostri vide P. I. 61.

Templariorum Collegium in Eptach
Sueviæ vico. 194. 8. 220. 6.

Thaining Bav. pagi templum S.
Wolfgangi originem cui occa-
sioni debet? 299. 1.

Thassilonis Bojariz Ducis, an etiam
Regis? 8. 10 (17. 26) 25. 40 (35.

8) genus 2. 1. (14. 22) nuptiz,
quibus Longobardiz pars in di-
tione accepta 26. 40. controver-

siz cum Grifone 2. 1. (15. 22) cum
Pippino 2. 1. Proles 3. 2. (5. in

not. Litt. T.) convocatio Conc.
Dingolfsingani. 3. 2. (50. 3) in va-

rias Ecclesias merita 3. 2. (& à fol.
32) fundatio Monast. nostri à fol.

6. & aliorum 7. 5. (& à fol. 34.)
Visio de fundando nostro Monast.

anne vera? 20. 31 &c. fata & mors
4. 3. Eius excreatio & attonsis an

vera? 30. 48. Sanctitas & Miracu-
la angenuina? 5. in not. ad Litt.

W. (30. 48) Sepultura & Epita-
phium 4. 3.

Thassilonis nostri Monast. Abbatis
LV. acta à fol. 483.

S. Theobaldus Presb. & Erem. an
olim Bavariz Hospes? 138. 5.

Theodebertus Thassilonis filius an
in Monachum tonsus? 5. *in not.*

Litt. t. † 30. 48.

Index I. Historicus.

TheodoThassilonis filius ab Adriano Pont. Romæ baptizatus. 3. 2. an in Monachum confusus? 4. 3.

B. Thiento nostri Monast. Abb. IX. Martyr cum sex Monachis Sociis an Westotonti Professus *d fol. 65*

1. quamdiu præfuit? 76. 7. † 78. 11 &c. an verè inter Martyres

fuit? 69. 2. † 69. 3. quonam cum sociis agone defunctus? 66. 4. †

80. 18. quoties & quomodo translatus? 67. 5. † 71. 5. &c. quo iure

Beatus aut *Sandus* nominandus? 67. 4. &c. † 70. 4. † *& d fol. 73.*

Thierhaupten Monast. initia 21. 32 restauratio. 79. 7.

De Thöring Comit. famil. per Tharingerum foundationi nostri Monast. præfens 22. 34.

S. Thosio Ep. Aug. 56. 2. an nostræ Ecclesiæ consecrator? 49. 2.

Trevirensis Ecclesiæ Ep. S. Maximinus interest Conc. Sardicensi 102. 5.

Tullense S. Apri Monast. 172. 1.

U.

S. Udalrici Ep. Aug. voto Benedicti ni 96. 5. Beneficia in nostrum Monast. 64. 4. † 85. 1. &c. Virtus

quanti ab Ottone M. Imp. æstimata? 92. 1. Canonizatio & cultus 95. 1. † 96. 4. quando solem-

niter coepit? 98. 9. Vicæ primus Scriptor 96. 5.

SS. Udalrici & Afræ Monast. August. Vind. ad Ord. S. Bened.

translatio ac initia 88. 3. † 67. 7. † 91. 6. Abbates obtrusi 115. 8. †

293. 1. Episcopi Augustani ibidem Monachi 129. 5. † 209. 5.

Capitulum Provinciale ibi celebratum 337. 4. Catalogus Historicus Abbatum MS. Stephani nostri *vide* P. II. 68.

Udalrici I. nostri Monast. Abb. XVIII. acta & fata à fol. 206. 1. &c.

Udalricus H. nostri Monast. Abb. XXIII. 276. 3.

Udalrici III. nostri Monast. Abb. XXVI. Eberspergâ postulati acta à fol. 280. 1.

Udalrici IV. nostri Monast. Abb. XXI. X. acta & ruinæ à fol. 299. 1. &c. † 306. 1.

Udalrici V. de Hoechenkirchen nostri Monast. Abb. XXXII. Ettalam translati acta à fol. 321. 1. &c.

Udalrici VI. nostri Monast. Abb. XXXVII. acta à fol. 341. 1. &c.

Verona urbs paret Arnulpho Duci Bav. 61. 5.

S. Vigili E. M. Ecclesia Monast. incorporata 142. 1. cultus. *ibid.*

† 143. 3. &c. † 145. 5. Vita & miracula 145. 5. † 146. *is not.*

Litt. i. & k. Genus Martyrii 144. 5. Lapides inventi 143. 4.

Vigertshoven loci ac Ecclesiæ antiquitas 289. 15. Unde & quamdiu Monasterio subjecta? 290.

16. vindicatæ 386. 19. Indulgentiæ veteres 290. 16. B. V. Mar- tris dolorosæ benefica imago, ac peregrinationis ad Eandem ori-

go, & augmentum. 468. 17. &c. 475. 2. 478. 5.

De Vindingen Gerbirga nostri Parthenonis alumna 249. 11. †

256. 21.

Virgili nostri Monast. Abb. LIV. acta à fol. 475.

Volck.

Index I. Historicus.

Volckanhardus ubi Abbas? interest Conc. Dingolfing. 50. 3.

Uraugiense Monasterium 336. 3.

Urbanus Abbas nostri Monast. XXXVI. 338. 1.

Urspergensis Abb. Jodocus Vicarius Generalis Augustanus quamdiu præsuit? 347. 8.

Utilo Bav. Dux Thassilonis Pater, Eiusdem acta & fata. 2. 1. † 14. 22. † 28. 44. † 33. 3. † 34. 4. † 35. 7. † 39. 14. † 40. 18. An Monachus fuit? quando & ubi mortuus aut sepultus? 15. 22. † 28. 45.

W.

Walchuni Abb. nostri Monast. XXV. acta à fol. 265. 1.

Waldramus Monasteriorum fundator, & Archimandrita *vide Lantfridus*.

Waltharius Ep. Aug. Monast. nostri benefactor 122. 2. † 127. 1. † 128. 1. Benedictinus moritur 129.

B. Walthonis nostri Monast. Abb. XIII. genus 121. 1. Professionis locus *ibid.* † 122. *in nott. Litt. g.* Maxima de Monasterio merita à fol. 122. 1. &c. &c. Virtutes 151. Miracula 152. † 154. † 156. Sepulturæ gloria 154. Sanctitatis fama 155. cultus 154. † 235. 1. &c. Discipuli ac Discipulæ sanctitate & nobilitate præstantes à fol. 159. 1. † 166. 1. † *vide etiam P. II. acta coava.*

Weichenstephan Monast. dotatur à S. Henrico 94. 4. dat nostro

Monast. Abbatem Leonardum I. 343. 7. † 346. 1.

Weilheim. Paroch. nobis donata à fol. 265. 4. † incorporata 323. 3. circa eandem controversiæ 413. 6.

Weilhaimenses nupdinæ unde ortæ? 143. 2.

De Weilheim nobili, ac Monasterii nostri ben. factrice familia Norbertus Mon. ac Abbas XIV. 193. 1. Henricus Monach. 160. 4. Mechtildis Monialis nostri Monast. 183. 5. *vide Indicem II. Stemmatalogicum.*

Welfonum famil. Controversiæ cum Henrico IV. 114. 6. cum Ottone Wolfratshusio 132. Expeditio Hierosolimitana 136. 3. à Monast. nostro subsidiis pecuniæ adiuta 140. 2. Beneficia in Monast. nostrum 139. 1. † 214. 14. † 216. 1. &c. controversiæ cum eodem 120. 2. † 209. 1. Magnificentia 216. 2. furculus B. Wulfhildis Inclusa nostri Monast. 176. 1.

Weltenburg Monasterii initia 7. 5. fata 42. 23. Sigido Abb. interest Conc. Dingolfing. 50. 3. an mentio facta in Conc. Aquisgranensi? 54. 5. restitutio Ordini Benedictino facta 42. 23. † 88. 3. restauratio per Cyriacum Eberspergensem 42. 23.

Werdenensis, in Insula Ambronis, Monasterii initia & fata 66. 3.

Wernerus I. nostri Monast. Abb. XXV. 278.

(c) 3

Index I. Historicus.

Werneri II. de Greütt nostri Monast. Abb. XXX. acta à fol. 306. 1. vide etiam P. II. p. 73. Vindicatio Monasterii ab externis à fol. 302. 9.

Wesso nec Thassilonis filius, nec idem cum Taringero 24. 17. † quis ergo? quæ eius olim sedes? posteritas? 23. 35. &c. fontes nostros Thassiloni ostendit 7. 7. † 24. 36. Illis ac Monasterio nomen datibid. Eorundem situs & fluxûs perennitas 25. 39. † 409. 9.

Wessofontani Monasterii unde sic dicti? 24. 36. antiqua nomina ibid. fundatio cui debita? à fol. 6. 4. &c. & à fol. 14. 21. &c. Diocesis quæ olim, & hodie? 49. 2. † 53. 2. Primi Præfules cum coloniis 10. 15. † 26. 41. † 28. 43. † 46. 6. † 49. 1. aliæ coloniz 91. 6. † 94. 5. † 199. 14. † 200. 1. Prima Ecclesia an à S. Bonifacio? 26. 41. an à S. Wißterpo consecrata? 56. 2. renovata 354. 6. &c. quamdiu stetit. 71. 5. Maior Ecclesia an à S. Tossone consecrata? 49. 2. noviter ædificata, consecrata, Sacellis & altaribus ornata 107. 2. † 122. 1. † 236. 4. 273. 13. † 284. 5. &c. † 349. 7. † 354. 4. &c. † 486. 8. Eiusdem prima supellex cum explicatione obsoletorum nominum 110. 2. V. Crucifixi imago 156. B. V. Mariæ Immac. Concept. cultûs antiquitas 205. 12. † 235. 3. † 335. 22

not. Litt. b. V. Imaginis ac Sodalitatis origo & incrementa 493. 18. Imaginis B. V. Mariæ Matris S. Spei antiquitas & cultus 491. 15. SS. Rosarii & Scapularis Sodalitatum institutio, augmenta. 454. 3. S. Sebastiani M. cultus fundatus 284. 7. † Sodalitas. S. P. Benedicti confraternitas. 456. 21. Anniversarii & Missæ fundati 254. 18. † 255. 19. † 285. 7. † 297. 5. † 327. 17. Sepulturæ Jus, ac nobiles sepuldi 125. 1. † 221. 13. † 249. 11. † 354. 2. Sacrorum interdictum 264. 6. quamdiu duravit? 272. 12. &c. † 282. 4. Abbates qui? Conciliis & Capitulis Provinc. quibus presentes? 50. 3. † 53. 3. † 335. 7. 343. 6. † 368. 3. Adalbero S. Udalrici nepos an olim alumnus aut Monachus? 63. 2. † 64. 4. Onera Imper. debita 24. 36. † 53. 3. † 136. 4. Ruinz sub Hungaris 65. 1. &c. 82. 1. fugitivi Monachi Madronensis coenobii conditores 81. 1. Præpositi vastato Monasterio dati à quo? quales? à fol. 85. 1. &c. Benedict. Regulæ restitutio 91. 7. † 106. 1. Restaurationes, & Reformationes & Visitationes 326. 3. † 341. 1. &c. 349. 9. &c. 368. 3. † 370. 1. &c. 380. 1. &c. † 382. 9. † 405. 4. Hospitalitas 246. 7. † 251. 13. † 270. 7. Domus Eleemosinaria 198. 10. Domus Præbendaria

Index I. Historicus.

daria 361. 16. Collationes factæ ad Expeditiones Terræ sanctæ 140. 2. † 283. 4. Paupertas alleviata 206. 1. † 246. 7. Bibliotheca 111. 4. à quibus aucta? *ibid.* 5. † 166. 1. &c. † 258. 1. &c. † 262. 4. † 350. 16. † 376. 14. &c. 379. 2. Viri Sanctitate, aut doctrina illustres 62. 1. † à fol. 65. 1. † à fol. 121. 1. &c. 160. 7. † 162. 8. † 163. 7. † 166. 2. † 167. 3. † 177. 5. † 234. 31. † 253. 16. *vide etiam* II. P. f. 26. &c. † 254. 17. † à fol. 257. 1. † 350. 12. † 376. 14. † 381. 7. † 388. 3. Labores Litterar. 464. 9. † 476. 3. &c. † 486. 7. &c. † 506. 2. &c. Jejuniorum & abstinentiæ à carnibus rigor 382. 8. quando cessavit? 383. 10. Monachi aliis in Abbates dati 101. 3. † 115. 8. † 327. 11. † 339. 5. † 401. 11. † 405. 3. † 406. 6. † 410. 1. &c. Abbates ab aliis dati 200. 1. † 280. 1. † 341. 1. † 346. 1. † 363. 1. † 367. 1. † 370. 1. *Huepberti* tres an Abbates fuere? 317. 2. Religiosi, quamdiu non nisi nobiles? 121. 1. &c. In quas classes divisi? 161. 1. &c. 198. 10. Usus Pontificalium nostris Abbatibus specialiter concessus 324. Advocati 120. 2. † 137. 5. † 147. 2. † 162. 4. † 202. 8. † 223. 17. † 226. 20. † 227. 21. † 301. 4. † 309. 7. † 333. 1. † 334. 2. † 344. 8. liberè celi-

gendi 125. 1. † 136. 4. &c. 227. 20. prohibitis Subadvocatis 135. 1. † 136. 4. sæpius nocivis 120. 2. † 208. 3. † 213. 11. † 230. 25. &c. 309. 7. † 334. 2. Pontifices, Imperatores, Reges &c. Benefactores vide Litt. D. verbo *Diploma*. † 91. 7. † 64. 4. † 136. 2. † 148. 3. † 208. 1. † 318. 6. † 361. 16. † 375. 12. vide etiam nostras Sodalitates Bavaricæ Duces Benefactores *vide superius de fundat. Monast.* 93. 4. † 266. 4. † 280. 1. † 314. 16. † 326. 8. † 340. 7. † 341. 1. *vide etiam nostras Sodalitates.* Benefactores alii 22. 34. † 27. 42. † 69. 2. † 99. 3. &c. † 108. 1. &c. † 118. 4. † 119. 5. † 130. &c. † 141. 6. † 159. 1. &c. † 177. 4. † 182. 1. † 189. † 198. 11. &c. † 211. 3. † 213. 9. &c. † 216. 1. &c. † 220. 7. † 223. 17. † 248. 10. † 249. 11. † 254. 18. &c. † 272. 11. † 278. 5. † 295. 7. † 297. 5. † 300. 3. † 309. 5. &c. 325. 7. † 327. 13. Edificia insigniora 342. 3. † 348. 7. &c. † 349. 7. † 354. 3. &c. † 361. 16. † 379. 2. † 384. 12. † 408. 8. † 465. 13. † 478. 5. † 486. 8. &c. Hofmarchialis Jurisdictio concessa 326. 9. Turbæ domesticæ 20. 5. † 252. 14. † 369. 5. per peregrinos Monach. occupatio & contra eosdem vindicatio 302. 9. &c.

Index I. Historicus:

- &c. 306. 1. &c. 313. 14.
 Damna à Principibus illata 61.
 4. † 120. 2. † 268. 6. Contro-
 versie gravior 120. 2. † 136.
 2. † 146. 1. † 148. 3. † 196.
 7. &c. † 227. 2. † 230. 25.
 &c. † 237. 6. 306. 1. † 332.
 3. &c. 351. 14. Incendia 166.
 3. † 171. *in not. Litt. b.* †
 383. 11. Confederationes mor-
 tuales primæ 345. 12. † 352.
 18. Aliæ 359. 14. † 367. 14.
 † 377. 4. Wessofontani. Par-
 thenonis initia 172. 2. † 256.
 21. &c. Ecclesia 122. 1. † San-
 ctitate & nobilitate conspicuæ
 alumne à fol. 166. 1. &c. †
 222. 15. † 226. 21. viræ au-
 steritas 171. 1. &c. frequentia
 203. 10. &c. diversitas 161. 1.
 abrogatio quando, & qualiter
 contigit 257. 22. Wessofonta-
 næ Parochiæ erectio 118. 4. ad-
 ministratio à nostris quando
 cœpta? *ibid.* † 391. Ecclesiæ
 restauratio 372. 6. & consecra-
 tio 380. 4. Andecensis peregrinatio
 391. 2. Wessofontani pa-
 gi homines celebres 401. 1.
 &c. † 473. 30. † 481. 3.
 S. Wiſterpus Ep. Aug. unde orun-
 dus 192. 8. consentit fundatio-
 nibus Lantfridi &c. 10. 14. † an
 nostram consecrav. Ecclesiam?
 56. 2. apparet B. Herluce 184.
 3. &c. ubi sepultus? 184. 2.
 &c. 193. 3. &c.
 Wielenbach Eccl. Jus Patronatus
 nobis donatum? 191. 206. &c.
 administratione lis 351. 14.
 Wigoldus Ep. Aug. à S. Greg.
 VII. constitutus 113. 4.
 S. Wilhelmus Hirſaugienſis Abb.
 Magistri B. Herluce 184. 1. Ge-
 nus Bavarum 200. 1. Discipuli
 Wessofontani? *ibid.* †
 199. 14.
 Wilhelmus III. Bay. Dux Monast.
 Benef. 340. 7. † 341. 1.
 S. Wolſgangi Ep. Ratisbon. bene-
 ficia in nostrum Monast. & Or-
 dinem 64. 4. † 86. 3. † 88. 3. †
 89. 4. † prodigiosa Ottonis II.
 Imp. liberatio 93. 2. cultus in
 pago Thuring 299. 2.
 Wolſgangus I. nostri Monast. Abb.
 XLIV. 387. 1.
 Wolſgangi II. Abb. LII. acta. à. f. 453.
 S. Wolſſindis V. M. sepulchrum, &
 cultus 27. 42. † 51. 4. † 52. 6.
 † 133. 1. &c. quomodo inter-
 cidit? 135. 4.
 Wormatenſe Concilium 112. 2.
 V. Wulſhildis Monast. nostri lo-
 clusæ genus, consanguinitas, &
 affinitas 176. 1. vocatio *ibid.* in
 Monasterium beneficia 177. 3.
 &c. 136. 4. Epitaphium 177. 5.
 Ex utero descendens nexus Do-
 mus Austriacæ & Bavaricæ 178.
 6. ac Saxonicæ 181. 6.
 Z.
 Zwifalten Monast. das golden
 Nereshemio 40. 17. & 177. 2.

INDEX IL STEMMATOGRAPHICUS

Nobilium Familiarum,
quarum nomina, facta, aut fata in hoc opere
occurrunt.

*Prior numerus paginam, posterior notam marginalem, littera B.
verò adjecta Beneficia à tali stirpe fuisse Monasterio collata in-
dicat.*

A.

De Apbenberg P. II. fol. 51. 83.
Adelmann de Adelmannsfelden
58. 2.
Algishaufen. P. II. f. 58.
Amergow 19. 28. P. II. f. 56.
Ammerthal 96. 5.
Andex B. 57. 3. 66. 3. 69.
32. 82. 1. 80. 83. 3.
84. 5. 97. 7. 148. 3.
219. 6. 222. 15. P. II.
f. 27. - 29. 55.
Antorf. B. 44. 1. 202. 8.
218. 4.
Ascherling 217. 3
Attingen 229. 24.

B.

De Bailbrunnen 195. 8.
Bafinhufin 109. 9.
Bellinschwang 198. 12.
Belsheim. P. II. fol. 72.
Berg 400. 8
Biberbach 183. 2. P. II. f. 58. 70.
Bittagowe 147. 2.
Blianz 44. 1.
Brandis 302. 7.
Bregenz 176. 1. 178. 6.
Breuning 414. 4.
Buechberger P. II. fol. 83.
Buren 108. 4.
Burgau 319. 15.

(d)

De Cal-

Index H. Stemmatagraphicus.

C.

De Casier P. II. f. 67.
 Celler 251. 13.
 Chuzinghoven B. 221. 12. &c.
 Crainburg 201. 3.
 Cruge 213. 10.

D.

De Dachau 148. 3.
 Daninga 143. 3. 189.
 Dagsberg 112. 1.
 Dieffen 231. 26. 296. 2.
 Dillingen B. 40. 17. 64. 4.
 58. 3. 179. 6. 237. 6.
 277. 4. 282. 3. &c.
 Dinchelspichl 320. 2.

E.

De Eberstein P. II. 30.
 Eckher B. 272. 10. 298. 6. & 7.
 Egilolf B. 99. 3. P. II. fol. 45. an
 inde hodierna Barones de Eg-
 lolf? P. II. f. 45.
 Egloffstein P. II. f. 83.
 Eglingen 109. 4. P. II. f. 67.
 Ehingen 309. 7.
 Ehrenfels 233. 30.
 Eisengrein 319. 32.
 Eisenhover 295. 6.
 Ellerbach P. II. f. 60.
 Emerberg P. II. f. 48. 53.
 Eresingen 309. 7.
 Erringen 206. 1.

F.

De Fagen 219. 6.

De Falckenstein 21. 1.
 Famingon P. II. f. 59.
 Findingen 322. 1. *Vide Fal-*
cken Litt. U.
 Frauenberg P. II. f. 83.
 Freyberg 354. 4.
 Fronchoven 237. 5.
 Frucines 214. 15.
 Furth 218. 4.

G.

De Gabelbach P. II. f. 73.
 Geböck 295. 6.
 Geisenhausen 95. 3. 117.
 Geltinger P. II. f. 66.
 Gimeringen P. II. f. 72.
 Gran P. II. f. 53.
 Grayspach 287. 10. P. II. f. 66.
 Greiff de Obermannen B. 201. 6.
 Greiff de Greiffenberg 314. 3.
 Grett B. 24. 35. 198. 12.
 201. 4. &c. 204. 10.
 213. 11. 214. 15. 218.
 22. 303. 40. &c. 309.
 f. &c. 315. 20. 320. 1.
 & 5 329. 18.
 Grunthartshoven B. 250. 4.
 Gurr 322. 1.

H.

De Haring, vel Hering 328. 16.
 P. II. f. 80.
 Hageln P. II. f. 72.
 Haldenberg 334. 2.
 Haleweil 338. 2.
 Hantzdorff P. II. f. 67.
 Hegneberg 266. 3. P. II. f. 30.
 Helenstein P. II. f. 59.

Helm

Index II. Stemmatographicus.

De Helfenstein 401. 11.

Heybeck P. II. f. 83.

Hipokstein P. II. f. 51.

Hirspurg 148. 3.

Hittenburch 120. 2.

Hochberg 179. 6.

Höchenstauff 114. 4. 179. 6.

Hochenstein B. 201. 3.

Hochensthliz. P. II. f. 60.

Hochenzollren P. II. f. 61.

Höchenkirchen 321. 1. &c.

323. in *avis Litt.* 1. 328.

17. 330. 22. *vide etiam Isfel-*

derff. Litt. I.

Holenegeker P. II. f. 53.

Holzhausen 109. 4. 119. 5.

Hopfen 218. 4.

Horpstein 66. 3. 83. 3.

Horpach B. 222. 16. 223. 16.

Huepfer 317. 26. 319. 32.

Hugnach P. II. f. 72.

Hugolfing Ramungi 194. 2.

vide Litt. R.

Hunfoin B. 139. 1. 159. 3.

183. 3. &c. 219. 6. 251.

13.

Hurewin 109. 5.

Hürlach 218. 5.

I.

De Jacob 396. 3.

Iginspach B. 213. 9.

Igling 119. 5. 219. 6. 231.

26. 251. 13.

Isfeldorff 217. 3. 219. 6.

Ilfung 49. 1. 385. 16.

Inningen 246. 6.

Islingen 147. 2. 202. 6.

213. 9.

De Judmann P. II. f. 83.

K.

Katzbecken P. II. 66. & 67.

Kechler 337. in *not. Litt. C.*

Kiburg *vide Dillingen.*

Kirchberg P. II. f. 60.

Knöring 67. 6. 400. 8.

Kukinghoven 231. 25.

L.

De Lang P. II. f. 53.

Lechhausen B. 141. 7.

Ledern 214. 15. 218. 4.

Leiningen 112. 1.

Leubnitz P. II. f. 52.

Lewenstein 138. 5. 217. 3.

Liechtenau 367. 12. P. II.

fol. 61.

Liechtenstein B. 213. 17.

Lierheim 209. 1. P. II. fol. 58.

Linowe 108. 2. 109. 6.

Luchis 402. 3.

Ludenhausen 202. 6. 213. 2.

251. 13.

Lyzlstein 129. 1. 197. 9.

209. 5. P. II. f. 57. 70.

M.

De Maechtolfing 109. 7.

Maifache 119. 5. P. II. f. 70.

Mammendorff B. 256. 21.

De Mantichingen (*vel Menchingen.*

206. 1. 241. 10. 246. 6.

Marca 48. in *not. Litt. d.*

Meglingen 204. 10.

Menzingen B. 213. 10.

(d) 2

De Men-

Index. II. Stemmatographicus.

De Mertinsried 214. 13.
 Möring 49. 1.
 Montfort 290. 18.
 Morenweils 141. 6. 147. 1.
 183. 4. & 6. 197. 8.
 374. 10.
 Morlibach 108. 2. 109. 6.
 Müllhausen 141. 6. 246. 6.
 Muffe 169. 7.

N.

De Nemmingen P. II. fol. 60.
 Neunburg P. II. f. 65.
 Neuenhausen P. II. f. 53.
 Nothalt P. II. f. 82.
 Nürnberg P. II. f. 20.

Q.

De Oettingen 136. 2. 147. 2.
 148. 3. 183. 2. 227.
 21.
 Ollstatt 309. 7.
 Ortenberg 18. 27.
 Osinnvang 109. 7.
 Oßrach 405. 4.
 Otingen B. 109. 8.
 Ottvlin B. 108. 3.
 Ovvingen 109. 7.
 Ovvoltestat 109. 6.

P.

De Pappenheim 136. 2. 147. 2.
 315. 20. 338. 2.
 Parsperger P. II. f. 82.
 Partershauser P. II. f. 66.
 Paulstorffer P. II. f. 82.
 Peiffenberg 218. 4.

Penningen 109. 8.
 Perfall 373. 8.
 Pergen 147. 2. 148. 3.
 196. 7. 213. 11.
 Peul B. 278. 1.
 Psetten 147. 1. 214. 14.
 238. 7. 328. 14.
 Pfirdt 179. 6.
 Pfuegdorff 251. 13.
 Pforzheim 218. 4.
 Phurlingen 251. 19.
 Phullendorff 140. 2.
 Pireprunnen P. II. f. 52.
 Plaiga 217. 2.
 Poule 120. 2.
 Pollheim P. II. f. 52.
 Praitenfürter P. II. f. 52.
 Praitenles 214. 15.
 Prandenberg B. 220. 9.
 Preysing 328. 14.
 Prideriching B. 213. 10.
 Puechauen P. II. f. 52.
 Purckhausen P. II. f. 24.
 Pyrchland 214. 14. 216. 1.

Q.

De Quirinis 469. 21. 494. 20. 497. 21.

R.

De Raimuntershoven 109. 8.
 Rayner P. II. fol. 66. 83.
 Ramungen 194. 2. 197. 8.
 214. 14. 371. 3. 390. 1.
 Randeck P. II. fol. 59.
 Ravensburg B. 141. 8. 144.
 3. 159. 2. 196. 7. &c.
 218. 4.

Rech

Index II. Stammalogische.

De Rechberg B. 166. in *ver. litt. m.*
 214. 6. 248. 9. 402. 2.
 P. II. fol. 29. 18.
 Reichling 183. 4. 198. 12.
 228. 228.
 Reichsparg P. II. f. 53.
 Reysbacher P. II. f. 53.
 Rieden 203. 10.
 Riffenstein 159. 1.
 Röhrer 22. 1.
 Rör P. II. f. 53.
 Kott P. II. fol. 19. 72.
 Rotta B. 108. 2. 109. 6. & 9.
 143. 2. 147. 2.
 159. 2. 160. 9. *vide etiam*
Litt. W. verbo Willipurgeried.
 Rottach 241. 1.
 Rottenbach 214. 13.
 Rottenburg P. II. 24.
 Rottenstein 338. 2.
 Rumesperg 138. 1. 214. 12.
 215. in *ver. Litt. f.* 217. 3.
 218. 4.

S.

De Salurne 246. 6.
 Sandzu B. 141. 17.
 Sandorf B. 140. 1.
 Sattelbogen P. II. f. 83.
 Savarieden 18. 27.
 Schallinschvvang 192. 12.
 Schauberg P. II. f. 60.
 Schaumburg 340. 8. P. II. f.
 53.
 Schenckh 266. 3. *vide infer. Litt.*
W. verbo Winterbetten P. II.
 f. 52.
 Schenck 18. 27.

De Schili P. II. f. 83.
 Schmiecher P. II. f. 83.
 Schoeneck P. II. f. 59.
 Schuvvenberg 271. 12.
 Schvvaback 209. 5.
 Schvvabhausen 214. 15.
 Schvvabing 236. 1.
 Seeveld B. 109. 4. 136. 2.
 147. 1. & c. 148. 4. 182.
 2. 217. 9. 248. 6. *fami-*
lia an extincta? 148. 4.
 Selovve B. 221. 12.
 Seckhe 218. 4.
 Seyboldtorff 322. 1.
 Sibichenhusin 108. 2.
 Sirgenstain 332. 2.
 Spannagl 244. 1.
 Speth de Turnegg 164. 9.
 Spilberg 275. 10.
 Suehing 246. 6.
 Sulming 291. 13.
 Sulzbach 148. 3.
 Sulzenmos 259. 6.
 Surberg 83. 1.
 Stadion P. II. f. 53.
 Starchenberg P. II. f. 53.
 Staußen familia Beneficior & ob
 Advocatiam socii monasterio
 217. 5. 139. 2. 147. 1.
 262. 3. 152. 1. 208. 3.
 243. 11. 217. 3. 219. 6.
 230. 25. 231. 27. *an*
extincta? 233. 30. P. II.
 fol. 83.
 Steinhach 110. 10. 202. 6. & c.
 219. 6. 262. 1.
 Stettner seu Stetten 336. 1.
 388. 2.
 Stouphen 108. 9. 109. 9.

T.

De Tagidinesvanch sen *Tamm*
schönung 108. 2.
 Tattenhofen 214. 16.
 Taufkirch P. II. f. 67.
 Thaining 299. 1. P. II. f. 80.
 Thele B. 214. 17.
 Thalhoven 218. 4.
 Thoring B. familia fundacioni
 monat. p. cens. 22. 34. 25.
 38. 491. 2. P. II. f. 48.
 Tettenried 217. 3. 218. 4.
 Tirol B. 213. 10. 220. 7.
 229. 17.
 Torer P. II. f. 67. 22.
 Traubing 214. 12.
 Trepsack 337. in *pos. lit. A.*
 Tübingen 122. 2. 137. 5.
 178. 6. 217. 3. P. II. f. 57.
 Türhaim P. II. 72.
 Türendl P. II. f. 67.

U.

De Vainga 217. 3.
 Vering P. II. f. 46.
 Vettinger 346. 1.
 Vindingen B. 214. 15. 249. 11.
 11. 256. 21. 377. 8.
 396. 5. 413. 9. *vide etiam*
Findingen. P. II. f. 79a
 Vilschach P. II. 72.
 Vogt 373. 8. *vide supra Vindingen.*
 Vohburg 217. 3.
 Volkhenstorf P. II. f. 53.
 Vra 217. 3.

W

De Waldau P. II. f. 83.

De Waldburg 218. 14.
 Walde 109. 7.
 Waldeckh 42. 21.
 Wale 183. 4. 344. 8.
 Wartensee 338. 2.
 Warth 131. 3. 133. 1.
 135. 3.
 Weichs 326. 9.
 Weilheim B. 108. 2. 143. 3.
 159. 1. 160. 4.
 123. 2. &c. 196. 7.
 199. 13. 217. 3. 219. 6.
 Werdenberg. 363. 2.
 Werdenstein 337. in *pos. lit. A.*
 Westendorff 214. 3.
 Wasserburg P. II. f. 29. & 31.
 Weissenack P. II. f. 52.
 Werdenberg. P. II. fol. 61.
 Weyspriach P. II. f. 53.
 Widersperg B. 301. 5.
 Wielenbach 41. 6.
 Wildenrott B. 295. 7. 301. 4.
 Williburgeried B. 140. 5. 143.
 2. &c. 147. 2. 201. 4.
 Windach B. 272. 11.
 Winstorffer P. II. f. 52.
 Winterstetten Schenckh 266. 3.
 Witolzhoven B. 281. 2. 320.
 4.
 Wolfrathhausen 129. 4. 132.
 143. 3. 172. 1. 189.
 218. 5. 321. 1. P. II.
 3. 1. 4. 55.

Z.

De Zaringen 137. 5.
 Zigenhagen P. II. f. 52.
 Zolren 137. 5. 364. 3.

HISTORIÆ MONASTERII WESSOFONTANI PARS SECUNDA,

SEU

Appendix Instrumentaria,
Antiquissimis Membranis, Diptychis, Chronicis,
Episcoporum & Abbatum Catalogis, & maxime
documentis in Parte I. promissis, illustrata

P. COELESTINO LEUTHNER,
BENEDICTINO WESSOFONTANO, EXEMPTÆ
CONGREGATIONIS BENEDICTINO-BAVARICÆ SECRETARIO,
PROTONOTARIO APOSTOLICO IN CURIA ROMANA
IMMATRICULATO.

PERMISSU SUPERIORUM.

M. D. CC. LIII.

AUGUSTÆ VINDELICORUM & FRIBURGI BRISGOIÆ.
Sumptibus Fratrum Ignatii & Antonii Wagner, Bibliop.



PRÆFATIO.

1. **O**mitti poterat hac Pars Instrumentaria, nisi eam in prima Parte hinc inde allegâsem. Erat & opera pretium, veneranda antiquitatis monumenta è tenebris in lucem proferre, unde multorum Sanctorum Acta ac Germania, & præsertim Bavaria, historia illustrentur. Primo loco Benedicti I. inter Abbates nostros VIII. Calendarium collocavi, circa quod animadvertendum, defunctorum nomina eidem inserta non esse omnia eiusdem ævi, imò paucissima, sed sæculi X. XI. & XII. à Christo nato: immò etiam vereor, ne Stephanus noster unum alterumve recentius festum eidem inseruerit.

2. Chronologiam Imperii, utpote ex veteribus membranis à Leopoldero collectam, non inutilem vel injucundam curiosis putavi. Verum hoc lectori moneo, attentè & discretè ut legat; non enim semper, ut res gesta sunt, sed ut geri desiderata sunt, ita scribebantur, pro scriptoris affectu. Quare de Ecclesiæ & Imperii Capitibus sub illa schismatum & dissidiorum tempora pro sua multos inclinatione scripsisse, manifestum est. Acta Walthonis, qua prima Parte produxi, etsi in iisdem complura Diplomata iam legantur, tamen ampliùs illustranda putavi ex Codicibus Leopolderi.

3. *Subnexui antiqua documenta miscellanea ex membranis noni & sequentium trium seculorum, coætaneis desumpta.* I. *Prædia Monasterio nostro subtrahæta sub Ludovico IV. qui infans vocabatur, & anno Christi 92. defunctus est.* II. *Diptychon vetus. Quid diptycha sint, dixi in prima Parte pag. 98. num. 2.* III. *Catalogum coævum Monachorum Iegernsænsium sub Herirando Abbate.* IV. *Tributarios de Hagenheim.* V. *Hominæ censuales S. Petri.* VI. *Aliud prolixius diptychon.* VII. *Catalogum Archiepiscoporum Salisburgensium.* VIII. *Catalogum Episcoporum Augustensium. Circa hos & illos Antistites maxime attendi cupio monitum supra datum de scriptorum affectionibus, & remitto Lectorem ad primam Partem, ubi meam sententiam satis prodo, reverenter ubique de Ecclesiarum Capitibus loquens, eorumque acta ex documentis veracibus & ingenuis illustrans.*

4. *In prima Parte huius Historiæ promisi hinc inde documenta in variorum Abbatum Acta. Adjeci hæc sub finem Partis huius II. siquid oblitus sum, ignoscet Lector Authori temporis angustiis presso. De Diptychis adjicio verba D. Antonij Sambuccæ in Epistola de Gestis Eminentissimi Cardinalis Quirini, à me ex Italica in Latinam linguam translata: „ Gratissima „ hisce diebus accidit oblata Eminentia Suae eruditissima quædam „ Dissertatio Doctoris Joannis Antonii Volpi publici „ amœniorum litterarum in Universitate Patavina Professoris, „ cum nova interpretatione voluminis pretiosi, Diptychi „ nimirum antiqui, ab Eminentissimo Cardinale Bibliotheca „ Vaticana donati, quem in librum celeberrimi totius Europæ Litterati ipso hortante, sua quisque Commentaria ediderunt. „ Hucusque Sambucca. Ego talia duo, ut inveni Diptycha, Instrumentis inserui, notulas quasdam addidi, plura Eruditorum divinationi reliqui. Boni consule, Lector, conatus meos, & vale.*

L. Calen-



I. CALENDARIUM BENEDICTI I.

ABBATIS OCTAVI WESSOFONTANI

JANUARIUS.

CALEND. Jani prima dies & septima fine timetur.
Principium Jani sancit tropicus Capricorn.
Januarius habet dies XXXI. Luna XXX.

1. A. JANUARIUS. CIRCUMCISIO DOMINI XII. Lect. Basilii
episcopi & confessoris. *Heluvic obiit.*
2. b. 4. Nonas. Octava S. Stephani prothomartyris. III. I. *Obiit Si-
balduus Abbas (a) nostra congregationis. Sophia
comitissa obiit.*
3. c. 3. Nonas. Octava S. Joannis apostoli & evangeliste. III. I. *Fri-
dericus nobilis laicus obiit, qui dedit partem predi
Galtprunnen.*
4. d. 2. Nonas. Octava S. Innocentium III. I. Gelli episcopi & con-
fessoris. (b) *Perebtold nobilis laicus obiit, qui do-
dit I. mansum Perga.*
5. e. NONÆ. Vigilia Theophanie Domini. III. I. *Dietericus presb.
et mon. nostre congregationis obiit.*

(A)

c. l.

6. f. 8. Idus. EPIPHANIA DOMINI, XII. lc.
 7. g. 7. Idus. *Gerunc laicus obiit.*
 8. A. 6. Idus. Herhardi episcopi & confessoris. (c)
 10. c. 4. Idus. Pauli primi heremite. III. lc.
 12. e. 2. Idus. *Dietericus conversus obiit.*
 13. f. I D U S. Octava Epiphanie. XII. lc. Hilarii episcopi.
 14. g. 19. Calend. Febru. Felicis presbyteri. III. l. *Ouldricus laicus obiit, qui dedit dimidium mansum Poule. (d)*
 15. A. 18. Cal. Mauri Abbatis. III. l.
 16. b. 17. Cal. Marcelli pape & mris. III. l.
 17. c. 16. Cal. Anthonii monachi. *commem.* Speosippi & socior. ejus. III. l. (e)
 18. d. 15. Cal. Prisce virginis III. lc. *Helica obiit.*
 19. e. 14. Cal. *Ercbinger presb. obiit, qui dedit pradium Paldevvin.*
'Gerboze presb. obiit. Engilscalcus monach. n.c. obiit.
 20. f. 13. Cal. Fabiani & Sebastiani martyrum XII. lc. *Ougo laicus obiit, qui dedit Hagenaba.*
 21. g. 12. Cal. Agnetis V. & Martyris. XII. lc.
 22. A. 11. Cal. Vincentii Martyris. III. lc.
 23. b. 10. Cal. Emerenciane V. & Martyris. III. lc. *Hartman laicus obiit, qui dedit pradium ad Heilrichesboven.*
 24. c. 9. Cal. Thimothei Apostoli. III. lc. (f)
 25. d. 8. Cal. Conversio S. Pauli Apostoli. XII. lc.
 26. e. 7. Cal. Policarpi episcopi & martyris. III. lc. *obiit Cbuonradus Pozzo presb. & monachus n.c. ac plebanus ad Pirgen & Landsperg. (g)*
 28. g. 5. Cal. Octava S. Agnetis V. III. lc.

(a) *Nempe Abbas XVIII. cujus acta dedimus Sac. V. Cap. 4. (b) Est secundus inter eos 23. Episcopus Trevir. quos Rmus Hontbemijs negat in Catalogis X. Sæculi inveniri. Tom. I. Hist. Trev. in Serie Archiep. f. LVII. (c) Nempe Ratisbonensis. Vid. Boll. ad hunc diem, (d) Nunc Peul & Pübl vocatur, vicus infra arcem cognominem, ubi Pratura olim, nunc Weilbemijs translata. (e) S. Speusippus cum sociis Eleusippo & Meleusippo adhuc colitur in Diac. nostra Augustana. (f) Episcopi nempe Epbesini & Martyris. (g) De Conrado Pozzone egimus sub Conrado II. Abb. XX.*

FEBRUA-

Abbat̃is Octavi Wessofontani.

FEBRUARIUS. (a)

CALEND. Mense Nume in medio sol sydus distat aequari.

Ast februi quarta est. precedit tertia finem.

Februarius habet dies XXVIII. luna XXVIII.

- d. Brigidæ virginis, III. lc.
- e. 4. Non. Purificatio S. Mariæ V. XII. lc. *Konradus conversus obiit.*
- f. 3. Non. Blasii episcopi & martyris. XII. lc. *Etzbinger presb. & mon. n. c. obiit.*
- g. 2. Non. - - - *Konradus laicus obiit, qui dedit ecclesiam ad Holzbusen & Riderouue.*
- A. NONÆ. Agathe V. & Mart. XII. lc. Ingenuini episcopi. *commem?*
Palduinus presb. & mon. n. c. obiit. (b)
- d. 6. Idus. - - - *Anoldus laicus obiit.*
- e. 5. Idus. Altonis confessoris III. lc.
- f. 4. Idus. Scolastice virginis XII. lc.
- A. 2. Idus. - - *Eppo laicus obiit, qui dedit predium Plitmotefuan.*
- b. IDUS.
- c. 16. Cal. MARCII. Valentini martyris. III. lc.
- d. 15. Cal. - - *Walcunus Abbas & mon. n. c. obiit. Richolfus pbr & m. n. c. ob.*
- g. 12. Cal. *Gertrud ob. Luitpaldus laicus ob.*
- A. 11. Cal.
- c. 9. Cal. *Heinricus pbr & m. n. c. ob.*
- d. 8. Cal. Kathedra S. Petri Ap. XII. lc. *Heilrat ob. qui dedit predium ad Poule.*
- e. 7. Cal. Vigilia. *Durinc nobil. presb. ob. qui dedit Hagenbaim & Mulebusin.*
- f. 6. Cal. MATHIE APOSTOLL XII. lc.
- g. 5. Cal. Waltburge virg. III. lc.
- A. 4. Cal.

(a) *Mensis est à Numa Rom. Rege institutus in honorem Platonis, quem Februum vocabant. Carol. Steph. Lexicon. art. Februus. (b) S. Ingenuinus Episcopus fuit Sabionensis, seu hodie Brixinensis, cujus Diocesis monasterium nostrum ante S. Sympertum fuisse credibile est.*

MARTIUS.

CALEND. Procedunt duplices in marcia tempora pisces.
Martis prima necat. cuius sic cuspide quarta est.
Marcius habet dies XXXI. luna XXX.

- d. Donati martyr.
f. 5. Nonas. **DEDICATIO CAPELLARUM S. MARIE V. IN HONORE IPSIUS ASSUMPTIONIS. ET S. MICHAELIS. ET S. BENEDICTI CONFESSORIS. (a)**
b. 2. Nonas. *Heilauic conversa obiit. Judita laica de Selevve obiit.*
c. **NONÆ.** Perpetue & Felicitatis mart. *commem. Albradus pbr & mon. ob. Hadavvic conversa obiit. (b)*
f. 6. Idus. *Hartmannus mon. ob. nostra congr. frater. Heiurich conversus ob.*
g. 5. Idus. *Geroldus pbr. & mon. n. c. ob.*
A. 4. Idus. *Gregorii pape. XII. lect. ob. Wolframus mon. n. c. Hartuinc. l. ob. qui dedit duas vineas. Werinberus mon. n. c. ob. Frydericus mon. ob. Walchbaum subdiac. & mon. n. c.*
d. **IDUS.**
e. 17. Cal. **APRILIS.**
f. 16. Cal. Gerdrudis virginis.
c. 12. Cal. Benedicti Abbatis. XII. lect. *Rouaila conversa.*
f. 9. Cal. *Irmingart conversa ob.*
g. 8. Cal. *Annunciatio S. Mariæ virg. XII. lc. Choutradius abbas & mon. n. c. ob.*
Ista conversa ob. Werinbardus conversus & advocatus (c)
b. 6. Cal. Ruperti archiepiscopi. (d) **RESURRECTIO DOMINI.**
c. 5. Cal. *Heriman pbr & mo. n. c. ob.*
e. 3. Cal. *Obiit bone memoria Diemouth inclusa. Luodenicus & Radkis monachi n. c. obierunt. (e)*

(a) *Vide P. I. d fol. 122. num. r. & 4. (b) De hac Hadavvige V. Sac. 4. s. f. 2. (c) P. I. f. 262. num. 3. & 4. (d) Iago: Episcopi primus enim Archiepiscopus fuit Anna. Hansa Germ. S. Tom. 2. fol. 110. num. XXVII. (e) De Diemode egimus d f. 166. de Luodovico Sac. V. Cap. VI. f. IX.*

APRIL

Abbatis Octavi Westfontani.

5

APRILIS.

CALEND. Aprilis decima est. undeno & hinc minatur.
Respicit aprilis aries frige Kalendas.
Aprilis habet dies XXX, luna XXVIII.

- g. Marie egyptiace.
A. 4. Non. *Matbild. co. obiit.*
b. 3. Non. *Gundacbar nobil. laicus ob. qui dedit predium ad Scalingisuuang.*
c. 2. Non. *Ambrosii episcopi III. lc. Matbild. ob.*
d. NONÆ. *Oudalscarb & Kuono monachi n. cong. obierunt.*
f. 7. Idus. *Otolf pbr. & mo. n. cong. ob.*
e. IDUS. *Willebalmus mo. n. congr. ob.*
f. 18. Cal. *MAL. Tiburtii, Valeriani, & Maximi martyrum. III. lc.*
g. 17. Cal. *Helinprebt co. ob.*
A. 16. Cal. *Meginbardus mo. n. congr. ob.*
d. 13. Cal. *Leonis pape.*
f. 11. Cal. *Obiit pie memorie Pertboldus de Greut, qui dedit S. Petro curiam in Greute pro remedio anime sue.*
g. 10. Cal. *Abrunculi episc. & confess. III. lect. Wambertus mon. n. c. ob. (a)*
A. 9. Cal. *Reinhoto l. obiit de Albrechtshouem.*
b. 8. Cal. *Georij martyris XII. lect. Adalperti episc. & mart.*
c. 7. Cal. *Marci euangeliste. XII. lc. Engildie l. ob. qui dedit partem predij Menzingen. Otto l. obiit.*
f. 4. Cal. *Vitalis martyris III. lc. Kounradus pbr & m. n. c. ob.*
A. 2. Cal. *Irmingart conversa obiit. Pilegrinus pbr & mo. n. c. ob.*
(a) *Aprunculus Archiep. Trev. obiit A. 527. Hist. Trev. in Serie fol. LX.*

MAJUS.

CALEND. Majus agenorei minatur cornua tauri,
Tertius est majo lupus. est & septimus angulus.
Majus habet dies XXXI. luna XXX.

- a. 6. *PHILIPPI ET JACOBI. XII. lect. Waldpurg virgin. commem.*

(A) 3

a. c.

2. c. 6. Nonas. *Heinricus comes de Wolfartsbausen ob. qui dedit mansum ad Raistingen.*
3. d. 5. Nonas. *Invenio S. Crucis. XII. lc. Alexandri & aliorum, commem.*
4. e. 4. Non. *Floriani mart. III. lc. Heriman l. ob. qui dedit predium ad prantenberc. Petto l. ob. qui dedit predii partem. Epbenbusen.*
5. f. 3. Non. **ASCENSIO DOMINI.** *Meginwardus pbr & m. n. c. ob.*
6. g. 2. Non. *Johannis ante portam latinam. XII. lc. Loudewicus diac. n. c. ob.*
8. b. 8. Idus. *Victoris mart. III. lc. Heilica conversa ob.*
9. c. 7. Idus. *Obiit Gistha monialis de Seuel. qua dedit predia Biberbach. Gutingen. Wolmuotfabe. Tangvebrien. & Rinnenbach.*
10. d. 6. Idus. *Gordiani & Epimachi mart. III. lect.*
12. f. 4. Idus. *Nerei Achillei & Pancracii, III. lc. Modoaldi episc. commem. (a)*
13. g. 3. Idus. *Gangolfi martyris. Oudalscalcus l. ob. de Waleshouin. qui dedit duo predia. ad Plintincelli. & ad Aych. utrinque duas curtes. Pilegrinus l. ob. qui dedit partem predii Ramasum. (b)*
14. A. 2. Idus. *Bonifacii mart. Obiit Ilfungus primus hujus cenobii Abbas.*
15. b. IDUS. **DESCENSIO SANCTI SPIRITUS.** *Kounradus Subdiaconus, qui dedit predium ad Perloch. & ad Leibingen.*
16. c. 17. Cal. **JUNII**
18. e. 15. Cal. *Adelbertus mon. n. c. obiit.*
19. f. 14. Cal. *Potenciane V. & mart. Luitbertus pbr & mo. n. c. ob.*
21. A. 12. Cal. *Merigart conversa n. c. obiit.*
22. b. 11. Cal. *Mabfrat l. ob. qui dedit predium Pachman.*
25. e. 8. Cal. *Urbanus pape & martyris.*
27. g. 6. Cal. *Heinricus pbr & mo. n. c. ob. Susanna conversu. n. c. ob.*
29. b. 4. Cal. *Maximini episcopi Treuerensis. XII. lect.*
31. d. 2. Cal. *Petronelle virginis. III. lc.*
- (a) *S. Modoaldus Episcop. Trevir. Hist. Trev. in Serie f. LXI. (b) De S. Gangolfo jam egimus Part. I. fol. 145.*

JUNIUS.

JUNIUS.

CALEND. Junius equatos celo videt ire laconas.
Junius in declino quindeno a fine salutatur.
Junius habet dies XXX. luna XXIX.

- | | |
|-----------------|------------------------------------------------------------------------------------------------------------------------------------------------------------------------------|
| 1. e. | Symeonis confessoris. |
| 2. f. 4. Non. | Marcellini & Petri, III. lect. |
| 5. b. NONÆ. | Bonifacii archiepiscopi cum aliis duodecim, III. lc. |
| 9. f. 5. Idus. | Primi & Feliciani Mart. III. lc. |
| 11. A. 3. Idus. | Barnabe apostoli, III. lc. |
| 12. b. 2. Idus. | Basilidis Cirini & aliorum, III. lc. <i>Herwigus mon. n. c. ob.</i> |
| 13. c. IDUS. | <i>Purchardus pbr & mo. n. c. ob.</i> |
| 14. d. 18. Cal. | JULII. <i>Waltherus l. ob. qui dedit predium ad Cholobach.</i> |
| 15. e. 17. Cal. | Viti Modesti & Crescencie, XII. lc. |
| 16. f. 16. Cal. | <i>Dietericus mo. n. c. ob. Perbtolt l. ob.</i> |
| 17. g. 15. Cal. | <i>Adelbertus monachus, qui ipse & frater ejus Reinbertus dederunt predia Sliten. Ruffian, Adalbrechtsriete. & quorum predium Buoch datum est pro Panzingen. (a)</i> |
| 18. A. 14. Cal. | Marcelliani & Marci Mart. III. lc. |
| 19. b. 13. Cal. | Geruasii & Prothasii Mart. III. lc. |
| 21. d. 11. Cal. | Albani Mart. III. lc. <i>Oudalricus mo. n. c. ob.</i> |
| 22. e. 10. Cal. | Paulini episc. |
| 23. f. 9. Cal. | Vigilia. |
| 24. g. 8. Cal. | NATIVITAS S. JOHANNIS BAPTISTE. XII. lc. |
| 26. b. 6. Cal. | Johannis & Pauli mart. III. lc. |
| 28. d. 4. Cal. | Leonis pape. III. lc. Vigilia apostolorum, |
| 29. e. 3. Cal. | PETRI ET PAULI APOSTOLORUM. XII. lc. |
| 30. f. 2. Cal. | Commemoracio S. Pauli apostoli, XII. lc. |

(a) *De hoc Adelberto vid. P. I. f. 160. num. 5.*

JULIUS.

CALEND. Solstitium ardentis cancri fert Julius astrum.
Tredecimus juli decimo innuit ante Kalendas,
Julius habet dies XXXI. luna XXX.

1. g. Octava S. Joannis baptiste. III. lc.
 2. A. 6. Non. Processi & Martiniani mart. III. lc.
 4. c. 4. Nonas. OUDALRICI EPISCOPI. XII. lc.
 6. e. 2. Non. Octava apostolorum. XII. lc.
 7. f. Nonas. Willibaldi episc. III. lc. *Ob. bone memorie Sigibardus Abbas pater istius loci. (†)*
 8. g. 8. Idus. Kiliani & socior. ejus. III. lc.
 10. b. 6. Idus. Septem fratrum. III. lc.
 11. c. 5. Idus. Translatio S. Benedicti. XII. lc. *Konradus mo. n. c. ob.*
 12. d. 4. Idus. MARGARETE V. ET MART. III. lc. (b) *Eberhardus subdiac. & mo. n. c. ob.*
 14. f. 2. Idus. Divisio XII. Apostolorum. XII. lc.
 15. g. IDUS. AUGUSTI.
 16. A. 17. Cal. Alexii confessoris. III. lc.
 17. b. 16. Cal. Adalpertus pbr & mo. n. c. ob.
 19. d. 14. Cal. Severe virginis.
 20. e. 13. Cal. Victoris martyris. Braxedis virg. III. lc.
 21. f. 12. Cal. MARIE MAGDALENE. XII. lect.
 22. g. 11. Cal. Apollinaris Episc. & mart. III. lc.
 23. A. 10. Cal. Christine virg. III. lc. *Wolfrigid I. ob.*
 24. b. 9. Cal. JACOBI APOSTOLI. XII. lc. Christofori Mart. *commem.*
 25. c. 8. Cal. Luitoldus pbr & mo. ob. Heinricus mon. n. c. *obiit.*
 26. d. 7. Cal. Panthaleonis Mart. III. lc.
 28. f. 5. Cal. Felicis pape & mart. III. lc. Simplicii Faustini & bea- *tricis. commemor.*
 29. g. 4. Cal. Abdon & Sennes. III. lc.
 30. A. 3. Cal. Tertulini mart. III. lc. (c)
 31. b. 2. Cal. (a) *De hoc egimus P. I. f. 116. (b) S. Margareta Festum in Diae. Aug. celebratur 13. Julii, alibi 20. ejusdem. (c) Cujus Reliquia Schlehdorffii. Chron. Benedictoburanum P. I. fol. 32.*

AUGUSTUS.

CALEND. Augusti nepa prima fugat. de fine secunda.
 Augustum mensem leo fervidus igne perurit.
 Augustus habet dies XXXI. luna XXIX.

1. c. Ad viſcula S. Petri. XII. lc. Septem fratrum Machabeorum. *commem.*
2. d. 4. Nonas. Stephani pape & mart. III. lc. *Bertha obiit.*
3. e. 3. Nonas. Invencio S. Stephani protomart. XII. lc. (a) *Adalbero Abbas iſtius loci. & reparator cenobialis vite obiit. (b)*
5. g. NONÆ. Oswaldi regis & mart. III. lc. (c)
6. A. 8. Idus. Sixti pape & mart. III. lc. Feliciffimi & Agapiti mart. *comm. Magenbardus pbr & mō. n. c. ob.*
7. b. 7. Idus. AFRE MART. XII. lc. Donati episc. & mart. *commem. Heinrichus I. obiit, qui dedit predium ad Obenberch. Maria converſa ob.*
8. c. 6. Idus. Ciriaci & socior. ejus. III. lc.
9. d. 5. Idus. Romani mart. *commem.* Vigilia.
10. e. 4. Idus. LAURENCII MART. XII. lc. *Arnoldus Abbas ob. Aribō mo. n. c. ob.*
11. f. 3. Idus. Tiburcii mart. III. lc.
13. A. IDUS. Yppoliti & soc. ejus martyrum. III. lc.
14. b. 19. Cal. SEPTEMB. Eusebii pbrī III. lc. *Hermannus ſubdiac. & mo. n. c. ob.*
15. c. 18. Cal. Aſſumpcio S. Marie V. XII. lc. *Fridericus dias. & mo. n. c. ob.*
17. e. 16. Cal. Octava S. Laurencii. III. lc.
18. f. 15. Cal. Agapiti mart. III. lc. *Luikart converſa ob. (d) Helpericus mo. n. c. ob.*
22. c. 11. Cal. Octava S. Mariæ V. XII. lc. Thimothæi & Symphoriani mart. *commem.*
23. d. 10. Cal. Vigilia.
24. e. 9. Cal. BARTHOLOMEI APOSTOLI. XII. lc.
28. b. 5. Cal. Auguſtini episc. XII. Hermetis mart. Pelagii mart. *Pilegrinus pbr & mo. n. c. ob. Irmingat I. ob. que dedit predium ad Eringefingen.*
29. c. 4. Cal. Decollatio S. Johannis baptiſte. XII. lc. Sabine V. *commem.*
30. d. 3. Cal. Felicis & Adaucti mart. III. lc.
31. e. 2. Cal. *Kounradus mo. n. c. ob.*

- (a) *De hujus martyrio lapidem possidemus, & ejus Ecclesiam in Pol-
schwang.* (b) *De Adalberone vid. P. I. à fol. 106.* (c) *Colitur
S. Oswaldus Traunsteina in superiore, & ad S. Oswaldum prope Gra-
uenau in inferiore Bav Hund. Metrop. T. III. fol. 57. Hac ecclesia
hodie à Benedictinis Nideraltabensibus administratur.* (d) *Eam fuisse
suspicionem, qua cum B. Juditha vixit, de qua nos Sac. IV, Cap. X.
§. 2.*

SEPTEMBER.

CALEND. *Sidere virgo tuo baculum september opimat.
Tertia septembris vulpis ferit à pedè denam.
September habet dies XXX. luna XXX.*

1. f. Prisci mart. *III. lc.* Egidii Abbatis, & Verene virginis.
2. g. 4. Non. Wulfsinde virginis. *XII, lc.* Adalpero mo. n. congr. ob. (a)
3. A. 3. Non. Antonini mart. *III. lc.*
6. d. 8. Idus. Magni confessoris. *XII, lc.* Hiltigart conversa ob.
8. f. 6. Idus. NATIVITAS S. MARIE VIRG. *XII, lc.* Adriani
mart. Corbiniani episc. *commem.*
9. g. 5. Idus. Gorgonii mart. *III. lc.* Translatio S. Chunigundis
virg. *XII. lc.*
11. b. 3. Idus. Prothi & Jacinti. *III. lc.* Felicis & Regule.
14. e. 18. Cal. OCTOB. Exaltacio S. Crucis. *XII, lc.* Cornelli &
Cipriani mart.
15. f. 17. Cal. Nicomedis mart. *III, lc.* Hartnidus l. ob. qui dedit
predium ad Hufen.
16. g. 16. Cal. Eufemie virg. *III. lc.* Lucie & Geminiani mart. *commem.*
17. A. 15. Cal. Lamperti episc. & mart. *III. lc.*
19. c. 13. Cal. Purbardus mo. n. congr. ob.
20. d. 12. Cal. Vigilia. Pabo l. ob. qui dedit mansum unum
ad Puzzen.
21. e. 11. Cal. MATHEI APOST. ET EVANGELISTE. *XII. lc.*
22. f. 10. Cal. Mauricii & soc. ejus. *XII. lc.* Emmerammi Epi &
mart. *commem.*
23. g. 9. Cal. Tecele virg. *III. lc.*
24. A. 8. Cal. Rouperti episc. *III, lc.* (b)

26. c.

26. c. 6. Cal. Cipriani episc. & mart; Justine virg. *Wolfrigit mo. n. c. ob.*
 27. d. 5. Cal. Cosme & Damiani mart. *III. lc.*
 28. e. 4. Cal. Veneslai martyris. *Dedicatio ecclesie Marie Matris Domini. XII. lc.*
 29. f. 3. Cal. Michahelis Archangeli. *XII. lc.*
 30. g. 2. Cal. Jeronimi presb. *III. lect.*

(a) *De quo vid. P. I. fol. 160 num. 7.* (b) *Festum Translationis ejus bodie in Septembri celebratur.*

OCTOBER.

CALEND. *Tercius october gladius decimum ordine nescit.
 Equat & october sementis tempore libram.
 October habet dies XXXI. luna XXIX.*

1. A. Remigii episc. *III. lc.*
 2. b. 6. Non. Leodegarii episc. & mart. *III. lc. Oudalrich l. qui dedit predia ad Erpftingen. ob. Dietericus l. ob. qui dedit l. mansum ad Suabbusen.*
 3. c. 5. Non. *Obiit Heinricus laic. liber de Seult, qui dedit mansum in Pueringen.*
 6. f. 2. Non. *Irmingart l. qua dedit II. predia ad Sandolsbusen & ad Marbbach. Eccehardus l. ob. qui dedit l. mansum ad Perga. Werinh. l. ob. qui dedit l. mansum ad Cussun.*
 7. g. NONÆ. Marci pape *III. lc.* Sergii & Bachi mart. *comm. Sigimarus mo. n. c. ob.*
 8. A. 8. Idus. *Routpertus mo. n. c. ob.*
 9. b. 7. Idus. Dionisii & soc. ejus. *XII. lc.*
 10. c. 6. Idus. Gereonis & soc. ejus. *III. lc.*
 14. g. 2. Idus. Calixti pape & mart. *III. lc. Egtholf l. ob. qui dedit dimidium ecclesiam & dimidium predium ad Viligundenbouen. Adalman l. ob. Konradus pbr & mo ob.*
 16. b. 17. Cal. NOVEMB. Galli confessoris. *XII. lect. Otwin nobile vir ob. qui dedit predium ad Rubes. Ita comitissa ob. qua dedit ad Münnechen predium.*

18. d. 15. Cal. Luce Evangeliste. XII. lc.
 19. e. 14. Cal. Januarii & soc. ejus. III. lc.
 20. f. 13. Cal. *Pernbardus pbr & mo. ob.*
 21. g. 12. Cal. Sanctarum virginum XI. milia. XII. lect.
 22. A. 11. Cal. DEDICATIO HUIUS MONASTERII.
 23. b. 10. Cal. Seuerini episc. & confess. III. lc.
 25. d. 8. Cal. Crispini & Crispiniani mart. III. lc.
 28. g. 5. Cal. SIMONIS ET JUDE APOST. XII. lc.
 29. A. 4. Cal. Narcissi episc. & mart. XII. lec. *Walcboun nobil. & Stainbach ob. qui dedit predium in Phaphinboun.*
 30. b. 3. Cal. *Udalricus l. ob. Magenbardus presb. ob. qui dedit predium ad Wile & Gerensbusen.*
 31. c. 2. Cal. Vigilia. Quintini mart. III. lc. Wolfgangni episc.

NOVEMBER.

CALENDÆ. Scorpius hybernus præcepit ire novembrem.
 Quinta Novembris acus vix tertia mansit in ura.
 November habet dies XXX. luna XXX.

1. d. OMNIUM SANCTORUM. XII. lect. Cesarii mart. *commem.*
 3. f. 3. Nonas. *Richere mp. n. c. ob.*
 4. g. 2. Nonas. *Aribo mo. n. c. ob.*
 5. A. NONÆ. *Ratold l. ob. qui dedit dimidium mansum ad mulas.*
 7. c. 7. Idus. Willibrordi episc. III. lc. Leonhardi confess.
 8. d. 6. Idus. Sanctorum quatuor coronatorum.
 9. e. 5. Idus. Theodori mart. III. lc. *Benedictus Abbas & mon. congregacionis, qui istum librum scripsit, obiit.*
 11. g. 3. Idus. MARTINI EPISC. XII. lc. Menne mart. *commem.*
 13. b. IDUS. Briccil episc. III. lc. *Pernbardus pbr & mo. n. c. ob.*
 14. c. 18. Cal. DECEMBRIS.
 16. e. 16. Cal. Othmari abbatis XII. lect.

18. g. 14. Cal. Octava S. Martini episc. XII. lc.
 19. A. 13. Cal. *Adalpreht l. ob. qui dedit predium ad Gerens-
 busen.*
 21. c. 11. Cal. *Adalbeit obiit.*
 22. d. 10. Cal. Cecilie V. & mart. XII. lc.
 23. e. 9. Cal. Clementis pape & mart. XII. lc. Felicitatis. comm.
 Columbani Abb. comm.
 24. f. 8. Cal. Chrisogoni mart. III. lc.
 29. d. 3. Cal. Saturnini mart. III. lc. Chrisanti Mauri & Darie V.
 commem.
 30. c. 2. Cal. ANDREE APOST. XII. lc. Eodem die DE-
 DICATIO HUIUS ECCLESIE, vulgariter,
 des Alten münsters. (a)

(a) *De hac Dedicacione egimus Sac. I. Cap. I. §. III. fol. 14. &c.*

DECEMBER.

CALENDÆ. *Terminat arcitenens medio sua signa decembris.
 Dat duodena cohors septem. inde decemque decembris.
 December habet dies XXXI. luna XXVIII.*

1. f. Longini mart. qui latus domini lancea aperuit.
 3. A. 3. Non. *Hartnid l. ob. qui dedit II. predia in Phaphin-
 bouen. & in Gbeminnatim.*
 4. b. 2. Non. Barbare V. & mart. III. lc.
 6. d. 8. Idus. NICOLAI EPISC. XII. lc.
 7. e. 7. Idus. Octava S. Andree apost. III. lc.
 8. f. 6. Idus. Zenonis episc. & mart. commem.
 10. A. 4. Idus. Eulalie virg. *Utricus l. ob. de Vindingen, qui dedit
 nobis molendinum Vindingen.*
 11. b. 3. Idus. Damasi pape. III. lc. *Thassilo dux, qui congrega-
 tionem istam perfecit, obiit.*
 13. d. IDUS. Lucie Virg. & mart. XII. lc.

(B) 3

14. c.

14 Calend. Bened. I. Abbatis Octavi Wessof.

14. e. 19. Cal. JANUARI. Mettilo l. obiit.
 15. f. 18. Cal. *Volmarus mo. n. c. ob. Bertha converſa ob.*
 18. b. 15. Cal. Wunibaldi confeſſ.
 19. c. 14. Cal. *Luipaldus l. ob. qui dedit predia ad Aicba.*
 21. e. 12. Cal. THOME APOST. XII. lc.
 22. f. 11. Cal. Rome XXX. Martyrum.
 23. g. 10. Cal. *Bertha ob.*
 24. A. 9. Cal. Vigilia. Gregorii pueri & mart. *commem.*
 25. b. 8. Cal. NATIVITAS DOMINI NOSTRI JESU CHRISTI.
 Anaſtaſie virg. *Dieipure. ob.*
 26. c. 7. Cal. STEPHANI PROTHOMART. XII. lc.
 27. d. 6. Cal. JOHANNIS EVANGELISTE. XII. lc. *Obiit pie
 memorie Walto Abbas n. congr.*
 28. e. 5. Cal. Sanctorum Innocentum. XII. lc.
 31. A. 2. Cal. Silueſtri pape & confeſſoris. XII. lc.



II. STE.

II.
STEPHANI LEOPOLDER
 MONACHI WESSOFONTANI
SELECTA COLLECTANEA
 DE
HISTORIA IMPERII ROMANI ET
MONASTERII SUL.

I.
De Fundatione Thassilonis Ducis.

Thassilo Dux primum, post Rex, Monachus sed ad imum.
 Idibus in ternis decesserat iste Decembris.
 Caelitus imbutus, divinæque iussa secutus
 Claustum, Petre, tibi statuit spectabile soli,
 Fontem Wessini regali clave tueri.
 Nobilium donis nitet hæc domus, aucta Patronis,
 Quorum sint memores, omnes hæc scripta legentes.

Ex Monasterio S. Salvatoris in Pollingen.

Coenobium Fons Bessonis cognomine dictum
 Illustris Princeps Tassilo condiderat,
 Quem erecta in cælum scala summum instruxerat: inde
 Dux idem insignis repperit ipse Cruces
 Ternas: per cervam mirè terram fodientem.
 Caelitus hinc motus Tassilo, Coenobium
 Fundavit Pollinganum, elapsis tribus annis,
 Sedes cui æthereas det Deus omnipotens.
 Utraque claustra hæc Antistes Bonifacius almas.
 Ore dicat proprio, consecrat atque Deo.

CHRONICON IMPERII.

Anno Domini DCC.LVII. Thassilo Dux Bavarorum venit ad Pipinum Regem cum Primoribus gentis suæ, fidelitatemque tam ipsi Regi, quam filiis ejus Carolomanno & Carolo promisit jurjurando super corpus S. Dionysii, nec solum ibi, sed etiam super corpus S. Martini, & S. Germani id ipsum sacramentum cum omnibus primoribus suis firmavit.

Anno Domini DCCLX. S. Othmarus Abbas in insulam, quæ dicitur Stain, relegatus migravit ad Dominum. Eodem anno Iosephus Episcopus Frisingensis tertius obiit. Hic Præsul præcipuus, divini amoris igne accensus, pastor & rector dominicarum ovium, impetravit ad sedem suam Erching. Sed & gloriosus Dux Thassilo, quicquid ad Feringen pertinebat, consentientibus possessoribus, totam tradidit sibi & ecclesie sue.

Anno Domini DCCLXIII. Pipinus Rex habito Conventu in Nèvern, huic se Thassilo Dux Bauvarie subtraxit, ac postponens sacramenta quæ juraverat, & oblitus omnium bonorum, quæ sibi avunculus suus Pipinus rex fecerat, simulata infirmitate ab hac expeditione per dolum se subtraxit & in Bauvariarn rediit, firmatæque ad defectionem animo, ad conspectum Regis se ulterius venturum abjuravit.

Anno Domini DCCLXV. Otilo Dux Bauvarie, & genitor Thassilonis Regis & Principis obiit.

Anno Domini DCCLXVIII. Pipinus Rex post bellum & interfectionem Walfarii Ducis in territorio Petragorico, Sanctonas reversus est, ibique demorans aliquamdiu, egritudine decubuit. delatus tamen Turonos apud S. Martini memoriam oravit. indeque Parisium veniens VIII. Kal. Octobris obiit. corpusque ejus in Basilica S. Dionysii episcopi humatum est.

Anno Domini DCCLXXIII. Dedicata est primo Ecclesia sancti Ruoperti Salzburge a S. Virgilio episcopo, anno XXVI. vel circa, regni Thassilonis Ducis. Eodem anno transtulit idem Episcopus S. Ruopertum, & duos ejus Capellanos Chunialdum & Gislarium.

Anno Domini DCCLXXIV. Adrianus Papa primus successit. Et sedit XXIII. annis. menses X. & XVIII. dies. Hic egregius Pontifex celebravit septimam synodum cum CCCL. Episcopis, in qua primum Felicianæ heresis de imaginibus tollendis damnata est.

Anno

Anno Domini DCCLXXV. Corpora sanctorum Gordiani & Epimachi martyrum de Roma per Carolum regem translata sunt ad monasterium Campidonensem, ubi & sicut Patroni habentur.

Anno Domini DCCLXXXVIII. Thassilo dux & filius ejus Theodo jussu & licentia Caroli imperatoris attonsi sunt, & ad monasterium Laurisheimensem missi, quod prius ipse Dux quam sumptuosissime construxerat. in quo & ad vite sue terminum quam religiosissime vixerunt.

Anno Domini DCCCIV. S. Simpertus in episcopatu successit.

Anno Domini DCCCXIV. Carolus Imperator dictus magnus obiit, cui Ludovicus filius suus dictus pius successit.

Anno Dni DCCCXXXIII. obiit S. Simpertus Episcopus Augustensis.

Anno Dni DCCCXXXVIII. Lupus quidam vir doctus (ut credo Trevirensis ecclesie canonicus) scripsit, ut ipse in fine operis testatur, vitam & gesta atque miracula S. Maximini Treverensis Archiepiscopi.

Anno Dni DCCCXLI. Lotharius primus Imperator successit.

Anno Dni DCCCLVI. Ludovicus secundus successit.

Anno Dni DCCCLXXIV. Carolus secundus in regno successit.

Anno Dni DCCCXIII. Conradus I. Imperator successit.

Anno Dni DCCCCXX. Henricus I. Imperator, pater Ottonis magni successit in regno.

Anno Dni DCCCCXXIII. S. Udalricus episcopus efficitur.

Anno Dni DCCCCXXXV. S. Conradus Episcopus efficitur & sedit annis XLII.

Anno Dni DCCCCXXXVII. Otto I. Imperator successit, & præfuit regno annis 38.

Anno Dni DCCCCLXVIII. exustum est monasterium Tegernsee funditus.

Anno Dni MLXVI. Cometes per totum orbem diu apparuit.

Anno Dni MLXVIII. Agnes Imperatrix, mater regis Henrici tedio affecta, vel potius divinitus compuncta, Ducatum Baiarie deposuit, & regni gubernacula penitus contemnens. pro Christo se Romam contulit, ibique dignis penitentie fructibus mira inserviens humilitate, post aliquot annos in Domino presentem vitam finivit. Et in ecclesia S. Petronelle sepulta est.

18 Stephani Leopolder Monachi Wessofont.

Anno Dni MLXXI. Otto Dux Baioatie Ducatum, ut reus majestatis amisit. Quem Welfo quidam illustris & acer atque bellicosus, natu Suevus accepit. Idque tam principalis discordie semen in perpetuos heu preliorum & fedicionum, predarum & incendiorum, scismatum etiam & heresium; atque mortium tamentabiles fructus germinavit atque succrevit.

Anno Dni MLXXIII. Alexandro Papa II. defuncto, Gregorius VII. successit, professione monachus & Archidiaconus, sub quo Romana respublica, & omnis ecclesia novis & inauditis scismatum erroribus periclitari cepit.

Anno Dni MLXXVII. Gloriosus & venerandus Embrico Episcopus Augustensis, plenus bonis operibus in Domino obdormivit III. Kal. Augusti. Hujus ut fertur temporibus inventa sunt corpora sanctarum martyrum Aphre. Hylarie. Digne. Eudemie. Eutropie, & aliorum sanctorum. Et reliquie S. Narcissi de Gerunda civitate Hispaniarum Augustam allate sunt.

Anno Dni MLXXXI. Bellum inter Conradum in orientali Bajoaria ducis Bohemie fratrem. Et Luipoldum marchionem commissum IV. Idus Maji. Eodem anno aliud bellum fuit inter Alemannos & Baioarios III. Idus Augusti juxta Danubium apud Hochensteim ubi Palatini Comitis Chunonis filius Chuba occisus est.

Anno Dni MLXXXIII. Welfo Bajoariorum antea Dux. Augustam civitatem summo mane intravit. Sigisfrido episcopo II. vix evadente. Wigoldum quemdam ejusdem loci Canonicum inthronisavit.

Anno Dni MLXXXIV. Henricus Imperator de Italia digrediens. Augustam civitatem ab Alemannis invasam obsedit & accepit.

Anno Dni MLXXXVI. Sub quodam Brunone ex urbe Colonia ordo Carthusiensium traxit originem.

Anno Dni MLXXXVIII. Sol eclipsim passus est, & fames intolerabilis fere per universum orbem fuit. Nimia etiam inundacio aquarum fuit multis in locis damno & periculo. Nam & in Italia diluvies tanta fuit, ut rupes liquefacte plures villas ruina sua destruerent. Domestice etiam aves, pavones, galline, anseres a domibus se extrahentes, omnes sunt silvaticae. Eodem anno Augusta urbs insidiis Suevorum in Cena Domini capta est, secunda feria Pasce destruitur. Et Sigisfridus II. ejusdem urbis episcopus per Welfonem ducem custodie mancipatur; in Castro suo Rauenpurg. Et Wigoldus invasor ejusdem ecclesie intra paucos dies moritur VI. Idus Maji. Et sepelitur in Faubus

bus Alpium in Cenobio S. Magari Confessionis. Bertha, etiam Imperatrix hoc tempore obiit, & ipse sepulta est.

Anno Dni MLXXXVIII. Henricus Imperator IV. secundas nuptias Colonie celebravit, quandam Utonis marchionis viduam Ruscorum Regis filiam ducens uxorem.

Anno Dni MXC. Adelberus Würzburgensis Episcopus de sede sua jam diu depulsus in Bajoaria moritur, ibique in monasterio suo Lambach sepelitur. Eodem anno Henricus Imperator Italiam ingreditur, ibique fere per septem annos moratur.

Anno Dni MXCII. Pestilencia magna facta est, hominum atque pecudum.

Anno Dni MXC. III. Visus est splendor quidam, quasi facula volans per aërem ab oriente in occidentem. Eclipsis solis etiam facta est IX. Kal. Octobris hora tertia. Et mortalitas magna subsequuta fuit.

Anno Dni MXC. IV. Ecclesia in mortalitate immensa incredibiliter vastata est. Insuper pestilentia, turbinibus, imbrum inundationibus, cladibus nimis afflicta.

Anno Dni MXC. VI. Welfo antea Dux Noricus, qui ab Imperatore jam dudum abjuraverat, & ob id Ducatum perdidit, in gratiam ejus rediit, ducatumque recepit. Hoc etiam anno signum in sole apparuit V. Nonas Marci feria secunda incipientis quadragesime. Diversa etiam prodigia mundus ubique referebat.

Anno Dni MXCVII. Cometes apparuit, quo tempore Henricus Imperator ab Italia rediens Ratisponam Baioarie urbem venit, ibi aliquamdiu moratus. Eodem anno aestas fertilissima, hyems vero lenis & pestilens fuit, imbrum & fluminum inundaciones nimis increverunt.

Anno Dni MXCVIII. Ordo Cisterciensium sub regula S. Benedicti originem duxit sub quodam Stephano Abbate. Sed paulo postea mirabiliter fuit dilatatus per beatum Bernhardum Clarenvalensem.

Hoc quoque anno Welfo dux Bajoariorum denuo filios suos & ipsos rebellare temptantes gratie Imperatoris H. IV. reconciliavit & uni eorum Ducatum post se impetravit.

Anno Dni MXCLX. Henricus Imperator natale Domini Colonie celebravit & in Epiphania vero Aquisgrani filium suum juniorem Henricum quintum Regem fecit, reprobato majore suo Conrado, quem prius coronaverat.

Eodem anno. Dum etiam Imperator cum Principibus colloquium Ratisbone haberet, mortalitas subito exorta duos magnates absumpsit, de inferioribus verò etiam quam plures. Per civitates quoque ac regiones non modicam vulgi stragem fecit. Fames etiam improvisa multis locis invaluit.

Anno Dni MC. Canonice est electus Paschalis Papa II. Sedis annis XVIII. & mensibus quinque. Hujus tempore anno quinto concilium generale sub eo Florentiæ celebratur, CCCXL. Episcopis ibi existentibus.

Eodem anno Frisingia & Augusta urbes destruuntur per Welfonem Noricorum Ducem.

Anno Dni MCI. Welfo Dux senior, & quartus in ordine, Fundator Monasteriorum Staingaden. Altorf, quod nunc Weingarten vocatur. Altenmünster, & Raytenpuch, iter Jerosolimitanum aggressus est, III. Kal. Aprilis.

Anno Dni MCIV. Circa solstitium æstivale commutato in tempestatem aëre decidisse fertur inter grandinum lapides, in pago Würzburgensi, tantæ magnitudinis glacies, quæ in quatuor divisa, totidem hominibus importabilis videretur. Eodem anno in Episcopo Spirensi sanguis ex panibus fluere visus, necnon in lenticularum edulio prodigiose repertus, civile, immo intestinum bellum & discordiam civitatum innovit. Hoc quoque anno Natale Domini H. IV. Imperator Ratisbone agens, orta seditione, sigehardus Comes à familia principum, qui ministeriales vocantur, eo quod justiciam eorum infringere diceretur, occisus fuit.

Anno Dni MCXVII. Inter ipsa Dominice Nativitatis festa tertio nonas Januarii hora vespertina commota est & contremuit terra, ab ita nimirum furoris Domini, adeo ut nemo inventus sit super terram, qui tantum se umquam sensisse fateatur terræmotum. Nam multa inde subversa sunt edificia. Civitates etiam quasdam subruas referabantur. Quin etiam contrua valde terribilia III. Kal. Februarii cum grandi turbine sunt audita, fulgura etiam eodem tempore crebro visa.

Anno Dni MCXIX. Gelasius Papa II. apud Viennam Synodum congregavit, eaque transacta post paucos dies in monasterio Cluniacensi vitam presentem in Domino sinivit. Huic Concilio interfuit Northbertus, postea Premonstratensis Ordinis institutor.

Anno

Anno Dni MCXX. Incepit Ordo Premonstratensium, cujus loci & Ordinis vir Dei Northbertus, de partibus Lotharingie oriundus, fundator extitit gloriosus.

Anno Dni MCXXIV. Eclipsis lune apparuit in Purificatione S. Marie virginis. Unde etiam perterritus Conradus consobrinus Imperatoris, conversionem morum suorum professus, Ierosolimam se profectorum ibidemque Christo militaturum devovit. Eodem anno fuit maxima discordia inter Imperatorem & civitatem Wormaciensem.

Hoc anno Henricus V. Imperator Natale Christi Jesu Aquisgrani celebravit.

Anno Dni MCXXV. signa diverso modo apparuerunt in sole, luna, & stellis. Fuit etiam Hyems asperissima, ver tempestuosum, fames validissima, ac mortalitas crudelissima secute, tantam stragem per universas provincias, maximè tamen de vulgaribus dederunt, ut pene tertia pars populi notaretur occubuisse. Nam post vulgi stragem immensam tam fame quam pestilentia, judicio patrata divino, lues tanta tamque indifferens per populos ubique grassari cepit, ut nulli conditioni, sexui, vel etati parcendum fore, mors minicaretur pallida, vixque vivi sufficerent ad curanda defungentium cadavera. Post his quarta feria ebdomade Pentecostes dirissime pruine frigus plagam magnam tam novellis ubique frugibus, quam vineis abundantissimam jam setuum suorum spem turgendo promittentibus inpulit. Nec multo post, i. e. XVI. Kal. Julii residuum frigoris tempestas tam immensa, que diluvium minari videretur alicui, crudeliter omnia devastavit.

Eodem anno H. Imperator Natale Christi Argentine celebravit frequentantibus ibi curiam principibus transrheninarum. Hoc quoque anno Henricus quintus Imperator obiit, cum nonnullis Episcopis & Nobilibus Germanie provincie.

Anno Dni MCXXVI. Lotharius dux Saxonie electus est rex. Erat inquit vir ille strenuus belli ductor, præcipuus in armis, providus in consilio, terribilis inimicus, Dei & sancte ecclesie veritatis amicus, justicie socius, injusticie inimicus, cujus probitas patuit in sicilia, viguit & in Saxonia, qui quamdiu vixit, totum Romanum imperium, quod ejus custodie deputatum fuerat, titubare non potuit. Eodem anno maxima inundacio aquarum facta est circa Romam in die S. Eleutherii Pape & martyris.

Anno Dni MCXXXII. Augusta civitas Vindellicorum combusta est.

22 Stephani Leopolder Monachi Wessofont.

Anno Dni MCXXXIII. xiv. Kal. April. Eligitur Waltharius Augustensis episcopus, & sedit annis XIX. Hic fuit maximus benefactor nostri Cenobii & Waltonis Abbatis.

Anno Dni MCXXXVI. Lotharius fuit in Apuliam, in qua expeditione Henricus Dux, qui dictus fuit superbus, & frater Welfonis, duxit mille quingentos milites.

Anno MCXXXVII. Innocentius Papa II. ex Germania veniens Romam, sedem suam per Lotharium meruit accipere.

Anno Dni MCXXXVIII. Lotharius Rex obiit in Autumno sine filiis. Dux verò Henricus, in cujus sinibus obierat, regalia reservavit, ut in generali Convēntu Principum, qui in proxima Pentecoste Moguncie conditus fuerat, presentaret.

Eodem anno Otto Chronographus hujus nominis primus Frisingensi Ecclesie Episcopus preficitur. Et sedit annos XIX. Fuit autem in ordine pontificum XXII. dus.

Anno MCXXXIX. Conradus rex tertius sublimabatur ad regnum.

Anno Dni MCXLII. comparuit S. Bernardus Abbas apud ipsum in collegio Principum coram Rege Conrado ex jussione Innocentii Papae secundi, causa patris ecclesie.

Anno Dni MCXLVI. Das Hermannus Abbas Aachenensis inferioris incepit scribere Additiones temporum. Obiit pridie Kal. Augusti anno etatis sue LXXV. to.

Anno MCXLVII. fundatum est monasterium Staingaden in honore S. Johannis Baptiste a Welfone Duce Bavarie, videlicet quarto.

Anno Dni MCXLVIII. Eugenius Papa III. condidit S. Henricum Imperatorem. Sed unus Cardinalium se vehementer opponens, visum perdidit. Sed factum postmodum promovens, illuminatus est.

Eodem anno claustrum in Raittenhablach construitur. Eodem anno obiit S. Melchias Episcopus ex Hibernia ortus, & in Claraualensi monasterio sepultus.

Anno Dni MCLII. Fridericus hujus nominis primus regnum accepit. Erat autem vir armis strenuus, aceti animo, exercitatus in bellis, corpore robustus, in consiliis providus, in negociis peragendis virilis, stabilis, mansuetus, superbis resistens, ingenio subtilis, memoria excellentissimus, facie satis eleganti, barba & capillo rufa.

Anno Dni MCLIII. Sanctus Bernhardus Abbas Claraualensis obiit anno etatis sue LXII. Fecit autem in testamento suis fratribus tria reliquisse documenta. Nemini scilicet in primis in vita mea scandalum

lum dare volui, & si aliquando incidi, sedavi ut potui. Secundum. Minus semper sensui meo credidi, quam alterius. Tercium. Lesus nunquam vindictam expectivi. Ecce hominis. Caritatem, Humilitatem, & Patientiam.

Anno Dni MCLIV. proxima die post festum S. Blasii episcopi & martyris obiit venerandus dominus Waltharius episcopus Augustensis. Et resignavit episcopatum tribus annis ante mortem suam.

Anno Dni MCLV. Fridericus primus Imperator Romanorum ab Adriano Papa quarto Imperiali Benedictione sublimatur.

Hic in marginē annotat Stephanus: *Aliis Anastasius IV.* At verò anno prædicto jam federat Adrianus.

Anno Dni MCLVI. Fridericus Imperator de Coronacione Romana rediens Curiam Ratisbone habuit, & restituito Ducatu Bavarie Henrico Duci Saxonie Marchionatum Austrie in Ducatum mutavit. Ex quo factò multum est diminutus honor & potencia Ducum Bavarorum, ut patet in privilegiis supradicti Friderici primi. Deinde Imperator veniens in Lombardiam contra Mediolanenses cepit pugnare.

Anno MCLVII. Nix magna & frigus insolitum circa Passionem Domini inhorruit, quod mortalitas magna hominum ad tempus innotuit. Et exustio maxima per totam estatem est subsequuta. Et in Kalendis Julii maxima severitas grandinis, & tanta concussio ventorum invaluit, ut non solum segetes consumeret, & arbores evelleret, sed etiam edificia, castrorum munitiones humo prosterneret, & in aliquibus ecclesiis campanaria cum campanis dejecta confringeret.

Anno Dni MCLVIII. Fridericus Imperator secundam expeditionem fecit propter secundam rebellionem Mediolanensium.

Eodem anno Otto I. Frisingensis Episcopus obiit X. Kal. Octobris. Huic successit Albertus Comes, Frisingensis Ecclesie Prepositus.

His temporibus sub Alexandro Papa III. & Friderico I. Imperatore Romanorum Scisma oritur, quod fere per XX. annos duravit.

Anno Dni MCLX. Imperator jam tercio rura Mediolanensium cum civitate ad dedicionem coegit. Arnoldus Archiepiscopus Moguntinus in Ecclesia beati Jacobi occiditur.

Eodem tempore Mediolano totaliter subverso Imperator Reliquias Sanctorum ibi inventas inter Prelatos & Principes divisit. Trium quoque Magorū corpora apud S. Eustorgium, ubi nunc est monasterium fratrum Predicatorum, recondita dedit Reinaldo Colonienſi Archiepiscopo.

24. Stephani Leopoldi Monachi Wessofont.

scopo. Qui ea ad Coloniam honorificè transportavit, & in majori ecclesia decentissimè collocavit.

Audivimus eo tempore, apud Mediolanum in quadam Basilica, annotatos inveniri duos versus exscriptos in quodam lapide ex antiquissimo tempore, qui hanc destructionem credebantur prenunciassè his verbis.

Rex est venturus, Mediolanum, tibi durus,

Rex tibi crudelis, per quadrum diminueris.

Uladelaus quoque XXV. Dux Boemorum à Friderico Imperatore honoratur cum candelabro Salomonis, quod ex Mediolano asportatum, in ecclesia S. Viti Prage collocavit.

Anno Dni MCLXIV. Gebhardus Comes de Purckhausen sine herede obiit. Ex tunc Duces Bauarie arcem cum civitate possederunt.

Hoc anno facta est translatio sancti Caroli Imperatoris magni, feria quarta post nativitatem Domini.

Anno Dni MCLXVII. Welfo senior, & fundator Monasterii Steingaden circa Epiphaniam Domini jam secundo iter Hierosolymitanum aggreditur, in Italia circa Romam Imperatorem reperiens, filium suum juniorem Welfonem cum omnibus ad se spectantibus gracie ejus commendans, Pascha sanctum apud sepulchrum Domini celebravit. Interea Imperator filium Welfonis senioris multis promissionibus eum cum aliis principibus ad Italiam revocat. Cùmque mense Julio Imperator circa Romam magnam vastacionem & stragem populorum faceret, atque multi Romanorum propter exortum scisma in parte ipsius fuerunt. Welfo senior jam reversus hoc perpendens. Hec tanquam detestabilia aspicere non potuit, sed ad propria rediit, filium suum ibidem relinquens. Ubi mox ulcio divina subsecuta est, & maxima pars exercitus Imperatoris mortalitate interiit, Quorum omnium pene ossa, carnibus per excoctionem consumptis, ad propria reducta sunt. Translata sunt & ossa Welfonis junioris ad monasterium Staingaden à Patre suo olim fundatum.

Anno Dni MCLXVIII. Fridericus Imperator reversus in Germaniam totam terram & universam substantiam Friderici Ducis de Rotenburg, al. Suevorum, fratruelis sui, hereditaria successione possedit.

Anno Dni MCLXX. Terremotus maximi facti sunt. Et ingens inundacio aquarum mense Septembre.

Anno Dni MCLXXIII. S. Thomas Canthuariensis Archiepiscopus pro fide Christi martirifatur.

Anno

Anno Dni MCLXXVI. Ratisbona urbs Bavarorum tota penitus conflagravit incendio, exceptis monasteriis S. Emerammi, S. Marie in Superiori, & S. Pauli Apostoli 3. Kal. Septembris.

Anno Dni MCLXXVII. Henricus primus dux Austrie post multa virtutum ac probitatum insignia obiit. Cui Leopoldus filius ejus successit.

Anno Dni MCLXXXIII. Indictione prima, XVI. Kalendas Julii circa nonam horam, cum nimius esset aestus, fabrica quædam in valle sita, igne exestuans vicinas domos & inde omnes officinas, tandem Claustrum & Ecclesiam sanctorum Udalrici & Aphre mira celeritate in favillas redegit, ita ut in proxima cena nec panis ad victum superesset, nec tugarium, in quo proxima nocte fratres quiescerent. Dispersi ergo per civitatem fratres, pre nimia afflictione spiritus, tenebantur vivere. Tandem resumptis viribus domicilia ceperunt edificare, in quibus ad divinum servitium & ad cultum religionis peragendum se pro posse receperunt. Post hæc ex precepto & consilio Hartwigi episcopi quesitum est corpus S. Udalrici pene per duas septimanas, tandem placuit sancto Confessori in Anniversaria nocte sancti patris sui Hupaldi revelari. Ex quo tempore nunc semper ab ecclesia colitur ejusdem festivitas Translacionis feria secunda post octavam Pasce.

Eodem anno defuncto Alberto episcopo Frisingensi Otto Canonicus Magdeburgensis eligitur & introducitur in Kalendis Januarii.

Eodem anno in festo S. Dionysii Episcopi & martyris quidam puerulus subito mortuus ad ecclesiam Parisiensem ejusdem martyris a parentibus deportatus & ante corpora Sanctorum super altare positus, meritis eorum coram universo populo resuscitatus est.

Eodem tempore Carnotum populosa civitas in Francia exustione subita exarsit, eoque incendio insignis ecclesia beate Marie Virginis cum toto claustro conflagravit & corruit, ubi Reliquiarum & hominum multitudo & ornamentorum congeries immensa periit.

Anno Dni MCLXXXVI. Fredericus Imperator filium suum, Henricum scilicet sextum hujus nominis Italie prefecit. Inter quem & Papam Clementem tertium simultas multa orta est. Cum autem his temporibus in Curiis Regum & Principum frequens hystrionum turba congregaretur, qui a Principibus verbis adulatoriis ac joculatoriis equos, vestes, aurum & argentum extorquebant. adeoque hec pestis invaderat, ut hi miseri & avari reputarentur, qui talium leccatorum societate carerent.

26 Stephani Leopolder Monachi Wessofont.

Anno Dni MCLXXXVII. Predicante Crucem Christi quodam Episcopo Ravennate Ordinis Cisterciensis Florentie in subsidium terre sancte plurimi devotè Cruce assumpta cum magna comitivia perrexerunt & satis juverunt in capcione terre Damiate. Propter quod Fridericus Imperator restituit eis Comitatum usque ad decem miliaria. Et circa illud tempus fuit largitum Florentinis brachium beati Philippi Apostoli à regina Jerusalem, quod est in ecclesia beati Johannis Baptiste.

Eodem tempore Concilium Generale Parisius celebratum est à Philippo rege Francorum in subsidium terre sancte.

Anno Dni MCLXXXIX. Fridericus primus Imperator Romanorum obiit. Cui successit Henricus VI. filius suus primogenitus. Hic statim postquam regnum accepit, ad regnum Sicilie aspirans, hostiliter sibi resistentibus Apulis Apuliam intravit atque usque Neapolim, cuncta sibi subjiciendo pervenit. Cumque eam urbem per tres menses continuos obsedisset, tam vehemens pestilens morbus invalit exercitum ejus, quod omnes ibidem mortui aut infirmati sunt. Quare & ipse Imperator languens cum paucis coactus est terra dimissa, quam etiam occupaverat, relinquere.

Anno Dni MCLXXXI. Filius Philippi Regis Francorum Ludovicus usque ad vite desperationem egrotavit, quem totus Conventus monachorum sancti Dionysii, Clavum & Coronam spineam Domini fecum ferentes, una cum Clero & innumerabili populo nudis pedibus incedentes visitaverunt. Postea vir venerabilis Mauricius episcopus Parisiensis, facto sermone ad populum, fusa oratione, puer tactu sanctorum reliquiarum ab omni periculo mortis liberatus fuit.

Eaque sequuntur ab hoc anno Dni 1195. usque ad annum 1227. optimo antiquo Caractere in antiquo lectionum matutinalium libro scripta habentur, exceptis his locis, ubi apponitur propria rubrica. *Sunt verba Stephani Leopolder, minio scripta. Authorem hujus Chronici credo fuisse Conradum Pozzonem ex Patrobo Landspergensis monachum Wessofontanum.*

Anno Dni MCLXXXV. Heinricus Imperator VI. filius Friderici secundario revertitur, & subjugavit sibi Apuliam, Siciliam, & Calabriam.

Anno MCLXXXVI. Conradus Moguntinus Archiepiscopus duxit exercitum trans mare contra inimicos Crucis Christi.

Eodem anno Henricus VI. Imperator Romanorum obiit in Sicilia & in ecclesia Panormitana magnifice est sepultus. Obierunt etiam Fridericus

dericus Palatinus, & Otto episcopus Bambergensis, filius Perechtoldi comitis de Andechs, & frater beate Mechtildis.

Anno Dni MCLXXXVIII. Philippus rex, & Otto comes usurpaverunt sibi regnum Romani Imperii.

Anno Dni MCLXXXVIII. Conradus archiepiscopus Moguntinus sine victoria rediit, & eodem anno obiit. Cui & Eberhardus Brixiensis episcopus successit. Eodem anno Corpus Domini versum est in cruentam carnem in civitate Augusta.

Anno Dni MCCI. Terre motus magnus factus est 3. Nonas Maji, ita ut multas urbes & ecclesias destrueret, & mortes hominum fierent.

Anno Dni MCCIII. propter Guerram inter Episcopum Kounradum Ratisbonensem & Ludovicum Ducem Baioarie, pene tota provincia incendio periclitatur. Ob quam litem predicto C. episcopo Ratisbonensi venit confederatus dñs dñs Eberhardus archiepiscopus Salzbürgenis cum manu valida in auxilium nullo resistente, & diruta sunt castra & civitates ex utraque parte, factaque sunt incendia plurima per universam Bajoariam, villarum depredaciones, & ecclesiarum, ita ut nec altaribus abstinerent, sed etiam reliquias Sanctorum inde auferrent, aliaque plurima nephanda & inaudita perpetrata fuerunt.

Anno MCCIII. Ludovicus dux Bajoarie Castrum & Civitatem Landshuot construere cepit.

Anno MCCV. Philippus rex Aquisgranī intronizatur, & eodem anno cum valido exercitu Coloniam Agrippinam obsidione cingit fines circumjacentes potenter obtinens.

Eodem anno major Domus Frisingie sancte Marie matris Dei consecratur, & corpus beati Corbiniani episcopi gloriosa translatione sublimatur. Poppo Pataviensis episcopus obiit, cui Manigoldus Abbas de Tegernsee successit.

Anno Dni MCCVII. Rex Philippus ab Ottone Palatino Comite de Wittelsbach in Babenberg occiditur mense Junio, & Otto adversarius ejus ei substituitur, & mira celeritate nullo resistente in regno sublimatur.

Anno Dni MCCVIII. Otto Palatinus pro eo, quod Regem occiderat, à Mariscalcho ipsius Regis occisus est.

Anno Dni MCCXII. Manigoldus Pataviensis Episcopus, & Rapotto Palatinus Rheni simul discordantes, ob quam causam monasteria & ecclesie una cum omni provincia incendio devastantur.

28 Stephani Leopolder Monachi Wessofont.

Anno Dni MCCXIII. Gertrudis regina Hungarie, & mater sanctæ Elifabeth, occisa est à quodam Comite.

Anno MCCXV. Celebrata est sancta universalis synodus Rome in ecclesia S. Salvatoris, quæ Constantiniana vocatur, mense Novembri, presidente Dno Innocencio Papa III. Pontificatus ejus anno XXVIII. in qua fuerunt Episcopi CCCCXV. inter quos extiterunt de precipuis Patriarchis duo, videlicet Constantinopolitanus & Jherosolimitanus. Antiochenus autem graui languore detentus venire non potuit, sed misit pro se Vicarium Anteradenum episcopum. Alexandrinus verò sub Saracenorum dominio constitutus fecit, quod potuit, mittens pro se Diaconum germanum suum. Primates autem & Metropolitani LXXI. Caterum Abbates & Priores ultra octingentos. Procuratores verò Archiepiscoporum, Episcoporum, Abbatum, Priorum, Cappellanorum absencium non fuit certus numerus comprehensus. Legatorum verò Regis Sicilie in Romanorum Imperatorem electi, Imperatoris Constantinopolitani, Regis Francie, Regis Anglie, Regis Hungarie, Regis Israhelitani, Regis Cypri, Regis Arragonie, nec non aliorum Principum & magnatum, Civitatum eciam aliorumque locorum, ingens fuit multitudo.

Eodem anno Rex Fridericus secundus Aquisgrani inthronisatur & coronatur, & eadem die ad militiam Dei, cum multis principibus & primoribus terre, signaculo Crucis insignitur.

Eodem anno Coloniam Agrippinam in gratiam & dedicionem suscepit.

Anno MCCXVI. Honorius Papa III. successit, & sedit annis X, & mensibus II. *Alius Codex hoc refert anno 1214.*

Eodem anno civitas tota Frisinge combusta est, tam Ecclesie cum campanis, quam domus, sub glorioso Episcopo Ottone secundo.

Anno Dni MCCXVII. Cometa visus est. Fames eciam valida sequitur per totam Bavariam, Austriam, Marchiam, & Hungariam.

Anno Dni MCCXVIII. Ludovicus Dux Bavarie oppidum Straubing construere cepit.

Anno Dni MCCXX. Fridericus Rex secundus cum uxore sua Regina ab Honorio Papa III. honorificè & sine omni contradictione consecratur in Imperatorem Romanorum solenniter, Duce Baioarie Ludovico aliisque Principibus & viris nobilibus presentibus.

Eodem anno Otto II. Frisingensis Episcopus obiit. Sanctus quoque Thomas Cantuariensis Archiepiscopus & martyr ab Honorio Papa, missis

missis Cardinalibus translatus est. Hoc quoque anno beatus Dominicus migravit Bononie feliciter ad Dominum.

Anno Dni MCCXXI. Ludovicus Dux Bavarie in auxilium sancte terre transfretavit, ipso vero & aliis Christi militibus ab exercitu paganorum circumveniencium (*legendum puto circumventis*) callidè, Soldano Damietta resignatur.

Anno Dni MCCXXIV. Landau oppidum construitur.

Anno Dni MCCXXV. Johannes predicator totam Alemaniam circuiens, quamplures homines cruce signavit. Preterea fames valida incolis illius terre incubuit. Insuper pestilencia inedicibilis predictæ terre dominabatur. Item Fridericus Imperator II. iuste legitimeque matrimonium cum regina Jerusalem contraxit. Eodem anno Leopoldus dux Austrie cum consensu Ludovici ducis Bavarie construxit Castrum in Scherding.

Qua sequuntur, expresse tribuuntur Fratri Conrado monacho Wezzinsbrunnensi.

Anno Dni MCCXXVII. Lantgravia Turingie & episcopus Augustensis Syfridus de Rechberg, cum aliis Principibus in peregrinatione perierunt. *Pro Lantgravia lege* Ludovicus Landgravius. *Vid. Rhamm Hier. P. I. fol. 236.* Item Honorius Papa III. obiit, & Gregorius Papa IX. successit.

Anno Dni MCCXXVIII. Otto filius ducis Ludovici Bavarie apud Straubing presente Rege Heinricho, & Heinricho Marchione de Andechs, & multis aliis Principibus, in festo Pentecostes, gladio accingitur. Postea eodem anno Heinrichus Marchio de Andechs obiit.

Anno Dni MCCXXVIII. Quam multi peregrini, contra inimicos Crucis Christi transfretare volentes, a Papa Gregorio repelluntur. Eodem anno Dei misericordia favente, Jerusalem ab Imperatore Friderico secundo gloriose obrinetur. Hoc etiam anno propter Guerram Regis, & Ducis Baioarie pene tota provincia, rapina & incendio periclitatur.

Anno Dni MCCXXX. Gebehardus Episcopus Pataviensis propter infamiam occisionis Eberhardi Canonici ejusdem Ecclesie & aliis criminibus, à Comite Conrado de Wazzerburg captus fuit. Postea etiam Episcopatum resignavit.

Anno Dni MCCXXXI. Castrum Valax aliàs Valay à Gebehardo tabernario obtinetur, unde tota provincia devastatur. Leopoldus dux Austrie,

30 Stephani Leopolder Monachi Wessofont.

Austrie, apud S. Germanum obiit, cujus corpus in monte Cassino, in monasterio S. Benedicti sepelitur. Rapoto Palatinus Baioarie obiit.

Anno Dni MCCXXXII. Ludovicus dux Baioarie in Kelheim occiditur, praesente familia sua, a quodam ignoto Pagano cultro percussus, XVI. Kalendas Octobris obiit. Et hoc ex insidiis Friderici Imperatoris Romanorum.

Anno Dni MCCXXXIII. Otto dux Baioarie & Principes apud Lantshuot conveniunt tractaturi ibi de pace. Ibiq. Conrado Episcopo Frisingensi Castrum Purkraim redditur. Post orta Guerra inter Regem Heinricum, & Ottonem Ducem iterum provincia tota devastatur. Henricus Rex Friderici Imperatoris Romanorum filius, cum exercitu valido Baioariam ingreditur, & sibi Otto Dux per filium, quem dedit obsidem, reconciliatur.

Anno Dni MCCXXXIII. Otto Dux Meranie obiit.

Anno Dni MCCXXXV. Fridericus Imperator secundus de Apulia veniens, partes Theutonicorum ingreditur, filium suum Heinricum regem a regno ejicit. Item Imperator cum filia regis Anglie matrimonium contraxit.

Anno Dni MCCXXXVI. Corpus beate Elisabeth, praesente Friderico Imperatore. magnifica translatione sublimatur. Eodem anno Fridericus dux Austrie, edicta Friderici Imperatoris, & amicitias Principum contempsit, ob quam causam ab Imperatore in collegio Principum Auguste videlicet ab honore & potestate Principatus proscrbitur.

Anno Dni MCCXXXVII. Fridericus Imperator invitatur a civibus Wiennensibus & quibusdam aliis contra Fridericum ducem Austrie, Imperator vero secum duxit plures Episcopos & Principes regni, e quibus specialiter Ekkebertum Bambergensem episcopum, & tres Comites videlicet de Hennenberg, de Eberstein, & de Nürnberg, hos constituit rectores pro majori pace conservanda.

Anno Dni MCCXXXVIII. Fuit eclipsis solis quasi totius circa horam nonam die VI. Junii, unde aer ita obscuratus fuit, ut quasi nox appareret. Hoc secundum aliquos significavit mortem Gregorii Pape noni, & diversas guerras inter Fridericum Imperatorem, & Fridericum Ducem Austrie, inter quos diu certatum est, neque adhuc hoc tempore finem habuit.

Anno Dni MCCXXXVIII. Gregorius Papa nonus obiit, cui Coelestius quartus successit de Mediolano, & quia erat senex & infirmus,

firmus, non nisi XVIII. diebus, quibus vixit, ecclesiam Dei valuit gubernare. Eo defuncto vacavit Sedes XXII. mensibus. Causa hujus tam prolixæ vacationis dicitur fuisse, quia Imperator operam dabat cum Cardinalibus, qui pauci erant, ut non crearetur Papa, nisi ad voluntatem suam, quam ob rem dissensio erat inter Cardinales. Quia enim Imperator multum afflixerat Ecclesiam, & prevaluerat, & ob hoc legitur, institutam fuisse Octavam nativitatis sanctæ Mariæ virginis, quia votum fecerunt Cardinales, ut si eis prestaretur gracia unitatis & concordie in ipsa electione, prout oportebat, ipsam Octavam mandarent celebrari per orbem. Quod secutum est, concordia habita, & voto impleto.

Anno Dni MCCXLI. Saraceni Caccexeer dicti sunt, intrantes Hungariam, & vastaverunt eam. Sol obscuratus est in meridie, & stelle vise sunt, pridie nonas Octobris. Eodem anno Bela rege quarto Hungarorum regnante, intraverunt Tartari regnum Hungarie prima vice cum quinquies centenis millibus armatorum, & manserunt ibi tribus annis.

Anno Dni MCCXLII. Innocentus Papa quartus successit VII. Kalendas Julii, seditque in cathedra S. Petri annis XI. mensibus VI. & diebus VI.

Anno Dni MCCXLVI. Fridericus Dux Austrie in conflictu Hungarorum occiditur. Eodem anno Conradus rex filius Imperatoris Friderici, matrimonium cum Elisabeth filia Ottonis ducis Bauarie, in Vochburg contraxit. Eberhardus Salisburgensis Archiepiscopus obiit, cui Philippus filius Bernardi Ducis Carinthie successit.

Anno Dni MCCXLVII. Terra Bauarie a domino Papa Innocentio quarto sub interdicto ponitur, nonas Augusti, plusquam tribus annis. Eodem anno Ludovicus dux junior Comitem Conradum de Wazzenburg efficiens, tam castra, quam homines, infra XVII. ebdomadas potenter obtinuit. Rudigerus Patauensis episcopus multas crematas ecclesias iterum consecravit, in mense Augusto, tempore interdicto.

Anno Dni MCCXLVIII. tertio Idus Februarii in nocte factus est terremotus magnus.

Anno Dni MCCXLVIII. Innocentius Papa IV. Concilium generale Lugdune celebravit, in quo omnium consensu Fridericum Imperio & Regio titulo privavit,

Anno

32 Stephani Leopolder Monachi Wessofont.

Anno Dni MCCL. Rudigerus episcopus Pataviensis propter ecclesias sub interdicto consecratas, & pro eo, quod tempore schismatis inter Regnum & sacerdotium favere videbatur parti adverse, ab Innocencio Papa IV. ab omni officio & dignitate deponitur, etiam contra voluntatem Conradi regis, & Ottonis ducis Bauarie.

Anno Dni MCCLI. Fridericus II. quondam Imperator Romanorum obiit in quadam ciuitate Apulie, que dicitur Firenciola.

Anno Dni MCCLII. Domina Elisabeth, filia Ottonis ducis Bauarie, genuit Conrado Regi Romanorum filium, in die Annunciationis S. Marie virginis, & vocatus est Conradus.

Anno Dni MCCLIII. Otto dux Bauarie novam monetam in Landshuot fecit fabricari, circa initium mandans ipsos denarios, & non alios recipi. Hic igitur Otto dux in principio sui regiminis fuit seuerus Iudex & Princeps mansuetus. Postea propter favorem, quem impendere videbatur Friderico quondam Imperatori & Conrado filio ejus, ab Innocencio Papa & Episcopis jam diu & sepe excommunicatus, persequi cepit Clerum, & mala malis addens, tandem in Vigilia S. Andree Apostoli, cum de nocte sero, cum uxore & familiaribus ejus, valde jocundus fuisset, presentem vitam subitanea morte finivit.

Anno Dni MCCLIII. Conradus rex, filius Friderici Imperatoris obiit apud partes & terre latinorum. Innocencio IV. defuncto vacavit Sedes Apostolica per biennium. Demum canonicè successit Alexander Papa quartus, & sedit sex annis. Hic Anagnin canonizavit S. Claram virginem.

Anno Dni MCCLV. Ludovicus dux junior & frater ejus Henricus circa festum Pasce suos inter se dividunt principatus. Henrico verò cessit Landshuot & Purckhausen cum aliis. Ludovico autem cessit superior pars Bavariæ, & alia loca ad eundem principatum pertinentia. Eodem anno Henricus Dux cum Alberto Episcopo Ratisponensi plenam concordiam fecit.

Similiter etiam fecit cum Domino Ottone Pataviensi Episcopo, ac interdictiones divinatorum, jam plusquam per triennium observate, relaxantur.

Anno Dni MCCLVI. Ludovicus dux & Comes Palatinus Rheni occidit Mariam uxorem suam propter suspensiones adulterii in Werde Suevico XV. Kal. Februarii.

Anno Dni MCCLVII. Richardus frater regis Anglie Rex Romanorum creatur. Eodem anno Otacherus rex Bohemie, qui & dux Austrie,

Austrie, Bavariam hostiliter ingreditur, sed sine victoria in terram suam revertitur.

Anno Dni MCCLVIII. Conradus Episcopus Frisingensis obiit XV. Kal. Februarii, cui Ch. Silvester comes successit.

Anno Dni MCCLVIII. Eclipsis lune apparuit XV. Kal. Junii. Eodem anno fames validissima facta est & morticinum grande nimis hominum atque pecudum. Et innumerabilis multitudo hominum Hungariam est profecta.

Anno Dni MCCLX. Alexander Papa quartus misit epistolam de incontinentia Clericorum ad Archiepiscopum N. Salzburgensem, *Hanc epistolam recitat Hansa. tom. 2. Germ. S. fol. 356.*

Eodem anno Rex Hungarie regem Bohemie bello aggreditur, habens in exercitu suo diversarum orientalium nacionum, eciam Paganorum, circa XL. millia equitum. Cui rex Bohemie Otacherus cum centum millibus occurrit, inter quos fertur habuisse VII. millia equitum de ferro coopertorum. Ludovicus vero dux Bavarie, exercitu forti in auxilium Otacheri regis Bohemie Austriam ingreditur. Cumque postea in confinis regnorum bellum inchoatum fuisset, ex collisione equorum & armatorum tantus pulvis de terra surrexit, ut media & clara die vix homo hominem cognoscere potuisset. Tandem Hungari rege eorum graviter vulnerato terga vertentes in quodam fluvio profundissimo, quem transire debuerant, præter aliquos occisos, CC. & XIII. millia hominum submersa dicuntur. Factum est hoc bellum feris secunda in die S. Margarete Virg. & martyris, estu maximo existente.

Hoc eciam anno surrexit secta flagellatorum a quodam Perusino ortum habens, que tantum invaluit, quod per totam Longobardiam & Carinthiam eciam ad Theutonicos sive Germanos devenit. Sed quia origo ejusdem penitencie nec a Sede Apostolica neque a sanctis vel perfectis viris fulciebatur, ideo a quibusdam episcopis & domino Henrico duce Bavarie cepit haberi contemptui, unde tepescere in brevi cepit.

Anno Dni MCCLXI. Postquam Alexander Papa IV. diem clausit extremum, elapsis quinque mensibus post vacationem Sedis Apostolicæ, electus est canonice Urbanus IV. & sedit annis tribus. Hic etsi infime condicionis fuit secundum seculi vanitatem, quia filius pauperuli resarcientis sutiles in Francia, nobilissimus tamen sapientia & virtutibus. Repperit namque ecclesiam Dei multum dejectam in temporalibus & perturbatam. Hic Urbanus Papa IV. instituit solemnitatem

(E)

Cor-

Corporis Christi celebrari per orbem. Ideo imposuit fratri Thome de Aquino, ut officium ipsius festi ipse diceret, quod & fecit.

Anno Dni MCCLXIII. In octava S. Agnetis ventus tam validus est extortus, ut non solum edificia plurima subverteret, sed etiam proster-
nendo multas arbores magnum damnum faceret in nemoribus & silvis.

Eodem anno tanta fuit sterilitas & ariditas terre, ut in omnibus provinciis cum multa penuria tam jumenta quam etiam homines sustentabantur. Similiter apparuit in celo quedam nova stella, quam sapientes Cometem vocant, cum magnis radiis seu coma, que surgens ab oriente cum magna luce usque ad medium celi versus occidentem suos radios emittebat: per tres autem menses duravit apparicio ejus. Ipsa autem apparente infirmatus est Urbanus Papa, & eodem anno obiit. Similiter etiam multa incommoda subsequuntur, in diversis namque regionibus inter reges & principes cedes hominum multe fiunt, mortalitas quoque hominum & pecorum non mediocriter est secuta.

Anno Dni MCCLXVI. Tempore Autumnali Otacherus rex Bohemie & dux Austrie & Stirie Bavariam ingreditur cum exercitu forti, & inimicitias jam dudum contra Ludovicum & Henricum duces Bavarie conceptas totis viribus in arma convertit, Salzburga, Patavia, Ratisbona sibi auxiliantibus. ex quibus tunc facta sunt in Bavaria multa incendia, occisiones hominum, & rapine. Tandem ad propria est reversus. Post hec III. Kalendas Novembris Henricus dux Bavarie civitatem Pataviensem per tradicionem cepit, aliquibus ibidem civibus interfectis novum forum cum quibusdam domibus ac magnam partem civitatis igne combussit. Facta est etiam strages maxima tam in partibus Alemannie, quam latine.

Anno Dni MCCLXVII. In vigilia Ascensionis Domini fuit sol obscuratus in meridie. Filius etiam Conradi regis Chunradinus dictus ad partes latinas processit. Similiter fit Terremotus magnus, ita ut in multis locis Germanie edificia corruerent.

Anno Dni MCCLXVIII. Rex Chunradus occiditur.

Anno Dni MCCLXVIII. In ipso festo Nativitatis Christi tanta facta est inundacio aquarum, quanta nunquam a tunc viventibus visa fuit.

Anno Dni MCCLXXI. Indictione XIII. ex sterilitate terre fuit fames validissima ubique terrarum. Eodem anno etiam multi Christiani a Tartaris in confinibus Austrie occidebantur. *Hic in margine adscriptus est iste versus:*

Qui me scribebat, Konradus nomen habebat.

Anno

Anno Dni MCCLXXIII. Feria quinta post Misericordia Domini Cathedralis ecclesia Ratisponensis cum palacio Episcopali & optimis campanis incendio totaliter est consumpta, tempore Leonis Episcopi. Rudolphus Comes de Habsburg in regem Romanorum creatur, & Aquisgrani statim intronifatur. Rex Bohemorum potenter & patenter Hungariam ingreditur, & cum magna occupacione civitatum & castrorum revertitur.

Anno Dni MCCLXXIII. Papa Gregorius decimus apud Lugdunum Concilium celebravit.

Anno Dni MCCLXXVI. Dnus Papa Gregorius obiit. Cui substitutus est Innocentius V. in die S. Agnetis, qui mortuus est ante Johannis Baptiste. Et illi successit Adrianus V. Et ille obiit in die S. Agapiti. Cui successit Johannes XXI. & sedit octo mensibus.

Eodem anno Dnus Rudolphus rex Romanorum Austriam potenter est ingressus, & obtinuit Carniolam, Stiriam, Karinthiam, & ipsam Austriam infra duos menses. Rex Hispanie duabus vicibus vicit Regem Francie in conflictu. Filius regis Romanorum contrahere promisit cum filia regis Boemorum. Et e converso filius Boemi cum filia regis Romanorum.

Anno Dni MCCLXXVII. Contractus matrimoniales inter prescriptos Reges dissoluti sunt, & guerra gravis fuit inter eos.

Anno Dni MCCLXXVIII. Ambo Duces apud Frisingiam concordati sunt, quod propterea destructum fuit.

Dnus Rudolphus rex Romanorum devicit & occidit regem Bohemorum, & obtinuit Moraviam. Et cum voluisset occupare Boemiam, prohibitus fuit per Marchionem Brandenburgensem, qui sunt concordati, ut infra invenitur. Duces concordaverunt se usque ad XX. annos.

Anno Dni MCCLXXIX. Filius regis Bohemi contraxit matrimonium cum filia regis Romanorum. Item contraxit & Marchio Brandenburgensis cum filia regis Romanorum matrimonium. Rudolphus rex fuit in discordia.

Anno Dni MCCLXXXI. Martinus Papa quartus successit.

Anno Dni MCCLXXXVI. Quo anno Adolfus Rex suscepit regni gubernacula.

Anno Dni MCCLXXXVIII. Albertus rex Romanorum successit Adolfo in regno, & rexit per X. annos.

IV.

Documenta vetera, ex cœvis chartis per Stephanum Leopolder Monachum Wessofontanum transcripta, de Beato Walthonē Abbate, quibus ejusdem Acta, priori Parte edita, multis antiquitatis testimoniis elucidantur.

Anno Dominice Incarnacionis MCXXX. temporibus Innocencii Pape II. & Lotharii II. Imperatoris Romanorum, sub Herimo, al. Herimanno Episcopo Augustensi, Electus fuit venerandus & Religiosus Pater & monachus nostræ Congregationis Walto in Abbatem & Pastorem ecclesie sancti Petri Apostoli. Et presuit in omni sanctitate vite XXVI. annis, & III. dies.

Omnium fidelium memorie commendamus, quod quidam Pernhardus de Wilhelm, nobilis homo, curtem in Auulunges cuidam Penzoni de Riffenstein, pro VIII. talentis impigneratam, Deo & S. Petro, fratribusque in Wessinsbrunn tradidit, pro amore filii sui Norberti Augustensis Canonici ibidem seculo abrenunciantis. Hujus rei testes sunt hi. Aribo de Wilhelm. Arnoldo. Gebino filius Pernhardi, & frater Norberti. Volmarus. Sigifridus. Rudigerus. Lantfridus.

Omnium fid. mem. commendamus, quomodo Werinhardus nobilis de Stauffen, ecclesie Wezzinsbrun. advocatus, pro dilectione sororis sue Richinse, quam ipse spirituali vite in eodem loco tradiderat, nec non pro redemptione anime tam sue, quam parentum suorum, predia que ad Hochenmos & Durchholsen iuste possederat, cum manibus uxoris sue, & fratris sui, ad altare S. Petri tradiderit, cum mancipiis eysdem possessionibus attributis, fratrum inibi Deo serviencium usibus perpetuo profutura. Coram testibus in numero XIII. viri. Obiit autem Richinsa monialis S. Petri XIV. Kal. Julii.

Omnibus Christum proitentibus notum esse volumus, quia Dnus Henricus nobilis de Stauffen Advocatus Wezzinsbrun. multa instantia per Abbatem Walthonem & fratres ecclesie nostre obtinuit, quatenus ei mansus unus in Gezines ad vitam suam permitteretur, cujus loco ipse in Bözenhusen mansum unum beato Petro fratribusque delegavit, adjecta illa condicione, ut post ejus obitum Gezines nihilominus in prebendam fratrum, remota contradictione, reverteretur. Coram VI. testibus.

Con-

Constitutum est apud nos & communi consilio domini & patris nostri Waltonis Abbatis, omniumque fratrum assensu confirmatum, ut in primis Festis Dominicis, scilicet Natalis Domini. Pasce. & Pentecosten. In vigilia & in sancto die *Cellarius*. Secunda die *Prepositus*. Tercia die *Camerarius*. Quartie itidem *Prepositus*, copiosa fratribus impendant servicia. Post festum omnium sanctorum, hoc est, in die Commemoracionis omnium defunctorum *Elemosinarius* solenne fratribus impendat servitium. Siquis hanc institucionem pii patris & domini nostri, videlicet Waltonis Abbatis infringere attemptaverit, deleatur nomen ejus de libro vivencium, & cum iustis non scribatur, pereatque memoria ejus in secula seculorum. Amen.

Sequitur dein Diploma Heinrici Episcopi Ratisbonensis, quod recitavimus Parte I. f. 130. Deinde Bulla Innocentii II. Papa, recitata Parte I. f. 124.

Donacio Gifile vidue de Seeuelt & Monialis S. Petri in Wezzinsbrunnen. 1141.

Omnium in Christo credentium memorie firmiter inherere cupimus, quod quedam nobilis femina, Gifala nomine de Seeuelt, predia suae proprietatis. *Bibirbach. Brunnen. cum Hornran. Rinnenbach. Tängrebin. Wolmutzab. Guttingin.* sancto Petro, nec non fratribus in Wezzinsbrunn Deo militantibus, potestativa manu tradidit, *eo tenore*, ut predia, que a marito Hoholdo ei provenerant, Advocatum semper habeant seniore stirpis illius. Et de eysdem, siquid videbitur forte vendendum, neminem contingat empcio extra eandem stirpem alicui. Cujus tradicionis hy testes fuerunt. Henricus de Stouphen. Wolfrigel de Perge. Hartmannus de Williburgerieth. Adelbertus de Grunharsthoven. Gotebolt de Ruote. Hiltebrant de Morenwis. Geroldus de Seeuelt. Udalricus de Tadiotswanc. Cum aliis XIII.

Matre verò predictæ Gifile huic delegacioni contradicente, prediumque Biberbach in suum jus vendicante. *Venerabilis Abbas ejusdem loci Walto nomine*, sapienti usus consilio, talenta decem cum Cavallo prestantis forme eidem domine optulit, eo pacto, ut potestate predicti predii publice se disvestiret, omnemque metum exactionis ex parte sui in posterum fratribus auferret. *Ille ergo petitioni fratrum*
(E) 3 *liben-*

libenter annuens, usum sepediti predii cum manibus filie sue ad altare S. Petri delegavit. Cujus rei hy testes fuerunt. *Wolstrigil de Perge*. *Heinricus de Stouffen*. *Udalricus de Wichfridesbouen*. *Adelbertus de Grunbartsbouen*. *Goteboldus de Rote*. *Sigibotto de Griesenpach*. & filius ejus *Conradus*. *Hiltebrant de Morenwis*. *Conradus de Ambingim*. & frater ejus *Udalscalculus*. *Otto de Hufin*. *Heinricus de Uffingim*. *Sigibotto de Bitingowe*. cum aliis VII.

Postmodum verò Ludewicus quidam de Oettingin, avunculus sepe dicte Gisle, temerario ausu, prenominatum predium in suam dicionem contraxit, & ad cumulum iniquitatis sue, consiliis allectus Aistetenſis Episcopi, fratribus Plancstetenſis cenobii, quod in ejusdem episcopio situm est, id ipsum predium tradere promisit, pecunia centum talentorum ab eis accepta. Taliter ergo Wezzinsbrunnenses fratres, possessione sua spoliati, tam diu clementissimum principem dominum Chuonradum regem assiduis interpellabant querimoniis, donec ipsius consilio, cum predicto Ludovico actum est, ut quadraginta talentis ipsius vice, fratribus Plancstetensibus, a fratribus sancti Petri redditis, presente Rege, predicti predii proprietate se disvestiret ex parte sua. Wezzinsbrunnensis ergo Abbas suadente rege, licet ad presens evidencia testium, quos pro dirimenda controversia secum adduxerat, se speraret evadere, Tamen ut ex omni parte suo Cenobio libera foret ejusdem predii possessio, postulatam a Ludewico pecuniam se dare sponndit, ea condicione, ut omnem suspicionem exactionis fratribus S. Petri, ex parte fratris sui, & filiorum suorum sufferret. Qui jurejurando promisit, ut si non infra terminum unius anni id efficeret, centum talentorum regie majestati debitor existeret. Acta sunt hec in regali colloquio apud Nourinberch habito. Anno ab Incarnacio Dni M. C. XLII. Indictione quinta anno Imperii Dni Konradi regis quinto, presentibus multis primatibus Bauuarice gentis, qui etiam testes horum effecti sunt. *Dietpoldus Marchio*. *Gebehardus Comes de Sulzbach*. *Prefectus Ratisponensis*. *Otto*, & duo filii ejus *Heinricus* & *Otto*. *Poppo Comes de Andechs*. *Ernestus de Hochenburch*. *Fridericus ratisponensis Advocatus*, *Conradus comes*, & frater ejus *Arnoldus de Dachoune*. *Ludewicus*. *Luppurch*. *Udalricus de Stein*. & frater ejus *Conradus de Biburch*. *Adelbertus de Hollenstein*. Cum aliis XX. viris.

Donacio prediorum Wilpurgsried, Apfeldorff,
& Bernpach.

Noverint omnes divini nominis cultores, qualiter nobiles homo Hartmannus de Williburgeriete, predia, que in his locis habuit, videlicet Williburgeriet, Apfeldorf, Pernbach fratribus S. Petri pro XX. talentis sibi dandis allegaverit, ut si prenominatam pecuniam infra quinque annos non reddiderit, fratres W. jure proprietatis predia prefata possideant, nec ipse infra terminum quinque annorum potestatem habeat aliquit ordinandi super eisdem prediis, nisi prefatam pecuniam reddiderit. Testes. Hartmannus. H. H. Werinherus W. Wolnoldus. Waltherus W. Ozi. Conradus. cum aliis octo, omnes de villa Ephach.

Anno Dni M. C. XLIII. Indiēt. IV. 11. kal. Julii. Dedicata est Capella S. Nicolay episcopi & confessoris, a venerando Ottone episcopo Frisingensi. Eodem anno idem Episcopus consecravit Capellam superiorem, in honore Assumpcionis ejusdem virginis Marie II. Idus Julii. Et fuit annus quintus Ottonis episcopi.

Sciant omnes Christiane fidei professores, qualiter quedam Matrona Luikardis nomine, predia, que in his locis habuit, videlicet Nidernhofen, & Walchoupeten, Wezzinsbrun cenobio tradiderit, per manum Dietrich de Rote, pro salute anime tam sue, quam parentum suorum, & pro amore filiorum suorum Heinrichi & Albrandi, quos eadem die monastice vite sociavit. Coram testibus.

Omnium fidelium noticie commendamus, qualiter rogatu precibusque Ducis Welfonis Dominus Walto venerabilis Abbas, fratresque Wezzinsbrun. suo in collegio sigibotonem quemdam de Hunsohn susceperunt, cum Adalheida uxore Heinrichi, fratris ejusdem sigibotonis, nec non & filiam ipsius Heinrichi.

Donacio predii in Landsperg.

Predium in *Loudewiginsperge*, quod fuerat de proprietate prefate Adalheidis, monasterio S. Petri delegatum est a memorato Heinricho, & filio ejus Udalrico, jussu & licentia prefati Ducis Welfonis. Testes. Udalricus Parrochianus de Hunsohn. Hiltpbrandus de *Morenweis*, & miles ejus Hugo. Dieto senior & junior de *Wale*. Werinandus de *Richilingin*. Arnoldus de *Vindingin*. cum aliis multis.

Predia

Predia in Peeksteten & Ramungen, obtulerunt S. Petro in Wessinsbrunnen Touno famulus Ducis Welfonis cum fratre suo Conrado de *Stochaim*.

Dnus Udaliscalcus clarissimi generis de *Wienepach*, peregrinationem transmarinam aggressus, optulit S. Petro duo predia, videl. Aiche & Plintencelle pro remedio anime sue. Obiit idem Udaliscalcus preclarus vir in die S. Gangolfi martyris.

Udalricus miles cum uxore sua Hemma de *Mülhusen* dederunt S. Petro predia ad Mülhusen, & Waltershofen.

Hermannus de *Sandorff* famulus Ducis Welfonis, tradidit S. Petro predium ad Holzburg situm.

Hiltiprandus de *Morenwis* cum uxore sua Irmigarda, dederunt S. Petro duo predia in locis, Marhpach, & Sandolshausen. Obiit autem Irmigarda predicta pridie nonas Octobris.

Udalricus de Sanday, famulus Heiarici Ducis Saxonie, peregrinationem aggressus est transmarinam. Hic obtulit S. Petro predium unum ad Hausen, sive liberos generet, sive non

Omniū fidelium tam presentium quam futurorum noticie pateat, qualiter nobilis quidam homo, Werinherus dictus, predium suum, quod liberè possederat in loco, qui dicitur *Pasimbusen*, libera & potenti manu Deo & S. Petro, & fratribus Wessinsbrun. contradidit, ad perpetuum eorum usum, sine omni contradictione. Soror quoque ejus, siquid potestatis habuit in eodem predio, conducto dimidii manus precio ejusdem predii, legitime cum omni jure abnegavit suam etiam partem siquam habuit, parti illius pleniter & integraliter doctis verbis super addidit. Cum autem predicti fratres idem predium in usum suum per omnia legitime contraxissent, annuali etiam, imo longiori possessione cum quiete possedissent, predicta soror Werinheri illius, exercens quod potuit, non quod debuit, memoratos fratres, sicut suum fratrem, sine ratione, super justa possessione predii illius incausavit. Fratres autem illi jure sue leg. & causa quietis proprie, cum ex jure legis humane nihil haberent, quod sibi responderent, super justa annuali & legitima possessione, ejus injustam querelam compescuerunt, & quod ipsa simul cum filiis suis, secundo jam & tercio, doctis verbis legalibus, legitimam fecerit abnegacionem predicti predii, quæsi & inquisiti, precio talenti denariorum Augustensium obtinuerunt. Cujus rei facti sunt testes. Heinricus de *Stausen*. Deginhardus de *Seuelt*. Egilolf de *Wile*. Hiltiprandus de *Morenwis*. Ortolfus & frater

frater ejus de *Gerensbusen*. Pero de *Kuviringin*. Ortolfus de *Pbetine*.
Heinricus de *Uffigin*. cum aliis XIII.

Ammalbertus nobilis homo, de Lechhausen, dedit S. Petro predium unum ibidem, quistum & inquistum cum omni jure, & cum centum sexaginta mancipiis. Aliud predium, quod apud Wolmotsahe possederat, quistum & inquistum tradidit eadem die cum omni jure, ad predictam ecclesiam.

Notum sit omnibus Christi fidelibus, qualiter quedam femina, propria ecclesie Tadiswanck, tradiderit Deo & S. Petro, fratribusque Wezzinsbrun. Prædium quoddam apud Mûlehufen ad perpetuum fratum eorundem usum atque solacium. Domino autem Adalberto tunc temporis apud Rote, & apud Taidiswanck parrochiano, & aliis quibusdam hanc delegationem cassantibus ac dicentibus, feminam illam predium suum aliò non potuisse conferre, preter ad ecclesiam, cujus ipsa propria fuerit. Hoc inquam modo illis delegacionem predictam cassantibus, Venerabilis Abbas ejusdem loci Walto dictus, sapienti usus consilio, in Conventu Augustensi, coram episcopo Walthario, & coram Clericis ac laicis, litigium tale ventilandum atque sedandum proposuit. Judiciario igitur jure, hec ibi justitia adinventæ est, & firmata, Omnem virum vel feminam, cujuscumque ecclesie proprium vel propriam, Predium suum licite ac libere posse conferre illi ecclesie, cujus proprius vel propria fuerit, cum sua ecclesia, sicut & majoris ecclesie proprius aut propria predium suum itidem absque omni contradictione possit conferre illi ecclesie, que propria est majoris. Hac itaque justitia, controversia omnis illa, finita est.

Notum sit omnibus Christi fidelibus, qualiter quedam ministerialis ducis Heinrici, Luikardis de *Rauinsburch*, soror bone memorie *Gebzonis*, tradidit ad altare S. Petri prædia duo super *Ekke*, accepta ab Abbate Waltone & fratribus XIII. talentorum pecunia. Que tradicio eo tenore facta est, ut si infra terminum quinque annorum predicta domina pecuniam monasterio redderet, prædia illa sibi in beneficium, ad tempus vite sue deberentur. Sin aliter expleto illo termino annorum, in proprietatem & in usum monasterii, possessiones illæ cederent. Expleto itaque termino, pecunia non reddita est fratribus. Sic prædia manent usque hodie fratribus Wezzinsbrunn. Testes hujus tradicionis. Dietericus de *Chufvingin*. Rapot de *Ubingin*. Udalscalchus de *Ambingin*. Pabowin de *Raifvingin*. Arnolt de *Vindthgin*.

(F)

Nove-

42 Stephani Leopolder Monachi Wessofont.

Noverint omnes Christiane fidei professores, quod quidam ministerialium ducis Welfonis, Otto cognomento *Rizzare*, sine filiis diem obiit, cujus beneficium in *Pirswalde*, due videlicet curtes, quas de manu predicti domini sui Ducis habuerat, ipso defuncto in potestatem ejusdem domini sui ducis redierunt. De his prediis vide infra lacius sub Sigibaldo Abbate.

Anno autem ab incarnatione Domini MCXLVII. cum in expeditionem Hierosolimitanam totus jam Romanus orbis, cum ipso tunc rege romano Chonrado unanimiter conjurasset, predictus dux Welfo, expeditionem ipsam profecturus, decem a fratribus Wessinsbrunn. talentis acceptis, prefatas duas curtes, una cum suis manentibus, hoc est, Eberhardo Wolf & filiis ejus, Deo & S. Petro in perpetuum servituras, pro sua anima & omnium parentum suorum animabus, potestativa manu delegavit. Cujus delegacionis apud Ratisponam, in loco, qui dicitur Steten, facte hy sunt testes per aurem tracti. Dnus Fridericus, tunc Dux Suevie, postmodum Imperator. Comes Udalricus de Lenziburch. Comes Werinherus de Paden. Comes Poppo de Lêche. Comes Rudolfus de Phullendorf. Adalgotus advocatus Augustensis. Cum aliis VI.

Noverint omnes veritatis assertores, quod dux Welfo, tum pro remedio anime sue, tum etiam ductus dilectione & affectu sororis sue domine Wulfhildis, monasterio S. Petri tradidit predium, quod dicitur Cheffing, cujus predii pars quodam in beneficium concessa est Konrado Zundin, usque ad terminum vite sue, ea condicione, ut nullus liberorum ejus, post obitum ipsius, ex eodem beneficio quidquam sibi vindicare quasi pro beneficio presumat.

Insuper predictus dux Welfo tradidit eidem monasterio predium cum quodam servo & conjuge, & liberis ejusdem servi Gisihero nomine, situm in loco, qui dicitur Nidervend.

*Sequitur Epitaphium Wulfhildis, sororis Welfonis,
quod recitavimus P. I. fol. 177.*

Nec hoc lateat, Quod quidam homo nobilis Pernhardus de Weilhaim, ob amorem celestis vite, nec non eciam affectu ductus filie sue Machtildis, tradidit predium Forchaim, S. Petro in Wezzinsbrunne, & fratribus ibi Deo servientibus, quam eandem filiam suam intra septa virginum ibi manencium inclusit.

Nec

Nec hoc silendum censuimus, quod filius ejus Heinricus seculo renunciaturus, predium Barthinchirche, & predium Hetiningen sepedicto monasterio legitima tradicionem optulit, quam tradicionem pater suus, una cum fratribus ipsius, stabilem & inconvulsam, coram positis multis testibus, firmaverunt.

Similiter pandimus cunctis, predium quod jam diu possedimus, Barthinchirche ex sorore nostra Adalhaida de Morenwis, rogatu nostro delegatum esse in manus cujusdam ministerialis de Frisinga, sancto Petro & fratribus Deo servientibus in Wezzinsbrunn fideli delegacione in perpetuum conservandum. Vel eandem delegacionem, si placuerit fratribus, quocunque pecierint delegari, ubi vis delegacionis paciatur.

Anno Dni M.C. XLVIII. Eugenius Papa III. canonisavit S. Heinrichum Imperatorem, fundatorem Cathedralis ecclesie Bambergensis. Sed unus Cardinalium se vehementer opponens visum perdidit. Sed factum postmodum promovens, illuminatus est.

Sequuntur Litteræ Waltheri episcopi, jam recitata Parte I. f. 128. Item Diploma Friderici I. Imp. recitatum P. I. fol. 137.

Anno Domini MCLVI. Venerandus religiosusque Walto Abbas, misericordie operibus plenus, vitam presentem finivit in Domino, in die S. Johannis Apostoli & Evangeliste. Hic Deo dilectus pater pluribus annis Abbaciam hujus monasterii Wezzinsbrunnensis laudabiliter rexit, multasque passus est adversitates a Principibus & Nobilibus sui temporis. Quibus res monasterii ad se trahere conantibus, viriliter, ut potuit, resistit. Vixit in magna abstinencia, ceterarumque virtutum exercitio, & oves sibi commissas verbo & exemplo diligentissime pavit. Tandem in senectute bona (Deo vocante) decessit non sine sanctitatis opinione. Primum sepultus in introitu capelle S. Nicolai, ut ex epitaphio, quod juxta hostium ejusdem Sacelli antiquo Caractere exaratum est, quod tamen ob antiquitatem & negligenciam successorum sic oblitteratum est, ut nulla industria possit reparari. Dicitur hic devotus pater in vita & post obitum multis claruisse miraculis. Quapropter, ne tam sancte reliquie vulgi tererentur pedibus, de eo loco ejus levatum est sacrum corpus in sepulchro elevato, retro altare omnium Sanctorum, honorabilius conditum est. In cujus sepulchri lateribus picturis apposisis ostenditur, quibus idem sanctus pater post obitum

44 Stephani Leopolder Monachi Wessofont.

tum miraculis claruerit. Libet hic unum ponere, quod adhuc vivens dicitur fecisse miraculum. Quodam namque tempore, cum in mensa sua honorabiles haberet hospites, deficiente vino vitrum non parve capacitatis Cellarario porrexit, jubens ut in eo hospitibus afferret vinum. Quo respondente, nihil superesse vini, cuidam famulo vitrum porrigens dixit: in nomine Domini, affer aquam de fonte. Qua allata cum desuper signum sancte Crucis fecisset, in optimum vinum conversa est, quod convivae cum gustassent, cum gaudio biberunt, Deoque Optimo Maximo gratias magnifice egerunt. Servatur id vitrum in Sacratio, usque in hodiernum diem, inter Reliquias, ex eoque in die Gene Domini hi, qui mandato intersunt fratrum, in miraculi memoriam bibunt.

Anno dominice Incarnationis MCLVI. Eligitur Nortbertus monachus nostre congregationis in Abbatem. Temporibus Adriani Pape IV. & Friderici I. Imperatoris Romanorum. Hic Nortbertus nobilis ex oppido Weilhaim natus, prius Canonicus ecclesie majoris Augustensis, praefuit IV. annis, & octo dies.

Notum sit omnibus Christi fidelibus. Qualiter Ludewicus filius Ludewici de Oetingin, infestatoris quondam nostri in predio Bibirbach, sicut supra invenitur, Qualiter inquam hujus filius publicam fecerit abnegacionem prenominati predii, & omnem metum ac suspicionem infestationis & exactionis fratribus Wezzinbrunnensibus penitus abstulerit. Cujus abnegacionis fuere Testes. Dominus Dux Welfo. Pernhardus de Wilhelm. Pernhardus junior. Egino de Muffe. Pertholdus de Perge. Dieto de Rauinsburch. Cum aliis octo.

IV.

*Monumenta miscellanea, non ex Stephano, sed archetypis excerpta decimi, undecimi, duodecimi
Saeculi Christiani.*

NUM. I.

Predia Wescinesbrunnensi ecclesie subtracta. Additur in Codice quodam recentiore: sub Ludovico IV. nempe Infante, qui obiit anno 912.

Ad Ludenhusen. dimidia hoba. Ad hirssouva. hoba dimidia. Ad mammingen prata XX. carrad. Ad eringisingen, hoba 1. & dimidia.
Ad

Ad Wila. hoba i. Ad Wagilineshufen. hoba una. Ad etinriet. hoba dimidia. Ad durlingivelt. hoba una. Ad mahtolsingen. hoba dimidia. Ad Germarescouue. hobe due. Ad munichen. (a) hobe decem. Ad Sliten. VI. hobe. Ad scalisvuanch. hobe sex. Ad cucunberch. hoba dimidia. Ad vinningen. hoba dim. Ad Lenginuel. hob. dimid. Ad Otheringen. Ecclesia dimid.

(a) *Ad Munichen.* Monachium, hodie Serenissimorum Bavariæ Ducum Sedes, vicus olim fuit, nomen inde adeptus, tum quod Monachi Schefftlarienses, Ordinis olim Benedictini, prædia ibidem possiderent, tum quod ab Hungaris fugati illuc se receperint. Monumenta nostra docent, ibidem nos bona quædam possedisse.

NUM. II.

Diptychon primum.

Egilolfus (b) patronus noster, & uxor ejus Berehta. Hunpreht. Adalgoz. Oudalschalch. Oudalrich, item Oudalrich. Adalpero. Suutker. Reginpreht. Fridihart. Enzewib. Amalpreht. Himildrut. Heriburch. Richkart. Madalpreh. Amalpreht. Landpreht. Alamar. Iünrich. Adalburc. Adalpreht. Maheldrut. Eigil. Omar. Beradrud. Perenhvat. Ruodine adala pertha. Sigimar. Kerpiric. Beranhart. Mathilt. Kebino. Richhere. Noripreht. Hadewin & uxor ejus Rihkart. Burchwart. Eber. Dietina. Irmangart. (c) Helmpreht. Adalhait. Rihdrut. Waltilo. Irmenrat. Engilrat. Lancparth Dathto. Iermankart. Willinant diaconus. Aengaldeo. Hiltikart. Ougo. Irmankta. Durinc. Læutkat. Kaunrat. Hadamot. Wolfram. Dætmar. Wolfram. Aegilolf. Aengaldico. Isti sunt testes. Aegilolf. Sigipreht. Aærhannesp. Kaunpreht. Rænpreht. Bero. Frechhof. Aærnest. Luduwic. Pero. Francho. Dietpolt. Poppo. Berehta. Sophia.

Dancholf archipresbiter. Heimo presbiter. Adonay prbr. Hunpreht. Engilpreht. Irmingart. Wortwin. Engilscalch. Dietmar. Gotapold. Jagab. Gisilpreht. Starchant. Adalhart. Heriman. Egilolf. Guntpreht.

(b) *Egilolfus.* De hoc Vilgertshovenis villæ donatore vide Indicem posticum Partis I, An ab illo forte Barones hodierni de Eglof.

(F) 3

(c) Ir.

(c) *Irmangart*. De hoc nomine vid. Not. ad Num. 6. sicut & de *Jermarkart* hoc ipso Diptycho. Vulgatum erat hoc nomen inter fœminas nobiles.

NUM. III.

Catalogus Tegernseensis de anno 1042.

Hæc sunt nomina tegrineseensium fratrum viventium. Dominus Abbas Herirandus. Ellingerus prbr. Meginhelmus prbr. Gotafridus prbr. Pero prbr. Heroldus prbr. Liucpertus prbr. Rihkerus prbr. Oudalheri prbr. Heripato prbr. Eperhart prbr. Helmuni prbr. Sigipolt prbr. Otpertus prbr. Otloh prbr. item Otloh prbr. Rihheri diaconus. Reginfridus diac. Oudalhart diac. Phano diac. Arnolt diac. Perehtoldus diac. Ederam subdiac. Papo subdiac. Oudalscalh subd. Guntpreht subd. Wecil subd. Hartwic subd. Gotahalm subd. Ruodolf & Werinheri. & Gerol. & Eperhart. Item Gotehelmus Abbas. Oudalricus prbr. Rihpoldus diac.

NUM. IV.

Tributarii. De hagenhaim.

Bilizza & filii ejus. Oudalpreht & Ougo. Waltrat. Enza. Azala. Himiza. Luitza. Adalger & soror ejus Suuiza. Otzza. Hizila. Hartman. Abba. Lantfrit. (d) & frater ejus. De raistingen Bezela. (d) *Abba. Lantfrid*. Vide num. seq.

NUM. V.

Isti sunt, qui Censum daturi sunt ad Wescinesbrunen. ad altare S. Petri. a.

Ougo. Oudalpreht. Aripo. Cunthere. Adalpreht. Waltrat. Engilmot. Azala. Lirza. Hizila. Oza. Suimot. Albsunt. Hartman. iterum Hartman. Piligart. Albsunde due filie. Cotehalm. (e) Abba. Lantfrit & frater ejus. (f) Bezela. Richkart. Adalger. Suiza. Biliza. & filii ejus. Enza. Himiza.

(e) *Cotehalm. Abba*. Credas ferè, hunc Gothelimum fuisse Monasterii Bburani Abbatem, ex Tegernseensibus accitum.

(f) *Lant-*

(f) *Lantfrit & frater ejus* vix intelligi possunt illi Benedictoburani Monasterii Fundatores, quod liber, tametsi antiquus, ex quo hæc desumpsimus, non sit tam antiquus, ut eorū esse potuerit, quippe summum Sæc. IX. scriptus.

NUM. VI.

Diptychon secundum.

Hastuic, Maganhast, Routpurac, Hirmankat, (g) Richolfe, Maganhast, Adalhatt, Alazei, Loudouic presb. Hadamot, Ruodolf. Wolauerat presbyter. Aenkanrat. Konrat boppo Waltarih fratres, Waltarih presb. Ruotuih. Ougo (b) occifus & Aemhilt mater ejus. Hilttharam. Watarih. Ratolt. item Ratolt. Werenhaere subdiac. Haeriman presb. Vuolfgis presb. Waltilo presb. Adalprach presb. Regila. Magenhart. Dicotmar. Heriman. Albrih presb. Erminhilt. Pethilt. Reginhilt. Chunigunt. (i) Wilpure. Pirin. Heriman. Radpurch. Dultinach. Johannes. Liemot. Lantfrit. Dietpirch. Udalger. Cotim. Lantfrit. Reginpirch. Oudalger. Engilpirch. Gerrat. Dieppurch. Adalpero. Drutgich. Gerrat. Penno. Hunolt. Irimpirch. Goclidie, Perahta. Arnolt. Engilpirch. Waltilo. Dietpirch. Engilpirch. Herisuinc. Adalhart. Emmta. Madelgrer. Alppurch. Routdrud. Guni-
pirch. Routlah. Otgart. Erchinhilt. Liubrih. Diemot. (k) Regin-
pirch. Reginhast. Altpurch. Purechart. Waltchuon. (l) Hiltini. Ruodolf. Himildrud. Bozholt. Gifilhilt. Willihart. Gozfit. Dieterih. Sigeni. Anthugi. Waltarat. Berehcunt. Altburec. Welfhart dux. (m)
item Welfhart miles ejus. Amalgoz. Dieterich. Hailburec. Kuonrat. Berenhart. Cuotheri. Magenhart. Dieto. Hartman. Adalpreht. Ju-
dit. (n) Roudpiric. Oudalger. Wodista. Rathalm. Engilhilt. Kuni-
gunt. Dieterich. Gebeni. Gunthart. Dietprhet. Taringer. (o) Hilti-
breht. Haluuich. Ruodpirin. Einhart. Ruodolf. Berehcunt. Himil-
drut. Cundalpreht. Oudalrich. Engilfrit. Gerhart. Ernest & Aua. Richger. Berechthilt. Berehtolt. Hiltigart. Reginpreht. Engilhilt. Be-
rechtgunt. Eccolf. Hailrat. Ruodhart. Waltarat. Gerrat. Oudalmunt. Reginger. Luitburic. (p) Cuotheri. Benedicta. Waltpreht. Cunda-
rat. Adalpreht. Iſinger. Irminrat. Hartman. Roudrut. Finhart. Con-
frit. Ilbuno. Gerrat. Helmdrud. Willifunt. Berehsunt. Hunpreht. Adalburec. Lanfrid. Ellinrat. Lantfrit. Burgrat. Mahalpreht, Walta-
rat.

48 Stephani Leopolder Monachi Wessofont. &c.

rat, Cuntbolt. Adalsunt, Reginhalm. Rachhilt. Wentilpuric. Beruuart. Snelhart. (q) Wolfpreht. Irmingunt. Imma. Wiserich. Gerhilt. Guodhert. Wibera. Mahthilt. Luitburec. Imhilt. Ruodpreht. Rihger. Berehthilt. Gerhoh. Berenhart. Herefint. Altsunt. Finhert. Richcunt. Otini. Bursunt. Reginpreht. Engilfris. Sigimot. Meginhart. Humilitas. (r) Luipreht. Dietpiric. Oudalhart. Engilgart. Hartman. Adalgoz. Gotni. Rihhart. Imhilt. Adalhart. Gerloch. Heinrich. Albsunt. Adalmot. Berehunt. Gerbiric. Hadamot. Adalmoth. Helrich. Oudalger. Irittuich. Diettmar. Arpsa. Ruondrud. Tetta. Luitbolt. Kunigunt. Hiltiburec. Cunthart. Adalburc. Heruuart. Gislini. Gozpreht. Adalbure. Ratolf. Berenhart. Herempreht. Kadolt. Pero. Adalpreht presb. Judith. Hiltipurcih. Waltrath. Piltorim presb. Waltilo. Ribreht. Ata. Grim. Herimpreht. Adalbolt. Guntbret. Elpic. Altrie. Pertolt. Rorttrut. Pertolt. Alpric. Adelpur. Gerhilt. Magines. Gunderam. Pernhath. Oudalrih. Friderich. Gozpreht. Nortpreht Diac. Adalpotto.

- (g) *Hirmankat*. An forte est Irmingarda Hiltibrandi de Morenwis uxor? Fit ejus mentio P. I. f. 141. & 183. An illa Irmengarda filia Gertrudis de Liechtenstein, de qua fol. 223. num. 17.
- (h) *Ougo*. Quis iste & mater ejus, aliis libens disceptandum relinquo. An forte pro *Ougone* Chuno legendus, qui anno 1081. occisus est in bello inter Alemannos & Baioarios, ubi Palatini Comitum Chunonis filius Chuno occisus est? Vide superius Chronicon Stephani ad h. annum.
- (i) *Obunigund*. An Imperatrix S. Henrici uxor?
- (k) *Diemot*. Commune hoc eo tempore nomen fuit. An in venerationem Diemodæ cujusdam, tunc famâ inclytæ?
- (l) *Walcbuon*. Non potuit esse Walchunus Abbas, de quo 1243. electo diximus à fol. 265.
- (m) *Welfbart Dux*. Ex Welfonum stemmate.
- (n) *Judith*. An illa, de qua egimus f. 187.
- (o) *Taringer*. Iterum videmus, Taringeros Monasterii nostri fautores & vicinos fuisse.
- (p) *Luitburic*. Non ausim hanc Luitburgam Thassilonis conjugem credere.
- (q) *Snelbart*. An affus à Snelbardo, de quo P. I. fol. 65.
- (r) *Humilitas*. Nempe Diemot aliquæ.

V. Ca.

V.

Catalogus Episcoporum Salisburgensium à Stephano Leopolder concinnatus.

1. **S**anctus Rupertus Monachus beati Columbani, & primus Episcopus Saltzburgensis. successit anno Domini. & sedit quadraginta quatuor annis.
2. Sanctus Vitalis Episcopus secundus. & Abbas primus Monasterii S. Petri Saltzburge. successit anno Domini. & sedit in Episcopatu viginti duobus annis.
3. Anselogus Episcopus tertius. & Abbas S. Petri. successit anno Domini. & sedit viginti octo annis.
4. Sauolus Episcopus quartus. & Abbas S. Petri. successit anno Domini. & sedit quatuordecim annis.
5. Ezius Episcopus quintus. & Abbas S. Petri. successit anno Domini. & sedit viginti tribus annis.
6. Flobargisus Episcopus sextus. & Abbas S. Petri. successit anno Domini. & sedit quadraginta tribus annis.
7. Johannes I. Episcopus & Abbas S. Petri. successit anno Domini 721. & sedit quadraginta tribus annis.
8. Sanctus Virgilius Episcopus, ex Hibernia. successit anno Christi 764. & sedit quasi duobus annis ante consecrationem. Deinde anno Domini 767. decimo septimo Kal. Julii suscepit consecrationem, & rexit octodecim annis. obiit anno Domini 784. quinto Kal. Decembris. S. Anno Domini 737. S. Virgilius consecrat Cathedralē Ecclesiam, quam ipse construxerat.
9. Wertricus Episcopus, & Abbas S. Petri. Sedit ultra dimidium annum. Sub eo Corpora Sanctorum Savinii & Idunii MM. de suis tumulis sunt elevati.
10. Arno primus Archiepiscopus Saltzburgensis. successit anno Domini 784. & sedit triginta octo annis. Obiit anno Domini 821. nono Kal. Februarii. sepultusque juxta altare S. Mariæ Magdalenz.
11. Amilon (allis Amillon) Abbas S. Petri. Episcopus eligitur, sedit non confirmatus quasi quinque menses. & obiit. sepultus in cripta.
12. Adalrammus Archiepiscopus. successit anno 823. sedit quindecim annis. & obiit anno Domini 836. pridie nonas Januarii. sepultusque in cripta Chori.

(G)

13. Lui-

50 Stephani Leopolder Monachi Wessofont.

13. Luiprandus Archiepiscopus successit anno Domini 837. & sedit viginti tribus annis. sepultus in cripta. §. Hujus tempore, anno decimo, Ecclesia S. Ruperti igne concrematur. Deinde anno salutis 891. transtulit Saltzburge S. Hermetem Martyrem.

14. Adalbinus Archiepiscopus, quem enutrivit Luiprandus, successit anno Domini 859. & sedit annis quiddecim. §. Hic acquisivit Corpora Sanctorum Crispini & Crispiniani, Crisanti Mauri & Darie Martyrum. & sepultus jacet in cripta Chori.

15. Odilbertus Archiepiscopus. successit anno Domini 873. & sedit octo annis. sepultus in cripta.

16. Dietmarus Archiepiscopus. successit anno Domini 880. & sedit 18. annis. §. Hic transtulit Corpus S. Vincentii ad Saltzburgam. & occisus est anno Christi 897. in persecutione Hungarorum Ottone & Zacharia Episcopis.

17. Pilegrinus Archiepiscopus. sedit annis 16. & sepelitur in cripta Chori.

18. Adalbertus Archiepiscopus. successit anno Domini 913. & sedit viginti tribus annis. sepultus in cripta.

19. Egilolfus Episcopus. successit anno Domini 937. & sedit annis sex. sepultus in cripta Chori.

20. Herolfus Episcopus. successit anno Domini 943. & sedit novendecim annis. §. Hic propter translationem S. Martini Episcopi oculis transfoditur, quod noluit ostendere, ubi ipsam posuit. Igitur hujus devoti & religiosi Episcopi sepultura ignoratur.

21. Fridericus Archiepiscopus. successit anno Domini 962. & sedit viginti octo annis. & jacet in cripta Chori.

22. Sanctus Hartwicus Archiepiscopus. successit anno Domini 990. sexto idus Novembris. & sedit triginta quatuor. annis. obiit anno salutis 1023. ac pluribus miraculis fulgens. Sepultus in Capella Sancti Gregorii Papæ requiescit.

23. Guntherus Archiepiscopus. successit anno Domini 1024. & sedit quatuor annis. sepeliturque in cripta.

24. Dietmarus II. successit anno Domini 1028. & præfuit laudabiliter septendecim annis. & sepelitur in capella S. Gregorii. Hic adduxit corpus S. Vincentii.

25. Walbinus Archiepiscopus. eligitur anno Domini 1045. & sedit 15. annis. ac sepelitur in cripta Chori.

26. San-

26. Sanctus Gebehardus annô Domini 1055. quarto nonas Martii presbyter ordinatus est. deinde anno Domini 1060. Archiepiscopus eligitur. & sedit 29. annis. §. Hic inprimis fundat Episcopatum Gurcensem in Carinthia, ubi prius fuit claustrum feminarum. postea anno Domini 1074. fundavit præclarum Monasterium admund. §. Similiter fundavit Monasterium Reychersperg Canonicorum regularium. & sic requiescit sanctus Gebehardus in monasterio suo admund.

27. Sanctus Thyemon Archiepiscopus & Martyr, nobilis ex Bavaria natus. enutritus in monasterio Althahensi. & sic primò efficitur Abbas S. Petri Saltzburge, deinde anno Domini 1089. Archiepiscopus eligitur. & sedit annis duodecim. & in tertio decimo anno transmarinis partibus pro fide Catholica ab infidelibus martyrisatur. & sepultus est in Civitate Corrofsaym millesimo centesimo primo anno.

28. Conradus I. de Abensperg. præfuit laudabiliter quadraginta sex annis. & obiit anno Domini 1147. sepultusque juxta altare S. Gertrudis. §. Hic incepit Ordinem Canonicorum regularium S. Augustini, in Ecclesia Cathedrali Saltzburge anno 1121.

29. Sanctus Eberhardus I. Comes de Hilpoltstain, Canonicus Babenbergensis, & postea monachus in Prüfeningen. Deinde Abbas in Pibugk efficitur. Ultimo tandem anno salutis 1147. Archiepiscopus eligitur, & sedit octodecim annis. sepultusque juxta altare omnium Sanctorum. multis clarens miraculis.

30. Conradus II. filius Leopoldi pii Ducis Austriæ, successit in Archiepiscopatu anno Domini 1164. & sedit annis quinque satis religiose. §. Hujus tempore Cathedralis Ecclesia, & major pars Civitatis igne secundario consummitur. §. Fuit etiam prius Styaviensis Episcopus gloriosus. & obiit 4. Kal. Octobris.

31. Adalbertus II. successit anno Domini 1168. & sedit tredecim annis. Hic fuit filius Ladislay Regis Bohemiæ, & Gertrudis sororis Conradi supradicti. & sepultus jacet ante altare S. Andreæ.

32. Eberhardus II. Archiepiscopus. successit anno Domini 1180. & rexit gregem sibi commissum valde laudabiliter quadraginta sex annis. §. Hic fundavit tres Episcopatus, videlicet in Kyemsee, Laudentin, & Seckau. construxit quoque Lavatorium in ambitu. §. Fuit etiam prius Episcopus Brixensis gloriosus. & sepultus est juxta altare S. Virgillii quarto nonas decembris. §. Hujus tempore facta est translatio S. Kunigundis Imperatricis Babenberge 1204. in præsentia ipsius.

5.2 Stephani Leopolder Monachi Wessofont.

33. Burckhardus I. de Zigenhagn. successit anno Domini 1225, non Canonice electus, sed per Papam introductus, ideo non fuit confirmatus. neque consecratus. sedit annis 36. obiit in Salmansweyl. & ibidem sepultus.

34. Philippus Dux Carinthie. successit anno Domini 1261. & sedit annis decem. sine confirmatione & consecratione. obiit apud Krembs in Austria, & ibidem sepultus est.

35. Wlodislaus Dux Polonie. successit per Clementem Papam IV. anno Christi 1270. & sedit quinque, sepultus ante altare Beatz Mariæ Virginis.

36. Fridericus II. Archiepiscopus. successit anno Domini 1274. & sedit undecim annis. sepultus ante altare S. Andreæ Apost.

37. Rudolfus Archiepiscopus. successit anno Domini 1284. & sedit annis quinque. §. Hic transtulit S. Virgilium Episcopum septimo idus Novembris anno Christi 1288. & eodem anno obiit.

38. Wichardus de Polhaim. successit anno Domini 1289. & sedit quatuor annis. obiit pridie nonas Octobris, sepultus ante altare S. Ruperti Episcopi.

39. Conradus III. Praytenfürter, aliis Winkorffer. successit anno Domini 1292. & sedit 24. annis. obiit tertio Kal. Aprilis, eodem die, in quo in hunc mundum natus est. & plurima bona Ecclesiæ suæ fecit.

40. Fridericus III. de Leübnitz. successit anno Domini 1315. & sedit 23. annis. ac obiit tertio Kal. Aprilis. sepultus est juxta altare S. Crucis.

41. Henricus de Pirenprunn. successit anno Domini 1337. & sedit annis sex. ac requiescit in Capella Pilegrini Episcopi juxta altare S. Nicolai Episcopi.

42. Ortolfus de Weyssenegk. successit anno Domini 1343. & sedit viginti duobus annis. obiit pridie idus Augusti. sepultusque juxta altare S. Trinitatis.

43. Pilegrinus de Puechauen Archiepiscopus. successit anno Domini 1364. & sedit triginta duobus annis. obiit quinto Kal. Aprilis. sepultus in sua propria Capella. §. Hic anno Domini 1389. in die S. Virgilii captus fuit in Raytenhaslach à Friderico Duce Bavarie, & ductus in Burckhausen, & ibidem detentus fere per sex hebdomadas.

44. Gregorius Schenk de Osterwitz. successit anno Domini 1395. & sedit octo annis. sepultus in medio Ecclesiæ S. Ruperti,

45. Eber-

45. Eberhardus III. de Neuenhausen. successit anno Domini 1404. & sedit 24. annis. obiit in die Priscæ Virg. & requiescit in sua propria Capella in honore S. Annæ consecrata.

46. Eberhardus IV. de Starchenberg. successit anno Domini 1427. & sedit duobus annis. obiit quinto idus Februarii. sepultus in Capella S. Annæ.

47. Johannes II. de Reychsperg. successit anno Domini 1429. & sedit tredecim annis. obiit tertio die Septembris. & sepultus est in Capella S. Martini Ep.

48. Fridericus IV. de Emerberg. successit anno Domini 1441. & sedit undecim annis. sepultusque quiescit ante altare S. Andreae.

49. Sigismundus de Volkenstorff. successit anno Domini 1451. & sedit decem annis. obiit tertio die Novembris.

50. Burckhardus II. de Weyspriach, & Cardinalis Romanæ Ecclesiæ, successit anno Domini 1461. & sedit quatuor annis. obiit decimo sexto die Februarii. & sepelitur ante altare S. Ruperti.

51. Bernhardus I. de Ror. Canonicus & Plebanus Ecclesiæ Saltzburgerensis. successit anno Domini 1465. & sedit annis . postea resignavit Archiepiscopatum Johanni Episcopo de Gran. & sepultus quiescit apud Dietmaringen.

52. Johannes III. de Gran. Strigonienſis ex Hungaria. successit anno Domini . & sedit annis .

53. Fridericus V. Comes de Schaumburg. successit anno Domini . & sedit annis .

54. Sigismundus II. dictus Holenegker. successit anno Domini 14

55. Leonhardus I. dictus Reyschacher. successit anno Domini 14 & sedit annis . obiit 1519.

56. Matheus I. Augustensis. dictus Lang,

VI.

Catalogus Episcoporum Augustensis Ecclesiæ.

Sanctus Narcissus Episcopus Tolosensis, & primus plantator Augustensis Ecclesiæ in fidei prædicatione.

Sosimus frater Sanctæ Hilarie, primus Episcopus. quem baptizavit S. Narcissus Episcopus, & vocatus est Dionysius, postea Mar-

(G) 3

tyr

54. Stephani Leopolder Monachi Wessofont.

tyr sanctus. tempore Diocletiani Imperatoris. sedit annis octodecim, & menses octo.

Perwelf Episcopus. sedit annis quinque.

Taginbertus (aliis Tagabertus) Episcopus Augustensis. sedit annis sedecim, vel circa. postea vacavit sedes.

Manno Episcopus sedit annis octodecim. & vacavit sedes.

Wicho (aliis Wico) Episcopus. sedit annis 18. & vacavit sedes.

Britho (aliis Piricho Episcopus) sedit annis viginti.

Zeyso Episcopus. sedit annis 21.

Marcomannus Episcopus. sedit annis 29.

§. Prædicti Episcopi gubernaverunt laudabiliter Ecclesiam Augustensem, sub Hæreticorum pullulatione.

Sanctus Fortunatus Episcopus. traditur in historia Pauli Lombardi libro secundo; quod Sanctus Fortunatus Episcopus transiens & intendens ire Thurorum ad sanctum Martinum transivit in itinere per Augustam, quam Wertha & Licus percurrunt, anno Domini 670. tempore Justinii junioris. Hic fuit natione Italus. & factus Episcopus Pictaviensis. Vir egregius, ingenio clarus, ore suavis, Beati Martini Heroico metro gesta in quatuor voluminibus digessit, Hymnos etiam festivitatum singularium composuit.

§. Stephanus Leopolder addit: *non fuit Episcopus Augustensis.*

Sanctus Witterpus (aliis Wicterpus) Episcopus. efficitur anno Domini 736. & sedit annis 17. & Gallicus Monachus Ordinis S. Benedicti fuisse dicitur, vir magnæ sanctitatis. Hujus tempore fuerunt fundata, & ab eo consecrata Cœnobia Benedictpeyrn & Wessolprunnen, & Cellulam similiter Campidonensem ad preces beati Magni consecravit, ubi Theodorus monachus sancti Galli degebat, quem sanctus Magnus ibidem reliquit. Defunctus est autem Witterpus Episcopus decimo quarto Kal. Maji, & primò sepultus in Ecclesia sancti Laurentii apud villam Ephach in altari Beatissimæ Virginis, postea translatus ad Monasterium S. Affræ Augustæ.

Sanctus Thozzo Episcopus. efficitur per electionem S. Magni Abbatis. prius Presbyter & plebanus in Waltenhouet juxta fances alpium, vir beatæ vitæ, successit anno Domini 753. & sedit annis 12. & vixit post sanctum Magnum annis quinque. Postea videtur sedes vacasse propter Guerram inter Gotfridum Ducem Suevorum, & Oudiloneum Ducem Noricorum.

Sanctus Sympertus Abbas Morbacensis. Episcopus Augustensis consti-

constituitur per Carolum Magnum, postquam in solio Regni Confirmatus fuit, circa annum Domini 804. & sedit annis 30. Ipse erat nepos ex Sorore Caroli Magni. Cujus parentes Ambertus Dux Lotharingæ, & Simphorina Soror Caroli.

Hauto Episcopus. Comes, & magnæ nobilitatis de andex ortus ex Bavaria, successit anno Domini 840. & sedit annis septem.

Waltherus (aliis Waltharius) Episcopus, primus hujus nominis. Successit anno Domini 847. sedit annis decem.

Adalgerus Episcopus (aliis Wadalgerus) successit anno Domini 857. & sedit annis septendecim.

Sanctus Nitgarius (aliis Niggerus) Episcopus. Successit anno Domini 874. & sedit annis quatuor, tempore Caroli secundi Regis Romanorum. §. Hic etiam diu rexit Abbatiam Ottenpeurn, ut traditur in antiquis scriptis apud dictum monasterium. §. De ipso Epitaphium nuper repertum est, ubi ita continetur:

Beatissimæ memoriæ hic requiescit Nidgarius Episcopus, omnes legentes orate, uti pius Deus illi miseretur.

Lanto Episcopus. Surrogatur anno Domini 878. & sedit annis quinque cum dimidio. Hic anno Domini 880. vel circa, legendam sancti Magni Abbatis cuidam prudenti Monacho Ermenrico nomine de Monasterio Elvwangen conscribendam commisit. §. Idem Episcopus anno Domini 882. construxit secundario Ecclesiam sancti Magni, & transtulit corpus ejusdem in sublimiorem locum.

Udalmannus Episcopus. Natione suevus successit anno Domini 883. & sedit annis septem tempore Caroli tertii.

Witgarius (aliis Wiggerus) Episcopus. Successit anno Domini 890. tempore Arnulfi Imperatoris. sedit annis tribus.

Sanctus Adelbero Episcopus claro genere nobilis. successit anno Domini 893. & præfuit annis sedecim. sub Arnulfo Rege secundo.

Hiltinus Episcopus. successit anno Domini 909. sub Ludovico Rege tertio. & præfuit annis quindecim.

Sanctus Udalricus Episcopus Augustensis, ex Patre Comes de Kiburg, ex Matre Comes de Veringen natus, successit anno Domini 923. & rexit Ecclesiam suam 50. annis. Obiit ætatis suæ anno 83.

Heinricus Comes de Wolfhartzhausen, filius Burgkhardi Comitæ ex Bavaria, successit anno Domini 973. & sedit annis decem. §. Hic contradidit Comitatum & patrimonium suum Geysenhausen Ecclesiæ

clesiæ Augustensi. Postea anno Domini 981. interijt in Calabria cum alijs plurimis Episcopis in bello contra Sarracenos.

Eticho (alijs Entico) Episcopus. de Amergau in Bavaria, Comésque successit anno Domini 983. & sedit annis sex. Hunc arbitror de genere Wessofonum fuisse.

Luitoldus (alijs Luitholfus) Episcopus. successit anno Domini 989. sedit annis septem. sub eo anno Domini 994. templum Beatissimæ Mariæ V. corruit à se ipso, sequentique anno à fundamento erigitur ab ipso Episcopo, cooperante Adelheide Imperatrice, & postea idem Episcopus obiit sexto Kal. Augusti. §. sub ipso etiam Canonisatus est sanctus Udalricus.

Gebehardus Episcopus. prius Capellanus S. Udalrici. & primus eiusdem scriptor vitæ ac Præpositus majoris Ecclesiæ. successit anno Domini 996. & sedit annis sex. Obiit septimo idus Julii. §. Hujus tempore Anno Domini 998. fuit dissensio inter Episcopum & Canonicos, Canonice conversationis exterminium.

Sigifridus I. Episcopus. successit anno Domini 1002. & sedit annis quinque. Hic consecravit Capellam S. Egidii iuxta murum.

Bruno Episcopus. ex Bavaria, germanus Sancti Heinrichi Imperatoris. successit anno Domini 1008. & sedit annis viginti duobus. ac obiit octavo Kal. Maij. §. Sub illo Reginbaldus primus Abbas, cum Monachis ad Monasterium S. Afræ Martyris introductus est.

§. Hic etiam secundus fundator Collegii S. Mauricii extitit, ex commissione S. Heinrichi Imperatoris.

Eppo (alijs Eckbertus) Episcopus Augustensis. successit anno Domini 1030. sedit annis 18. & obiit anno Christi 1047. & Heinrichus subrogatur.

§. Item in Cronica vulgari suevorum legitur quidam Eberhardus Episcopus, sed quamdiu rexit Ecclesiam, ignoratur.

Heinricus II. Episcopus. successit Anno Domini 1048. & sedit sedecim annis. Ipse novam Ecclesiam fecit Sanctæ Mariæ Dei Genitricis, cum porticibus. atrio. & pallacio. Hic etiam præfuit toto regno, & educavit Heinrichum quartum, à quo postea misero genere mortis excepit, quoniam diffamatus ac suspectus cum sorore dicti Regis fuit.

Embrito Episcopus. primus Præpositus Moguntinensis Ecclesiæ successit anno Domini 1064. & sedit 14. annis. §. Hic gloriosus Episcopus fecit donationem, & constitutionem Canonicis, ac extitit fundator Ecclesiarum S. Gertrudis. S. Stephani, atque S. Martini, à fundamentis

mentis reftauratis cum aliis edificiis. plenus bonis operibus obdormi-
vit in Domino tertio Kal. Augufti. §. Huius tempore anno Domini
1061. apud nos cefferunt Præpofiti cum Canonicis, & introducti funt
Abbates.

Sigifridus II. Epifcopus. fuccellit anno Domini 1078. & fedit an-
nis 19. Wigoldus cum eo in difcordia à quibusdam potiùs intrufus
quàm electus, occupavit Epifcopatum annis decem, & fedem in Fülef-
fen habens. anno Domini 1088 Welfo Dux Baloariae Auguftam obse-
dit & proditoriè cepit, Sigifridumque captum fecum duxit ad castrum
fuum Ravenspurg, & duos annos in vinculis tenuit. poftea verò anno
Domini 1090. Sigifridus magna pecunia redemptus, ad fuam rediit
Ecclefiam, & reliquum vitæ tempus in pace exegit. Obiit in die S.
Barbaræ.

Wigoldus Epifcopus. & Invafor Ecclefie, cum vi palacium & Ec-
clefiam Cathedralẽ intravit, eamque omnibus bonis in auro & ar-
gento fpoliavit, rapuit namque calices, turbula, & alia vafa altaris.
infuper laminas argenteas fummi altaris fregit, & cum thefauro Eccle-
fie abftulit, ac etiam Canonicos expulit. Obiit in faucibus, sexto idus
Maij,

Hermannus Epifcopus. fuccellit anno Domini 1097. & fedit annis
37. Hic fuit filius Comitis de Wittelpach, & finiftre intravit, diu
rexit Ecclefiam, atque moleftavit Beatum Eginonem abbatem. & Cle-
ricos. fuit etiam per Apoftolicos excommunicatus. & plura alia refe-
runtur de eo, apud S. Udalricum.

Waltharius (aliis Waltherus) II. Epifcopus. & Comes Palati-
nus de Tübingen. fuccellit anno Domini 1134. & fedit annis 19. & an-
no fequenti ordinatur quinto idus feptembris in monafterio Selgenftat.

§. Hic confirmavit, & roboravit monafterium S. Georgii Augu-
fte. & confecravit Capellam S. Michaelis fupra portam monafterii S.
Udalrici 1139. & resignavit duobus annis ante mortem. Obiit anno
Domini 1154. proxima die poft Blafii Epifcopi.

§. poft iftum fuit magna contentio pro Epifcopatu.

Conradus Comes. dictus Lützelstein. natione Suevus. fuccellit
anno Domini 1153. & fedit annis 15. in habitu monaftico, & ante-
nam nutu Divino monachus efficitur ad fanctum Udalricum anno Chri-
fti 1156. nec tamen resignavit. fed per Proviforem rexit Epifcopatum.

§. Ifte fufstinuit plures preffuras, propter difcordiam inter Cano-
nicos, ob quam caufam Adrianus Papa IV. Epifcopum ab eorum

(H)

impe-

58 Stephani Leopolder Monachi Wessofont.

impetitione absolvit, & omnes adversarios suos ab officio Divino suspendit.

Hartwicus I. Episcopus. Ingenuus, natione suevus, de Liehaim oriundus, antea monachus & Prior ad S. Udalricum, in nocte omnium Sanctorum eligitur sub anno salutis 1168. & sedit annis 15.

Udalcalcus (aliis Gotschalcus) Episcopus. successit anno Domini 1183. & sedit annis 18. Hic gloriosus Episcopus originem duxit ex castro Biberpach. & in S. Policarpi circa horam nonam ab omnibus unanimiter est electus, ac multa bona Ecclesie fecit, multaque prædia de patrimonio suo Episcopatu & Capitulo suo tradidit.

Hartwicus II. Episcopus. successit anno Domini 1201. & sedit annis septem. Ille, ut habetur in Libro Oblatorum, fuit solummodo electus Episcopus, & non confirmatus. Obiit in Vigilia Philippi & Jacobi.

Sigifridus III. Episcopus. Natione suevus de Rechperg ortus. successit anno Domini 1208. & sedit annis 19.

§. Sub illo Episcopo inventum fuit Sacratissimum Corpus Christi in molendina apud Memmingen. Hic totaliter destruxit castrum in Schwabegke propter insolentias, quas Urbani in prædiis Ecclesie suæ in Menchingen, & alibi consueverant exercere. Unde Ipse postmodum semper cinxit Imperatorem.

Sibotto Episcopus. Vir devotus & bonæ vitæ. successit anno Domini 1227. & sedit annis 26. & circa. Tandem tactus Spiritu Divino, & factus est monachus Cæsariensis, & resignavit. postea obiit in die Assumptionis Mariæ sub anno salutis 1262. & sepultus est Cæsarie in Choro. Anno Domini 1257. Kal. Octobris dedicata sunt hæc Altaria à Venerabili Siboldo Augustensi Episcopo, Ordinis Cisterciensis, Maius altare in honore B. Mariæ Virg. secundus in honore S. Johannis Apostoli. tertius in honore Nicolai. Hæc consecratio facta est post resignationem.

Hartmannus Episcopus. Comes de Kiburg & Dillingen. successit anno Domini 1253. & sedit 34 annis. Hic mansuetissimus hominum fuit, & Castrum Dillingen unâ cum omnibus attinentiis Episcopatu tradidit, ac etiam sub eo Ecclesia corruerat, & tunc temporis vix Ecclesia habebat centum libras, dempto eo, quod à Clero solvi consuevit, licet olim habuerit duo millia denariorum de redditibus. Obiit quarto nonas Julij. & sepultus in Ecclesia ante crucem.

Sigifridus IV. Episcopus. Natione suevus de Algishausen. successit anno Domini 1286. & sedit duobus annis. Ipse multum profecit tempore

tempore parvo. Nam Castrum Pfershaim cum omnibus pertinentiis Ecclesiæ condonavit. Obiit in die Johannis & Pauli, sepultusque ante Crucem in Ecclesia Beatissimæ Virginis.

Wolfhardus Episcopus. Nobilis de Rott, Natione Suevus. successit anno Domini 1288. & sedit annis duodecim. Hic fuit electus 15. Kal. Septembris, de Ecclesia Moguntina. & innumerabilia bona Ecclesiæ redemit, videlicet Marchionatus Burgau, Castrum Seyfelsperg & Hasperg cum suis attinentiis, castrum Eggental, & Hattenberg, Castrum Schöneck, cum oppido Pfaffenhausen, cum cæteris.

§. hoc eius legitur Epitaphium:

Hac sunt in fossa, Wolfhardi Præsulis ossa.

Idivis à mundo iam migravit ille secundo.

Anno milleno, centeno ter numerato.

Degenhardus Episcopus. natione suevus de Helenstain natus, ex matre Comes de Düllingen, primus S. Mauritii Præpositus. Hic etiam fuit Canonicus Sanctæ Mariæ, sub anno Christi 1280. & hoc tempore fuit in flore. successit in Episcopatu anno Domini 1300. & sedit annis septem. Obiit 24. die Novembris.

Fridericus Episcopus. de famigen. Ingenuus, dictus Speto, natione Suevus. successit anno Domini 1307. & sedit annis 22. Tempore illius fuerunt ordinatæ præbendæ, quatuor duorum, quam ordinationem ipse confirmavit & sigillavit. Similiter confirmavit Cenobium Vultenbach ut Protector monasterii. Anno Domini. 1310.

Udalricus Episcopus de Schöneck. successit anno 1329. & sedit annis octo, ante Confirmationem & post, quia adhæsit Ludovico Regi excommunicato, quapropter distulit confirmari usque ad mortem Johannis XXII.

§. Hic vendidit cum castro suo castrum Eschenloch & forum murau cum attinentiis & Ecclesiis ibidem. Eschenloch. Staphelsee, Hugelsingen & Antorf. Ludovico Regi quarto pro 12 libris Monacensium denariorum.

Heinricus Episcopus. de Schöneck, frater prædicti. prius Præpositus. successit anno Domini 1337. & sedit annis 14. Hic etiam adhæsit Ludovico Regi, quapropter remotus fuit per Clementem VI. & sic vixit in gamundia post depositionem 21 annis. Obiit ibidem anno Domini 1371. sepultus in Ecclesia B. Mariæ V.

Marquardus Episcopus. Natione suevus de randeck. successit anno Domini 1351. & sedit annis 9. postea resignavit, & factus Patriarcha

triarcha Aquilegiensis. fuit etiam Capitaneus Caroli V. in Italia, & captus est per Mediolanenses 1355. & iterum liberatus 1357. Sequens legitur eius Epitaphium:

Annis millenis, C. ter. L. iunge novenis.
 Chorum fundavit, australem sicque legavit.
 Plures Ecclesias res hinc ob honorem Mariæ.
 Hic & fundavit hanc, hanc Missam quoque donavit.

Waltherus (aliis Waltharius) Episcopus III. Nobilis de Hohen-schlitz. successit anno Domini 1360. & sedit annis decem. Hic similiter antea fuit Capitaneus in Italia. postea interiit juxta oppidum Middelhaiu percussus sagittâ in obsidione per quemdam Comitem de Werdberg 1370. in die francisci.

Johannes Episcopus. dictus Schatlant, advena friso de Ordine Prædicatorum. successit 1370. & sedit annis quatuor. Hic translatus est per Papam à Sede Wormatiensi ad Augustensem. fuit etiam prius juxta Cronicam Saxonum Episcopus Hildeshaimensis. ideo non erat acceptus. propterea reliquit & spoliavit Ecclesiam in certis clenodiis.

Burckhardus Episcopus. Natione Suevus de Ellerbach ex Patre, ex Matre Marscalcus de Biberpach. successit anno Domini 1374 & sedit annis 30. Hic Capellam in castro suo ad fauces ædificavit, & Augustenses propter quamdam discordiam mirabiliter attrivit. & sic de ipso multa laude digna reperiuntur. Obiit Dominica Latere, qua die in Cathedram Episcopalem fuit exaltatus.

Eberhardus Episcopus. & Comes de Kirchperg. successit anno Domini 1404. & sedit annis septem. Hic fuit nimis sumptuosus, & multa bona alienavit Ecclesiæ. Obiit 1411. sepultusque in Monasterio Wiblingen.

Anshelmus Episcopus. Nobilis natus de Nemigen. successit anno Domini 1411. & sedit annis novem. resignavitque in concordia per duos annos ante obitum videlicet 1421. Iste Augustensibus non placuit, ideo Regem Sigismundum interpellarunt, qui intrusit Fridericum Gravenegker, qui habuit possessionem Episcopatus de facto, & scripsit se Episcopum 1414. nec prævaluit, sed Anshelmus in sede permansit.

Petrus Episcopus. de Schauberg, antea Canonicus Herbipolensis & Babenbergensis, constituitur per Papam anno Domini 1424. & sedit 46 annis. Hic constituit sibi ante morte Coadjutorem Johannem sequentem.

Johannes

Johannes Episcopus. & Comes de Werdenberg. successit anno Domini 1469. & sedit annis 17. Iste fuit bonus & providus Pastor, qui reliquit Ecclesiam suam in bono statu. Obiit Franckfordiæ in electione Maximiliani Regis Romanorum anno Christi 1486.

Fridericus II. Episcopus. & Comes de Hohenzolern filius sororis prædicti Johannis, antea Decanus Argentinensis. successit anno Domini 1486. & sedit annis 19. Hic in apoplexia interlit octava die mensis Martij anno Domini 1505. & sepultus retro Chorum Australem.

Heinticus IV. Episcopus. Nobilis de Lichtenau. Doctor Juris, & Vicarius Generalis, & jam ætatis annorum sexaginta. successit anno Domini 1505. prima die mensis Aprilis. & sedit annis 12. Obiit Pasce, & in infirmitate constituit sibi successorem Christophorum.

Christophorus Episcopus. Nobilis de Stadion, Curie Officialis & Canonicus. successit anno Domini 1517.

VII.

Catalogus Abbatum in Tegernsee.

Monasterium Tegernsee fundatur à Ducibus Germanis. Ockario & Adalberto, ex Patre Burgundi, ex Matre Bayari. Anno Domini 716. quo anno Gregorius Papa Secundus ordinavit Sanctum Bonifacium, & Sanctum Corbinianum in Episcopos.

Aliorum tamen opinio est, & Credibilior, quòd Monasterium Tegernsee fundatum sit anno Domini 746. vel secundum alios anno 748. Et primi Monachi de Monasterio S. Galli adducti sunt. Quorum Pater S. Othmarus extitit. Et antiqua scripta inveniuntur, quòd 150. Monachi fuerunt, à primæva fundatione in loco per annos 169. in observantia regulari, usque ad tempora Henrici primi Imperatoris. & Arnoldi impii, Ducis Bavarorum.

Anno Domini 751. Ockarius & Adalbertus fundatores Monasterii, intraverunt Romam ad Zachariam Papam, & petierunt Corpus Sancti Quirini Martyris. Apostolicus Episcopus hoc audiens petitionem prædictorum Principum abhorruit, quia pro inde ex insolentia Romanorum se gravari pertimuit. Vinctus tandem devotissima precum instantia, voluntati eorum libens annuit. Sed ne raperetur, ab eis Datum, quod invito senatu consequerentur, ad præsens dandi dilationem

nem faciens. Salubre super hac re datus consilium, Romam pro S. Martyre remittendi nuntium. Offerensque eis particulas non modicas. scilicet brachia Beatorum Apostolorum Petri & Pauli. ac Ciphum Argenteum Sancti Athletæ Dei Quirini, aliorumque Sanctorum non parva pignora. Sicque dimissi cum benedictione. De adeptis donis, ac promissis Patronis, utriusque etenim intuitu, lætiores sunt effecti, celeriter revertuntur ad patriam.

Deinde anno Domini 752. ut in antiquissimis libris inventur. Fundatores miserunt Utonem sororium pro Corpore S. Quirini. Hic Udo sororius eorum fuit vir clericatus, dignitate ac nobilitate morum probatus, cum apparatu honorifico Romam dirigitur &c. Qui huc translatus. primo è vicino loco, juxta lacum Tegernsee, vigiliis celebrantes, pernoctaverunt. Mane facto, cum sublevassent sanctum Martyrem, Monasterium petitori: & in loco, ubi feretrum repositum fuerat, salubris vena fontis, prius nunquam visa irrupit, quæ usque hodie manans. non parva ibidem miracula tunc & postmodum, in honorem servi sui, Dominus operari dignatur.

Secundò positus est ad primam Ecclesiam Salvatoris, ubi requievit duobus annis, & 19 ebdomadibus. Tertiò, scilicet anno Domini 754. translatus est Sanctus Quirinus ad majorem Ecclesiam sub Choro ad Criptam, stipantibus undique turbis, murorum parietibus. ac devoto laudum præconio consonantibus. Erat enim Cripta subterranea facta & testudinata, & lapis excisus. in medio ejus positus. Cùmque & hæc, sancta unctione solito sacrata essent, elevabatur Adletha Dei, per Antistitem, ex ea parte, qua pedes divisi erant, & per Presbiterum venerabilem Erinberthum, ex parte adversa. Et cùm iam in Sarcophagum mitteretur, elapsa est particula S. Corporis, per foramen palmarum sportæ, in manus ejusdem presbiteri, madens adhuc sanguine, velut eo die, quo passus inclitus Quirinus Martyr pro Christi nomine. Viso tali signo, affectu condigno sanguinem cum carne colligebant. & honorificentissimè, ut decuit, servabant.

Dum verò omnia bene ordinata & composita forent. Alberthus & Ockarius, hujus mundi curas & opes spernentes. nihil liberius, nihil beatius paupertate. Hæc omnia apud se subtilius deliberantes, resignatis terrenis dignitatibus. simul & militari baltheo, post bellicos sudores, post graves hujus mundi labores, mutato animo & habitu, tradiderunt se cum multa familia, & possessione, sanctis Apostolis Petro

Petro & Paulo. & Beato Quirino. Erat enim hæc mutatio dexteræ Excelli, quæ dura est valde, transierunt quidem de comestationibus ad ieiunia, de carnibus ad olera, de sericis ad cilicia, de plumaribus ad stramina, cum induissent vestimenta humilitatem cordis & contemptum mundi significantes. Ideo Dominus Adalbertus iudicio trium Episcoporum, & approbatione Univerſorum, primus Abbas constituitur.

Ockarius Fundator & Conversus. Obiit quarto Kalendas Martij.

Adalbertus Fundator, & Abbas primus. Obiit Kalendis Novembris.

Zacko Abbas secundus. Obiit tertio Kal. Octobris.

Yskero Abbas tertius. Obiit 4. Nonas Maij.

Megilo Abbas quartus. Obiit decimo tertio Kal. Julij.

Isti quatuor Abbates rexerunt nostrum monasterium per annos 169. usque ad primam spoliacionem. Anno Domini 969. exustum est monasterium Tegernsee funditus.

Hartwicus Abbas quintus, & primus post spoliacionem, postulatus de monasterio S. Maximini in Treuerl, anno Domini 978. rexit annis quatuor. & quinque menses. Obiit sexto idus Augusti. sepultus ante altare S. Andree.

Gospertus Abbas sextus. de monasterio sancti Emmerami ratispo. postulatus anno Domini 982. & rexit 19 annis, menses quinque. dies 16. Obiit 12 Kal. Februarij.

Sanctus Godehardus Abbas septimus. de monasterio Althe inferioris. & Hersfeld, ubi Abbas fuit. In commendam habuit monasterium Tegernsee, anno Domini 1001. & rexit annum unum, & duobus mensibus. & eligitur in Episcopum Hildenshaim.

Eberhardus primus, Abbas Octavus. de Cella, quæ Silva dicitur, huic monasterio à Duce Heimrico præponitur, anno Domini 1002. & rexit duobus annis nondum completis. Obiit in peregrinatione quarto nonas Marcij.

Perengetus nostre congregationis Abbas nonus. Eligitur anno Domini 1003. & rexit novem annis. Obiit tertio nonas Februarij.

Burckhardus decimus Abbas. de Sancto Wichperto. in Hersfeld, anno Domini 1012. eligitur. & rexit quatuor annis, & quatuor mensibus. Obiit tertio Kal. novembris.

Elingerus Abbas undecimus. nostre Congregationis. Anno Domini 1017. eligitur, & rexit primò octo annis, & suspenditur anno Domini 1025.

Albinus

Albinus duodecimus Abbas de Sancto Wichperto ex Hersfeld, eligitur anno Domini 1025. & rexit sex annis. Obiit nono Kal. Julij.

Elingerus, qui supra, in Abbaciam restituitur, anno Domini 1031. & rexit 10 annis. & iterum suspenditur quinto nonas Octobris. Hic venit ad monasterium Benediktenpeurn, cum duodecim monachis, eodem anno, quo fuit restitutus. & fuit ad Sigilberti Episcopi August. petitionem. & reliquit ibi Gothalmum Abbatem, cum undecim fratribus. & reversus est.

Anno Domini 1035. secundò Monasterium Tegernsee incineratum est.

Item sequenti anno, monasterium à latronibus spoliatur &c. Ob hoc Vir ille beatus Elingerus à cunctis impetitur, calumniatur. & omnis iactura in eum prolicitur. Ac apud Heinricum III. & Imperatorem secundum. atque Episcopum Nickerum Frisingensem XVIII. infamatur. Propterea tertio suspenditur, & ad Altachense monasterium transmittitur. Obiit ibidem anno Domini 1056. nonis Februarij. & claruit miraculis post mortem longo tempore.

Udalricus I. Abbas decimus tertius. Abbas Sancti Emmerami. Anno Domini 1041. in commendam habuit, & rexit annum medium. Obiit 16 Kal. Junij.

Herrandus Abbas decimus quartus. de nostra Congregatione. Anno Domini 1042. eligitur. rexit quatuor annis. & deponitur. Obiit secundo nonas Maij.

J. Stephanus Leopolder ad marginem notat: *predictus Herrandus Abbas, habuit secum. 15. Presbiteros. 6. Diaconos. 7. Subdiaconos. & 4. Juvenes novos. sub suo regimine. Apud nos clare habeantur. nominatim, in plenario Sacristie.*

Eckiberrus Abbas decimus quintus, de Sancto Wichperto ex Hersfeld. Anno Domini 1046. eligitur. & rexit duobus annis. & Fuldensibus Abbas præficitur. Obiit ibidem. 15. Kal. decembris.

Siffridus Abbas decimus sextus. de S. Wichperto ex Hersfeld. Anno Domini 1048. eligitur, & rexit 20. annis. Obiit 2. nonas Martij.

Stephanus Leopolder iterum sic ad marginem: *Huius Abbatis Siffridi tempore. monasterium Wezzinspruuen. secundario venit ad ordinem & regulam S. Benedicti.*

Eberhardus II. Abbas decimus septimus. Ex monasterio Campidonensi professus, primò Abbas in faucibus. postea in Ottenpeuren. Deinde

Deinde ad S. Emmeramum. Demum monasterio Tegernsee præfictur. Anno Domini 1068. rexit annis 23. Obiit 5. idus Maij. sepultus in medio Ecclesie. ante fontem aque benedictæ.

Udalschalcus de nostra Congregatione Abbas decimus octavus. Comes de Neünburg, anno Domini 1091. eligitur. & rexit 20. annis. Hic anno Domini 1102. Fundavit monasterium in Dietramszell, Canonicorum regularium. Obiit idus novembris. sepultus ante altare S. Crucis.

Aribes Abbas decimus nonus. Anno Domini 1111. eligitur. & rexit 24. annis. minus uno mense. Obiit 11. Kal. Januarij.

Nota Stephani Leopolder: *hujus Abbatis tempore eligitur Walto nostra Congregationis Abbas. postea inter sanctos translatus. clarens miraculis. prædicti Aribonis Abbatis. Anno Christi. 1129.*

Conradus I. Abbas Vigessimus. eligitur anno domini. 1135. & rexit 19. annis. & quatuor mensibus. Obiit tertio Kal. Julij.

Rupertus Abbas Vigessimus primus. Comes de Neünburg. de nostra Congregatione, anno Domini. 1155. eligitur. & rexit 21. annis, minus unico mense. Hic primus impetravit usum Mitre & Annulli. Obiit 11. Kal. Junij. sepultus est ad S. Benedictum.

Notat Stephanus: *Hujus Abbatis tempore Obiit Beatus Walto Abbas Wezzinsprumensis anno Domini 1156. Eiusdem Ruperti anno secundo. hic 11. annis vacat.*

Conradus II. Abbas vigessimus secundus. eligitur anno Domini 1186. & rexit tribus annis. cum dimidio. Obiit 17. Kal. Januarij.

Manigoldus Abbas 23tius de Kremsmünster. Abbas anno Domini. 1190. eligitur. & rexit 15. annis cum dimidio. Hic anno Domini 1206. ecclesie Patauien. Episcopus præficitur.

§. Anno Domini 1212. Manigoldus episcopus, & Rapoto palatinus reni, simul discordantes, ubi monasteria, Ecclesias, unacum omni provincia deuantantur. Obiit Patauie, anno Domini. 1215. quinto idus Junij.

Stephanus Leopolder ex margine denuo hæc reddit: *Huius Abbatis tempore facta est Canonisatio S. Kunigundis V. & Reginæ. ab Innocencio III. multis convenientibus Episcopis, Archiepiscopis. inter quos affuit Eberhardus Saltzburgeris Archiepiscopus.*

Pöchtoldus I. Abbas vigessimus quartus. de nostra Congregatione. Anno Domini 1206. eligitur. & rexit 10. annis - & duobus mensibus. Obiit 15. Kal. Martij.

66 Stephani Leopolder Monachi Wessofont.

Hainricus I. Abbas vigesimus quintus. Anno Domini 1217. eligitur. & rexit 14 annis. & quinque mensibus. & resignavit anno Domini 1242. & intravit ordinem Cisterciensium in Salmansweil. Obiit ibidem 7. idus Novembris.

Perchtoldus II. Abbas 25^{tus} de nostra congregacione. Anno Domini 1242. eligitur, in presencia Laijcorum & à Laycis. & rexit non confirmatus sex annis. postea deponitur ab Episcopo Conrado frisingensi. Obiit 13. Kal. septembris.

Udalricus II. Abbas 27. prius Abbas in Sewn. dictus partterhauser, eligitur & postulatur. Anno Domini 1248. rexit 13 annis. Obiit 6. Kal. Augusti. sepultus ante altare Beate Virginis.

Rudolfus Abbas 28. Anno Domini 1261. eligitur. & rexit quinque annis. Obiit 6. Kal. Januarij.

Heinricus II. Abbas 29. Anno Domini 1266. eligitur. & rexit septem annis. & quatuor mensibus. Obiit 8. Kal. Octobris.

Ludovicus Abbas 30. Comes de Grayspach. monachus in Scheyrn. primo Abbas in Weychensteuen. postea in Scheyrn. ubi negligencia eius atque incuria accusatur. ideo anno 13. à Gubernaculis Cenobii extrahitur. tempore Rudolphi Regis Romanorum. Anno Christi 1272. Ultimo tandem Hic in Tegernsee terciò Abbas eligitur. anno Domini 1273. & rexit 12. annis. & quinque mensibus. Obiit idibus februarii.

Hainricus III. Abbas 31. anno Domini 1286. eligitur. & rexit annum unum, & duobus mensibus. Obiit 5. idus Aprilis.

Marquardus Abbas 32. Comes de Vering. anno Domini 1287. eligitur. & rexit 35 annis. & septem mensibus. Obiit nono Kal. Maij. sepultus est ante altare Virginum.

Hainricus IV. Abbas 33. nostre Congregationis. dictus Rayner, anno Domini 1324. eligitur. & rexit 15 annis. postea resignavit anno Christi 1339. obiit anno Domini 1345. undecimo Kal. decembris. sepultus ante ianuam capituli.

Sibrandus (aliis Sigebrandus) Abbas 34. dictus Geltinger. subrogatur contra voluntatem Conventus, anno Domini 1339. & rexit septem annis. & octo mensibus. Hic interficitur ab Ottone dicto Katzbecken, inter Aybling & Rosenhaim, propriè, auf dem Grabe Wige. sub anno Christi, 1346. sexto Kal. Augusti. sepultus ante altare S. Achatii.

Karolus

Karolus Abbas 35. dictus Hantzdorffer. Abbas monasteriensis postulatur. Anno Domini 1347. & rexit duobus annis. Obiit Kal. Octobris.

Conradus III. Katzbeck de nostra Congregatione. Abbas 36. anno Domini. 1349. eligitur. & rexit 13 annis. & septem mensibus. Obiit septimo Kal. Julij.

Conradus IV. dictus Eglinger. de nostra Congregatione. Abbas 37. anno Domini 1363. eligitur. & rexit octo annis. & octo mensibus. obiit octavo Kal. Aprilis. sepultus circa altare quatuor Evangelistarum.

Gebhardus Tauffkircher Abbas 38. de nostra congregatione. anno Domini. 1372. eligitur. & rexit 21. annis. Huius Abbatis tempore. anno Domini. 1373. in Capella S. Johannis Baptiste contigua Choro Ecclesie Tegernseensis non modicum miraculum omnibus circa predictam Ecclesiam, tunc temporis morantibus manifestè emicuit. Quia ymago sculpta in marmoreum lapidem, super positum sepulchro, Venerabilis Abbatis Ruperti Comitis de Neünberg. Qui obiit sub anno salutis 1175. quinto Kal. Julij. Continè per triduum flere videbatur. Deinde aliquo tempore elapso pluries ploravit. Obiit predictus Gebhardus Tauffkircher, 3. idus Marcii. & sepultus est circa altare sancti Sebastiani.

Oswaldus Torer, Abbas 38. de nostra congregatione. anno Domini. 1393. eligitur. & rexit 25. annis. Obiit 17. Kal. Maij. sepultus circa altare S. Spiritus.

Georgius Türndl Abbas 40. de nostra congregatione. anno Domini. 1418. eligitur. & rexit quinque annis. Obiit 16 Kal. Februarii. Sepultus circa altare S. Spiritus in abside.

Hildebrandus Casner de nostra congregatione Abbas 41. anno Domini. 1423. eligitur. & rexit quatuor annis. ac resignavit, anno 1426. Obiit postea, anno Domini. 1446. nonas Junii. sepultus ante Capitulum in Ambitu.

Caspar Aindarffer de nostra congregatione, Abbas 42. anno Domini. 1426. eligitur. & rexit 35. annis. Obiit. 17. Kal. Februarij. sepultus in medio Chori.

Conradus V. dictus Ayrenschmaltz de Weylhaim. de nostra congregatione. anno Domini. 1461. eligitur. & rexit 31. annis. Obiit i. profesto Conversionis S. Pauli. sepultus in medio Ecclesie.

Quirinus Regler, prius dictus Michael de Winsheim. de nostra congregatione. Abbas 44. anno Domini. 1491. eligitur. & rexit novem annis. & resignavit Abbacie, anno Christi 1500. & transtulit se ad monasterium Mänsee. Obiit ibidem anno Domini. 1510. in die Sancti Killiani: atque ibidem sepultus ante altare Beatæ Mariæ Virg. sub marmore.

Hainricus Kuntzner de Kopstain, V. huius nominis. Abbas 45. anno Domini 1500. eligitur. prima die Augusti. & rexit 12. annis. Sed propter infirmitates corporales resignavit Abbacie, in die S. Ignacii Episcopi & Martyris. anno Domini 1512. Obiit.

Maurus, prius Johannes, Leyrer de Landisberg. de nostra congregatione. Abbas 46. eligitur anno Domini. 1512. secundo nonas Februarij. Que fuit quarta dies Februarij. Et in Dominica sexagesime, que fuit immediatè post Festum S. Valentini. Fuit confirmatus Frisinge.

VIII.

Catalogus Abbatum Monasterij SS. Udalrici & Aphre Auguste.

SANCTUS Reginbaldus primus Abbas, postea Spirensis Ecclesiæ Episcopus, sub Heinrico secundo, aliis sancto Imperatore.

Dago Abbas secundus.

Gotesgenus Abbas tercius.

Frideboldus Abbas quartus.

Heinricus I. Abbas quintus.

Dieto I. Abbas 6.

Adelbero Abbas 7. successit anno Domini & præsuit annis. Hic venerandus & Deo devotus Pater, construxit capellam S. Agnetis V. & Martiris. & inclusit monasterium cum muro. Idem venerandus Abbas. habuit tam strictam conscienciam, ut non celebraret Divina, coram concubynariis. ideo occulte in monasterio celebravit, ob quam causam fuit expulsus, & fugam petiit versus Romam. ubi impetratis litteris Apostolicis, patriam repeciit. & sic in via Romana, diem clausit extremum.

§. Hy supradicti, omnes fuerunt viri famosi & devoti in religione.

Dietmarus

Dietmarus Abbas 8. Invasor loci. nec Clericus, nec Monachus, neque memoria dignus.

Sigihardus Abbas 9. dictus fidelis, eligitur anno Domini. & præfuit annis. Hic sub anno salutis 1087. misit unum Conversum, quos Donatos vocamus, cum litteris ad Beringarium Episcopum Gerundie Hispaniarum, pro reliquiis S. Narcissi Episcopi, narrans idem Conversus. qualiter S. Narcissus, integro corpore sit inventus, cum tribus vulneribus perfoſſus.

Hartmannus I. Abbas 10. successit anno Domini & præfuit 15. annis. Hic instituit prebendas fratribus, & quod detur vinum Canonicis, in festis Patronorum. Et resignavit Abbaciam. propter indignacionem Cesaris. postea Gotwicensis Abbas effectus, etiam ibi persecucionem passus. resignavit. Tertio Abbas Campidonensis factus, aliquamdiu ibi præfuit, tandem in Danubio periit, & in eodem monasterio sepelitur.

Hartmannus II. Abbas 11. successit anno Domini & præfuit annis. Hic resignavit Officium Abbacie, propter indignacionem Episcopi Hermani. adversus Cenobium, & iterum se tranſtulit ad Monasterium Gotwicense, ubi prius Abbas extitit gloriosus.

Berengarius Monachus Fuldenſis.

Guntherus. Monachus Wezzinsprunnensis.

§. Predicti duo Abbates, spretique sunt successive à fratribus, eoquod non fuerunt canonice electi, sed per Episcopum Hermannum suffecti & seducti.

Sanctus Eginus Abbas. eligitur anno Domini . & præfuit 10. annis. Hic instituit Festum Conversionis S. Aphre, festumque sancte Hilarie, & Festum omnium Patronorum, tam Martirum quam confessorum. & reliquias sanctorum Dionisij primi Episcopi & Martiris. & Quiriaci. Largiti. Crescenciani. Euticiani. Cariti. Fidolſſi. Petri. sanctarum feminarum. Numinie. Juliane. Diomidie. Leonide. Agoope. cum aliis tredecim. quorum omnium nomina scripta sunt in libro vite. Predictus sanctus Abbas. post plures persecuciones & insidias, obiit in reversione de Roma, apud Pisam Civitatem Italie, & ibidem sepelitur in Sarcophago cuiusdam Episcopi, ac diu clarens miraculis.

Ex discipulis Beati Eginonis hy Abbates effecti sunt.

1. **W**ollemarus Abbas S. Udalrici efficitur.
 2. Udalscalcus Vir doctus, & Capellanus Beati Eginonis in via Romana, Abbas Auguste eligitur.
 3. Gotfridus, Abbas Fuldensis eligitur.
 4. Sachso, Abbas Würtzburgensis efficitur.
 5. Albericus, Abbas in faucibus eligitur.
 6. Guntherus, in faucibus Abbas efficitur.
 7. Aribio, Abbas Tegernseensis efficitur. &
 8. Frater predicti Aribonis N. ad Schwollenhofen Abbas eligitur.
- Wollemarus. successit anno Domini . . . & prefuit annis.

Udalscalchus. Vir doctus ac muscus optimus. Capellanus beati Eginonis abbatis successit anno Domini . . . & prefuit . . . annis.

§. Hic hystorias SS. Udalrici & Aphre, atque Marie Magdalene, quam specialiter dilexit. composuit, quem cantum ad Episcopum Hermannum Constanciensem primitus misit ad approbandum, similiter Gebhardus Legatus Romanus, approbavit & confirmavit, historias supradictas per totam Diocesim servandas. §. Huius eciam tempore Hermannus Cullos Ecclesie ad Beatam Virginem, intravit religionem apud S. Udalricum, ac plura bona in pecuniis & aliis Monasterio obtulit.

Hezilo. Abbas eligitur anno Domini 1148. Vir in religione strenuus, & in exterioribus curis per omnia providus. & prefuit 11. annis. Huius Abbatis tempore. Conradus dictus Lützelstain Episcopus Augustensis intravit religionem apud S. Udalricum, sub anno salutis. 1156.

Udalricus de Riberbach, successit anno Domini 1159. prefuit 24 annis, & tres menses.

Heinricus II. de Mayfach, vir pudicus & castus, & litterarum scientia satis eruditus. successit anno Domini. 1171. & prefuit sex annis.

Manigoldus. Prior huius loci, multo tenio confectus, qui pene quinquaginta annos. in officio prioratus prefuit, & multa utilis, consilio & actione sub prefatis Abbatibus peregit. successit autem in Abbacia, anno Domini 1177. & prefuit 6. annis. octo mensibus. diebus undecim.

§. In huius Patris extremis temporibus, sub anno salutis 1183. Indictione prima, 16. Kal. Augusti, in die S. Alexij confessoris, circa horam nonam in meridie, cum nimius esset estus, fabrica quedam in valle sita, igne ex estuans, vicinas domos, & inde omnes officinas, tandem claustrum & Ecclesiam SS. Udalrici & Aphre, mira celeritate in favillas redegit, ita ut in proxima cena, nec panis ad victum superesset, nec tugurium, in quo proxima nocte fratres quiescerent, Dispersi ergo per civitatem fratres, pro nimia afflictione debebat eos vivere, Tandem resumptis viribus domicilia ceperunt edificare, in quibus ad Divinum servitium, & ad cultum religionis peragendum, se pro posse receperunt &c. Vide latius de translatione S. Udalrici Episcopi.

Henricus III. successit anno Domini 1183. & presuit septem annis, mensibus sex. Hic fuit Prior huius loci, Vir castus & pudicus. & in spiritualibus, ac in religione, quantum tunc temporis exerceri potuit, devotus & discretus, nec minus in exteriori cura. providus & studiosus. §. Hic etiam muris veteris claustrum funditus everfis, novas. & ampliores officinas reparavit, & alia multa perfecit, quæ causa brevitate hic obmittuntur. §. Sub ipso etiam facta est nova consecratio Monasterii, per Archiepiscopum Conradum Moguntinensem & Udalscalcum Augustensem, & Ottonem secundum Frisingensem, qui etiam consecravit capellam S. Bartholomei Apostoli, ac per Hermanum Monasteriensem, & Ottonem Eistetenensem. Huic facto interfuit Fridericus I. Imperator, cum tribus filiis suis, ac aliis Principibus. Nam & ipse Imperator maxima devocione. cum tribus Episcopis, portavit S. Udalrici corpus, ad Sarcophagum, in quo usque hodie requiescit, quod factum est anno Domini. 1187. feria secunda post octavam pasce. prout usque in presens per Diocesim colitur. §. Obiit autem Henricus venerandus Abbas 6. idus Decembris.

Erchinboldus Abbas eligitur anno Domini 1190. in die Conceptionis S. Marie V. & presuit 10. annis. §. Hic fieri procuravit columnas lapideas, pro ambitu Monasterii. Ille fuit Vir elegantis persone & forme. nec non morum adornatus honestate. Sed. prematura morte obiit, 4. nonas Marcij.

Udalricus II. Abbas eligitur anno Domini. 1200. & presuit quatuor annis. §. Ille prius fuit Prior. & multo senior Predecessore suo, ob quam causam adhuc vivens, pastoralis se cura abdicavit.

Henri-

Heinricus de Belshaim, huius nominis IV. successit anno Domini, 1204. & prefuit 12. annis. Hic fuit Vir bone conversacionis & fame, cunctisque affabilis, pius & largus, & hospitalis existens, omniâque malens vultu placido & miti animo, quàm rigore & severitate ordinare & iudicare, ac multa bona peregit, & monasterio suo exhibuit.

Dieto II. Abbas eligitur anno Domini. 1216. & prefuit 6. annis. Hic fuit Monachus Faucensis, vir probitate conspicuus, & in temporalibus satis providus & honestus.

Luitfridus successit in Abbacia anno Domini 1222. & prefuit octo annis, Vir bonus & discretus in spiritalibus & temporalibus & resignavit voluntarie curam pastorem.

Hilteprandus Vir bone conversacionis, ac providus in temporalibus. successit anno Domini. 1230. & prefuit 13. annis.

Gebinus de Türrhaim, Abbas eligitur. Anno Domini 1243. prefuit 23. annis. & resignavit voluntarie Officium Abbacie.

Dietricus Alienigena, frater Wolthardi postea Augustensis Episcopi Cognomine de Rott, successit anno Domini 1266. Vir bonus, sed simplex. Et prefuit 22. annis, ac obiit nonis Maij.

Sibotto, dictus Curiat Cervus (aliàs Stoltzhirs) in Abbatem eligitur anno Domini 1288. in die SS. Martirum Gordiani & Epimachi. Sed postmodum opposuit se ei Wolthardus Episcopus Augustensis & quedam pars ex fratribus consentientibus Episcopo, deponitur. Et prefuit tantum quatuor annis, cum auxilio consanguineorum suorum. Hic post deposicionem, ordinatur pro custode sacristie.

Heinricus V. de Hugnach, successit anno Domini. 1292. & prefuit 22. annis.

Marquardus de Hageln, ex Ordine Predicatorum, eligitur in Abbatem anno Domini 1314. & prefuit 20. annis. menses octo, & obiit tercio nonas Maij. Hic fuit Vir magnificæ bonitatis.

Conradus I. dictus Winckler huius Monasterii professus, successit in Abbacia anno Domini 1334. tercio nonas Maij, & confirmatur in secunda feria Penth. ordinatur verò in Dominica Sancte Trinitatis. Et prefuit.

Johannes I. de Wschach. Abbas eligitur anno Domini & prefuit 11. annis. Hic optimè rexit Gregem sibi commissum, & reliquit Monasterium in bono statu.

Fridericus de Gimeringen. successit anno Domini.

Heinricus

Heinricus VI. de Gabelpach. successit anno Domini . & prefuit 18. Annis. & deponitur propter suam negligenciam.

Johannes II. Lauginger dictus. Abbas in saucibus, ubi fatis bene rexit, postea huc vocatus, & electus in pastorem Animarum; & similiter optimus prefuit, ac fratres extra monasterium stantes, ad congregationem & unitatem Ecclesie revocavit.

Johannes III. Dictus Küssinger. presbiter & monachus nostre Congregationis, eligitur in Abbatem ad Ottenpeuren, & rexit ibidem aliquot annos. postea resignavit, & Abbas primus insulatus in loco professionis gloriosus efficitur & prefuit 25. Annis.

Heinricus VII. Hetzter vocatus, successit anno Domini . & prefuit 11. Annis.

Johannes IV. dictus Hochenstainer.

Melchior de Steinham.

Heinricus VIII. vocatus Friefs.

Johannes V. Güttinger.

Conradus II. dictus Mörlin, successit anno Domini.

Johannes VI. dictus Schrot, successit anno Domini.

Johannes VII. dictus Rüedlein (allis Kuenlin) successit in Abbacia. Anno Domini 1527. circa festum S. Jacobi Majoris.

IX.

*Instrumenta vetera, in prima parte hinc inde citata,
& quidem sub Wernero II. Abbate XXX.*

Ein Leibgeding. Brief.

Anno Domini 1325. in Vigilia Purificationis beate Marie Virginis hab ich Abt Bernher zu Wessinsprunn ein Guet ze Mutters gelegen, verleibt auf acht Leib, Ulrich Burger dem Alten zu Innsprunck umb dreyzehen March Berner, mit solchen Geding, das die vorgenannten acht Leib unsers Gottshauss laufenden Botten in das Wahl geben sollen der Kost auf den vorgenannten Guet. I. Wir sollen auch dem vorgenannten Gottshauss alle Jahr an den Herbst ze Urkund geben zwen weiß Hansschuch &c.

Ein Gagenbrief um Dipping, Menzing und Mosach.

Ech Ott Teufelhart Burger ze München, vergich öffentlichen an disen Brief, für mich und all mein Erben, das ich die Handvest, die ich
(K) da

da innen han, umb zway und dreyßig Pfund Münshuet-Pfenning über die Güter zu Obern Meningen, und da ze Pippingen, und auch ze Wislach, und yberall in demselben Amte, daß mir die Feinen Pfenning nit steht, auch keiner Schlachtpfandung darauf han, ich, noch mein Erben. Und das ich die vorgenannten Handvest innen han umb anderst nichts, denn umb ein Schirm dem Gottshaus ze Wessisbrunn, und wann mein Herr Abt Bernher ze Wessisbrunn, und auch der Convent, oder wer des Gottshaus Pfleger ist, der die vorgenannten Handvest voder, das ich und auch mein Erben die wider sollen antworten dem vorgenannten Gottshaus an all Pfenning, und an alle Forderung; und das dem vorgenannten Gottshaus daß stät beleib, gib ich ihn disen Brief, versigt mit meinem Insigl, das daran hanget. Das geschach, do man zahlt von Christi Geburt Tausend dreyshundert fünf und zwanzig, an dem Weissen Sonntag. Hac Dominica tunc incidebat in diem 14 Aprilis.

Ein Brief umb die Vogtey über 3. Hös ze Scheffoltzingen und ainen ze Neuenhausen.

Ich Chunrat von Wildenroth vergich öffentlich für mich und für all mein Erben, und thuen kunt allen den, die disen Brief ansehen, oder hören lesen, das ich mit verdachten Muth han geben ze kaufen recht und redlich die Vogtey, die ich hätt auf vier Hösen, deren drey gelegen sint ze Scheffoltzingen, und ainer ze Neuenhausen, die ich ze Lehen hätt von dem Gottshaus ze Wessisbrunn, dem Ehrfamen Herrn Abt Bernher ze Wessisbrunn und dem Convent daselbe, umb zehen Pfund gäber Augspurger-Pfenning, deren sie mich gar und gänzlich gewehrt haben: und soll ich und alle mein Erben nimmermehr kain Anspruch noch den vorgenannten Vogteyen haben; und was die voder Vogtey besser unt theurer ist, das ich dem Gottshaus Peters ze Wessisbrunn gibn lauter durch Gott, durch meiner Seel, und durch aller meiner vorderen Seel willen, und das ihnen das alles stät beleibe, von mir und von allen meinen Erben nicht vergessen wert, daß gib ich dem Gottshaus ze Wessisbrunn disen ofnen Brief ze behalten ze ainem wahren Urkunt, versigt mit meinem Insigl, das daran hanget. Das beschach, do man zahlt von Christi Geburt dreuzehen hundert Jahr, und darnach in dem zwainzigsten und fünften Jahr, an sant Veits-Tag.

Ich Wechtihilt Ulschalchs Hausfrau von Ehingen vergich allen den, die disen Brief ansehen, oder hören lesen, das ich berichtet bin mit dem

dem Abt zu Weisbrunnen und mit seinem Gottshaus gar und gänglich, mit guten Willen, umb die Vogtey über 3. Hof da ze Schöffoldingen, die ich anspruch mit den Rechten, und klagt darauf, das mir mein Würlh Wschaltch zehen Pfund hätt geben ze rechter Margengab auf derselben Vogtey, und hätt auch mein Würlh die vorgenannte Vogtey ze derselben Zeit ze rechten Lehen von dem vorgenannten Gottshaus ze Weisbrunnen, und han auch ich mich derselben Vogtey verzigen auf des Reiches Strasse mit meinem Abde auf meinen Brästen, als man sich durch recht Margengab verzigen sol. Das ich, noch kein mein Erbe nimmer mehr kein Anspruch darnach sullen gehaben. Und han auch darumb empfangen von dem Abt von Weisbrunnen und von seinem Gottshaus vier Pfund Ausspurger-Pfenning, die ich an meinen Rug gelegt han. Wan ich eigens Insigl nicht hab, verbindt ich mich mit meinen Treuen, unter des Erbern Mannes Insigl Hermanns von Umenhofen, der daselben geualtiger Landrichter was ze Landsperg, stät ze haben, als das hie geschriben steht. Des sind Zeuge Herr Herman von Vorbach, Herr Eberhard von Pfugdorf, Herr Ulrich von Meilingen, Herrman von Pfugdorf, Engelshaltch von Meimandswang, der Schreyer von Lansperg, und Dainrich Schestlin daselben, und ander Erbes Leuth genug. Das geschach do man zalt von Christi Geburt Trizehen hundert Jahr, und darnach in dem 26sten Jahr, an den heiligen Auffarth-Tag. Hac festivitas illo anno incidebat in Calendas Maias.

Anno Domini 1327. an dem weissen Sontag hat Herr Gremolt Pfarrer zu Sant Peter bey Tyrol, für sich und all sein Erben ein Leibgeding-Brief, supplendum est hic: ausgericht oder empfangen, umb acht uren Weins, Vogner-Masse, aus ainem Hof ze Grätzsch, genannt in den Aigen, mit aller Kostung einen Prälaten, ober wen er schichte an seiner statt, ze Nachts und Morgens den Tisch mit Speis, Wein, und Guetter, unverzigenlich auf dem vorgenannten Leibgeding gehalten. Dominica in Albis illo anno erat die 19. Aprillis.

Ein Gerichts-Brief umb Leuth und Guet auf dem Forst, und ze Kerr.

Ich Ludweich der Apholtinger, Landrichter ze Landsperg, es uen funt allen den, die disen Brief ansehen oder hörent lesen, das Fraue Agnes,
(K) 2 die

die Bertolds des Grautters Haußfrau was, dem Gott gnade, ansprach vor mir auf den Rechten das Gottshaus ze Wesselsbrunnen, und den Abt umb den Hof da ze Grautt, der da ze Wesselsbrunnen gelegen ist; und sprach auch an Hainrichen den Grautter mit dem Rechten umb einen Hof, der ze Rott gelegen ist; und sprach auch an Friderichen den Grautter mit dem Rechten umb einen Vogthof, der ze Rott gelegen ist, und umb einen Hof, der der Grabhof geheissen ist, der in der Pfarre ze Wesselsbrunne gelegen ist, und umb acht Menschen, die hie geschriben stent, das ist, Hainrich der Swegler, und seine zwen Sün; Hainrich der Zuchler, und Hainrich der Trüller, und Chunrat der Dorfmaister, und sein Haußfrau Diemut, und seinen Brudern Hainrich der Dorfmaister, da sie auch umb ansprach die vorgenannten Grautter, das sie auf Leuth und Guet, die hie geschriben stent, hätt ihr Haimsteuer, und ihr Wargengab, und ihr Widerlegung. Dess antwurt ihr der von Wesselsbrunnen, und Hainrich, und Friderich seine Brüder, die Grautter alle drey, mit dem Rechten umb die Leuth und umb die Güter, da sie sich umb ansprach da ze Landsperg vor Dytum Wernhern, der selben tages an dem Rechten von meinen wegen sass, und enprassen auch Frauen Agnesen der von Wesselsbrunnen, und Hainrich und Friderich sein Brüder alle drey mit dem Rechten umb die Ansprach, da sie sie umb anlaget, umb Leuth und umb Guet, die hie geschriben stent. Und wurde ihn allen dreyen auch erthailt, das man sie ze Gürpan thätt mit dem Rechten umb die Leuth und umb die Güter, da sie Frau Agnes umb ansprach, und ward ihn auch mehr mit dem Rechten erthailt, was Frau Agnes Brief, hätt von Bertold dem Grautter, über die Leuth und Güter, die hie benennt stent, das ihnen allen dreyen die Brief unschädlich sullen seyn. Da ward ihnen auch mehr erthailt, das ich des meinen Brief ihnen solt geben ze einer wahren Urkunde, mit meinem hangenden Insigl, das auch daran hanget. Der Brief ward geben, da man zahlt von Christi geburt triuzehen hundert Jahr, und darnach in dem neun und zwainzigsten Jahr, an Sant Andres tag.

Anno Domini 1331. Indictione decima quarta, die Lunæ quarto intrante Februario Bozani in domo Domini Dietlini dicti Fpægel &c. Ihsque Venerabilis Vhr Dominus Wernherus Abbas monasterii & ecclesie de Wesselsbrunne locavit & concessit perpetuè iure hereditario pro libero & expedito allodio Michaeli de Bozano, & filio suo Michaeli, commoranti an dem Roin, unum mansum situm in pertinentiis de Griels, & vocatur Engelburgers Hof, & sunt tres pecie
tertz

terre cum vineis &c. Et debent insuper dicti conductores & eorum heredes dare & solvere perpetualiter iure * facti sive census, & iure fori omni anno in vindemia & tempore vindemiarum dicto Domino Abbati & suis successoribus, aut suo nuncio speciali, duodecim urnas vini de illo vino, quod nascetur in vineis superscriptis, vel de alijs tam bono, si non nasceretur. Et insuper viginti solidi debentur pro censu: debent & tenentur dicti conductores & heredes eorum ipsum censum Abbati & suis successoribus assignare omni anno perpetue in Bozanum, in quocumque cellarium ipse Dominus Abbas vel sui nuncii voluerint, sine omnibus expensis Monasterii &c. Vide latius instrumentum. Ego Perchtoldus Stainboch Imperiali auctoritate Notarius his interfui rogatus & scripsi.

*. an facti?

Anno Domini 1336. an Sant Mathens tag des heiligen Euangelisten und zwelfspoten, hab ich Friderich der Grautter, für mich, und all mein Erben, geben ein Berichts, Brieff Adelhayde Schusterin, und allen ihren Erben, geseffen auf den Mantelhof und Hagenlehen umb alle Ansprüche vergangner Zins und Dienst 2c.

Anno Domini 1343. an Sant Gallen tag haben wir Bernher Abt und der Conuent ze Wesselsbrunne, unser Gäetter ze Reutt bey Schlossberg verleiht auf Erbrecht Richero & Sifrido Gebrüdere, und allen ihren Erben um 22. Mark Perner, die man zalmarch haisset, darmit wir etlich unser Velter gestillet haben. Es sollen, auch all ihr nachkommend Erben, zwaymahl im Jahr geben, zwaymahl an der Einfart in das Pürg, auch zwaymahl an Auffahrt, auf 6. Pferd, mit einem Koch, und einem lauffenden Knecht, und auf iegliches Mahl zwu Patseiden guets Weins, und dem lauffenden Wotten Nachesöl mit sambt der Kost, als oft das Noth geschicht 2c.

Anno 1351. tercia sexta post Walburgis in Maio haben wir Wolfhart und Ott Brüder, genannt die Zwarger geben einen Kundt, Brief dem Erbern Herren Abbt Bernhern von Wesselsbrunn, umb die 12. Schilling Pfening de Kurzen, die auf dem Hoff da ze Weyl, darauf der Kurz geseffen ist, ze Steuer gehn, und die in die Steuer Landesperger Gericht gehörent, haben wir uns verwilligt die treulich aufserichten an des Gotteshaus Schaden 2c.

(K) 3

Anno

Anno Domini 1353. feria 2da post Lutare hat Heinrich Seynshofer von Morenweiff vor Gericht zu Landsperg verriehen, das sein sunß Hoffrat daselbs gehören in das Dorffgericht zu Morenweiff.

Anno Domini 1359. an dem heiligen Pfingst-Abent haben wir Christian von den Batern, und Anna sein ehliche Wirtin, und ich Adelhait und Margret sein zwö Töchter, ein Gut zu yvel gelegen, zu rechten Leibgeding gekauft, zu unsern vier Leiben, von dem Würdigen Herrn Abt Wernhern zu Wesselsbrunne, umb zehen Marck und umb sibn Pfund guter und geber Perner, Meraner Münz. 2c. Und wan wir vorgeannt vier Leib gestorben sint, so ist das Gut dem Abt und Convent frey lebig von Jahr zu Jahr ihren Erben zu lassen, in diser Bescheidenheit, das sy alle Jahr jährlich davon dienen sollen fünfzehn Pfund Perner der obgenannten Münze, und ain Pfund Perner zu Gebing geben. Und sollen einem Prelaten von Wesselsbrunne alle Jahr jährlich ein Mahl geben Abents und Morgens. Das sollen unser Erben nun nach unserm Tod, und sollen dann ihre Bau-Recht jährlich also verdienen, als vor geschriben stat 2c.

Anno Domini 1359. in die S. Valentini Daringers Abbt zu Peuren und Wernherus Greutter Abbt zu Wesselsbrunn habern einen Wechsel gethan umb das Kasten-Lehen zu Päll, darumb Abbt Wernher und sein Conuent geben hat dem von Peuren ein Hoff zu Müßen.

Anno Domini 1361. in vigilia Annunciationis Mariæ Virginis ain Leibgeding, Brief um die Zehant zu Landsperg und Berg, die der Jos Portner gekauft hat von Walthern von der alten Klingen und seiner ehlichen Frauen Katherinen. Diesen Zehant in Krafft dis Briefs hab ich benamter Jos geben und verleiht, und redlichen verkauft dem ersamen und weisen Ulrico Schreiber Burger zu Augspurg. Anno quo supra.

Anno Domini 1361. Indictione 14. die solis, decima mensis Octobris, Merani in domo mei Conradi de Akheim Notarij, dedit Instrumentum Ulricus Fleyser Wernhero Abbati pro duabus pecijs vinetis sub tali conditione, quandocunque Dominus Abbas aut Conventus vel eorum Officiales & nuncij ad eos venirent, quod ipsi vinum portationis ibidem habeant. Ideirco predictus Ulricus Fleyser eis dedit & persolvit florenos quinque boni auri & legalis ponderis &c.

Ich Ulrich der Torer, Richter zu Mönchen, Bergschund thun kunt, öffentlich mit dem Brief von Gericht wegen umb den Leuch, den Heinrich Chaeppelinam Purger zu Mönchen gethan solt haben hinc dem Erwürdigen geistlichen Herrn Abbt Wernhern von Gottes Genaden zu Wesslesbrunn umb 14. Schilling Pfennig, minder 13. Pfennig, die er ihm gelihen solt haben umb Wein, und umb Brod, und auch umb den Schaden den er sein genommen hiet: Desselben Zeugs hat er sich entgeben vor offenen Rechten. Und also ist der vorgenannt Herr Abbt Wernher des Tags mit dem Rechten entpraffen nach des Buchs sag, und als recht ist. Zu Urkund gib ich ihm den Brief von Gerichtswegen, versigelt mit meinem Insigl mit an Schaden. Das geschach nach Christi Geburt dreu- zehent hundert Jahr, und in dem zway und sechzigsten Jahr, an sant Michaels tag.

Wir Wernher von Gottes Genaden Abbt zu Wesslesbrunnen, und über all der Conuent daselben verichen offentlichen an disen Brief, das Herr Geymolt Pfarrer da zu Sant Peter bey tyrol kauft die torgel auf des Gottshaus aigen zu Gratsche mit Willen und Gungst Abbt Gebharts und auch des Conuents daselben über all, und dieselben torggel hat er geben ewiglichen durch Gott dem Conuent in das Oblay mit willen unser und unsers Conuents, und hat damit gestiftet ein ewige Messe in der nidern Capellen da zu unser Frauen, da sol man alle Sambstage haben ein Messe in den Ehren unser Lieben Frauen, und in derselben Messe ein Collecten von Sant Johansen Evangelisten, und soll auch dieselbe Messe nimmermehr abgehn; Und ob das wär, das der Convent die Messe nicht haben wolt, so soll haben vollen Gewalt, wer darn Abbt und Herre ist, einen oder zwayen, die die Mess haben wollen, das vorgenannte Gelt von der torggel geben, das die Messe ewiglichen besorgen werde; Und das das also stat beleib, darumb geben wir disen Brief versigelten mit unsern Insigeln, die beyde daran hangent. Das geschach, do man zahlt von Christi Geburt triuizehen hundert Jahr, und darnach in dem zwey und treysgosten Jahr, an Sant Katherinen tag.

X

*Decani & Parochi Fœderi Defunctorum subscribentes
Landspërge sub Abb. Paulo I. fol. 321.*

Das bin ich vorgenannter Walrab von Sindigen Kirchherr und Pochand zu Landspërge: ich vorgenannter Otte von Eulenshausen Kirchherr

herr und Eechand zu Bögenhausen: und ich Jobst Buchenbrunner Kirchherr zu Eresingen, ich Eckart Kirchherr zu Schwöringen, ich Cunrad der Taniger Kirchherr zu Stadt, ich Herrmann Kirchherr zu Reichlingen, Ich Johannes Kirchherr zu Pirgen, ich Hainrich Scheitler Kirchherr zu Mosenweiß, ich Jordan der Hering Kirchherr zu Biehren, ich Cunrad der Sandauer Kirchherr zu Schwabhausen, Ich Berchtold der Bömes Kirchherr zu Ludenhausen, Ich Hermann der Durgensfelder Kirchherr zu Durgenueld, Ich Heinrich der Namer Kirchherr zu Stöffen, Ich Cunrad Kirchherr zu Hoffleten, ich Hainrich von Sindigen Kirchherr zu Scheffeltigen, ich Hainrich der Blöß Pfarrer zu Sandau, Ich Berchtold der Hodes Pfarrer zu Uttingen, Ich Hainrich Pfarrer zu Wallershausen, Ich Albrecht Pfarrer zu Kaufringen, Ich Hainrich der Schwabhauser Pfarrer zu Mosenweiß, Ich Hainrich Eckart Pfarrer zu Denzing, Ich Johannes Pfarrer zu Weile, & post aliquot laicos: Ich Peter von Menchingen Capplan zu Landsberg. Post pauca: der Brief ist geben, do man zahlt von Christi Geburt Dreizehen hundert Jahr, und darnach in dem Einzigigsten Jahre an Sankt Johannis Tag zu Eundenen.

XI.

Sententia Ernesti & Wilhelmi Ducum.

Spruch-Brief von Herzog Ernst und Wilhelm über den See zu Zell und die Eifenschmide darbey gelegen zwischen Wessosbrunn und Dießen 1415. sub Abb. Eberhardo f. 332.

Wir Ernst und Wilhelm von Gottes Gnaden Pfalzgrauen bey Rhein und Herzogen in Bayern u. bekennen öffentlich mit dem Brief umb die Zuspruch, die der Ehrsame unser lieber andechtiger der Probst und das Convent gemeinlich unsers Gottshauses zu Dießen, hants dem ersamen unserm lieben andechtigen dem Abbt und dem Convent unsers Gottshauses zu Wessosbrunn gehabt hat von des Sees wegen, der gelegen ist bey Zell zwischen des Walts und des Pnyssenbergs, dem das obgenannt Gottshaus zu Wessosbrunn aufgefangen, und zu Früchten pracht hat. Und auch von der Schmit des Eysenhamers wegen, der unter demselben See gelegen ist, daß si von derselben Nodrung und Spruch wegen einen plossen Hintergangt hinter Uns gerhan haben. Und wie wir so mit samts unserm Räten darumb entscheiden. Dahay füllen und wollen so gern

gern pleyßen. Also sprechen wir zum ersten, das der obgenannt Seemß auch die Schmit des obgenannten Eysenhamers um Fürpaß ewiglichen an all Anspruch per dem obgenannten Gottshauß zu Wesselsbrunn pleyßen sollen. und die nügen und niessen, als andere des Gottshauß aigen gut. Darnach sprechen wir, das der obgenannt Abbt und Convent unsers Gottshauß zu Wesselsbrunn dem egenannten Probst und Convent unsers Gottshauß zu Diessen für ihr rechts aigen übergeben und einantworten sollen mit namen den Sündhof. Den Hof da der Schmid auffsetz und die Hueb und das Lehen in dem Dorf zu Raisting, und den zehenden zu Tan gelegen in dem Dyesserwald. Und daß soll der obgenannt Abbt und das Convent zu Wesselsbrunn thun und vollenden inner vierzeihen Tag nach Datum diß priess. Wolt er aber die obgenannten Stuchh von seinen Gottshauß mit geben noch empstremden so soll er dem Probst und unsern Gottshauß zu Dyessen für die obgenannten Stuchh. sibenzig pfundt Müncher Pfening geben. Und im inner vierzeihen tagen darumb genueg thuen nach seiner notdurfft, das er in der obgenannten Summ an allen schaden inner Jarfrist nach datum diß priess richten und bezahlen well. Mit Brfund deß priess der geben, und zu München mit unsern Insigeln versigelt ist an sant Johannis tag zu Eünden Anno Domini MCCCCXV.

XII.

*Documenta negotiationum sub Friderico Abbate
ad fol. 336.*

1. **A** Nno Nativitatis Domini 1429. die vicesima mensis octobris Religiosus vir dominus Fridericus Venerabilis Abbas Monasterii S. Petri in Wesselsbrun Ord. S. Bened. presente & confirmante Religioso viro Domino Stephano Pawr fratre conventuali jure locationis concessit Heinricho genero olim Petri villici ab Awr & sue Domine Barbare quoddam bonum situm zu Gratsch in plebe S. Petri de Tyrol in Aygn nuncupatum &c.

2. Anno Domini 1425. An sant Veitstag hab ich Abt Friderich von Wessebrunn und das Convent daselbs abgelöst den Sedlhof mit sambt dem Turn zu Penzingen mit aller Zugehörung von Hans Pfennigman und Cecilien seiner hausfrauen, die Leibgeding und erbrecht darauf gehabt haben, umb LXII. gut reinlich &c

3. Anno Domini 1422. Infra Octavam Pentecostes hab ich Hain-

L

rich

rich Hermans sun von Hausen, auf rat probst Jacoben ze Dyessen und probst Wilhelm von Pollingen einen heyrat und gerichtsbrief geben meinem gnedigen herrn Abt Friderich ze Wessesprunn, das ich und mein Hausfrau und alle unsere kind fürpas ewiglichen aygen sind &c.

4. Anno Domini 1420. An sant Thomas tag ist geben worden ein gerichtsbrief umb Purgstal auf dem Forst, genant ein hueb, lechen von Wilhelm Hunthaimer, Hainzen Prugstaler, und Hainzen Locher, pelizende &c.

Notandum, quod ea, quæ sub Urbano, postea S. Magni Abbate diximus, in Nota (i) folio 340. inveniuntur.

Similiter necessarium non est integram Pauli II. Papæ clementissimam Bullam hîc repetere, cum substantia eius circa ecclesias Rottensem & Illingensem iam expressa sit fol. 356.

XIII.

Nomina Abbatum, & aliorum Provinciæ statuum Monachii congregatarum fol. 357. num. 12. ex Codice Sebastiani Ranck.

Vermerekt die, so aus der Landschafft von Prelaten, Rittersn und Stetten geordnet sein Herzog Christoph aus sein enthaltus bericht haben, auch die gesigelt haben, die Bericht und Ainigung der vier Fürsten Gebriedern Herzogen in obern und nideren Bairen, in maß wie hernach gescriben stat.

Oberland.

Abt Pauls von Wessesprunn.
 Brobst Johans Vond von Pollingen.
 Herr Haug Parsperger.
 Herr Sigmund Frauberger.
 Caspar Thorer.
 - - Schmiher.

Niderland.

Der Abt von Prözell.
 Der von Münster.
 Herr Hainrich Nothafft.
 Herr Ludwig Paulsdorffer.
 Hans Judman.

Hay.

Haybech.
Straubing.
Kelheim.

Sigler im Niderland.

Altach.
Prufening.
Prüel.
Straubingen.
Tegkendorff.
Kelheim.

Aus der Ritterschafft.

Herr Johans von Stauff.
Herr Hainrich Nothafft.
Sigmund Puchberger.
Hans Satlpoger.
Peter Rainer.
Herr Ludwig Paulstorffer.
Dietrich Haybech.

Sigler in Oberland.

Abt Conrat von Tegernsee.
Abt Pauls von Wellesprunn.
Probst zu Undensdorff.

Ritterschafft.

Herr Johans von Abensperg.
Sigmund Frauberger.
Herr Haug von Parsperg.
Herr Hans Thorer.
Herr Veit von Egloffstein.
Stephan Schilli.
Wolfgang Waldau.

Stetten.

München.
Landsperg.
Weilham.

Scripti hac eodem ordine, quo Sebastianus Ranck, ne cui præjudicium excitarem seriem inventam pervertendo.

XIV.

Thassilonis Abbatis LV. Epitaphium

Thassilo

Abbas Wessofontanus, LV.

Natus 1666. Profess. 1688. Sacerdos 1697.

Electus 1706. 13. Octob.

Cui Wessonis fontes novum
 claustrum; hæc Ecclesia aras
 fere omnes, duo SS. Corpora,
 Sodalitates duas;

S. P. Benedictus hoc Sacellum,

SS. Vigilius, Margarita, Leonardus
 nova templa debent.

Ereptus ovibus Pius Pastor,

Ordinis Propagator, Musis Mœcenas,

Pauperibus Pater, omnibus omnia,


Vale dixit terris A. 1743. 21. April.

tu viator, heic accubanti

Post assiduos pacis, geminatos belli labores

Precare

Requiem æternam.



JUBILÆUM QUIRINALE,

CUM

EMINENTISSIMUS S. R. E. CARDINALIS
ANGELUS MARIA QUIRINUS

S. R. E. BIBLIOTHECARIUS,

BRIXIÆ EPISCOPUS,

QUINTUM

AB ADITA EPISCOPATUS HUIUS SEDE
LUSTRUM

*IPSIS NATALITIIS CONDITI A SE APUD S.
EUSTACHIUM CLERICALIS COLLEGII FESTIS,*

ILLUSTRARET,

GRATULATORIO CARMINE
CELEBRATUM

AB HUMILLIMIS

MUSIS WESSOFFONTANIS.

EMINENTISSIMO, AC REVERENDISSIMO
DOMINO, DOMINO

ANGELO MARIAE
QUIRINO

DEI ET APOSTOLICÆ SEDIS GRATIA S.
R. E. TITULI S. PRAXEDIS IN URBE PRESBYTERO

CARDINALI,

NEC NON

TITULI ECCLESIAE S. MARCI

COMMENDATARIO,

SACRAE ROMANAE ECCLESIAE

BIBLIOTHECARIO,

AC

EPISCOPO BRIXIENSI,

DOMINO DOMINO

CLEMENTISSIMO.

D.D.C.

HUMILLIMAE MUSAE
WESSOPONTANÆ.

PRÆFATIO AD LECTOREM.

E Pistola Eminentissimi Cardinalis QUIRINI ad D. Be-
dam Abbatem Wessofontanum clementissimo voto signa-
tur, ut iste post iubilæum S. Professionis suæ alterum
iubilæum viginti quinque annis desumendum absolvat, quale
ipse EMINENTISSIMUS PATER eodem hoc anno ab adi-
to Episcopatu Brixiano se confecisse fatetur. Officii igitur
nostri esse putavimus, tanto Ecclesiæ Principi, Purpurato Pa-
tri, & Episcopo, ac super omnia Sodalitatis Wessofontana
sub Immaculata DEI Matris patrocinio Proceßori, Mona-
sterii verò nostri Patrono ac Mæcenati vere Maximo, pro-
nare voluntate, quàm ingenii facultate, gratulari præseri-
tum, & alterum quoque sanctissimi Muneris sui Jubilæum
enixe precari. Verùm tametsi cum Virgilio Marone dicere
non audeamus:

Si canimus silvas, silvæ sint consule dignæ.

Perspectum tamen habeo Eminentissimi Principis animum,
cuius insignis bonitas (quemadmodum Cæsar Augustus Tity-
rum) post aliq̃ me quoque

Ludere, quæ vellem, calamo permisit agresti.

Quisquis hæc legeris, boni consule quaecunque hoc Wess-
fontana Gratiitudinis monumentum.

JUBI-



JUBILÆUM QUIRINALE.

Aurea nunc iterum, Divis moderantibus, ætas
 Exoritur. Post quinque novus iam lustra QUIRINUS,
 Ille decus Venerum, magnæ celeberrima Romæ
 Gloria, & ille tuus, fortissima (a) Brixia, Præsul,
 Quem non Italiæ solum, sed & externa regna
 Virtutis, Sophiæque novum ceu numen adorant,
 Ille exantatis merita inter opima tot annis
 Ecce novum orditur suscepti muneris ævum. (b)

Plaudite Pierides, Phæbo nunc plaudite vestro,
 Aurea pulsantes votis ardentibus astra,
 Nullæ ut splendorem nebulæ, nulla invida nubes
 Subducant oculis, Pindi quæis maximus Atlas
 Immortale decus, mundoque stupenda QUIRINUS
 Incrementa dedit. Felix o Brixia gaude
 Præfule sub tanto nullum moritura per ævum,
 Quo duce cuncta tuum surget per sæcula nomen.

Non Martis tantum, sed & Arx laudabere doctæ
 Palladis, ingenti dum Bibliotheca labore
 Præfulis, ac sumptu, Tiberino à littore venit
 Divitias auctura tuas, quibus ipse QUIRINUS
 Nudavit sese, & totas tibi, Brixia, donat.

A 3

Plaudite

Plaude Quirinæ vix suppare, Brixia, templo,
 Quod centum & plures annos, fundamine solo
 Cœptum, desierat, (c) solus post plurima lustra
 Perfectum ostendit populis, & marmore multo
 Ornatum, nulla ornandus sat laude QUIRINUS.
 Quàm doctum & zelo ardentem tibi, Brixia, Clerum,
 ANGELUS exercet, venator jure vocari
 Dignus, & Eustachii proprium sibi sumere nomen,
 Culmina ubi Superis, ubi limina condit alumnis
 Æternum factis Ecclesiæ ad incrementum! (d)
 Non potuit meliore epochâ celebrari annus,
 Hic nisi, qui mitra quintos viceſimus instat,
 Magne Quirine, tuæ, cui pridem te altæ parant.
 Novimus hoc equidem, te ad Cœcyrææ vocatum
 Littora, tam Græcis, quàm ipsis placuisse Latinis: (e)
 His Ciceronis eras, illis Demosthenis instar.
 Nam quæ linguarum, seu Gallica, sive Pelasga
 Ingenium fugisse tuum, quis Tullius, aut quis
 Euclides potuit? (f) Maro quis, vel Horatius? omnes
 (Mirantur dictu est) uno sub pectore claudis.

Quid linguas memoro? quid amicas prædico Musas?
 Torrentem eloquiū, quem per sacra pulpita pridem
 Sparsisti, & nunquam, dum vivis, spargere cessas
 Miramur. Quot iam per cuncta Europica regna
 Numine cœlesti plenas, Fideique magistra
 Volvuntur chartæ! (g) Quid non Ecclesia debet
 Illi, Pontificum qui dudum Acta omnia novit,
 Qui Synodos, qui Concilia, & monumenta verenda
 Sacra vetustatis jam funditus hausit, & ultra
 Ardet adhuc haurios in mundum effundere rivos!

Hoc ex Oceano largissima flumina mittes
 Omnigenæ doctrinæ, & lectos nactus alumnos
 ANGELUS Angelicos, aliósque, QUIRINE, Quirites
 Efficies, promptos magnæ defendere Romæ
 Dogmata, & in cunctos calamo verbove timendum
 Hæreticos hinc, inde in cuncta stringere ferrum.

Hæc ego dum cecini, Phæbus mihi vellicat autem,
 Et (quonam usque ibis *grandi promissor biatu?*)
 Admonet: An speras pelagus describere laudum,
 Quas meruit? credisne pari cernere minerva
 Tot cum vatibus, ornavit quos laurea Phæbi
 Emeritos cantando, fatigatosque reliquit?
 Fige tibi fines *ad aqua*, quam *W*esso reclusit,
Lene caput sacra, atque oculis spectata recense.

Cedo Deo. Vos, quævis propius spectare QUIRINUM
 Purpureæque togæ licet oscula figere limbis,
 Narrate, & totum populus vulgate per orbem,
 Quas Romæ moles, quæ templa erexerit illæ,
 Onarique, & spectatum omnem traxerit Urbem.
 Brizia dic, quis amor Sebim, intèrque virentes
 Benaci lymphas, Alpes hinc inter, & Olli
 Flumina succendat gentes. (h) Germania testis
 Esto, & quæ septem colitis, propiora Triones
 Regna, QUIRINALI præconia dicite Mitæ.

At vos, Wessoni Fontes, nunc ordo canendi
 Invitat, meritasque PATRI depromere grates
 PURPUREO, qui sponte suos vos esse clientes
 Ante alios voluit: neque fallimur, aut ut amantes
 Dulcia quisque sibi fabricamus somnia; namque
 Morpheæ non opus est accersere: facta loquuntur.

ANGELUS, Ausonii inter lumina prima Senatûs,
 Teutonicas iter impavidum molitus ad oras,
 Post alias, Bavari visit quæ limitis ædes,
 Venit & ad Fontes, triplici quos amne repertos
 Wessoni tribuant veteres, & nomina claustrî.

Tantus apex non dedignatus tecta subire
 Haud equidem tanto (quis dixerit?) hospite digna,
 Grata tamen, placido annutu, facieque serena
 Suscepit facilis pro paupere præstita censu
 Obsequia. Hanc faciem (famaletur fabula factis)
 Credo fuisse Jovi, Phrygiæ cum egressus ad oras

Pauperis elegit parere Philemonis hospes,
 Pomâque, castaneâsque, & pressi fercula lactis
 Nectar & ambrosiam sibi propinata putavit.
 Nec minus hospitii pretium tulit ipse Philemon,
 Attonitus postquam testis se comperit, ipsum
 Excepisse Jovem, & vegetæ promissa senectæ
 Auduit, in viridem mutandus denique laurum.

O fortunatos, quoscum cœnare **QUIRINUM**,
 Quoscum sermones serere, & doctissima quævis
 Colloquia inferre haud piguit, fixosque stupore
 Detinuit, Cicerôque novus nos nectare pavit!
 Vidimus, assiduo noctemque diemque labore
 Trivisse, & lætum veteres evolvere libros,
 Quos pia Dimodæ, & Ludevici industria scripsit.
 (Illa, atque hic septi claustro Wessoni ad undas.) (1)

Nox abiit, rediitque dies, rediêre feraces
 Doctrinæ omnigenæ fontes, Sophiæque canales,
 Quos etiam externi nobiscum hausere sodales. (k)
 Talibus alloquiis, Musis & Apolline dignis,
 Erecti fuimus: crevit fiducia cunctis.
 Dum cortina patet, tripodem rimarier ausi
 Sæpius, & nostras tibi commendare Camœnas
 Quisque suas, adytis responsa poposcimus imis,
ALME PATER, dextérque omnes recreavit Apollo,
 Hæc fuit illa dies: at quænam aurora prævit?

PURPUREUS PRÆSUL, qualem annis pœne trecentis
 Cernere non licuit nostros invisere Fontes, (l)
 Maiori eloquio, nam Religione valeret,
 Tunc docuit, cùm ipsum ad sacram duximus **Ædem**.
 Quis verò illum æstum, **PULCHRÆ** quo **MATRIS** ad aram,
 Præveniens solis radios, sacra publica fecit,
 Dignè scripserit? Intuitus vix Virginis almam
 Icona, de puro fabricandam lampada vovit
 Argento, & votam factamque ad nostra remisit
 Limina, magnificamque, amplamque, & pondere multo,
 Grandibus argenti in medio quæ appensa catenis
 Illustri totum complevit mole sacellum.

Postquam dilectos fuit hora relinquere Fontes,
 Ad Montem Sanctum, cui nomen plurima Divum
 Pignora donârunt, hinc Amœnz in fittore clarum
 Pollingam molitus iter (iam brumâ rigebat,
 Spargebátque nives) desertam invisere Valem
 VIRGINIS (m) ardebat rapidi memorem Vulcani,
 Quo perit Claustrum, templumque insigni furentes
 Collapsum in flammâ, miseris solatia rebus
 Ut pius afferret: mox postem præpetis Oens
 Transmisit, niviâsque hybernâs nubibus Alpes.

Nec tamen absentis memóri de corde QUIRINI
 Wessonis vitreos furax oblivid fontes
 Abstulit, aut animum patriæ post longa videndæ
 Tempora vicis amor, cœcûmque ad visa reliquit.
 Non ILLI *fuius* Troës, (n) sed amore perenni
 Dilecta NOSTER pro Troia stabat APOLLO.
 Námque Tridentinam trajectis alpihus urbem
 Dum venit, patrios propè cernens surgere fumos,
 Non ILLI in patriam citius dulcésque penâtes
 Ire cupido fuit, charos quàm viseret amnès
 Wessonis, calamo saltem, eum voce nequireret.
 Sedit, & à brumæ glacie nivibûsque rigente
 Dextorâ ad attonitum dignatus scribere Bedam
 (Nam quis ob immeritum non obstupuisset honorem?)
 Exposuitque vias obitas, patriique favoris
 Pignora certa dedit, nullum morituta per ævum.

Nec soli eximium Bedæ largitur amorem,
 Sed quidquid Bedæ est, memori sub pectore gestat.
 Et, si Pastorem sincero diligit igni,
 Non leviùs dilexit oves: harum illi labores
 Adjuvat, & gemitus tollit, dextrâque potenti
 Sulentat dubios, animum trepidantibus addit,
 Roborat audentes, & pabula fida ministrat.
 Addidit & laudes, quas testis epistola prodit
 Plurima, tum solis quæ cognita Fontibus hæret
 Scripta manu, & nobis pluteo servata fidelis:
 Tum curâ IPSIUS, Cenomani munere præi

Edita, Wessonis demulcet amoribus undas. (o)
 Fabor enim ingenuè: studio sudata QUIRINI
 Pagina nulla latet Fontes, donatæque largam
 PURPUREI efficiunt pretiosa volumina PATRIS
 Bibliothecam, (p) & erunt monumenta æterna favoris.

Wessinæ Aonides! paplò majora canamus,
 Nulla licèt sit laus cantando hoc Præsule digna.
 Quis fuit ille dies, longis ambagibus actam,
 Pérque nives, glaciémque, & cano vellere tectos
 Montes ac valles, per multa pericla viarum,
 NURSIADÆ PATRIS Statuam cùm cernere nobis
 Contigit, excelsū donum immortale Quirini?
 Argento hæc solido, & vivæ fabricata figurâ
 Reclusos cœlorum aditus, terrâsque, salûmque,
 Astrorûmque faces, radio collecta sub uso,
 Mirantis faciem PATRIS, cœu degeret, aut iam
 Ereptus terris cœlesti in lumine Nomen.
 Cerneret, attonitis nobis, populôque stupenti
 Exhibuit. Mora nulla: humeris subière feretrum
 Certantes, aliique vices mutare parati
 Pugnant, & citius Statuæ succedere gaudent.
 Campani interea sonitus pererebuit æris,
 Et tonitru multo resoni tormenta metalli
 Implevère auras, vicinâque-rura boata,

Jámque subit sacras cœlestis machina portas,
 Atque in marmorea placidè deponitur ara,
 Auguriis actus Divûm quam struxerat Abbas
 Thaisilo: (q) cùm nobis aliud mirabile donum
 Inclusum apparet Statuæ: spectabilis illud
 Pars erat, ex almo BENEDICTI sumpta MONARCHÆ
 Brachio. O egregium cœli de munere donum!
 Juglandis superat molem; argumentâque canæ
 Clara vetustatis pulchrâ fuliginè monstrat. (r)

Unde, oro, nostris donum hoc venerabile terris?
 Non sat erat MAGNI Statuam misisse Parentis,
 Cui collatæ aliæ, anterior quas fecerat ætas

**Ædis in ornatum pro censu pauperis ævis.
Vix pumilos æquare queant? Coelestia dona
Insuper accedunt, & pars de corpore, cuius
Brachia mirificas olim ostendere Cæsaro
Virtutes, quarum imperio nunc paruit unda,
Nunc rapida flammæ, quo & reclusa sepulcra
Restituere, quibus solem spes dempta videndi.**

**O nostræ pignus fidei! Salve PATRIARCHA
Maxime, quem totum parva hac in parte videmus,
Præsentemque suis omni venerabimur ævo.**

**Non fallit spes firma animos: testata canemus.
Altera lux aderat, BENEDICTI à funere clara
Felicique obitu, nostris lux festa colonis
Et populis multis, quos ad solennia semper
Sacra trahit pietas, cœli tractura favores.
Consortæ in templo plebes; solæque reliquæ
Vix uno custode domus. Fiducia tutos
Reddit, & immemores; quid fata sinistra valerent.**

**Villa fuit procul in alto spectabilis alto
Plena boum & fœni, summo quod mittere tecto
Jumentis solet attentus de more Menalcas.
Præter vernam unum fuit, ancillamque segacem,
Solut hic in tectis, reliqui pueri atque puellæ
Dum ad Fontes properant visuri ingentia festa,
Hesternus quorum rumor compleverat agros.
Cum subito cineris datum captiva dolosi
Flamma repentino fumantia tecta furore
Corripit: accelerantur opes, vicinque propinquum
Præcipitat famula: ad Wessonis claustra citatus
Verna volat, tamque ossa tremens, quam pallidos ora
Irruit in templum: funesto murmure notos,
Ferte citi lymphas, clamans, exstinguite flammæ,
Evocat. Interea infesto iam cum igne Menalcas
Luctatur: furno erumpens iam flamma minatur
Postremum exitum laribus; verum unicus ille
Quid faceret contra torrentem avidi Vulcani?**


Sponte stetit gliscens, nec adhuc grassarier ausus
 Mulciber in pestem villæ, reblémque repressit.
 Cuius enim imperio? BENEDICTI brachio adactum
 Hinc patuit, tanto quòd tempore mator ignis
 Se tenuit, donec longinquis exeita villis
 Ponere turba modum flammis, Neptuniæque arma
 Objicere accurrit, quamquam iam non opus, ultro
 MAGNO à NURSIADÉ missis decessit alumois.

Troiugæ infanti, quæ vos dementia cepit,
 Scanderet ut vestros fatalis machina muros
 Foeta viris, vestràque manu? Mirabile donum
 Palladis in laudem? Quænam ista Sinonis ab ore
 Relligio? In Divos, magnis virtutibus orbem
 Qui quondam implêrunt, fiducia tutior armat
 Christicolæ. Vos pestem urbi, interitumque tulistis:
 Nos flammarum uno BENEDICTI ex offe medelam. (s)

Quo duce sed nostros talis fortuna penates
 Defendit, nisi TE, Wessonis mœnia tanto
 Qui cumulas thesauro, & spem metuentibus affers
 Usque inconcussam? Sup rî pro muere lustra
 Altera quinque tibi, postquam iam quinque tulisti
 PRÆSUL (& ô quantus, quàmque omni cognitus orbi,
 Quàm celebrer Romæ, & dilecto charus ovili!)
 Mathusalæque annos tribuant, si tempora ferrent
 Fixa homini, summus neque metas poneret ævo
 Arbitr. At si vulgi animas, naucique putandas,
 Quæ neque magna Deo, patriæve, aut civibus unquam
 Commoda contulerant, centenos vincere soles (t)
 Vidimus, abijcienda mihi & spargenda per auras
 Spes erit? In superos, in templa, in castra Minervæ,
 In totam Europam, torvî usque Aquilonis ad oras,
 Talibus insignem meritis, cui mellea suada
 Nestoris inedit, suadæque medulla, QUIRINUM
 Nestoreos etiam provivere posse per annos,
 Et quinis Mitræ lustris quinque altera lætum
 Jungere desperem? Certatim accurrite Nymphæ,

Flumina Wessonis quarum sunt credita curis :
Mecum omnes socia ad coelos effundite vbra.

Qui celsa super arces sedes, mundumque gubernas
Omnipotens, attende preces & vota petentum,
Quæ gratus profundit amor. Tueare QUIRINUM
Longius, Arctos saltem quem sæpe per Alpes,
Sæpe per hybernas valles, Adriatica sæpe
Marmora duxisti incelsam, extremosque Britannos.
Serva temporibus PATREM, quem Brixia multo
Exposcit gemitu : quem Alomanna & Norica tellus
Æternum cupiunt. Attende ingentia templa
Ipsius impensis erecta; attende, Camoenis,
Quæ solia & dignas divina Palladæ sedes
Struxit, & innumeris conscripta volumina chartis.
Aspice ad Eustachii modò condita culmina templum,
Unde Sacerdotum seminis surget in omnem
Suffectura usum, quemcunque Ecclesia poscet.
Aspice pauperibus constructa mapalia turmis,
Occultas & opes, largo quas gurgite fudit
Commiserans, Christi que tui promissa revolvem.
Quanta, vide, extremis nobis longèque repositis
Præstiterit, Fontesque novo illustraverit ASTRO, (u)
Cui citò se sociam promissa SCHOLASTICA junget.
Accipe de nostris, illiusque adjice lustris,
Ut post lustra decem Jubilæum (x) complect annum,
Quo primum INSIGNEM venerata est Brixia PATREM.
Juverit & natos post nos vidisse QUIRINUM,
Atque reliquisse hæc miranda nepotibus ora,
Quæ nec apud Lethæa nobis oblivio tollet.



NOTÆ.

- (a) Inter civitates Italiae, quarum singulae singulas ludes habent, Brixia vocatur ARMATA.
- (b) Nempe ab adito Episcopatu Brixiano. Quamdiu verò iam Religio-
nem professus, aut Sacerdotio initiatus fuerit, me lateat: sicut &
quamdiu Corcyrae Archiepiscopum egerit. Iamque omni jure quin-
que gesti Episcopatus lustra verum Jubilæum vocamus, cum ætatis
quindena iam lustra, id est, septuaginta quinque annos iam emensus
sit Eminentissimus Cardinalis.
- (c) Videri desuper potest Epistola II. D. Abbatis Antonii Sambucci,
italicè Salodii, latinè à me edita Augustæ Vindel. anno 1749. num.
V. VI. & seq.
- (d) Videatur iterum tam Sambucci, quàm mea Epistola I. num. IX.
Nemo tunc noverat, quo fine ædificium istud moliretur Episcopus
zelosissimus. Videmus nunc ex epistola Eiusdem ad D. Abbatem
nostrum, nuper Brixianis, nuac Augustanis typis edita.
- (e) In Comment. de Rebus Card. QUIRINI.
- (f) Illustravit Ipse Elementa Euclidis.
- (g) Epistolæ nimirum, quarum plures iam Decades publicæ luci com-
misit, maxime ad Heterodoxos convincendos.
- (h) Fines hi sunt Agri Brixiani ab Abrahamo Ortelio nominati in libro,
cui titulus: *Theatrum Orbis terrarum.* fol. 73.
- (i) De Diemode Inclusa Wessofontana egi in Historia West. Sæc. IV.
pag. 166. De Ludovico Monacho West. Sæc. V. pag. 257. Horum
volumina quædam exhibuisse memini Eminentissimo Clar. P. Alpho-
sum Campi Bibliothecarium Wessofontanum.
- (k) Aderat enim Reverendiss. D. Placidus Abbas Schyrensis Congreg.
Bav. Aderat Vir Clar. D. Eusebius Amort Canon. Reg. Pollingensis,
Sæcra. Ep. Angustiani Theologus.

(1) Anno

(l) Anno 1452. venit ad Fontes nostros Em. Nicolaus Cusanus S. R. E. Presb. Card. S. Petri ad Vincula, ut testatur Hist. Wessofont. Sæc. VII. pag. 349. num. 9. & 10.

(m) Monasterium nra. Ettalense, quod nomen à deserto, vasta, solitaria valle accepit, Desparæ-consecratum, tunc diro incendio, paucis mibus exceptis, prostratum; cuius ruinas largissimo dono Em. Quirinus refecit.

(n) Non fuimus Em. Quirino, non animo excidimus, sicut Virg. in contrarium canit de Trojanis: *Fuimus Troës, fuit Ilium &c.* sed adhuc sumus, ut præcedens Eius epistola testatur.

(o) Clementissime suscepit *Fama Mariano-Wessofontana*, germanico stylo edi solita, *synopsin latinam* cum Dedicatione: *Reflexionem Criticam* in ideam Divini Amoris: *Responsionem Apologeticam* ad Animadversiones in Reflexionem: *Calum Christiamum*, seu Considerationes in Vitam Christi Symbolis illustratam: *Epistolas geminas Abb. D. Ant. Sambucca* ex Italico in Latinum translata: præsertim *Concordantias S. Scriptura operâ Religiosorum Monasterii Wessofontani novâ methodo adornatas*, quas idem Emin. Card. in præcedente epistola commendavit.

(p) Omitto, quæ, olim visa, nunc ad manum non sunt. Epistolarum Card. Reginaldi Poli, Commentariorum de rebus ad Card. A. M. Quirinum pertinentibus, Epistolarum ad SS. P. Benedictum XIV. P. M. ad Episc. Card. Mechliniensem, ad Principem Abb. Campidonensem recorder. Hoc hæc anno ab Em. QUIRINO scriptæ sub manu mihi sunt

Die 3. Aprilis ad Virum Clar. Abrahamum Gotth. Kästnerum Mathematicæ publ. Professore in Academia Lipsiensi,

Die 5. Maij ad Vir. Cl. Georg. Guil. Kirchmajerum Consil. Reg. & Prof. publ. in Universitate Vitterbergenſi.

Die 31. Maij Epistolæ tres ad Nobilem Virum Andream Quirinum Senatorem Venetum ex Italico Idiomate in latinum conversæ.


Die 18. Julii ad Ampliss. Virum Flaminium Cornelium Senatorem Venetum.

Die 13. Augusti ad SS. D. N. Benedictum XIV.

Et harum Epistolarum singulæ iusti Tractatûs nomen merentur.

(q) Oblit

- (q) Obijt Thafillo Abb. Wessofont. anno 1743, die 27. Aprilis, cui eodem anno (serius ob turbas bellicas) electus die 30. Julii successit Beda Abb. modernus.
- (r) Testimonium publicum de venerabili hac Particula ex brachio S. Benedicti Abb. Monachorum Patris extracta nobis transmissum & signatum 20. Febr. 1753. legi potest in Hist. Wessof. pag. 500. Legatur & præcedens Epistola.
- (s) Lege sis hoc loco Emin. Card. QUIRINI Monitum ad Heterodoxos, quod eodem hoc anno cum Epistola Bedæ Abb. nostræ, extincti per S. Benedicti suffragia incendii teste, Mediolani publicavit Reverendiss. P. D. Felix Marius Nerinius Congregationis Monachorum S. Hieronymi de Italia Abbas Generalis; & nos cum dicta epistola Monitum hoc edidimus in Historia Wessofontana pag. 501.
- (t) Nihil novum hoc est in Germania, præsertim in montosis regionibus, ut viri & foeminae centum & plures annos vivende superent, etiam de vulgo nati.
- (u) Statua nempe argentea, & particula de brachio SS. P. Benedicti.
- (x) Jubilæum. Exemplo Mantuani primas corripui. Vid. Proſodia controversa Riccioli.



CORONA

ANNI MILLESIMI,

QUEM A PRIMA FUNDATIONE

MONASTERIUM

WESSOFONTANUM,

JUBILÆI VERO, SEU QUINQUAGESIMI,

QUEM A PRIMA S. RELIGIONIS PROFESSIONE

Reverendissimus D. BEDA

EFJUSDEM COENOBII ABBAS CELEBRABAT,

SEU

EMINENTISSIMI CARDINALIS

ANGELI Mariæ QUIRINI,

S. R. E. BIBLIOTHECarii, BRIXIÆ EPISCOPI

AD REVERENDISSIMUM PATREM

D. BEDAM

ABBATEM WESSOFONTANUM

ET CONGREGATIONIS BENEDICTINO - BAVARIÆ

PRÆSIDEM GENERALEM

EPISTOLA.

PRÆFATIO AD LECTOREM.

VErè hanc Epistolam Corona nomine appellamus, qua Historia Monasterii nostri jam pæne ad finem perducta subito supervenit, nec meritis nobis, nec sperantibus. Præcesserant pridem copiosa à Sanctissimo D. N. Benedicto XIV. Pont. Maximo Indulgentiæ, non solis nobis, sed omnibus iis clementissimè concessa, qui nobiscum DEO pro tam diuturna cœnobii conservatione gratias agerent. Subsequitur Purpurati Patris alia, qua S. Patriarcha Benedicti pretiosa Reliquia cum ejusdem argentea Statua nobis munificentissimè donata fortissimè vindicatur: ut gemino Authore, Sanctissimo illo, hoc Eminentissimo dicere possimus: Benedices, imò benedixisti, Coronæ anni tui. Ps. 46. Addidimus Epistola breves & paucas notas, quas nemini obtrudimus, cum, quantus sit Quirinus, ex Epistola pateat: subtrahere tamen Lectori nolimus, ut grata voluntati, si non officio pro modulo nostro satisfaciamus.

✻ 4 ✻

Ædium Collegii mei Ecclesiastici (c) binis hisce autumnalibus mensibus celebranda, quæque profecto fausto omine carere censerem, quoties Clericalistyracinii in eo Collegio instituendi primum experimentum absque me spectatore & moderatore caperetur. Quò animo, qua cura, quibus sumptibus Ædes illas construxerim, intellexistis Vos omnes ex Pastoralibus literis, quarum exemplar nuperrime huc transmissi; quare non dubito veniam faciles mihi duros, si sollicitè caveam, ne ea Natalitia, me peregre abeunte, inauspicata contingant. (d)

II. Hæc ipsa causa efficiet, ne interesse valeam Solemniis, quæ cultu ultra consuetudinem insigni in honorem Conceptionis Immaculatæ Mariæ Virginis a Confraternitate eo titulo insignita proximis mensibus recoli istuc debere mihi scripsit pius & doctus Cœnobita vester Pater Veremundus ejusdem Confraternitatis Præses, magnopere meurgens, ne iisdem, quoniam Protectoris nomen gerō, (e) mea deforet præsentia. Deerit hæc autem, ut dixi, quandoquidem statim ac autumnus decesserit, vrear, oportet, minas hibernas, quæ certe Italo homini quindena jam lustra numeranti (f) Germanicum iter minime suaderent. Accipite vero quam rationem excogitaverim damnum, quod ex mea ista absentia celebritatum vestrarum splendori obventurum putetis, compensandi. Eam ipsam inibo rationem, quæ menti meæ ante binos annos infedit,

insedit, dum publicis pro circumferendo sacro Corpore Divi Caroli Borromæi supplicationibus indictis a Mediolanensi Purpurato Metropolita, cujus ego Suffraganeus, minime interfui. Celebre illud Jurisconsultorum axioma, *Qui non habet in ære luat in corpore*, ita tunc inverti, ut multam mihi metipsum imposuerim luendi in ære quoniam corpore abfueram. Ornando itaque S. Caroli Sacello sicuti consulari curavi octo argentea Signa virtutes illas referentia, quarum odore, Visitatoris ille Apostolici in Dicecesi Brixiana munere fungens, eandem replevit; haud dissimili ratione Wessofontano Templo, quod superioribus mensibus ornavi Statua Divi Benedicti Monachorum Patriarchæ, (g) atque ab annis tribus Lampade ad aram Mariæ Virginis Immaculatæ suspendenda, (h) novum donarium adjiciam; videlicet Statuam Sanctæ Scholasticæ, ejusdem Patriarchæ Sororis, eamque, sua & ipsam instructam Reliquia, æque ac illa S. Benedicti, curabo ad Monasterium vestrum deduci, ante diem decimum proximi Februarii, in quem Divæ illius Sanctimonialium parentis Festum incurrit. (i)

III. Mentio autem, quam modo feci, Statuæ S. Benedicti, occasionem mihi præbet literis hisce meis vobis explicandi, quod valde me piguit prætermisisse in superioribus, quæ una cum eadem Statua Wessofontanum iter confecerunt. (k) Recitato siquidem ibidem luculento testimonio antiqui Chronistæ Le-

nenfis Abbatiae, Brixiano in agro sitae, quamque egomet fiduciario jure possideo, de Brachio S. Benedicti Brixiam delato ab annis jam mille e Casinen- si Monasterio, satis habui eo testimonio demonstra- re, nullam de Brachio illo, quod hinc quoque tem- poribus inter insigniores Brixiae Reliquias asservatur, oriri posse controversiam. At vix exaratis a me li- teris illis animadverti per Lenense illud testimonium æque certe definiri controversiam de sacro Corpore S. Benedicti inter Italos, & Gallos Monachos acer- rime a sesquisæculo agitatam, & nostra hac etiam ætate exardescentem; definiri, inquam, ita ut vi- ctoria Casinatibus meis in posterum absque dubio sit adjudicanda. Quomodo autem rem conficiam, æquis quæso auribus accipite.

IV. Eruditissimus Mabillonius Gallorum suorum causam strenue, quod fieri posset, agere satagit primo in Dissertatione edita in Actis SS. Ord. S. Be- ned. Sæc. II. P. I. deinde in Annalib. Benedictin. at- que in postremis hinc refringere conatur argumen- ta, quæ Casinatum causæ patroni, ac præsertim An- gelus de Nuce Abbas primum Casinenfis, postea Ar- chiep. Rossanensis ad eandem tuendam in medium attulerant. Profert primo loco idem Mabillonius eorundem Annal. T. I. auctoritatem Adrevaldi Mo- nachi Floriacensis, quem vixisse tradit Sæc. IX. de- inde Anonymi cujusdam ex Codice Monasterii Ra- tilponensis, quem affirmat conscriptum fuisse *ante*
annos

innos nongentos, Kalendariorum præterea non modo Gallicanorum, sed etiam Germanicorum, imo Italicorum, quæ oculis suis se perspexisse testatur. At ineluctabile argumentum se desumere arbitratur ex Historia Pauli Warnefridi Monachi Casinensis, qui asserit „Francos e Cenomannicorum, & Aurelianensium partibus Casinum, ubi tunc vasta solitudo existerat, (1) simulconvenisse, ejusdemque „venerabilis Patris, pariterque ejus venerandæ germanæ Scholasticæ ossa abstulisse, & in patriam „suam asportasse, ubi duo Monasteria, unum in S. „Benedicti, alterum in Sanctæ Scholasticæ honorem constructa sunt., Hisce verbis ex Paulo Diacono a Mabillonio recitatis, subdit hic postea, iisdem Paulum hæc addere, *Os illud venerabile, & omni nectare suavius, & oculos semper cœlestia contuentes, cetera quoque membra quamvis resoluta in cineres penes Casinates remansisse.* Hæc scripsisse Paulum in ipso Monte Casino paulo post mortem Carolomanni Principis, qui jussu Abbatis sui Casinensis missus ad Pippinum Regem, germanum suum, Corpus sacrum beati Benedicti e Galliis revehere, sed frustra, tentavit, idem Mabillonius affirmat.

V. Adversus hæc omnia pro aris focisque arma sumunt Casinates, atque contendunt I. narrationi Translationis Corporum S. S. Benedicti & Scholasticæ in Gallias ab Adrevaldo, seu Adalberto Floriacensi Monacho sæc. IX. consarcinatae omnes subesse falsi-

falsitatis characteres. II. Adrevaldi narrationem mi-
 nime illi cohærere, quam ex Codice Ratisponensi
 exscripsit Mabillonius, Anonymumque illum potius
 Gallum credendum esse quam Germanum. III. Ni-
 mis gloriose excidisse Mabillonio in *vetustissimis qui-
 busque Martyrologiis*, se consignatam reperisse hanc
 Translationem, quin animadverteret quaecumque
 de ea legantur in illis Bedæ, Flori, Wandelberti,
 Uluardi, nihil Casinatum causæ officere. IV. Quod
 spectat ad Pauli Diaconi testimonium, hoc esse re-
 ferendum ad vulgi opinionem, quam retulerit qui-
 dem Paulus, non vero sit sequutus, quippe qui post
 narratam sacrorum Corporum subreptionem subdit,
 certum esse os, oculos, ac cætera S. Patriarchæ
 membra apud Casinates remansisse defluxa quidem
 & corrupta, scilicet ad invicem dissoluta, & divisa,
 ita tamen ut *illibata* dici possent, ut legitur in hujus
 Historiæ editione ex officina Plantiniana an. 1595.
 Paulum non in Casinensi monte Historiam Lango-
 bardorum, sed extra Italiam, & dum in Caroli
 Magni aula versaretur, conscripsisse probabilius vi-
 deri, eandemque Historiam correxisse postea Cali-
 ni, additis quæ oportuit, ac inter ista S. Patris exu-
 vias vindicando; Paulum denique pluribus locis suæ
 Historiæ, aliorumque Operum fassum fuisse Cor-
 pus S. Benedicti suo tempore Casini requiescere, &
 præsertim in Homilia quadam, quæ in pluribus Ca-
 sinensis Bibliothecæ Codicibus reperitur. V. Ad
 firmandam Casinatum possessionem iisdem testium
 cum

cum domesticorum, tum externorum magnam numerum suppetere. VI. Suppetere pariter innumera propemodum in Archivo Casinensi vel Autographa, vel exscripta monumenta. VII. Falso affirmare Mabillonium Petrum Diaconum in Sermone suo de inventione Corporis S. Benedicti, nugas tantum narrasse, & Romanorum Pontificum seu facta seu Bullas falso retulisse. VIII. Baronium Bullas a Casinatibus prolatas rejecisse, Floriacenses autem probasse ea tantum de causa, quod Casinatum Autographa nunquam viderit. (m).

VI. Hæc vero omnia, quæ eruditissime & copiosissime, ac maxime subtiliter in medium adducta fuisse reperio in Apologia addita Tomo VI. Annal. Benedict. Lucæ an. MDCCXLV. auctore Petro Maria Justiniano Monacho Casinate, deinde Episcopo primum Sagonensi, postea Albintimiliensi, etsi validissimum præsidium ministrent Casinatum causæ, præ illis tamen ad eam ipsam rem triumphare Lenensis mei Chronographi testimonium illico demonstrat. Ita illud se habet: *Non longe post introitum Regni (Desiderii) & inchoationem hujus Cœnobii (Lenensis) Dappino cooperante, & prænominato excellentissimo Rege translatus est a civitate Eneventum de Casino castro quedam Corporis partem Beatissimi atque Excellentissimi Confessoris Benedicti Abbatis, & ab urbe Roma Corpora Beatorum Martyrum Vitalis & Martialis, & in eodem sacrosanctum conditum est Cœnobio.*

Brevissimum Chronicon illud, quod primus in lucem eduxit Muratorius præmissio Monito, quo ejusdem venerandam antiquitatem commendat, initium sumit ab anno DLXVIII. progrediturque usque ad an. DCCCLXXXIII.

VII. Ex eo certe testimonio luce meridiana clarius elucet, vel centum annis post adeo jactatam a Mabillonio surreptionem Corporis S. Benedicti ita indubiam fidem apud Casinates viguisse sacrum illum thesaurum æque ac antea in eorum Monasterio requiescere, ut ejus partem, scilicet integrum Brachium ad Lenenses fratres suos dono transmiserint, idque eo ipso tempore quo Floriacenses commentum sunt, ceu superioris fabulæ laciniam, tentatam fuisse omnibus modis relationem ejusdem sacri Corporis e Monasterio Floriacensi ad Casinense. Itaque certo certius evincitur ex vulgitantum rumore, non ex propria sententia Paulum Diaconum eandem surreptionem retulisse in Historia Langobardorum, & quidem ex rumore per Gallias (n) parso quin ad Casinatum aures ullo pacto pervenerit; roburque inde sumunt plura argumenta, quibus in Apologia superius laudata ostenditur, gratis a Mabillonio, absque ullo scilicet fundamento scribi, Pauli Historiam compositam ab eo fuisse in Italia, imo in Monasterio ipso Casinensi. *Procumbit itaque Gallorum murus Achilles*, nam pro Achille suo jactat Mabillonius eundem Paulum, quem tamen constat a Casinatum parti-

partibus totum stetit, præsertim postquam non quidem studio, sed occasione data Lenensis Chronographus, Paulo Diacono suppar, luculentissime expressisse censendus est præsentiam Corporis S. Benedicti in Cœnobio Casinensi, hujus liberalitati erga Lenense perhibito testimonio. Quoniam vero integrum ejusdem Patriarchæ Brachium Brixiam adhuc possidere, certa prorsus res est, & æque certa exuvias Vitalis, & Martialis Martyrum ex urbe Roma ad Cœnobium Lenense translatas in eodem requiescere, nihil profecto deest, cur fides summa a quolibet seu æquo judice, seu honesto censore Chronistæ Lenensi adhibeatur.

VIII. Ex hac ipsa summa fide consequitur, numquam fore ut Casinates acquiescant Muratorii sententiæ. Hic Tomo II. Script. Rer. Italic. in lucem edens Epitomen Chronicorum Casinensium *Auctore, ut fertur, Anastasio Bibliothecario*, atque in eo Opusculo narrari comperiens, S. Benedicti ossa in Gallias asportata fuisse, eaque rursus Casinum delata, adductus est ad existimandum in celeberrimam illius Translationis quæstionem frustra tot vocibus effundi tum Casinates, tum Gallos, quandoquidem ambo in concordiam redigi facile possent admissa Anastasii illius narratione, de qua subdit, *Suspensio quidem gradu procedendum est Eruditis in amplectenda Anastasiana hac narratione, sed ab eadem rigide, atque omnino exhibilanda abstinendum fortassis est, quum Pau-*

li Diaconi auctoritas re consentire cum hac Scriptore videatur. Clariss. Muratorius, cui debemus, ut supra dixi, Chronici, Lenensis editionem, utique si animadvertisset ad testimonium a me ex eodem recitatum, mecum confidenter affirmasset, nullam de furto sacri Corporis oriri amplius posse suspicionem. Etsi autem Anastasii illius Opusculum ex Bibliotheca Italica, scilicet S. Georgii Majoris Venetiarum, prodierit, & quantumvis verosimile sit Casinatem Monachum ejusdem authorem haberi posse, neutrum hoc Chronici nostri auctoritatem immi-
nuit.

IX. Pauli Diaconi auctoritatem re consentire cum Anastasio illo, nemo Muratorio concesserit post expensam verborum Pauli interpretationem ab Apologista Casinate, (o) aliisque ante ipsum solide allegatam. Addam, perperam interpretatum fuisse ipsum Muratorium verba Mabillonii ad annum 795. Annal. Benedict. de miraculo surdi & muti *ad sacratissimum Corpus S. Benedicti*, ita scribentis: *Cum vero Paulus dicit* (in quadam ex suis Homiliis) *hunc sanatum fuisse ad sacratissimum Corpus S. Benedicti, id sine dubio intelligit de ejus tumulo, in qua beatissimi Patris Cineres, post ossium translationem in Gallias factam, superfuisse tradit in historia sua.* Ea verba Muratorius intelligit, perinde ac si Mabillonius per ea affirmasset, Paulum in ea Hom. *absque dubio* loquutum fuisse de Corpore S. Benedicti Floriaciposito, quare

quare Mabillonium carpens hæc subdit: *At Paulus suos Casinates ibi alloquitur, & ipsos ejusdem miraculi testes appellat, neque Casinates cum Floriacensibus versabantur.* Haud opus erat Mabillonium moneri a Muratoriō, Paulum in ea Homilia alloquutum fuisse Casinates, siquidem ipsemet Pauli verbis sua hæc inserit, *ait Casinates suos alloquens, & præterea idem manifeste indicat tumultum Casinatem, dum dicit S. Benedicti cineres, post ossium translationem in Gallias factam, ibidem superfuisse tradi a Paulo in Historia sua.* Mabillonii verba non eam notam, quam illis inurit Muratorius, sed aliam multo justius promeruissent, quod scilicet ille pro Corpore interpretetur *Cineres*, etsi Paulus quinquies vel sexies Corpus dixerit S. Benedicti Casini extare.

X. Aliam in Mabillonium censuram contorquendam suppeditat Pauli locus ab illo in Annal. recitatus; nam præterquam quod ibidem de suo addidit *in Casinensium consolationem* scriptum a Paulo fuisse, Cineres S. Benedicti Casini remansisse, Pauli verba ista suppressit, SED CERTUM EST NOBIS, quæ verba *εμπατικῶς* prolata latere ostendunt, Paulum illa subdidisse non in Casinensium tantum consolationem, sed ad detrahendam falsis rumoribus fidem, ac proinde ostendunt, ipsum Casini jam Monachum, ibique Historiam suam relegendem correxisse quæ de ea Translatione, inter Gallos dum degeret, inaudiverat. Redeo ad testimonium Lenense,

nenſe, & iterum dico, ipſum *a veneranda antiqui-
tatis Chroniſta* ſincera quadam ſimplicitate, non arte
ulla, aut fuco, ſed ere nata prolatum, vel ex ſe uno
Calinatum poſſeſſionem certo certius adſtruere, ideo-
que vanam oſtendere Mabillonii jactantiā, dum
ſcribit, *Unum habent Caſinenſes Leonem Marſicanum
Chronici ſui authorem, ejusque continuatorem Petrum
Diaconum, quibus Adrevaldus, Adelerius, & Aimoi-
nus Monachi Floriacenſes etate, ac proinde authoritate
ſuperiores ſunt.* Si modo in vivis degeret, diceret
bona fide Mabillonius (placet mihi ita vaticinari)
*Unum Caſinates habent Chroniſtam Lenenſem, unum
habent Brachium S. Benediſti Caſino Brixiam ſub ini-
tia regni Deſiderii delatum, atque utrumque triumph-
ale ſignum iſtud, malo fato noſtro, manu præferens hac
tempeſtate Brixianus Antiſtes, idemque Lenenſis Abbas
nos adigit, ut herbam victori porrigamus.*

XI. Contracta in hunc modum a me, in faſci-
culum ſcilicet exiguum, ampliffima legete, quæ ju-
ſto volumini materiam præbuiſſet, fatebor, Reve-
rendiffime Pater, laborem, quo modo deſunctus
ſum in eo breviario texendo, animum meum acrius
deſiderio incendiffe, quam antea, *Fontes Monaste-
rii tui adeundi, quippe ex iis pro certo habeo fore
ut mihi ad plenius illuſtrandam controverſiam, de
qua diſſerui, opulenta ſacræ eruditionis copia ma-
naret.* Quanta enim Tibi cura ſit Cœnobitas tuos
in bonarum diſciplinarum ſtudiis verſari, oculis ip-
ſe



e meis perspexi, librique ab iisdem compositi, & præ cæteris doctum & laboriosum ædèpòl Concordantiarum Biblicarum Opus (p) nuperrime evulgatum universo litterario orbi declaravit. Haustu itaque laticis vestri sitim meam sedassem; (q) idque non ea solum iudicio vestro subiciens, quæ mea Epistola ista complectitur, sed insuper una vobiscum ad examen revocans paris generis argumenta, quæ, dum Germaniam vestram pererrarem, quosdam veluti aculeos in mente mea reliquerunt.

XII. Translationem a Jo. Corporis S. Dionysii Areopagitæ e Gallia in Bavariam ad Civitatem Ratisbonam, & Translationem Corporis S. Marci Evangelistæ Venetiis ad Monasterium Augiæ-Divitis prope Constantiam. Ratisbonam adii, hospitemque me benigne excepit in Cœnobio S. Emmerami Jo. Baptista Abbas & S. R. I. Princeps, isque omnigena qua pollet doctrina inter exquisitas dapes, quibus ingenium meum discendi cupidum recreavit, legendos mihi obtulit optimæ notæ Codices manuscriptos, ac plurima effatus est, unde de veritate Translationis S. Dionysii edocerer, eaque omnia paulo post, biennio scilicet a meo in Italiam reditu, in publicam lucem eduxit libro conscripto, de quo ipsemet modeste admodum scripsit in Præfatione, *Se nullam certitudinem de veritate Translationis S. Dionysii Lectori obtrudere velle, nec posse, quam eam, quæ ex allatis in Dissertatione sua testimoniis, & dictis elici potest.*

Marci Evangelitæ animum meum aperuisse memini, dum Helveticum iter confeci, San-Gallensibus Monachis, qui me ex eorum Monasterio ad locum *Rofacio* dictum, subditumque San-Gallensi ditioni comiter deduxerunt. Statim enim ac Rosacium attigi, & in ædes Monasticas descendendi, memini, inquam, San-Gallensem Abbatem & Principem, Monachosque ejus socios Augiam-Divitem in lacu Brigantino sitam, sexque tantum leucis Constantia distantem, mihi digito monstrasse, inspectantique semel ac iterum dixisse, *Ea est.*

*Augia Dives agris, hortis, temploque, lacuque,
Fructibus hæc Dives, Dives abundat aquis.*

Profecto si regionem illam repeterem, edoctus jam eorum, quæ ad refutandam Augiensem fabulam, scilicet de Corpore S. Marci Venetiis furtim subducto & ad Monasterium illud devedto, eruditissime digessit Flaminius Cornelius Senator Venetus in priori parte Decadis XIII. Operis sui præclarissimi de antiquis Venetarum Ecclesiarum Monumentis, causam haberem, cur ei Disticho versiculum istum subjungerem,

Ditior at multo fabellis Augia Dives.

Ut verum fatear, visus est mihi Vir ille doctissimus
ceu novus Hercules in profligandis præsidio Criticæ
artis

tis omnifariam instructus, diffandisque ineptiis, atque quiquiliis, unde Augientes Coenobitæ fabellam, jam dixi, ornare consueverunt, adeo ut eidem Scrip-
tori aptari valeat Ovidianum illud de Hercule,

Septimus Augia stabulum labor egerit undis.

aud mollius tractasse me olim in Gallia Floriacenses
lonachos, etsi apud ipsos hospitarer, fidem facit nar-
tio, quam inserui Commentariorum de rebus meis
ol. I.

XIV. At de tribus hisce, aliisque hujuscemodi
translationibus quo caute & tute sentiamus, eundem
obis est *adVidentem*, consulenda nimirum sunt sapien-
tissima BENEDICTI XIV. de Beatific. & Canoniz.
olumina, nam in IV. tractantur luculentissime quæ-
siones ad Corpora, & Reliquias Sanctorum pertinen-
s. Gavilus autem sum quam maxime, dum ejusdem
IV. Part. II. cap. XXV. affirmare deprehendi SAN-
TISSIMUM AUTHOREM se Angelo de Nuce suf-
fragari admittenti, *aliquam particulam* (Corporum S.
Benedicti, & Scholasticæ) *potuisse in Gallias esse trans-*
latam, & hinc invaluisse opinionem prædictæ Translatio-
is. Quare subdit PONTIFEX, *Nec res profecto ali-*
se habere potest, citatque, ut id probet, binas Bullas
achariæ Papæ, & Alexandri II, quaternasque Visita-
ones, & inspectiones eorundem Corporum, scilicet
annis 1071. 1486. 1545. 1659.

XV. De omnibus hisce si datum fuisset jucundos
ter nos feri sermones prope lene caput aquæ Westo-
ntanæ, nullus tamen mihi jucundior, quam vobis ob

C

ocu-

rum Natalem diem pia Brixia in præsens peragit, initio hujus Epistolæ dixi, eaque occasione in mente vobis revocare, quod in literis prælo impressis die Novemb. an MDCCXLVIII. professus sum, nimirum Collegium Ecclesiasticum a Serenissimo Episcopo Lantgravio Darmstadiensi, in Oppido Pfaffenhulæ Augustanæ vestræ Diœcesis excitatum, & de quo, dum ad partes istas diverti, multus mihi fuit sermo cum religiosissimo Antistite illo (r) cogitationem animi non injecisse de pari consilio in Brixiana hac urbe capier

XVI. Hæc ipsa commemoratio exempli quod mihi itineranti vestra præbuit Bavaria, efficiet pro vobis veniam dari necessitati, quæ iter meum vestrum istud Monasterium hac tempestate remittitur. (s) Ea autem venia impetrata certos vos esse beo, me celebritatibus vestris, dum corpore abero, sentem animo ita ad futurum, ut plures alios in vestros annos Monasterio vestro apprecari non desinam. Jubilæum autem ejusdem meritissimo Pontificis viginti quinque saltem annis definitum, cujus est illud, quod ante paucos menses absolvi ego a Brixianam Diœcesim regendam adventu. (t) Fiet Deus, quæ pro vobis nuncupo, vota, mihi quæ sericors indulgeat, non quidem *dierum longitudo* sed ut nemo de me dicere valeat, video ædes Clerici, video Templum, video Sanctimonialium claustra pauperum tuguria, video Bibliothecas, Episcopum non video. (u) Itaque, ne id jure a quoquam

metur, vos omnes enixe rogo ut mei memineritis, quoties de more funditis ad Deum preces *pro fratribus nostris absentibus. Amen.*

Brixia die XV. Septembris an. MDCCLIII

XVII. P. S. Latus admodum ego Brixiam meam bina invicta documenta ministrasse ad propugnandam Casinatum meorum causam, de qua in hisce literis, cumulando eidem gaudio novum hic afferam Brixiae decus, quo pariter ea ipsa causa mirifice juvatur. Casinensis Monasterii post Langobardicam everisionem instauratio Brixiano civi, Abbatinimirum Petronaci debetur, isque eo adveniens Gregorii Sum. Pont. jussu adeo non invenit locum illum latibula, habitationemque ferarum evasisse, quod tamen Floriacenses, & ex iis Mabillonius pro re certa venditant, ut contra ibidem monachos aliquot ad sacra pignora Benedicti, & Scholasticæ custodienda residere repererit. Quomodo res acciderit, narrat Baronius Annal. T. VIII. an. DCLXIV. sociatque ei narrationi animadversiones quasdam, ex quibus patet, eundem nullo modo Floriacensibus, ut jactat Mabillonius, patrocinatum fuisse, quum potius Casinatibus faverit, nam inter cætera hæc habet: *Certe quidem quando Petronax Brixianus ad instaurandum locum perrexit, aliquos ibi residere invenit, pro ut idem Paulus Diaconus docet. Vel si velimus nimia oscitantia stertisse omnes, ut absque cultu veneranda lipsana dereliquerint, quomodo transferre ea Romam ad Lateranense Canobium in mentem potuit non venisse, tot præterlabentibus annis? Quod cum eos non fecisse constet, plane bene cultum tunc, & custoditum fuisse locum illum, aliquando restituendum, argumento est. Rursum vero, si innotuit Gallis, & iis magnopere exultantibus, Corpus Sancti Benedicti Floriacum esse translatum, cur non Floriacum, sed Casinum a Francorum principibus, & aliis innumeris undique confluentibus post hæc frequentes fuerunt pietatis ergo peregrinationes suscepta?*

XVIII. Postrema tantum earundem Baronii animadversionum verba textum Pauli Diaconi allegantia, ac una simul testantia ejus Scriptoris auctoritatem apud se plurimum valere, Floriacensium causæ quoquo modo inservirent; at nebulis quotquot hætenus textus ille exhalavit, tenuandis, imo omnino discutiendis satis jam esse debet Brachium S. Benedicti Lenensibus dono datum a Casinatibus permultos annos post decantatam adeo Gallicanam Translationem; nam donum illud, cujus certam fidem facit *veneranda Antiquitatis* Chronista, nullum dubitationi locum relinquit, commenticiam habendam esse eam Translationem, ac proinde Casinense Monasterium jugiter possedisse

non *Cineris* tantum sacrorum Pignorum, sed ossuetam, quorum unum Leqensibus fratribus suis fuerint impertiti.

XIX. Tandem mihimet ipsi gratulabor, quod curæ in hac Epistola susceptæ pro adstruenda ipsa Casinatam meorum possessione, veluti proluserim ego ante annos triginta, dum nimirum typis excudendam curavi Vitam S. Benedicti. In ea enim operæ pretium putavi anno 1723. publicare Angeli de Nuce Dissertationem de Benedicti exuviis Casini quiescentibus, quippe ipsa a typographis Parisiensibus in Editione Chronici Casinensis suppressa fuerat, & in quibusdam dumtaxat exemplaribus Italicis vulgata legebatur; & præterea Hymnum vulgavi ex Veteri Breviario Monasterii S. Zenonis Veronæ, quo Hymno fides sit unum tumulum servare Fratrem & Sororem, scilicet Benedictum, & Scholasticam. Utamque meam curam illam comiter laudat doctissimus Apologista Petrus Maria Justinianus; isque insuper me accenset Viris eruditis Peregrino, Phæbonio, Henschenio, Bollandio, Mabillonio, Montfauconio, quorum omnium oculis, ait, Archivi Casinensis authentica diplomata patuisse.

XX. Meum illud Opus hoc titulum præfert: *VITA Latino Græca S. P. BENEDICTI. Textus Latinus Authore Gregorio M. cum duobus Codd. MSS. Sublacenſibus nunc primum comparatur; exhibitis etiam variantibus veterum Editionum Lectionibus. Versio Græca Authore Zacharia Papa, eadem ratione cum Cod. MS. Abbatia Florentina confertur. Altera Pars Veterum Carmina, Sermones, & Homilias de S. P. BENEDICTO complectitur. Postrema variorum Notas in eandem Vitam, contractas, & ad examen revocatas in medium offert. Venetiis MDCCXXIII.* Subditur loco Epistolæ Nuncupatoriæ, seu Præfationis Elogium istud: *DIVO BENEDICTO Literarium Sublacenſis secessus Fructum eidem in sacra ejus Crypta Voto additum, Pietatis, gratique animi erga sanctissimum Parentem, atque Magistrum Monumentum dicat & offert Discipulorum ac Filiorum infimus.*

XXI. Hæc ego scribebam quintodecimo Encœniorum Collegii mei Ecclesiastici die, quibus dum assiduus intersum, præter modum gestio, oculis meis cernens nihil amplius a me posse desiderari, ut finem, quem mihi in Ædibus illis construendis ad formandos Cleri mei mores proposui, me undique assequutum fuisse cognoscam, seu quoad magnum sacris Ordinibus initiandorum conventum, seu ad sanctiorem disciplinam ibidem ab illis servatam, seu quoad Magistros divinarum rerum, quarum edocenda juvenus illa peritissimos. Itaque iter quod dudum hæc versiculis descripsi

*Quotidie dum pergo viam qua ducit ad Aedem
Eustachio sacram, baud Villa dulcedine captus,
Delicias Domino sit quovis apta parare
Illa suo, ast avidus surgentem visere molem
Formandis Cleri struxi quam moribus, illud
Lento, inquam, pede iter peragens legi, atque relegi
Galli Scriptoris Carmen, qua plena periclis
Nostri hujusce aevi Spectacula scenica monstrat.
iter, inquam, illud multo hilarius nunc repeto, nempe avidus
Crescentem segetem morati visere Cleri.*

NOTE

- (a) Tyrocinium i gressus Beda anno 1702. die 20. Septemb. solemnem Professionem edere debuerat anno 1703. exeunte Septembri: verum non poterat, cum Mars Austriacus universam inundans Bavariam Abbatem Virgilium & omnes monachos e monasterio in diversa exilia eiecisset. Tandem anni sequentis die 6. Januarii faventior stella fuit, & in festo Epiphaniæ Beda Deo solennia vota nuncupavit. Nos tempus emittendæ & jus, non emissæ attendimus.
- (b) Fundatum enim fuit juxta plerosque authores & vetera documenta anno post Christum natum 753. Authores in Historia Wessofontana Cap. I. §. II. copiose allegati.
- (c) Quod modestissimus Card. Quirinus exemplo Serenissimi Josephi Darmstadii, Episcopi nostri Augustani se fecisse inferius in hac Epistola Num. XV. fatetur. Et sanè Pfaffenhusanum Seminarium moratissimos jam Clericos, imò & utilissimos, protulit, & prolaturum meritò speratur, velut ex equo Trojano, *delectos Heroas, & insuperabile robur* ad universæ Ecclesiæ munimentum.
- (d) Hujus Collegii Ecclesiastici orthographiam exhibet numisma à Reverendissimo D. Felice Mario Nerinio Congregationis Monachorum S. Hieronymi de Italia Abbate Generali in Epistola II. ad Em. Card. Quirinum hac inscriptione:

*Pro
dignoscenda
vocatione
Ordinandorum
Brixia erectum
a fundamentis*

C 3

*Collegium
plaudente
Clero & populo
universo
Anno Jubilai
MDCCL.*

(e) Imò & exequor, potuist dicere Eminentissimus Protector. Et plane copiosissimè executus est, sicut testatur lampas argentea, quàm Brixiz fabricatam ad fontes Wessonis, & Aram ibidem Immaculatæ Matris, transmisit. Ad P. Veremundum idem hæc scripsit: *Gratissimus enim vero ac jucundissimus accidit honor, quem mihi tributum video, dum in Protectorem electus sum Confraternitatis, cui Paternitas Vestra dignissime præsudet.* Et post aliqua benevolentiz plena inquit: *Spondeo igitur, cordi mihi maximè fore omnem memoratæ Confraternitatis profectum, auxiliumque attenturum ad quamvis occasionem, ejusdem commoda promovendi.* Experti sumus hujus promissi fidem abeunde impletam.

(f) Nempe annum quintum supra septuagesimum numeranti.

(g) De hac insigni & speciosa Statua videri meretur Reverendiss. Nerinii Appendix ad tres epistolas suas Eminentissimo QUIRINO inscriptas, fol. LXIX. ubi primo locollitteras D. Bedæ Abbatis nostri ad Eundem Purpuratum nostrum scriptas recitat. In iis stupendum miraculum narratur, de incendio villæ Wessofontanæ in ipso Divi Benedicti festo, quo sacra ejus statua primùm in templo nostro exposita videbatur, durante Divino Officio, mirabiliter extincto, cujus beneficii authorem omnes sanctissimum Patriarcham nostrum collaudabant.

(h) De hac lampade in Historia Wessofontana fol. 494. num. 20. sic scripsimus: *Ad hanc denique, Aram Immaculatæ Matris, Purpuratus Ecclesiæ Princeps, Cardinalis Angelus Maria Quirinus, Sodalitatis Protector zelosissimus, votum, quod hic sacrificans fecerat, exsoluturus, lampadem ex argento splendidissimam suspendit.*

(i) Multæ nempe loco, ut supra dignatus est dicere. Ast ego dico: Injungis tibi met multam, generose QUIRINE:
Nursiadæ Patris est multa statuta Soror.
O! non hæc multa est, sed pignus grande coronæ,
Quam tibi de merito Virginis astra dabunt.

(k) Litteræ cum Statua SS. P. Benedicti allatæ typo mandatæ sunt in Historia Wessofontana fol. 500. & à Reverendissimo Abbate Nerinio in Appendixe trium ad Eminentissimum Card. Quirinum Epistolarum.

(l) Negat vastam hanc solitudinem Reverendiss. D. Erasmus Gattula Ab-

bas S. Matthæi & Cassinensis Archivi Custos adductis in testimonium duobus Emin. Card. Baronii locis ad annos 664. & 716 Hist. Abb. Cassin edita Venetiis anno 1733. fol. 11. colum. 1. & 2.

(m) Imò Baronium pro Cassinatium possessione sterisse, patet ex allegatis duobus ejusdem locis notâ præcedente. Accedit Paulus Diaconus Cassinensis, qui circa annum 778. ætate jam grandævus monachus evasit, ostendente Mabillonio, & de monasterii sui institutione sic scripsit: Petromax civis Brixianæ urbis divino amore compunctus Romam venit, hortatuque tunc Gregorii Apostolicæ Sedis Papæ Casinum castrum petit, atque ad sacrum CORPUS B. Patris BENEDICTI perveniens, ibi cum aliquibus simplicibus viris jam ante residentibus habitare cœpit &c. Eadem Hist. Abbatiz Cassin. fol. 18. §. III.

(n) *Ex rumore per Gallias sparso*, qui sub Imperatoribus Francis etiam in Germaniam nostram transiit, ubi Translatio S. Benedicti Calendario inscripta invenitur: verùm illa ex sententia SS. D. N. Benedicti XIV. Pont. Max. melius de particula aliqua sacri Corporis intelligitur. Vide inferiùs Num. XIV.

(o) Apologista hic superiùs Num. VI. nominatur Petrus Maria Justinianus Monachus Casinas, deinde Episcopus primùm Sagonensis, postea Albin-timiliensis, cujus Apologia anno 1745. in lucem prodit. Jam ante hunc plures alii heroes Cassinates certaverant hac ipsa de causa, uti Angelus de Nuce Abbas primùm Cassinensis, postea Archiepiscopus Rossanensis; Erasmus Gattula, sui, causæque securus historice loquitur, sola Casinatium firmamenta proponens, & in his conquiescens.

(p) SS. P. N. Benedictus XIV. Pont. Max. dedicandum sibi hoc opus clementissimo Brevi Apostolico excepit, quod Concordantiis novis præfixum post Dedicationem legi potest. Alterum itidem clementissimum Breve, quod misso sibi perlustratòque opere, gratis & amore paterno plenum remisit, Historiæ Monasterii Wessfontani inseruimus beneficii memores folio 508.

(q) Imò Tu nostram, EMINENTISSIME PATER. Namque

Exigui Fontes pelagus satiare valerent?

Næ Pelago nobis Ipse futurus eras.

Larga, PATER, parvis Wessonis flumina rivis

Attuleras: magnum hinc Oceanum bibimus.

(r) Toto etiam itinere Landspergâ ad fontes Wessonis suscepto, non alia dere, quàm laudatissimi Episcopi nostri suscepta Clericalis Seminarii erectione frequentior sermo fuit Eminentissimo Cardinali, quod Venerab. Beda, Abbas meus, me quoque comite, semper testabitur.

(s) Vidisses verò, si venire relicuisset, EMINENTISSIME PRINCEPS, ini-

no statim Millenarii nostri Legatum Serenissimi S. R. J. Electoris & Bavariæ Ducis, Virum Illustrissimum de sanguine Tœringano, aliosque sex ejusdem Stirpis Heroës, summis Togatæ, Sagatæque Palladis muneribus excellentes, quorum antiquissima Prosapia nunquam finet emori Fundationis nostræ memoriam, cum sola jam, extincto Wessonis stemmate, Taringeri posteritas testimonium illius perhibere possit. Illustrissimæ hujus Familiæ munificencia attulit in perpetuam rei memoriam craterem prægrandem ex argento, spisseque deauratum, Monasterioque donavit, in quo faberrimè Thassilonis venatio, præsentibus Taringero & Wessone instituta, inventique cœlesti augurio Fontes exhibentur. Vidisses etiam, PURPURATE EMINENTISSIME, singulis totius hebdomadæ diebus divina Officia à mitratis Præsulibus celebrari: quotidie ad confertum populum conciones ab optimis Oratoribus elaboratas haberi: diebus singulis numerosissimas plebes publica supplicatione properare ad Fontes nostros, ut Indulgentiæ plenariæ à SS. D. N. Benedicto XIV. pro toto ætæduo liberalissimè concessæ participes fierent. Neque ex villis tantum aut vicis, sed & civitatibus ac municipiis fiebat concursio, quæ longum esset hoc loco numerare, Recreasset certè Eminentiam suam eorum numerus, quorum hac unica septimana quindecim millia præculari confessione mundati ad Eucharisticum epulum accesserunt: *Soli Deo Gloria!*

(r) Memores monemur, EMINENTISSIME PATER. Verum quot Musæ sufficient ad summum Apollinem pro dignitate laudandum, qui viginti jam annis Parnassum Brixia à se excitatum in altius semper culmen educit! Moliemur aliquid? *Ut desint vires, tamen est laudanda voluntas.*

(u) Imo vel maxime. Nam

Structas formandis Cleri pro moribus ædes

Qui videt, & summo condita templa Deo:
Scipandis libris erecta ingentia tecta

Qui videt, & misero limina tuta gregi:

Etsi ILLUM haud videat, cujus stant PRÆSULIS ære,
Ille tamen plus, quam Præsulis ora videt.



Errata.

- fol. 376. Num. 14. lin. 13. Uti *lege* utinam.
ibid. lin. 18. istud *lege* istum.
fol. 378. post num. 20. *adde*: Henricus iste ultimus ex alieno monasterio
vocatus Wessonis Fontibus præfuit. Ab illo tempore nullum
aliunde postulavimus, sed ex gremio elegimus.
fol. 406. num. 5. lin. 10. inscripti *lege* subscripti.
fol. 408. num. 8. lin. 11. *lege* elegante arâ.
fol. 411. num. 1. lin. 3 *adde*: relictâ.
fol. 413. num. 6. lin. antepenult. *dele* præsentatio, *lege* nominatio.
fol. 423. num. 17. lin. 3. *post* Hofmarchiam suam *adde* Kûmbstorf-
fem.
fol. 425. num. 20. lin. 2. *lege* rubicunda.
fol. 426. num. 24. lin. 10. *lege* at cives.
ibid. lin. 13. cum *dele*.
fol. 426. n. 27. lin. 3. perhiberi *lege* prohiberi.
fol. 427. n. 4. lin. 7. clariss. *lege* chariss.
fol. 470. num. 23. lin. 2. per verem *lege* ver.



An den Buchbinder.

Die Blätter pag. 21. bis 26. müssen in dem ersten Theil
dieser Historie heraus genommen, und die, so an diesen Bogen
gedruckt seynd, dafür eingebunden werden.

